











精學編

北京大學《儒藏》編纂與研究中心

圖書在版編目(CIP)數據

儒藏.精華編.一九四:全二册/北京大學《儒藏》編纂與研究中心編.一北京:北京大學 出版社,2016.8

ISBN 978-7-301-11912-9

I.①儒··· II.①北··· III.①儒家 IV.①B222

中國版本圖書館CIP數據核字(2016)第224882號

書 名 儒藏(精華編一九四)(上下册)

RUZANG

著作責任者 北京大學《儒藏》編纂與研究中心 編

責任編輯 周粟 吴遠琴 王琳 沈瑩瑩 童祁 王應 魏奕元

標準書號 ISBN 978-7-301-11912-9

出版發行 北京大學出版社

網 址 http://www.pup.cn 新浪微博:@北京大學出版社

電子信箱 dianjiwenhua@126.com

電 話 郵購部62752015 發行部62750672 編輯部62756449

印刷者 北京中科印刷有限公司

經 銷 者 新華書店

787毫米×1092毫米 16開本 83.25印張 754千字

2016年8月第1版 2016年8月第1次印刷

定 價 1200.00元(上下册)

未經許可,不得以任何方式複製或抄襲本書之部分或全部内容。

版權所有, 侵權必究

舉報電話: 010-62752024 電子信箱: fd@pup.pku.edu.cn 圖書如有印裝質量問題,請與出版部聯繫,電話: 010-62756370



國家出版基金

目

項

教育部哲學社會科學研究重大課題攻關項目

北京大學「九八五工程」重點項目國家社會科學基金重大項目一十一五」國家重點圖書出版規劃項目・重大工程出版規劃



《儒藏》精華編第一九四册

子部儒學類

性理之屬 下册 心齋約言〔明〕王艮 涇野子内篇[明]吕柟

1075 1063

737

涇野子内篇

[明] 吕 柟 撰

語第十七 一一五	鷲峰東所語	内篇卷之四 二九	涇野子内
卷之十二 一一五	涇野子内篇	院語第六 二五	東林書院
語第十六 一〇五	鷲峰東所語:	屋語第五 二三	東林書屋
卷之十一 一〇五	涇野子内篇	篇卷之三 二三	涇野子内
語第十五 八九	鷲峰東所語:	書院語第四 一九	東林書
卷之十 八九	涇野子内篇:	精舍語第三 一三	雲槐精
語第十四 七五	鷲峰東所語	篇卷之二 一三	涇野子内
卷之九 七五	涇野子内篇:	雲槐精舍語第二 七	雲槐精
語第十三 六四	鷲峰東所語	舍語第一 一	雲槐精舍語第
卷之八 六四	涇野子内篇:	篇卷之一	涇野子内篇卷之
語第十二 五四	鷲峰東所語	(程默)五	序 三 ···
語第十一 五〇	柳灣精舍語	(陳昌積)三	序二
卷之七 五〇	涇野子内篇卷	内篇序(章詔)	涇野子内
語第十 四二	柳灣精舍語		校點説明
卷之六 四二	涇野子内篇卷		
語第八 三八	解梁書院語	金	E
 卷之五 	涇野子内篇:	· ·	1
第七 二九	端溪問答第		

	二 〇 五		太常南所語第二十七
	二 〇 五.		涇野子内篇卷之二十
	0		再過解州語第二十六
祖音	九九九	一十五	過江北行途中語第二十五
遭邪化斤吾食三卜豆	九三		鷲峰東所語第二十四
整矛子内第签之二十二 看官夕署部第三十四	九三		涇野子内篇卷之十九
深野子内篇卷之二十六	八二		鷲峰東所語第二十三
春官外署語第三十三	八一		涇野子内篇卷之十八
涇野子内篇卷之二十五	一七五		鷲峰東所語第二十二
太學語第三十二	一七五		涇野子内篇卷之十七
涇野子内篇卷之二十四	五七		鷲峰東所語第二十一
太學語第三十一	五七		涇野子内篇卷之十六
涇野子内篇卷之二十三	四六		鷲峰東所語第二十
乙未邵伯舟中語第三十	四六		涇野子内篇卷之十五
太常南所語第二十九	三九		鷲峰東所語第十九
涇野子内篇卷之二十二	三九		涇野子内篇卷之十四
太常南所語第二十八	三五		鷲峰東所語第十八
涇野子内篇卷之二十一			涇野子内篇卷之十三

校 點 説 明

答》、《 括《雲 官外署語》、《 語》、《太 編 槐 解 涇 由 常南 其 梁 精 門 子 書 舍 禮 弟子纂集 内篇》是 所 語 院 部 語 *, « 語 北 附 × 所 東 邵 明 語 而 林 伯 柳 代理 成。 書 舟 灣 中 屋 精 全 語 (院) 家 舍 書計二十 * 吕 語 ~ 語》、 柟 太 的 學 鷲 講 語 七 峰 端 *\ \(\lambda 卷, 東 溪 語 春 所 問 包 録

野,學 西 學 五 政 解 者。 五二七),陞)八)舉 州 者稱 引疾返 1柟(一 後 判 復官, 官 進 涇 野 鄉,築東郭 士 四 闢 南 第 先 七 入史館 解 京宗 生。 九 梁 授 書 陜 纂 别 翰 院 府 西 五 修《 墅、 林 經 高 四二),字仲 從 院 正 東 陵 歷 事 修 林書 德 講 歷 撰。 實 學 任 録 屋 正 南 因 以以 木 德三年(一 嘉 京 宦 靖 又 吏 官 别 會 部 貶 劉 六 號 四 方 考 年 山 瑾 涇

> 年 功 舍、驚 郎中、 陞 鄉 南 再 京 尚 峰 禮 講 寶寺 東 學 部 所 侍 於 等 卿、太常寺少卿, 郎, 北 處。 泉 仍 精 在 + 任 舍。 四 所 年, 講 年 調 學。 期間 六 或 + 子 講 四 監 學 卒, 年,致 祭 酒 柳 賜 謚 仕 次 灣

精

返

文

之,皆 氏中 足見其影響之廣。 柟 其門。」 南 江 南 殁 都 後, 與與 北 分其盛,一 吕 設 同 柟生平所至,皆 , 合約千餘 高陵 湛甘泉、鄒 位 書卷首《師説 持 人爲 心 時 喪。 篤 罷 東 市 行自好之士,多出 廓 計 》云: **^** 者三 以 共 明 聞,上 講 主 儒 日 學 一時 學 講 解 爲事,門下弟子 輟 先生 席東 案》卷八云: 朝 梁 一講 及 南 H 四 先生之 席 學 方學 幾 者 賜 與 祭 門。 陽 九 遍 者 盡 聞 明 出 載 大

集 問 館 易説 内 》等 獻 外篇》、《史約》、《 納 據《 翼》、《 數 明 種 文史》本 宋 書説 其 四 中《 子 要》、《 傳 抄 涇 載, 釋 小學釋 野 詩 吕 子 説 柟 内 南 序》、《 》、《寒暑 所 省 篇 著 > 較 奏 有 稿 春 集 秋 經 中 四 説 置 書 涇 地 志》、 解 反 野 因 映 詩 問 史 禮 T 文

吕柟的理學思想。

又, 柟 源 黄 爲 數 聖 其 即 泛 學 熾 行 學 皆 字以必人之從,不 常 明 宗義以 歸 X 之 践 從 實 在 以 儒學 教 聞 不 格 時 踐 履 薛 以 籍 終身不 四 切 物 爲 人,未嘗規 最 見 顯 瑄 躬 屬 庫 案》卷 於 柟 得 主 爲 之 以 爲 行 關 全 身, 吕 亦 尤 篤 窮 宗。」 知 變。 禮 中, 書 可 理 承 實。 首《 以 柟 總 教 只 寶 弱 北 河 其 先 爲 規 通 在 明 目 貴。 師 學 宋 嘗 津 本, 亦 顯 所 於 德 語 知 説 稱 之 張 斥 偏 人 性 守, 受 默 而 ^ 風 : 而 王守 乎? 載 方。 薛 之 四 其 作 後 譽 涇 亦 所 庫 柟 影 瑄 知 行。 止 野 可 仁 創 全 今不 創 師 之云 響 處 故 先 謂 言 但 關 書 其 河 事 驗 其 生 篤 總 且 事 學 良 論 東 渭 之。 所 實 議 信 在 目》 重 資 事 知 學 南 謂 弱 集 好 論 陽 躬 不 禀 之 薛 所 稱 派 窮 其 學 學 明 行 肯 造 理,不 敬 非 謂 大 世 者 以 學 心 詣 放 之, 知 以 成 清 矣。」 程 柟 有 學 以 者 過 淵 朱 爲 人 刻 是 爲 大 躬 其

長安人 從 明 代 馮 開 從 始。《 吾 修 涇 訂 野 該 子 書 内 篇 更 題 即 日 受 ^ 到 涇 學 野 先 者 生 的 語 推

> 不下 學 録》, 語 其 透 人 賀 悟,最 所 録 有 端縣《 序》 數十種 稱 功 稱 斯 精 最 清 道 先生 實 補 純 而 不 咸 刻 者 真 豐 淺 語 惟《内 序》稱 高 。」(《少墟集》卷十三《 可 四 録,言言皆 陵 與《西 年(一 涇 篇 頌 》最 野 道: 銘 八 吕 著 *\ \(\lambda 自 五 先 有 四) 躬 正 亦 生 明 行 最 而 蒙》並 補 難 N' 己。 代, 刻 得。」 得 吕 是 傳 中 先 吾 涇 書 不 流 生 關 野 朽 出 著 中 Ξ 先 最 書 理 原 生

及門 縉 炙既 之 請 粗 大 皆 器、金壇王 云 傳, 之 務 數 道 陳 與與 四 畢 德之 久,各 雖 吕 韶 友 盡 舉, 柚 甚 不 昌 在 夫 乃 久, 精 的 紀 友 敏, 是 得 聖 天 積 微, 及 鮮 賢 矣。」 標 遍 地 録 輩 幸 門 王 得 觀 之。 鬼 泊 數 身 分半 弟子 間 而 全 道 神 N' 諸 子 見。 莊 之具 之 嘗 之奥,古今人 參 H 同 章 席 誦 至 積 與 門 互 於 韶 之,竊仰 今年 昭。 要, 程 月 者 校 門 累,不 爲《 數 友 閱 下, 爲 秋 默、 百 學 涇 大 嘆 爰 人, 韶 張 物 之 雷 野 器 諸 日 與 偕 子 之 大 數 友 H 録 諸 新 大 辩 方, + 聞 内 重 既 友 安 聖 器 光、 篇 萬 備 至 欲 巨 經 胡 賢 諸 教, 言 謀 世 友 王 友 作 道 細 諸 刻 友 四刀 之 統 牛 精 親 大 序

之,以 所見之最早刻本(簡 全書之末,並 孟 篇 即 而 也。」落 未果。 》即 春,吕柟次子 公 元 早已 公 款 於 爲「嘉 五 五三二 編 天 + 成 付 下 五 吕 梓 靖 後 年 年。 並 哟 + 刊 世 後 謀 稱 補《涇 行 刊 萬 由 年歲 即 而 刻, 曆 此 這 萬 野 先 (本)。 推 是《 曆 次壬辰十二月 只 子 生 知 + 是 之 内 在 涇 五 因 志 篇 野 年(一 吕 吕 門 子 則 氏 柟 人 内 生 甚 録 不不 五 篇 吉 不 前 欲 1 拖 附 欲 **→** 日 七 傳 今 内 於 傳

事》)。 首 如 乾 告 吕吉人,而以校雠 知 子 刻 工,又 將 厥 内篇 隆本與 縣 序》的 成 原 但 乾 如 據吕吉人稱: 隆 置 》於 功。」(乾隆刻 仍 將 萬 於 四 府城 暫留 萬 年(一 曆本 履 書 曆 末 信 東董 任 本 的 捐 的 委 辦 七三九)夏,生員 每 差 俸 顔」(本 事 氏 學 卷 别 涇 重 吕吉人《跋》),是 高 之 家,令生員雷 野 梓。 士大夫惠然協力,不 乾隆刻 陵 先 子 縣 是形式上 的 内 事 並「委 記 篇 本 署」(《 録 門 樊景 党思睿 其 亭呈 者 人 有 籍 事 乾 録 爲 顏《 所 隆 時 貫 於 W 得 乾 調 姓 調 重 七 四 任 數月, 整 隆 至 名 刻 年 世 富 涇 比 本。 移 卷 紀 孫 重 平 野

害中 服 陳子 隆本 名。 至每 萬 曆 改 或 卷之末, 虚」條,「 本卷七「先 萬 爲 是基於「違 曆 ,乾隆本改爲 則 本 卷二十 四 到 而 夷之 處 生 於 可 日 礙 每 七「張 級服. 行」; 觀 卷 「雖 而 諸 之先 作 異 」,乾隆 生 札 萬 的 域侵害中 問 曆本卷十八「二十 添 條 文字 儉 加 本改爲 戚 雖 重 方 訂 條 夷 或 面 和 狄 的 校 四四 雖 可 改 方 行」, 讎 夷 之 狄 九 者 乾 姓 侵 叛 H

如

等。 核異 價 括乾 外最 嘉慶本)、咸 本 本)、光緒七 簡 出 值 後 稱 降 隆 補 角 的 這 重 雖 等 四 四 闕 度 幾 然 幾 要 庫 而 講 個 十五年六月校畢 個 如 的 比 本)、嘉慶三年(一 怡 版 此 豐 本子,文字 年(一八八一) 乾隆 怡 如 本 四 個 萬 乾 年(一八 至「分開 版 本 幾 曆 隆 又可 乎 本。 本 本 皆 卷十三「 依 面 從 作 以 五 了下二 然 目 的 版 乾 爲 重 四 七 可 大 文 本 萬 隆 刻 東 以 百 九 淵 補 曆 系 本 本(算 郭 閣 而 八 數 刻 統 本 爲 子 作 小 簡 頁 本 補 的 底 角 四 異。 除 E 稱 (簡 原 很 本 度 刻 庫 萬 鄉 光 脱 ., 本 講 好 全 從 黨 稱 曆 緒 書 版 中 本 咸 簡 乾 而 照 本 條 **>** 據 本 曹 稱 本 之 包 降

乾隆本方可補足完整。

校點者 周春健

DL

涇野子内篇序

門人進賢章詔著

安望 高 立 立 遠 論 其 之 者 爲 談 道之明哉 亦 本 多矣, 夫君子之立言 則言 而 言 乃 雖 斯 或 工 可 德之不 弗 傳 傳也 以以 也 立,而 明 詔 道 雖 嘗 傳 也, 慨 徒 弗遠 夫 然 爲 世 新 必 尚 之 以 奇

久矣。 見作 食者 林 已大魁天下 中」之傳湮,孔、 屋 數 於 蓋 吾師 年, 時 自 濂 其 與 涇 、洛、關、閩 是故 群 教 野 列 者 弟 顔、曾、 職 先 先 有 子 生 翰 後 講 紀 林 振 7 學 録 之後,堯、 孟之 納納 起 朝 焉 於 闘 不 雲 誨 道 中 逾 經 嘉 槐 不 舜 靖 精 五. 筵,中間 方其盛 .講 稔 初 舍 于 精 於 天 而 年, 下 東 家 多 執

者,非 門人士友之問 之。 灣、 教,及 於 惟 用 細 務,與夫天地鬼 精微,身心之至要,爲學之大方,經 下,爰與 官 談 學者 我,正 「薦召」 至 精 者 經 於 王 至 理 數百 粗 日 論 先生之謂 鷲 與 今 光 深 之畢 積月累 中 用,又以言謫 新 心 道 王 峰 尚 祖 有 涵 人,日 以 則 安胡友大器、金壇 端 寶 東 輩 舉 力。 有 正 出 所。 皆 溪 不 ,聖賢王道之具昭。 四 即 身,正 乎? 之, 言 聞 神之奥,古今人物之辯,巨 公往 有 疑 方學 隨 啻數十 爲 至 者開 詔 録 鮮 以 判 訓 教 不 焉 復 況 身 者 有 答 解 親 敏 問 所言 之使 以 及 多 多 ·萬言 州 幸 初 戊子 答 治 擴 從 正 炙 王友 贵 興 之,講 釋 論 朝 體 既 前 分半 而 有 解 春, 皆 廷 者 賢 久, 蔽者通之 皆 門 意 標 梁 所 之 程子 席 因 世 於 道 洎 起 各 道 書 未 一之大 文 數 丘 如 德 紀 諸 於 仕 院 於 發, ? 時 之 有 録 東 門 南 柳 口

之謂 故 以 也 論 中 使 善 憂 明 0 曲 觀 先 合一之道也。 世 **^** 難 成 先 生之言一 易》 爲 者 而 生者,不 心 處 日 不 整整 之 : 遺 鑿 以 以 修 於其言,而 中 乎 至 易 辭 皆身 正 誠 過 立 而 爲 不 有 其 本 不 及 之, 於其 誠, 艱 者 非 躬 所 廣 引 德也。 徒 行 以 大 抑 言 爲 居 而 之 者。 急, 此 業 有 於

豈 天 見 五 則 欲 友 盡 徧 能 下之 甚 謀 經 觀 縉、陳友昌 在 終 是 不 今 諸 刻之,以 而 四 矣! 人同 韞 年 欲 莊 録 書 秋 誦 既 傳 而 洎 歸 之, 詔 不 也。 備 諸 積 間 公於天下 爲 於 子 輩 竊 偕 嘗 諸 善道 傳 然先 史,皆有以 數子 仰 大器 與 生 世之器哉? 嘆 程 及 斯 生之心 ·後世 ·参 互 諸 日 友 門 : 慰也 《默、張 友 雖 校 聖 吅 闡 甚 每 0 閲 賢 請 而 明之。 久, 惓 友 矧 世 先 ,大器諸 數 道 重光、王 惓 有 不 統 生之志 四 鮮 然、欲 之傳, 惟 至 精 得 乃 是 寶, 義 友 得 全

> 夫先 奥旨 能 好 也。 知之,天下士夫有公論 生之道德文章,完名 有釋,是皆足 傳 於 世 在,污 茂 不 實, 在 不 則 語 至 古 録 阿 天 中 下人 其 所

蕪 湖 嘉 舟 靖 中 + 年 歲 次 壬 辰 + 月吉 日 書

於

■「論」,乾隆本、嘉慶本作「倫」。

序

門人泰和陳昌積著

華,厥 得 矇 游 不 教 所 訓 逮 者 楊、劉 一,不免。 話説 斯 未 昌 也 詣 亦 日 他 興 固 積 本 始 甚 乃 。」噫 稍 日 未 讀 求 末之理。 偉 竟厭 曰 不 嗚 能 易 夫 程 扶 先 呼 以 子 一二與淺 於 紹 其 之也 「文,吾 躬行 其 語 其故 言鑰 學 他 亹 是 録 孔子上 濂 諸 寤寐 亹 可 且 可 於於 溪, 人 至 猶 者 以 知 學 日 其 質 志士 是 也 觀 也 拳 論 聖,猶傷 師 有 躬 有 拳 也 賢 而 然 所 比 以 行 張 立 輩 躬 行 謂 故 介, 矣。」 鄒 弛 誠 在 行 質 其 答 曠 此 惟 居 覺 魯 然 行 夫 問 未 而 敬 尹 者 發 有 之 立 只 有 尚

子久乃 第; 宣 近 鞠 以 談 「孔子 愚 遑 人 頃 貮 何 質 又何惑焉?」今天下談子之學,或云粹行 之侍 一、才 也。 爲 昌 恤 躬君 默 , 甚 疑 也 陳生之仁體 陳 學 其 容 ? 子 力所 夢 積 似 生 子 前 他 昌 子 言 止 夫 年 蓋 事 周 質 明 宣 哉 日 積 世 + 日 子 志 盈 與 公, 子 道 稍 焜 : 來 七 殊 之仁 至 衆 於 縮 因 穎 燿 八,既 學 若 則 或 也 至授門人,則 夢 鷲 酬 宣之質 問 而 寵 也 聖 此 恨 赴 體 云 裁 物 峰 茂 仁 盍 晚 人存 自然 太 也 擇 夢 成 所 也 體 也, 各 鶩 細 地 見 意 焉 居 甚 省諸 則 聰 忽 誠 露 可 兩 蹈 明 念 如 篤 之 非 見 渺 處。 明 不 人對, 悼忽。 之, 道 各因 彼 ? 實 應 故 其 謂 睿 不 窈 默 吾 志 信 東 知 咸 被 而 内 但 兩 其資 程 ,守之以 各泛常 傳 以 萊 兢 在 明 服 正 獲 過 嘗 人如 子 好 傳 外 兢 歠 夢 並 計 從 質 升 艱 日 莊 飲 科 不 其 所

此又彰彰著明也。 内疚矣。昌積愚乃然,而況賢者躬行大較,而往踐焉,則頗令彼此之身咸免不祥,且損

覽焉。 管及六經括釋,并口授門人指要,萃爲帙, 答及六經括釋,并口授門人指要,萃爲帙, 然一究諸根本,惡覩世俗闇於大較,猥持揚 於是更從諸同志備録,凡門人所問子

嘉靖十二年歲次癸巳仲春望前三

日書。

序

門人歙縣程默著

心之聲 舉卑 哉? 所 言 抑 通達 心 紀 録 以 地 與 紀 也 讀 者也, 豈特行 爲道也。 鬼 也 ,會道之精,根諸 道 ,其紀夫子之所言乎。夫子之言,平正 之。 默凡 夫子之行,純 是故言行一 神 而 也 之奥盡 高),行者 讀 再禀 則言 寓 已,乃 是道也,孔子嘗教諸門人矣,故 焉,不離夫 學涇 乎? 即 心 焉。 致,則 載 之爲也,心 懿端恪,立 行,行即言 一門,於 拜 是爲言行合 夫言行一道也,言者 行者 稽首、爲之説 舉邇 人 鷲 倫 也, 豈特言乎 峰 也 道之極,宣 者道之蕴 日 可 東 用 而遠寓 一之學,是 以 所 之常 差殊 得 諸 : 前 馬, 也 觀 ? 諸 是 語

乎? 章,則 紀録 將 焉,百 以 述焉 之文章 待於擬哉? 賜也能求言於行,求性命於 多事言而遺行 語言求,其亦賜氏之得聞文者乎? 今之學, 信,道之出 篤,其非言教之精乎? 文章之顯設,其非性命之微乎? 教 미 日 成賜 得 也 擬天也。 「吾無行 者,其亦有憂世之心乎? 而 ?」是岐 其夫子 物生焉,天何言哉?」夫天則 亦 也,故 聞 可 而 其 得 諸 也。」又曰:「夫子不言,則小子 也; 而 庶 爲學 門 而 傳孔氏 精粗、離言行而二之者 不與二三子者」,是 事 幾乎。 又曰:「天何言哉? 默而 聞也,夫子之言性與天道,不 人 而至孔氏,則 有若子貢者,且 虚 成之,人所以進於道,蓋 而 以 是録 遺 教 實,病更荒於賜 人乎? 也,其 貫之喻, 是爲序。 一天矣,又何 孔氏 曰 爲 若 力行 不言 孔 四 孔子所 日 也 特以 之傳 時 之敦 夫 氏 何 之 而 行

嘉靖癸巳春三月望日謹序。

貴。

不爲

夷狄人,爲

中國人,二貴。

不

爲

中

或

人之女,爲

中國

人之男,三貴。

不爲

中

或

夫爲士

則

爲

顔、曾、

門 門 人 解 人 梁王 白 水 光 廉 介 祖 録 編

雲 槐 精舍語第一 正德年中 語

書 其 聖,其次,體聖人言, 誦之博,無身心之實。 也?」曰:「其上、行有餘力而學文,可以 觀 次 書 介問 以 者 書 也。 觀 觀 書。 我, 先生曰: 其 次 可以作賢,其次,恣記 誤天下蒼生者,皆以 以 書 丁其 觀 上以 書。」「 我 觀 何 書, 謂 作

先 也 ,獨厚於士 生曰:「士 濟 寧 李 繼 有 ,是故不爲草木鳥獸,爲人, 五 祖 貴。 學於雲 天地之氣,生物則 槐 精舍,問 士 焉 均

涇野子内篇卷之

即 上 思、孟,五貴。」繼祖曰 男之農工 鳥獸 可 以 乎? 爲 商賈,而爲 堯、舜、周、孔,下可 士,四貴。 「自今敢不自貴, 以

爲 日 君 小人。 多。」 子 爲 周 友 生問治亂之故。 則 世多中人,不擇友,故治 爲 君 子,中 人 先 生 而 與 日 一一中 小 人 日 爲 人 少, 友 而 亂 則 與

杜 不反。」❶ 子 先生日 美 雖 有 : 憂 唐詩 或 愛民 惟 張 之意 九 龄、元 乃 結 溺 可 於 觀 辭 也。 而

云 先生常喜讀王虎谷《題楊震 若教暮夜無 金 饋 方信先生待 四 知 物 詩 誠。」

此節文字、乾隆本、四庫本、嘉慶本無。

以爲得務本之意。

不言 無 不言、忘言 益 於是 也 何)。」 先 子 仲 行 則 生曰:「言於是行於 默 於 不 日 是者,未之有 能 亂 今之談道 言則不敢。」 也 者,猶作 是者有矣, 且 舍是而 文之

戯 敬 未 事 起,鬼神莫知 之者,其邵 用問 此君 鬼 子之所 神。 不 堯夫乎? 先生日 以 由 慎 乎 其 : 我 獨 故其言 三代下 更由 也。 乎誰 知 鬼神 ? 思 於 慮 而

器 矣, 知 有餘 義 君子不如是之 命 詩 者不 問 嵇 爲 康 阮 也 ,故文中子曰:『道不 廢 籍 也 先 忍 生 親 日 棄 禮 其 以 庶 避 ·足而 乎 禍 節

數 而 不 又何 流 勳 問 其不 其 . 邵 學 堯 懂 聖 夫。 ·煩 人而 也 先 未 生 大者 티 -乎? 隱 而 不 前 僻 定 之 樂

先生謂九川子曰:「吾於漢文得四罪

日: 「 愈 欽、谷永; 焉 巡、元結。」九 唐 雖 前 詩 可 得 欽、永雖 有 賢 四 張 其 賢焉,前 唐詩 禹、 詩 可 楊 溺 之賢者 子 罪,其文淺 雄 故 日 有 後 「漢 韓 其道微 無無 有 休、 馬 杜 文之 故 張 融 甫 九 其 胡 罪 齡,後 韓 責 者,無 廣 愈 小 邪? ; 有 吾 甫 杜 張 於

《詩》 籍。 也 近乎 先 曰:「賴 陸、三謝、 目 何 而 宜 《雅》亡,諂 生日 者 如 史者 日 則 ? 曰: 陳 勿有 則 丁其 : 詔 未 有 自 也。」「 沈、 問:「自 也。 此 觀 於 「二子應博學宏 是 漢 歟 世 風 宋 道 然而 之衰 耳 矣。」 之官不 ! 潘 興 如 漢以 岳 而 之 其《 君 問 乎 問 何? 劉 子 來《詩》亡,何 頌 ! 曹 設 鶴 韋 猶 》亡。」「李白、杜 琨 植、王 而《 鳴 孟 然 江 有 *\ \@ 曰 : 辭 風》亡,王 而 取 蘇 科 塗 粲 淹 蓼 焉 武 則 斯 亂 劉 莪 者,辭 鮑 口 謂 世之作 人之耳 八》、《考 陶 植、阮 照、 矣,於 也? 道 有 甫 廢

俗 《》之亞 化。」 ,不知《雅 乎 影不 故 足 君 以 子 V. 不 政,不 知《 知《 (風》 頌 不 家不 足 以 足 成 以

H IE. 句 心 也 ∭ 修 劉 廢 子 身之道。 洒 静 掃 齋 禮樂 問 爲 之節 欲 治 天 下之治, 先生 大學習 曰: 程 「社學 未 文, 見 其 習 而 有 廢 琢

而

於逢 者 其 不 而 老,授之以 士 詩 即 用 如 也 簡 則 選 迎 是 夏子 書 其 其 商 例 賢 彼 而 仕 今之所 貢 賈乎? 于 政 後 者、 有 1 皆 中 顧 則多 政 不 壯 言 能 年 不 也 謂 思 授 者、 美 壯 廢 使使 且. 廢 敏 哉 之以 也。 歲 今之所 而 政 廉 歲 於 貢 者 志 者 貢 教 日 政 士 多多 强 如 士 而 :「異哉 勤 則 當 謂 歲 不 病 多興; 良 者 而 興 官 貢 塞之 於 於 不 政 又 以 士 簿 政 者, 濟 爲 參 以 及 歲 書 者, 之 有 學 例 多 子 例 貢 非 官 以 奚 取 口口 貢 如 士 貢

也

焉。 能 改之。 焉 白 以 不信 卷 路 利 也 先 子 誘 苦 以 生 之, 又將 其 利 日 其 子之讀 何 非 不 此 以 所 汩 利 與之乎? 以 於 書 之也 誨 利 也 其子 者 約 幾 夫教 熟 其不 也。」路 希 之以 · 信 書 如 其子 子 莫 與 悔 大

而

衣

賞 有 或 逆 0 倖 有 几 逆 子言 則 ___ 何 則 逆則 逆, 也 Ļ 問 ? 棄 爲 弱 介 日 或 尚 有 之 : 和 患。 退 逆 則 賢 則 逆,賤 先 進 昧, 生 不 日 有 義 肖 : 貴 則 莫大 逆 利 逆 則 則 罰 乎 亂 逆。 功 几

乎? 矣, 不 祭,先繼 葬 而 不祭, 有 日 況 仕 :「父存 於 母 於京者, 乎? 祭耶 又 何 ? 先 先 繼 日 後 先 子 母 之 母 有 且. 問 乎? 哭 父 死 號 存 耶 乃 而 先 雖 謀 生 且 喪 奔 子 日 不 亦 喪。 父 得 主 之 喪 而 而

餘 謀 也

之功 而 遇 桓 不 霄 公,某 問 及 夷 吾, 管、 知 其 夷吾之德不 晏 優於 孰 優?」 先 夷吾 也 及平 生 曰 仲 平 平 仲 仲

問 意 監 規 提學考文 卧 、欲得 碑 有 真 里 耐 材 選 不 之實 以 問 成 卧 治 監 碑, 不 規 亦 司 有 難 成 賢 乎 撥 良 ? 歷 方 而 正 之 不

學者 夫 須 學。」 (富貴 學 叔 榮 如 用 處 達 問 何 患 ? 而 難 不 尹 先 學 貧 和 鮮 生 賤 靖 曰 也 不 記 -若 斯 程 淫 此 富 正 矣。」 或 貴 叔 其 榮 語 偏 達 日 辭 即 也 凡 不

禮 輩 壽 ; 天 , 先 天 下 生 地 無 謂 不 道 崔 和 諸 叟 顏 日 司 子之輩 崇 天 法 下 夭。」 天 有 地 道 和 伏 諸 生 司 之 崇

哀 先 生 曰 死 問 也 一仲 猶 弗 尼 死 子 以 也 哀 夕 生生 曠 死 安宅、舍正 也 爲 猶 可 弗 子 生 輿 也 路 以 者 偷 何 生 爲

> 得 祖 日 之 又 . 一此 封 從 介爲 韓 而 宋 **王** 通 申 太祖之假仁、史氏 贵 之乎?」介曰 一者仁 其 真仁乎? 心 自 然 ·「何?」 論 之諛 來 獻 言 焉 日 也 先 介惡 生

:

公論 他官 論 矣,其 其辨之哉?」 至 其 焉 師 董 保, 子之 雖 張 孫 則 胡 凡 或 伊 世 皆 王安石 能 爲 問 儔 運 其 謚 將 沮 謚 乎 問 籌 文 勸 領者,累官 法。 决策,不 申 邪 朱元 其文質 鑒 ? 先生日 他 **%** 晦 故 官 論 至 先 之皆『文公』也 凡 直 雖 焉。 侯 生 爲 「後 而 或 伯 日 直 翰 經 不 皆謚 世 切 林 天 有 可 者 緯 荀 後 謂 武 仲 地 日 累 大 之 誰 官 弗 易

喪 子之友奚爲 在 途 而 而 曲 不 友 沃 返 之母 楊累日 夫 也?」曰 則 死 居 . 如 廬 之 友 婦婦 何?」 終 有 喪 娶 居 妻 喪 而 先生 於室, 于 婚 · 禮 他 日 縣 夫居 也 女 奔 廬 女

四

於墓。」曰:「善哉! 可與,幾禮矣。」

不 深 無端 子 謂 行 九 功 曰 : 耕 田 不 深 無 高 稼,治學

心焉。」 好, 見 爲之之 惡 則 先生謂 而 無 時 不 矣; 去 好 叔 之之時 則 見 鉞 或 善 曰 有 : 而 矣。 惡 去之之時矣, 見惡 見 則 善 故君 無 而 爲之之時 不惡,則 子 以 取 或有 矣。 初 而

天 柔與剛」,●故西北之山 南 日 土 之星辰 之水,接天不見其 石 「王子求形不求意矣。 王子曰: 層 日 月,豈 洪 凡 水 一天河 Ш 過 際。 之下皆水道 .過 而 入地不窮其底; 而累之乎?」 抑如王子之言 累 夫『立地之道 之 耳。 也 故 先 Ш 也 東 生 之 日

以 行者,以問。 事 學者有 也 一,初 畏嫉於俗,而 先生 學 而 日 然,爲人喪己甚矣。 :「夫内方外圓者,大賢 欲爲内方外 夫内 圓 之

内之方、外之圓也。」學者改之。 方外圓者,乃德盛後見之,亦非聖人有意於

説 豈 獨 王 爵問 化矣,而 今日哉? 先生謂子言曰: 今之使 其身不 故 君子貴行不貴言。」 四 方 免於贓 「漢匡衡治《詩》,足以 不 辱 敗。 君 命 聖學之廢 者。 先 生

乎福也,未死建文之難耳。」叛,皆忠宣公之政也。使於北虜有楊善,惜曰:「其惟黄忠宣公乎? 交趾百餘年而不曰:「其惟黄忠宣公乎? 交趾百餘年而不

是 也。」「何 不選賢,欲以安民 日 也。」 : 權 里老之不選德,小學之不 用 其 問 己 閶 細 閻 乎?」曰:「 之苦, 而 善俗,吾未 風 俗 平天下 選 之 師 見 害。 其 鄉 亦 先 有 飲 猶 之 生 日

「地」,原作「也」,今據乾隆本改。 西安之地,秋税畝一斗,夏税五升。

及

0

之,南 之 粮 且 也 斗 歸 其 口 口 昔 徒 之偏,令官 ? 輙 秋 也 富 久 0 者 言之。 人。 也 邪 曰 : 人至於今頌 止 王端 ? 折 秋 有 半, 荷 地 門 大 毅 司 粮 得 沽 公在 人 以 於 抵 抵 貧 而 日 是 布 買 之,又 斗 富 不 : 南直 貧 折 實 均 田 售, 富 夫 税 收 安 又 隷 皆 者 夏 子 滋 知 而 何 世 歸 不 相 秋 夏匹 民 屬 懸 貧 屬 税 調 司 粮 事 事 停 先 者 布 均 加 之 官 此 耗 爲 生 石 夏 無 過 言 王 粮 辭 遇 有 地 以 公 皆 補 民 ? 割 何

者 憂。 法 乏 親 言 過 正 王 官 德 耳 居十 七 屢 請 八 霄 Ė 年 曰 弗 府 間 邸 建 皇 俟 也 何 儲 謂 儲 未 先 也 立 立 ? 生 而 日 後 盜 日 行 起 是 而 祖 執 群 宗 政 臣

之風 也 然而 , 是 霄 問問 可 其 何子 取 人則美矣。」 也。 仲 默 其 文 先 襲 問李 生 六 日 朝 獻 「其詩 之體 吉 日 不 有 口 漢 爲 取 魏

> 哉 循。 『係 馬遷之材 劉 小子,失丈夫』矣。」 問 先 日: 生 張 鮑 仲脩。 日 見善 也,其學之博 謝 : 之業,而 而 利 曰 能 刃 . 聚, 雖 直 欲 割 見惡 猶 問 而 兼 易 敏 康 程 未 缺 ,足以 而 德 逮 張 能 涵 利 耳 之 勸 口 百 學 日 其 問 雖 政 矣。」 辯 志 馬 可 易 埭 伯 漢 謂

物 子 耳 ,聖人以 詩 問 何 周 謂 禮 貫 也 曲 ? 先 成 生 日 群 日 賢,王 : 天 即 以 者 孔 以 子 氣 之 理 化 答 分 生 諸 統 萬 弟

沮

力君子

養

德

以

爲

陵 衆 陵 職 無 至 先 其 貧 不 褒,故 生 賤 義 謂 也 詩 也 君子 後 曰 世 貴 夫 立 論 漢 周 志 光 禮 光 武 行 武 天下 猶 至 富 有 貶 貴 無 也 窮 論 嚴 民 嚴 子 子

射之 曰 : 四 詩 不 子 問 然 以 小 周 逍 之 惡 耳 遥 夫 堯 遊 故 德 \forall 不 \Box 之 亦 學 大 鳩 樂 巾 乎 斥 托 ? 鷃 爲 笑 先 藐 鯤 姑 生

情,其 遊 中」,節 之方,以 不然,彼宜甘心 鵬 也。」 朝 是之 菌 瓢 獲裂 則 蟪 謂 『不改其樂』,斯 蛄 地之封哉? 歟 笑 洴 ? 靈 澼絖矣,奚羡 若夫 椿。 其 疏 大言不能 忿 水則 孔、 嫉 夫鬻 顔之逍 孰 樂 甚 不 在 蓋 焉 龜 遥 其 其 手

皆 經 經 矣。」 腐 者 儒 夏子曰:「今之不知時務而好談經者, 弗 也。」先生曰:「六 知 耳。 如 其 知 經 經 盡 也 時 必 務 不 也 第 敢 背 讀

雲**槐精舍語第二**正德年中語

門人渭南張伊録

心。 李 子 心以忠信, 君 子習 文 而文行 先 不 生 如 在其 日 習 Ĭ: [≪ 行 中矣。」 習行 書》 不 不云 如 習

> 乎: 九 也。 房》亦造 李延年、司馬 遑,史氏譏之,何也?」曰:「此史氏 之,皆欺君耳。」曰 樂,雖虞廷鳴球柷敔莫過焉。 也 孝 舞,後於時雍風 而三子拳拳於金石累黍之講,若由 孫如 偕 德》之歌,皆 『徳惟》 夫文帝未遑,卒成富庶之政。 群兒吹 何?」曰 樂歌,海内 善 1政,政 相如,雖《赤鴈》、《天 葱 動 葉、擊瓦礫以 以 「末之哉 : 益耗 也。」曰:「杜 在 此 「賈誼請興禮樂,文帝 養 耳。 ,可鑒已。 民。」《九韶》 ! 故 昔者予之幼 鳳 嬉戲,今憶其 夫民方詛怨, 一夔、周 凰 馬》、《芝 儀 武 之不 君子 之舞, 帝 學 觀 用 祖 獸 未

叔齊也。夏侯令女之材爲近之。」「吴季札、曹子臧、魯叔盻,周之伯夷、

性 止 於五者 能 先王制服止於五者,義也。 盡 仁也。 仁義者,先王處死生之道也。」 不義 則 情不 能 行 先王 不 制 則 刑

略 事 紀 曰 ×, « 略 《尚 詩 裁 漢 不 問 其 書 兼 書》、《春秋》,上世之 蕪 其 台 以 史約》之作, 傳,大賢 下,後 首 示 能舉 世 不 之 其 能 史 何 悉。」 也 達 謂 經 其 也 也 事 ? 故。 志 詳 先 詳 而 **^** 秦 志 生 而

民 曰 安 涖 而 印 盜 問 事 寢 止盜 惟 事 能 。曰:「建官惟賢。」 R°」「何 能 則 政 謂 舉 也?」曰: 而 遠 人格 0 「官賢 問 禦 夷。 則

歟?」曰: 義 也?」曰: 行 褒貶 及《 孫 世 春 其 「 天 變化 「《易》 秋》 問 可 地 綱 變 與 見 紀 化 貫 矣。」「然 立 ^ 春 草 何 秋》言 木蕃」, 似 ?」先生日 則忠恕之 忠 卦爻變化 恕。」「 : 説 何 非 讀

程 民 亡矣, 奈之何?」曰: 顥 以 臣 四 叔 科 用 輔 問 簡 漢 政。 文 民 以 先 可 府兵,教民以六行。 以 生日:「 行 「主上之資類堯、舜 政 矣。」「程顥 養民 以 限 \mathbb{H} 漢文 君 用 舉

> 豈 不 顥 乎? 逢惡之執政, 惟 漢 文乎? 故 有不 則 妨賢之執 臣 漢文興。」 下 之賢 政 有 汀則 顔、 程 孟 顥 · 贵 至 惟 , 有 程

八

以 子 其禍 及公卿也; 旻》,見用謀之失也。 可 交》,見幽 而 也; 容 下言其亂 作』者何?」 矣,是皆本 矣。 季 《巧言》,讒 聰 問 故《 王 《巷伯》,讒及寺人也。 用 節 先 人之 於 巷伯》『刺 南 生 及 讒 日 山 失也。 大 也 故《 × 夫 念 正 小 讒 故 也 幽 宛》 至 王 小 月》、 雨 **^** 是 · 寺 何 弁 雖 無 人 則 百 故《谷風 人 正》、《 + 斯 讒 姓 無 傷 月之 及 亦 人 於 小 之 讒 懼 妻 讒

諸 知 ?」先生 如 伊 問: 此 其 日 一昔 神 者 天 此 也; 堯 莊 請 周 舜之孝弟 自 致 天 大之言 下 於 如 也 許 彼,其聖 由 堯 之 有

[■] 此節文字,乾隆本、四庫本、嘉慶本置於卷七之末。

賢 於鷦鷯,投玉食於偃鼠,則亦不仁且知矣。」 Ŧi. 下,若是 典 也 白 堯 重 猶家 積二十 也 試之以九男二女, 許 由 八 載 而 讓 而 後禪 天下,可 聖 國試 謂 人 之 棄 傳 之 碩 以 果 天

幾乎全。』夫子耳順者也,其奚毀譽哉?」 吉。故法言曰:傳其常情,●無傳其溢言,則 也。夫兩喜必多溢美之言,兩怒必多溢惡之 也。夫兩喜必多溢美之言,兩怒必多溢惡之

子 之,又安有所謂 所 主 周 且 馬氏《疑 忍 謂 救 孟 也?」先生 子 王 民 顓問 一,主篡 而言, 忘 · 嘗卑管仲、晏嬰,彼管、晏又何嘗廢 孟 周,無君臣 》、李氏《常 「孟子屢 如 日 位 其 王乎? 而 「不然。 救民 言, 期齊、梁之君之王 之義者,果然 語》、鄭氏《折衷》譏 如 也 且管、晏之時,楚獨 其 ,王自歸之。 凡孟 (篡位 子之所 也,民 乎 謂 三氏 亦叛 哉 則 王, ? 孟 司

> 管、晏而稱文王。」 稱 侯 而 孟 乎? 子 王 不尊,孟 之 天下 時,韓、趙、 故 孟 子 猶 子以 時 諸 當 侯 其 魏 興 也 君 大 王 , 王。 故 夫 而 管、 也, 不 管、晏時 能,故 晏 已 以 爲 其 王 孟 可 君 子 尊 況 伯 卑 王

度,敬上存乎忠,慈下存乎公。」 「格天存乎信,建功存乎仁,使力存乎

計恩讐矣。」 小,關在己之得失高下」,彼將 告,先生日 逐之去,以 寮之實,輒 曰:「若緘默 朝廷作 孫 憲副 養人材,官至二司 爲 : 因 用吉嘗謂言官曰:「諸公未 八人則 一盍 盡 毁 職 譽以 語之曰:『所言之是 也, 以 爲 去者 劾 曠 人,何也?」 亦 職 不 難 耳。」孫子 亦 知 矣。 冤 懼 乎? 而 未 言 不 非 得 實 肯 官 大 百 而

■「常」,原脱,今據《莊子》原文及四庫本補

.

間 君 君 所 也 謂 性 放事 者不 葉 以 所 義 公子 從 子之事父,命也,不 以 先 也 ·擇事 義 生 至 無無 親者不 高 謂 也。」介曰:「何?」曰:「昔者仲 命 適 而安之,忠之盛也。」」 介 曰:『天下有大 也 而 0 日 擇地 非 非 君 執 非 而安之,孝之至 也 禮 盡 可 不 性 無 懈 足 八戒二: 不 所 於 以 足 逃於 心; 事 以 命也 君 事 臣 天 也 親 地 之 執 之 事 事 義 尼 禮 盡

多邪? 舒、諸 之所不逮 大道 如 ?」曰:「其在 故 先生謂 葛 若 其 孔 也。」 文 日 明、 爾 所 程 韓退之有美才焉,惜 居 難 韓 伯 子 也 而 淳 0 之上乎? 變, 乎 薛 所言 ! 生 日 三子者,求、予 而 : 又何 通, 三王 其 仲 乎 比 董 擬 未 淹 仲 之 何 見

則 曰 : 爲 小人。」「何謂 雷 循 問 理 明。 而 先生曰:「窮 也?」曰:「形也者,氣 故 由 理 理 則 爲 而 君 已矣。」問 子,不 也 由 公。 理

> 氣 也 者, 理 也。 不 能 於 理 即 不 能 於 氣

聖言以 願之徒之爲 則體安,過去 求 妨賢 安莫 而 也 則 如 病 是是 行善。 治 國 病 也 以 君子 求 今之中庸之論 善 深嫉焉。 莫 如 治過 爲 皆 其 病 假 鄉 去

爲國 遂,爲 三曰 君 子有五樂,皆三樂之緒 作民。 廉 璽問 或 淑 作 别 紀。二日 「君子之所樂如 震,爲 Ŧi. 日 垂 或 勳 作 履 昭 官 親 經 爲國 奉 也。 四 何?」先 典 日 作 爲 教 曰 風 或 行 方正 生 政 作 日 安 自

乎 ! 進 文王之後,視民 善 如 不及,懲惡如去毒 如 傷 者,其 惟 我 太 祖

目 題 辭 之詩 典 、迷人心志。 目 一、苦思 ,或感於物,或 可教也,其 詩問 詩。 慮 蓋 先 、情邇 詩終不 生 其 緣 曰:「詩之亡久矣。 所 可 短,侈 於政,或 詠 可 也。 以 其 詠 後 有 所 不 漢 懷 長 可 悦 以 而 以 來,設 興,其 三代 人耳

詩之亡久矣。必不得已,其民間之歌謡乎,

猶有風乎爾。」

林而見何子粹夫焉,一布袍六七年。」先生謂霄曰:「吾未見甘貧者也,居翰

張子 化 餘。 人聰明 晦 其 黄 耳 叔 十三,其大十九。」 師 伯 厚。 曰 -度 霄 問 淳 問問 遠見若浮於元 則 正 已近乎化,元 周 曰:「方伯 博學篤 又有言矣。」問 茂 叔。 叔 日 志,切問近思 : 先生日 淳則不 問 「伯淳之弟也。」問 晦, 晦 陸 亦 子 程 :「有德 但其力行, 足, 静。 幾於大,張 伯 淳。 方元 而 日 已矣。」 人 : 日 晦 也 : 實 斯 子 朱元 則 未 其 問 如 之 有 方

之爲 不孝之惡極 陳 不忠者衆; 先 生 詔 曰: 日 : 乎?」曰:「惟 不 罪 惟其非聖,而後天下之爲不 莫大 有 不 於妨賢,惡 忠之罪 其妨賢,而後 大乎? 莫極 天 於 不 下 有 非

> 孝者 者 大。」 廣 故 罪 惡 止 於 身 者 小 9 及 於 天 下

柄乎?」 禦之乎?」曰:「既立 此,後有效者 如 可?」曰:「今且不能誅,況於倒太阿而 立其酋長,令自撫之也。」先 蜀 人朱季連言: 如如 唐 田 之,後復誅 承 鴇 嗣 賊 猖 宋 李 生 獗四年矣,不 之,奚 繼 日 遷 「果 授之 爲 疇 若 不 克

之私 亦謂 使,終始其道 血 氣 先生謂 名也; 之污,利也; 也。不 秦子 爲利 始剛 ,動與天合者,君子 日 始公 驅,不爲 而終懦者 : 而 始 終 廉 名動,不爲 「其剛 私 而 者 終污者 也 其公 亦謂之懦, 血 亦 其 氣 廉

振 先 也。」曰:「數子詩且 生 也 日 繼 一:「鮑、 祖 其志 問 與 「宋、齊、梁、陳之不 謝、江、孔、徐、庾、沈、謝 道可悲矣,使天下 文。」曰:「兹 振者何 其 隨 所 風 以 爲 而

涇野子内篇卷之一終 等,又何足與論詩與文哉?」 者其誰乎? 且其反君事讐,正與後世馮道

涇野子内篇卷之二

雲槐精舍語第三

是謂 吉人則爲之也易,是謂三多。」 力 有 寡 四 四 先生遊雲槐,謂高 動 。」
璽 . 寡 則 静深,寡 多學 曰 : 則 「何謂 德積,多思 交則業 也 璽日 ?」曰:「寡言則行 專, :「學者有三多, 則 寡 幾 欲 研 則 理 多就 明,

乎? 浮於俚 初 魏 唐、 先 徴 待 初宋之文可 ,以脩聖人之道,皆難 生曰:「晚唐之文浮於靡,晚宋之文 乎? 士 如 扣 導 鍾。」「: 君 以 如 然則程 人 盂 聖乎?」曰:「子 水。 子何 也。」子言曰 子 未 以 習 譏 魏 程 未 子 顥

之事讎乎?」曰:「功過不相掩。」

瓢,少 賢 又求 不食 然之意 貢 命 也。 貨 殖 富 以 顔 西 動 里 以以 子 耶 死 其 雖 乎? 簞 子 ?」先生日 給父母 心 炎 瓢 曰 而 帝 陳子 夫子賢之。 改 「子貢貨 神 (其樂, 妻子之養,而 一「亦 農 日 一一豈 不禁 雖 殖 觀 餓 師夫子者 , 夫子以 也。 其 以 且 (心耳。 子貢既 死, 非 若 · 猗頓、 孔 顔 爲 子 子 若 不受 必 足 弗 簞 子 而

子 乎 之周 節。 論 紳、 於太平之時則貴文,論 澄 ! 於獄訟 楊士奇之爲傑也 是 劉子論建文、永樂之人材,而 夫建文、永樂之間,西安之張紞 解、楊 方 僧、真 孝 錢 孺 其 穀則貴 寧之景清、貴 之死 愧 諸 (廉,論) 甚 先生日 烈, 於禦侮之際則 日 於危國亡 此 齊 池之許 亦 :「夫人 泰、 非 傑 李 觀 稱 世 迪、 貴 材 其 泰 則 解 黄 貴 傑 和 論 縉

口 E 録 : 致 建 文 則 口 罪 , 死 建 文 之 難 則

斯 其 先 人 可 生 以 日 人 : 端端 市 朝 居暗 室,終年 而 不 外 想者

其 乎? 命 稱 稱 世 猶 猶 細 博 異 之言者世 高 稱 口 諸 儒 類 儒 才 渭 闢 然誤天下蒼 儒 也 也 111 趨 臨 一,今之異 周 閑 事 時 今之異 稱 子 詩 含 而 問問 理儒 糊 賦 競 異 生者 勢 者 淹 端 端 端 滯 者 世 則 不 斯 皆 者 世 稱 先 非 口 可 世 稱 雅 皆 類 闢 生 此 稱 通 儒 異 日 爲 也 也 記 老 儒 : 端 孔 儒 子 談 挾 古 古之 也 雜 之書 之 術 蹈 玄 醜 者 數 異 襲 者 異 佛 者 性 世 者 端 世

初 出 何 與 其 ?」先生日 嵇 詩 奏 康 問: 於 稱 朝 魏 Ш : 七賢,其志壯矣。 巨 王 出 仲 源 處 進 淹 君子之大節 賢不言,死 與 其密 不 比 與 而 世 晉 後 其 取 天 巨 魏 者 源 子

> 夜之絶 反 面 事之,位 交也,奚其仁 至 吏 部 雖 放 達 者 亦 喪。 斯 叔

DL

脩 俗 欲 徒 則 諂 壽 也 0 ,小人脩 思 先 乎 先 何子 生曰:「君子脩 俗 生 古 位 又 曰:「今之戲 栢齋 夭。」 欲獻 誤 天下 曰: 其 敏 蒼 奚 諧 存,小人脩亡。 生者 者,皆 至 獻 是乎 敏 皆此 則 好 ? 欲 名 夫 有 日 嗜 也 聞 : 君 利 諂 既 子 之

妻煽 無忌 日 : 方 耳。 介 此 處 問 明 ^ 皇 詩 之感 唐 **>** 刺 蕃 出 於 將 王 太 代 一之敗 真 漢 也, 將 其 如 亂 故 何 9 禄 ? 日 : Ш 先 肆 豔 牛

皆 思 過 先 半 生 矣。 日 : 故 陳 王 壽 仲 淹 志 取 其 范 志。」 甯之《 陳 春 詔 秋

敗」,乾隆本、嘉慶本作「致」。

2

^{●「}感」,乾隆本、四庫本、嘉慶本作「惑」。

志則微夫。」「王充、張衡之文何如?」曰:「不足稱也,其

京 給 邊 言 宜數年天下之未定也。」 年 日 口 耳 以 兵,京兵素役於宦寺而不知簡,是委羊 ,如榮輩請 「嗚 「東方之盜,今大猖 戎馬,略示賞罰,今當盪定久矣。 庚午之冬,戚黨百户魏榮自京過涇野 賊 尋 呼 徧 見 天 其 下,始徵邊 滋 襲 以 蔓 替於 大司 也。」先生甚 司 馬之見,不及一 獗 馬 師 稱 門 而 者 民 Ξ 壯 數 力殫。 之。 百 往 士卒 越二 乃 先生 年 虎 用 若 各

邪? 間 者 經,《中説》,人咎其 ,其惟 矣。」介曰:「《 先生日 若《 隋 中説》, 王 不 一通乎 孟 續 續詩 何 軻、 多發前 1 擬《論語》者何?」曰 以 董仲舒之後,得道之深 》、《續 若 見 在 人之奥,其行 後 孔 書》, 世之衰 門,當雍、 咎 爲 其 則 來 商 告 之 僭 王

議乎?」子之志也,其文則薛收、姚義之筆也,可盡

人也。」 廢 廢謀 命 大忠 大信 廢 廢 廢勇,大義廢利, 諫 盟 大化 九 廢者、聖人之所以 廢 教 大流 大禮 廢 廢 言 文,大智 於

焉。」 其論 先生日 也。 因 之,則三代矣。」 曰:「高帝、文景之世,雖 許 又 兵 距此 介問: 史 論 日 而 :「惜乎 災異 方數十年耳,去之則 白 「自漢 去 魏相白去副封,可 則 副 未 日 封,宜 以 猶 探 . 後,封 有 「其 其 ※ 皇 本 乎 如 有 事 其不 工矣》、《 也 世 對策,尚未 亦 變之 不 何 以 并 · 知本 可 康誥》之風 有? 防 封 難 無 奸乎?」 事 也 何? 封 且 而 事 相 去

程伯淳始。」「學伯淳自何人始?」曰:「自尹「自顔子始。」「學顔子自何人始?」曰:「自介問:「學孔子自何人始?」先生曰:

彦 明 如 始。 尹 子。 故 知 孔 子 者 莫 如 顔 子, 知 程 子 者

之以 弘 口 與 而 知 義 先生日 正 命 益之 斯 可 : 與 以 林 信 盡 慮 性 斯 ; 馬 可 明 敬 與 而 臣 窮 審 理 益 某 ; 之 之以 温 畏 而 果,斯 友 恭 益 也

安矣。」 曰 詩》云:『王 秦子西 至公之言也 先 生 澗 道 日 曰 如 : : 砥 有 其 爲 意 政 直 爲 專 如 治 此 矢。二 豪 亦 强 康 非 子 則 政 對 貧 Ш 弱

帶 外 以 寺人皆賢 矣,故 洪 操 後 武之世 撫按之權 有 子實問:「寺人之 莫聞 汪 蟒 直 良 衣 其 始 如 方正 名 也 自 周 是三 也; 文、武,其寺 王 矣,故 主 振 楊 永樂之世 振 始 陳 害奈 内 莫 也 竊 稱 ; 王輩 何? 絲 成 人 其 如 綸 化 皆 事 漢 之罪 之命 以 也。 庶 先 文、 後 常 也。」 生 武 有 正 汪 吉 日 直 其 統 玉 ±

> 能 矩 勤 可 和 掃 博 得 有一 獲 勵 應 儉 先 而 嘉 對之節 大英鋭 存焉, 約 生 聞 其 之風 謂 矣。 温 伯 之範 如之何 可 恭 壯 需 得 慈 可 事 得 而 祥 可 . 其勿 孫 聞 之懿 而 得 大 某 聞 矣。 而 思 行 少 矣。 聞 也 仁 事 童 其 矣。 ? 厚 周 弱 事 嚴 無 事 樊 垣 毅 然今皆未 爲 高 河 曲 持 之度, 陰,其 龍 正 其 之 洒

休、尹 德 蘇 係 有 乎 不 則 武、 也 以其可 知其 先 數子 黄 薛 焞 生 務實、紀言 生 而 憲、 (名者, 日 無 苟乎?」 日 不 : 著 陳 祀 : 述。」 寔、 孔 著 何 馬 廟 則 述 郭 也 日 融 人 安 ? 從 泰、諸 : 務 存 楊 祀 七十二 日 乎? 名。 雄 之舛, 葛 而 子之祀 亮、 世之治 汲 祀 夫 亦 黯 宋 祀 何 由 也 璟、 者 也 丙 亂 仕 一,紀 亦 ? 韓 所

身; 志在榮名者 先 生 曰 : 志 「,未必 在 榮 能榮其 身 者 名。 未 必 故 能 君 榮 子 以 其

正 心 爲本、務實 爲要。」

衆, 可畏則爲 者 可 悪 親 者孤 ,義者一 可 畏。 可親 則 爲 善 者

世

問問

數

萬

言,

己

格 《大學》舊本以 子 所 究 何 所補《格物》之章 視 道之不行,亦在 之,亦欠 必 富 謂 以 其 補 主 而 面 乎?」先 生 辭,累世 之有? 格 知之,以必行耳 一之説 詩問:「格物 視膝、視足及 其 致 伸 薑 誠 生 樹 思 乎! 正』告君者 不 且 日 上 睡 脩 朱子 我者之過乎?」 能 如 結』也,道之所 非 矣,況幼 」「何謂 身 者何?」先 「必若此 殫 其 歟 知 淫 ? 言 其 補 本 封 何?」 視、 用』也。」「 爲 也 動 曰 爲 冲之主 事 焉 ? : 勿 所 諸 知 生 0 曰 謂 視 物皆 至 未 曰 日 以 老 之不 「當 哉 也 嘗亡也 : 然 不 師 此 然也 ? 。」「朱子 如 則 世 行 其 宿 邵 何 同 乎 朱 亦 然 儒 堯 目 其 故故 也。 又 子 能 有 程 夫 讀 則

> 幼 夫不 孟子》有好貨色之對,其亦未之格邪 冲之主 審 其 宜 難 矣 而 驟 哉。 語 ^ 之,雖耆 易》有 「納 儒 猶 牖 或 病焉,於 遇 巷

爲非 譏其 矣。 今爲詩者擬 擬議 也 非 如 崔 以 ____ 操 子 其 成 先 洹 行 其 經 野 李、杜,爲文者 生 之 變化 而 曰 戾 日 譏 : : 經 「今有 何 也, 擬 哉? 經 人之譏 擬 而 . 擬 經 言 ^ 韓、柳, 《易》不 爲言者 也 必 宜 擬 云乎 矣 經 人 不 而 以 且. 行 :

然後 地 何 也。」 以 能 去利 欲 正 蔽 ? 我。 ,利蔽 無 故仁 我 義。 義者,君子之所 無 我 何 然後 以 去 能 欲 正 ? 物 以 無 無 物 天 物

君, 在 先 家無 生見《 親 竹 在 林 前 七 無 賢 魏 置 在 \forall 後 嘆 無 日 晉 在 在 朝 國 無 無

此,原 作「北」,今據乾隆本改。

政,在鄉無俗者,七子也。」

之道大明 子之道者 董 仲 於世 乎 舒 ! 自 漢之醇 孟 董子始。」 軻之後,邪 儒也,其 説 初 又息, 有功 孔 於 子 孔

故 足 帛 莫 日 世 爲 鍾 如 : 遭禮 治 益 先生 鼓 孔 矣,無 故 亦 子,故曰『人而 云 謂 有 樂云,玉帛 君子探 桑 廢 此 子 之 不 曰:「古之聖 其 足 而 本 用 爲 鍾 不仁 損 者, 鼓 ; 云乎哉。』然則 有 世 如 用 亂 禮 人,説禮 矣,有 之 樂 而 何 廢 0 樂 此 者 不 又 者 玉

乎 無 衆矣,多言 厚之禮 用 ! 三日 之本也 忠信 兹世之所 曰 而 朴實 寂 哉,斯 術 王 然 一,而 詐 道 無 不 子獨言之何?」先 備 聞 以 可 動 司 矣。」 可 以 馬 感 籠 憂也。 君 而 西 民 焉者聖也,二焉者賢 遂 實 而 里 通 也, 夫 獲 子 上,謂 忠 曰 兼 -信 生 之以 日 之 日 吾 知 忠 行 閲 張 禮 信 有 者 嗟 子 必 人

> 也 知之矣。」 馬 者 愚 也。 不 愚 不 聖 又 弗 賢 焉 某 不

八

之後 其 自伏 曰:「聖人之好古者,莫如孔子 王 義以 莫言 霄問: 不 · 得 下,删《 而 也 「《史約》之始伏羲者何?」先生 略 故 詩 伏 羲 **>**′, 之前 書 > 則 不 得 自 然係《易》 而 唐 詳 虞 伏 以下 羲 則

誰 治; 虚 行,誰不 也?三曰 不吕 而 漢 先 靡, 温 文 生 周 : 有 不 謂 勃、汲 元稹哉?」 之 漢 興 陳 文 則 詔 質 天 黯 奚 曰 下 而 哉? 用 : 簡 ? 不 ,措之則 唐 平。 貴 故 詩 唐 興 不 詔 詩 漢 湯行 廢, 日 則人滋邪 文 : 則 天 下 人 唐 何 敦 詩 謂 不

約 **>** 則 霄問 主 漢 $\overline{\ }$ 而 通 平 鑑 書 》帝 征 伐 魏 , , 云 綱 者 何?」 目 帝 蜀 先 · 生 史

^{■「}伐」,原作「代」,今據乾隆本改。

之先存?」 國之例,赧 自 建武元年,帝孺子始弒於臨涇,又何 接 「王莽 凡一 漢 而 言,皆偏 統則稱帝,帝魏自 已一統,不存 王 一殁,雖 辭 東 也 周 新 平 君 紀 中原 書 不 者 其 得 何? 實乎 而 稱 言 帝 新 曰 猶 帝 也 紀 戰 蜀 •

哉? 門而 兹莊周之誕乎 曰:「嘉其 以形骸之外耻子 人,子産耻嘉之兀 耻其 言問:「 是嘉非子産之友, 瞀人非子産之師, 出 德充則 人,是舍門 鄭子 弗兀矣。 産 産 也 。 每 及 嘉其 而 申 出 出 屠 人不 徳充 夫子産不 人 嘉 也 同 ·與 歟?」先 師師 師伯 並 其 耻 香 何 其 嘉 生 瞀 如 同 遂

榮華 裳之 文: 『予不信也,不然,何父子兄弟皆不 其言,難 章,奠其室而 先 生謂舜謨 以 日 適 後 : 治 觀 「君子正其体 矣。 Ш 藻之飾,志 王 仲 淹 而 謂 不 後 陸 足 觀 保 機 而 衣

東林書院語第四

人敕 道哉?」 不 也?」先生日 ·爲 作欺 • 用問: 則 人敕, 鎮 「鎮守之害,使人不 守 一此 奚 則 害? 朝 非知 廷 奚遣? 制敕者之過邪? 彼鎮守者, 門 人高 故不爲 陵 能 權 聊 又 世 生 用 何 作 録 故 足 欺 何

雖 有 曰 過 秦 . 患於 「《秦誓》 穆 伊問:「《書》 也 亨堯 有 其可 舜 過 不 皆 以 終於《秦誓》者何?」先 知 可 作 悔 爲 聖 而 矣。 乎? 改 也。 故 夫人不 書》以二典 悔 而改之, ·患於 生

●「欺」,原作「斯」,今據四庫本改。

始 秦 誓》 終。」

賢 乎其俗 讀《 矣; 能 也 而 知《頌》。 頌》 讀《雅》 故讀《 後 先 能 生 也、《雅》言乎其 而 謂 知《風》,聖而 知 **>** 風》 而 故德以善政,政以善俗。」 子言曰 德之淺深,幾微 知政之正變,興 而知俗之美惡,取舍之教立 : 「《詩》 後能 政 也,《 有 知《 之教 廢之教立矣; 頌》言乎其 \equiv 雅》,神 一教,《 立矣。 風 而 後 故 德

不 仕 淹 據 ",猶 寧 以 而 爲 李 或 繼 是乎?」 秦 以 僨 之餘 祖 吏與 事 問:「 ; 酷 度 勞馬,多 吏 德 者何?」先 而 而 登 官,猶 見 仕,勞而 其棄民 生日 或 病 進 : 也。 或 選 官 王, 三代 材 材 德 仲 而

平 此 而 則 日之所 誦 金金 舜之順 叔 用 剛 嗜也,然亦夫子學仁之誤乎? 曰 、親矣。」 : 者 則 尹 彦 何居?」先 明 程 門之 生 高 曰 : 弟 斯 也,爲 其 過 母 母 間

有

也。 位 奠。」曰:「禮乎?」曰:「禮不可以莫之實 夫子不云乎: 乎?」曰:「爲位。」曰:「奠 夫奠,其實哭乎?」 胡 子 有 其 友 『哭諸 死 訪 寢 哭 門 道 之外。」 焉 八乎?」 先 曰 生 日 日 爲

擇師 南薛 陳 師 安僧舍而 陝 有 選友,其 程 公之學,某以 先生謂叔用 州 正 陳 叩焉,公曰:『敬之以 叔 雲逵 之志, 可易乎?」 爲 日 友。』夫周有 爲 乃 「師 所自 然後知薛子之學矣。 友之功 得 也 朱壽 蘭 誠 州 嘗 大 昌之行 周 遇 也 於長 蕙 爲 渭

學至 介菴 介菴 死 而 先生謂 李錦 興 不 倦。 起者乎?」 關 介曰:「予聞諸 今亡矣夫!』夫薛子,其亦 西之豪 傑 也。 思菴薛子曰 甘 貧 守道,好 見

乎!」曰:「不 介問 ·程門之高弟,先生曰:「其 ·有游、 楊乎?」曰:「游、 尹彦 楊 明

則 朱 以 粗 何 粗 元 若 也 晦 ?! :「游、楊之精近於禪。」曰 且 曰 : 讓 焉 : 「尹在朱門當何賢?」 況 「其學顔子而 其 門 人乎 未 ? 大者乎 此此 尹 日 在 孔 其 門 所 雖

格 名 移 物。 也 而 爲 客 物 馬子 有言滇 誘 谿 者 田 乎 南之田 ? 曰 :「其猶學之無本, 先 浮於水上者,可 生 日 : 此 謂 致 盜 知 有 浮 在 而

内方 州 詭 矣。 王 可透 紳 外 蒲 先 生謂 先生云 州 金 果 衛 石 敢 薛 述 自 可 生曰:「河津薛德温先生,直 先 取 謂 生 不 學 可 愧 於 謂 乃 河 得 師 津 魯 矣。 先 齋 生, 許 子 子 聞 忠 之 諸 信 傳 蒲 無

君子 生。 不 門 避 人 問 安 非 命。」 避 命之生 禍 又 問問 先 ,君子 焉 生 曰 不謀。 日 : : 徙 非 義。」 義 之禍 問 謀

官問:「友三益者何?」先生曰:「友多

爲首。」聞不如友諒,友諒不如友直,故夫子以

友直

乎? 使汝 焉。 也。 妻又 納之於邪」矣。」 欲 子無. 楊子 嘗聞『教子 楊 君子 明 死 惑 久之妻死,其子之 知 完身, 則 有 而 可 問 爲 以 馬,先 楊 如 義 曰 子謀者,欲 其 義,二 方。 有 生曰:「此 知 子是之舉 日 服 也,不歸 命 未 爲其子 禍 祥 大倫 也 怨於子 福 , 先娶 亦 其 不 也。 與 繼

安得 不講 行之不篤 也 篤行之人與之論文乎?」 權用問"「文之不明者何?」先 久矣。 也 久矣。」「何 安得 講學之人與之論 謂 也? 曰 : 行 生 學之 乎 日 ?

道 懼 也。 者 1,是爲 三過 樂禍 而 不 改者, ,斯其人終不 是 爲 玩 可 過 與 ; 人 堯 禍 舜 而 之 不

先生謂馬子谿田曰:「外曾祖宋公之

伏生。」 毅公評西安人物矣,比宋公於漢毛萇、 曾子易簣亦近哉。」馬子曰:「理 瀋 書 德 殁 玉兄弟四 也 王語 生也,采 ,某未之今見 墓 默 位 禀度焉,曰『真吾師也』。 薪 人,當 當 養 絶穴,子弟請易之,公曰 也。 親 誰易也?』卒定焉。 面 某聞 無 戚 諸 容。 長 老日 聞 教 王太師端 授瀋 及其 ,公之爲 此 府, 垂 與

近 及舜既可用 虞舜,若試之而不登 先生曰:「然。 天下重,視二女九 ·幼吾幼以及人之幼」?」曰:「推恩之仁,篤 而 及遠,博愛之仁,舍小而謀大。」 霄問 日 也,又 昔堯以天下之故,捐二女於 堯視天下重於己子,然乎?」 男輕。」「然 廢乎丹朱。 庸焉,二女爲虚歸矣。 則孟 當是時 子何 也,視 以

清 幾 乎卑 李立 卿 法 曰:「陳白 地 矣。」先 生 沙 幾乎崇效天,薛 曰:「智崇亦 由 禮 文

> 有餘 嘗聞 卑,禮 如 謂 趨 道 其 。] 夫二子之道, 某未之能習 焉,文清其正矣。」 卑亦 大節矣。白沙狂 由孔子言之,皆可 由智崇。 易》 而未足,文 日 以入道 也 陰 清 始學者 陽 狷 然 之 而 而

涇野子内篇卷之二終

=

涇野子内篇卷之三

東林書屋語第五

門人高陵吉士録

居 ? 也。 緦。 者,不既輕 母、慈母、養母 生身之恩莫大焉,而不三年,非所以存其子 衣、 妻妾也; 縓緣,爲父後 故《孟子》曰:『雖加一日愈於已。』且繼 鄭子 今亦斬衰何?」先生曰:「由父視之,有 父命他妾養己者,比於父之他妾生己 由子視之,知其母,不敢知其妾也。] 間:「禮,庶子爲所生母練冠、 矣乎? 皆三年, 者無服。 生母 無 生母 服,雖聖人之制 父死,始爲其 而不三年, 何 母 麻

> 母固 年,天下豈有無母之子哉?」 子也,吾斯人。吾母既 不以其子爲子也,吾斯出,養母 不然不知有父也。」「養母者何?」曰:「吾母 乎: 『子生三年,然後免於父母之懷。』 夫慈 非 者何?」曰:「子夏曰:"貴父之命也。"貴父 亦可改也。」「繼 其配父與因 魯 有三年之懷矣,不然不生,不然不長, 即 昭 同母,不 公之練冠也?」曰:「孔子又不 母 同。』孝子不敢殊 亦重乎?」「且孔子又何 母 者何?」曰 不三年,養母又不三 子子 不以 也。」「 其子爲 夏 慈 日 云 以 母

莫若和。』『就 名,爲妖爲孽。』其知此夫。」 人,爲顛爲滅,爲崩爲蹶;心 曰:「昔者蘧伯 心不耀其寵,時 先生謂祖學曰:「君子之事 不欲 玉謂 其諫 入,和 顔 不謀其身。」「請 闔 不 和 欲 而出 形莫若就 出。 君也,格 形 聞 就 焉。」 而

變, 是 以 則 元 而 何 剛 之性 亨、 故 言 明 使民 健 此 乾 之 先 中 利 情 問 也。 元 以 不倦』。 正 生 貞者 也 始 盡 純 日 故聖人『乘六龍 亨,言 其 粹 : 乾 故乾 言言 用, 精』之七言以 非 雲雨之比 元 乾 者 亨 或合 始, 四 即 始 元之外 德 即 元 而 而 能 也 理 亨者 亶其 言 以 以 又 也 之 贊 御 其 美 有 也。 然乎 以 天」,『通 此 利 利 是 物 也 著 貞 利 故 _! 也 以 即即 天 其 下 或 下 體 爻 乾 其 故 者 别

終, 馬 譖 不 能 必 谿 臨祭 酬 能 田 生謂 謂 ,必責予日 知 必 先君子『不言 其故 能 周 格 官 臨 其 日 『汝所讀 神,臨 患 : 「先君 必 而 能 訟 躬 置 子 行」。」 必 書奚在 其安。 臨 能 喪 辩 必 邪? 其 子 能 疑 當 圖 故 臨 事 其

《孟子》。」 文。 曰 珫 問 權用 文。 治 尚 先 曰:「何謂 生 書 日 **%**0 原 「治《左 也?」曰: 勳 問 氏 文。 \gg ° 曰 : 周 官 而 治 問

應賓,而子代之者何?」先

生曰:「吾父告諸

霄問

仲

止

之冠

也,

渭

陽

公不

·爲

主

以

不 則 官易 而 不 典 動 博 而 不 暢

故 玄 子 爲 孫 祖 孫 曾 猶 卒 高 子 父子 曾祖曾 誾 祖 體 問 父 也 也 母 斬衰 父卒 孫 祖 猶 喪 者 父子 其子 嫡 何 ? 孫 也; 爲 則 先 祖 曾祖 孫 生 父 喪 曰 母 卒,高 其 父也 祖 祖 祖

之田 并,故 黔 永業 王之 曰:「可乎?」曰 日 可 : 首 乎 「墾棄 自 法 以 伊 ·?! 日 見 舍田 絶歸 問 實 惡 税 田 地 乎 + 授耳 :「里有公侯之貴 税 也? 以 秦 可 五. 人, 盡 鞅 者 :「是逐 也 。 日 地 地] ! 何?」「 曰 何 利 : 數 : 以 聽買 「可乎?」曰 然 未 開 井 民 則 輸 盈 阡 也。」「 田 賣 始 田 此 既 陌 以 其 皇又 主 廢 也? 之謂 盡 或 税 也 「廢 人力, 耕 又 民 何 也 先 豪 多 備 以 日 兼 先 民 生

四

者見 古 而 何 襴 服 統 筮 廟 ? 三 曰 皆 拜 曆 可 衫、絲弁、皂衫者何?」曰 日 ,使某習 於母 子,古之不可從者也。」 因 如禮 》選 於 者則從古, 廟 日 母母 矣,乃不 「子雖黄耈台背 禮於君子,敢 何 所 ? 拜之。 桂 者 日 古可 用 執 . 今 爵 卦 制 四 革 弁,服 以 不 也 了,不可 拜 者 視 執 。」「帷房設 :「亦由 則 於 主 皮弁 其勞?」「古 母 從 人,今以《 無 今。」「古冠 母 親 夫 而 坐 也 制 洗、陳 儒 受 也 弁、 者 大 者 母

不 非 也 子 吴,董子所謂 以 足,免者醫,病 太 比 ,復納美女於太 己女女吴王 葬 諸 \pm 達 死 一之儔 太王 問問 問 傷 不不 矣,然 勾踐之事吴也 養 『 先 詐 大 亦 者救 生吊 過 宰 夫女女吴大夫, 其 力 乎 嚭 憤 怨 憂, ? 而 票,撫越. 檇 後仁義』者 送 曠 李 先 一,用 者 往 生 之敗 + 有罰 迎 大 曰 几 來 夫種之謀 而 土 年 去 或 勾 女 棲 而 也 會 踐 遂 女吴 惡 補 稽 孟 滅 固

聖賢 當 以 其 請 伯 其 書 之 是 戰 樂善棄過之心 知 以 亞 時 而 終 耻 後 也 也 ,足以 堯 興師 有 孔 舜 子 如 人智也 此 可 以 越 ,如此 謂 其 君 勾 者 知 踐 悔 乎 辱 取其志 過 諸 夫 自 可 侯 憤 故 之末 以 以 秦 人 近 並湯、文。 聖 穆 於 也 知

也

録

Ŧī.

孟

子

東 林 院語第六

下 責 輩 人 及 論 其 皆 材 詔 不 逐 何 守 切 劉 之 責 死 子 以 節 於前 寡 乎 日 至 而 乎 ? 一以『無 獨 `?! 先 矣, 晚 故 稱 宋 避 張 李 顔 生 群 難 敬 復 見 日 臣 之士皆 夫 侍 先 : 遇 曰 : 郎 帝 難 死 一人。 於 皆 至 難 地 矣, 避 之 伏 下』爲言。 士 去,太后 節 又 然 一,安 死 何 則 宋 以

門

人

高

陵

崔

官

録

當 於直言敢諫中求之。』」

文中謂 嘗亡 財。 迎 惑 者 乎 也 欲 治日之少 何?」先 興《桃 問問 婚婚 但 「婚 娶 行 夭 》 肅 論 生 之 也 有 曰 荷 財,夷虜之道」,今天下皆 六禮 :「納吉、納徴 簡 雝之化,不亦難乎 耳 ,今用納幣、請 。」問納 幣。 納 采 日 期、 實 昔 無 論 未 親

隋 之爾 周 樸;秦始渝古,變國之書也,其文奇; 其文淫於晉,宋虚 元,苟國之書也,其文淺,晉、宋、齊、梁、陳*、* 書也,其文典; 可考,跡在 七,取形去神者,皆《汝帖》也。 、諸胡 ,亂國之書也,其文治而捷, 真 先 也 生 ,盜國之書也 謂 世,亦一 夫 九 書]1] 兩漢之書,治世 可辯。 子 入木石 矣,其文蕪於元。」九川 Ĭ: ,其文粗 故三代之書,聖世 《汝帖 即失 而 厥 後魏、北齊、後 夫書存,意 素 之書也,其 厲。 初。 -若《絳 唐衰 魏始 得 帖 子 通 之 尚 遺 文

> 日 下如此夫 果哉 ! 唐 雖 亦 俗,漢雖隷 亦古, 世 戀

二六

趨

乎 如 爲 耳。 爲雲雪 時,地氣之升也,重 故 也,子亦求之己 ? 以 雨 夜 爲星月之氣 官問 夫當春夏之時 陰 奚不露? 不 而 則 重則 爲 無 「程子曰: 霜 露。」 不 而 爲 夫 其 而 已矣。」 雲雨 先 天之露 究 爲 則 地 生日 『露者星月之氣 露 則 爲 氣之升也 而 也 雲爲雪,不 亦天之氣感之耳 : 爲露。 霜,猶 示 冬夜 然, 贵 人 當 重 之 重 秋 無 亦 則 所爲 語 冬之 星 則 地 爲 月 默 雲 氣

事 加 曰 人。? : 求 之渺 「昔在子路 官問:「孔 茫 夫聖 如 問 人 子奚不論 聖 論 事 人 神,夫子 人 如 而 此 論 日 其 日 月 直 月 项 不 雨 雨 也 對 雹?」 先 雹 日 也 猶 未 後 生 舍 能

⁰ 伏」,乾隆本、 四庫本、嘉慶本作「仗」。

之流 旱、霜雪,皆爲言乎人。」 言 天即 弊 言 不 人 可 也,故《春 勝 言 矣。 秋 然 ***** 其 紀 言 日 人即 蝕、 雨 言 雹、 天 也 水

其久 而 想。」「何以有主也?」曰 則六經、四書不能 書、六經,真 今有言讀書非力 客邪交侮矣。」又曰 不苦學。」 也,心 洙問 外想難 與理 力行之士也。 絶。 , 行者,以予言之,背過四 入胸中 : 雖 先生曰:「心無主 以 有客邪,不能入矣。 . 其可 「禮義」 矣。 蓋 非 想,换其不 洙無獨 浸灌 心好義理, 耳。 玄談 比 可 則

哉?」「惡乎學?」曰: 之學。」」先 也?」曰:「 官問:「楊子雲曰:『通天地人之理 蒼 生曰:「子 蒼 者豈 天理, 茫 雲焉 通人則通 知 茫 學 天地 者 贵 何 地 謂 謂 理

堂,先生謂之曰:「昔者糧額之初定也,西安有督糧參政,法嚴而令刻。過涇野草

民不 存而 興 陸 而 而 南 利 遠 奏於 海 有 逃且 不 近 水 焉 澧、澇、皂、 如 强 朝 故 渴 用 然 弱 以以 盜也?」於是有 其 之用 而 額 脩豐潤 有司 潏 甚 又弗平。 重 北 者猶 王御 也。 有 鄭、 今官 何 以 史 先 副 諸 白 額 生日 微 使道 渠 設 渠 焉 而 「果哉 亨者,聞 職 比水行 ,如之何 其 廢 地 渠 稱

譽矣。」 臣 且 萬 民 各 不 能 其 勳問 止 猶 正太宗之閨門,況 其 :「王仲淹謂 天 、所, 豈 乎」, 則 小之乎 何 如 『杜如晦 ? 其 哉? 他 先 乎? 若逢 生 仲 日 明 淹 父子 江王,於 亦 如 君 邇 晦

不 孔 聖人自胎任及食食、能言,已教之矣。 曰 教 子 • 一此 ,是愈疎不慈也。 官問:□ 則 訓 孟 子因責善之事 伯 君子 魚, 周 不 公、 教 子。 故教則可, 孔 而 子 説 周 之激也。 非 公則 歟 責善則 ? 撻 伯 先 子之 古 禽 生

責善有服之之道。若周公之撻伯禽,則爲可。」「責善非教歟?」曰:「教有養之之道,

涇野子内篇卷之三终 成王也。」

一八

涇 野子内篇卷之四

過

則附會之。

慶平生人有

小能

細

行

即

責

端 溪問答第

門 人解梁丘東魯 録

雹」,暑月冷雨 亦 曰 : 有 「人事有順 不盡然者,其 端溪子問:「桃李冬華,『春王 ,十月或雷鳴者何?」 有 氣數之錯乎? 逆,則天道有常 有 正 涇野 一月大 變。 然 子 雨

者精 其二 冬月甚寒而井水 義以 氣之升降乎?」曰:「人呼吸亦然,故學 問:「夏月 致 用。」 甚 温 炎 陽 而 井水 在 下也。 寒,陰在下 寒 也; 温

問 恒 情: 聞 人有 善 則忌之,聞 人有

> 此 此 未嘗畜之胸中。 之,其或有背負己者, 上 心 可 更有好路途也。」 進否?」曰 比其 • 纔 悔 則 説 也,反德之。 但付之一嘆 不留之胸 中 息, 尚 不知 實

弗 武威,亦可玩 海 與藩臬,村落孰 然亦自然之勢。 届 不 揚 問: 耳, 波, 而 「中國之與四夷,雖 又 四 也。」 何 夷 與 勢之云?」 向 故藩臬孰 城市 風 亦 ? 如 故聖人在 曰:「揆文教,振 天 與 風氣 京 地之化,無 師 有以限之, 中 郡 或 縣 孰 遠 則

病不 矣。 生於素,巨生於細,終 是故 能韜 問:「凡天下明生於晦,動生於静,華采 室人 晦 己 耳。 抱 朴 日 守 生於始,理固 , 韜 與 晦 天 亦 地 小 事 口 有 耳。 化 然者 愚

此 節文字,乾隆本、 四 庫 本、 嘉 慶 本 無

今不 祥。 亦不 而 爲吉爲 知 后 而 止。 然,聞 然君 能 罹 問 善。 災,是曰 静 「人之吉凶, 能 子之爲善, 静 鴉 嗚呼! 知 噪 而 止, 則 反常 后 以 能 聞 安。 其亦 爲 則 凡 鴉 X M 贵 以 噪 凡天下之道 異 爲 人 以 善 介乎?」 亦 憂, 而 是 惡 不 獲 爲 聞 而 憂,聞 福 Ë, 忻 鵲 是 噪 戚 鵲 只 故 則 哉 E 貴 定 噪 吉 以 不

孔 行 『言必信, 子 不 以必 問: 必 果。」 一言 爲 行必果。」孟 小人,孟子 將 行, 安 士 取 夫 衷 子又 以 哉 第 不 ? 日 必爲 義。 日 :『言不必 [: 「皆] 大人。」 孔 子 是 曰 信 也。

知 必 可 相 不 知 至 信 如 問:「天下古今,莫難 風 自 夫以 雷 知,人信 吁 之 聖 變 莫 然 是 如 後 不 宜 周 釋 如自信。」曰:「惟『赤 眼 公, 也 底 ? 紛 有 者 紛 何 相 則 者 不 知,尤莫難 夫 衆 足信者 不 也 如 故 公 舄 者 者 何

> 然矣。」 几 几 好 觀 若 常 人, 雖 微 風 輕 雷 亦 駭

學者觀 循 通」,又曰 日 孔 環。 十 子 ·一時 問: 問:「千古聖賢 斟 然 於 天 酌 陽 陰 通 四 陽 中 統 地 乎 代 之 未 而 畫 ---元 禮 間 言之,不過 夜 始 樂 十二會 之 心 無 亦 事 道 亦 陰, 可 而 此 與天地 以 陰 知 意 六陰六陽迭 進 中 年十二月, 故 德 未 萬 矣。」曰 日 始 物 無 變 萬 相 則 事 .

册 經、四 之理 觀之者如 靠書册 也,要之有 書 無 (含書) 之 不 何 類 賴 耳。 所 册 是 文字 歸 亦豈所以 也。 四方上下,山 耳 以 故 傳。 嘗 爲 竊 所謂 學邪 料]1] 文 草木,皆 固 字, 日 不 可 如 書 顧 專 六

下 所 前 謂 戲 問 況 子 先王之雅 扮 動 岳 物 感 飛 人, 歌 秦 莫 者 檜 如 與? 故 音 事 樂。 故《天 坐 客 嘗 往 見 保 往 世 以 泣 之

世 雎》 飛、 無補 《伐木》、《蓼莪》之章 變不同,人品 《采薇 等詩 秦檜 於德 性 **>** 即 雖 以 泣 千 下 百 下 亦異,教君子 · • 遍 沾 歸 襟。 於田 -, 恐 雎 × 亦不 時 若歌《采薇 夫野 ^ 復 鹿 小 欲 咏 鳴 人亦異 老之前 聞 歌 \approx 也。 棠 亦 *\ \!\ 術。 扮 是 未 棣 歸 故 岳 必 \approx

所能 者 頭裘 曰 : 之戒。 「文帝之見 事 及也。」 問:「漢文帝却千里馬,與晉武帝焚 雖不同, 然文帝 與賈 有 要之皆可爲 生不 賈生不 同, 貴 恐文帝非賈 能 異物喜奢 用 惜 矣! 侈 雉 生

之基 與所 哀 鳴 地 只 甚 呼 謂『是 是 也 問:「孔子『食於有 至父 風 片 孟 俗 母 日 子 自 哭則 之喪 日 亦曰:『哭死 然。 漓 亦 不 至至 禮 歌 恬 教 誠 -, 喪者之側 然 日 惻 未 如 壞 而 怛 嘗 平 哀,非 往 不 時 四字 嘆 往 未 也 臨 聖 0 爲 嘗 喪 生。 作 飽 日 人 不 聖 心

之耳。」 (習俗成,雖賢者亦改其初心,有道者宜

振

深矣。」 德。 麟 以音樂之和 出 獲 問: ,恐是聖人至德 麟 「《韶》音作 麟之不 , 書成之故 幸 而 太 也, 鳳儀,與《春秋》 和 也 有 故 曰 絶 以 動之耳 筆 一音樂 焉 其 成 即 非 而 義 至

與舜 免作 時,與 蚤 與 今日只把堯、舜、 而 此 夜 欲 顔 亦是一 在 思 問: 求 、曾、思、孟、周、程、張、朱,只如見 輟 我相參, 面 所 舜。 相 「常情: 前 謂 半。 半 也, 若 恭 功 但 恐 敬 如 蓋自 夫 禹、 玩 其 千 以 如 生於 爲 對 里 益 不 若 湯、文、武、周 古 不小。 能已矣。」 得 解 面 所 人 家 後 父 忽,敬生於 書 更 兄 書 吾且 故 須 何 難 羹 要他 嘗 公、 矣。」 墻 讀之,未 不 見堯, 孔 所 喜 在 個 曰 子 尊 當當 堯 :

問:「老子有言,『不見可欲則心不亂』,

聽 然 能 然 後 亂 則 而 乎 必 心 ? 無 見 中不 弊。」曰: 可 必 欲 忘 若 而 吾 則 亂 夫子 人 亦 乎 亂 ? 於 所 耳 非 謂 夫 ____ 禮 使 非 耳 禮 吾 勿 心 目 視 有 雖 聽 主 勿 視 其

嘻。 防 也 防 如 之於 婦 便骨 治 非 問 或 未 所 肉 雖 以 然 家 間 基 怨 之 乎 肅 難 隔 吉 矣。」 ? 内 而 ,大要其 範 或 之 故 易 也 日 道 日 : 『閑 古 故 身 也 然。 正 防 日 與 『終 亦 至 有 家之 行 未 於 家, 吝」。 道 盡 難 耳 志 婦 化 其 子 纔 未 言 變 必 嘻 莫

許 業 者 以 大 乎 者 示 酒 ^ 禹 嗜 問 多 誥 書 貢 伊 酒 党 方 | | | | 也 者 訓 可 不 可 × 以 一刑》可 可 以 日 **^** 示 典、 以 顧 示 治 望 命 化 以 = 水 事 堯 服 者 謨 示 可 雖 舜 梗 用 **→** 以 可 者哉?」 有 叛者 法 湯 以 異 示 者 誓 守 示 道 故 望 成 口 無 酒 者 致 治 以 誥 不 堯 用 示 通 莫 大 創 舜 可

> 矣。」 然 其 宜 Ш 飛 畏 也 矣。 若 漁 鳴其 111 爲 也 日 風 平. 問 人鷗 者 : 波 中 至 且 也。 岩岩 於風 之 易 只 長 鳥 險 焉 江 看 亦 是 相 恬 莫 之上 己 忘 如 狎 故 浪 大馬 矣。 何 機 機 而 息 大 平 也 玩 心 漁 而 易, 海 者 忘, 此 反 若 人 之 平 莊 有 乃 何 出 濱 而 易一 生 不 吾 也 没 後 風 ? 所 人 其 口 可 波 差 謂 之宅心 間 測 以 水忘 之 者 恐 進 險 鷗 險 機 靡 德 於 則 鳥 口

全 也。」 然 在 而 問 日 此 己。 : : 蓋 勿 孟 忘 忘 子 則 所 亦 謂 涉 非 一勿 自 於 無 然 忘 情 蓋 勿 自 助 助 則 强 出 只 也 於 是 説 有 功 夫 意 自

惟 此 海 草 心 以 書 草 問 以 學 哉 : 書 道 名 天 下 雖 其 世 萬 詩 何 事 精 與 亦 精 文 奥之不造 自苦 於 亦 勤 然。 心 荒 中 乎 若 於 來。 荷 嬉 有 日 向 如 所 使 張 移 東

雖草書亦無妨。」

也 得 謂 體 理 以 非 日 間 守 太 其 『天得 老 極 或 子 乎 ? 未 夫 以 知 然 所 **^** 清 後 謂 易》 知 地 老 之 得 子 用 非 得《易》 以 焉 理 寧 乎 知 ? ~ 之體 王 易 侯 所

以 也 立 俊 問:「凡 曰 偉 堅忍固 光 人 明 必 之 善然 有 業 堅 故 忍 亦 君 不 是 拔 子 細 之 莫 事 操, 耳 大 乎 而 堅 後 忍 口

學, 籍 謂 補 口 經 凑 問 其視子雲之《太玄》, 何 世》恐亦 云 . $\overline{ }$ 者,或者 妄 皇 乎 極 太 經 淺 以 日 世 近 程 : 可 \sim 子 見 疑 太玄》 不 邵 學 不 子 其 亦 格 固 數 遠 物 於 爲 乎? 世 窮 宜 教 理 遠 所 之

本 道 非 問 孔 老 子 氏 「今之所 於 流 夷 乎? 俟 謂 故 斷 僧 孟 曰 非 子 墨子 老 於 而 夷 流 之,斷 不 乎 死 ? 爲 賊 所 謂

> 弊 斷 善 二氏 斷 也 0 於 氏 未 之 病 害之前 者 莫 故 如 難 孔 孟 今所 也 見 \Box 者 : 孔 流 孟

他 石 化 石 者乎 鳥 而 非 後 則 問 氣 ? 三 曰 何 殞 : 化 以 也 物 者 不 : 有 乎 能 雀 氣 ? 星 ? 人 化 水化 之 雀 氣 有 X 蛤 形 大 凝 化 水 聚 其 而 性 重 是 爲 濁 近 故 蛤 乎 E 星 欲 非 殞 成 若 形 爲

若 陽 精 下 於 火 而 哉 晦 謂 下 陽 之 ; 生 右 月,太陰之 9 借 問 也 火 物 明 亦 爲 日 有 其 陰 未 以 爲 先 言月之始 光 有 有 漸 光, 亦 儒 也,是 明 不 而 互 謂 精 則 一借 盈 月借 晦 是 也 知 爲 而 虧 各 月 生 日 月之 明 明 陰 明 用 本 譬 爲 乎 者 故 其 也。 無 之 光 ? 弦 也 明 明 獨 望 夫 況《周 又 矣。 之 月 盈 無 吁 日 流 目 乎 虧 假 1 譬 星 太 書 借 哉 左 之 凡 養 自 陽之 也 陰 天 明 爲 天

H 曰 中 見沫 星 月 爲 皆借 災。 日 光 恐是。 故 月 未 望 不 圓

城 吾 談 孟 之道 ,即今世 於 釋 此 氏 問 有 是其 然 感 劉 後 信 焉。」 元 口 能 小 城 闢 故 如 忠 日 佛 佛 . 孝 老 或 心 者 大 者 談 0 節 幾 乃 釋 偉 人 以 H 哉 然 此 亦 矣 而 不 病 能 必 至 元 有 病 於 城 孔 元

認

也

日

只

忠實

安

詳

更

有

説

也

聰

明

字

恐

落 隤 者 在 皆 方 好 問 下 屬 者 端端 地 日 凡 溪 地 若 虚 則 乃 恐 明 何 指 以 未 輕 高 指 然 清 乎 高 者 人 ? 三 曰 耶 在 皆 上 屬 者 天, . 日 沉 語 天 厚 須 指 有 重 着 隤 濁

心 晦 戒 而 於 貴 明 乎 升 濫 問 皆 物 物 明 施 不 以 矣 得 天 日 春 以 已 道 而 沉 而 人 生 事 而 然 升 故 也 君 月 而 有心 子 以 已矣。」日 明 晦 於 忌 而 晦 於 明 大 沉 : 雨 升 察, 則 以 沉 有 恩 早

問:「人必心平氣和,而後可以處事。

矣。」 難 心 平. 於 速 問 日 則 辦 理 心 人 而 暢 難 不 平 氣 於 難 氣 和 安 和 於 詳 則 非 聰 辭 明 爲 婉 知 而 欲 此 難 動 是 可 於 人 故 以 忠 爲 可 語 實 也 以 道 動 事 矣 不 人

情 要,一日 子 帝 矣,然 有 其 難 問 不 ** 之。 可 無私 尤 欺 天 君 之 下 嘗私 相 明 智 之 者 所 持 論 無 少, 急 明 小 惑 者 以 人 故 有 也 照 日 日 奸 不 無 知 可 曰 則 自 測 人 小 狹 則 之 知 奸 哲 有 無 遁 君 惟

^ 辭 則 春 聖 也 秋 0 心 問 . 日 也 無 . 所容 孔子作《春秋 故 雖 曰 使 私 游 『游 非 夏 謂 夏 學 游 不 至 雖 夏 能 無 事 真 贊 私 大 不 魯 然 能 辭。 史, T: 贊 大 變 助 而 段 萬 斷

0

此

節

化,因物付形處,恐亦不能措手耳。」

謂 鳴 以 明 畫 君 三通 達 夜 必 子 陰陽之 多輕 變, 問 必 而 乎 故 多 時 畫 凡 通乎 分 夜 中」,又曰 疑 夜之道 也 畏 必 書 屬 多 陽 夜 惟 故 重 而 示不 ()與天 君 狐 凡 知」,恐 子 狸 凡 ·舍畫 夜 人作 陽 必 爲 屬 剛 夜 夜』。 陰 不止 。 曰 事 出 以 凡 爲 鴟 畫 此 德 民 : 必 梟 「《易 有 多 故 窮 必 疾 理 夜 日

對 嗚 吾 不 至 君 呼 一方信。 問 矣。」曰 止 有官 於不負其君 楊 震 君子 一若 辭 金 如 震 震 者, 哉 事 所 古 ! 爲 將 難 亦亦 期 雖 於 然 與 庶 暮 天 連 乎 夜 地 不 金 尤 負 鬼 難 神 於 夜

爲 紛 多言 良 圖 問: 言 果何 天 亦 地 不 足 間 可 貴 唯 廢 哉 0 卓 然 日 自 守 止 爲 自 良 守, 圖 耳 亦 非 紛

問:「静時體認天理易,動時體認天理

却甚 難 焉?」曰 應 者 則 難 故 君 : 静 能 子 動 於 存 亦 静 時 定 静 體 之體 則 動 認 於 亦定」。 天 認 動 理,猶 沛 者 然 以 其 矣。」 有 達 爲 持 乎 成 循 動 德 處 之 孰 静 禦 泛

以 敵 先 逐 心兵矣。」曰 盗,不若言『以 生 兵 用 日 逐盜,兵非 問 之不 一是 : 也。」 人 善 : 義 心 則 「人心之欲 制 人心。」 其 欲 害 猶 如 己。 以 用 王 兵 兵 是故 逐盜 材 如盜 乎 日 兵 ? 君 非 用 用 子 用 心制 人心」爲 心 莫 之 制 欲 先 善 欲 明 如 於 則 白。 以 治 如 克 兵

傀 死 亦 命 儡 其 如 口 悲 問 泡 在 猶 -散 技 也 傀 於 兒 嘗謂 儡 水 日 之手乎? 在 : 上。 人之生也 技兒之囊 「人之生 如 傀 及 陶 儡 如 橐 其 在 泡 冶於造 乎 死 技 聚 ? 也 兒 於 之手 化 水 可 歸 笑 其 上 根 也 其 猶 則 復

■「與」,乾隆本、四庫本、嘉慶本作「於」。

三六

天地爲用力矣, 傀儡在囊橐之内,則魂魄不

散類輪迴。」

之道 之道 性 無 兼 知 ,生育之道矣。」曰:「草木 氣 知 也 是 故 ? 問 血 禽獸 有 亦 意者 靈 知 草 草 於 本乎 者乎 木 草 木 草 鳥 何 木 天者多 木 ? 淵 以 之 鳥 也 夫 偏 無 뾆 故 惟 於 知 有 也 氣 有 ? 本乎 者 知 而 覺。 乎 不 故 禽 ? 地者多 能 有 潤 盡 兼 牝 何 禽 天 天 牡 潤 以 故故 地 之 地 其 有

物 物 經》 詩 爾 《詩 雅 不 問 Ш 如 **>** 不 則 海 日 《倮 博 即 × 如 物 《倮 物 \sim ^ 虫 詩 志 以 詩 録 》,《博 虫》 明 *****, **>** 非 人耳 故 不 也。 止 如 日 物 優 ^ **^** \neg 志》 Ш 爾 小 於 雅 子 不 海 ^ 爾 > 如 經 何 等 雅 莫 書 爾 × ^ 學 止 Ш 雅 博 \approx 明 夫 海

精 開 問 竅 於 天 耳 地 目 之 ; 精 草 木 開 之精 竅 於 日 開 月 竅 於 花 物 之

> 天 雖 聰 小 問 大 明 不 則 同, 身者 萬 或 其 「,其 理 理 萬 神 而 之宅 物 育 矣。」 諸 乎 ? 竅 日 皆 神 : 通 者 聖 矣。」 其 人 身 憲

道 之主 且 來 以 存 古 藏 爾 往 也 神 乎 耳 0 0 ? 皆 也 曰:「神 神 故 故 也 君 神 子 存 者 死 愛 則 身之 而 身 人 不 養 生 妙 便 氣 一,神 用 散 者 以 去 動 培 則 作 凝 其 人 云 聚 爲 宅, 死 所 其 IE. 知

欺。 之誑 不 誑 理 宜 然,則平 不 孟子 必 , 問 乎世 持 察,脊 己 博 白 之 宜 物 性 誑 君 杖 莫 情之偏 宜 君 子 之 如 莫 子 可 誑 孝 如 者 欺 肅 子 孝 衆 以 吏 産 肅 己 也 其 而 瞰 方。 明 不 而 其 日 能 亦 不 微 言 未 免 能 乎 君 校 狡 至 察 乎 子 吏 校 之 信 之

乎 故 日 觀 間 便 用 故 液 之 飲 男女飲 清 以 濁 養 陽 食,道之端 而 陰 食 陽 以 養 可 見。 陰 也 生民 夫 彼 求 道 之恒 於 不 離

事

之外,

無

乃

非

道

乎?」曰:

此

等

陰

陽

論

涇野子内篇卷之四終

乎 崩 迹矣。 天下 道 者,則甚 一、恐亦 丽 和,其五帝之事乎? 問:「至禮不讓而天下治,至樂無聲 民之怨咨生焉, 曰:「只是個 後世至禮壞而 切。」 太 淺 若 謂 仁則 求道 民 而 難,故孔子曰『人而 無 三王而下, 於 欲至治 所措手足,至樂 人人事 之 太 外 和, 非 涉 難 道 乎 而

有 跖 事業,只 稱 耳。 五. 力,在吾儒 問: 伯、爲其先詐 是 「孟子謂:『仲尼之門,五尺 尤不可忽也。」曰:「學者終 個 誠 力而 與義。 後仁義 反之,則市井 也。」 此 童 子 語 盜 身 羞 極

仁,如禮樂何」。

陽 大乎養心。」曰:「養心是學問根本,不 乎? 問 心之四端,其五 「心其太極矣乎? 行 乎? 心之動静,其 故 君 知 子 將 莫 陰

● 「王」,原脱,今據乾隆本補。

三七

涇野子内篇

涇野子内篇卷之五

解梁書院語第八

門人解梁王光祖録

其行 今之士 之,得聞 \Box 子? 「真 則忠信端 東 也 魯、 御 所 問 史 光祖 未 崔 問 也 聞 洹 正 穆 不 ,所行皆 因 野。 士也。」問 玄庵 述 覺 西渠 티 -除 經 去 日 爲 馬 術。 惰 : 其 御 柳泉。 心。 人 雖 史時 今安得 聰 好 蓋 敏 佛 事 曰:「温 博 先 學 每 有 古 然 斯 生 見 通

先 生 光 日 一:一比 祖 問: 吴草 薛 文清 廬 則 公可 有 餘 與 前 比 賢 許 誰 魯 比 齋 ? 則

恭

純

良

通達

或

體,但或

有

似老氏

處

耳

不足。」

亦 者,其文亦易明; 者,雖三令五 無所 德在言先者,其言亦易 於用 矣。」 申 ,莫之能 文在行先者,雖 聽矣。 喻 縭章 行 言 在 在 繪句 文先 . 德先

歲矣 取其 也。 傅説 三子者出 八,其 先 忠智者,此 於春秋有宮之奇、百里奚焉,孟 焉,孔子删《 生謂 山之靈 於其間 平陸 地 以以 書》而 諸 河 産也。 士曰: 之秀,豈 爲孔孟之所 取 其三篇者 「夫平 今去三 無 鍾 取 陸, 子 萃 乎 千 於 子 此 於 人若 論 有 地 商 産 有

嚴 明 進 道 乎 光祖 優。 ! 問:二二 然始學之道,其 程先 生孰 必 優?」 先 先自伊 ĴΠ 生 之方 日

行, 優?」 先生 有周、漢 光 祖 問: 百二 人風。 惟 程 尹 門 彦 尹 使 明吾 訓、 及 孔 最 游、 門, 敬 焉 楊 口 四 篤 方 志力 子 由 孰

求乎。」

登岸。」 般。」 丘 孟 先 學曰:「舉業之溺人,與佛之溺 生 曰 : 就溺中 不爲 所 溺 , 方 是 人

原爲 賢 志 愛國之心誠可敬。 居 也 亦 可 同 光祖 可 也 悲 姓之臣乎?」 此 何必 乎 風 曰:「觀 行 ! 投 汨 可 雖 屈原《離騷》之言,其 羅 以 非 然當其時,君既 厲 中 水哉?」先生日 道之聖,抑 頑 頓 無 耻 之徒, 亦 不 一: 邁 用, 忠 而 時 況 之 其 隱 君

堯 曰 能 由 忠者 舜 是 「尔 『孝弟甚 知後世之稱者,一節 光 祖 ,其太保 看曾、閔之孝,曾肯仕大夫之家 看《 廣大」。 鑑》至魏 王祥 乎? 晉 間 也。 嘆 他 日 日 故 以 : 尹彦明 問 能 乎 先 孝 論 ? 生 不

爲之,勿以 光祖 日 善 小 漢昭 而 不 爲 烈 戒 子: 惟 德 一勿 惟 賢,可 以 惡 以 小 服 而

句則近伯矣。」 人。』何如?」先生曰:「上二句真王言,下二

把 如 何 自 人 家當做草木 先生常勉 也 ,如此激昂,必至廢寢忘食。」 學 者: 類。 行 必 坐 以 常思自 聖 賢 自 己終 期, 身做 不 要

益驕。」先生曰:「在下者諂,而後在上者何故?」先生曰:「在下者諂,而後在上者必點,光祖問曰:「在下者多諂,在上者多驕,

《易》耳。」 光祖曰:「後世學《易》而不能用者,其

是 其 速。 爲 中 苗矣。」 光祖 心未實。 人 遇 教 曰:「物之遇 而 如 不興者,何 五穀之種,或蠧或浥,難 雨 或或 也?」先 生 或長,其 生日: 效甚 只 乎

之所 先生 欲 0 日 耿 重 夜 光 坐 對 仰 日 Ш : 堂,使 欲 輕 諸 外 子各 物, 言 明 義 志

野 子 内

講 近 何 必 人前 與 矜 同 如 使 理 若是好 ? 可可 以 誇 實 0 論 爲 如 常常 字。」 勸 Z ? 聖 若 邪 日 重 對 與 ? 做起。 戒 賢 獨 在 對 用 圖 日 郊 記 方 之實 日 凡 日 力 對 義 利 文字 有 泰 : 也 人 理 爲 讀 日 進 自體 切 工 義 只 欲 書常 若 欲 夫 外 磋 理 張泰 欲 期 否。」 乎? 至 自 也。 貼 物 不 實 不 至 欲 大 明 家 使人 何 即 遠 幹 方 爲己。」曰:「爲 日 蓋 而 如 誦 退 大。」 對 正 舉 是 ? 至 爲 讀 知,及考 矣。 業 日 由 實 終 學 是不 小, 曰 : 外 對 . 耳 亦 日 無 丘 物 至 須 不 好 牽 所 東 求 遠 當 試 王 勝 欲 是 得 制 郊 良 而 自 玉 己 則 日 實 耳 求 至 實 旻 不 不 友 在 何 :

樂 伯 生 日 夷之後成。」 光 如 無 祖 夔樂 舜 德 亦 有 又 雖 舜 在 有 之 用 夔, 德 稷、 亦 夔 契 難 方 乎 臯 其 能 陶 成 作 乎 益 也 こと先 垂 韶

先

生

自

運

城

會

司

馬

主

政

邦

柱

口

光

祖

義 人 不 則殺之,與故殺 舍之則 害。」 光 祖 問 害 義 程 如 子 不 何 同 蝎 處 頌 如 **>** 一先 此 云: 生 則 曰 殺 不 之 若 傷 則 傷 傷 而

不 暴 母 從 親 之終,然後合葬。 亂 先 尸 朝 生《 邑王 命者矣。」 於久遠,不 夏縣 夔父卒 禹 廟 口。 ·, 有 先 記 生 遺 古人常 > 言 曰: 命 欲 一從 禹 有 停 親 從 之 尸 治 所 以 言 命 待 以 爲 而 繼 而

自 禹 其 廣 要在 拜 目言。」 每令光 祖 輩 熟 讀 以

之風 意也 崇義』、『遠 居仁』、『 。」。上先 焉 光 祖 生 由 曰 利 : 嘗 義 稱:「 矣。」 西 名 渠 齋 潞 張 先 極 州 仲 生 中 仇 修 日 人之病 時 作 : 茂,有 河 甚 東 非 書 古 作 今 院 者 改 王 烈 爲 以

四〇

問:「其人如何?」曰:「貌象古雅質實,真

賢者後也。」

也。」先生曰:「只此便是『禄在其中』。」曰:「願得『長慶堂』字,不願得『鄉進士』字先生欲寫「鄉進士」大字賜光祖,光祖

求汝身之所始,思汝心之所終,觀天地之不 身,止於工文詞、謀科第以爲人乎? 爲 求不同於秋草者乎?」光祖 息,念父母之所生,明無人非,幽 號,●見安逸或寢者,旦責之曰: 此 逸乎? 言聞而不感發者,非夫也。」 先生在書院時,常夜隨擊柝者以 與汝 是屋爲寢乎? 日舗 「與汝 無鬼責,以 且 之,曰: 汝 抑 有 是 亦 是 觀 地

光祖曰:「張南軒潤色《二程遺書》爲者無以爲得計。」也,亦彼子孫之不幸也。」先生嘆曰:「貪酷也,亦彼子孫之不幸也。」先生嘆曰:「貪酷

文· 可尊意。 · 《粹言》,何居?」先生曰:「使人讀之,反因

文而薄意。」

涇野子内篇卷之五終

「常」,四庫本作「嘗」。

0

四

涇野子内篇

涇野子内篇卷之六

柳灣精舍語第十

門人解梁王光祖録

學孔 師 + 閩 關 學上 也 四便學孔 閩 子 周 自 去。 道 後 孔 通 亦未 如 子,後來尚不及顔、閔之徒。 子學下 日 何?」先生曰: . 知 衝 來。 如 見 何 鄒 或日 耳。 東 郭 孔子,萬代之 「昔明道兄 ,言學 自 濂、洛、 濂 弟, 關 洛 只

其 能 憐憫 難 處 問 ,便會區 。」 先生日: 「交友、居家、處世,不 處 山此 如 妻 須 有 妾之愚,兄弟之不 憐 憫 能 皆得 之心方好。 善 人,

> 肖,不 萬 欲並生」, 化 處 可謂 2,非言? 張子 他不是也。 所 可 $\stackrel{\bullet}{\sim}$ 西銘 盡 也 「》具言: 此仁智合一之道 此 理。 但千變 舜

格 是 一層 以 人 自省耳。」曰:「此固是要法,若隨 顔子之『欲罷 曰 物」。 辨義,讀 知 能 「如體寒思得衣以 不間 功也,其要只是能知 問 也。」因問: 「爲學 断?」曰:「責 書 窮理 不能 「焉能 只 不 ,皆不可缺,故曰 也也 間 」。」「則 煖,腹 得 斷 (志。]曰:「此 知? 耳。 好。」先 饑 何 曰 : 思 以 能知得,便會 生日: 事 得 謂 觀 「在默 食 之 致知 亦 知? 理 以 是 飽 在 第 何 因 識

日 不 問 ·同乃 「今之講 所 以 學 講 學,既 多 有 不 同 同 矣,又安用 者, 如 何? 講

則讒 邪 ? ·只看 諂 故 面 用人以治天下,不 所 諛之人至矣。」道通 輕 重。 可皆 曰:「果然,治 求同,求 同

下

力量 物 爲聖人方易。」先生曰:「作聖人不是 欲者,乃弱 問 ,見得善處肯行,便是力量。 身甚弱,若有作盜賊的力量,改 也。」 溺於 用 流 這 俗 等 而

則

行之。」

服 而 歸 又死 也 焉。爲子者事之乎? 猶 ,其服如之何?」先生曰:「事之。 祖問:「母 服其 出 服。 有被父出,其父亡而 不事之乎? 不 母 其 幸 復

言 可也。」 以 廬 墓、盡心於死者,而生者又不能養、當 之 處之?」先生曰:「廬墓非 可也。 母 光祖問: 無 養 則 母 「父母 先 何 亡,廬 如 ? 或有先亡者,爲子欲 曰: 之 不 古 勿 可 也。 廬 也 以以 父先亡, 李 求 何 養 愈 如 廬

> 事,則 情 送 ? 師 光祖問: 喪 先 臨。 於 生 中 曰:「奔父母之喪。 然必其師之恩如 「親 途 與 而 師,當事之如 聞 父 母 之 三年之戚 師 喪 有 何 練 也 祥之 以 也, 或

二者何日 又非徐庶可比。」 仕。 遇君之難,死之則不孝,不 光祖問:「父母俱存,兄弟鮮矣, 居?」先生曰:「當是時,君 死 則 難 而子出 爲 不 忠。

乎是 故子思以曾子爲不然。」 何 故 日 止 光祖問:「孝子在初 者 於 三日 , 忘死也。 也?」先 過 乎 生 喪,水漿不入 是 曰:「節 日 者,滅 也。 生也。 口 不及

若《 以見古人之行與 間 三年問》、《 傳》諸篇,平 光祖 問: 「《禮 奔 ·居 喪 制 不 *\ ~ 日 禮 可 : 者 讀 『居喪 喪 之心 乎? 服 記 讀《 敷? 若 不讀, 喪 雜 禮》。』 先 記 生 何

喪 \Box 母母 孝 而 子 後 讀 喪 禮 此 熟 起 不 忍之心 故 耳 故 伊]1[

之言 更有 陳於父母,其父母 非 其 何 光 義之義,難 道 祖 作 問 以 用 事之乎?」 亦當 有 以 爲 猶 有 諭 人子者,常以仁義 法。 有 親 傷 先 於 不 生 風 道 然,則 敗俗之爲,不 日 -雖 爲 非 則 仁 之言 知 之 義

何 或 子受之否歟 受乎?」 而 讓 光 祖問: 之者 ?! 先 必 當 其 時 知 生 諸 日 孔 示不 侯 子 有 而 欲 以 ·受而 或 用之者也, 讓 相 之,蓋 孔子, 又 以 孔

禮 其 而 而 二人之罪,敢 心而 决。 ,故父子君 忘義,故 光祖 宋 成其志。 日:[7 太 子 宗 母 問 臣 唐 欲 兄弟之恩 孰 之分滅。 以言其 高 重 傳 ~?」先 宗立武 位 聞 缺; 亂 李 生 趙 倫 后 勣、 日 高宗 普 則 得李勣 均 趙 「太宗」 數 見欲 普, 語 也 而 若 皆 見 而 啃 言 其 探 忘 利

蓍之捷徑

也,而

先儒

與

近

儒多鄙之。

若《

光

祖

日:「

邵子之數學,光

祖

以

爲

即

揲

相君之業,當又别論耳。」

等諸 未可 錯 問 焉 猶 爲 臯 處? 敢 有錯 陶 天子, 皐 以 侯, 之德,不 光 書》稱 問問 此 處 祖 然其 0 又何 必 先 陶 而 天 明 後 之後 劣於 生 至 必 而 孔 允二, 子 封 日 皆 較 稷、契, 子 孫 則 於六,終子 天 泉 則 未 無 子 臯 陶 固 昌 聞 哉? 也。 陶 臯 大乎 焉? 夫何 之刑 大德 陶 縱 孫 之德 ? 稷、 者 抑 世 未 詩 世 當 契 必 一, 世 爲 也,豈 之 受 人 時 諸 咏『 列 多 用 後 命 五 有 淑 疑 刑 咸

來,并 光祖 二十 文, 亡死者必亡生。 年 竊 傷 今士大夫居 疑焉。 前 其 文 嘗 之亡 傷 敢問 其 速 喪、 情之亡 是 俗 矣。 禮歟?」先 接 也 人,皆 可 是 久 痛 矣。 故 哭 蘇 乎 生 情 今三五 中 日 者 一言 深 必 衣 年

矣。 矣; 慕 利 數 辭 口 外 與 里 》揲 也 義 毫釐 閈 大 其 蓍 則 衍 之 求之 衍 + 之間 之 説 皆 之數 年,不 數 也 慕 頗 亦 義 圓 有 内 非 異 問 利 而 中 歟 數。」 動 之分。 神 ? 有 邵 無 不 本 子 不 先 中, 義 之 利 生 故 也 數 皆 日 程 皆 方 : 怠 子 樂 利 而 與 於 於 邵 則 滯 邵 盡 知 X 子 皆 之 子 命 性 近

農

耳

從? 然 守 明 材 皆 几 身 有 傑 傑 必 以言其 吾不 無如 有 仁之智, 光 士 先 管 祖 也 生 日 0 能 管 錫 陶 日 . 敢 爲之優劣。」 類 以言 之 陶 陳 問 則 節 太 ; 寔、 均 孰 子 其 丘 而 郭泰 也。 優 欲 仗 有 後 ? 學 仁 節 有 幼 之量 及 則 光 管 陳 安有仁 人 均 祖 寧 ,林宗有 郭 也。 無 欲 陶 之 如 學 一之信, 潛 子欲 用 陳 焉 几 郭 學 淵 之 斯 孰

農 同 光 此 祖 高 日 . 下 ·之見 王 石 渠先 也 生 然 孔 奏, 子之功德 祀 孔 子 與 先 實

> 與 孔 猶 曰 . 子 有 天 地 屈 汝 不 參馬 也 知 能 吾人 教 然 以 八之徒 當 祀 教 時 先 養 乎 禮 農 百 ! 官 者 不 功 非 而 從 先 祀 但 者 農 之, 世 何 不 光 ? 多 能 祖 生 忘 先 以 先 非 生 爲

門 之士 楊 未 短 真 處 切 公廉之所 實 光祖 但 敢 正 所 問 學 近 見 是 增 得《 9 亦 非 也 渠 近 新 ? 恐 多 世 增 未 先 是 \Box 伊 聞 生 朱 説 洛 曰 : 文 性 淵 故 公 理 源 所 月 論 録 消 録 湖 議 \approx 學 諸 諸 亦 乃 賢 若 賢 月 好 皆 之 湖 古 孔

無 偶 卦 知 圖 於 物 平 **>**′</br> ? 非 兔 光 而 祖 八 何 書 程 日 問 桂 所 子 : 也 取 大 伏 也 只 只 見 ? 羲 看 看 賣 此 之畫 識 先 兔 兔 取 生 者 挂 耳 日 亦 日 。」「此 . 大 口 作 贵 河 畫 卓 惟 八 圖 卦 桂 亦 兔 **>**/ 哉 何 口 之 奇 不 必

恐未 得 無 行 昊、 盡 計功之失。 前 聞 精微 乎 同 陳 光 無 ? 祖 過 羅、 恐不逮。』然『未同』、『不 黄、 問 高 先 胡 日 李、 之 生 諸 有 : 弊 日 子 \sim 王、 「薛子 極 不及也 薛 以 高 于 文 所行 明 有 清 以 以 之學 公 者 所 身 祠 本 學者見諸 徇 **,** 諸 堂 速』者 或 精 記 道 之 思 \Rightarrow 中 云 勇 庸 躬 而 可

之祭也 報 食也 以 得答,敢 食』之説 祀 功 之典 不不 無 或 主 問 繇 問 知 也 日 點 於 若 當 主 : 鯉 論 先 孔 時 「《左傳》有『子 孝 生 於 何 廟 斯 不 日 論 ,顏子、曾子、子思 所 盡 論 據 功 子 善。」 功。 以 不 叙 行 不先父, 文廟 雖 之乎? 倫 齊聖,不 若 之祭,天下 别 或 皆 光 立 宗 先 先 祖 廟 廟 父 父 不

乎 不 ?? 先 足 矣。 光 祖 生日 問 如 久 曰 「孔子 於 相 魯 用 魯, 於 天子 衛 將 革 且 之禮 正 之 名,況 乎 樂, 孔 從 於 子 之 魯 嘗

> 之行 者 乎 如 ? 何 可 觀 耳。 知 吾 其 不 必 欲 革 觀 矣。 之言 所 未 以 可 及 必 者 墮 郈 顧 用 墮 費 我

道。」先 焞 孟 若 以 何 不 子之 患 明 也 養 親 0 親 缺 ; 與 光祖 欲 拒 生 養 養 師之地 從 與學 曰 : 曹 親 乎 交; 即 師 相 之不 事 是 所 去 親 而 切 以 以 百 從 明 親 問 善 明 里 師 哉? 或 學。 也 養 缺 ,皆學者 欲 我」, 養。 子 故 事 是 苟 乎 程 故 歸 敢 志 親 切 子 明 而 問 要事 於 之喜 學 求 而 所 此 之一, 處之 即 學 也 或 所 又 尹

禮樂者未 引 抑 其 而 或或 周 不 至 無 見 光祖問:「孔子之心,常 齊、衛之邦, 然。 賢 其 人之引 嘗 王 蓋 耶? 薦 夫 夫子, 子 , 敷? 皆 亦 果 見 周 況 其 先 至 王 其 君 生 周 衰 他 曰 : 問 甚 何 以 乎? 禮 獨 尊 難 樂 至 無 周 於 周 故 賢 扶 爲 之都 日 人之 本。 持 知

古之君子未嘗不欲仕,又惡不由其道。」」

然則 子, 有 未 盡 光祖問 日又曰 程 處 亦 日 未 明道 : 道 先 宋 中 則 儒 庸 生常使人學須要學二 近中 極 乎 ? 高 庸 明 先 而 生 未 日 道 中 恐 庸 程 亦

代之佐 范、富、 者,雖 成 相 唐 敢 耶 杜 暗 姚 體 [虞三代之佐者乎?] 先生 問 律 若 於 亦 其 皆 光 崇近 不 馬 心 蕭 祖 如 近 宋, 黄 當 及唐虞三代之佐 何 孰 靡 之忠,耶律 正 日 老 於 世 宋之韓、 公? 巫 之才,丙吉之德,宋 少 逢 所 相 有 漢之蕭 迎 閎 共 進 其 夭 純 稱 劉 於 范、富、 者,將 楚材之略, 疵 相 、史之未達大道 許 其 曹、 之别,人品 體 功 史, 孰 亦 然其 績 日 馬、元之劉 丙、魏,唐之房 正 無 房、 已 ? 斯十 雖 璟 愧 著於 心亦 杜 之正 乎 以 之優劣見 有 謀 參 可 史策 近 乎三 殺 比 若 五. 以 公, 史、 夫 人 建 紹

八人,其少劣乎。」

哉 也,使 貪,好 何、韓 收 事 官,及 政 復 同。 事 之 光祖 而 夫泌. 謀 信 内無 克復 敢 不受 功。 不 而 問 曰:「李 也,將亦 李泌, 能 兩 能 其心 (其官, 猶 京, 立 成 高 平 何 則子 即 泌 祖 唐之張 有 楚定 此 如?」先生 懇 初見 之 功 亦 乞還 儀、光弼 日 齊 罕 而 肅宗 良 之 有 不 内 Ш 乎 居 烈。 事 無 於靈 曰 : 不 似 也 張 其 能 見 與 方方 武 良 何 築 成 張 後 所 而 則 兩 是 子 雖 謀 爲 蕭 房 京 時 不

是 的 但言 附 以 也。 他 益 排 ?」先生 語 細 人 之,何休以 光祖 佐王莽者,朱子 是他 玩 做 之如 日: 日 恐 人做。』斯數說者,敢 \sim 畫 不 爲 然,非 周 Ι. 朱子之言是 六 然 禮 Ē 或 \approx 『規模皆是周 物 周 陰謀之書,或 林孝 物 公 而 不 存 也 得 能 作 所 問 有 但 + 此 何 試 云 論 謂 言 家 筆 劉 爲 語 歆 難

見 斯 日 如 會 於 能 治 典》 $\overline{ }$ 新 舉 家 周 然 而 莽 然,人人而 禮 措之耳。 、宇文周 》亦 有周之後 遂欲。 林氏 輩之爲 、何氏 王添 然必 者 而 諸 君 入者,如 立 説 臣 一論 乎。 將 德 今之 無 者 又 有

夫子 事 丘 同 子 定 於一 在 明 受於子夏,何 夏之徒 之徒 其 傳 光 中 也 祖問 事 矣。 *, 與 也。 丘 何子 曰:「夫子之作《春秋》,其義 在其 其不 明 有 以 夏、左 之説 傳 又不 中矣; 同 事 也 既 同 丘 者 不 亦由! 子夏、公、穀傳 邪?」先生曰: 明 焉,有傳 同 同受於夫子 矣,公羊、穀 是 生 義 者 焉 梁 皆 必 而

過 室,操一 廢 疾》、《公羊 爲求索以 疾》、《發 光祖 吾戈 日 墨 墨 排 以 : 守 守》,鄭康 之,誠 伐 何休 **%** 我 乎 著《 休 過 ! 見之日 也 左氏 成 光 作 祖 若 膏肓 **^** 鍼 得 以 『康 義 爲,若 膏肓》、《 **>**,</br> 理, 成 穀 果 康 人 梁 能 起 成 吾 廢

> 玄也 遜 臣 出 鍼 耳。 之、起之、發之,是亦起予之徒, 可 此言乎?」先生曰:「休 也 廣, 操 似 戈 通 大道 之言 可 休 鄙 雖 哉, 也 以 狹,惟 但 玄 玄之 爲 何 休 溺 語 氏 又 己 欠 之忠 何 見 婉 必

矣。」 之者 寔,謂 也 時 子 呼 貲 孰 南 親 萬 ! 婚 爲 以 又 惟 無 世 光祖 光祖 近 隨 禮 之伴 朋 安得復見『儷皮』、『釐降』之風乎?」 其 日 有 之教 古?」先 浮 嫁,與吾 携 當詢: 人 以 曰:「『食旨不甘,聞樂不樂』,此 於 喪。 介耶?! 酒 生 民 也。 女,以言 肴 爲 不 生日 敢 秦、 及 江 憂 先生 近 知生,故 問 歌 : 晉之俗 者 南 見 此 者, 江 矣, 日 其 風 果 都 : 俗、皆苦生女 成 失 甚 北 城 故 不 大不 風 古 嗚 大 有 婚 有 知 呼 禮 而 自 邑 則 死 以 日 難 浮 夜 於 均 死 矣。 變, 於男,江 焉。 然豈 達 初 爲 悲 分家 樂 哉 喪 抑 旦 敢 者 之 之 夫 民 俗 戀 問 嗚

在

感

不

在

法。

蓋

必

其

章

分

條釋,

閶

閻

童

稚

疑

耳

然聖人之言

在

意

不

在

文,

聖

人

之

志

日

朱子

特

以

其

分章引《詩》,體

格

不

變

爲

口

誦

而

鼓

舞故

也。

朱子

乃疑

非

盡

是

聖人之言者何?」先生

行

在

| | | | | | | | | |

經》。

觀斯言、《孝經》不可

疑矣。

光祖

問

孔

子常云:『吾志

在《春秋》,

之罪 哉

光

祖

日 :

鄧

攸

存

姪

於

危

Ļ

可

謂

克

念

遭

恬 皆 安能 其 伊 於 베 後 尹 不 知 邑 改 後 介意 又不 過 妻 也 比 旦,是因 光 ; 伊 也 顯 祖 有 霍光之心,所知者楊敞、 將 其 謀鴆 類 尹 曰 霍 哉? : 放 亦 人言,襲盛名。 心甚公。 光 許后 太 比 伊 者,何 甲。 其子 尹 迎 放 昌 而子 也? 如 伊 邑已 太 至霍 伊 尹之志,有商 甲 Ш 陟 不似 先生 光 於 人皆以 耶 禹 桐 則 ? 横 立 田 曰:「霍 直 使 逆,乃 太 延年耳。 爲 思 廢 甲, 天下 前 其 昌 光 光 祖 有 廢 邑

恐并 乎 天 又 此 無 何何 ! 顯 姪與 化盗之仁,存姪 以 又曰:「攸 然 處之?」先生 舍子 妻亦棄之矣。」 於 又仕於 鋒 鏑 日 棄 劉 而 : 子, 聰 忍 既 心 亦 無 聰若害攸,吾 亦 先盜 其 甚 自 之智, 取 若

之

野 子 内篇卷之六 終

涇

兀 九

涇野子内篇卷之七

門人潁川魏廷萱校

努力

過

此

關

柳灣精舍語第十一

門人休寧胡大器録

生日 精 見之於行可,若只爲 舍,問: :「當先 嘉 靖 書 精 夏, 册 通 浩 其 繁,可 胡 大者。 博覽 大器初 常 記 但 讀 誦 謁 看 安能 者 書必 先生於 安在 要 不 ? 體 柳 患 先 其 貼 灣

菲 處 飲 大器 食 今學者只 問問 口 行。 稱 去其 爲 先生日 賢 只 切 在 外 : 「禹 簞 慕 瓢 無 無 哂 間 所繫累, 巷 然, 不 改 只 樂 在 方

浩繁耶?」

習,雖 爲 操 而 實學。 宜,以 存 爲 講 之不 之爲 只今夜之言果能行之, 年 己, 也 政 不 則 而 濟 心 善 事 機 無 又 且 往 由 力 不 熟 行 可。 路 甚 以 走 難 若 之 1 傳 立 苟 非 身 不 須

玄遠, 食,便是道學。 問 但 今之講 我 有 捷 道 學者。 徑 法, 只做 先 生 得 日 不 : 耻 雖 惡 則 衣 出 惡 深

或 治 書,或一寺習 四 久乎?」 古, 問 間, 年 學於舜、 諸 也 與 冬不辭 友有 馬 今 谿 厭 顔,或 禮 諸 沍 田 坐 或或 寒, 四 君 監 Ŧī. 之久者,先 數 面 求 夏 友 規 月 不 法 在 其過 憚 於 而 太學。 祁 祖 出 暑 宗 生 或 監 陰 曰 : 若是 或 或 讓 猶 共 論 其 者 以 屋 昔 世 善 讀 弘 爲 蓋 於

● 「嘉靖□□夏」,乾隆本、四庫本、嘉慶本無此五字

Ŧī.

用常厅化介,其是目刊。一先生常謂大器曰:「看書先要將己心與

日用常行比合,其見自别。」

此 不必 先 生 動 聞 心 施 教 秀 他 才 再 家 用 被 功 燬 對對 水來 人 溺 致 不 勉 着 日 火

來

燒

不着

若 便 先?」先生日 日 是 往 學 明 明 來 大器問 道 道 不 絶 也 和 · · 忽 粹 . 明道 不 而 當 知 工 學伊 、伊 歲 夫 不 月之將 川皆大賢也]]] 至 嚴 熟 毅 至,然學熟後 只 方正 見 燕朋 初學何 爲 H

公事 廉、 意。 先 生 藺 還 皆 問 嘆 亦不如 是 要 日 古古 不曾學,不 出 自 廉 後之爲 己 頗 意 相 幹 然錯 臣 如 去, 者 皆能 既 看 通 得 公耳忘私乎?」 論 負 柄 朝 語 T 廷 **>** 也 求 將 治 故 天 之 下 雖

何 優 或 於 問問 明 或 蕭 何、 人 疑之, 孔 明 日 孰 優 ? 盡 信 先 書 生 不 F 如

> 然當 智 無 氣 用 巧 書 心 人心不復思漢, ,未聞 時 於 蕭 事 末 作 勢, 何 民吴、魏 從 貴 木 本 牛 戚 上 流 孔 賢 宦 做起,養 馬、 明 寺 人來,此 亦 殺 八 難 人過 陣 如 民 以 圖 之 致 多,喪 人事 何。」 間 賢 用 言 T 許 孔 也 \pm 多 明

是 外物牽制 或 患 義 理 去牽 難 明,日 制處,義 : 凡 理 人義 便明 理 矣。」 不明

其 程 從 又 周 知 軍 語》、《孟 有 侯 朱 周 辭 的 姓 鄭 亦 先 自 先 日 字, 周 生 生 安、 不 『若使 任 名 講 一讀 能 因 鄭 蕙 書 强 學 問 有 寧 字字 遂 者 鎮 於 我 經 其 往 ·廷芳。 守 守 親 秀 樂 盡 感 教 恭 墩 送 才。 讀 發 人 順 二子 就 進 日 之,有得 侯 去 初 其 至 啓 吴某 讀 於其家 决 於 本, 後 昔 ~ 此 大 將 蘭 不 請 於 願 學 去 州 心 除 以 他 中 ×, 往 有 受教 樂 教 教。」 庸 遂 有 守 學 以 墩 不

先生謂大器:「爲學隆師取友、變化氣

爲本。渭南有薛敬之,從周先生遊,常鷄

質

鳴而起,候門開,灑掃設坐。及至,則跪以

明正走 他門身 溺茅竟 全一万至 具卸以

請 教 後 歲 貢 過 陜 州 聞 陳 秀 才 雲 逵 忠 信

狷介,凡事皆持敬,遂拜訪其家。問曰:『何

以 得 此 門 户 ? 陳 曰 : 我 常 事 父 母 有 忿

聲。一日讀「子夏色難」章自悟,即改其

行。 薛 問 : 嘆 曰: 孟 『此吾良 程言 性 如 友 何 也。』遂定交而 ? 三 曰 : 孟 去。」 子 言

者,不如孟子言的實。」

性

如

水

之

就

下,

程

子

言

性

猶

水

也

亦

有

濁

9

陷 過 谿 人 殺 澗 或 人, 問爲學之法。 虎 如 谿 狼 澗 口 如 9 過 虎 曰 得 口 : 此 也 關 如 過 方 禪 此 好 家 便 度 是 蓋 天 私 説 理 欲

蝎 繫 先 甚 生 大。 嘆 人 果 只 到 舉 業 口 無 上 擇言 用 功,不 身無 知 擇 言 行 此 於

坦

途

矣。」

真

舉

業

也

平 善 方 得 人 可 老 能 給 實 先 濟 生 散 正 人 衆 去 謂 如 有 雖 取 大 解 益 不 器 州 也 能 日 賑 · 致 必 : 濟 殺 其 藥中 上 何 司 必 如 要 必 著 用 終 用 如 桑 比 解 伊 白 梁 他 111 皮 書 家 州 院 均 須 人

之徒 曰 如 而 己。 墻 顔 、曾、 見 陵夷久矣,汝二人當 先 在 生有 舜, 志 思、孟 甚 道 感 無 據 謂 早 爲 德 光祖 夜參 俗 依 所 大器 前 移 翻 0 小 倚 然 日 衡 因 人 改 : 問 儒 舊 如 學 君 習 羹 不 被 學聖 子 見 過 功 堯 儒 蓺 利

之詩。」 樣。 事 物 問 有 是 . 事 宋 物 作 人 無 詩 詩 道 體 , 義 事 如 是 何 物 晉、 ? 與 道 唐 日 義 詩 : 並 詩 有 用 有 消 吾 幾 義 儒 無 般

可 學, 況詩 大器 問 乎 詩 但 口 不 學 可 乎 溺 ? 耳 先 生 日 :

當 生 雖 周 以言 公徧 日 漢、唐之世 :「只是 有 客談 爲 草 萊 天下言, 爲臣者多好復私 求 未 亦 賢 學。 有 如 能 又先要正 大臣 用 不 及 讐人者 今,安 當 以 得 君 讐, 事 心 有 爲 何 讐 爲 天下 故 可 本。 ? 復 事 昔 ? 先

舍 設 學 經 校 先 而 之 生 能 嘆 初 致 意 日 治 也 者。 0 經 後 書 世 是 偏 平天 用 法 下 律,是 梁肉,未 失開 有

旧 自 伺 甘 候 先 生聞 貧 權 做 倖 工,立 學 之門,便是 者往 定 來權 根 脚 喪其 貴 自 門下 不 所守。」 移 , 乃 曰 : 是 以 教

不 昂 能 向 升堂觀奥。」 上 先 生謂 不然則 大 器 徒 日 朴 : 厚。 汝 朴 雖 厚 不 雖 失於善人,亦 好 又 要 激

何 教 却 似 問 大以 宋 「今之學者 儒各立 成大, 門 小 户 開 以 者 口 成 乎 專 ? 小 論 先 致 如 知 生 季 是 日 路 行, : 習 得 聖 如

便將高遠處做口頭語也。」 一信,冉求做得一藝。今人未得斐然成

常 升 秀才, 不 不 也。』曰:『不然,心 日: 可 然 降、然諾、 放 拘 讀 在 先生因 問 可 不 拘 患 面 讀 經 肯 守秀才規 交 前 如 五. 語 接 讀 每 人 喫 經。」 默皆是學。」 人。 書 專 年 木 務 温 楂 每 存 對 先生 矩。 於 誦 同 日 方能記得, 高 日 。』横 高 曰 : 見大人君子,進 談, 遍,況學者 大 此 渠 曰: 「須要寬 議 亦 是 論 在 與 日 記 聖 方. 乎? 誦 則 陜 綽 賢 之 經 誨 有 些, 退、 通。 學 之 須

時, 想 有 曰 味 雖 如 問 問: 行後 眼 水 作文。 前 五 渠 方能 事 通 經、四 見不 開 先生日 熟, 得。 流 雖 書 到 熟後 不 : 凡文字, 治他 處 須要思 都 再 書 看 是 可 何 道 躬 想。 也 書 理 行 ? 中 思 來 不 先 想 方 思 通 生

Ŧī. 刀口

便妨 學。 妨 功。 若 問 大 燕 接 他 朋 人妨 之有 燕 友非 功。 餘 知 惟 日 己 : 無 之不 益 好 而 人 足, 損 多 接 接 無 幾 此 往 等 而 個 非 何

否?」曰: 問: 如《 讀經 書 揀 經 擇 金縢》、《顧 ,便是利心。 命》不 必 讀

之不熟不精耳。」 思之,以 此程 問: 子 有 身體之, 讀 爲 書 而 玩 言 何 物 恐 有 喪 人 玩 志 口 物 如 頭 喪 何? 應 志 答。 ? 先 但 苟 生 以 恐 日 讀 心 :

以 爲 是,必合之於 先 生講 罷 謂 心 諸 與 生 理安,方爲是。」 日 : 「某之言 論 不 可

是自 是學,孟子 矜,將驗己之是 問 惡與 亦 人講 以 不言 論 爲 非。 日 餂 若含蓄 學不 講 不 露 不 明, 也 不 非

心, 問 日 或有一二至, 動 心 如 何 制 得 到 住? 渾 然 日 無 ·: 欲 處 人 方 之 無 動

> 未嘗 敏 告人 事 了。 力 求 不息,猶 皆習過 ,發憤 心 或質 少懈,況 須 於 自 陽 動 1 恐知之不真,得之或忘。」 志 在 ,老來 明 處 了。 下聖人者乎? 食,終夜不寢,問 致 刀 良 然孔 静 斬 知 坐。 截 子不 先 歸 學者 生 天 是 曰 理 學者當 陽 禮 這 來 乃 問 問 般 定 學, 官之類 日 明 亦 也 好古 夜 凡 以 勤 此 白

讓 有 淡 薄 好。

餘

自

處

宜

無

處

不

問

處

世

甚

難。

日

:

處家處人,當使

鷲 峰 東 所語第十二

|《詩 大 婦 所 器 見不 問 之 教 從 事 所 周 此 係 南》、《 而 出 甚 大。 則 君 荒 子 召 蓋 唐,一 之 南 周 道 》之詩。 物 南 造 **>**′</br> 無 端 所 召 先 乎夫 南 生

門

人

休寧

胡

大

録

皆言

日

:

婦

行 所 無 往 於 行 妻 不 不 子 可 從 0 此 則 故 出 父母 子 則 謂 室 不 伯 礙 能 魚 順 云云。 步 學者識 不 可 行。 得 認 道 取 不

若 下 亦 此 易 堯 順 11 得 治 以 外 間 來,於 齊 面 家 女試 做 婦 將 人 (理有 家 去, 先 舜。 生 他 此 礙 不 日 唐 所 ; 識 順 太 以 書 宗 不 家 爲 字,任 得 伯 雖 極 來,他 是 難 英 齊 明 己 便 齊 之君 之 怨 則 恨 私 天

某學 沈 明 日 : 後又疑 曰 如尹彦明 *, 『子學孔 問 今有 子 破 到 了 見 我 南 磨 。」此 南 方切 數 子 子 不 子 者也 + 磷、 可 可 實。」 年 見尹 見 先 涅 積 如 乎 生 不 疑 之自 ? 何不見?』 緇 0 日 尹 處 . 尹 得 曰 日 沈 處 故 : 晦 不 티 : 某 問 敢 凡 不 學 恐 見 尹 可 若 聖 彦 出

身之 用 陶 杏垣 不 能 談 運 禪 學,先 用 天 下 生 , 學 日 : 他 無 禪 只 益 是 孔 周 子

> 之有 府,被 賞 遭 則 以 上 衣 日 賊 之 有 正 食足,便是正 法 夫 不 道 鋒 法 制 處 賊 方得 賊 刃, 竊 他 我 擡 自 則 有 待 去,神 他 來 行。 不化 之以 問 不 又 就 暇 生 盜 法。 服。 孔子 色不變,賊 者乎 誠 賊 法,法 又要在 難 因 又 猶 曰:『苟子之不 使 問 説 能 得 禦盜 近 有 如 上去 化。 Ш 又 窮 此 擡 先 貪官 曰: 日 生 只 況 口 : 在 平. 是 污 欲 若 使 日 此 九 盜 吏, 民 雖 在 處 雖 賊

周 務 實 茂 者 叔 問 不 同 知 可 處 人甚難 以 不 相 言 知 日 ,及再見,方 事 然。 知 他 如 趙 知茂 清 獻 叔 公與 也

清。」 如 如 此 事 先 克諧 後來 不 生 得 日 己 曰 雖 : : 事 亦 \neg 此 無 紛 當 是 至 事 要理 心 亦 時 作主 不 11 會。 厭 清 不 某 有 定, 中 事 故 舉 時 厭 時 心 事 亦 却 也。 是 不

王光祖執《唐史約》藁看。先生嘆曰:

五六

生 通 及 唐太宗 納 不 曰:「憲天聰 見了。」大器 巢 刺 萬 王 世 妃, 蹀 英 明 明 日 似 之 血 「畢竟」 君,作 不 禁門,言 如 是。」 爲 詩 聰 不 文 明 皆 顧 所使。」 行 有 巧 巧 思 先 處

功 大,焉 問 患 得 功 間 夫間 斷 ? 斷 日 . 出 手 入 眼 處 皆 是

之要。 問《 孔子 儀 禮 作《春 **×**′ 周 秋 禮 ×, 本二 日: 禮 影而 此 周 作 公 傳 心

公 請 此 云 曰 乎? 一高 峰 對 : 示 『貴省官 訪 坐 先 處 生日: 康 即 必 坐, 齋 有 康 如 此 齋 見 無 何? 牌 陳 辭 起 孔 坊 白 門 沙 御 日 此 不 徴 之 聘 儘 見 『與 到 原 朴 康 牌 京, 憲 實 天 齋 坊 吏部 有 下 也, 而 乃 省 所 退 而 謂 養。 尚 官 又 其 書 此 口 有 羅 子 羅 問

轉 動 昔 雖 置 者 扇 尹 亦 彦 有 明 定 在 處 僧 僧 房 甚 中 嘆 服 年 未 學者當 曾 妄

學此方可。」

餘 通 如 ,矜夸則 地 曰 之 先 無 生 : 不 曰:「人心要廣 然。 狹迫 載 可。」大器 某 而 又 不 足。 」 常言,謙 曰:「心大則 大 如天之無 虚 則 寬 綽 萬 不覆 物 而 皆 有

昏 明 也。」 惰 放 或問 逸 静 如 何 ? 坐 心 先 虚 生 明 日 : 固 好,及事 還是静 來,不 時 未 免 虚

揮櫂 忘 心存誠敬 却 人、柁 好。」先生 伊 ĴΙΙ 舟 人使 爾 將 一同 曰:「此 覆, 順 風 舟 無 也 一人曰 怖 ___ 意 色,人 見 皆高 : 「不若 或問 然 之, 不 誠 如 敬 日 指 都

父那 關 幾 樣的, 年 或 矣。」先 勸 王 然其 光 生 祖 心 日 習 必 舉 有 -業,光 某 所見矣。」 知 其 祖 爲 日 人,非 打 是 破 巢 此

人家 交友 兄 當 弟 取 其 不 和 直 責 皆 善當 起 於婦 異 其 人。 語 馬 谿

田

詩曰:『小牕莫聽黃鸝語,踏落荆花滿院

飛。』甚切當。」

遇 小 小利害便改移 今之學者, 平. 1 日 都 何 能 以 道仁 爲 學 義 ? 氣 由 節 是 知 及

高談者之無益也。」

所及 嘆 久 而 日 不 先 生講及各衙門制度精密,大小相維 壞,只在人善守耳 凡 我 事 太祖 皆彼 真聖 此 頡頏,互相 人也 非漢、 貫 (穿,故 唐 宋 其 諸 法 君

之忠。」 斂。 盛寒天 先 生 見陳卒於賢者之手,一 氣 曰:「陳 不 | 惲 往 來, 曰旦卒於太學,虧了章韶 垂 涕 泣 親 見 爲 章 ·爲 買 棺 朋 友 收

孔子『祖述堯舜,憲章文武,上律天 水土」,這般 浩然之氣』,纔 「孟子不及孔子處,還是學少有 樣學,便 能求塞得 與天 天 地 地 同 耳。 流 時,下 孟 不同 子 養 襲

此三者,亦不濟事。』這般高,不受人諂。」件爲見先生。』王公云:『若做官不好,縱見公,云:『西來一件爲黄河,二件爲華山,三先生曰:「昔者聞有一僉事求見王戆菴

者也。」 不相信, 朋 還 友 相 是積 處,不 誠未到處,未 可 先有疑心横 有 誠 於 而 中。 不 若 動

不 貧亦樂而忘之,不形於言也。」 及子陵,不免借 陶淵 明、嚴 子 盃 陵 中 儘 物 高 自 尚 遣 其 事, 若 顔 但 子 川淵 連 明

路差無所成。」講仁。仁至大而切,學道者不學此,則終身清仁。仁至大而切,學道者不學此,則終身「學聖人要先讀《論語》,讀《論語》莫先

事。雖顏子『三月不違仁』,亦可並也。」「曾子有弘毅之學,然後做得易簣之

雨,故語之而不惰。學者只至於不惰甚難。「顔子能聽聖人之教,如墾熟田土受時

轉 地 今學者但 去不 耳 - 停矣。」 只 是 聞 説 片 及 道 磽 确 便 生田 思 睡 地 了 雖 緣 有 無 雨 領 亦 、受之 流

汝 口口 見。 當 先 取 生謂 法。 大器 若 於 日 : 臨 章 事 詔 危 有 難 孝行 處 17,有 觀 之, 學 識 尤

得 而 看 ,只得 書 娶,正是反經合道 甚好,今 漢 用 儒 權 以 非 反 不可 經合道 反 便 經 處 謂 而 爲權 之非 何 ? 還 也 漢 是因 去古 如 舜 經 未 不 行 遠 告 不

學,愧一 渭 此 河 與 來 先 不能及耳 立 生日 聽 雪 易 意 :「昔陝城有二士,隆 $\stackrel{\checkmark}{>},$ 亦 足 同 凍 有 破 志 亦 之人這 不 知。」 冬甚 般 大 刻 器 寒 苦 日 爲 過

才辨 功 甚 勇, 不 先 爲 生謂大器曰 П 不 則「四 多 惟 勿一, П : 也 聖門 參則『三省』, 愚, 參也 弟子三千, 魯。 乃 及 卒 其 聰 能 用 明

傳其道。汝今且究愚魯處是怎麽樣子。」

天 徐間 下, 堯 亦自卑近 如『孔子登東 舜之道,孝弟 始。」 Ш 而 而 已矣,只 小魯,登 在 泰 行 Ш 步 而 疾 小

實 如 野 下手做 馬 思 馳 口。 無 逐 那 向 纔 曲徑旁路走 功夫,於學 起念 慮 便 也。」 者 加 極 省 察,毋 省 力, 得 須 老 使

中 先 便 庸 生笑 口 講 先 日 生 也 送 0 學者至 汝 中庸之 果欲求之,此 一門,有 理 演 大 友 精 出 請 微 門 中 間 非 庸 亦 且 大旨 可 行 見 間

忍性 生 日 ? 即 . 大 八器問 昔張 此 : 是學。 思 叔 僕 書 僮 僕 且怒僕 名 伊伊 難 使, ĴΙ 僮 不 爲 免 甚 暴 何 麽 怒 耶 不 心。」先 ? 動

資 觀 玩耳。 朋 友 不 惟 ·要厭 仁 智者 他 來 而 往 後 無 有 此 往 相 而 契 非 氣 學。 味。」 見

今之遊

Ш

水者,

與

Ш

水

全不

相干,

只

求《春 朋 就 讀 講 ^ 易 求 秋 × 當 書 ×, **^** 廢 時 詩 學 禮 典 見 ×, 何 記 故 讀 書 厭 春 見 得之於 往 的 秋 能 來? × 朋 知 當 友 心 禮 時 就 記 而 典 講 見之於行 故 朋 求 的 友 ^ 易 朋 就 × 友 講

友

自

不

今稱 汝 足 冺 只 輩 者 做 有 之。 不 要 先 激 生 雖 遷怒、 未用 三年 昂 謂 公卿 近 諸 而 思 取 生 不 \equiv 冺 日 一年間 者, : 番 過』之學,❶ 進 有 顔 去 子當 士舉 若 既 用 干,今皆何 人,有 而 時 是 遺臭 未 以 嘗 當 人 者 應 到 日 在 試 於 何 而

聚 曾 以 贵 不 足,豈 是 遊 安 閑 道 諸 幾 以 理 生 放 處 勤 口 請 逸 放 儉 皆 先生遊 習 去高 心 相 有 成 盃 講 記 氣 酒 座寺 高 語 象 終 Ш 座寺,先生笑曰: 水 作 日 多 去 間 乾 甚 戒 年 耶 乾 此 雖 ? 夕惕 事 江 與 南 吏 若 今 部 朋 之 猶 諸 友 爲 多 相 僚 此

> 思以 感 良 不 此 觸 師 倦 先覺覺 。」先生日 先 之耳,一感 友,皆誤了。 口 生 得 日 天下 : 姪二 : 爲 觸 也 天 蓋 學 友 0 便 下 義 相 只 勃 有 理之在 怕 然 講 資 優 興之矣。 他 質 游 人心 的 們 多 聞 大器 之, 故 特 但 伊 甚 無 未 F 尹 得 喜

止、久、 止 處 驗 大 也。」 器 速, 問 各當 動 静 其 不 可。 失 其 汝 時 今 0 且 日 只 : 於 正 語 是 默 仕

學聖 之者 度,而 則 是 鼓之舞 百 廣 物 聖 大 自 人 配 生 之之謂 以 天 神 地 如 道 方 使 神 設 民 能 教 或 日 鼓 也 風 遷 舞 或 善 萬 吾 雨 不 民 儒 當 不 知 法 誰 口 測 天 爲

厚, 動 静 漢 光 高 明 祖 耳 識 周 勃 如 程 可 子 以 安 日 劉 『我 知 死 其 器 而 不 識 失 重

0 「二」、乾隆本、四 庫本作「貳」。

見 其 道 正 者 惟 尹 氏 子 乎 ! 故 人 之 器 宇 最 可

習 謂 T 好 遠 數 目 百 年 所 如 目 秀才。 千 主 科 之善言德 他。 做 年 顔 耳 欲 科 関 年 在 有 目 科 司 其 科 目 日 何 官 之 德 場 有 秀才 文 果 處 目。二如 所 數千 便 行 中 如 行 章 ? 有 科 取 科 了 薛 贵 果 問學,先 如 也 目 對 事 不 年 文 説 孟 害科 有 大著 數 同 也 何 清 科 曰:「平 子、 幾 0 ? 千 目 倫 奈何?」曰:「 目 羅 程 個 裏,非 日 生 年 物 曰 : 也 好 有 子 科 曰 : . 生 理, ? 主 數 「當今學者 峰 者 目 千 務 小 司, ; 精 應 百 不 品 事 動數 如 ·萬 試 年 密 也 品 知 程 透 年 科 决 有 天 + 有 舉 爾 朱 徹 科 目 之 下 幾 年 業 不 千 心 目, 遺 即 廣 所 數 有 科 個 萬 科 下

爲 實學 江 西 動 有 静 Ŧi. 當 以 來 禮。」一 見,先 人對 生謂 日 之 : 日 「是横 : 若 渠 等

> 亦 以 禮 然 教 雖 人 ? 孔 也 子『克 ___ 先生 己 日 復 : 禮 」,『爲 不 特 張 或 子 以 也 禮」,亦 曾 子

何

嘗

外

是

横 若 几 人 出 無 先 矣。」 生 禮 日 以 堤 坊 教 其 汝 身 輩 ·學禮 則 滿 猶 腔 堤 坊之於 專 私 意 水 縱

做 子 此。 好, 雖 日 然只要熟, 正 先 夷 如『丘 生 居 狄 曰 處恭,執 可 : 行 之 獨 觀 禱 寢 諸 事 久 如 生 敬 矣』,與 此 用 ,與人忠。」着 獨 心 而 餐 日 不 如 月 ·在言 此 同 着 語 明 獨 實 者 行 實 孔 如 甚

禮 如 ,此皆是『博學於文』。 孔 旦行之, 子習 先 生謂 禮 觀 諸 於 者 生 大 駭 日 樹 : 異, 下 須 先 雖 賴 心下 王 叔 之禮 知 孫 書 融 诵 者 不 會 亦 棋 行 綿 講 酌 蕝 求 習 是

⁰ 如」,原作「知」,今據乾隆本改。

『約之以禮』。」

作 端 絶 尋。』其 句云:『説 先 生日 要只在 : 『君子之道,造端 到二南 Œ 己。 墻 面 處 何 乎 夫婦 人知 向 造 曾

趨 擇,若燕 親 算。 後 先 下之事 賢 有 下 生 取 然 定,定而 日 成之子吉初見 最 工 :「心若妄思,還是 無 友。 引 朋 不 夫 人去也 逆其 體 友 後能静」,不到 時 驗 在 師 難 則 五. 做 燕 倫 柄 問: 要自 友 中 欛 廢 所 不 在 有妄思 其 係 内 知止 _ 學,如 甚 止 心之微,至天 至 重 又 善 須 奈何 知知 然 水之流 虚 也 不 止 心, 慎 不 而

書 陝 物 下 西 治 不 相 文 富 先 廟 生 平 讓 如 繼 張 日 統 統、 味 布 或 黄 在吏部後堂七日,不食飲水 躬 政 初 福 行 雲 都 是 南 聖 用 張 <u>二</u>十 門 老 字 臣 明秀,號鷃菴 年, ,徒,與 且 久,是 爲 吏 西 部 漢 以 尚 天

> 十年 死 節 ,於今未有久 黄字. 如 錫 任如 Ш 東 此者 東 昌 人, 撫 綏 交 趾

者,師 也 行 未 詩 體 也。 》、《書》,亦是 葉監 若 貼 逸 ^ 而 生問 禮 程 功倍, 經 子 讀書多 \approx 云:『古之 人事 又從 最 切 0 忘却。先生 而庸之。』蓋 於 故《 經 《學記 日 用 典 0 日 日 今之人 若 其能 易 善學 還 體 事 是

之徒 以 漢儒多 也 先 威 問: 生 氣 管 日 寧 節。」故 : 讀《易》爲舉業累,不大省得 終身戴 如 管 常謂諸 寧、 茅 破 生當自 容、 帽 孔 信 明 貫 甘 貧 金 皆 做 石 聖 是 是 倒 門

習, 語 讀 也。」 别 方 經 能 者 好 有 看 新 L°C 先 得。 生日 不 然, :「所以學要脱 真 居 楚 而 學 去 齊 舊

事 黄 先 惟 生 用 日 問 : 用 白 功 不 沙 必 在 Ш Ш 林 中 + 市 年 朝 作 也 做 何

吾 波 得 及 僧 蕩 日 到 儒 日 謂 中 廢 昔 見了 づ汝 之克 學。 T 終 南 前三十 習 妖 治 故 僧 静 麗 於 用 之物 久 動 年工 功三 矣, 處 粉粉 + 同 用 夫, 去 功 白 年 可 黛 長 9 佛家謂之消 見亦要於 儘 緑 安 · 心 禪 柳 定 街 遂 7 動 繁華 行。 0 磨 了 有

氏。 時 也 思 相 0 開 叔 觀 先 爲 尹 莫 大 亦 一器問 善。」 他 氏 生 不 教 何 日 消 等 : 他 見 「不然, 心胸 敦 見 否? 夫云: 友 豊 IE. 只 見 能 以 是 得 『彦 動 友 私 不 得 明 親 心, 能 他 某 ? 可 尊 是 所 以 賢 面 程 願 盡 舉 取 子 見 言 當 0 尹 友

堯 以 庭 不 夫司 中 許 墓 明 誌 先 月 生日 屬 謂 以 明 安 見 與 : 道 且 得 堯 某平 成矣』。 堯 夫 明 夫之學與 學 道 H 許 不 文 同 之, 以告,太中、伊 章 耳 輕 此 太 易 中 景 作了。 公、 象 日 相 明 伊 同 ĴΠ 道 堯 111 始 嘆 夫 步 皆

衣

服

飲

食,皆要見

道

理

在

故

無

時

非

許之作

不問 行去 今日 只 ,孟子亦責之。」 不 先 以言 生 免差 大 詞 門 錯 相 人 論 拜 如 樂 把 不 正 行 禀 子 事 而 從 背 行 子 却 敖 在 日 後 雖 只 舍 吾 館 人

常 食、 君 得『風雷 講 宫室諸 習之,當不令諸 學 胡 先 生日 郎 事 益 中 亦 費 」,『見 論 省 相 「今日 學: 應, 做 善 些 甚 占 急 則 生 其 好。 遷 卦 耗 迫 祭 財 則 雖 有 器 夫 也 不 爲 過 自 口 自 行 則 做 今 得, 冠 改 些。 衣 禮 若 服、飲 而 若 於 寬 設 緩 能 諸

大器 腸 先 但 又 推 須 優 不 知 問 要『 游。」先 却 怎 雜 終 能 與『 念,義 夜 使『勿忘 生日: 勿 不寢」,『終 忘 理 助二 一先 上 勿 助 手 儒 耳耳 了, 般 日 譬 ? 不 文 然 食」, 武 後 日 火,盡矣。 口 有這心 從 也 容。 是

曰: 以義起?」曰: 禮,則非僻之心無自而入。大器問:「禮 協諸義 禮可以義 而 協 「固是,要合人心。」謝汝 則 起,東郭子答之甚 可, 不協諸義 一好,曰 而 協 亦 中 可

可乎?!

之議。曰:「李言取之爲是,牛守信爲非。」相七人,五人出其門,用事而反,如何不如何?」先生曰:「此秀才説話也。當時宰如何?」先生曰:「此秀才説話也。當時宰如何?」

涇野子内篇卷之七終

涇 野 子 内篇卷之八

鷲 峰 東 所 語第

門 人 休 寧 胡 大 器 録

處 請 曆 作 夫 夷, 魯 日 曆 所 成 謚 齋 ! 規模 當當 就 嘗 希 生 遣 夫 退 古 見 於 能 太 亦 是 問 其 其 舉 大 此 子 其 地 之, 據 着 意 致 志 楊也。」 禮 甚 書 許 或 不 其 惟 好。 魯 未 得 安 功 謂 吾 能 不 齋 車 可 門 縣 魯 徵 當 仕 盡 仕 人 齋 楊 肇 聘 行, 日 元 元 死 仕 修 如 : 後 甫 心 如 元 人 $\overline{}$ 何 不仕 几 亦 曠 欲 紀。二元 ? 皓 古 有 付 用 於元 故 墜 先 不 夏 不 事 安 朝 要 典 變 生

以

獨

重乎

薄 有 動 見之,當破 有 論 擬 王 也 語》處 經 克 「古之人 代之詩。 如 薛 何 《易》 孝 仲 如 中 者 ? 常 其疑 乃 説 批 歟 問 門 日 **>** 日 依三代 點 矣。」 1 : 中 人 删 姚 有 擬 當 文 定 義 多 之而 在 中 類 代 攙 少 游 子 編 本, 有 人 好 後 如 夏 的 格 亦 頗 言 之 何 代之禮 言 以 好。 間 舊 議 見 ? 在 之 風 仲 其 又 解 模 先 常 而 俗之 問問 州 代 倣 後 生

先 不 活活 之,則 氣 在生 象,不 生常 敢 道 望 全 潑 陳世 滿 地 有 便 體 在 目 此 0 膽 在 一分不 皆 高 打 問 光景。」曰:「常 此 遠, 此 那 堯 毫 敢 氣 堯 便 裹 舜 望。」 不 象。 舜 做 就 氣 能 氣 象。 起 ? 汝 大 如 到 象 適 器 程 先 間 在 有 必 世 子 曰 生 此 多前 云: 此 瞻 言 日 光景 日 若 世 : 倚 會 行 若 瞻 也 衡 二分 惟 得 處 求 日 難 時 求 這 順

點 但 太 檢 或 公,物 早 不 起 敢 放 夜 來 過 睡 順 應 有 或 身 差 則 之 失 某 處 所 贵 則 爲 敢 不 或言 憚 改 願 之 思 所 慎 若 亦 擴

常

似

我

這

等

行

口

0

借 子 歷 類 舉 别 成 日 爲 先 書, 生 身 仁 我 謂 之説 上 欲 時常 大 的 器 以 來 斯 推 對 説 求 仁 : 7,是爲 先 至矣。」 不 尔 生 曾 好 日 反 學 將 : 諸 大 論 若 身 關 語 這 做 鍵 等 説 也 却 世 是 孔 瞻 處

慎 知 如 恐 屬 何 懼 觀 動 應 ?! 先 德 工 只 夫 問 是 就 生 心 觀 日 可 F. 觀 : 喜怒哀 覺 「只是 也 得 ___ 樂未發之前 虚 然 静 其 之時 前 只 好 觀 氣 做 字 戒 屬

問 古 不 是 知 天 唐 如 如 理 何 何 問問 若 存 心 也 日 學 下 : 只 存 又 如 是 天 想 彼 理 存 别 此 天 亦 個 相 理? 有 道 對 幾 理 時 樣 先 説 亦 生 好 是 應 H 話 天 德 :

> 理 事 理 皆 亦 [壞矣。 又 是天 如 在 理 如 官 此 盡 惟 官 亦 不 事 謂 能 之存 是 致 天 天 理 連 理 又 所 乎 却 説 想 所 盡 家 中 天

禮 看 惟 禮 從 與 ,省了 周 今 先 生謂 之 即 典 多 是 希 禮 少 博 古 比 力 文 日 合。 也 約 禮 孔 汝 意 子 讀 學 禮 應 德 可 代 日 將 禮 : 古 之 如 而 此 典

忘 日 。』安得 : 唐 孟 音 子 有 問 説 無 得 事 好 無 時 事 ? 時 必 如 有 事 何 焉 主 敬 而 ? 勿 先 正 生

若 音 曠 其 ? 侍 杜 而 費 兼 唐 鼓 先 音問 乎 之 鍾 生 此,不 諫 日 平. 處 「師 公於 止 反 師 曠 爲 得 曠 子、 , 樂 只 審 孟 師 省 音之實 子 卯 矣。」 得 取 飲 聲 其 酒 音 者 善 高 何 審 也 下 足 音 節 使 審 及 師

曰 有 前 半 官言 截 也 不 + 要管 餘 年 他 仕 後 路 半 淹 截 滯 也 不 要 先 生

於 他 他 只 做 今 先生 Ħ 的 以 官 爲 能 其 深 相信 深 然之, 也 且 稱 其

王 子 孔 不 王 王 武 難 得 子本心?」先生曰:「然。 大 王則有 希古問: 季 以 葬 孔 般,在亶 子 寧 此禮 本 死 「門人葬孔 心 於 論 道 一父、季 也。 路 子, 乎?」但 歷 辟 則 用三代之禮 如 孔子 無 周 此 之追 門 日 心,在 人 尊 王 · 豈 文 大 孔 縱

受《尚 儒 除 以 者好學,就是文帝遣 傳 也 其 書》,後 這 器 女子 等人亦是賢者地 問 乎?」先 世 伏 亦未之見 生 九 生 + 日 也 餘 位 挾 猶 了。 伏生之家 書 口 之 漢 誦 時 禁 尚 未 不 但 盡 口

之外是甚麽?」先生曰:「未知六合之内, 知 地 猶 間 陰 陳 人之語 世 陽 瞻 升 問 降 默 水之潮汐。 耳 夢 覺 即 也 是 又 通 先 問 乎 生 畫 日 : 夜 兀 示 之 海 道 過 九 州 天 而

> 問 己 之外 日 不辨。」莊 知六合之外? 「求諸 人運 如 何? ,聖人存而 乃問 周 海 日 且 運 海 : 爲 運。」 「吾人求免乎 亦末矣。」又曰:「 莊 不 此言。」世瞻問 論 子 亦 六合之内 説 得 好 此 而 海 日 事 己。 聖 運 勢 不 議 先 六 汝 得 牛 而

之心 心 雖 生 曰 夷 爲 相 陳 取 生 世 通 如何不可 天 民 ,但其道未 瞻 下 <u>)</u> 問 雖 命 非 元 祀也 處 湯 廣大 世祖 武 ? 這 純 然 個 恐 有 粹 亦 不 血 百 耳 有『爲 當 脉 年 天下, 祀乎?」 亦 與 天 其始 堯 地 舜 立 先

日 於小 太宗釋 縱 亦 一、一、此 囚 口 見 人 知 先生謂諸生日 信 、信義 重 其 過 囚 義 必 論 儘 口 來, 也 施 施 於君 近 人 於 先 仁。 1:「信 小人。」世 來 儒 子。」先 冀 史斷 陳 乎 其 世 ·天理在· 多 生 必 瞻 一瞻問 曰 : 有錯説,若身 釋。 日 人心。 「先儒 若這 如 刑 何? 罰 事 説 施 唐

見

相

通

元

無

許

多等第

也

則 處 其 口 索過 地 又 差 不 則 知 不 怎麽 口 的 論 事 只 求 通 物 理

治 舉,不肯 身,今讀 先 生 用 嘆 經 以 曰 書 治 反 身。 今 不 若 Ĺ 即 讀 也 如 經 讀 醫 書 書 徒 尚 用 且 以 取 用 以 科

以 善 必 如 性 沛 日 知 : ? 聖 夫 賴 伏 然 而 一吾之 只 夫。」 人將 從 南昌 羲 莫 見 先生日 做 之, 亦亦 之 聞 然 第 德 日 裘 知 能 開 多 則 必 : 性 汝 固 拓 禦, 張 見 仰 : 等 之 聖人 中 本是良的 子 而 觀 師 大舜 的 贵 知 問 識 俯 何 友 也 不 聞 不 且. 之, 察。」 夾 以 聞 罷 是 肯自 做 持 言 乃 然被 聞 第 汝 見 善言 殊 是 而 不 居 見 之 中 後 不 知 梏 ? 等 私欲 日 知 止 知 之 口 於 Τ. 見一善行 豊 非 謙 德 次 夫 見 迷 性 爲 不 德 3 雖 也 蔽 聞 是 與 吾 第 聞 性 生 ? T 之 輩 是 德 聞 擇 知

> 無 孔 是 十 口 僧子 子 類 事 ___ 貫 後 推 中 裘 0 之學,遽 汝 方 雖 先 此 中 與 不 説 非 能 生 他 : 小 日 説 要一 事 : 事 做 貫。 貫,豈非 曾 到 過 貫 面 子 今 先 前 不 也 無 要 知 要 不 妄想? 孔 能 苦 逐 盡 子 泛 過 事 得 之質 應 名 數 磨 件 少 煉 還 事 又 如 不

要 己 個 與 義 =日 見 上古 諾 聞 禮》 志 萬 朱 理 心,但人要 見 事 自 子 Ĭ 無書,六 · 只 是 是 見,不 日 辨 。」然 怎 : 時 有 論 主人 生不 先 太 自 面 可 個 生正 學生 經 要六 生 察, 未辯 先 頸 心。 是 又放 横 發 要講 飯 聖 經 客 先 赤 未 人 人 ? 下 説 j 生 論 不 縱 寫 來 箸矣,先 於 日 請 又要 虚 説 的 謁 : 中 \Box 得 , 其 行 。」人怎 口 子 是 事 虚 是 生 知 人 加 T 心平 粗 以 笑 道 迹 飯 其 陸 是 日 日 氣 子 道 對 口

仲常問:「賈誼獻策,未必不是。」先生

孔 爲 子先 息 曰 故爲 政 子 日 井 之先井田 但 : 田 賈 政只是 『繪事 誼 不 : ,猶爲學之先忠信 後素。』子夏 養民 如 然,這 文 帝。 爲 先 便 與 文帝 日 旂 我 : 們 日 先 遭 也。 爲 : 要 後 學 是 生 乎? 以 養 般 孟 安

無 父,未爲 行之者,江 以 爲 石希 葬 無養無 孟問 何以 革 行 …「人於父母,生無 葬 處之? 傭 也 以 供 先生日 母 , 董 永 :「古之人有 以爲養, 賣 身以 葬 死

子 生 才 曰 :是過 短 希 何但 其 孟 又問:「楊子雲之言 言 過 少。」 不 顧 先 行 生 希 日 孟 : 楊 問: 亦 子仕 程 好否?」 子 王 三 莽 先 楊

宋諸 此 是宰 又 儒多有掩護不暇者,心中多少委曲 石 畫 希 子 寢 孟 誠 ,聖人也有 日 心 : 直道 宰 處 予 這 遗 問 樣 仁,憂 弟子?」先 是 聖 門 陷 高 害, 弟。 生 又 \Box 不; 唐 短 :

六八

吉 取 不二,❶脩身以俟之。』故不取 避 ?」先生 [X] 張 則 其 怡 人不 曰 問 : : - 肯盡 程 子 邵 人 以 子 事 爲 數 凡 學 孟 事 也。」 9 子 推 何 曰 : 數 故 程 都 子 夭 要 趨 不

禮者, 婕 帝 黄 達,古人作 到 他 昔龜 們 妤 后 T 生 皆笑 ,便是致 先 日 趙 却 如 Ш 生語 氏 執 何 作 他 **^** 贵 善容儀,有 ?! 先 課 人,未 衛 大器 不 敢 簿,記 曲,人多 靈 有 見汝笑容。 章 嘗 生 玷 不 日 日 **>** 於帝 來 班 用 自 忽 今日 孔 問 婕 言 略 淺 車?」趙 妤 動 近 過 子 坐 方講 就 者 中 視 且 也 忘 此 帝 聽 0 來。 云 磨 氏 述 下 是 大 至 召 煉 昔 禮 器 學 一日行 而 升 於 漢 與 而 處 章 曰 此 成 非 處 :

芒 步 失 聞 儀,諸 知。 帝見之,喜曰:『人之脩德者,其苦 妃皆笑,惟 班 婕妤斂容不笑,若

心

如

此

乎?』然今不 洛陽 可 年,生得 日 至。」 問 人,張子 地方 數人 「宋時 怎能 可 加 陝西人,朱子新安人。 賢 爲 己。 得? 人輩 地 方限量 孔子曰:『才難,不 出,多有 如 周子湖廣 ,當以聖賢爲 方 所。」 人,二 四 先生 · 其 Ŧi. 必 然 白 程

詩,凡 事 者,不必皆是聲 之有道乎?」先生 深,今日只求自家 ·樂』字有深淺否?」先生曰:「汝不要管他 最 切盡除去,則自然心 近,然 許象先問:「『樂在其中』與『不改其樂』, 嗜 好 向 邊 好着 皆是。 色貨 티 : 一個樂耳。」大器曰:「然求 利 亦自 「各人 廣體胖。 程 粗 悪 喪志」可 子 日 的 揀自己所 書 只 然所 札 於 於 寫 謂 累處 字 儒 累 做 處 者 淺

> 外學。」 : ,孔子仕、止、久、 一此 問:「孔子五十學《易》,如何學?」 知天命 時。 他人學《易》,多在 速,各當其可, 在 象 先 象 占 生

上

日

之以 樂 胸 順 難 仁 達人。」先生曰: 高弟,三月外又違了仁。 曰: 長,便只是這周 大器出席,周 寬 上 克 應。」大器 謙 廣 處 章詔、 體看。」 十月十七夜,先生召大器進見,賜 聖人之學,只 每 克 有 見 持之以 將 洒 其多 陳 明日 去。」 曰 : 旋取茶,因 樂 昌 旋 氣 却 敬 憂, 積 進 昌 己欲 取 象 是 見 同 積 只 茶道 示 口 孺 詔 大 曰 : 是 然。 7 道 個 謂 器 擺 理, 而 子 曰 : 汝三人試今夜 體 曰:「汝回 雪 脱 宣之體仁,却 立 擴 發 仁,却 無 「只在克己, 夜 體 不 然 人,己欲 别 顔 侍 開, 仁,却 太公,物 處 子 坐, 在 求 須 是 奉親 也 聖門 先 在 要 達 多 將 來 將 生 敬 而

發仁,敢不佩服!」 前言往行,以蓄其德』。」諸生曰:「先生對病

在位 百 三年之害。其要只在得人。」 姓 一、民便 多 何 水 克 「。」 先 明 受一日之害;在位三年, 問:「今之守令未 生 曰:「然。 但貪污守令 久 轉 遷, 民 便 是 受 日 以

易 世 《易》專 以 以 從 吉 戴 道 [X] 光問:「《易》卜箸何 言 禍 也 正 福言 心 脩身、齊家、治 便 小 看 了《易》。 如? 或 先 道 \sim 易》, 理 生 日 變 後 :

處。 牽 日 否 ?!對 倒 到 • 後 其 顔 先 知 子 門。 生 所 來 日 在 問 奮 聞 陃 孔 黄 勵 巡 巷 聞 子 沐 撫 便 不 子 : 召 可 枉 東 時 見,數 進 與 見 往 贵 學。 葛 諸 莊 無 侯,子 次 子 貴 上 平 不 東 顯 讀 日 出 ? 可 東 書 只 數 若 未 儘 被 曾 先 立 相 是 名 得 見 高 生 頭 見

> 磷 孔 問:「既是聖人,又降 恭 何 此 ,君子不 ?」先生 孟之道 處。」 正 戴 是 光 聖 擴充 問: 三 三 : 由 之 也?」日 去。」問: 和者, 夷、 夷、 惠還 惠 近乎 志 : 與 二孟 辱 是 周、 推 · 涅 身, 子 聖 其 奚 程 人,數子 何 不 極 日 也? 緇、 而 張 险 言 磨不 朱 日 與 却 耳。 不 大 如

多。 的 得 間 與 其 非 是 諸 來 ,便有高 有 此 學者貴乎得心爲難 的 生 不 歷 戴 <u>-</u> 能 講 光 還 也 論 問: 處 訓 是 下深淺。 有 言 詁 穿鑿,又門 孔 寫 語 ,至於義 孟 漢 得 三四 遺 儒 想象 是以 意。 太 人 理 穿 人相 的, 語 後 一,自家 相 録 鑿 録次之。 來 傳 下,中 ? 也 傳 周、 愈 有 失 主 日 廣,失旨 寫 真。 程、 間 斷。 得 忧 張、朱 不 漢 差 有 如 儒 錯 我 寫

《旅》: 先 『射雉 生日: ,一矢亡。』蓋矢比 「《易》之意,都 在 言 利 欲 外 雉 看 口 比 明

脚

定

當見

有進

也

溺 德 如 看 去 不去了。」 利 欲 便 得 明 德。 若 只 在 象 E 拘

盡 遠 左右 可矜。 生試 曰 此處甚好。 地 ,義之至也。」 . 必有先舉者,當收誅之。 處之。」大器對曰:「法 戴 薄昭是母之弟,若殺之却大忍了。 庶幾 莫若流竄之,如 光問:「文帝 或 殺漢 法 不 使者,未必薄昭手 失, 母 殺 何?」先生點 薄 心亦 昭 不可 如 可 但安置 何?」先 不殺 慰。 頭 刃 情 仁 昭 日 之 於 其 諸 生 實 0

某聞之,真喜而不寐。」 數人。自讀書不輟,又教族中子弟數人。』 孝在家造小書屋,中祀孔子,擇從祀如顔子

行之言。人若不先實學,徒立標的,四方八不殊俗。』此深有見。」先生曰:「此文中子力大器問:「《文中子》説:『内不失貞,外

『終日 是工夫間 聖人只是工夫不間,吾人 其中矣』。 不過 人一日亦 忘憂」,則『疏食飲水,●曲 「不可作題目 憤樂耳。 仲常、子 不食,終夜不寢』;及其既得也,『樂 斷,是以數 有個憤 學者須求聖人 看過。 虚 理未 問 樂,不 發憤 百年常無 得 聖人實實 也,『發 に忘食。 知 雖 肱而枕之,樂亦 憤 憤 知 樂始得。 甚麽、樂 聖 憤 做去,一 憤 先 人 樂 忘食」, 生 也 了,又或 嘆 甚 但 日 日 的 間 以 在 則

試,都依這樣發揮於策上,方見實用處。」群,然後改正朔、易服色未遲也。諸生今廷「文帝優於賈生。閶閻厭梁肉,阡陌之馬成「文帝優於賈生。閶閻厭梁肉,阡陌之馬成

● 「疏」,原作「蔬」,今據四庫本及《論語・述而》原文改。

月 日 先 生 來 寺 : 中 有一 生 日 : 生

心 雖 好 讀 忘 書 要 性 操存 吾 却 人形體 好忘。」 此 心, 是 動 日 静 血 非 肉 語 默 是 與 通 性 理 照 好 扞 管 忘 格 得 還 不 來, 相 是

了 則 只是勿忘 讀 後 句 所 耳 得一 得 東 荷 句用 東 能 西 於 西 日 譬 夜 不 如 間 得 思 出 屋,鎖 去。 量 何 孟 鑰 處 子 關 與 聖 亦 住

作 賢 水 寢」。」又曰 同 歸 容易,可 海 何 火 處 一一自 鑠 作 不 金 做 同 然。 難 自 i 幼 易 的 孟 然『終日 用 誦 子居、 工 易忘。」日 安資 便譬 不 食, 深 諸 : 「誦 行 終 左 事 右 時 夜 逢 勿 不 如

原

也

是

這

個

學。

君子 先 某 此 生 親 處 , 所行 日 江 見之。」曰 實 西 : 有 若 有 與 鬼 無 一星士 鬼神 火 却 還 通。 日 元 見 其 : 有 先生, 孔 人 容 鬼 所 子 是 神 曰:『丘之禱 存 眼 問 不 字。」 花 鬼 正,若 神 對 士 有 正 曰 日 無 久 人 :

常

百

姓家」。」

等命 與國 鍾。 第 來。」先生 矣。』又焉 武 又存心 却 咸 官幾 非星 休、蓋莫之致 見鬼 日 代 士 有大小,立 : 所能 封 「不然,這 火邪 了侯,或 算 ? ,若可 而至, 莫之爲 功有 脩 又問 樣 行 算、又 人 厚 中 : 是 薄 來, 文 間 非 官 或 氣 而 如 星 幾 偶 神 爲 魏 士 或 然 代 仙 也 這 所 科 中

某 買 古 百 器 之好古者聚 鼎、什物、珪璽、錢貝 子》,呈先 有 人 畫 金 冷清 曰 : 去,送一 手矣。 ,是死 買去。 先 明洛 「古物 生 過寺 生。 天官 水圖 有 此太 Œ 道,後之 甚 餘 是『舊 看 宗、宋 勿好,不 辜。 胡 討 監 到 賦 美官 貧乏,他 皆 時 後 好 朝 抄 中 學 具。 完 王 朝 古者 間 但 做 謝 士 廷 王 喪 邳 子 作,有 光 堂 聚 又 志 人 將 聞之,曰:『古 公 前 抄 財 祖 用 朝 Ħ. 好 燕 去 所 几 廷 太 作 古 飛 選 監 因 今 爵 白 藤 物, 謂 又 金 文 用 禄 昔 買 中 又 大 鍾

賢 不 見 生 同 自 好 德 男 : 如如 充 生 女 如 釋 問 飲 好 何 氏 色 食 打 之學,草 做 釋 透 這樣言 I 得 氏 起 打 ! 木 透 吾 語 而 賢 聲 儒 便 後 賢 色 平 作 可 易 歸 用 者 正 色 如 與 也 何 釋 從 ? 古 氏 吾 聖 全 先 未

利 誠 發 使 某 濟 來問文者,以是答之耳。」 人 感 葉 人之身。 耳 爲 子大 發 學便 先 生 看 看 欲 有 先 日 他 以 這 .: 生文,嘆 義 某 點 文 開 心,平 不能、 非 士之心 是 日 文,但『修 不 : Ħ 「躬行之言, 好,但不 甚 爲 激 政 切 便 解 能 是 欲 立 以 以 其 感 自

講 生 講 惟 公當 須 邪 某 人 有 下人 求 耳 不 又 人,倒 一。」先 名公曰 日 去 講 生笑 賢人 教 某尸 ,不然,有道者 : 人 「近 日 君子在世 來 位 : 求 日 程 一、未嘗 公邪 對 子 某講 建 説 ? 不 他 得 韓 學 若 肯 必 事 持 者 拘 來 爲 業 或 甚 尋 這 拘 少 先 公 道 如

> 之人 則 何 不 是 可 寮 ? 知 屬 建 」其 某 功 取 處 創 法 人曰 業 有某公在 在 : 但 下 「若是,不 則 言 軍 ,卒然有急可 民 動 畏 可 皆 服 不 根 慎 道 又 矣。 恃 理 使 有 天 在 位 下 何

之,人方肯去 矣。 走, 食民之力者 三百六十,於今豈 河 金, 圩 田 垻 如 顧 多 耕 北 東 斷 荒 田 方田 橋 廢 T 得 也 論 不 務農 不不 利 人不 土 修。 若 幾 出 可 新 止 務農, 何 ? 幾多 先 無 又 河 千 湛 生 如 萬 征 酌 日 地 夏 必 ? 間 求 損 多 建 將 門 天 下至 益 荒 官 逐 是 面 惟 1 末 下 以 便 吏卒 百 者 人 勢 得 且 多 少 周 H 而 抑 逃 新 便 E

若 過 可 如 ? 用 將 朝 州 覲 錢 程 先 糧 縣 惟 生 事 時 皆 日 謂 天 問 附 之弊政 之 下 此 府 州 東 是 橋 縣 大 如 只可 論 各 禮 古 出 今 之 革 天 如 附 去,不 項 下 何 庸 徒 錢 口 尚 廢 糧 有 可 繁 因 何 京。 文 如

海 三年,又過 而 廢 ,咸知尊 此亦愛禮 食。 且三 三年, 君親上之禮。 存羊之意也。」 年 朝, 久則人 民不知 四 不 海 然, 九 州 有 Щ 皆 州 統 草 梯 氣 縣 Ш 過 航

宰 之學耳。」 人 相 動 静 先 如 生 語 何 謂 默 不 大器 ,或得或 知 人? 曰 : 失,一 「人曾用 其 或 見便識 有 不 功 知 過 得 處 的 破 則 見 若 未 他

他 塘 日 工 言,是以 致曲」功 夫, 人不 日 般否?』曰 執 近近 先 事 便 知,而 生 支 不言 敬 夫。 曰 石 離 . 廉 :『也是。 孟 餂 了 己 楝 伯 陳 子 獨 之也」云云,這 塘 楝 寄書云,若每 某 知 日 問 塘 不 之, 必 今日 以 孟子 『與「擴充」、「慎獨 非 有 爲 慎 來會某,某 事 日可 然。」曰 獨 焉 在 細 而 事 微 與言 將 何 爲 曲 孔 孔 E 與 折 而 孟 做 楝 處 不

非

歟?」

著 以 愛,再 焉。」 之教,只是一個仁,惟 能 疑。 下之長皆吾之長,天下之幼 方許『三月不 裏。」 古 行 今聖 先 也 如 張 推 罷 生 其 爲 時 怡 曰:「此 賢 步 譬 事 問 便 違 如 欲 獻 作 仁」。 不能,乃己 今人 並 賢者仁心 策,其言 生 看 與 如《 顔 哉」,上書之志亦 伊 同 子能『克己復 西 府 私 川 激 行 皆吾之幼。 銘》言仁,言 遮 同 獻 切 使 隔 縣 策 處,不 民 的 了 得 不 禮 能 避 無 聖 是 門 不 天 推 嫌 疑

涇野子内篇卷之八終

七四

涇野子内篇卷之九

鷲峰東所語第十四

計 作 如 ,亦自不難。」 汲 編, 胡 公黯、董 董 大器問 時 常 仲 便覽, 舒、 \sim 茅 漢 以 容、管寧諸 書》多難 作 志 氣。 看 ___ 子 不爲 先 傳 生 文 先 日 章 取

者宜 不 祭,祭酒 可 拘 也。 方秀才拜先生,祭茶,先生曰: 泥。」 則 父子 可。 不同 酒,尊者祭過 席,若父喜命 亦 坐則 不 消 茶 , 且 坐,亦 不 禮 必

不仁者遠」, 問 存 神。 便 是 日 神 如 何 舜 也 選 ? 於衆 蓋 舜 所 舉 存 泉 ', 特 陶

> 能 度,這 之衆,皆没他 泉陶,便是鼓舞之具。 行。 臯 般 陶 (易》)曰 神, 耳 非 這 而 :『鼓舞之謂神。』舜提 舜 個 不 至 手段,非神 仁者 明不 千百年之遠,千萬 便 能 遠 知 而 何? 非 此 舜 處 至 起 不 公 可 個 測

樂? 身而 到 子『樂在 省 睡 於我』,反 誠 不疚 也 誠」始得 問「反 不寧,必反求 能 如今日行一事,接一人,稍有不足, 其 恕 何 身有 身 上 樂 中」,顏子『不改其樂』,亦將『反 做 而 如 欠闕 將 之! 誠」之樂。 去, 諸 處, 身,物 久 這 心自 可 樣 到 日 工 物 此 不安,怎生 夫 各 『萬 地 得 非 位 其 物 所 蹴 皆 雖 得 雖 備 内 口

之間 食,舉盂起起亦 違仁」,正謂 先生謂大 器 須不 此 曰 : ·忘道 汝 與 理。 曹、 汪 君 子 生 無 終 同 食 飲

江陰一人説劉大尹欠明敏。先生曰:

野子 篇

不 政 意 劉 悶 擾 他 尹 自 悶 H 者, 必 某 好。 能 所 不 取 恤 專 士 民 在 也 明 是 敏 以 作《 取 若 書 之。 經 重 厚 作 **>** 意 安 守 甚 閑 **\$** 好 要 而 其 某 民

邪 峰 起 日 ? 争 東 端 所 不可。 張 語 。』改爲《東 生以「正學」名語 子作《砭愚》、《 録」云。 他人見之,汝學正 銘 **₹** 訂頑》, 西 銘 録, **%**0 伊 我 來 遂 ĴΠ 呈。 學 與 固 改 : 先 不 是 鷲 生 正

自 如 孟 有 子 無 大 器問: 窮 德 之樂。 行 示不 如 関 務 子 科 目 就 如 無 何 科 ? 目 日 亦 何 言 妨 ? 辭

視 鄰 城 此 ,常書此 同 百 夜 玩 中 賞 秋 月 好 夜 初 以 四 個 侍 員 無 明 飲 雲 照 月 畢, 霧 透 1 止 大器 窗 昔 青 紗 天。」 日 行 有 "地下。 未 絶 後 眠 句 人求 云: 先 好 草 約 生 仰 東 江

> 理 如 命 忘 此。 就 先 在 却 生 中 酷 因 間 暑。」 諸 生 朝 先 失容者, 日 生 日 宋 • 獻 曰 收 可 來 斂 居 訪 身 處 心 恭」, 與 之 説 功 道 性

七六

此 知 何? 人『顧 道 思 魚 衣 如 然。 大帶 躍 0 何 味 此, 之。 謂 處 如 鄭若曾問 只是 適 先生 活 視 裝裝 左 ,汝要易 知味?」日 大 潑 茶 天 袂 潑 成 飲 器 百 之 至 長 地。 堂 明 茶 . 對: : 鄭 右 見道 一堂樣 命」, 而 飲 「人莫不 讓 袂 「威長 大器問 己。 食知 不 汪 ,莫顯 短 子 威 以 滿 與與 汝資質暗 味 便 目 飲食,鮮 飢 先 處 ,汝遜之故 於此 不 開 道 皆 渴 便 生 是。 不 是 目 是 害 日 相 道 便 合, 道 鄭 之。 今學 能 干 錯 理,鳶 人 曰 分 也 此 知 T 者 各且 且 明 便 味 日 飛 聖 寬 是 不 如 是 者 何

者

⁰ 視」, 乾隆本及《禮 記 大學》作「誤」。

此,不 此 謂 然必 致 ?! 先 下手做 曲 飲茶 以 集 心 生 去 義 時 粗 日 有 亦 爲 . 只 着 勿 事 是 落 非 自 忘 心 有 禮 此 是 不 勿 持 謂『戒 勿忘。 存否?」 視』云 循 慎 譬飲 云 0 先 茶 講 生 又 着 時 問 日 就 如 .

者必 物。 言,亦 在 無 形 便 致 是 有 容 慎 曲即 先『慎 作 動 原 可 鄭 以 獨 若 矣。 同 狀,當屬 好 事 [曾問 是 作 獨 而言。 故「致 『慎 惡, 獨 氣 而 則 動 來 獨 己 無 後有 静 耳 歷 中 一,若 静字不是 纖 聞 和 毫私意 此 子 先生日 人 不 聖 思 不 得,目 人 便 推 消 自 能 便是。 死 : 原 説 位 有 見 的,方『戒 學 T 動 不得,又 育 中 問 静 某常 和 天 大 以 慎 根 地 時 講 獨 慎 無 萬 學 本 而

體 用 用 燈 分 問:「『費 能 不 照 得。 滿 隱 室 指 是 一分體 門 用 光 腔 用 是 是 否?」 先 體 體 爲 此 人出 生 極 日 君 是 此 子

> 便與 之道 又舉 自何 天 盈 大 處做 地 也。 天 萬 地 起?」「造端 物爲 先 間 舉 飛 参伍 衆 潛 人 動 與 植 乎 天 夫 而 地 言 婦 聖 皆 耳。 人 是道 能 而 乎 言 也。」 此 後

禮 神 氣 夫 子 可 也 何 明」,故實 日『丘之禱 0 問 故 以 「誠 ? 質 鬼神 之不 己 理得於心,發言 久 心 矣』一 可 可 元 掩 以 如 與 般。 並 此 鬼 日 夫」。 多孝 神 月 中 日 可 弟之 日 節, 月 以 : 至 格 祖 周 此 祖 考 旋 通 如 考。 中 乎 孔

得。」 失 退 也 不 Ė 先 大器 日 生 日 日 人 . 於高 省得 諸 生 明。 就 一聽講 此 勿 下手 但 後皆 喜 *, 鼓 其 舞,喜其 有 力 得 做 去, 而 進 有

難 切 問 行 學者欲 近 得 思 始 爲 觀 曾 難 天文,先 見 尹 須 和 是 生 靖 真 日: 詩 男子 云 何 , 必 能 方 然? 能 言 未 無 是 當 厚

文却 嘗 也。 如 力。』」曰:「尹氏之於程門,猶聖門之得曾 顔 尹 0 伏 講 先 個 故學者雖 木 羲 與 天 生讀 布 妨 仰 某 文 衣 觀 耶 意 參也 如 象 先生看 正 此 魯 於天,必 合。 魯,叉手 雖 不 只 然 ·妨,只要立志 是積 薦尹 只 古 要 近 起 誠 力 先 亦 取 日 所 有 行 生 諸 至。」大 『某 觀 章 身,如 若 耳 天文者矣, 疏 尹 也 子 得 此 器 嘆 魯字 觀 又 日 氏 天 何 .

似 間 實, 説 也。 先 『惺惺法』,别後 一蔡論 看前: 生謂 天 大器 人言語, 地 論 日 鬼 亦要 去 神 「彦明語 雖 (揀擇 矜字甚 精 亦 録 頗 皆是行 好, 遠 與 惟 尹 事 氏 之 中

得 作 以『於變 心 見唐. 漆 只 是 問 虞這 愛 堯 時 故 民 舜 雍」,『四 堯 個 「於變」、「 自 美風 舜 之 家 世 俗? 茅茨土階 方 一, 錦 風 風 動 動一可 綉 天下之大不可見, _ 玉 帛 投 曰 : 愛。 無 珠 所 抵 吾人 堯 用 璧 舜 安 是 禁

> 些, 要 且 自 須 積 使 處 誠 得 久自感化。 家 淡 風 薄 俗之美,當自 些, 長 老 處 厚 家 些 身 兄 做 弟 起 處 厚 只

賢 + 論 可 輩 論 七日,周子終於小官。 南 南 出 何叔 北 北 耶? 防 當 南 問 時 方 南北士習 有 如 僞 濂 學之禁,朱子 溪、 南 不 天下風俗至此,豈 軒、 同。 延平、 先生 在 日 朝 晦 菴 只 諸 勿 几

爲 門 安泊 之,其不善者惡之。」 處 笑 友所惡 日: 友何. ,是拔乎流 何處。 城 「汝亦 如?」先 又問:「今學者亦多惡 一,則無 孔 爲 俗 子曰 生日 所 人所 矣。 容 也。」 : 惡 不然,則 大器 示不 乎? 求 結 如 又 金 問 鄉 足 人 蘭 人 個 見 講 「見惡 之契方 之善 身 汝 學。」先 學 心 者 於同 問 不 可 好 知 進 牛

「亦相似。 問 「『躍 此隨時變易, 如二、『卓 爾 無 私 相 心 似 方見的。」叔 否 ? 日

某 嘗 當 防 也 見 官 略 曰 故 輙 或 窺 難 不 見 不 亦 能 及 景 某今. 難 盡 象 見 職 穆 耳 一日 如 伯 恐 衣 潛 如 言 服 先 馬 差 爲 生 伯 身謀 恐 知 循 日 行 汝 先 差 者 有多 生 亦 則 馬 便 忘了 有之,故 少念 伯 省 循 得, 甚 只 頭

迁 能 先 第 闊 造 生 聖賢 着。」 鄭若 曰 ,陷於高 : 是 曾 若做 大 器 日 論 落 : 得 矣。」 以 第二着了。」 去 做 爲 意 工 甚 當 甚 好 自 2 好 不 先 鄭 恐 動 生 日 初 而 日 : 學 敬 慎 遽 始 獨 此 爲 難 却 不

口

愛。」」

非 坤 E. ·, 隤 教 也 先 然示人簡矣。』 皆 孔 生 是 子 曰 曰 意 吾 夫 也 0 乾, 無 張 行 子 確 而 日 然 不 示 與二三子 糟 人 粕 易 煨 矣 燼 是 無 夫

生 日 問 財 只 成 是 天 大 地 時 之 制 宜 道 耳 輔 相 如 天 元 地 朝 之 以 貪官 宜 污 先

> 後 帝 污 吏 以 遇 以 而 財 致 亂 周 治 成 勃 我 天 便 太 地 如 生 祖 輔 漢 養 遇 相』云。」 高 安 劉 時 息 伯温 民 遭 故 徐 干 E 達 戈 地 輩 瘡 天交, 痍 誅 殺 至 文 貪

學也 從 미 須 見 這 事 要 裹 之又曰 儉 先 便是 省 生 過, 問 積 大 觀 諸 禹了 久 孟 生 禹 後 子 曰 : 0 無 便 論 間 大器 得 「汝輩 天 然 其 降 父 \equiv 日 大任 事 兄 在 此, 「自古 懽 於是 心, 若 衣 聖賢 服 做 就 是 飲 得 尤 這 須

其 於禪 可 從 大 矣。」 器 正 佛 者 先 曰 學 日 生 , 惟 日 故 亦 尹 : 曾 孔 然。 彦 \sim 看 子 明 尹 故 過 焉 日 和 伊 : 靖 若 且 111 文 得 定 言 自 集 夫 涪 見 輩 汝 歸 有 某 看 後 死 嘆 恒 過 學者 而 來 者 否 多 不 ? 斯 多 流 失

先生曰:「樊少南甚明爽。」有座客曰:

其 間 子 先 好 來 却 辯 貢 悦」、『語之不惰』,故『與 也 省得 篇 生説 。」。上先 原。 甚 夏 省 多 不 而 人劾某人, 省 喜 不 少 是行之一 可 不 少 人説 看 得 得 話 生 樂。 南 如 道 口。」日 此 過,方肯篤信聖人。」先生 曰 : 曰 : 則 話 理 在 比 如 ! 甚 貫。 「當意 先 孔 從 擬。 + 某人今果去矣, :『夫子不 難。 門, 是 九 前 生 即『衣 篇 又問:「《論 以 惟顏子『於吾言 良 言 面 外看 是言之一貫、《 孟 佐 已自 自 前 回言終 子 日 明 言, 一、未有 後 . 學 白 好 小 某 語 也 之,左右 此 襜 日」。 子 知 **>** 大 人 如 來 何 一書,近 而 日 座 也一, 方 無 器 方 鄉 不 述? : 若子 客 會 好 所 日 黨 好 這 逢 中 不 又 得 1 :

自 不見意 家 先 説 生 得 趣,必不 謂 話 汪 威 0 曰 樂學。』若 只 要 大 器 好 擴充去,還 在 學 柳 灣 程 子 不 大 似 日 着 今

> 言 器 遠 曰 皆可 着 : 與 「大器 充 能 謂 塞 能 大 天 庶 幾 以 事 地之間 乎。」 直言 規 戒 規 亦 人,汝能受大器 又 在 且 此 善 道 汪 之。 威 日 : 先 之直 生 大

八〇

只 失,反使人君不信。」 十二月便 古説:「 如《尚書》『撫於五 應德 歷 問 難 歷 行 可行。」先生 月令》 又 如 辰 劉 、甚瑣 庶 日 向 績 : 深碎,不 云 其 某 還 凝 事 應 可 應、 德説 便 看。」 好,若 某 希

爲 功 日 :「古之功名,爲天地 萬 名,富貴之標 世開 大器問:「 太平,轉乾 功名富貴,寔是一 的 也 旋 坤 立 繼 心,爲 往開 生民 途?」先生 來。 V. 命

命 0 爵 先 生 日 : 謂 程 儘 安 爵 命 日 : 只 功 恐 父 名 母 得 之 心不喜。」先 不 得,

^{■「}今」下,乾隆本、四庫本、嘉慶本有「日」字。

子 爲 生 却 聖 官 日 文不 爲 : 不 固 賢 好 ? 父 然 ,父母望子中 其 母 此 望 亦 子 不 之心 安 舉甚切。 且 儘 父 無 母 窮 贵 盡 若中 不欲 j 子

肯

體

愚 清 機 先 在 奪 臨 還 ? 日 淺 苦 生 而 事 只 是 憂。 對 日 須克去己 便 可 工 物 時 説 : 夫 不 責 若 耀 勿 得 甚 、志。」 可 畢 不 問 士志 好 好 與 熟。 竟 以 私 襟 人 引之而 方得 喜怒爲愛憎 又問 於道 平日 懷, 程子 問 道 做 范 長進 而 Ė 曉得『戒 莊 去者 人心 秀才時 文正 耻 : 子 『爲 恶 日 何? 勿 不 衣惡 公爲 慎」、『 氣 便先天 嗜欲深 以 所 先生 口 食,不 人 勝 其 恐懼 異 清 故 下 爲 者 習 之 安 甘 天 所

過, 人 大不 爲 問 百 人 世 幸 多 不 師 悪 聞 聞 湯 過 過 改 昔 過 先 簡 不 生 子之臣 吝』。 日 : 仲 周 尹 子 由 綽 喜 日 聞 赦

> 綽 厥 聖賢之别。」 君 厥 簡子 也不愛我 子 也 哉 愛君之過 İ 尹 : 綽 諫 1 厥 我 愛我 不 面 必 訾 愛 於 諫 君 不 疑 面 之 我必不於衆 衆 譽 醜 也 中 也 0 0 此 孔 0 口 人 子 尹 以 中 \vdash H 觀 ; :

道 勾 日 某 某 耳 便 : 迴京 贵 中 有 此 是 庸 亦 與家 在 相當國, 也? : 可 士 某 謂 兄 人 但 慷 説 手 有 慨 其弟 裹 薦 此 之士。」 取 舉 氣 過 象在 起 功 陝 用 名 或 西 0 亦 的 日 對 與 人 脱 對 ? Ш 俗 但 笑 Ш 先 欠 怎 \Box 中 生 :

粹。 時,不足以言學。」」 : 又問 問 這 幾 程子 顔 句 子 似 日 哂 覺 -: 巷 先 争 自 學 生 差, 樂 者 日 全 : 以 將 要 有 這 顔 識 孔 幾 子 時 子 句 志 在 若 説 世 焉 得 不 非 純

0 疑」, 疑 行, 四 庫本 此 字。

仁乎?」

喪, 反。 即 生 曰 使 迎嫁皆非 子 若女過 大 器 一禮 迎女過 問:「今有女家父將喪,男之父 門,母 女 禮 門,又欲子完親 在 前 死 途,而女之父 況於完親乎 不 復反。 ? 今女父 如 如 母 死 何? 則 母 先 將 女 母

此,且 無 此 動 氣 先 起 静 象 生 觀 從 但 見林 者敬 容,言 須 穎 要 愛, 語 先 氣 就 象 安 有 〈詳,不 是 從 諸 學 容,指 中 問問 耳 惟 也 天 謂 大 學 理 者 器 合 當 不 日 可 如 :

慮 與『定 無 N. E 之也 事 主 致 先 然。」曰: 静 在己言,『 動變化」,其 其 生謂 安 欽 委 慮 克 夔 曲 諧 纖 日 「 致 如 動 日 何 變化」却 悉 一、「近 在『 ? 合當 曲二工 誠 慮」之後 先 形 與 處 著 及 生 學者 夫, 纔 乎人 明」、『動 日 是工 乎 權 論 『定 物 ? 夫, 變 致 而 變 先 俱 言 静 無 曲 化 在 生 0 安 處

> 中。 工 耶 夫就便 ? 」先: 日 『誠 生 是『明 日 : 明 誠 未 就 盡 可 爲 先 頭 盡 便 頭 説 ? 權 日 然 權 亦 致 在 曲 其

問: 制 問:「怒雖 當發乎?」 雜念之起,忿 不 同 不至太過 者 前 同 忘 惟 夔問 好樂 恐懼 怒 怒 乎?」曰:「 當當 觀 爲 曰 在 發 忿 理 甚 焉 懥 事 若若 懥 理 理 則 變 何 蓋 程 當 有 能 恐 也? 倉 然。」 與 觀 怒 是 子 懼、 卒之臨 好 所 理 非 而 憂 先 樂 則 非 不 謂 患 發 生 氣 本 人 則 非 亦 曰: 情 憂 几 已 者 平,而 件 易 患 是 矣。 也 發 在 其 也 是 平 者 情 分 而 數 亦 又 若 又 難 時 亦

績 而 論 日 不 荆 : 必 足以 公亦 夔問 爲 自是 伊 遂 甚 周 高 「《象 斯 纖 明 惜 志 悉,言荆公志 的 哉 Ш ; 人。」日 敝 文 人集》看 斯義,而 公之學 來 $\overline{ }$ 節 不 多 足 荆 必 足以 鶻 以 公 爲 突。」 祠 負 孔 究斯義 堂 斯 孟 先 記 志 勳 牛 記 信 全然無矣,亂 古 其 邁 論 所 口 而 也 却 、我,安肯必變新 所 馬 荆 成 於裕陵,下 節 偏 學 君 公 其 而 雖 實諸公文字上見之。 石得 意 元 實 尚 廉 祐 失。 也。」先 非 潔 得 諸 天下、 孔 然必 ·不足 爲 元 臣 子 知 生 祐 或 之學。 以 公者哉? 法? 爲 亡宋室則有之。 曰 諸 謂 解公之惑,反以 孔 變其 臣 一做 孟 排學, 至 若 所守 一若伊 荆公文字 則 荆 且 故 何 公 是 荆公志 F 周 可 無 非 或 不 勳 得? 自 意、 固 足 謂 , 績 Ш 雖 合 只 以 乖 其 必、 此 又 高 於 好 私 取 其

事 煉 看 克 諧 ,況百家詩 句夸多鬭 亦不 有 - 必看 生 不 美, 買 乎? 暇 0 得 看 唐 無 詩 也 益 唐 題 於 白 先 目 身 家 多不 生 心。 詩 曰 正 : 問 大,且 家 不 於 詩 惟 克 煅 不 害 字 暇

有一生之先人亡二十餘年矣,一日來

幾 涕 只 求 而 乎 後 是 墓 洟 ! 越 志 不 』亡於禮者之禮 能 子游觀之,日 人 來 先 致 弔。 生 曲 日 : 主 昔 人深 『將 將 當 也,其 軍 着 衣 文子之喪,既 墨 軍 練冠 一黲淡 文子 動 也 待 之子 衣 中 服,不 於 其 廟 除 然 庶 喪 垂

得 何? 江 無 南 不 建 其初 仕 立 張 先生日 ,去之亦 其怡問:「 猶 : 未 :「他是宋 此 爲 可。」其怡 則 元 吴草 許 所 魯齋 屬 進士, 廬 日 是 今 生 也。 去 又仕 T 於 吴本 其 元 血 朝 地 食 生 在 如 又

曰 : 時 須於放 耀 問:「收 的 處 去 收 放 則 心 不 在 · 遠 何 而 處? 復 先 生

論 生 講 日 處 : 大器問 「各有 多 然皆 所 龜 得 不 如 Ш 處 語 尹 録 子之切 上 不 蔡 如 行 實 上 事 蔡明 處 多 台 龜 先

베 下 至 器 無聲 問 無臭」,言孔子之大; 尹 和 靖 云 中 庸 当自 鄉 黨 祖 述

乎 篇 // ,?]先 自 也 一,其 始 至 生 小 者皆大也 曰 終, 言 「其實分不 孔子之小。 得,不知 似 過 其 於 大者 分 皆 别

也 破 出 0 這 人 2 恭 先 個 蘇 敬 生 敬字。』❶ 負文章,又有 蘇 嘆爲學之難, 東 坡常 程 氏 戲 時 之學 日 與 名,其設 : 人言 「朱光 不行,蘇 日 心 庭 如 在 氏 何 此 宋 柅 H 朝 之 打

此 衣 公曰:「先 仁 來 甚 衣 見, 哀 制 林子仁之叔父待子 戚 齊 謂 欲 王 衰 己 有 以 過 重 盡 定 禮 情 制 月 報之。 。」子仁 假 無 也。 如 仁如 問 之何。」一 遂 於諸 先生 子, 行 之。 曰 既 名公,諸 喪 : 日 矣 服 當 子 古 名 去

涉 讀 不 太 於虚 《祭禮 是 極 高 剛 揚 遠 柔。 州 無。」後其 有 的 便是太 先 五. 生 士 如 人杜門守禮 謁 日 居 極 一、「太 先 喪 剛 生,中 未 柔 葬 極 讀 레 間 如 以 柔 終喪。 此 喪 斬 只 講 禮 在 求 衰 者 目 既 方 前 不 問 葬

生

俱

怎生樣 謂 千 如 谷種焉能生?」曰:「仁而 何? 變萬 ; 心, 先 化 生謂 起。」又問, 先 如 只 谷 生 在 大器 種 H 一心。」大器 : 之謂。」又曰:「心上 日 日 那 : : 經 千 綸 就 慮 固 己。 在 日 萬 是 谷 思 心 静 種 不 E 上 如 起, 起 生 無 起。 欲之 但 經 静 綸 看

諸 矣。 無 信 不但 書 非詞 人 試 先生 諸 行 朋 惕然 想 來 友 之者 友 臣 像是. 諫 一觀 贈 切 所 真 王 我 偲」, 如 能 何等 朝 太祖 聖 此 及 人也 胸襟,是何等創 送之者亦當 卷, 作 書 且 ^ 當當 停 言 請 閲 止 書 江 時諸 而 閱 大字。 樓記 有 江 信 如 臣 工 \approx 此 萬 造 作 先 倍 且 嘆 當 生 不 日 而 乃 時 及 :

⁰ 字 原作「子」,今據乾隆本改。

² 柅」,乾隆本、 四 庫本、嘉慶本作「厄」。

子 但 錢; 生 日 或 心 曰 不 隨 也 未 時 : 日 止 在 聞 不 先 處 昔 敬 蕪 生 便 甚 教 發 聞 湖 講「不 此 時 好 先 見 則 或 等 王 遇 此 夜 瞎 一之教, 知 在 虐 乞者 情 此 皆 子 南 無 樣 若 擴 也 告,不 與與 過 京 加 人 而 敬 凡 或 似 不 一之以 充之,若火之始 無告 於 全 去 泣 廢 瞎 一般 不 途 飯 困 子 無 相 者 窮 方 勢 干 若錢 是 __ 者皆 與 涉 却 學, 0 之 憶 大 與 然。 瞎 先 昔 以 器 飯 此

子 謊 徑 顔 生 求 説 的 未 夜 子 日 自 顔 是 是 必 不 希 苦 孔 是 寢 古 在 孔 去了 孔 個 子。 如 日 子 不 之 大 此 是 賢 發 卓, 且. 蓋 知 程 伏羲 憤 如 以 子 鑽 何 謙 忘 何 不 説 等 堅 辭 上古聖人,仰觀 景 能 苦 仰 邵 耳。」曰:「最 象?」希古 人聖。」 子 心 高 又曰 苦 瞻 心 今 『終 前 如 人 忽 日 何 日 不 都 後 ? 俯 不 會 要 食 先 捷 楊 説 聖

> 見其 禮 諫 時 處 樂 馬 母 分。 曰 中孚 : 致 方 能 有 温 而 便是 問 禮樂 禮 舉 問 公事父兄 寢,心不安。 只『遇 不驚 秀才, 豚 之。 於 而 和 乃 和 魚,吉。」 不 禮 主 的 如 行 見 人 父子 於巷 意 因 有 道 禮 其 駭 山 的 勝 寒 和 俗 嘻嘻, 是 分否?」 何 顯 器 , 問 則 官 物 藹 城 和 離 納 於 問 然 復 甚 約 樂 道 每 衣 禮 一後 可 自 可 是 先 朝 不 得 勝 愛。 而 牖 行 嘲 生 過 無 高 則 失 戲 • 否 世 聲 曰 五. 薄 ^ 其 流 君 易 問 平 倫 信信 是 和 臣 安, **>** 先 失 不 而 如 惟 \Box 生 隨 其 後 敝 父 但 可 禮 司

今講 妻 可 起 子 以 要 學 對 這 先 隨 生 道 甚 日 處 謂 月 理 高 見 諸 9 遠 道 可 待 生 理 奴 某 以 日 僕 開 與 事 這 諸 來 父母 「我欲仁 道 學 生 理 相 這 皆 約 一,斯仁 可 道 自 以 理 從 切 質 , 待 實 下 至矣。」 鬼 處 學 兄 神 弟 做 做

八六

來。」大器曰:「夫仁亦在熟之而已。」曰:

然。」

害之。 溺 個 久 矣。 心 先 腸 生 須 講 要 嘆 方 世 口 書 將 之學者 只 舊 求 所 分 填 截 日 塞 : 不 的 人真 盡 求 掃 義 實 去 理 爲 T 乃 舉 又 業 利 换 心 陷

附《春 爲 殺 與 殺 嫁 爲 而 婦 律 之他 之。 擅 親 弑 期 妻。 人 無 殺 魯 夫 親 何 秋》。 該 有 喪 當之,不得以 其 桓 人, 掌 尊 即 載 · • 司 1 科 長 後 凡 子 春 欲 説 梁 死 請 止 又出之。 當 人 秋》 刑 罪 耻 旨 耳 有 以 有 大 之, 部 , 去其 方諸 大 繼 先 子。 有 逆論。」兹 乃 理 逆 母 生 婦 姜 評 殺 古 殺 婦 日 婦 孔 人 氏 不 小 義 : 其 人 歸 人 季 當 叔 父者 與 叔 律 又 彦 傳 宜 死 小 與 與 小 有 曰 **>** 以 刑 叔 嫂姦 謂 上下 他 叔 非 而 刑 部 遂 人通 通 文 司 絶 其 問 收 部 寇 姜 比 之 不 子 以 此 日

> 無 不 當 人 倫 死 罪 弟 無 其 兄 姪 可 無 其 叔 矣 其 殺

衣 行 謗 民 之 室 、惠我 又誦 則 無 日 梗 甚 之 問 : 郵 耳 喜 靡 無 日 此 0 裘 爲 私 『衮衣章甫 若大 昔 謡 政 而 皆 孔 鞞 此 之 早之望雲霓 子 因 ,投之無 非 難 由 逆了三家 有 何 魯 兩 實獲 故 聖 司 戾 ? 寇 人 我 也 左 攝 鞞 日 \equiv 所。 右 之 行 月 之心, 靡 相 只 政 章 裘 事 甫 成 是 投 若 化 巨

説 所 他 日 不 只 先 污 將 染 有 先 知 生 與 與 能 常 説 嘆 轉 他 人説 日 横 否 講 : 於 ? 説 的 中 最 倒 話 了。 是 肯 異 向 篤 常 見 那 信 人 異 異 力 雖 聞 聞 行。 粗 的 異 淺 人 吾 見 難 輩 的 然 化 今 無

求人知, Ė 不怨天,下 問 爲 路 學。 頭 就 · 不 尤 日 狹了 人, 一只 天 知 要 打 我 正 那 者 己。 處 其 去尋 天 孔 乎 子 日 若 只

我 餘 黨,然後達 在 本之一 民 而 得 視,天 義 人, 不足,則 心 得 諸 聽 人 驗 政 就 自 之一 人 事 是得天。《 我 無 無往 民 身,施之宗族,推 不得者。」 聽。』」學者未 不 可。 書》 日 凡 事 天 省, 要 之 視 日 有 自 鄉

之學,2 信之,在下 或偶 家 不 ,又是同 見 肯 先 生謂 有 爲 須 是誠 聖爲 不 流合污。」 鄉 是 諸 黨信之,又要賢 賢,他 生日: 處 意 ,又要恒 便 識 若 「天下多 得,輙 看 其 别 德,使 人 譏 少英俊, 、爲聖 者 笑。 稱之。 在 爲 故 近 賢, 朋 君 他 不 友 子 自

以 曰 何 \sim 者 諸 論 爲緊要,以 生 語 私 揀《 書 處 論 處 何者不緊要?」 語 皆義 緊 理 要 精 處 微 質 不 問 知 諸 先 生 生

丈夫』。」尊官亦 曰:「此 有 尊官説 人好資 質 因之愕然 舉 却 人欲 爲 此 學,可 拜門下 謂 ·, 甚 「係 好 小子 詞 賦 失

> 風 多事 頭 在 曰 但 又叮 也。 不可 : 須 ず。」世 陳 造 要一 世 次 嚀 既 瞻 瞻 言 日 必於是,顛 退 日 與 : 放 大器 :「皆道之所在。」先生 行一 在 可 背 當一 進見,先 後 事 沛 做做 件事行,便是 必 物 於是。」 兩 生 皆 件 曰 : 常 事 及 看 也 得 見 某 送 突 過 此 7 連 孔 日 路 屏 子 道 H

如閔 子 矣。』若别 路 子則 挺 先 生 然 一謂 人,便 獨 日 -立 大 於 八器 曰: 如 纏 世 有 繞 一,其 解 復 「人安能 不 我 德 去。」 者,則吾必 行 卓 如 然 顔 照曜 子、 在汶上 閔 千 子

否?! 同 北 陳 先 海 世 生日 有 瞻 聖人出焉,此心此 問 : : 南 欲 海 使 有聖 南 北 出 理 樣 焉 同 士 此 習 所 心 不 此 可 口 理 能

下「爲」,原作「君」,今據乾隆本改。

[「]君」,原脱,今據乾隆本補。

强乎?」 處 者 自 特 限 風 也 氣 思 Ш 慎 111 不 隔 見夫子 着 耳。 以 學者 中 和 不 變 可 南 以 其 北 隔

爲保身家常法,論學還不是。」 何?」曰:「還内外 剛 好。孔子以爲未見。」曰:「内 希古問:「 剛 好? 剛 好。 柔好?」 若内 剛 外柔,只 . 剛 先 外 生 柔 日 如

爲學的終不同,有這般意向,臨文時輕爲學的終不同,有這般意向,臨文時輕應德問:「文章定不得人?」先生曰:

習俗 手做 的只管 行、識』一般,渠亦且在 所 得 先 受了, 生謂諸 薰染。 工 夫。 如 生 原本或既 何 資 日 進 : 質 道? 禀 此 須 用 不 得 解 好,外 功。」 如 不 去 甚 佛家『受、想 舊 純 習 面 粹,又 乘 方 所感 可 爲 下

涇野子内篇卷之九終

徑野子内篇卷之十

鷲峰東所語第十五

門人進賢章詔録

不正 在此。」 患 屢言及此,蓋深探其 才,若士習不 之苦。」先生曰:「是 耳。 章韶問:「嘗與 邊方之害,二宦 詔 蓋 天下 請,答曰 Ē, 則 或 其 本 家 朋 固 : 患 當當 也 官之禍 友講論 所 然,所謂 何 恃 今大患,只 可 以 勝言! **-**; 或 治 大 安者 閘 家 患 者 是 河 有三大 自 惟 尚 運 士 習 是 道 人 不

善。 先 如 堯 生 謂 則 詔 稽衆舍己 日 : 「古之聖],舜則 好問 人,只是 好察,大 虚 心 禹 取

> 法乎 謂其 門 以 『器』,固未至於不器之君子矣。 齊之所治者小也。」若子貢,則 有五人,用 且 樂取之,未嘗自以爲聖,亦初不見其人之微 如 何 聞 堯舜聽 成 獨 賤 也 善 如 其 ! 日損 有 也 也 則 德 取 歷 舜與之群居並處,而其人之有善,尤 拜, 天下,務求賢以 於子 也。 則舜之心廣大 則 孔 成不下堂之治。 山、雷澤、河濱之人,其微 好與不賢者處也。 子 , 賤爲 既宰單父,猶 好 古敏 君 子 求。 何 自 以 如 輔。 其 且. 孔 師 哉 子 事 能 以 夫子但 惜 他日,夫子 子賤 賢 尊賢 舜 嘆之日 乎 厥後,孔 於己者 賤 之 其 許 取 聖 又 何 口 其 友 不 知

己。 日 處 即 克己復禮,天下歸仁』。」 力 問 克己之要,須自 制之,務 爲學難。 有 曰 : 以 家 「學者切 通天下之志,故 密察。 要工 此 心 夫 八只在 有 偏 克

字以 世 人教人 資質學力所 告以『居處 以『克己 之儒 必 詔 人之從,不 者 每 問 復 誨 恭 禮 因 到 人, 講 人 , 執 而 往 良 變化 仲 事 進 亦 往 知 弓 敬 之, 偏 者 不 則 乎? 如 論 未 與 如 告 何 其 嘗 人忠」。 顔 以 資 淵 規 敬 禀 規 問 恕; 先 造 於 生 蓋 詣 隨 日 樊 夫 方 : 人之 子 刻 遲 也 數 則 告 聖

藴 書 先 及 生 至終其身不易,德業在 日 問 應 義 : 舉 道 「舉業 今學者 \equiv 德 場 之言? 中 文 論 即 字 舉業德業爲二, 寓 試 何 德 以 者 是 業 矣。」 是 非 體 聖 試 驗 賢 觀 可 精 所 而 乎? 躬 讀 切 之 行 經

雲外 貧 新 事 中 mi 頗 物 進 來。 詔 有 於善矣。 舉 每 功, 貧 以 不足 而能 先 曰 生 爲累矣。 「然。 安,過 大抵過 常言 亦 能 失 學者甘貧 可 甘 能 亦多 少,觀 貧 改 過 生 則 於 於 則 凡 改 顔 不 可 過 子 能 以 切 浮 從 可 安 日

> 過 之言 秦穆公 見 只 矣。 乃 不宜頻復,貴於速 霸 雖 列 者 以 於《書》之終篇 之 成 君 湯 之 耳 聖 其 改。 伐 而 鄭 猶 與 歸 日 帝 而 改 王 悔 過 並 调 不 稱 吝 自 也 誓

者 鶩 庶 樂、 條 可 猶 其 幾 乎 陳 制 ? 心 他 學者 政 口 度、錢穀、甲兵、 耳 務 日 鶩 日 也 問 可 亦 : 其 以 亦不 各 心 應 事 天 有 則 用。 下 足以應 善 本 不 事 處 心 獄訟之類 知 至於各年 事 之仁已 可 務。」 物 儒 覽記之。 物 者 俱 亡 皆當 之 通 要 所。 耻 報 理 但 究 會 諸 多 不 如 過 口 禮 識 臣

學當 祭射 天 下 事 有 之 語 莆 轉 禮 恐未 移 田 尚 活 林賢 未 必 法 能 能 曰:「學者人倫日 行 若 T 也 説 却 只 輙 閉 言 門 論 澄 高 心 遠 便 用 1 且 冠 爲 婚

要心 氣 或 問 和 平,使人聽 朋 友講 論 多不相人。 服。 不然 則 先 生 至 日 争 辯 須 面

在哉?」 頸發赤,雖講之善亦是不善也,所謂學安

扞格 就 執 誠 定 意 此 明 先生語 四字告君 處通之,方是心 要當有入手處,或 法,恐人君資 基 學 格 曰 : (禀學 心 「朱子平生只 意活 之學,誠 隨 力 動 其 有 偏 所 不 處 不 出 八以『正 救 逮 此 之,或 一,便 心 生 但

矣。 馳 必 亦天之運 學 使 若 運 其 基 天 學 照 行 者 論 地, 用 處。 也 日 者 日月、 先 月明,學 耳。 生 日 風雲、雷霆、霜 苟爲雲霧所 者 只 何 不 惟 學 學 障 天 其 則 霧 ? 明 處 皆 明 日 所 不 掩 月

乎 矣。 始於己有 善者多矣 學者須去 問 則雖 講 聞 學。 有善言, 、惡在 善之益 此 日 病 : 其 切 執 爲學? 使 不 不 而 聽 然 可 不 得 執泥 悟,人亦不 則 四 方 聞 己説 九州之言 見 狹 · 告之 而 如 遺 此

> 雲霜露 子以禮 於天。 至於 别 縱 矣。」詔曰:「此可 執 行 而 之首,便只曰『學而 知 知 兼『良能』言之,且人之知 是 凡 求 其 之 而 之説 麗 誠 周 問致 惟 後行,不可一 端。 子教 諸子則或言日月,或言 各指 敬, 個 教 於天者,舉 製。」 良知。 道 人。 提 尤當 人 且如言静, 聖 理。 掇 其 日 諸賢之言 賢 教人,非 有 先生 静 見聖人之言約 偏 日 亦 者言之。 在 入手: 時習」,言學則 誠 日 未 其中矣。 日 誠 日 嘗 傅 則 處 : 不 程 敬 非 説 人 行 即 · 警 若 不 陽明 固 性 自有 日 子 以 如 切。 善也,但亦各 星 學之要, 聖 偏 教 夫子《 知 然言天之道 本孟 辰 以 於静者, 人則言天, 人日 非 先後,必先 爲 皆在 但 弘, ,或言風 知之艱 行 孟 魯 子 敬,張 辟之 但 其 也。 子 三良 論 中 便 未 須

■「知」,原作「質」,今據乾隆本改。

敬 天之道 於穆不 與禮 者 也。 Ė, 若是 以貫之矣。 君子之學當 則前 所 謂 詔 自 静 鄙 强 所 見 不 如 謂 息。 斯 誠 未 所 此 謂 知 希

口

否

?」曰:「然。」

之人。 此 善、當極 講 先 生 論 其 日 曰:「今日 道 辯 於此 理 論 乃 ,以求其 講 天下 學, 諸 生 是,毋吾以 非 公共之理,若 相 意 聚 氣 之 皆 乎 兀 也。 不 海 有 能 九 若 未 州

資 定 不 大 孟 門 必 禀 規 **%** 司 造 問 矩 人 詣 弟 聖 條 拘 於 拘 賢 子問答, 目 與 中 「,使 執 教人之方。 夫人之病 庸 人 者 ×, 及君 有 非 中 所 也 庸 痛 臣 0 持 曰:「《大學》乃 處言。 **>** 相 循 不 與之言,各就 必 《語》、 同 論 於《 語 **念**孟 語》、 則 是 立 其 多

時 遠 乎 可 '?! 先 了 論 格 生 故 物 謂:「若· 謂 致 只一 知 ,世之儒 事 坐立之間 事 物 者 物 皆 辯 便 論 要 可 窮 莫 格 盡 太 物。 高 何

> 又 此 自 也 何 熟。 , 日 者皆是。 也 : 立 ? 時 或以 先就 蓋 須 要格 坐 格 身心 如 時 爲量度 是,則 立 須 所 之 要 到 理 知 格 亦 事 可 坐 是。」 物所 如 致 之 齋』 而 理 至者格 意 是 可 也 如 誠 尸 矣。」 凡 類 便 是

得 者,即 之。 無 之『惠鮮 心,堯之『不侮 之也 異 至 先 則 此 與 生 其 鰥寡」,●其揆一也。 氣 『冕衣裳 日 心 象。 : 即 三子 鰥寡」, 前聖之心,蓋 學者果 者」, 見 齊 舜 能 衰 施 視 敬 者 尊 不 與 所 自 貴 虐 等。 謂 瞽 至 者 公 與 老 無 至 鰥 告 安 緬 寡 少 想 甚 處 者 懷 文 其 敬

焉 不 變方好。 閒居 先 生謂諸 獨 處之時又一人焉; 今之人, 生日: 對 「學者只 顯 明 廣 隱 對富貴又一 衆 顯 之 窮 前 達 始 人 終

^{■「}鮮」,原作「解」,今據乾隆本改。

焉 何 此 貧 意。」 粹 夫 賤 乎 又 ! 人焉。 故 嘗 贈 眼 底 以 交遊 是 言, 所 不 學 變者, 者 須 知 惟

學自 不貴於文藝, 行,於身 下 之書,有高 著矣 問 讀 心何益 書 作 天下之文,使 當 文。 涵 ? 養本 先 於世 生 原 日 道 : 不 脩 何 學者 能 補 其德業, 體 ? 驗 雖 故 見 讀 其 學 之 盡 文 者 躬 天

話 口 通 親 化 得 之化之,何 不 天 先 見 生 縦 下 一謂 是 舜 之 之 情 詔 愚 耕 夫 日 故 : 愚 歷 如 婦 在 Ш 學 者須 亦 漁 鄉 雷 可 盡 澤 與 須 知 之 使 陶 天下 相 河 鄉 接 之事 濱 之人 説 得

皆

當 於後 冠》、《 習 問《儀 演 世 婚 其 久 事 矣, 禮 \wedge 祭 學 非 **>**√ 曰 : 者 惟 射 檢 不 束 此 可 等 身心 先 不 篇 王經世之書 講 既 而 宛 講 習 然 究 之。 可 之, 復 尤 見 如 廢

> 先 王 時 景象。」故嘗語學者當先學禮

者,此 舞足 好。 樂, 正 之富貴、貧賤、利 尋顔子之樂處 不 能 在 悦 云 諭 如 一、若説 夫 顔子 於 蹈之樂有 問 之於道。 誠 父母 則 : 此 見 顔子 顔 大心 有道 何 心 子 ? 雖 處 胸 不 所 簞 口 泰, 欲樂, 害、 也。 何等宏大 然, 日 樂 樂 食 : 無 不,便不 殀 何 瓢 則 先儒 不 得 壽 當 事 飲 以 足 乎? 早無 時 簞 何,何 謂 是 伊 在 也 顔 瓢 周 111 顔 陋 等 子 以 茂 奉 足 子 只 巷, 顔 洒 父 0 親 是 答 以 叔 之樂 樂, 母 不 動 此 **\$** 知 而 改 其 視 程 求 親 語 處 中 其 世 子 手 或 或 必 極

禮 學 省 論 孝等篇 ,學之有 者且當學曾子 尤見切 問 顔子 皆 實 所 之學。 之學。 其 依 隨 據 曾 事 日 故 子 精 如 : 夫 以 察 ^ 天資 禮 子 篤 而 記 之 實 自 極 之資 有 所 高,不易 貫 得 問 亦 動 與 皆 夫 大 日 學。 學 守

之,則是 者之資 有 曾 所 氏 得 之 禀, 而 誣 傳 語 之 而 之, 而 獨 概 已 得 其 以 矣。 其宗。 聖人 餘 門 弟 一貫、上達 世之儒 子 不 能 者 及 不不 之理 也 問 告 學 故

之心 有 能 其 人 可 乎天 心 心 語 「謹 至 少 本 問 王 獨 誠 德 有 逝 與 道 無 私 者 天 其 與 息 意 如 地 天 則 要 扞 斯。 相 地 王 只 隔 通 之 道 在 日 安 把 化 如 謹 : 從 往 天 獨 西 程 理 而 而 銘 子 行 不 間 此 謂 ? 息 斷 所 義 者 了 故 云 有 極 異 惟 便是 者。 精 天 矣 聖 德 何 不 荷 蓋 人 便

之, 釋》 大其 如]? 爲 則 日 九 心,莫先 詔 狹 層 問 小小矣。 日 人 之臺 :「人之心 須 程 於克己。」 思 一,須 子 故學者之心一 如 嘗言, 大 何 做 本 能 自 先 脚 學 大 廣 生 方 其 者 問 得。 大 心 須 有 -但 大 偏 先 詔 其 如 爲 生 私 心 何 以 私 於 即 爲 爲 意 務 欲 抄 辟 蔽 克

> 無 未 餓 長,慈 却 民 克 日 -及 莩 不 己之可克矣。」 去, 胞 對 則 可 固 物 孤 庶 他 戚 無 是, 弱 與 以 的 是 日 所 必 復 始 心 心 又問 以 如 得 其 方 幼 曾 廣 好 如 · ; 其 子 張 且. 大 幼 : 如『尊 之弘 然 子 之 見 只 此 體 人 毅 是 皇 心 雖 高 如 預 安 子 或 年所 西 何 養 從 生 力 ? 仁 銘 生? 則 量 以 心, 喜 不 先 長 所 逮 詔 見 其 謂 生

事 多 何 外 掃 言夫子之聖,『又多能 日 是其然,必 乎哉 則 事 其 應 : 「灑 對 先 廣大,夫子繫《易》,乃比於門户 多能 固 ? 與 生 掃 非 精 曰:「灑 廷 又不 太宰之意矣。 不 義 有 内 多 所 維 人 在聖之外矣。 也」,言不 神 掃 以 民之章 然。」 貫 應 也一 對 通,只一理。」又曰 至夫子 辟 雖 則 是多,皆 則 下 程 以 子 又乾 學 子 多能 乃 貢答太宰 事 日 謂 坤之理 性 闔 然《 爲 闢之 分 從灑 君 聖之 詩 中

間 神 是 無 動 静 可 也。」 見 甚 道 易簡 理 至 近切,不 斯 口 見 灑 必 掃 遠 應 求 對 闔 精 義 闢 只

者 言 能 道 誦 往 所 也 0 行 在 問 其 治六經。 古 學 言 有後 者 將 非 以 學 徒 先 心 廣 以 生 思 其 資 日 所不及,躬 知 辩 • 識 博 此 也 皆 增 聖賢 益 行 蓋 其 聖 所 精 所 賢 不 義 不 到 前 妙

念孟 敷 失其 安 正 在 陳 是 子 王 然後 時」,使『老者 問 王 道之大,爲 王 道 畝宅,百 一道 道 者, 0 庠 雖 日 序之教,申 千 : 畝 治切要 衣帛 萬 只 田 言 「鶏鶏 當 而 食 誠 以 肉, 不足,不 孝弟之義 豚 養 不 狗 黎 民 出 彘之畜 民不 爲 此 知 先。 其 飢 後 世 此 不 無 要 如

時 止 問 用 五 舜 有 遂 臣 幹 Ŧi. 盡 人 而 天 天 下 下 ·之事 治 夫 而 舜 成 在 於 當

> 此隆古何等氣象 者多 之私 贵 變」、 隔 其 之才,君臣 無 先 各當其才, 才 生 無 私 上下道睽,如 ,舉措 爲 其賢 日 「風 豪 五五 人所 傑? 而 動 舜 失 能 而 上 之休。 又以 妬 宜 人之德固 五. 彼 下同 而 嫉。 此 人之所舉 天 勸 何 至聖 相 下治卒 可 懲 後 且. 後世 公心 讓 復 無 之 世 才 不可 三代之治 所 略 者 德 人各 用數千 而 耳。 ·不古 於 無 非 臨 尚 用 用 所 之, 者 詔 若 毫 心, 而 百 用 五. 況 大 又 嫌 其 人,中 何 皆 心 君 用 有 嘆 人 忌 也? 賢 之 至 臣 者 間 曰 Ŧi. 情 能 間 用 隔 人 非

民 第言之,便當如 矩』,必先理 須 《大學》『絜 要 用 財 欲用 使 身任 矩 民 得 生 不 天 其 得 下之 必 人,須 遂。 拘 拘 貴,0 公公好 欲 以 理 欲 傳 惡 財 **>** 以 中 養 絜 次 公

● 「貴」,四庫本作「貴」。

求 退 好 · IIII 大 惡 不 善 則 道 善 必 得 遠 人 失 在 之 位 如 幾 是 不 肖 則 庶 者 善 惟 屏 惡 在 去。 知 於 所 忠 舉 勸 賢 信 戒 必 驕 先 若 泰

先? 生 治 心 德 日 日 術 : 日 而 他 方 諸 濟 明 且 先 今 日 天 友 然。 措 如 生 學 民 侍 下 此 以 日 術 窮 之民 坐 數 致 : 正 財 治 大 莫 屈 者 得 無 誠 論 先 講 有 行 難 有 及 於講學。」 憂世 其 也 學 天下 推 ? 志 既 之 之志 明 詔 而 則 之 自 曰 以 果 事 者 何 幹 裕 能 謂 者 學者 當 天 詔 口 也 下 何 心 問 ? 先 之 必 司 所 :

非 不 遂 生 得 能 日 守 克 問 失 **\$** 一一今天 己 無 守 欲 則 令於 以 辨 行 心 仁 又 民 下 不 偏 政 最 守令 免 則 親 私 爲 多 荷 不 惟 下 不 得 能 在 人 愛 其 克 知 蔽 民 人, 言 己 惑 者 則 則 在 何 奸 言 民 ? 知 之 生 言 欺 是 自 先

> 惟 亦 能 大 土 時 图 守 藩 權 復 地 則 其 令要 鎮 爲 惜 藩 弊 之 金 邑 奸 鎮 克 何 意 者 人 邪 之 己知 口 侵 與 汪 正 爲 勝 削 之 所 言 禍 言 黄 甚 邑 以 乎 沮 矣,故 在 ? 復 强 之不 所 宋 宋 當 李 室 郡 也 行 懲 剛 當 者 爲 上 天 此 與 若 疏 可 下 誠 之 恨 高 甫 謀 令臣 郡 宗 耳 或 定之 時 之 贵 雖 下

詳 之,孫 若 要當 所 尤 若 少 足 禮 審 忿 0 事 與 終 棋 雖 懥 較 此 行 性 詔 以 以 等 嘗 是 ! 酌 直 涿 則 孫 出 義 人固 怒 行 養 而 之。 夫『 出 不 後 德 君 得 T. 我 動 惡人,先生 口 行 性 若 夫。 其 子 則 惡 與 之, 爲 徒 古 正 不 物 故 本 以 以 以 庶 暇 忤 所 吾 君 爲 爲 幾 暴 聞 子 質 於 義 以 儒 中 無 怒 之, 學 於 T 此 間 而 何 悔 切 者治 事 徑 矣。 所 便 戒 尤 不 至 情 不 日 詔 生 當 言 情 可 直 故 容 即 多 禮 輕 前 行 爲 日 自 少 以 難 發 有 痛 行 便 怨 何

尤 悔 無 因 益 思 往 也 H 書 惡 以 惡 自 太 警 甚 偏 於 剛 隘 適 招 怨

寧 不 \Box 使 可 恩 化 詔 若 問 掩 可 亦 義 化 當 處 則 委 宗 以 曲 禮 族 容 有 之 義 口 不 諭 善 也 之, 者 使 故 如 之自 門 何 ? 内之人, 悟 先 如 生

以 感 苟 则 心 格 教 心 故 無 至公無 非 問 人 不 方可 日 誠 心 虚 蓍 私 之 明 \equiv 龜 誠 揲 0 人 誠 1 則 何 公則 占 筮 以 無 故 非 之 不 知之? 龜 則 規 明 事 所 從 規 0 以 明 兩 於 教 則 日 若蓍 1 : 自 人心之公, 之言 筮 能 龜 則全 也 察 1 其 其 要 則 必 休咎 實 誠 其 蓍 用 公 所 意 人

得 刑 大 極 以 情 重 唐 弼 虞 則 之 五 喜 之 事 教 世 而 甚 又 已 刑 至 或 官只 煽 逞 贵 威 其 似 是 恣 智 後 虐 臯 術 世 陶 歲 刑 有 煅 官 爲 能 月 之 斷 以 煉 明 爲 訟 五. 略 極

> 無 知 生 養 禮 哀 矜 義 之 憫 遂 則 恤 刑 教 之 自 化 意 然 之 省 敷 彼 矣 安 0 誠 知 使 刑 之 之 各 本 遂 只 其 在 生 斯 民 而

謹 者 如 存 獨 則 體 此 講 此 戴 道 時 論 正 當『必 體 是 化 却 常 問 此 見 在 意 有 用 目 事 鳶 前 功 先 焉 飛 切 生 魚 實 故 躍 聞 程 詔 之, 子 活 日 謂 : 潑 日 : 潑 若 其 地 爾 要 此 只 兩 心 謂 在 常 學

等 鳳 或 惟 所 事 其 風 考言 是 毁 凰 大 齊 故 所 治 威 譽 也 論 陳 神 多 王 之事 書 爵 循 , 可 烹 乃 世 之 \cong 謂 良 聽 大 阳 至 祥 之 敷 善 言 如 大夫 春 其言之 吏。 矣。 ; 奏 觀 闢 秋 魯 以 行 土 恭 後 封 言 如 毁 善 地 是 室 黄 至 即 譽 明試 而 治 也 中 墨 霸 西 不 明 田 牟 漢 守 公, 考 誅 以 若 野 潁 能 其 功。 猶 賞 時 是 111 致 養 嚴 有 功 君 則 老 明。 成 莫 年 謂 尊 言 異 周 自 辨 即 致 遺 齊 無 詢 賢 即

今 他 此 爲 是 H H 想 庶 治 所 幾 象 ൬ 講 擬 體 矣 之古 邑 此 貼 前 昔,鳥 郡 如 古 居 何 則 等 獸 必 鄉 氣 有 之 則 象 巢 此 ! 意 必 可 化 方 俯 諸 好 而 生 鄉 窺 正 庶 之 者 宜 不 俗 負 將 亦

於 訐 才能 公謂 後 遂 父 負 居 試 友 先 爲 仲 遂 才 奏 劾 官 舉 名,終 生 仲 台 誣 舍 友 詔 亦 州 二言之, 友 大 仲 朱子 先 不 不 太守, 以 晦 辭 友 生 相 是 是 帷 王 翁 謝 以 之 協 曰 太 小 薄 淮 爲 帷 道 久 陳 其 偏 人, 不 學,豈 爲 浙 薄 庵 同 時 許 性 乎 修 之 東 安 不 仲 父 公, 奏 質 之 奏 提 修 得 事 友 同 公辨,晦 後 事 舉 亦 與 詔 之 爲 知 以 信 學 似 誣 講 聞 事 台 出 其 此 有 所 太 論 論 此 翁 州 之, 按 母 誣 取 偏 晦 言 陽 台 又 晦 輕 毁 但 與 翁 劾 明 翁 州 議 弟 人 昔 朱 仲 歸 之 王 未 ? 各 子 唐 友 互 陳 婦 而 學。 淮 察 ? 相 問 雖 競 仲 但 一 口

見 是 生 劾 非 仲 仲 毁 友《文集》, 譽, 友 事 初 見《台 贵 可 足 知 憑 寓 其 録 久 是 **>**, 之 私 仲 便 也 友 自 誣 明 白 朱 先 生 朱 先

九

蝗 之民 億 以 区 嘆 也?」先 方 峰 旱之災,實此 如 日 東 全 餓 ? 此 所 壬 自 莩 無 辰 誰 生 聞 盈 離 猶 憫 五. 當 项 陜 張 日 途 惻 見 月 詢 以 家 西 之 貴 九 早 等 經 此 灣、 地 心 蝗 官 日 蝗 所 轉 方 歷 早 行 武 似 蔽 致 聞 詔 早 道 爲 舟 清 也 未 天 於 荒 自 途 災 過 嘗 縣 上 北 尤 細 生 用 讀 先 甚 口 至 以 民 人 生 書 此 景 急 休 謁 夫, 等 蹙 然 詔 州 救 先 戚 爲 額 日 糜 不 安 此 生 災 顰 費 陵 詔 知 無 於 眉 供 何 歲 辜 地 對 藍

言 壹 只 語 是 邊 學 先生 鮮 論 説 術 知 語 之 不 道 諸 間, 正 義 生 0 惟 日 學 所 在 術 以 篤 民 不 貴 行 生 正 於 道 不 講 只 安 義 學 爲 者 風 至 惟 俗 誠 又 見 不 轉 不 功 美 移 在 利

必 補 如 有 浮 ? 益 泛之 詔 若心 於蒼 問 於 人, 端 生。」 先 則 雖 生 先生日 行 有 日 確 文 : 才, 此 學 :「然。」 等 者 無 人 此 只 才 實 怕 出 用 壞 而 T 見 心 世 用 術 何

惟

在

求

仁

耳

不 揮 行 聚 问 道 善 必必 之善,即 於言行之間 即即 先 庶 皆 生 規 意 不 每 負 稱 氣 IF. 語 此 之,以 勸 相 諸 良 之, 善 乎。 會 生 相 速 以 曰 勸 務 其 厲 : 以 「若等 過 改 其 平日 志 相 如 9 規 之 既 有 是 所 以 便 一言 有 講 能 道 者 言 興 義 行 起 發 相

養 恥 成 言 漢 人 先 家 過 生 謂 忠 丙 厚 吉擁 之風 西 漢 立 非 人 孝 才還 後 宣,至 世 是 可 重 及 死 厚。 也 不 伐 如 故 周 能 勃

行 語 例 看 惟 先 厩 生 口 問 能 日 也 克、 即 伐、 蓋 程 人之好 子 怨、欲 明 理 勝 何 可 者 以 以 多 能 治 由 使 懼 其 之 心 數 不

涇

野

子

内篇卷之十

是 是 爲 之弗 不 不 人 ();故 能 知 虚 命,故 故 見 爲 理 虚 己 分 知 心 口 明 以 可 命 以 可 治 故 伐 治 以 明 克 治 理 人之 怨 ; 可 人之自 ; 以 動 人 治 多 輙 欲 矜 嗜 忿 者 怨 欲 其 多 者 者 是 究 只 只

乎 學皆 躬 行 原、卜之間 亦 或 近 未嘗 問 FL 程 門 朱 矣。」 但 之學 日 朱 少 怠,當:當: 子之著 口 異。 其 述 先 造 生 太 詣 多 日 清 : 耳 苦 程 然 朱 亦 庶 其 之

於 儒 遠 雜 仲 征 曰 : 之後 世 幾 舒 伐 何 先生謂 只 於大亂 真 財 故 真 緣 加 儒 利、文 儒 士 未 以 也 之少 之 能 耳。二 却 漢 「漢 知 學 興 高 不 其 武 學 詔 學 邨 而 好 帝 者 問 耳 儒 只 人 而 初 : 益 嫚 各 又斥之。 年 駡 詔 鮮 西漢之時 仲 以 無 是 日 耶 類 舒 所 : ? 以 而 耶 不 莫 ? 故 道 至 好 티 : 去 緣 學 其 神 先 秦 古 惜 不 治 仙 亦 明 坑 生 未 駁

0

其然。」

詆

毁

之言

雖

聖

賢

有

不

免。

且

如

近

時

有

李宗 先 妄 詔 自 日 生 動 除 曰 本 日 吴佑 也 夫 先 日 亦 心 生 問 只 當 不 亦 日 當 先 是亦 妄 是。 : 先 安於義 動 思 然,安貧 知 若 由 之 慮 紛 所 謂 能 於 命 擾 止 不 安 静 能 貧 即 則 則 何 若 安 是安義 能 以 心 則 貧 思 安 除 自 雜 中 慮 貧 之?」先 定 念 紛 來 命 静 自 而 擾 耶 矣。」 思 除 ? 是 慮 0 生

宗 若 服 誠 亦 相 者 感 茅 以 有 與 化 待 講 先 容之避 不 猶是己之誠 之人 生 能 之。 論 謂 盡 善 也 道 明 雨 如 日 樹 方 相 者 郭 蓋 0 、宗本: 好。二二子 下 林 有 以 先 宗之 未 孟 善 生 至 敏之 道 日 也 在 在 謂 語 : 當 墮 監 不 : 人 時 只 甑 當 必 而 朋 自 虚 責 擇 不 人 友 能 己 顧 好 或 中 下 皆 化 友 志 不 信 常 林 向

朱

晦

翁

以

不

孝

不

忠

不不

能

正

家

等

事

然

則

詔

口

惟

時

謁

先

生,

大

論

沈

繼

祖

誣

毁

然 事 盜 成 仕 略 Ė 者 也 官者 樣 却 先生常 不 虚 加 如 又辦 「爲賢, 套, 意 今 論 簿 只要不 遮 哀 甚 飾 書 王 哉 至 哄 急 道 貪 諂 人。 催 只 殘 斯 諛 科 以 肆 至 不 民 養 於養 理 如 無 民 貪 獄 之 畏忌 爲 錢 民 訟 何 本 之事 善善 不 不 説 窮 乃 後 逢 漠 習 之 Ħ. 训

公且 之道 縉 興 自白 之毀者十 職 於 不平之嘆,將 乎 歸 士 紳),彼肆 先 明 夫, 贵 耳 足 則 後 而 常六七, 謗 爲 任 自 痛 執 賢 者 如 陳 懲 太 政 之 者 將 守 養 豪 何 者 累 自 而 病 右 俱 哉 消 公 縉 有 遂 矣。 紳 ? 嘗 且 先 才 謗 每 見 明 生 其 名 毁 是 論 士 日 也 他 大 非 及 : 大 則 只 興 真 此 其 夫 在 只 大 僞 謗 被 管 往 執 不 亦 往 求 則 受 政 行 之 落 難 有 全 囇

者,便可以安百姓。」1

之言 心法 善 不 雖 傳心之要 親 德 多 道 受堯 明 多 元, 見 業 德 聞 7,士習 看 實體 愈 事 詔 其 見 舜 不 問 功 善 所 非 既 逮古 日 竟 而 |浮靡 部 精 讀 即 不 親 躬 非 即 者 廣 行 受之, 歟 行 泉、 ,又安望 丢過 後 執 不 ?! 先 者有 無 世 夔、 過 中 善 乃 之 又 口 稷、 幾? 之 生 人 邊 何 所 何 德 耳 傳 才 等 日 求 用 業 能 契 記 務 專 書 何 況 如 及 聞 誦 其 末 確 臯 籍 書 古 既 以 而 、夔、稷、 而 可 人 善 後 不 書 已 忘 耶 讀 得 即 世 況 後 中 ? 本 ? 聖 聖 聖賢 聖 得 書 世 學 賢 書 賢 契 故 其 愈

貴 小 地 \mathbb{H} 於 民 攢 然 不 得 韶問 天 造 致 法 下 魚 重 之 鱗 天下之民 \mathbb{H} 田 册 地 畝 以 然 既 甚 均 欲 清 不 其 丈 所 能 田 量 他 賴 均。 税 只只 政 以 自 爲 庶 在 或 舉 絶 養 得 初 者 通 不 丈 然 識 量 惟 尤 使 如 土 田

> 爲 註 縣 者 地 地 四 何 ? 清 每 至 將使 隨 見 亦 詔 人 插 而 先 嘗 任 他 標 又曰 之 斯 税 掣 南 生 如 於 田 民 糧 此 簽 日 京 : 田 若 : 永 量之。 均。 量 兵 中。 干 無 且 之, 部 然。 尤 安 畝 誠 職 畫 驗 養 不 彼 數 哉 近 爲 方 之 畝 可 **\$** 於 數 時 郎 日 任 畏 田 册 區 有 中 矣 糧 其 天 户 蘭 0 遂 下 難 報 每 及 先 州 日 品 事 實 親 得 尹 之 畝 只 臨 河 段 爲 然。 中, 數 在 縣 其 南 紹 不 各 先 得 可 田 各 杞 \mathbb{H}

之主 先 教 也 行 人性 生 方 宰 是 曰 陸 詔 性性 非 問: 親 歐 所 切。 性 之言 情 先 陸 古 命、 者 性 象 亦 在 理 命 有 其 Ш 所 自 論 亦 統 氣 在 夫 心 歟 古 其 子 ? 不 要 中 罕言 論 講 又 性 明 ふ歐 庶 性 不 陽 亦 必 命 爲 措 以 永 乎 徒 心 諸 叔 ? 講 謂 爲 躬

❶ 「姓」,原作「安」,今據乾隆本改

於文 文,曰 不 本 文 雖 脂 説 無 暇 末 如 粉 此 不 魏之文,只是浮 者 爲 輕 粧 尚 此 盡 事 詔 原 重之間 點 靡 「人若· 係 問 其 無 則 有 麗 枝 於 本體 聞 可 世 浮 詞 詩 士 乎 言 道 道 有 ,學者尤宜决擇 誕 蔓 文, 大 殊 便 可 方 養,發之文 之詞。」伯 語 夫作 少。 知 然 説 先 爲 詞 所 矣。」 文 生 粉 可 古 方今 以 言, 章 日 厭 飾 文, 近 他 . 源 實 河詞 皆是 古。 辟 只宜 彌 日 日 與 夫 漢 如 無 文 與 時 天 人有 下逮 心 古 醜 平 非 日 易 高 下 中 易 婦 説 盛 伯 之治 下 六 發 典 理 , 0 溺 全 事 源 朝 雅 故 意 自 其 平 藉 論 便

先 大 曰 生 此 日 詔 何 則 問 事 必 而 此仁字當指 於 歸 恩 「夫子答子 仁, 之聖 不能 必 偏 也 似 及 仁 聖 有 貢 於下 心 乎 小 以『 而 ! 大 言。 民者亦多矣。 之 他 博 差 處 施 今人有仁 者何?」 言 濟 衆 甚

> 之心 然或 故 若 爲 能 去大半者。 非 成 亦 運 濟衆。 有 樣,如 獨 不 聖 飢 不 仁者之所 古 外 用 人 輔 能 處 民 猶 於 則 發倉廪散 相 故學 方 而 立 用 有 不 可 所 法 不 不 惟 的 人。 ,者以 得 以 或或 足於 不能 有 意 斯 領 故 是 用 財 者, 克 民 此 謂 仁 也。 其 以 不 己復禮 全 之 心 有 得 賑 不 미 堯 即 聖者 方 人,致 民 見 其 沾 舜 如 亦亦 領 博 作 其 爲仁,能 猶 今有 其 實 施 使 用 可 病 間 惠,便 濟 處 奸 謂 錢 司 者 衆之難 自 自 人 博 賑 見之施 先 作 别 有 施 是 濟 堯 已 矣, 不 用 的 裁 舜 要

然今學 其 盡 道 謂 義 得 詔 校之所 問 之 人。 風 愚 天下 嚴 養 意 加 在 與 所 考 上 科 恃 訪, 者 目 以 之所舉者 將三等簿 爲 轉 用 移 者 之, 人 着 以 亦 才 實 未 振 耳 舉 起 口

畫 賂 讀 隷 古 有 是 行 日 學 卒 書 者 此 也 平 務 之子 及 素 意 鄉 祖 概 便 先 生 舉 行 宗設 風 誉 縱 但 德 犯 員 里 安能 止 容 求 奉 行 科舉 十惡之家 選 不 並 了, 全 而 生 行 之意,亦 得 端 後 員 卧 之人多 時 無 厚 者 文藝,庶人心 以 碑 ! 顧 皆 不 》,及命 抵 忌。 許 須 但 玩 門 不 里 人 有 外 忽 户 大 隣 學 提 輕 此 耳 壞 學 重 儇 o 警勸 師 0 學 不 官 甘 子 若 且. 生 許 校 保 勅 弟 自 貪 如 _ 科 結 諭 正 其 今 先 略 童 舉。 此 或 厚 會 生 但 生 亦

者 飽 總 清 更 的 「, 如 煖 有 理 軍 這 查 許 鄒 何 則 際 此 多 出 ? 軍 問 虞問 之弊? 軍 解 先 職 役 一之赴 生 官 軍 便 日 的 士 或 且 役 費 : 與 家 如 荷 「未 許 講 如 解 今 能 多 學 行 盡 年 軍 使 錢 何 者之赴 然 之 軍 這 .與? 糧 9 法 士 此 亦 備 逃 軍 亦 在 家 矣, 的 日 無 士 我 雖 們 到 各 其 在 講 役 年 何

> 依 麽不 分 掌 計 前 上 官 這 又 指 者 無 也 不 彼此 一,有首 時 軍 千 ___ 矣。」先 去 日 日 揮 亦 積 此 分 在 官 千百 矣。 見 多 際 餘 財 ·百户 矣。」 布 總 不 虞又問 分 , 何 是 際 攘 級 今軍 知 理 生 布 何 虞 如 奪, 便 户 便 也 田 的 憂 疋 日 處 勿 只 有 以 以 ? 總 大本 : 職 恤 以 銀 出 課 有 争 數 理官 曰 官 予言 軍 ? 他 兩 數 奪 故 功 此 百 日 賄 . 士 者 把 計 難 逃 皆 亦莫如之何。]曰: 那 賂 既 爲 這 則 雖 如 耳 以 是 今日 此 總 缺 迂 昔日 在 此 有 重 南 執 削 指 理 粮 懲 軍 湖 積 京 際 0 軍 指 官 揮 當 官區 之軍 便 餘 廣 虞 論 以 之 你 揮 無 邊 誉 千 有 又 脂 警 纔 因 便 皆皆 求 處 此 問 餘 百 膏 説 如 公 其 以 停 管 户 在 軍 餘 變 數 昔 扣 然 以 只 事 怎 争 爲 士 如 邊 償 除 H 亦

❶ 「予」,原作「子」,今據乾隆本改

之弊, 措之天下可 只好 講 要 明 盡 這 救 也。」 道 無 理 階 預 又 養吾仁 與 總 理 心。 官 他 説 日 亦 得 不

方, 愈。 可以勿藥自愈也。 若屏絶思慮,放 「人多是思 先生因朋 友在監 慮 紛 擾,襟懷 開襟懷,此 學在其中矣。」 疾久不 不 愈者。 舒 便是 展 故 卻 謂 疾之 諸 疾 難 生

其 之不 猶 詔 馬 做 執政,乃不 青苗之害,至免役之法亦欲去之。蘇 其仁,何耶?」先生曰:「學者惟於仁 君 對 意 未 工 一夫,則 實,何 聽,乃曰 能 日 而 韶問:「『克、伐、怨、欲不行』,夫子不許 [: [竊 盡 奉行之,君 純 容人諫耶?』及 雖 等忠誠 耶 嘗 :『公昔能 克伐怨欲,亦易去矣。 ? 謂 君 陳 實 ,何等才學! 實 昌 遂 雖 諫 積 悦 是純 日 韓 開 而 1: 「吾 公刺義 不 封 誠, 知 尹 當 輩 豈 其 蔡 勇,公今 時 其 確 今 奸 處 且 於仁 日 矣。」 軾 欲 逢 下 如 迎 諫 去 司 手

> 問: 必 講 無 明 此 正 何 失 學 謂 乎? 9 ? 使 日 他 先 日 生 在 無意、必、固、我耳。」 曰 : 位 或 「更 疾 當當 惡 上達。」子 太 甚 安 發 保

涇野子内篇卷之十終

涇野子内篇卷之十一

門人潁川魏廷萱校正

鷲峰東所語第十六

門人金壇王標録

根本所 好言 行 標問 在 朗 誦 讀 ,便斬斷 書看 番 志 倦 也。」 氣 日 自 : 精 汝取 爽, 亦 平日 可 知 古 昏惰 人的

爲 甚 舜、周、孔 功,惟患奪志。』何如?」曰:「妨功、奪志,無 相 文章,出仕時 遠。 詔 問 心事 諸 "「科舉之學,古人言"『不患妨 士讀 措 即將 諸 堯、舜、周、孔之書,將 躬行 此言措諸 臨 題 政 歷 事上,何 歷 寫 出 作 堯、 妨

者哉?」 若作兩項看,豈惟妨

奪

志 如 何?」 在 親 問: 日 何 事 温凊定省與立身揚名,不能 「温凊定省即是立身揚名 非孝?」 得 但 兼 其

曰:「固是美質,亦學問之力。」問:「司馬君實儘人忤逆不較,何如?」

言遠 高 與懷 而厭卑,卒之高未至而卑者 自卑,以正流俗,不可乎?」 玉 而 送周璞歸福寧,語曰:「學者率喜談 所嘗語者也。 忽近,卒之遠 未至 斯往 而 也,行遠自近,登 亦荒; 近者 亦亡。 學者率 此 喜 高

不是,亦非 今日 也 講 的 學,自是固 禮》 日 『汰哉叔 非 也。 氏, 説 專 以 講 禮 的

許人。こ

不 通 以 知 ൬ 理會 ,使不 照 貫 所 何 地 得 謂 先 天 位 生 而 多多 下 貫者 日 知 之事。 者 少工夫。 理 「今世 是 會 即 行 於 所 宇宙 學 上説 心 謂 者 今又只 明 開 何 内 心 是言 由 事 口 見 説 致 便 古 性 知 明 上 説 與 也 ? 心 説 吾 , 貫 非 心 學 所 謂 相 不 禪 謂 到 可

干 問 是立 行,不 又 辭 問問 係 也 問 誠 如 就 爲 修 處 如 道 勢 如 不 辭 所 理 道 是 所 説 立 如 上 理 修 撓 其 行 見 的 説 辭 誠 不 言 不 得 一分言 文 爲 得 語 誠 + 日 物 的 否? 分 見 所 ,言之即 一分? 明,於身心 得 累 程子 日 都 斷 是 所謂 然言 曰 是 然。」 實 上 僞 理 修 之, 然。」 全 所 也 省 0 言 就 當 無

心 上的, 進 業 德 自 修 業 言行上做 學 者只是這 的 德 兩 是 件 個 事 至 極 德 的 是

> 業 己 知 E 所 所 德 口 與 當 獨 爲 存 終 至 知 義 故 則 而 也 修 忠 曰 信 辭 可 立 與 以 至 誠 幾 之, 以 也 終 而 之 業 忠信之存 則 是 義 成 己 終 具 的 否 故 知 則

慮 日 無 : 『心不妄動』, 動 問 雖 時 事 「既 物 則 既 所 應 往 謂 事 解得『静』字 坐 念 接 馳 頭 物 也 未 之 嘗不 後, 極 故 穩 朱 流 何 帖 子 動 如 解 光景?」 『静』字 若謂 念

背 不 意 所 字 否 惟 日 ? 思 者 思 足道也 盡 四 己 多 然 誠 問:「程子 在 體 日 心, 義 義 覺 亦 不 「所 禮 言 在 有 理,文詞 文章 定 智 其 而 謂 中。 所謂『且 喻 根 雖 文 自 於 章 不 此 下 況 且 心 者 中 用 筆 張 文 不 省 功, 雖 其 詞 子 則 遠」, 外 不 生 當 乎 亦 沛 事 止 ? 色 有 有 然 亦 如 也, 進 此等 但 矣。 是 近 今所 明 舉 見 晬 議 乎 孟 業 諸 謂 面 論 善 子 生 文 事

看了。」 經 也。 卦 之 吾 如 問 其 所 儒 何?」曰 身, 之 謂 看 所 艮, 行 部 謂 其 人 「見 艮 庭 華 相 不 則 嚴經》,不 己 其背』,止 見 皆 相 其 是 人一, 實 則 如 理。 皆 於 看 義 以 己 **→** 理 空 華 兩 也 艮 虚 嚴 忘

之不 弟賢 札 嫡 帝 位 也。 君 不 善者 則 況 爲 口 子大 其 主 可 則舍子 古人有行之而善者,堯舜 問 也 必 事 其 爲 無 則 弟 燕 居正」, 是 若 典 宋 吕 乎? 乎 噲 欲 常 而 宣 ? 樊 氏 耳。 傳 立 子之 公傳 之 可 或 於 弟,子賢 只看 日 禍 也 諸 若 不 位 也。 ; 樊,以 漢 可 一也 所 若 吴壽 於 高帝舍惠帝 以 傳 以 穆公,穆 則 堯 是。 立 之賢 次 夢之 舍弟 立 於 也 嫡之説 及 賢 他 公羊 事 否 札 爲 而 有行 公傳 使 主 若 立 何 且 而 **>** 子 如 餘 之 泥 立 傳 以 所 則 於 耳。 文 而 之 之 謂 季 殤 文

> 碑 魯, 於武 諸 也。 來 是 之,賢之也。 去之,故其 不中乎?」曰 季札之才近 筆。」 、聘」, 礼終 》,真否何如?」曰 人皆各永 皆是未易及處。」 觀 王 其 ,未必 不得傳 而 葬 不 君 年,則 書 子 非 伯 多 非 不 矣。 於 公子者 夷 書 不 正 嬴、博 何 ·得書。 也。《 也。」問: 將相去百餘 公子者 文王不 又問 : 如 「此字有 其 ?! 之 春秋》之法,在 季 了, 在 亦 傳 相 間 \sim 礼其 以 於伯 春 夷 : 古意 傳 年然後及札 又 季 然 秋 也 臣 孔 觀 子 邑考 子《 札 也 周 之 又 + 樂 讓 而 非 賢 季 問 夷 而 漢 字 於 者 書 則 傳 札 爲

之 爲 世 有 然 定力,故 奪 嫡 否 立 德 之 則 事 傳 事 夷、 賢 可 齊、 定 之事, 其 季 也 爲 札 只要 惟 皆 君 堯、 不 父 爲君 有 舜、 者 或 香 者 太王、文 矣。 有 庸 定 偏 故 見, 私 王

諸 生 有 言 及 氣 運 如 何 外 邊 人 事 如 何 以

者,先生曰:「此都是怨天尤人的心術。但

此 自 福 家 修 假使 爲, 成 不 用 得 個 與 片 鄉 段 黨 , 若 朋 見 友 論 用 此 則 學 白 術 姓 化 受

得幾人,都是事業。正所謂『暢於四肢,發

於 事 業 黄 惟 者 用 也 日 何 . 必 學者 有 官做 不 口 將 然 第 後 有 等 事 業 事 讓 ? 别

又 與 人 别 做 日 0 人 先 做 學 生 不 到 日 自 免 家 是 纔說 合 私 做 這 道 處 元 不 則 是 可 别 自 將 人 家 第 做 合 第 等 做 的。 事 等 讓

事

雖

拜

而

讓

之可

也

昔 學 衷 井 時 李 田 甚 君 言 至 有 太 則 孔子 者 益 余 伯 許 隱 作《 特 後 行 教 之乃 其 非 滕 得 陳 緒 君 孟 作 孟 相 餘 篇 行 子發 書 皆 耳 喪 以 來, 禮 鄭 辨 揮 其 贵 氏 之, 則 出 志 徒 亦 吊 許 氣 而 事 爲 者 多 之説 司 空言 大悦 來, 藝 馬 公亦 圃 者 於 其 ? 行 折 理 對

> 口 見 孟 也 子 爲 疑 朱 子 悉 取 而 辨 之, 孟 子 之

心 上 處 西 階 諸 生習禮 則 先 左 先 足。 生 日 雖 : 抄 上 手 東 出 階 言 則 先 總 右 是 足, 存

之。 體 他 易 是不 畢 算 則 爲 初 之素 不 彼 見 竟 禹 貼 候 善 然 者 差 得 得 亦 好 知 問 之拜 的 其 他 些。 舜 我 以 : 古 鮮 言 爲 的 的 舍 爲 不 禹 未 不 心纔 舜 意 聖 是 語 己 從 此 聞 免 被 思 ; 人, 陶 從 須 善 又 有 那 他 我 漁 是。 人,又不 言 先言 那 知 何 形 惑 佞 以 的 則 些 禹 如 迹 了 若子 爲 人 時 之不 迎 拜, 舍 的 非 節 拜 有 我 己 可 司 言 舜 路之喜 的 及 則 善 與 以 馬 以 我 語 則 心 於 彼 從? 遂 那 温 若 輕 樂 與 我 舜 亦 野 公豈 聞 易 胸 舍 那 取 以 處 以 説 中 其 諸 己 過 樂 爲 爲 雜 安 以 不 無 顯 的 且 人 是, 非。 處 從 以 是 精 然 不 1

的 辟 檜 行 個 自 他 如 來 T 買 哄了 實 遂 就 趙 人? 玉 引 信 石 張 用 他 壞 是 决 之。 般, 之。 意 個 若不 故 要 好 故 改 常 的 舍 認 新 謂 己 得 宋 趙 法 從 鮮 鼎 被被 室之壞 人 張 不 最 被 浚 確 爲 他 非 被 難 秦 以 自 事 奉 假 檜 秦

氏、程 皆易其日月 月。 月 首 不定矣。 何 春 ,未嘗改十二月爲 1秋》則 問 正 如 子 日 月, 元 皆以 祀 從 此 則 周 月 + 正 贵 此 爲 春 令》, 月總是夏月,古 月 有二月 贵 可 周 當 記 改 聖人之信 Œ 朱子 爲 起, 乎 冬, 正 Z 至其 ? 月也。 以 嘗 夏當 丑. 見 以 故 史耶 後 從 則 夏 X 來 爲 春 夏 如 以 月 改 所 春 王 周 十 二 時 非 īF. 記 改 耳 正 几 周 朔 之 月 月 時 十 月 不 事 胡 爲 者 亦 改

(不息。」 「學者到怠惰放肆,總是不仁,仁則自

之能 此 言 心, 初 便 心 無 好。 便是克己,自 則 不 我 先 君 就於今日 生日 己之善 臣 攘 有 之間 差便是 人之善,不掩人之長,常 : 不 朋 諸 一颗颗 亦 以 生 差了 友 無 爲 看 間 彼 然登唐、虞之廷 矜 大 不 體 我 ,人之善 禹、 認 之别。 必 得 臯 揜 禹 護。 陶 不 若 泉陶 相 以 存 體 問 矣。」 不 爲 得 認 之意 答之 矜 忌 此 得

謂 於 渠 要如 足 掌之,如 去 心 水 歌 洫 其 我』 上 和 正 (所當做 火火 澮, 説 也 此 德 『徳惟 的 未及 做 玄 則 火 歌 凡 明 亦 有 則 戒之意。 善 雖 水 掌 不 火 養民 如 民 有 政 火 水、 過 歌 家 焚 已 木 六 上,故 萊 家 然 如 祝 蓋 金 『惟修』、『惟 府 禁火 飽 融 者 益 土. 耕 修 煖 掌 在 之所 禹 田 等 而 當 火 此 焉 言 鑿 後 事 之 時 還 要 言,只在 得 井 民 皆 類 在 要去 不 德 帝 如 有 和』,皆 養 歌 得 水 力 水 民, 脩 官 其 帝 何 則 則 正 所 有 有 溝 以 要 是 以 身

耳。看禹之言,一州一縣亦行得。」

設 鍛 作 其 是 官 設 煉 個 去 之 管 刑 成 隄 當 官 初 百 獄 防 時 意。」 姓 堯 亦只是於民 舞 的 後 茅 文 事 世 茨 弄 的 不 法 要 刑 剪, 六 惟 官 事 府之事 土 恐 全 不 階 他 非 修 走 不 此 的 脱 意 砌 修 要 T 他 和 將 設 儆 而 官 甚 罪 戒 失 人 只

者 必 去。 後 相 嘗 日 曰 此 聞 矣 揖 識 語 又念 其 中 人,方 以 先 則 日 非 生 官 又 改 人 欲 無今之喜 改 謂 日 而 被 過 見 在 過 日 章 9 杖 後 之 穆 此 驢 也 友, 前 語 行 説 而 先 背, 非 諸 喜 遂 生, 改 一,此 生 以 往 此 他 此等處皆見得 日 過 以 倦 見 曰 事 H 以 皆 也, 怠心 . 之。 下, 雖 對 中 非 遂 至 官 新 日 故 正 而 微 至 П : 淦 不 將 情 止 於 禮 前 蕭 生 扇 口 也 途 + 時 而 謂 掩 忽 既 數 怒 化 無 遇 存 聞 又 面 步 念 前 今 心 而 教 吾

> 之 岸 仇 都 明 也 商 不 誦 舞 賈 索 耳 口 處 經 時 之以 其 化 閑 先 取 其 故 後 渡 生 在 舟 顧 好 舟 動 盡 日 江 技 能 價 子 善 他 神。 來 藝 投 甚 不 者 易。 其 亟 見 或 復 舟 乎 未 機 0 舟子 在 與 子 1 有 若 耳。 時 僧 人 爲 不 化 閑 乃 誦 争 道 母 可 其 謂 索 價 佛 惟 化 誦 皆 機 之 人 經 者 經 堯 口 動 曰: 多 其 看 0 化 者 舜 是 來 勤 價 昔 『汝 成 他 故 或 日 人 邑 孝 非 隱 未 爲 曰 及 處 心 鼓 聚 在 有 善 1 至

諸 如 動 或 公之聖,故 我 己 謝 有 安 讒 是故 詩 在己者 折 謗 人 屐 之言, 烈風 於周 曰『赤舄 定 贵 雷 外 能 公, 步 雨 强 履 邊 几 從 弗 制 必 几。 許 步 迷 得 至 大 履 住 ? 得 錯 上 凡 失 亂 人 看 禍 故 内 不 便 古 福 能 不 皆 見 人 安詳 足 只 得 不 者 求 足 周

一日語標曰:「昔歐陽公修《唐鑑》,人

多 謂 不 來 還 ,今人大事 可 其 不 事 者 是。」又 則 增 留 記》不可不 於前 之可 日 大 其 也。 詞 看 要只 吕 則省 東 簡 1於舊。 萊 而 有 明 功 若 於 自 史 今 辭 甚 之 看

其 所 首 事 次 民 泉 終之以龍者,所以嚴保治之防 繼於後 故 而 後 陶 永 先棄 次之以 氏 年 及 ,有修養待用之教焉,故次之以 問 於 養 教興 典 物 伯 而 謨之旨。 馬,故 後 夷 而 契教。 器用 既 次 有 不可 曰 : 益 作 教 於前 而 三王 缺 民 也。」 有 也 事 政 者, 不率者,故 故 舉 以 不 而 養民 次 神 口 垂 爲 無 口 ,

皆具 美,亦 時 之美,則曰 而 君 其 言 臣 於 先 虞書》不過 此 僚 未 日 寀 能 ,聖人之氣象 都 都 已 者 心 日『俞』,而 相 其言· 五. 則 與 篇 又 有未 日 誠 皆見於 而 『昇』。 切 己之有言自 天下之大 盡 懇 者 到 此 固 此 如 經 聽 此 可 大 見 吁 覺 人 當 其 法 只

此便非後世可及,若成功文章,盡緒餘耳。」

當 事 理 ?」先 處。 於 問 心, 如周 生 觸 「夫子日 曰 類 :「只是 公思兼三王』處 而 長 夜 思之不 所 遇 思 着 與 事 置 時 夫 也 是。」 便 所 要 謂 求 求 學 此 者 個 事 至 何

是。 是天 禮 問 字 得 主, 否?」曰 面 中 知 處皆是己 同 於 ? 且 理之節 問: 否?」曰:「 如非 視 視 此 故 : 抱」皆 『克己復禮』,禮字 等禮 聽 「然。 在 禮 文 言 私 顏 甚 勿 子 是 動 牽 我 如 有 ,夫子: 視 究 / 絆,克 禮 上 先 以 節 其 9 皆 忠孝之心 王 失 文在,若不考究,何 如 極 始以 合 制 此 去己 ^ 禮 事 即 於 則 此告之。」 親 記 是 禮 與三千 爲 私 事 去行 **>** 9 非 所 君 便 使 個 禮 謂 之禮 是 心 此 \equiv 禮 禮 復 所 白 其 始 存 禮 禮 非 由 便 視 又

個 善 陳 人 日 日 使之至 病 危 先 於如 生 此 日 ? 又曰 天 不 知 子 怎 麽, 明

從,此 弟 視 商 至 미 一發憤 之。 議 以 作 殯 爲 是 宰 又曰 事 學 此 他 華 亭。 是 且 介 一:「能 是夜 他 處 日 狷 有 深 此 捱 處 又 ___ 更, 嘗 友 得 時 達 學者 人欲 見 正 旦 面 急 乎? 置 寺 爲 兩 處。」 副 處 此 求 書,子 慢 心 迎 醫者 復 之,子 於中 醫 命 得 明 詔 措 面 往 明 亦 不

朱、商 子 禹? 事 也 以 公儀 孫 是 常經。 問: 不相上下者言之耳 堯、 均 他 仲子立孫 故 舜 文王 且 之子苟 文王 立 立之, 德。 一舍伯 爲 舍伯 是, 夫 況 可 邑 子 其 繼 邑考而 如 考 所 子 何 而 又 ? 言 乎 立 何 ? 立 立 武 日 必 武 孫 王 惟 尋 王 亦 子 文 夫 取 立 據 是 嫡 子 其 丹 德 則 的

奠祖 不 如 禰,俱互見。」 不文之爲 少師奉子哭踊, 愈 諸 其 侯 責 適 天 甚 子 重 ,及相 少 有 見,告 不 謹

> 而 復 以 冠 喪服冠者 及期 而 廢者 既 聞 始 喪 聞 後 内 復 喪 冠 也。 也 未 及 期

所 日 稱 : 「孝子不 問 之人,辭 :「『三賜 欲 愈遠 以 不 榮 愈 及 密 貴 車 動 馬 其 愛 親 何 之 以 言 心 也 孝? 其

學者 無 1 0 能 天下 體 貼 大 悦 悦 親 歸 己,而 順 親 的 猶 心, 以 不 儘 順 有 親 病 爲 痛 憂。 都

門 中 日 矣。」 外 : 「門内 只 王 朝 是 問: 只是同 異 姓 門 的, 姓 内門 的,若己之伯 以 外之 此 推 喪 將 如 去, 何? 叔 兄 服 弟者。 在 先 生 其

不 雖 矣、《檀弓》記曾子 「三年之喪,稱 是朋 能已者。」先 先生 友, 티 : 其 實 生 情 曾 有 日 而 吊 子 兄弟 V o 子 既 看 張 聞 之義 來 又 事 \equiv 當 其 如 年 時 吊子 蓋 何 不 曾子 ? 以 吊 張 兄 於 與 朝 弟 情 夫 子 日 吊 子 張 有

之也。」

事,不 生日 坊 後 朝 也,竟不能用。 廷欲用 : 知 朝 得 此 問 其 讀 道 人名 書 之,彼 理 遼 言言 遂 欽 東人賀克 蓋亦高 爲 讀 以 解 \equiv 書 官 給 事 不 去。 事 人也。」 恭 上,其二謂 養 中 者何 實 教 曾 其 反 如 子 與 滋 人? 只 白 僧 驕 學 沙 寺 僞 耕 講 先 教

之道 父母 長。 人與 弟? 承 便 曰 : 個 在 疾 順 於此。 父兄 兄長 在 只 行 夫 先生 此 朝對 此 知 意 先 何 徐 意 欲 否 問 長。 待 日 則 後 ? 上 在 於推 日 : : 的 人, 而 人若不降下其心,還能 推 知 須 意 今欲 ? 以 日 人 堯 其 思,自 所 用 至 只徐行後長,堯 極 舜 學堯舜,只 間 以 必 非 之道, 安於 欲 體 不 堯舜 及 察,凡 行 X 其 事 堯舜 何 己之志 不 是 故 以賢 能 故故 處 徐 只 舜 只 不 堯 是 智 善 之道 先 行 後 是 肯 先 事 生 孝

> 贊化、 之贊化 孔 致曲 明。 其 之以下學,故遂言下學。」 下『至聖』、『至誠』,皆言 明 前 子乎 則 次致 知」,言『 育矣。 者 故 問 誠 育、參 之功夫也。 曲」,申 中 唯 也 故遂言孔子, 天下 庸 故下遂言三重 天 誠 地 則 至 自 至 先 一誠 明 也。 誠 明 能 生 申 無 誠 也。 有 『大哉聖人』以下 日 息 誠 孔 謂 如 能 自 明 子 之教』。 『誠 是 以 看 之 誠 誠 功 下, 斯 者 來 事 明 明 道 夫, 自 只 者 申 謂 者, 成」, 則 言 是 然 至 之 也 必 其 性 至 亦 誠 個 言 本 其 惟 能 誠 申 誠

矣。」語未終, 字,道體 窺 測 得 何 城 幾 古 説「高 分。 於 是 而 然 堅 可 先 顔 前 見 生 子 後 以 -0 説 其 帖 子 用 個 先 心之密 生日: 付皂人。 仰 鑽 瞻 大 亦 忽 城 略 可 澽 想 几 亦

做得聖人。但 請 即在此。故 説,❷爲尔輩 自成片段學問矣。」 可 曰:「此極簡易明白,而高堅前後之深微,亦 仰 問 , 先生日 鑽瞻忽也。」又曰:「自家固 一、「此便此 謀則善矣。」諸生起問,先 時即 一時不放過,一事不錯過, 可做得聖人,一日即 高 堅前後 不當 處, 如 此 生 則 此 便 可

尤人。」 習即是行。學者能克己則自不之也。習即是行。學者能克己則自不「君子以朋友講習,不徒講之,而又習

涇野子内篇卷之十一終

「此」,原脱,今據四庫本補。 下「此」,乾隆本、四庫本、嘉慶本作「比」。

四四

涇野子内篇卷之十二

熟,可

以造於無所爲而爲矣。

昔舜『飯

糗

鷲峰東所語第十七

門人武昌吴光祖録

於 甚好。 體貼 處 位 亂,罔不由之。 之分,正在 不可 一,其 言之發,一 ,爲力實難,請 吴光祖問 弊 行皆義政,天下 南軒 有 可 勝 於此。 無無 毫適己自便之心,久之自 言 曰: 如尚義者在位,則所 所爲 事 哉? 之動 推之家國存亡,天下 示 義 而爲』之言極精 切 無 然 利 要。」先 不治矣。 其 不 初 明,光 財 之臨 要 生 在 尚 祖 曰:「此問 謹 就 利 用 嘗 獨 然純 皆義 當 者 用 理 審 跖 但 在 意

致工

夫,不可不盡

定。

然須

識

其

輕

重先後,

自

不

·妄思

也。

岸 彼,是謂 路,終不能亂 飾 不可? 之,又恐近名,奈何?」曰:「矯强 義。」又問曰:「今有 者能甘貧 草,若將終 以 如中 又問 爲義,便是好名了,更當 但要内外如一。荷其心未義,外 不 心 多 儉 專; 身」,正 的 有 約,不 也。 然,惟 妄 思義 思。 見義 思義 爲 人未 理, 利 向 先生 不見利之大 理時,纔 所 又 純 處, 思 動 曰:「還 乎義,欲 痛自懲艾。」 外 雖 自 務 爲義,有 思 有 無 是 是 旁 此 往 節 矯 不 爲 岐 又 强 而 思 不 别 知 非 學 何

言往行, 『不如學』。 不食,終夜 先生謂光祖曰:「孔 以蓄 不 可 其德 寢,以 見聖 0 | 人 思。」 雖 又 曰 : 生 何 子云:『吾 知 其 以 亦 勇 須 也 思者,不 多多 然 終 識 猶 知 前 日 日

講 益 思 究 的 然 是 不 甚 但 汝 講 可 書 常 思 求之。 言一 動 與 朋 無 友 不 會 用 講 有 心

處 誦 日 其 寧 光祖 事 如 有 讀 幾 自 問 書 多 爾 將 精 終 近 神 聖賢言 身 ? 來 不忘。 讀 書,多一 語 着 苟 意 徒 不 理 泛 能 會 然 記 如 先 以 背 身 生

當 迎 事 其 對 而 合 者 書 不 道 亦宜存厚 取 學策,欲將今之宗陸 欲 主 先 甚 取 生 口 有合 之。 因 日 他 語 不 於 子子 日 子 門 問 出 則 可 人 癸未 率意妄 仕 目 謂 日 之 必 : 且. 在 知 曰 凡論 經 會 辨 語 迎 : 書 朱 試 合 觀 場,見 論 者 前 權 此 表 輩 誅 勢。」 人 俱 其 須 於 人,焚 可 舉 求 乃 今 至 棄 子 H 同

得 禍 善念 應,若 光 祖 後 問 來 有 曰 鬼 即 : 得 神 光 福 司 祖 應 其 平 ; 間 起 日 者。 嘗 惡 静 感 觀 念 通 人, 之 後 理 來 或 信 即 起

> 愛古 之 不 塹 平 乎 明 息 亦 如 ? 而 ·, 行 矣 此 不當息 君 必 可 旁 計 人言行 子 少 岐 以 其 先 來 也 以 息 曲 所 勝 生 行 0 徑 嚮 乎 時 以 去 其 日 觀 問 ? 晦 危 冒 : 香 之,或 要當立志求 雖 耳。 險 欲 善 惰 覺 坐 宴 行 力勝 道 之 與 紓 息。」 久 然爲 之,不 如 即 遲 益 氣。 之 周 終 有 友 善 當 勝 乎 行 陷 講 昏 乃 息 久 了 ? 大 惰 分 荆 論 之, 時 或 安 路 之氣, 棘 天 内 先 亦 穩 取 當 下 事 必 生 不 坦 平. 大 自 欲 惡 日 可 禍 墮 日 坦 務, 清 所 不 大 阬 道 平 : 福

於 之忠, 平時 以 可 時 危 致 贖 嘉 急 難 禍 自古 中 天 者 至 下 既 於 方用者。」艾治 國 必不忍於禍天下。 之罪 由 宰 家 夫 相 多 人, 殺 難 身 李 則今日 之時, 殉 惟 伯 或 中 云 立 小 一身之死,安足 未足 官 孔 『亦 臨 死 門教人,全 爲 時 節 有 有 異 好 誠 狗 當 或 爲

使之 在 偏 敦 處 朴 做 工 蓋 夫, 去其 如 敦 偏 朴 ,便趨於 者使 之 正矣。」 開 通 開 通 者

太過 是 爲 驩 尚 者,皆從 危。 是 者之間 充,不發於四肢,不見於事業,但隱然 人,如巢、許、 慮之間 上,便蕩情 有人、道之别者,就其發處言之耳。 形 將 兜之徒, 不好的字面 串 氣之性,是 何謂『微』? 問:「危微 謂 而 不使 未 義 必去 不 道 理 甚 惟 鑿性 知 而 之心 其 顯 其 混 務光之流,徒守道心,專事 以 出 ,何謂『危』? 爲 明,故 精 飲 微 ,喪身亡家,無所不 飲 雜 ,合爲一 徒守此義理之心,不 於形氣之内,方是爲 食男女之欲 不及,而 食 也 如 「惟 男 日 女、衣 何?」曰:「心一 又有 微。 一片。 不知 是形 「惟 此 服聲 當 而 等人,饕 心發 其危也。 精』是 後 時 氣 色之欲, 可 至, 危微皆 有 之 在 所 於 故 是 察 能 形 也。 中。 惟 爲 等 念 高 用 擴 氣 曰

> 如 此 揭 人 英不 其 中 以 衣 食, 示人,千萬世 而 衣 食 中 不 自 能 有 改 個 移。」 道 故 堯 於

當省 着 蓋 謀 蓋 有 功切 也。」 造詣 切實之學。」 爲子孝,爲弟弟。 云: 意者。 得。 爲 等 此 要處。 『曾子,大賢也,尚一日三省其身,吾 處 事 樣 如 人謀是替人幹事 問 不及曾子 不然, 固 大頭 何?」曰 :「曾子曰:『吾日三省吾身。』 則 多 然非曾子,不能省此。 覺 且如 腦 ,然必尋己病痛 百 猶 處 一:「此 孔 萬 未能 天下道 曾子之所省者略不及 千 想都 一,當 意雖 瘡 盡 ,不切於己,似多有不 能 茫 其心 理,莫大於爲臣 無 無愧 好 然 深 所 看 故故 無 處 惟 不 來 極 下手處, 克之,乃能 用 今人爲 亦 至於爲人 力自省。 其 不 先 省 知 此 忠, 學 用 儕 非 儒 口

曾子學之毅也。謂缺四倫,師友在學,信的「爲人謀忠,曾子學之宏也,友信傳習,

一八

子 傳 何 故 其 的 毅 是 日 耶 其 吾 ? 友」; 此 宏 三省孰 則 習 能 則 體 習 能 孔 他 西 子 的 銘 故 日 信 則 忠 信 恕 顔

於此 他 知 遲 倦 未 顔 未 邪 必 日 子 正 又 ? 達 盡 能 如 夫子 ·子 見顔 他 合。 日 解 此 : 人 得 於門 貢 正 多 子 如子 夫子 信 諺 能 語 有 疑 所 之 路 通 不 意 謂 聖 夫 聞 知 而 未有 故 『話 Ī 人之意 不 子又豈 夫子 夫 惰 名」, 與 不 子 意 者 之終 投 與 能 向 便日 機 其 之言終 强 日 雖 П 聒 言者 句 也 迁 與之言 其 多 與 ; 日 所 不 樊 不 獨

學 問 脗 反 況 而 故 配 他 伏 故 又 於 羲 人乎?」 仰 方 在 觀 能 身, 當 俯 畫 時 以 察 卦。 至 想 以 於 伏 是 習 几 盡 羲 其 體 T 大 天 百 那 聖 地 骸 也 萬 世 Ŧi. 物 尚 臟 之 的 爾 無 理 學 爲 不

光祖問曰:「《禹貢》所載九州田賦,上

之爲 猶 者 氏 磽 以 時 邪 雍 田 不 而 地 田 上 言 其 未 ? 中 賦 不 及。 勢 冀 者 無 壤 禹 所 E 上 産 所 卑 方 見 今 專 先 治 潤 沃 爲 出, 勝 豫 泉 至 淤 反 委 田 生 田 洪 澤 後 也 饒 下 不 爲 Ó 之 下 日 水 水 來 也 而 如 如 風 故 下 : 而 是 賦 盡 既 此 水 東 揚 Ш 下 賦 西 以 氣 上 平 渰 風 如 皆 既 南 林 北 下 遷 人 田 没 荆 氣 此 下 土 歸 111 田 西 之土 轉 賦 方 遷 是 功 據 壑 下 地 澤 壤 故 北 爲 轉 不 也 脩 因 者 人 之財 猶 多 流 其 最 上 雖 與 時 事 水 今反 禹 乾 高 行 土 田 亦 贵 田 言 勢 勤 皆是,故 時 枯 H 爲 有 上 而 等 故 之。 風 高 惰 之西 爲 泥 下 荆 之, 賦 甚 相 水 氣 下 也 塗, 下 遠 賦 揚 初 有 至 地 旧 而 北 總 深 落 之 財 堯 遷 不 田 有 力 帶 孔 止 高 下 肥 是 賦 時 之 掘 轉 如

廢。』亦未爲得。」

時 時 孫言 既 章『灼 若木 子引《 庇 就 正 謂 爲 如言『桃之夭夭』, 至於『有蕡其 嫁 下 也。 嫁 婚 婚 男女配合言也 之仲春? 娶 令,使 也。 而 既 姻 姻 通九 灼其 周禮》『仲春 讀《詩 也 老, 以 生育有子; 以 周 時 三章『 時 則 會 禮》『仲春令會男女』,只是 族 華」,興男女少艾,『宜 也。 不 實」, 殊不 而 男女,以順 且 能 看《 言, 其 如 至於各章, 見嫩 則 矣。 知 『宜其家室』,就 葉蓁蓁』,又興 令會男女』,以二月婚 桃 小 二章『有蕡其 如蓁蓁之葉,無 詩 是五六月天 序》。 開 若以 小之桃方 人作 花 天時,非 時, 比 如《桃夭》詩,朱 詩 都 方 已過 有 只 男女 有 氣 必 其 實」, 其室 取 其 是取 好 二月了 盡 所 宜 意 如 所 少 花 於 家」, 興 何 在 不 生子 壯 實, 意。 家 其 此 此 首 廕 猶 嫁

> 廉 爲 之制 買 無 雷 心 田 何 所 也。 屯, 上 行 吏奉行者少,此 ,此法甚 田 改易、 得 有不平處 一區, 自 老泉 君子以 必是 ? 然又須思量整置,設 方爲 必也 好。 論 創 井 經綸。』必欲是 行 業之君 其 田 無 井 其 故 朝廷之法所以 均 弊。 次 田 終行不得,迂矣。 欲 恐 田 唐口 爲之。 乃 若繼 乎 可 亦難 ? 分、世 0 法 時,而 世之君 欲 均 備 易》 行 田 難 只 業 盡 井 是 即 後 行 曰 法 此 使 仲 田 當 横 口 亦 後 法 舒 以 如 時 渠 雲 限 如 世 古 他 欲

遷 最 不 其用威之念。 之,不拘 威之」,禹就 能 廣,隨 義 變,乃放 柳 亦 本泰 其 何 是 君 事 問問 格 説 之 意 格君心之非。 極 但 君 『帝光天之下』等語 桐 發 而 將 心 宫, 動 論 萌 處 向 之, 使之思 之欲就 著 則 處 先生日 如 抵 法 即 伊 是。 不 乃 有 尹 就 祖 可 :「格字 見 以 如 拘 處 太 是 預 舜 甲 杜 泥 防 H

方。

所守 既 己 有 處 之 要君之事 不 出 爲, 之 之義 時 本 泰 時 所 而 問 守 所 後 而 伊 如 任 後 可 尹。 此 如 有 以 此, 所 有 只 先 任之仁。 爲』,皆是决 只 是 生曰:「耕莘言伊 是 個 個 義。 此 正 伊 後 所謂 尹 言 然 無 伊 必 尹 人 有 辱 尹 隱

理 孔 孔 字,比上『聖』、『智』二字亦 何 思 時 總總 故 子就 之時 子 個 有 之智, 一,兼不得 條 城 是論 日 問 是 理 毫 譬 孔 天 此 者, 意、 可 孔子之全。 也 如 子「聖之時 見 以 『智』字也。 亦自 必、 天 孟 兼 地之 四 子 『聖』字 固、 可 時 善言孔 見。 當 無 我 __ 然三子之偏 寒 不 • 之 蓋孔 先生 持 同 此 則 此 私 子 寒,當 載』云云,此 『聖』字是三子 乎 子之智,知 聖』、『知』二 日:「 其 此二 ? 源 智』字 暑則暑 始 各自 得 亦 終 於 是 是 條 見 成 子 至 兀

> 聖 終 偏 子 巧 能 而 條 不 知 兼 力之義 故 行 能 理 亦 乎 所成 有 及。 之。 至 知 偏 也 也;三子之聖, 就 正 亦 聖 ; 的 以 各 故 孔 聖亦偏。 見 樂 自 子之聖,知 始 其 之 條 聖 小 理之, 成 聖 如 知 處 此 雖 大而正。 有 而 知 説 至 大 至 一才見 始 而 小, 其 而 智 極,不 見 射之 取 故 則 終 譬 有

性 求 字 矣 也。 畫 氣 無 日 氣 但 氣 氣 載 是 即 試 能 不 乎 惻 本 有 自 有 泰問 看 隱 惻 牿 畫 性 性字 本 氣 氣 矣。 人,於今何性 隱 於 體 猶 也 之後 夜 畫氣 在 便 與 舟 先 氣。 是 役 之 彼 儒 有 蓋 氣 則 載 於 惻 夜 日 喻 性 做 充 氣 : 隱 乎 氣 氣 不 何 長矣。 之 出 ,夜氣之後 猶 是 有 人 從 處 來,使 别 舟 夜氣 性 氣發出 尋 則 耳。 也 發 ? 分 孟 出 無 性 有 性 子 非 只 來? 來 是 猶 爲 日 此 氣 謂 在 的 氣 人 旦 氣 言 爲 氣 性 也 氣 有 則 情 自 上 氣

乎

行」,

與

此

互

相

發

明

是當 把 前 命 命 君 \exists 字 子 此 Ŧi. 也 几 者爲 時 正 則 肢 本 叫 都 之 泰 與 之 以 做 不 性也 問 見。 欲 後 爲 個 · 是 當 性 性 有 性 孟 0 命 做 如 字 性 子 告子 個 同 不 自 性 日: 通 把 家 以 把 前之日 君 「人通 説 此 食 後 子 作 叫 色 則 五. 性 做 把這 三爲 性 者 以 個 性 説 也,後之日 口口 爲 命 個 一,便 作 做 有 П 命, 命 個 是 蓋 鼻耳 不 命 以 乃 前

性。 之際 説 天者 在。 人怨天,不 日 盡 ? 只説 或或 「若是尤 性 聖人既 朱 永 不 唯 有籲 下學 至 年 此 説 不 命 問:「『莫我 人者,或 天知之耳。」 下 上 天之言,人 如 學 達,不説 此,人 默 上達, 而 與 從 識 人辯 知 恰 又 便 不尤人 之, 何 者』何 似 日 知 處 是 不 一,一只 説 道 窺 非 言 怨天 至 他 測 ? 而 命 説 若 其 意 信 恰 先 是 不 出出 向 不 存 尤 似 盡 生 怨 隱 所

> 嘗 與 他 不 利 説 戰 能 也 國 時,人君 若 義 與賢哲言,不 則二 只 不 見 遺 目 親 前 消 之利 不 如 此 後君 道 故 孟 子 未

未 無 有 而 淺 疑 成 無 深 淺 , 永 一,學聚 ? 至 年 深。』」先 九 問 五. 「先 一,始 問 生日 儒 與 辯 □ 「亦 云: 天 地 「乾 合 有 因 德。 掛 時 淺 深。 六爻,有 而 如 惕 此 初,行 四 隱 贵 猶 顯 而

取 中 有 而 數段, 觀 射有《射 之,亦 尚 可 可 禮》、《 以 考見古人御之之法 得 執 射義》矣,御 御 之旨。 惟《 曲

之 先 合 心 而 功業 地 生 處?」汪 孟 子 上 問 日 乃 也 如 亦 復 不 何 諸 威 鄙 算 是。 生 對 之,或以 如 看 以 又 其 孟 如 問 心 此 管仲,曾西之所 子『當路 地 便 孟 夫子 上 見 子 有 孔 朏 於 許 門 可 齊』, 霸 管 疑 取 功 仲 人,只 雖 不 爲言。」 有 以 管仲 爲 何 看 契

子 篇

先 孔 日 之言,爲子 悝 生 之難 笑 日 矣 孔 路 子 發 贵 耳 不 黜 使 子 霸 路 功 ? 知 此 蓋 後 夫 子 必 無 當

不 不 在 貧 是 寒 及 賤 搭 乎 如 何 合着 孔 處 也 此 永 子 動 年 説。 問 道 處 而 先 配配 餒 義 生 與 矣。」 説。 孔 日 義 天 子 : 與 又問: 不然, 地 「只這 何 道 嘗 合 0 無 德 説 則 先生 孟子不及孔子 浩然 見富 矣, 浩然之氣 日 又 之 貴 : 也 氣 何 言 ? 便 動 須 此 見 説 者 却 是 氣

窮」, 他 不 要 生 地 即 説 步 日 問 是 學他 堯 用 : 稍 虐 舜 甚 低 近 無 不 是 切。 者 讀 告 得。 廢 大 便 個 如 只這 木 不 禹 今人 至 窮 禮 謨 聖 示不 ₩, 他 地 的 得 步 虐 帝 雖 甚 王 無 稍 有 意 告 高 善 我 思 不 者, 亦 是 ? 遇 廢 不 困 個 且 取

有 問問 知 行 合 一」者,先 生 日 爾 如 此

> 者 益 閑 儘 ? 講 力量 合一 不若 行 不 且就 去 合 後 汝 -, 面 未 畢 庶 知 竟 有 者 得 窮 於 處 究 汝 將 身 去, 心 上 己 有 明 何

不 仁; 曰 不 當 敢 彼以其爵,我以吾義。』以 先生日 如 如 雖 此 此 然,然連 説 説?」陶 不知還 曾子 此語 克諧 日 不道 不 : 日 欲 ,方是孔 彼 如此 還 以 今學者觀之, 是 其 説 氣 子 富, 抑 歉 也 是 我 先 氣 以 似 歉 吾

方講 此 命 商 人 周 謂 遂 格 之道 臯 始 不 日 物 陶 有 遜諸: 致 學 先 説 禮 知之説, 指 九 生 義 公, 德,皆就 同 性 行 先 . 諸 命 事 取 其 公 之名。 爲 茶 時 送 粗 氣 飲。 甚 迹 質 不 宋 渴 人 行 先 行 人却 事 知 適 生 上 何 有 日 專言 有 一説。 也 茶 ? 人 格 性 至

當 何 以 處 生 ?」先: 問 : 生日 某 近 : 汝 爲 人 於此 所 誣 事 雖 然 無 實 干 無 ·, 必

物

正

在

此

茶

所 使 從 在 説 畏 是 他 他 路 魋 間 看 如 被 缺 是 容 個 憂 此 則 於 ? 之 何 又 處 平 已是天了, 此 誣 則 含蓄 禍 景 景 患 心 死 道 匡 日 子 問 日 却 此 ? 象。」「 象? 矣。 對 與 在 道道 無 是 則 夫 須 得 他 如 非 所 日『天 個 有 子 之興 顔 口 把 天 有 我 先 恐 是 何 某 已是 無妄之災 德 子 個 何 日 地 此 們 生 懼 説 敢 思 感 敢 : 死 廢 H 話 生德 只 自家 雖 之未 矣。」 謙 日 動 道 月 生 死 説 吾 : 如 欲 命 ? 他 實 T 鬼 從 今 説 於予」。 「只汝 7,只須 問 只 以 也 得。」先 或 方 神 是 要 問 看 之, 是 汝 著 平 好 無 學 他 則 個 纔 爲 個 顔 東 據 末 泰 日 孔 他 是 事 如 天 生 所 死 子 公伯 漢 若 處 故 子 然 由 ? 變 與 此 問 矣。」 日 如 須是 能 自 處 鄉 也 也 之來 非 説 的 亦 : 寮 何 猶 自 已 之。 家 如 多多 要 若 能 顔 愬 樣 如 家 便 如 便 此 有 常常 無 説 從 説 少 子 是 不 子 子 頃 桓 欠 口 而

得

方

封

别

説

弘

盡

以

死 生 幾 緣 時 何 有 又 不 孔 是 顔 道 如 ? 此 從 日 容 : 分 東 明 漢 來 人 只 是 硬 要

會 甚 治 然。 卑 成 事 人 弱 間 董 做 説 化、 事 默 ? 軟 本 得 亦 長 弘治 賈 朝 熟 然。 説 些事 他 須 的對策, 這 話 世 間 是 若以 的 程 今 0 説 程 取 文,最 五. 人 長 文 年 那 了。 此 經 爲 這等樣 禮 别 有 爲 不 是卑 法 部 見 人 主 如 可 題 識 説 此 文字 尚 先 弱 奏 則 有 短 等 ()、欲變、 已 生 軟 取 氣 他 方好 人 曰 的 熟 如 魄 也 他 : 皆 的 文體 王 的 説 日 也 是 此 成 立 短 劉 那 他 亦 化 朝 欲 幹 的 會 未 H

有 苟 生 語 與 遠 日 先 於千 . 人 生 有 爲 巨 日 執 里之 臣 : 善 事 入京 我 記 孰 外 得 若 不 者 横 得 别 願 矣 渠 用 先 在 有 生, 必 下 個 其 風 要 將 言 人 ? 大 出 默 語 用 門 然 否 若 先 不 過 生。 屏 執 風 先 事 士

先生一日謂永年曰:「人皆把《易經》與

説 : 以 如 道理,説人是天地生出來底,故指 却是個易的。 正蒙》、《 此。 此看, 豈不是易事 你試看天,天是如此; 人若不如 太 極 蓋 圖 聖賢恐 此,便 看 可做得?」 做 個 人 與 極 不 天 你試 知 難 地 所 的 不 看 天地 以 相 地 以 爲 似矣。 地 與 人的 是

孔子的《易》,有程子的《易》。』 豈有 伏羲的,其《易》一也。」 過假象説明天地間 公的,周公不過是説文王的,文王 夫程子不過是説孔子的,孔子不 的《易》,有文王的《易》,有周公的《易》,有 之理,進退存亡之道爾。 人何嘗有此意? 爻自某爻變來,恐非聖人之意乎?」曰:「聖 問《易》中先儒,以 蓋《易》原非爲 道理,使人 某卦自某卦變來,某 朱子曰:『有伏 知吉凶 1 過 不 筮作,不 過 是 此 是説 説 消 理 ? 長 周

÷

四四

涇野子内篇卷之十三

難

扶

兩

邊

扶

住

則不

倒

若

此

心

倒

了,

却

是

邊

, 倒

T

邊。」先生日

:

醉

漢

還

容

易扶,

東郭子曰:「今之爲

學

如

扶

醉

漢,扶

得

鷲峰東所語第十八

門人休寧汪威録

無自 所 履 理 物 有 ", 於前 約 制制 的 無 綦,以 道 而 汪 衣 不 威 理。 可 服 衣 在 寓 問 謂 爲行 則 解 輿 故 人 衣服 有 滿 結 則 個 日 服 衣 目 戒。」 見 道 不衣 亦要 之制 此 皆忠信篤 服 其 理 而 的 故 有 倚 存 思 夫子 道 深 如 於衡。」諸 個 其 先 理 衣 制 敬 念 理 生 其 日 冠 制 也。 頭 日 則 則 鞋 意 務 生今 立 邪 有 履 深 古 時 則 僻 冠 則 遠 時 日 之 見 有 的 人 9 之 有 其 履 心 制 鞋 道

> 夫,則 信。 蓋 先 而 如 信,存乎德行。」 素孚於人。若學 天 有 千 地 先 疑 德無 生謂 不言 乘之國,不信 心 不立 諸 而 若 四 生日 此 矣。 時 心 行、 者 故 其 有二三,還 學者須 能 盟 日 萬 「默 物 做 而 信子 生者 成一 而 要自 識之』,不言 不當 路之一言, 個信 只是 信,不可 作 的 個 工

是 聖 者 處 夫 説 以 有 人 甚 或 聖人教 教 有 生 何廷仁言:「陽 益。」先生曰:「此 人 熟,學問 因人學術 則 人,或因 不 如 有淺 是。 有偏 明 人病 深, 子 處説,未嘗 之資 不 是 以 處説 渾 良 可 質 知教 概 或或 淪 有 以 的 因 説 此 人,於學 高 執定 人不足 話,若 語 下,工 之。

言 知 口 以 立法,不可 至 博學於 於 立 成 文, 因 法 約之 人 詔 而 以 後 施 禮 世 則 蓋 日 渾 _ 格 淪 之言 物 致

去官 天 難 次 去 理 齊 處 日 之憂; 就 不 人 ,若不 何 豫 欲 與 廷仁言: 朋 色非 著情 同 無做 友往 行 矣 更佳。 異 還 官之憂者,故 南 情,若全不 飲 太守去官 酒。」先生 有做官之憂者 時 著情 無 日: 去官之憂。 全不介意 此 則 「,則 孟 亦是 子 有

舜、爲 將 道 學 是。 的, 在 人躬 出 相 來的 要 如 如 何 見則 周 場 講 行 廷 好舉業的 孔 中 ,又皆是發聖 ? 仁言: 體 就 的 七個 驗 説 先 説 耳。 「今人説 貨 話 生 題 相 物 日 目 若 舉 見 皆 : 將 業 則 人之精 皆是 終 舉 舉 就 學 如 日 業 業 説 不 何 聖 不 與 文 人 必 與 不 藴 厭 章 學 皆是 講 格 商 是 ; 賈 言, 學? 本 爲 此 如 對 無 何 爲 亦 商 説 但 堯 做 説 賈 不

亦不可。」

辯 善講 之間 見 心 己 孔門之問答, 〈易》。 西銘 見。 不 古 甚公。」先生曰: 人之學,絶 ^ 何 免 易 如張 程 廷仁言: 則 以 子 子方與弟子 己 方 即 虞廷之告語,皆 説 某 與 撤 無 「程子、張子之心 弟 無 相 臯 此 物 子 此 勝 比, 我 正 論 筆 之私。 説《易》, 以 是道學之正 使 力」。 主 此 弟 敬 是 之 學 子 他 可 此 道 者 從 聞 見二子之 如 氣 無 程 不 程 見 朱 脉。 脏 象 子 可 張 子 陸 物 到 之 講 執 口 子 如 我

此 我 或 告之, 從 言 下 : 如 或問: 他 手 雖 明 何 就 是 則 處 能 叫 正 其言 人 他 朱子 道 説 得 做 ,亦未 可 ? 這 以 或 人。 樣 從 須 誠 盡 若 是 工 意 他 善 夫 或 正 好 次聘 從 處 心 人 他 告 他 君 如 來,也 説 偏 君 生 何 然 處 如 長 做 何 深 執定 後 得? 説 宫 以

此 此 言 不 言 拒 能 ,二次三 人 人君之好色好貨便是。」 得 ? 次聘來, 告 君 須 要 也 有 執 定 個 此 言 活 法 如 如 何 孟 教

風 時 面 甚 自 先 居 先 清 生諱 家 生日 貧 自 中子弟 : 懋,字: 「章楓 處 德 \equiv 甚 Ш 懋,浙 率 間 先生甚好。 他教,有漢 小房,前 江 蘭 溪 面 人。」 致仕· 儒 待 躬 客, 在 行 之 後 家

處 專 道 在 於 同 門人告歸省,先生曰 便自 文 志者相 學, 此 行 凡篤 處, 也 方能 實 純 幹 厚 :「人居家 得事 者 , 便有 業。 中, 琢 同 磨 志 須 去 不 要

明 當 慮 如 至 要 。皆自 不 心 知 問 有 在 於 慎 天 謹 偏 此 極 獨 理 處 自 積 處, 工夫。 處 省 如 自 人 即 好 能 不 便 慾 曰 : 勃 能 克 處 然 知 去。 此 如 而 上 好 只在於心 己 進。 若從 勝 所 處 獨 雖 此 知 博 漸 但 上做 厚 此 漸 凡 高 念 處 積

> 處。」 踖, 何? 畫 處 未 出 東郭 東 曾 出 大抵 郭子 個 畫 降等而怡怡」之類, 申非 子 聖 得 看 日 日 出 此 : : 篇書 此 \sim 然。」 先 言 鄉 生 甚 黨 當 曰 : ***** 是 要 篇, 知 如 只 其 是 先 精 -周 君 儒 神 精 旋 命 在 謂 神 中 分 脉 而 命 禮 明 踧 脉 而

人 息之間 倫之變 先 生 而 嘆 皆能 : 化之,可 自古聖人,第 見舜 爲 善 是 的 舜。 心 ·, 無 遭

行 講 未 而 之 明 穩 不 然後 無 當 問 躬 疑 學 行 行 不 0 也 纔 某 可 可 無 得 事 見學要講 不講 用 心心 的 當 0 有 如 日 纔 未 今 明做 : 得 慊 日 自 看 若 去。 須是 慊 某 徒 句 取 即 與 書 辩 朋 口 於 坦 友 於 口 相 心 然

●「出降等而怡怡」,至下文「分開了下二」,原脱,今據

理 朋 不 人之心。 處 可 只 卑 友之心。 個 忽 幼 問 心 是變易以 略。 存 則 以 心 如 存 只 至 之 至 事 處 如 奴 説 於 父 生物 卑 此 僕,亦要存一 外 母 幼之心 便 邊,處 日 故 事 可 兄 人 君子變易以 下 長,不 主 · 學 於凡 處 人亦當 上 點心處之,皆 朋 待言 達。 事 友, 生 《易》之 存 皆當 則 矣。 民 處 存 主 處 存 雖

處? 好 孟言 合字, 1 問 性之善 理 故《易》言『一 似還分 張子 氣 非 説 理 合虚 如 物,若 氣 説 陰 爲 與 天 二,亦有病,終 氣 無 陽之謂 命之謂 有性之名。 此 氣, 道 理 性 却 日 安 不 何 : 等 如 在 孔 是 觀 何

發 畢 再 一、各人 問 問 先 只 方 生 是 將 有 一講 某 漫 所 畢,謂 然 所 得 言 若 者 諸 不 潛 生 思索,不 思 曰:「學須待 體 驗 過 待 問 然 畢 後 人 而 更 端 問 又

夜 月下, 大 論 至 科道 之官。 先 生

> 官之 非 中。 君言 不 曰 是。 也 : 「今之科 0 職 行有 道者, 甚 實 者 失 不 就 凡 同 道 猶 内 皆 使 封 外 今 科 非 駁 開 官 道 古 諫 有 \Box 制 查 諍 便 失 盤 以 所 科 他 錢 以 所 就 糧 者 謂 以 劾 等務, 並言 之 諫 論 君 給 皆 事 凡

還 聞 將 爲 常 人 過 不 高 願 過,日 貴。」 是要立定志,不論 , 曰 覺 事 免 經 ,只是還隘 聞之,使得 亦 誤 得 書 章 絶 謂 有 詔 却 來 你 T 自 過 日 問 廷 你 亦 : 欽 家 時 些,當要寬大。」王朝白 自 謹 且 日 工 節 諸 日 日 言 改。」先生 守 : : 夫, 0 生 未 , 亦知 志 非 覺 在 曾 你 十日 向 所 門 下 同 出 近 得 如 損 要寬 門。 志之友 來 也 曰 也。」永年 何。」 非 ,然不免有 事 是 :「宣之學 細 大方 日 多 好,只 沐 亦 不 日 : 威 好 少 Ė 這]: 「近 請 似 是 往 自自 過 也 行 近來 沐 聞 去 改 差 之 其 年 來

覺 口 安 狹 於 隘 此 只 是不 能 改 0 曰 : 既 知 狹隘 却 京

想家 也。」 父母 情 也 著 説。 T 《易》,其 話 教。』此 於 曰 何 ? 之常。 似 ; 如 事 「思天理 下二句是程説,見 八則謂 至於千百 事 又曰 ? 先 此 E 先 尚 ,於父母 何 生謂 説 天之載 試 生 未 理 .謂 想父母 之性 用 爲 曰 : 『形 則 諸 也 器 人 我 工 謂 年 ? 2 先 率 生 欲。」 上 亦 也。 上更切。」 而 之道 尤 好 一言。」標 自是好,還 日 無 道 性 E :

 □

 .

 .

 .

 聲 吴光 道 生日 則 爲道 一句是《 其 昨 謂 無 道 此工夫却 亦 「此 用 夜寢 之道 先 祖 臭。 對 形 此 器 器 則 要所想處 生 對 日 猶 非 易》言, 而 謂 時,各人 : 曰 其 日 是 二也。」 因 修 下 之神 此 體 在 生 道 人 爲 句 又 則 自 似 以 實 生 想 器 則 直 家 沐 何 謂 昨 渾 分 其 所 亦 見 謂 程 身 使 淪 對 開 謂 須 天 之 命 之 子 思 夜 人

> 是 思亦 博文 未能 無過 子?』威誦 處友。」先生 對 晚 章 上 程子説:『苟 能知弘 要不 一,若能 誦 詔 日 不可 好。 約約 : 先 對 大器 已,方能 禮更切。」 生《 程子言: 『人之於 日 大 修 然觀 : 身慎 此言 於無 贈 對 則 曰:「不可 生 何 諸 非 偏 日 有 不 行 常 過 栢 先 自 隘 :「生想 生 進 中 齋》文,❶ 想 敢 生 所 暴 自 則 ,不可徒 求 言,皆 日 去。」 偏 暴棄。」先 自 所 以 有 : 隘 以 棄, 此 進德修業 人,當於 過。」 王 處 孝 自 知 想要不 贵 想 朝 要 父 般 處 切 生 而 對 不 生 母 》。」 威 克 也 己 已。 日 可 日 者至 想 有 去。」 變, 用 工 : : 與 要 曹 過 對 夫, 工. 爲 恐 此 以 中 生 廷 日 H 只 意 君 此 求 比 昨 欽 猶

是克己否?」先生曰:「克己亦是,更看《西章詔問:「程子所謂大其心胸,其工夫

^{● 「}昨」,原作「作」,今據乾隆本改。

銘》好 吾兄 何 況 家兄 物 弟 於天下? 弟 何 西 長 有一 體。」 銘 幼 言 惟大其心 毫之間 弘 族 之 鄰里,亦 道 ? 則 故 如 聖 日 分 人 賢 心 與 個 不 者 鰥 大, 彼 寡 以 此 天 皆 雖

地

萬

爲

未 亦恐 爲 且. 道 親 生 故 菲 取 盡 日 而 其 善,其 未 親 :「我送林 戴鰲問 能 是 恭 如 不 如 以 耳 舜 以 死亦 此 顔 乎? 爲 子 薄 申生待烹, 基 未 然 能 學 汪 盡 則 以 樂。 有言, 善。」 申 Ш 生 瓢 亦 先 平 即 未得 由 飲 顔 生 日 日 顔 供 子 却 申 諭 爲 以 子 親 曰 : 親 盡 能 而 於道 善?. 簞 生之生 諭 親 今只 食 親 不 處 供 先 於 以

處 如 生 處處 接 人何 何 先 己 生 如。 何 如如 謂 如 諸 以 , 處 生 此 又 己 日 思 上 何 . 思 擬 如 做 孔 不 ; 己, 門 濂 工 夫, 諸 溪、 則 賢 横 當 其 接 渠 思 進 人 接 無 何 程 窮 如 何 先

> 蓋 有 標準,自 不 妄 動 也。

欲 耳。 商 諸 賈 者,甚 使 友 人性 到 用 處 人化之, 皆 至 以 善 有 善誘 隱 或 皆 人,除 於 有 可 雜 隱 進 流 於 却 於 者 下 田 道 愚 畝 但 而 則 無 不 不 人化 有 能 廢 隱 之 故 於

邪 謀 問 不 周 勃、 及周 霍 勃遠 光優 甚。 劣。 先 生 日 霍 光 縱

妻

以 人 日 人 王 : 「安得 陵 皆 威 能 問 如 盡 王 人 其 人 先 陵 在 如 儒 己者耳 吕 王 謂 氏 陵 人 ? 之 臣 變 當 所 可 以 謂 無 王 當 否 陵 以 爲 爲 E 正 先 生 使

學 蘇 收 的 至 傳。」 季 人 明 放 今傳者少矣。」 東 心,不 先 郭 范 生 子 育輩 日 日 可 : 皆 不 横 然禮 得 知 渠 其 以 自 當 教 了, 其 禮 時 有 門 許 爲 餘 多 教 不 若 儀 能 乃 文 是 也。 與 度 聖 叔 數 此 門

東 郭 子 日: 講 學 甚 難 若 教 人 專 治

專治 用 X 内 恐 則 外, 人 身所 又 務 恐人務於 此 於 以崇 其 僞 所 爲 德 以 虚 爲 先 寂 難 生 ; 也 日 若 教 故 惟 人 精 專治 説 義 專 所 外 治 以 内 致 則

之保 學乎 不 前 來 正 可 有 意 謂 此 可 · 保 者 者 可可 進 學 一學。」先 治 病 ? 求 守 守。」 猶 必 學。」先 而 東 進 今皆是蒙以 在 之果 郭 善治 大 可 又 學 東 乎謹 先生 生 子 追 病 郭 爲 也 無 不若 笑 生 而 子 後 益 之於 然 曰:「古 日 日 進 日 東 H : ,求自今日始是 : 今日 我因 養 : 之益 郭 則 無 始, 正 因 接 子 因 人 病 此病, 人謂 又 病 Ι. 日 人 病 必 故 口 爲 夫 東 也 省 事 皆 聖 治 少了 後 能 郭 了 知得保守, 了往 然大 亦 病 還 人 日 子 進 許多 自 好 而 曰 也 ,今日 之 者 學 笑 有 後 抵 源 不 則 人 日 蒙 然 可 人 事 可 口 今日 以 番 與 不 無 以 進 諫 在 得 養 其 新 若 故 得 病 進

意 格 物 夫。」先 也 也 此 敬 出 有 如 其 如 日 曰 誠 這 一,脩字 一。」先生 物 致 : 誠 也 日 所 意 門 格 修己以 言是渾 不睹 ; 而 知 東 然則『脩 不 戰 正 如 物 我 物 生 郭 却不 中 戦 見 心』否?」先 是 然 致 格, 看 恐懼 日 子曰 日 却 大 敬 兢 先 知一、 後 起 : . 是。 淪 以之致 有 賓, 兢 己 格 能 來, : 的 工夫。 乎 以敬 脩 脩 物 使 知 説,不能 如 聖賢論學,只 人 其 誠 只 句 己以 己 致 民 臨 戒 知 能 生 是 所 意 盡 以 如 知 『脩己 慎 日 可 深 不 之矣。 而 如 正 敬 敬 承 聞。 淵 包 用 恐 知 而 個 心 便 大祭』, 得 敬 後 致 固 懼 也 以 盡 如 如 許 修 此 格格 以 是, 能 包 是 耳 如 敬 以 得 履 云 己 多 敬 格 得 0 日 戒 之 然其 以 物 薄 以 亦 的 巾 然 物 個 慎 東 誠 冰二, 敬 致 東 則 戒 敬 敬 工 致 意 郭子 恐 意 郭 脩 以 中 知 必 慎 如 世 知 思 之 還 格 亦 懼 子 乎 而 H

衿 先知 過 是 了 此 做 須 知 就要 便 知 這 以 用 上 若如 多 要行 之物 是 之格 然 如 所 便 些。」先 T 敬 然後 恐 後 做 是 何 少 以 而 以 纔 是説 此 後行 算 懼 物 尺 了 縫 必 行 曉 耳 誠 方 説 作 檯 東 寸, 行 生曰:「今夜必要講 云云 意 得 向 曉 却 行,行 知 纔 知 也 郭 得 則 正 衣 如 得 日 領多 不 行 也。 子 知 心 格 服 縫 錯 亦 曉 登 方 不 東 日 得 戒 致 樓 是如 做 是。 得 算 做 少 東郭 相 郭 : 若 慎 方算 古 檯 此 尺寸, 作 1 離 非 子 不 在 就 但 ·; 譬 知。 此 也 之謂 子 日 却 得 要 曾 戒 ? 做 謂 説 日 是要知先 戒 衿是 慎 做 如 知 知 先 衣 必 聖 也。」先 樓 非 同 之先 慎 服 做 便 生 先 如 上 了 不 謂 人原未 如 譬 是行 若 衣 曰 如 逐 何 則 同 先 矣, 何 服 如 也。」 生 不 曉 知 君 不 敬 處 縫 做 問 先 謂 曾 故 須 恐 但 見 嘗 得 日 却 而 東 領 行 是 説 懼 知 問 ? 知 必 謂 樓 差 : 後

郭子猶未然。

乎仁」, 是行 博學分 博厚 非 之。 言者。 『守之』是守其『及之』者,常不失 東 「篤 是 是。 也。 「篤 「博 是知 郭 知 恭而天下平』之『篤 學之,審問 聖人言學字,有專以 如如 子 而 若『博學之』,對『篤 『篤行之』者,行 即 日 明 如『日 郭 無一毫人欲之私 亦如是。 如『學而 何 篤 是格 『知及之,仁不能守之』,『及之』亦 子曰 是行? 志 「大抵聖 月 努力之 之, : 物 時習之』之『學』字, 至 致 此 聖人 慎 馬」,『至』字 知 如 『篤恭』之『篤』, 人 此 思 類 言 的 」。」先生 教人只是一 好學近 之,明辯之』,皆是行 數者不已是 之類。 行之。而 工 如 知言者,有 夫,如 學字,則皆是 何 乎 相 若『篤 曰 便 智 言 何 比 也 是 個 也,就 是 得 如 兼 力 則 這 分 行』之 行 如 云 兼 行 知 却 明 孔 夫 行 到 近 只 不 如

明 違 只是 行 則 子 乎? 路之徒 是 知 ,仁守之纔是行 真予之所未曉 能 守 是 之者。」先生 知 及 之者 也。」 • 日 如 如 : 何 顔 將 知 子 知 及 \equiv 及 月 之 不 亦 分

皆 省 字 敬 故 果 則 物 如 物 不 何 抑 能 敬 無 一, 出 格 或 面 有 正 如 ? 搔 先 所 如 敬 以 先 告反 如 甚 敬 此 不 或 生 孝子之有 搔 存 用 東郭子曰 此 無 以 。」先生 曰 之,敬 於 學,然後 後 敬扶 面 就 事 相 : 中, 而 是博 兑 「東郭言博學是行 干。 敬 持 疾 以 則 日 深愛者必 扶持之」,自 則事兄之物格。 也。」 爲 痛 學。」先生曰: . 扶 外 夫事 「如敬 疴 博。」東郭子 持之,皆 面 敬 東郭子曰 癢 自 親 抑 而 以 有 中間 搔 有 敬 事親 許 敬 和 由 有 抑 多 ",試言: 氣 山此 一,「用 許 有 扶 搔 曰:「人 則 有 的 物 有 八持,是 敬 多 之,出 温 於 格 事 事 節 於 其 字 博 和 凊 親 即 中 目。 詳 却 子 用 且. 定 學 之 氣 人 是

> 作 還只 郭子 許 者 或 如 如 乎? 何 有 多 此 必 是 者 有 節 爲 以 日 格 : 窮理,若作 ,必敬 目 愉 而 石程 色,有 物 發。 先 爲 子 搔 窮 生 若 日 敬 愉 理?」先 日 不 扶 : 正 色者 窮 一物,我 持之,却 窮 理,將 深 必 理 愛言 有 生 不 却不 婉 日 不 口 是學。 却 容 至 作 能 好 於冥 此 自 致 識 言 故 然 知 也 然 行 程 格 看 未 能 東 妄 子 能 物

路 孝者 恕而 看 『于時保之,子之翼也』,乃賢者之事 大焉』意。」 先生曰: 甚 途,使不迷耳。」 解 也」,乃聖人之事,即 東郭子 得 東 行,求仁莫近焉』意。 郭 好。 子 先 日 : 生 — — 「然,我 日 萬 : 「然。 物 此 皆 亦嘗 章當 [備 但 「反 『樂且不 人做工 於 身 謂 與 我 當 而 **^** 誠, 憂, 相 西 夫 即 朱 銘 並 要 樂 純 註 强 並 莫 平

東郭子曰:「程子謂《大學》乃孔氏之

四

書 謂 之 遺 書, 正 謂 其 言 相 似 也 然 聖

遺 相 未 似 沓言 言 何以 知 謂之遺 若 以 書 格 ?」先生 物 爲 窮 理 曰 : 「 則 謂 與 聖言 之 遺 書 不

未 者 理 致 當言. ,先後 『知 知』首言之, 理 知 而 甚 言 止、一 害事 非 而 謂 日 致 其 未 某 知 言 嘗言知 也 相 愚 起。 似 只 也 ,何也?」 將 夫『 格 且 知 物 日 广 作 聖 窮 人

是窮理否 明之言。」先生 知 人之言比 學》、《庸》之言各相 亦不 東郭 肯信。 ? 子 擬 Ė 過 東 方信 日 郭 後 我 子 來 初 笑 君 此 比 與 自 而 却 初 擬 陽 家 不 唤 不 過 明 對 信 將 來 做 先 陽 ^ 甚 然後 論 生講 明, 麽 × ? 後 方 格 信 莫 將 孟 物 不 聖 陽 致

業』俱 如 終終之,可 此 相 東 有 郭 屬 子 非『德 何 與 以二句 存 義 屬『至』, 知 也。 俱 至 至之, 加 此二句『進 以『知』字?」先 『業』屬『 可 與 幾 德』、『 終』。 也 生 若 居 知

> 如如 미 無 東 曰 德 郭 : 此 此 而 子 還 説 説 日 有 分屬 也 業 却 :「見於中爲 是, 甚 者,德業 爲 長, 但 是, 能 不 蓋 分 解 相 其 德 屬 此 離 上元 便 至 見 不 達 於 · 得。 」 明 天 外 與『終』 白 德 爲業,未 先生 分 王 開 道 則 矣。」 有 不

是 也 認 諸 不 不 日 也 夫子之言,衆弟 ___ 是這 聞 弟 人 : 違 無 東郭 子不 領 東 如 謂 此 唯 般 郭 略 愚。 衆 間 曾 子 子 體 足 有 弟子 斷 子 曰 曰 : 認,不 以 退 不 :「聖人之言,學者皆 能 同 而 發, 所 子 「夫子 違之亦 唯 省 以 違之, 在 而 如二一 之, 其 日 夫 顔 私 日 小亦 而 子 子 不 惟 門 貫』之傳 亦足 吾 面 是, 亦 顔 足 前 足 人則 子 以 此 與 以 也 以 在 發 回言 與 發。」 是 夫 發。 日 0 得 顔 這 子 終 聞 子 先 何 口 般 同 面 日 生 謂 非 見 只 體 領 前

0

言者,自有多 子 謂 得 然 有 也 口 衆 與言 聞 矣 有 得 弟 也 而 不 又如子貢言『夫子之言性 聞 子 有 聞 而 可 不 不 子 也 與 之而 與言 足 貢言其 言 少等級。」 以 謂之『言性與天道 者 不能 也。」先生 發 有 不可 解,則 似 欲 亦 無言 得 未 曰 是 而 必 二、此 者 聞 不 盡 聞 與 非 有 然。 固 非 天 與 真 則 道 終 蓋 聖 不 非 夫 不 日 但 默 可

之時 書時 理 而 思 出 造 日 或致 來 0 至 先生日 睿,睿 自然 多 熟 不 一思 處 致思。 作 :「致思之功甚大。 便 上 聖。』睿是通 是 往 聽 0 聖 教 人。 人 時 能 或 今人 常常 致 乎 微 致思 思 都 不 能 **^** 無 書》曰 擴 曾 通 是 思 乎 充 静 天 看 處

説 以 知 過 先 亦争去説 生 爲 曰 : 幸。 「人之生,不幸 聖 他 人心 的 调 地 平 是 易,有 以 不 得知,真 聞 過 過 隨 夫 以 子 去 亦

> 過 幸。 他 顔 色,拒 是 便是學問 今人 以 成 人於千里 所以 其 長 過。 不 進 聞 之外 學 過 者貴 如 有 何 乎 過 使 只 人 人 是 亦 一肯 訑 不 言 肯 訑 己 聲 説 的 音 與

有 手 的 的 後 疾,不 不 事 事 纔 皆可 定 不 先 把 先 能 生 便 生曰:「汝輩 捉 我能即,吉。」若我 撒擺 以 來 日 得 來 就 住 即 · 文 我。《易》 學者 我 不 脚 也 然, 鮮 做工夫, 必 不 是 定 曰:『鼎 便 有定守,然後 不 那 無 須 倒 實 移 要有 了 有實,我 則這 的 柄 欛, 不 不 故 好 仇 好 扠 然

宰 程 敢 相 子 以 喪服 攝 謂 威 問 耳。」子厚 見其父,況天子爲父之喪,而 越 禮 紼 猶 謂 又曰:『父在 在 天 地 殯宫,此 之祭,『 事 越 爲 難 紼 母 行 而 喪, 只 行 則 可 消 事 以 不 使

● 「是」,四庫本作「事」。

三 元 元

也,亦 年 不 又 子 事 亦 曰 是 之喪 敢 事 可 E 「祭時 夫 見父,不 見 帝 難 父。 説 矣, 地 比 是 就 天地 不 雖 古 如 必 天 如 是天子可 是 者 今 拘 子 矣, 無 天 父 父 泥 \equiv 祭。」 子 如 母 在 0 年 的 何 皆 爲 之喪 祭,不 此 父, 不 是 母 \equiv 祭? 齊 斬 説 亦 必 則 衰 衰 如 是 使 宰 期 子 何 天 攝 相 年 年 厚之言, 地 也 亦 是 所 喪 先 有 生 以 天 服 生 \equiv

語 要 (變了 言見 纔 有 本 泰 着 就 教。」先 實。」 日 是 生 如 領 曰 先 隨 所 生 在 之 我 化 教 平 人,然 H 古 所 多 言 後 此 的 我 口 的 但 再 言 求 不

見 見 了 諸 親 言 母 先 戚 鄉 生 行 鄉 黨 曰 : 黨 换 亦 到 汝輩 自 個 這 悦 好 裹 違了 人 爲 學, 纔 父 不 母 須 負了 是 違 勇 了 初 猛 妻子 心 前 進 歸 違

先生謂威曰:「鄧子華甚甘清苦。昨日

以 教 驗 汝 之 輩 於 送 己 他 便是 非 是 學 徒 也 送 0 耳 觀 他 動 静 行 李

則 能 若息 夜 日 先 之 不 生 ,則便 息 日 聖 ,則一夜之聖人; 人; 學者存誠工 走人 若常常不 夷 狄 矣。」 夫, 息 能 只 則 是 常 日 要 常 不 不 是聖 息 息

使爲 於克 是 許 朱 欺 不 窮 日 這 暗 先 盡 得 多 個 樣 己 室 註 天 生 程 威 如 先生的 問: 個人。」因舉邵子「不欺暗室」 下 却 復 釋。 門 今 獨 纔 物 禮 學者 那 好。」 處 稍 「李延平之學甚精 理, 喜 看 樣 又 不 工 起 先 是 便 人 似 怒哀 夫 來 生 要 他 個 講 甚大,蓋 雖 曰 : 樣。 讀 人 樂 論 不 盡 朱 恰 未 必 故 此 須 天 先 似 發之前 全 如 下 生 便 如 不 兩 密。」 在 此, 書 的 程 是 得 個 慎 子 意 不 然 故 體 先 Ŀ 所 獨 思 然。」 當 認 對 如 生 作 謂 時 須 今 便 師 曰 功 要 不 威 却 有 友 要 如

非 謂 他 得 子 抄 聖 吉 强 教 如 太 ン釋 》謂 無 人 X 人 快 何 水 有 邵 爲 適 説 年 不學 邵子 定 善 子 問 莫, 他 數 則 不 雖 邵 學非 如 誰 算 知 邵 愚 子 何 定 學 子 肯 的 却 聖 到 ? 此 去爲 也 人, 倚 得 等 個 要 日 在 此?」又問:「 言 吉 如何 善? 他 數 語 M 明 程子 上 ? 在 儘 去 所 雖 那 是 以 此 柔 1 裹 切 : 謂 言 的 實 聖 先 他 也 也 且. 學 皆 要 聖 説 生 程

了 雜 今人皆被 吾未 也 事 甚 都 先 見剛者」。」 難 生 斬 這 曰 斷 非 事 1 是 纏 , 今日 至 繞 剛 心 T 爲學, 的 只是 如 不 何 爲 須 能 得 學,然 是 好 把一 故 ? 後 日 然 切 聖 有 斬 富 進 貴 斷

着 天 僧 通 ,是好僧 先 生謂 我 問問 威 他 輩 來 見 日 : 你 有鬚 有 我 鬚 昨 髪 髮 過 戴 碧峰寺, 是 着 個 道 道 冠 有 穿 如 個

説 帶 也 爹 這 佛 T 説 : 『我如今三十年,此心不 佛冷心。』問 如 貧道 髮 道 冷心?』對説 何 就是 裹 纔 此 到 在 教 可 天通 曉得, 蒙諸 這 我 只是要常常 寺 却又 也似吾儒 乎? 只 問 裹, 中 且你 依 是 臉 (熱了 住 夜 甚 公卿 我 你這 日 『你這 皆 你 ? 驚 的 在 個 : 初 : 發 没 是僧 此 訝 佛 _ 皆 道 不 對 般 如 有 絶 赤 秀才 做 雖 ; 怠 識 來 説 説 此 私 我 T 甚 是 心 慢 如 看 看 心。」少 欲 及 没 金帶 日 是聖 麽 若 他。」 也 熱了 我。 何 來 起 貧 絶了 有 切 還 工 使 稱 頃, 般。 這 身時, 夫?! 道 也 這 我 有 人之徒 世 個 。』問:『如 昨 貧 僧 看 说説 有 個 他 熱時?』 務 秀 道 就 日 你 還 不 道 病 説 對 才 便 ? 有 是 看 能 「你 不 見, 説 是 是 都 亦 又 所 大 他 曾 這 花 纔 堂 我 日 夜 何 不 稱 以 此 日 說 念 般 金 老 的 絶 到 大 貧 稱 樣 長 可

是 我 的 石 他 頑 是 中 説 心 金 石 我 分 有 金金 説 别 ; 他 此 君子 出 夾 『你這話又差了。 子 是 來 雜 是 沙 初也 的,君子是小 砂 石 明 ; 石 不曾說 得 玉 中 盡 初 分 的 不 别 我 就 曾説 出 是君子,他 人中 金子 看 來 破 我 的 了 分 初 是玉 别 不 玉 少 是 出 曾 是 頃 小 他 説 頑 來

涇野子内篇卷之十三終

當

初

耕

於

歷

Ш

時

與

那

等人皆是一

般,

何

曾

若

自

家

如

此

分别,

却

文

八小了。

且

如

舜

些。」

永

年

問

心

畢

一竟可

冷

得否?」曰

這

是

强

制

其

心,

他

是

寂

滅

其

心,

還

不

百

心

惟

恐

他

不

生

不

煖

如

何

要冷?

如

私

應亢

問

:「告子不

動

心,

也

是冷

心

否?」曰

:

卿

來

看

你

的,再

不

要説

他

纔

冷

得

心

也。」

與

手下人。

我説

『你還

有這

個

心。」他

説

有這個心,便有這

個情。」我說

:『你自後公

説

揭

蓋

,今老爹與我

揭

蓋

了。

留

茶

餅

餘

的

分

别

他

説

我

是

聖

人?!!

天

通

又喜

日

:

一佛

家

學。 濟 放 不 那 慾 其 同 不 光 心 術 孟 須 動 佛 躁 要『必 子 心 頭 心 之 來 邵 處 驕 觀 有 子 墨 心 事 收 者 既 焉 這 天 見,又 夷之,二不 而 樣 下 勿 的 春 忘」, 何 心 歸 以 要 之 同 與 然 冷 肺 他 程 後 他 腑 揭 子 可 欲 却 孟 蓋 以 斬 要 子

涇野子内篇卷之十四

不

患

不

能

爲

伊

尹

之堯

舜

君

民

事

業

鷲峰東所語第十九

門人武陵劉邦儒録

流 友 何 動 冷持 . 也 「吾輩 無 ^ 劉 ? 春 滯 邦 池 儒 矣。」 日 胸 : 卷 中 日 又問 **>** 見 不 求 見 此 可 題。 先 不 則 常 生 滿 何 先 見 於 以 H 生 此 柳 生 能 景 題 灣 意 見 象。 畢, 精 盎 得 ? 然 舍 謂 問 活 邦 適 日 儒 水 . :

見 几 賜 邦 因 儒 請 歸 此 教 省 口 武 能 先 陵,先 做 生 得 日 一、「我 顔 生 子 大 安 的 書「 貧 意 樂 志 思 伊 道 盡 學 功 在這 顔 夫

只是收放

心 。

> 禮 者 要自 不 未 苦,亦未 雪 也,不 同 讓 安耳。」先 中 家 爲 歷 邦 國 棋 事 儒 口 敢 亦 切 意 酌 撥 .只按 怨尤 禮 生 歷 不外 思 夫 貌 日 後 如 着 禮 固 . 來 是。 舊本 何 但 你這 有 因 見 ? 三 曰 衙 舊 人 , 先 門中 衙 情 規 能 生 門,與國子監 : 時 至 得 禮體太嚴 此 日 事 於此,雖 於太過 等處 而 連 爲 之 日 雖 處 節 他 頗 是 大 略 文 覺 辛 日 也 風 有

時 耳。 寺, 無 生 旁觀之。」曰: 日 所講 枉 開 亦 飲 教 難 曰 邦 顧 同 之時, 處。」 論 儒 吾 鄉諸 汝 者何 畫 居 因 鷲 曾 是拒 友。 吾 「就 請 峰 事?」對 量 輩 教 寺中, 不 次 吾輩 棋 正 日 日 能 日 否 欲 止 見先 ? 也。」 水救 有 日 之乎?」 一講 汝何 對 生,先 如 鄉 日 若 此 不 縉 時 只 答來,人己 對 日 生 政 紳 韋 未 : 日 日 : 及 攜 棋 也 韋 鄉 酒 於 恐 先 第 棋 昨 至

皆受益。」

者 此 非 只是見理未 邦 因 儒 循 問 隱 忍 ,必利 真耳。 臨 事 優 害是 若 柔 知 非 不 理 怵 斷 已 其 如 真 中 何? 而 也 又 不 曰 斷

言 子芥 有 大 道 相 日 一、「人有 有 便 年之長 不 遜 不 蒂 是 象先問 所爲 但 得 處 方 説 幼,爲言之誾 明 好 説 也 而言, 道 了,且其設 得 要 理 若 朋 是 與 有 先 處,便 友 他 未 徇 已 相 講 安 侃 離 着 聚 幾 心 要 處 却 長 亦 時 句 便 虚 當 道 幼 可 有 言 使 心 之序 如 有 又 語 此 取 何 何 所 古 心 T ? 講 爲 聖 當 他 無 賢 先 邪 長 而 的 之 ? 不 此 生 幼 ,

厚 夫 意 時 思,故 也 崇禮處 象先因 先生) 只隨 講 語 問 後 請 及《 多 所 再 忘 問 發 中 失 明。 却 而 記 庸 答 前 **>** 尊 此 先 H 初 德 在 生 所 未 你 性 講 日 嘗 諸 温 道 有 生自 故 問 我 個 知 當 學 安 思之, 新 排 講 的 的 敦 論 工.

不可效我少温故工夫也。」

至 此 至 日 一人,亦 : 失 事 否 和 有 惟 氣 ? 至 自 相 可 且 先 知 使 能 何 生 見 受 人 謂 不 先 受盡言 盡 之日 出 生,言二友因 言。」 言 矣。」 日 試 以 問 箴 你 所 規 争 先 抄 之? 取 做 書 1 中有 抄 對 個

段 於 次。 時 做 正 無 貫 如 工 誠 那 有 固 雖 夫亦自不可 此 且 仙 不 意 邦儒 不 是 如 得 於 佛 可 正 格 問 佛 其 不 時 不 爲 氏 理 致 成 着 無 者 之前 寂 近 串 實 其 闕 格 滅 日 的 如 去 致 意 也 何? 朋 蓋 老子清淨 做 工. 之 可 一夫,其 友 謂 謂 功 格 講 以 先 故 誠 致 及《大學》, 誠 生 矣。 間 也 之 意 自 \Box 切 後, 去 然 但 切 有 格 誠 格 然 大 格 這 物 意 致 差 惟 致 每 此 之 至 恐 節 自 欲 誠

日 王 堯舜之仁止於一 貴 問「人之過 世 各 於 , 夫子之仁 其 黨 至 先 於 生 萬 嘆

想亦 是。」 言 於 常 中 世 説 子 無 也 就 過 來 是 金 日 在 中 過 瀚 ,君子於人,當於有 . 人之過 吾 求有 中之仁。」先 日 夫 輩 子於我 周 見 過 裹 人 公之 面 宥 有 有 過 生 過 殺 也 罔 無 日 要看 兄, 極 大, 須 過 之 孔 也也 要 中 觀 出 子之 恩。」 求 如 過 是。 個 無 此 知 誠 過,不 爲 仁 看 程 來。 哉 君 子 他 諱 亦 文 方 斯

勇

而

楹 所 過 此 得 了 之 曾 速乎 以 黄 故 子易簣 容 前 當 ? 問問 死 不 之 先 而 知 斃 時 用 生 朝 無 過 曰 聞 看 「這 多 道 他 有 夕 少 是 遺 功 何 聞聞 恨。 死 夫, 等 可 氣 字 孔 矣 象 不 到 子 此 夢 口 聞 奠 方 輕 道 有 兩 看 如

先 是 生 好 爲 日 生 : 起 猶 講 先 謝 生 學 進 以 至 吾子 先 日 堂 對 生 訪 一,見 門 日 大 : 問 下 其 相 吏, : 只 人 此 知 是 亦 方 守 宅 與 有 與 門 子 堂 説 諸 吏 這 謊 E 友 等深 以 者 先 講 乎? 未 生 學。 起 邃 相 辭 其 先 却 鄰

> 其 某 能 吾 耳 。」先 人 早 子 不 及 賴 晚 戒 間 諸 生 慎 友 亦 日 之 皆 賴 : 裕 功 相 大笑。 如 有 乃 戒 鄰 賴 慎 夫 歸 堂 的 何傷?」 語 意 1 邦 先 先 儒 牛 對 生 曰 而 日 日 後 惟 有 聖 不 也 也 意 人 是

實 已 但 壯 行 所 預 何 口 寵 淫 政 知 亦 而 事 也 如 ? 愛者 要 未 殺 邦 縱 似 隱 又問 之。 看 易 儒 先生 亦 恣 然 問 相 他 窺 横 無 有 處之 時 測 處 不 恣 日 勢 以 漢 人 可 非 : 横 干 雖 如 立 武 然 主 者 之勢,後 或 至 何 帝 或 嚴 朝 子 政 太 V. 因 立 日 過,武 殺 武 弗 事 夕, 誰 家 母 帝 陵 激 不 得 法 若 想 於 怒 口 而 帝 古 殺 逢 鉤 使 必 當 制 禁之? 而 不 鉤 着 t 母 見 殺 t 日 口 故 夫 子 后 他 之心, 爲 夫 亦 少 不 性 人 不 訓 未 母 得 得 情 素

0 少」,原脱 今 據 四 庫 本

則 爲 幾 見 不 小 無 唐 至 之 噍 武 又 如 類 日: 此 后 之 矣。 禍 平 若 故 有 太 文 明 宗 王 主 一刑 以 未 天 能 於 下 處 寡 爲大,一 妻』手 遂 至 子 室 孫

穿的 手去 他。 以 禮 是 時 語 拘 常常 爲 差,一 如 於 衣 若 做 此 衣 粗 服 經 先 説 服 這 所 迹 史 生 今日 却 若有 、住的 講 了。 在 上 日 個 都 汝 者 這 某 是 如 此 即 房屋 人 學 上 等 此 等 向 如 輩 行 面 人,所 處 今 這 又 今 着 冠 故 考 講 等 日 是 禮差 當 日 的 究。 去 得 用 講 時 在 衣 既 樣,這 曾子 應 服 者 今人 又説某 此 何 明 接 是 講 患 住 説 子 上 論 不 却 的 便 下 樣 及 成 就 人行 不 夏 不 房 看 此 屋 要 講 或 消 可 信 言 他 也 下 論 便 喪 拘

般 事 ,?」先· 苦 醜 邦 都 儒 生 問 能 日 甘 : 此 得 蘇 武 亦 如 使 是《外 何 匈 有 奴 娶 傳》所紀,不 海 胡 上 婦 + 生 九 胡 年 兒 可 遽 之 百

> 他 信 縱 有 他 之,亦不 且 終 看 不 他 肯 當 害其 屈 時 則 爲 匈 武 此 奴 等 也 再 事 斷 欲 然 以 可 長 知 公 其 主 無 妻

言 他 矣,子雲何足道 董 似 仲 怎 的 舒 邦 亦 儒問: ? 有 毛茛、 可 取 揚 程 者 ? 曰 雄 耳。 子 日 · 「《· 夫 『漢 但 萇 身已 法言》、《太玄 視 儒 仲 失矣,言 近 舒 似者三人, 己 不 辭 敢 其 望

母, 食。 如 其 ? _ 先 母 恐亦 此 輙 邦 問 儒 等 非天 生 之。 問 處 曰:「也 討 胡 所 矣。」 雋 孺 出 不 不 道 多 疑 得 曾 則 爲 喜 如 説 京 此 當 兆 少 諭 則 每 若 母 憂 出 屈 於 平 法以 至 道 獄 於 歸 何 慰 廢

蓋 基 韓、 於 由 王有仁者之功 象先問 此 丁謂、王 。」先 生 欽若、王安石 宋太 日 祖 竊 宋 收 謂 室 藩 宋 削 鎮 吕 室 弱 後 惠 先 原 卿、韓 來 儒 不 削 以 在 弱 爲 此。 趙 或

太

祖

或

初

曾

得

如之 言 涼的 夷。』『 元 出 康 此 非 顧 之明暗存亡,由於賢才之用舍。」象先 如 顛 秦、蔡諸 何 氣 一,何 ",不 氣 侯 乃 沛 司 知 哉 何 數 意 之揭 錫 目 馬 ·忍 春 先 得 垂 當 者 思。」 也 馬 以 光 其 鐫 時 不 生 人壞之耳。 時 何 己 蕃庶, 爲 亡 ? 名,諸 又曰 翼 便 日 程 問: 矣。」《 怎 也 枝 黨。 有 . 君君 ? 正 麽 葉 叔、 和 《易》 晝 此 君 未 有 就 子於行,三日不 刻 先生 日 詩》 煖 誰 日 亦 亦 許 不 朱 :「人事 石 有 的 《詩》云: 生厲階 三接。』『 ě: 是 不云: 不 害,本 多 論 或 光 意 氣 肯從 門, 不 廷 政 思 數 个賢 明 等 常 好 至 不 使 雖 實 到 出 明 皆 歸 天實 修 的 先 一今爲 然 石 用 【人亦 秋 地 相 諸 X 於先,吾 人 食。」 撥 舍 來 I 上。』『晉 地 時 爲 人事, 趙 接 梗。 顛 心 便 如 之, 中 有言 稱 普 當 是 有 天 踵 倒 知 日 賢 全 謂 未 此 之 其 或 時 淒 如 而 明 .

> 宗 以 爲 用 宋 私 恩 基 人 較 爲 禍 之, 之,自見 之 大 者 其罷 其 藩 以 用 湯 鎮 人 雖 石 武 遼 守 信 亦 漢 不 等 高 及。 兵 祖 權 唐 尤 太

學,即 中,蓋 禪 非 定 亂 又問 至 甚 識 僧 惡 耳 城 如 且 得 市 「看書 在 何 於紛 已 揜卷 由 何?」先生 此 他 堅 深 見 而 不 意 始 日 Ш 能 紛 華雜 漸 静 見 野 聞 心 華 喜 於 坐 於 鄰 未 谷 即 動 擾 日 先 定 熟 修 有 能 既 處 中 . 生 行, 掾 思 如 求 移 聞 也 求 , 問 古 何? 吏 静 其 教 此 得 還 爲 人 後 念 也 學。 静 心 是 作 絃 日 定 亦 聽 遇 此 管 用 吾 一,凡 日 能 方 之 雜 心 輩 者 處 好。 復 未 擾 收 做 始 立 斂 定。 大 乃 心 即 懼 且 有 亂 聽 可 志 · 正 之 凡 擾 其 或 如 其

先 生日: 汲黯 内 多 慾 而 外施仁 一義』之 要

0 恩」,原作「思」,今據乾隆本改

地 語 始 極 見 有 其 力 難 量 耳 閲 然於: 史者多忽之。 此 亦 可 見 武 設以 帝 納 身 諫 處 其

道 得 則 何 來 人皆知禄之榮 雖是 夫,此 行 舍所學,欲行 而 以言答之?」堅 與不 行 云 堅 如 何 以 歸 處 此 獲 得行,不 省 正 罪 然 對 復 口 君 也,君 中 其 用 日 謁 間 、學則 子 虞 先生 也 日 「方慮作 多)則謂、 子 其 :「君子 少 又不免於禍 猶 禍之至 曰 : 斟 之福; 以 酌。 爲 宦 處 叔 與 甚 禍。」先 違 世, 防 前 不 難 道 登 所言 。」曰: 子 至 唯 耳。 以 科 是 也 生 荷 後 道 致 徇 日 禄 遵 之 曲 有 時

下人。」 之中 苟 考,便是病 源 能 安 知 在 處 先 舜之『欲並 耳。 生 日 日 曰 源 堅 : 此 問:「生 舜 堅 猶 此 之 日 是 問 生哉』之心,則自不容 好 : 第 甚 問 輩 多 善 好 不 是 着 但 察,正 能 遗遗 好 就 好 高 於 是 問 自 爲 不 不 是 好察,病 能 不 知 不 得 處 也 於 能 自 民

不問不察。」

堅未 聞 發 慎 而 觀 懼 未 即 獨 氣 發 達 是隱微,則知喜怒哀樂未 象 I 先 先生 也? 夫。」 生日 何 侍於君子有三愆,今其 如 堅 : 已 日 做 問 不 : 而 功?」先生 睹 備 語 延 不 論 未 平 聞 涵 終 先 與 養 而 曰: 生 隱 用 問 觀 發之氣 敬 子 微 更 喜 之説 一端, 也。 知 怒 也 又 象 哀 不 堅 安 矣。」 樂未 皆 睹 能 退 不 是

甚善 受其 然。」詔又問之,先生未答,既 去古 善 日 人 中 : : 邊窓 是 進 福 先 未 此 然。」或有言及邊 也 生 則 遠 而 特 謂 風 人 也 爲 不 後 或 俗 有 患 世 日 知 自 司 堅 爲 之事 淳 日 郡守足 政, 「方今之患,莫大於 漢 9 : 風 徵 耳 事者 當以 俗 此 孝 爲 淳 以 廉 亦 先 轉移 今大 而 則 亦 拒之,若 近 生日 日 天 王 患 得 風俗 一: 下 道 此 百 恐 廉 否? 意 爲 漢法 姓 時 或 此 蓋 范 急。 只 不 陰

宜講學耳。」

鄙 E 心 自 也 欲 自 劉 當 得 敬 漢 無 若 中 接 和 事 華 如 親 周 故 美麗 古中 秦, 歲 致 夷 或 日 郡 金 心 熾, 守 自 緒 不 可 中 故 綵 似 支也。」 或 其 繒 後 一,夷 勢必 來 又 狄 知 通 至 自 中 歸 一於元 夷 或 市 之悉 狄 故 而 邊 後 夷

生 日 或 問 唯 簡 易 中 庸 故 甚 不 簡 可 易 能 何 以 不 可 能 ? 先

釋 謝 忘之也。 心 師 何 久之心定 喧 先生了 退退 此 笑, 保 如 ? 堅久 後 心 如 卧不成寢 臨 先 又 自 而 愈於 及 病, 請 父 生 然 病 問 母 先 個 静 日 未 愈 日 心 生 定。 病 心 偶 也 今汝所言 遣 之時 正 思先生 反 堅每見先 使 及 要 不 者數 如 退, 在 矣。 及 覺 此 未 求 病 有 問 竊 是 時 免私 静 時 間 生 進 做 收 於 時 斷 僧 其 見 工 意 斂 私 動之教 時 有 舍 時 復 紛 或 意 大 雖 病 萌 擾 於 個 往 無 而

> 美服 克 麗 生「巧言令色鮮仁」章,不覺驚 良 即即 友 去此 尚 處講學,亦爲 正 病,前 未能 色言之, 覺 思 其 遂 使之改。 这中一 攝 非 伏身心 也 岸 適一 是 既 之助。」 日 汗失 而 友 語 記 聽 自 講 反 堅 及 尚 又 冠 忽 聞 服 得 不 先 之 能

是 法 意 欲 生 處之?」 乘 勉 有 第二着, 之, 强 能 先生曰:「前講『好仁 真 時 則 見 須 對 亦 有 無 還 日 知 所 以 見 尚 其 尚 「惟 得 矣。」 無 之者乎 透 以 强 尚 先 自 制 生 耳 者 ? 但 日 無 忽 堅 : 以 然 對 尚 此 不覺 之。 强 時 制 以 亦 何 每 私

涇野子内篇卷之十四終

四五

涇 野子内篇卷之十五

鷲 峰 東 所 語 第二十

門 人 歙 縣 許 象先

者 要 在 許 隨 象 事 先 初 精 【人也。」 見 察 先 體 生, 認 請 否 教 則 我 先 雖 生 多 言 曰 : 亦 學 無

用

,猶是照舊

接 己 處。 來,未免有失 |潛問 孔子云: 人事難 人處 河汎 以 愛衆 修應接。 都要接 而 親 先生 來,未 曰 : 免 有 都 失 不

信 他 想,看怎麽便不肯自 只 是 何 理 城 問 否?」先 漆 雕 生 開 日 吾 信。」象先曰:「莫不 固 斯 之未 是。 吾 能 輩 信 且 替 所

> 果能 夫子 率 吏、賢 否? 人自 是 信,只是心 爾 知 所 自信 家身上 得反身,尚 而 人君 把 以 對 你 哂其 兵儲 不自足,故夫子悦之。 子一一 做 我 看 能 個 不 未 邊 且. 讓 道 吏部 能周 能 策 如 千 誠 朝 乘之國, 將 官,果能 知 廷把 否?」曰 士之心 否? 你 便是自 做 自 • 漆 個 信 且 雕 但 兵部 庶 如 能 開 且 信 子 周 就 司 不 T 路 自 知 百 吾

便是慎 人 此 須要 有 心 十 去得?」先生日 等 時 Ħ. 中 有之。 言 積 處 即 吕 志學,必至三 一潛問: 獨 便 久工 人 工夫。 檢 皆 行 制,不 學者今日 差 夫 不 一欲 知, 纔 處 : 積 這 一, 十 得。 根在心,何 可復 久熟後,動 方 也難 獨 中 且 就 使這 能 知 即 於 是聖. 立 説 之, 又 言一 一,前此 等, 一時 法可 便 檢 如 静 如 如 孔 自 制 要拔 以一 或他 不 行 是 子,猶 與 不 免 檢 差 得 理 復 時 日又 小出 俱, 萌 制 拔 Ħ.

病 而 根 人 欲 盡 不 去 覺 却 自 難 消 也 0 欲 以 時一 念 的 工 夫 望

是 革 變 務 庶 出 欲 有 乎 要 裁 釋 明 民 家 : 處 體 ? 禮 也 革 興 氏 先 置 堯 釋 義 生 固 是 <u>;</u> 是不 亦 庶 舜 以 氏 是 義 則 贵 民 並 化 日 義 得 義 復 先生 興 生之心 導 段 贈 已 推 行 須 之, 斯 胡 原 處。 象 停 如 義 貞 無 其 而 先 好 當 是 精 \sim 邪 甫 遽 不 孟 日 處 則 可 **慝矣。**』 苟上 陞 得 欲 : 子》 0 置 知 己 去之, 且. 却 廷 無 日 福 之情 這 是 弊 臣 0 州 仁。 此 幾 0 建 乎? 府 經 人 一之人 何 廷 言 文, 正 先 不 原 臣 欲 不 激 生 須 則 初 裁 中

篁 重 每 瓢 於 沉 吕 此 陋 溺 者 巷 潛 於 問 夫 他 欲 ? 何 人 理欲 憂? 則 先 憂, 生 界限 曰 顔 子 甚 還 便 明 樂。 是 何 見 蓋 爲 不 真 人 到 心 見 有 如 每

吕潛問:「學者自做秀才至中舉、中進

於 牽 免 士 不 是 才 意 又 功 屬 扯 無 却 心 有學 好 去了 名 爲 學 己 只 富 進 識 身 是依 識 ; 貴 前 了 處 士 中 纔 日 中 與 舊 是。」 不 非 官 顧 如 不 不 得 是 得 東 中 牽 動 進 不 不 舉 橋 扯 方是學。」先 士、做 見 要 得 去 心 我 了 功 舉 甚 云 心 名 0 不 憂。 憂, 得 富 如 彼 貴 此 官 生 便 子 處 等, 心 爲 須 謂 有 憂,不 心 不 舉 此 個 便 此 IF. 秀

問 賢 生 後 不 由 日 文 善 閎 左 能 而 王 一此 用 右 人。 化 象 散 夭 在 權 莫 先問:「文王 紂 一之徒 大 宜 羑 況文王 處 有 非 生 莫不 里 説。 之 處 妲 中 蓋 己、 置 事 是 身 宜 紂 怎 出 , 紂 飛 且 生 能 麽 文 古 來 廉 下 不 知 下 使 王 得 之流 幾 能 愚 家 紂 知 愚 知 不 之 見容 ? 難 不 否 或 能 惡 移 雖 移 天 然 免 岩岩 不 否 下 有 先 矣。」 且 此 皆 口 善 非 當 生 亦 П 化 先 象 散 是 時 日 先 聖 文 宜 前 生 無 竟

之 當 惟 得 公 王 權 專 望 之 時 其 天 聖 ,實天下之利 征 如 散 下 伐 不 是, 宜 所 可 文 故 生 以 死 以 紂 則 不 故 得 見 解 得 如 其 以 文 而 深 此 用 伐 王 知 受 處 之 之, 心 密 其 置 如 囚 戡 害 他 此 黎 9 Ħ. 也 孟 故 去 賜 是 子 聖 崇 之 聖 嘗 賢 侯 斧 賢 稱 虎 鉞 T 時 太

以 則 只 及 在 不 之,恐勿忘 止 勿忘勿 先 於狂 生 日 矣 助 之間 陳 勿 伯 助 沙 工 想當 謂 夫 却 時 舞 欠 曾 闕 零三三 點 也 只 是 不 兩 知 兩 足

曾 必 路 有 而 言 爲 點 聞 猶 耳 氣 下 象 曾 先 亞 象 恐 點 問 於 大 又 曾 , 行 浴 等。 點 沂 先 不 所 儒言子 掩 先 然子 不 言 儒 及。 特 路『未之 子 路 自 先 路 亞 其 生 於 T. 言 曰 夫 能 浴 志 密 行 沂 時 正 見 氣 唯 是 是。 恐 象 義 子

問:「岳武穆班師,是否?」先生曰:

無 如 君 何 臣 不 之義 是 ? 天 下 寧 口 無 功 業 之 成 不

口

之逆命 至 了 烹 陷 姬 道 元是惡 人於惡 故 雖 與 唐 若 謂 音問 舜 不 之 過 如如 同 死 恭 乎 的 者却 應 世 中 何 不 ? 别 申 子。 庸 好也 是 有 生 先 他 申 一待 處 若 〕。 又 生 的 生 烹之 再 日 陷 心 説 日 . 却 他 事 他 合 晉 不 除 乎 獻 申 是 議 是 天 公 生 却 溺 申 理 其 不 生 是 之 未 於 逃 驪 學 世 待 免

却 故 以 還 於 不 人子 守 唐 與 禮 孔 音 情 爲 子 問 是 同 口 子子 通 處 先 思 無 生 不 所 日 使 不 子 : 容 上 聖 子 爲 X 思 出 道 是賢者 母 大 德 服 宏, 何

是有 來 慮 心 恐亦 守 上 象 的 先 纏 害 繞 問 事 外 否 不 面 [?] 先 吴 得 勢 康 謂 利 齋 之 生 紛 終 華 脱 日 日 : 然 奪 以 無 此 他 累 衣 公終 不 食 得 然 不 H 吾 足 亦 被 却 貧 爲

且學他此等長處。」

無 不 疚 足 先 夫 處 生 謂 纔 何 好 諸 憂 生 何懼 所 日 謂 便 有 吾 是。 餘 儒 是 1 甚 中 的 常 ? 使 只 有 餘 内

體。 夏 惟 求 其 生 理 無 時 萬 所 顔 天 即 此 物 夫孔 地 先 殷 是天 略 度量 間 生日 克 各 輅、 無 己 門 得 須 地 人 一,夫子 復禮 諸賢,於一 周 其 是 生 己 冕 所 把 生之理,元 間 幾 不 者,人也。 己 韶 與 隔 得 得 私 天 輕 時 舞 到 纔 克 與 地 此 去 能 惟 非 也 同 事 境 復 凡 務 與 有 體 之仁 界 得 萬 他 使 兩 氣 天 故 物 説 萬 個 象 則 地 生 夫子 物 得 有 便 的 生 各 故 之, 難 之 於 他 本 得 人

問 不 手 應 汝平 先 樂 先 生 初 生 日 日 見 日 做 先 甚 亦 生, T. 看 只 夫 來 問 在 來 聖學 ? 下 學 聖 工 和 做 學 夫 仲 工 去。」 默 只 夫 然 在 先 如 無 良 牛 何 隱 久 大 下

> 了。 説 的 纔 上 言 出 亦 好 語 故 來 可 做 不 司 無 就 然 得。 馬 所 是 温 久 隱 學者 到 公謂 之積 若 建建 但 使 平 諸 下 於己 吾 種 天 生 心 子了 地 無 身 事 不 不 有 常 悖 可 便 是 如 質 對 陷 青 不 諸 是 人 於 天 説 鬼 白 處 有 神 得 就 心 H

無

疑

也

都

從

這

裹起

馬 詈 脚 此 須 性 亦亡矣。」 一。先 着 行 自 耳 如 康 躬 0 這 生 恕 家 行 問 等 如 行 日 君 與 議 去 子 諸 論 方 只論 羅 豊 子 儘 好 整 是 争辩 是 心 庵 如 論 高 象 譏 此 Ш 性 明 便 象 ? 不 謂 的 忿 Ш 恐 六 恨 只 論 但 所 不 行 論 謂 却 經 平. 心 亦 皆 未 論 未 我 曾 不 心 甚 注 及 者 至 如

之言 對 也 日 他 有 「城 先生日 説 未 的 再 安,便 不 想 : 是 何 馬 曰 這 叔 过 意 亦 防 思 日 每 其 於我 吁 若 好 他 言不 子 如 不 舜 路 合 管 大 於 處 聖 孔 曉 與 子 便

未 長 進?! 曉 只 唯 唯 答 應 過 去, 贵 是 道 理? 贵 有

敵 生日 太宗閨 「奚其 此 象先問:「治天下, (喪)? 所以亦 尚 門手 能 足 能 況 用 如 致 直 人 此, 貞 耳。 諫 (觀之治。」 如 却 魏 子云衛靈公之無 自兄弟妻子始。 能 徴 致 前 治 太宗取 如 何? 自 道 先 唐 讎

只 失之弱; 在 心 先 上 生日 至 有 於過言過行,却又失之露。 棋 「天下事當言不言,當行 酌 損 益 方好。」 不行 其 要

影 却 然,又猶 是。 先生 故 |謂:「知得 目 知 視 者行之始,行者知之隨 而 足移然。」 便行 爲是,謂 知 即 猶 是 行 形

行 去。」予謂 便 繼之以 上,如《 先生日 中 戒 小亦 慎 庸》首言天命之性,率性之道 不 須知 鄒 睹, 東 得 郭 恐 何 懼 云: 『聖賢教人只在 者 不 聞 是天理,何者 7、並不 説 知上 是

> 行,不知則不能行也。」 人欲。不然,戒慎恐懼個甚麽? 蓋知皆爲

毁 的 終未免有不 事 言 不 永宇問:「聞 怒, 能 纔 什 能 然 人譽己似不喜,但 聞 處。」●先 譽 言 不 生日 喜]:「須 此 於毀言 是 是 聞 套

河 横 法於 私 制 來」。 乾 鬼神合?」先生曰: 、渠 嘗· 禮 坤 意 圖》之作,亦 地 杜 作 定矣』。 問:「三王之制禮作樂, 天地 有 樂,一 撰出 云 非 自 自 來,故 順 \sim 然之禮樂,元是如 禮 作 不 有 天 ¨, 但 記》 聞 來 地至公之心,自然 能 性 \sim 歷 謂 能 與 繋解 與 "「仰觀象於天, 天地 一禮 近 天 取 道 由 \forall 諸 鬼 謂 何 陰 一天尊 神 以 身 而 此。 作 合。 能 耳 能 樂 與 制 無 三王之 地 天 伏 故 禮 俯 由 毫 作 張 羲 髮 觀 陽 地

^{■「}什」,乾隆本、四庫本、嘉慶本作「釋」。

樂者鮮矣。』」

是。 뾆 做 要 凡 格 甚 窮 氣 之文,但 念 否 ? 若 究 生 慮 康 的 恕問 其 離 所 先 理。 起, 却 怎 生 遠 格 己 身之 日 麽不要格 取 然鳥獸 物 身, 諸 所 所 物, 馳 如 動 謂 草 心 必 鳥 ? 格 木,元 事 獸 須 鳥 如 之所 草 在 要 獸 伏 隨 木 近 初 草 羲 接 之 時 取 亦 與 木 、皆是, 類 隨 諸 嘗 我 處 身 亦 也 觀 格 是 纔 鳥 皆 須

驗。

其於諸

弟子皆然。」

邪 慎 主 察 恐 夫 動 否 存 八只是 懼 ? 誠二 康 動 然問 便惺 先 所 般 以 生 個 惺 合 曰 邪 更分 戒 此 静 閑 慎 便 只 則 恐 不 屬 不 是 誠 得 懼 動 睹 便 了。 是 不 個 存。 静 聞 工. 存 如《 故 夫 静 大易 存 慎 矣; 養 静 獨 省 \approx 而 所 是 閑 察 戒 以 動

者各 受 先 生 病 與 處 諸 如 生 瘡 講 疥 中 之 立 類 不 倚 般 曰 : 有 發 之手 凡 學

> 以 剛 脉 者 · E 中 勇,説 絡 ,有發之足者, 貫 立 如 通 醫 不倚』,『 這 緊要處 者之用 個 强 於於 和 有 整 藥 而 中 發之面 治 必必 不流』, 則 纔 是 不 易 因 足 目 亦 病 愈 者, 故 對 而 聖 夫 證 發 須 子 人 是 用 藥 語 之 自 子 之 之 路 教 其

落 臾 草,張子 了。 是 是 無 力 緊 夫子: 纔 見 活 得 好。 息 此 切 先 潑 的 川 生 所 口 非 厚 潑 後 日 見 以 流之歎一 間 聽 地 爲 來 須 斷 得 驢 蓮 最 程 如 是 得 與 有 鳴,皆是於道 工. 周 時 子謂 驢 夫 味 般,見 茂 時 然 忧 有 叔 省 説 鳶魚之論 小 蓋 愛 察,不 到 間 得 子 蓮 鳶 斷 道 思 之不 花 飛 鳶 無 使 與 便 於學 流 魚 不 離 可 不 與 水 在 之 離 者極 除 道 道 處 咏 功 於 處 窗 相 實 前 夫 即 須 離 極 有

章 》?」先 問 生 妻子 日 : 好 學 合 者 後, 須 是 何 學 爲 到 繼 通 以 得 鬼 鬼 神 神

做 得 神 食 室 弗 如 頭 看 處 合其 奇 起。 此 必 中 以 鬼 迷 石 特 有 佛 示。 神 飽。」亦 却從 是 禹黄 一吉凶 不忽妻子 光。 事 放 處 實 1。』問 其 光 那 學。 龍 光 者 庶 程 後 裹 遂滅。 負 幾 子 來 辭 一何 得 如 舟, 處,正是慎 不惑 謂 如 來? 云: 舜 『某 事 程 須 納 又有 於 ? 三 曰 子 臾 於 適 亦 鬼 亦有 爲 大 俯 政 ____ 只 神 獨 一人謂 鄠 首 麓 . 不 在 者 縣 暇 而 就 不 『夜間 而 奇特事 簿 逝 往 日 是 然 忽 烈 聖 能 妻 有 皆 風 可 宴坐, 子 近有 賢 與 邀 取 是 雷 上 每 鬼 去 能 其 通 雨

解 問 不 有 王 欲 及 知 所 惠 舍 責, 在 先生日 王 亦未嘗説 世 却 未 子 如 去責 必不 : 鄭 召 陵之師 管仲 而 出 他 聽, 立 不 帶 乃 器 子 貢 遽率 小, 看 包 當 亦 來 茅; 當 時 夫 諸 管 率 楚 子 首 侯會於首 諸 已 仲 因 止之盟 僭 侯 器 或 明 王 人 小 爲 1 處 不 止 講 惠 却 曾 蓋

> 小 去 在 不 挾 世 能 君 子 則 見 大 予 是 處 觀 以 仲 子 輔 去 恢父, 桓 公這 在 桓 事 公 , 則 皆 是 是 以 器 臣

於 從。 進言 主 難 所 至 自 日 己 此 從 此 私 的 專 相 主了。 等 猶 蘇 意 公執政,遽 青 議 問 如 處 公日 宋 苗 ,司馬温 未 義之與比」。 及 時 可 正 能 以 :『公昔 温 韓 罷 須 義 此 公當 魏 免, 要 不容 公諫 之 知 公 辩 與 己 役 執 欲 能 析 不 比 先 私 猶 政 從 刺 諫 諫 明 生 甚 時 可 況 韓 ,曰:『天下 陝 白 邪?』是 日 欲 難 存, 其 公 西 : 克。 庶乎臨 下 刺 變役 義 温 知 者? 勇 義 公怒 温 得 勇事 法, 事 儒 公却 事 是 此 不 學 操 蘇 不 非 有 義 肯 昧 者 行 X 今 軾 專 儘

^{▲、}嘉慶本作「父」。 本、嘉慶本作「父」。 本、嘉慶本作「父」。 「華」,乾隆本、四

索 問 貫 貫。 串 着 先 儘 生 有 日 條 : 理 而 貫 不 辟 紊。 如 千 今學 錢 者 只

且.

從

兩

錢

上積

累去

可

是

便是。」 日 亦 諸 生因 只是 問 自 各人己 尋樂之功 私 牽 如 繋 何? 處 解 先 脱 生 了

是 是 道 可 也。 爲 播 ,如《詩》云:『灑 先生 民 水 之章 於 地,掃 日 故 : |天下 雖 是運 執 掃 無一事非 御 箒 庭 之微 於 内 地 ,惟民之章。」 , 至 理,無 貫 微 之道 細 的 夫 物 便 事 在 灑 非 而

東帶 諸賢,必使之爲 如 如 玉 、甯俞、史鰌等,必皆在所器使。」象先 顔 何 接 子 ?」先生 象先問:「夫子欲爲東周,其設 ",必 以之爲 如子 曰:「亦只在用 貢 卿 輔相 (), 必 士。 使使 ; 其 如 他 於 公西 人。 四 如 晏 方; 赤 當 嬰、 施 必 時 如 問問 蘧 使 便當 仲 在 伯 之 雍

> 不 有畫 當 是如此。」諸生聞之惕然。 之 此 何 和,如之何 得 ? 止 柄 時 取 邦 欛 寢聚斂之徒,亦必 有 先 諸 家,立 興 生日 其 才一 周 其 門 : 可及?』夫子興 自是易 斯 節之賢,皆 此 立 而 正見 復 道 事 有 斯 在 聖 取 行 故子 人公天下之心 所 在 於 不 所 綏 他 周 ,貢謂 取。 用。 或 斯 其 諸 來, 神 夫子 在 大夫者 夫 化 動 門 得 或 便 斯

定是 位 使 哀 穎 動 之被 考 前 痛 他 叔 有 悲 否 象先問 輙 號 ?」先生曰:「亦是。 處。 髮 何 嗣 人? 左 以 之,此便是孔 一,孔子正名, 必是先以 袒 迎 以 蒯 尚 謝 聵 能 南 錫 誠 又以 子。 子 類 意 **%**, 況 的 莫不 感化 誠 莊公不 然 本 神 意 意 後 是 化 衛 感 以 以 輙 化 如 知 蒯 誠 で,使之 夫子, 蒯 有 聵 意 母 當 感

泛然的一,如《書‧咸有一德》之『一』。然先生曰:「『予一以貫之』,這『一』字非

之事 擴 自 便 亦 加 泛 充 要 未 況 不 ? 畜 純 泛 是 嘗 于多乎?」 理 德 説 不 此 而 自 個 便 與 多 多學 至 我 是 聞 於純,故足以 後 不 則 多見,便 中 相 世 或 來, 屬 博 貮 了 學 但 以 要寡 二,或 其多 宏 又 詞,雖 泛應 何 悔 識 以 垒 寡尤, 前 貫 萬 以 少亦 言 事 通天下 三,元 所 往 若 以 行

舞,舉 外 佞 人奸於其間 人,雖未爲 人。」 意」,還不 先 莫 生日 知 盡 · 是。 : 所 則 善 以 先儒 雖 使 而 用 有 或 之 猶 謂 夏 不 不 者。 時、 害 放 用 鄭 殷 於 周 故 聲,遠 輅、 冕 治 用 殷 周冕、《韶 法 苟 輅 佞 在 使 而 先 無 去 佞 法 佞

舞 此 可 見 此 便 是 孔 先 便是 生 顔 孔 謂 的 顔 孔顔之王 之天德 學 諸 問問 生 日 : 如 道。 夏時 高 觀《論 堅 故 殷 前 日 語 後 輅 『有 博 周 文約 章 • 冕 天德 亦 韶 禮 便 便

可語王道。」

子,必 得 使 我,吾其爲 往 意 欲 以 日 可 0 思。 知 哀公來,使 : 費叛,召,子欲往 爲之機, 見孔子之意 城 有季氏; 何 想 是有悔 因其 日 城 也 問 :「孔子 是 東 見他 機 正 周 知 變 心之萌、欲得 不 而乘之,周道 乎 名 孔子不見陽貨,而 有 得 亦 誠, 去時,設 的 周 季 無 者 意 且他 天 氏 益 何? 子。 來, 必 當 施 公 孔子 使 是 先 可 時 故 當 Ш 知 變 以 日 只 生 如 弗 去 有 得 復 是 何 曰 : 公山 擾 拯 哀公; ? 與,故 弗 陪 如有 救 知 擾 臣 陽 先 召 弗 他 來 變 用 牛 欲 的 孔 貨 擾 無

孔 之 便 源 謂 流 在 子 性 前 道 先生 於 孔 相 繼之者善,成之者性。」是言 孟子 曰: 近 子 是 孔 道 世 兼 性 儒 言 子繫《易》,言: 善,言性 謂 氣 孟 質 子 性 則 却 善 善便 不 專 知 是言 在後,却 理 性 陰 無 則 陽 7 善

兼 氣 在 都 那 失 裹 却 求 FL 理 孟 ? 論 性 有 之旨 理 便 1 有 0 氣 何 須 言

得 爲」的 不 南 亂 日 尹 雖 是,蔡京是 和 是 :『只爲 子 世 不 0 如 靖 否? 先 附 而 龜 輩 此,只合 生 看 當 他 Ш 日 他 不 2 曰 他 最 時 當 : 自言, 會 何 得 識 : 人 却 時 聖 磨 不 等樣 『不見。』問 聖 欲 者 亦 却 不 出來更好。」 「, 亦 人 效 人之意 便 不 亦 磷 出 聖 人 謂 曾 不 謂 處 人, 見 一天 涅 曾 而 其 比 救 不 附 : 便 推 是『知不 下 常 或 _ 緇。』楊 正 自 轂 他 有 何 謂 人 0 他 其 失 道 不 以 尹 先 手 , 丘 同 不 子 當 龜 後 可 生 見? : 時 象 爲 不 多 Ш 世 日 先 便 見 知 與 在 如 而 :

可

見

0

其 日 上 中 蔡 先 别 若 生 而 I 顔子 程 因 子 日 講 . 於矜 年 博 切 問 學 的 纔 篤 近 意 去 思 志 思 得 却 Ι. 切 夫 都 問 矜 甚 没 近 字 有 難 思 0 7 0 象 先 謝 在

> 去 子 莫 惟 生 得 猶 與 日 不 覺 汝 矜 : 善 争 矜 天 古 在 功 字 是, 下 己的 0 · 莫 與 又 禹 然 大也。 身上 尤 禹 汝 不 有 争 自 大 能 比 聖 知 焉 ; 賢 上 0 汝 蔡 之 而 ^ 惟 書 舜 淺 不 年 稱 **>** 深 伐 稱 之。 夫 天 纔 汝 亦 顔

真 化 數 爲 復 是 叮 徒 如 封 如 人 好 皆是 觀《論 先 的 古 而 生 大 己。 雖 了。 易於變化。 有 曰 爐 語 先 : 當 時 冶 学中 經 至 時 堯舜 多 讒 過 春 使 孔 是 之時, 秋 頑 孔 子 故 因 番 難 子 相 當 則 人 習 化, 得 事 習 時 去 變化,委 染 位 而 染 止 人 古 來 爲 人 是 H 未 便 的 君 深,人 遠,人 君 兀 是 曲 子 区 堯 甚 相 造就 難 心 驩 心 比 與 兜 變 而 屋 純

[「]先」下,原衍「不」字,今據乾隆本删。

② 「不」,原脱,今據乾隆本補。

經野子內篇卷之十五終思索,不可一下看過。」般手段。凡看《論語》,於聖人此等處更須

涇野子内篇卷之十六

尊

貴

便知

敬

他,見

瞽者

是

無目

的

便

忽略了,

却

木

是。

且

天

下

無

目

的

亦

廣

着

如

那

樣

有

鷲峰東所語第二十一

門人歙縣許象先録

道 須 隨 日 是 理 處 諸 不不 看 力 + 友 做 多 行 年冬,許 可 北 一樣, 謂 汝此 上 處 輕 象 方始 歸 汝 於出 先 亦 獨 是學。 辭 當 南 也 歸 還 如 省 是 出 諸 先 處 然 友 生 中 於 元 日 是 此 每 : 等 告 個 處 以 近

自 子見 兩 强 心,其『純 不息 先 齊衰 生 體 者 日 亦 這 謂 冕 不 樣 Ė 者 諸 子 與 生 便 行 日 瞽 是 去 者」,過 纔 如 好。 逝 此 者 趨 若 學 如 見冕 者 坐 斯 須 作 夫 者 是 無

> 族之類 勢的 水 的 殊 是 行 譬之是夜,若但知敬冕者而忽瞽者 位 要看 又作 却流 矣。」 有 在 勢 先 人 生 皆 孝 先 做 的 行於晝而停止於夜矣,便不是學。」 云 耳,非 日 生 是 樣 經 人 樣。」何堅 日 無 皆 看。 »° 「所謂 目 夫子 是 是 的 子 有 有 將)自謂: 謂, 目 目 勢 高: 般,如 的 的 强 殊 夫 譬之是 者 的 如如 『吾志在《 子 般 於 作 如 此 之神 此 那 所謂 則 書 樣 等 樣 無 , 無 · 正 類 看 春 無 在 所 秋 是 勢 親 謂 亦 目 位 **^** 論 九 如 弱 的 分 無 須

不 慮之所起 子云『萬 切 章詔問 於身的。 物皆 ,皆是物,皆是要格 格 備 物。 故 於 凡 我」物 先 身之所 生日 字 : 到 事 的。 這 般 個 非 之所 蓋 物 無 是 正 接,念 泛 如 處 然 孟

語

学

門。 明 是 此 日 口 非 蘄 格 處 物 顛 夜 先 些 亦 先 沛 睡 其 生 有 生 且 來 功 必 君 日 物 汝 格 無 於 心 : 子 口 輩 物 是 下 格 無 好 也 之 時 有 終 否 去 難 説 可 ? 所 亦 食 下 如 切 止 想 之 手 皆 此 先 要, 息 像 做 間 説 是 生 得 Ι. 違 是 格 念 日 但 的 夫 頭 大 物 這 矣。 便 有 等 造 怎 聶 覺 功 章 説 次 麽 蘄 萌 於 詔 來 必 無 日 動 聖 覺 大 於 物

釋 時 失 猶 T 處 類 在 了**,** 工 色 危 己 何 所 心 者 坐 聶 先 夫不密,不覺 所 諸 少 以 蘄 生 分 甚 頃 問 大 生 别 日 畏 或 學》工 先 中 ? 敬 有 或 生 好 好 奔 Ħ. 自 有 坐 樂 樂, 猶 夫, 心 扶 身 愕 後 有 憂 正 之臨 至 自 然 帷 正 偏 後 患 失 心 失 屏 心 辟 與 聲 接 之 手 被 身何 後 處 畏 存 者 處 風 足 至 敬 説 主 吹 者。 卒 蘄 以 或 側 處 猶 哀 有 意 然 已 説 先 勃 尚 臨 及 有 矜 先 生 然 生 未 事 人 尚 偏 等

> 諸 臨 日 而 畏 接 : 生 敬 心 處 此 始 便是 哀 快 即 矜 然 此 不 畏 而 免 敬 觀 猶 而 有 辟一, 好 所 樂、 偏 此 憂 不 便是身之卒 患 口 得 不 正 加 之後 然

無 其 之漿 己 樓 以 平 如 得 象 希 知 子 先 希 人 書 則 希 視 平 荆 予謂 平 荆 聲 使 嘗 平 人 ; 州 日 先 何 時 這 這 視 人 民 置 不 府 生 有不 其 持之, 汝 樣 因 之 樣 絶 如 其 事 『希平視其 書 如 樓 講 心 心 子 那 子 可? 聲 則 的 的 己 上 於 時 裹 往 如 子? 節 不 一之子 把 樓 把 送之, 其 有 保 聞 之 希 E 饑 己之心 個 赤 子 則 恐 可 平 讀 之 子 ,饋之食; 登樓 潘 子 其 矣。』希平 希 日 書 心 扑 謂 希 或 平. 心 之恐 事 事 平. 則 大 勞 因 誠 付 詳 州 州 使 謂 請 自 求 其 託 告 縣 縣 人 時 之 視 請 之 户 教 或 他 他 之廣 、扶之, 之吏, 其渴 日 荆 部 問 惰 民 又 亦 其 予 郎 顧 何 有 有 安 如 時 飲 所 希 見 陞

多是 之 爲 事 饌 預 的 民 有 言之赤子 子 也 却 蠲 既 不 民 ? 之防 却是 皆 如子 責, 人 時 劉 前 免 可 如之何 則 、皆是 ? 罰 先 流 \$ 一於是 往 而 亦 恁 生 個 的 金 僧 離 一希 來 禄 ? 予 因 一,曾作 則 求 的 紙 無 説 心 道 失 希 平 米 供 謂 知 誠 之 這 所 等 他 ·又謂 亦 廪 平 億 諸 若《 不 惟 樓 等 愛 晒 謂 何 餼 深 止 曲 之 能言 生 貯 之類 所 是 民 心 沃 康 上之子乎? 他 以 類 日 『子之家 「荆 之。 不 罰 縣 如 這 誥 腸 爲 . 亦 的 至哉?」又 又不 赤 來 此 他 $\stackrel{>}{\overline{Z}}$ 州 縣 然。 不 却 後 子 糧 適 獨 可 視 不 H 值 可 米 凡 無 饑 然 如 得 故 民 少 皆 可 缺 年 棗 民 饔飱 饉 生全。 此 保 的 害 如 有 荒 不 的 菜 之時 有 消 抑 還 赤 安 未 無 早, 自 等 罪 客 别 養 子 是 此 至 知 歲 子 别 物, 今 這 别 謂 有 等 不 賦 元 而 無 辨 日 樣 縣 鄉 能 處 處 縣 既 税 元 預 無 赤 視 饋

> 此 賢之意,亦自多有 亦 意 或 謂 之 墮 謂之全盡 言道不 ? 於 都 日 原 國之本在 問 保 不 不 道》 邊 曾説,不 : 合 必 必 而 張 太 如 拘 若孟子序恒言曰 盡 子太 不 和 家,家之本 何 拘 把 及 ? 牽 又大 安 前 和 格 互見處。」 合中字 先 知 聖賢 所 物 有 生 謂 子 致 所 日 在身。』 之語 道 厚 知 來 遺 : 之言 却 乎 比 爲 儒 天 遺了中字 ? 對 他 有 者 不 0 着 連 下之本 所 多 數 有 故 Œ 遺 謂 過 見 ^ 況 心 韓 於 在 聖 誠 纔 子 退

告 下 器,大之 絜 的 有 矩 又 權 聶 勢的 是一等,天下 蘄 只 而 問 是 及 絜 是 個 几 矩 無 等, 海 先 不 ·之人 有 要 生 均 樣 之 百 平 便 熈 只 : 的 有 寡 在 意 矩 這 孤 方 思 是 幾等 獨 寸 個 顛 且 爲 謂 連 如 方 天 之 麽 的 無

■「遺」,原作「遣」,今據乾隆本改。

只 得 絜 姓 便 是 均 矩 得 把 平 的 均 姓 0 這 如 平 昭 象 此 ? 明 ? 先 財 故《 因 散 先 問 黎 書 生 與 : 民 **>** 百 日 天 稱 於 姓 變 堯 下亦 此 便 時 則 亦 能 雍 E 大着 無 得 大 此 也 異 怎 ____ 便 平 術 問 麽 是 章 亦 便 能 : 百

休休 要錢 先 天下豈 這 此只 白 般 生 姓 的官 有容之大臣 日 是没 亦 有 . 多着 而 此 不 人, 有這 莫 得 亦 之 便 所 怎 無 能 用 則 的 麽 個 大 其 得 道 便 難 用 臣 理 能 咎 事 荷 人以 又 安在 ', 亦 問: 人人 有 理 問 只是 這 ? 與 財 天 他 俱得 所 個 先 下 要 財 有 非 以 生 無 其 得? 能 是 個 他 \Box 當 技 少 用 不 :

> 平 把 故 不 在 生 之意 矣。」 得 張 這 長 横 脏 生 人 渠《西 者 之位 財 則 只只 散 我 與 贵 銘 是 與 人, 影却 無 這 忍 生生 些 使人有 置 備言: 人 之於 一之具 元 此 初 以 不 道 以 只 爲 得 理 是 爲 生 所 衣 則 然 的 食 個 天 人 地 下 故 所 今又 面 自 只 以

邪 得。 選》 作 人 元 何 ? 只 詩 不 ?」先生 的 這等 是剽 相 只只 吴 故 字 干。 光 是 其 樣 竊 看 祖 詩 日 覽 都 往 外 來, 問 雖 物 : 喫 H 面 -高 起 只是 今 他 有 的 比 興, 後 人 使 個 字 漢 之詩 朋 樣 皆 失 之作 盡 魏 却 友 ,湊合成詩 了 本 人,竟 語 性 古 詩 安 再 人云,一 情 人 多 亦 望 無 的 中 不古 何 其 字 意 流 用 能 眼 與 出 部《 若 古 性 古 可 若 文 者 用 情 後

脉 得 貫 處 通 先生謂 否 心。」先 ? 生 諸 生 曰 : 生 日 日 : : 不 聖 要説 近 經 日 講《大 我 章 説 先 得 學》, 生 貫 説 通 亦有 得 須 血

涉

苟

知

得

這

些

人生生之理,

無

非

天

地

生

天下

若

不

切

己

者

只

是不

仁,故

與

己

不

相

干

者

以

財

發

身」,

故

其要只在君

心

之仁。

凡

視

消

説

T

傳

中

謂

二

人能

好惡

人」,又謂

個

臣

其

要又

在

君

否?] 先

生

:

這

更

不

然 貫 是 是猶 要 通 汝 也 自 以 家 言 尋 語 得 文 字 個 下 聽 手 我 處 説 話 方 未 是 貫 免 扞 通 0 格 不 不

是 於 子 善 先 還 此 大 理 謂 氣 命 之性 初 問 思 的 語 生 亦 ·, 自 是 陰 理 賦 但 説 先 曰 與 便 本 夫子 個 子 」,還未 生 性 夫子 還 陽 禀受爲 在 子 相 是, 思 日 元 説 之 只 裹 思 因 近 : 是 是 説 兼 是 謂 面 兩 元 人 盡 恐 打 性 但 亦 聖 個 了 道 性 是 墮 善。 命 人 相 ?]章 賢 後 不 個 説 ___ 一於習 不 上 近 是, 每 來 先 般。 般。 天 個 處 來 識 每 朱 生 加 詔 染 却 與 亦 性 的 説 子 是兼 着 日 夫 7 是 曰 字 人 子 之 謂 性 : 子 習 故 以 : 須 木 思 兩 來 命 自 氣 臾 染, 説 陰 氣 此 個 得 説 究 歷 來, 質 性 離 陽 T 正 以 自 天 便 故 之於後 説 元 陳 是《 諸 T 賦 成 天 五. 遠 否 來 原 便 夫 德 行 命 與 形 生 易》 之 是 子 之 爲 不 文 便 而 看

> 是。 般 語 理 他 獨 何 、聖人 殊 把 ? 便是修道 意 先 這 張 有 横 IE. 玩 極 爲 生 渠 反之不 粗 日 法 之 處 不 於 功。 都 云 天 修 同 看 糟 下, 耳。 是 教 做 粕 修 即 天 學 煨 詔 爲 地 自 者 問 燼 的 教 明 取 : 意 人 無 誠 法 修 思 的 非 謂 於 道 戒 意 之 教 聖 之教 思 教 懼 也 ? 9 皆 此 慎 如

可

得 時 件看 未 隱 是 不 夫 這 但未 隱 般 畢 忍 也 如《易》閑 忍 問 過 恐還 何 有 我 裹 去 過 與 堅 工 獨 説 去 事 戒 遽 處 不 夫 這 得 ; 物 懼 問問 是 邪 等 却 朋 有 應 人 ___ 則 慎 要 也 友 不 接 怎 先 喜 上 誠 中 合 獨 不 時 麽 説 緊 生 分作 怒哀樂前 自 是 處 是 便 存 得 做。 日 慎 獨 心 知 存 有 獨 下 不 但 天 今 此 雖 有 是處 獨 理 氣 日 先 惟 是 只 未 象 處 諸 生 應 是 是 遏 安, 或或 却 如 語 生 自 事 人 何? 廣 或 聚 接 家 個 欲 意 亦 着 講 猶 是 只 知 物 兩

空説 先 T 生 日 審 此 : 汝 等 只 解 處 此 得 須 便不 否 是 要 是慎 若 打 我 點 獨 就 了。 過,未 口 答應 我 嘗 纔 不 亦 説 是 只 未 慎 是 曾

智,子 先用 形,而喜怒哀樂顯 是打天命之性上來的。 見 獨 T. 發之中。 若説 人之喜怒哀樂,即 夫耳 得 的 這 過 工 思 喜怒哀 中 夫。」 戒 但言 學 若 懼 的 者 平 堅 氣 的 樂 喜 誠 象? 日 工 由 前 怒 能 不 夫 是 於 求 哀 ·曾用 是天之二氣 然 養 澄 有 問: 樂, 個 得 思 象, 後 但仁義 氣 二孟 過工 此 謂 久之,先 見 象, 且. 中 何 子 得喜怒 切 ? T 夫來,怎 便不 緊 禮 説 五 智隱 即 好 個 先 生 行 是, 哀 當 下 生 仁 始 喜 樂 手 亦 義 麽 須 於 日 禮 便 未 是 時 做 無 只 : :

> 生 I 夫 日 來 : 的 觀 他 怒 便 不 遷 樂 便 不 改 却 是 做 调

若 子 則 對 雖 祖 日 能 看 冕 與 夏 無 時 周 述 : 得? 來 他 的 純 上 時 「雖 定位 大夫言 、殷 育 堯 公 這 先生日 儉 人 時 物 仰 舜 時 便 要 中 不 輅、 朱 皆 思 中 隨 從 而 可 處 永 次衆,拜 君 : 時 便 周 又憲章文武 分言,然自 亦 可 年 「時 誾 子 便 冕 顏 玩 是 日 誾 忘 子 中 Ė 此 非 也 : 與與 韶 却 仰 的 物。 是 便 中 時 蓋 致 地 違 鑽 下 舞 有 中 中 方 凡 衆 有 位 调 要 瞻 大夫言 此 亦 聖 能 從 儘 雖 中 執 忽 脉 多 可 下 有 人 酌 和 中 難 9 絡 少 每 分言 定 古 便 大 便 來 此皆是孔 不 如 在 準 背 侃 理 人 的 如 同 孔 ·今矣。 變化 否? 於 侃 了 孔 怎 而 子 處 此 時 子 時 麽 麻 説

在 這 『好』字上。 先 生 日 舜 故 好 夫 問 子 好 亦 察 嘗 他 説 的 我 大 智 好 古 全 生 敏

體

察

這

喜

心

不

使

或

流

怒

時

體

察這

怒

心,

不

使

或

暴,哀樂

亦

然。

則

工

夫

無

毫滲

漏

而

發

無

不

中

節

義

禮

智

亦

自

在

是

矣。」

叔

節

又

問

顔

子

到

得

發皆

中節

地

位

否?」先

其所 得 事 怎 至 無 好 好 是 聖 游 忧 病 行 T 深 求 麽得 於 高 問 一,其 舜 生 一人,這 ? 舜 痛 誰 Ш 打 元 的 有 這 須 好 知 ,皆是己 ,不肯下人耳。」先 這 所 有 那 與 河 有 苗 樣 察,其 般 來只是視天下 是 爲 以 在 共 此 裹 濱 好 子 這等心 尚 心 各 者 人 異 得 居 一『好』字上。」堅問 腸。 雷 的 觀 欲 人自家 病 亦 性 於 見 來 ? 澤,一 意 其 安 來 若 野 舜 分 腸 ? 觀 舜 在 自 格 思 是」, 人者 有 訑 ? 舜 檢 字]先: 雖 這 謂 欠缺 訑 的 般 雖 後 生 點 等 視 後來若 欲 幾 『舜 他 的 人與 與 至 人 日 出 天下 看 聞 希 自 聲 處 何 生日 讒 木 便 : 來。」 來 是 音 八己若不 「此還是第二 頑 2 石 没 顏 的 善言 能 便 也 . 舜之 對 若 居 子 將 有 猶 生 擔 「這 如 0 日 庶 望 舜 有 世 欲 -相干 當 此 : 智 見 子 幾 各 輩 望 説 與 並 得 是 只 何 不 有 不 然 他 不 我 鹿 舜 生 涉 起 層 是 爲 得 善 能 全 是 個 去 豕 在 ;

> 能 故 的 心 子 ,以多問於寡,先把 思序 否? 舜 有 即 爲 繼 舜 以 的 顔 顏 心, 子。 子學起。 須 是 諸 要 生 以 中 能 亦 問 有 於 爲 舜

禮 是 聃、弘 是 乎 衆 先 愧 之全體 大 隱 何 ? 嘆: 口 生 的 人 等 便都 忍 以 易 曰 心 可 ; 泉問 : 的 如 復 將 古 見道 聖 民 自 仲 就 心 聖 道 個 性 人,猶 諉 開 過 地 無 人 官 是 問 T 去 盡 不 大 如 這 如如 1 知 道 無 個 樣 何 後 有 看 小 問 禮 何 如 大 人 未 更没 便 聖 ?」先 做 禮 樂 的 猶 盡 往 知 人,猶 小 問 前 有 不 處 官 譚 有 的 官 知 大 可 去 個 生 況 ? 於 以 問 有 要 恐 不 日 便 不 安民 此 郯 不 求 是 往 及 可 者 子 知 聖人 全 小 不 唐 觀 生 不 事 盡 爲。」 問 亦 備 看 能 0 者 知 無 只 他 於 道

^{● 「}木」上,原衍「人」字,今據四庫本删

② 「人」,原脱,今據四庫本補。

六四

泉問:「鳶飛魚躍與語大語小通否?」

小 於 他 先 可 淵 載 不 生 制 躍 也 日 他 謂 不 不飛 道之小可 得。 鳶之飛直 此 是 不得; 這 打 等 做 破 看 莫 至于 也,莫大 片 廣 來 説 如 方人滿 天,一魚之躍直 地, 得 的 如天,一 魚之小, 目 謂 便 道 鳶 見 之大 之 天 制 出

子,亦 潑 子 忘 理 魚之論 君子 潑 思有 此 流 意 地 行 無 是 取 滿 終 實 觸 他 便 於 目 食 處 提 落 亦 鳶 中皆是 之 見 不 掇 爲 魚, 得 間 是 這 出 違 皆 浪 來 學 方 道。 説 問 是 是 謂 的 心 學 造 子 孔子致嘆 常常 諸 問問 次 思 生 他 見 無 必 喫 今日 看 得 間 緊 於 到 斷 是 爲 於逝 後 亦 子 處 思 來 顛 須 水, 活 鳶 程 沛 故 勿

問 庸 否 劉 亦 邦 是 先 儒 博 生 問 文 日 : 約 顔 禮 張 子 否? 子 仰 亦 鑽 瞻 曰 嘗 忽, 有 也 是 此 是。」 説 擇 乎 來 又 中

必

於是」。

餘,行 矣。」 孔子 又如 亦 顧 日 於文 博, 問 達』之類。 立 文 日 『弟子入則孝』, : 教 : 在 謂 纔 衆 又曰 此 只 子 恐躬 邦 約 聖賢 居之 博 恐 日 禮 就 路是 儒 類 禮 文 文行 不 之約, 知 乎 日 知 約 古 此 無 行 逮, 個 上 禮 之爲 倦,行 忠信, 有 亦 便 忠信 顔子 文之 覺 分 又 薄 有 故 畢 便 先 他 何 爲 日 知 是孔 孔 T 竟 之以 仰 明 : 日 爲 博,一 後 之 而 子 文 如 决 博 高 故 「今欲 乎 先 發 子一 多 一之類 在 的,不 日 文 先 ? 鑽 忠。」 禮 的 • 就 約 堅 行 先。」❶泉 禮 而 日 爲 求 貫 禮 後 行 又 之 由 後文?」 怕 瞻 夫子 : 的 弟子 子 文。 日 約 上 此 行 前 知 去 張 難 覺 是定 忽後 不 在 德 衆 高 處 若 的 文 因 説 他 到 堅 邦 爲 者 先 平 文 問 心 博 了, 故 序。 前 因 其 有 之 必 生 如 鮮 日 馳 盡

^{■ 「}先」,原爲墨丁,今據乾隆本補

後,先要用仰鑽瞻忽功夫。」

是 所 典》 無 無《 他 時 先 秦 技 **^** 雍 生 書》 誓 處 風 看 始 動 妨 ^ 因 書 的 賢 嘆 > 事 病 之《 典》 日 業 國 : 秦 的 而 此 誓 終 心 最 \approx <u>~</u> 胸 秦 天 至 , 誓 方 下 治 可 個 做 見 忽 臣 得 得 圃 須 衰

名

的

心

相

近

今日 謂 干 求 子 不 諸 · 得 那 不 不 自 嘗 亦 於 IF. 其 有 至至 是 體 惟 説 鵠 身。』終 人 自 會 來 處 誠 修 甚 相 矣 家 而 其 事 知 「射 不 先 不 猶 ? 問 在 道 生 動 有 我 有 正 者 自家 者 未 日 似 近 鵠 乎 誠 而 未 H 於 不 己。 君 還 處 之 有 我 中 子,失 是 否? 有 志 有 其 不得於己 也」。 甚 好 却 人 學 諸 怨 恩 先 遂 , 那 讎 正 此 生 但 感 鵠 ? 正 語 日 多 云 鵠 反 故 孔 有 口 :

或 不 喜 有 目 御 爲 史言 好 名。 竊 故 有 近 志 歲 向 只 上 會 口 恐 志 同 者 寮 中

> 人 爲 漸 外 此 兀 知 覺 學 人 人 人 知 ,方是真 相 知 更 朝 莫 感 相 夕 化 大 後 勸 與 將 矣。 來 勉 做 居 來 到 修 0 時 然 京 纔 行 先 或 道 時 有 慎 微 生 學 避 獨 有 之名, 諷 日 人知 默 或 同 的 這 默 默 亦 寮 等 心 諭 做 不 者 看 去, 消 素 便 自 來 畏 與 不 不 是 其 喜 好 避 使 亦

徐 嵌 請 子 宴 亦 如 上 或 難 雖 畢 畢 的 足 而 他 徐 是 舉 去。 着 以 詔 酒 復 君 黔 當 問 盃 色 公 席 過 個 : 視 吾 此 愛其 皆 徐 舉 ? 言 瞻 其 鄉 非 是此 以 徐 行 之 有 禮 條 寶 先 贈 君 不 個 勿視 人 劍 件 珍 生 已没 行 可 在 亦 季 寶 曰 古 不 座 人 多 的 : 聽、言、 來 矣, 子 審 中 出 着 器 有 視 心 使 遂 有 吴 知之。 時 聽 外 解 如 動 公子 如 言 中 或 在 其 視 此 有 動 何 官言 劍 後 季 者 黔 之。 的 以 個 使 札 掛 寶 或 惟 \perp 官 且 慕 鄰 调 後 夫 石 公 顔

纔 密 間 折 未 在 見 擔 處 朝 也 地 當 顔 言 有 位 得 推 色 朝 儘 调 起。 此 而 難 高 或 言, 類 過 言 須 口 卑 皆 及 是 見 的 之 是 有 視 而 非 顔 聽 動 不 禮 子三月 言 容 言 處 周 動 旋 未及之 的 就 不 是 工 違 有 夫 多 的 而 揖 極 少 境 言 界 曲 中 細

身 看 進 貳 曰 處 : 夫 只 和 士 他 進 過 有 舉 靖 退 不 先 是 得 得 個 來 甚 生 這 尚 此 是 出 的 出 日 口 策 等 處 分 處 以 問 關 明 進 0 曾子 干 去 時 中 退、 餘 先 易簣 象 禄 有 易簣 處 死 生 乎 先 議 皆易 生 哉 日 事 在 誅 的 壽 ? 旁 亦 元 矣。」 夭 去 不 語 彦 祐 遂 而 處 遠 明 及 黨 不 已,諸 曾 T 尹 真 對 和 是 亦 而 即 生 應 靖 妖 出 之 做 壽 嘆 過 出

生 對 日 日 先 生 這 正 問 好 幾 在 H 將 林 這 裹 撥 秀 下 歷 卿 手 近 殊 做 日 覺 做 工 名 夫 事 何 工. 不 可 夫 可 厭 ? 惡 先 他 穎

> 逸 難 多 日 矣。」 事 當 0 天 以 就 下 道 是 之 處 撥 重 之, 歷 任 中 勿 間 以 庶 這 或 事 此 衙 之 小 門 繁 事 遠 劇 動 近 心 口 道 以 則 途 他 绺 無

學者爲 益 大 爲己。」 士 云 相 矣。」 謂 哲, 會 示不 胡 炳 亦 舉 道 炳 ·要説 日 先 曾 外 亦 有 生 人多 日 你 幾 汝 須 日 看 好 句 發 得 聶 以 名 好 得 友 哲 蘄 好 不 説 幾 這 如 來, 名 好 話 句 言甚 士 名 相 否 出 先 哲 來 生 目 合 只 可 曰 爲 對 纔 我 看 以 講 日 你 是 意 往 汝 驗 爲 來 士 己 也 看 炳 兩 0 見 取 來 不 哲 人

妻反 如 何 目 詔 問 先 兄 生 弟 日 閱 妻子 墻 試 起 兑 自驗 來 弟 之 父 來。 得 母 所 之心 家之中 便 怎得 順 父 母 安 夫

孝 來 婦 鬼 道 豫 樂 與 無 何 憂 如 弟 使 王 纔 T , 0子口 亦 理 鬼 遠 神 弟 亦 ? 就 天 必必 者 放 極 而 神 是 憂 歸 地之心 無 而 是 有 得 必是 只是 之 天 須是使天 甚 已矣。」 道 象喜 雎 宗 下。 相 思 近、 何 下 便 一麽樣 之高 實 子 屈 ? 兄 樂 性 化 無 可 伸 悦豫 然 是 的 弟宜 亦 情 且 隱 如『舜 而 宏 變 先 通 得 此 遠?」先生日 責 喜』是一 下 定。 上 大。 不 無 化 生 却 平 孔 得。」又問: 任 萬 做 淫 了, 往 顯 日 是 子 鬼 盡 民 又問 功否?」先 却 之 的 作 來 : 哀 也。」問 神 這 妻孥樂 事 萬 是 得 的 等 道 而 親 始 物 以 的 家 傳 又 是 看 不 之道 : 各 雖 天 的 順 不了,父 「『堯 傷 來, 日 個 樂 得 故子貢 只 地 孔 父母 生日 父 : 父 無 妻 其 造 順 爲 母 子 而 。孥, 舜 母 舜 大 所 端 恁 實 父 瞽 母 大 便 看 問 之道, 無 順 見 乎 落 叟 之 地 繼 母 宜兄 父 纔 『象 底 夫 以 是 看 的 如 能 若 心 母

> 揜, 怎 説『丘之禱 知」,他 麽 敢 既 便説 如 説 此 久」。 個 知知 説 來? 體 我者其天』; 子思非 物 不 遺 是 實 便 子路 落 繼 見得 以 請 禱 誠 這 鬼 他 不

神

미

便

不

皆 曉 學 生日 否? 事 有 道 日 俗 這 得 理 學 : 即 [... [7 這 樣 他 人 詔 詔 做 學 度 也 大 云 來 遇 便 曰 即 學 0 量 問 着 亦 : 可 事 詔 : 未 俗 分 近 就 9 來 顧 人, 嘗 方 作 日 汝 在 見 語 見 多 不 於 兩 人 便 的 象 可 心 人 樣 事 人 先 即 亦 事 事 看 事 上 日 未 事 合 如 上 了 學。 : 即 免 恐 舜 0 亦 物 有 或 吾 9 在 須 能 今 體 把 廢 輩 此 深 發 是 人 俗 學。」 俗 平 用 Ш 言 得 即 把 白 人 河 0 安得 先 語 出 原 事 事 濱 做 生 礕 先 來 的 即

先生曰:「諸生聞吾言多是唯唯應下,

^{● 「}地」,原作「他」,今據乾隆本改。

得 話 在 我 此 可 的 先 恐只是 意 生日 思 : 須 「程子 學 是 得 即 某 謂 便 的 其 行 説 門 去纔 話。」諸 人,當說: 好,不 生 但 今 學 賢 日 説 會 輩

問 寒 先 夫 T 先 是 語 日 、必定 生 乾 之 生 做 乾 日 你心 得 日 易泉云: 然。」因 泉 但 : : : 夕 個 要討 云: 恐 「汝近 惕 只 下 矜 矜 這 緣 問 持 持 想, 「有 個 若 他還 亦 的 知 日 件衣穿; 心下 怎 間 心 戒 未 做 行 T. 麽 是不 歇 未 慎 嘗 夫, 甚 不 便 的 不 可 免 不 工 想 於道 要忘 知 好, 覩 夫 心, 分先後。」 知 或 來 來 得 怎 有 這 只 恐 了? 却 他 ? 腹 便 時 是 懼 未 麽 如 中 是『 泉云: 忘 間 不 有 便 先 知 泉 饑 T 聞 要 得 歇 君 得 生 未 必定 身上 間 耳 的 處 子 答。 又 0 歇 只 日 I 終

> 得 要討 斷 問 工 能 衣 矣。」 夫, 食 别 思 然 白 辨 是 後 得 盂 般 的 能 第 飯 工 是 不 他 吃 夫, 天 間 不 件 0 理 須 道 歇 要 只 便做 了。 是 就 使 緊 要 罷 知 的, 將 故 在 了 得 去 某 戒 雖 這 嘗 恁 慎 是 道 欲 説 恐 地 人 如 不 聖 懼 看 欲 饑 先, 門 之 來 即 寒 不 前 之 知 便 0 於 字 斬 纔 學 口

聖 這 便 今 知 知 日 : 人一 是 的 古 便 地 看 是 便 或或 的, 先 能 等了。」一 聖 方 生 孔 是 或 不 而 人 大 子 不 能 能 的 不 講 的 能 知 員 能 學 學問 古 知 仲 而 生日 員 問問 今, 不 尼 便 是 能 祖 :「今人連賢 酌 若賢 流 便 何等 方; 述 古 於 流 堯 準 曲 樣 於 人 知 舜 今, 士 腐 大。 的 地 儒 學 參 處 而 人的 知 後 問 天 不 謂 天 雖 X 兩 知 學問 便 有 雖 諸 而 天 地 下 不 知 有 牛

918

先 也 聖人之學,恐 生 謙之至 到 不 日 · 得 元 心。」先 他 來 人 生 亦 規 視 曰 只 模 之, : 自 是 便 這 是 賢 覺 却 不 人 卑 趨 司 的 之 下了 學 甚 問 矣 做 在 去 問 汝 ? 雖

有 出 裹 曲 裝 就 免 處 衣 日 曲 背 服 件 寒 甚 凂 有 處 有 如 與 疾 整 無 看 脱 向 先 前 此 須是悉 水之千 生 不 砂 這 他 日 事 外 飭 生, 下 百 初 於於 的 石 穿。 來, 寫 能 同 啓 事 這 障 終卷, 人 致 欲 流 將 便 東來 生 其 其 致 礙 的 之, 致 萬 外 一爲 友 友 曲 是 便 書 Щ 派 之封 他 纔 面 見 猶 還 I 他 覺 於 谷 説 得 遮 便把己身 不 夫 欲 不 能 潦 其 與 轉 裝 着 甚 能 能 達 致 草 他 長, 折 江 難 寫 江 曲 其 在 又 此 其 海 達 場 處 友 將 上 便 又 生 會 亦 曲 生 屋 海 纔 教 衣 有 是 於己 但 兩 通 即 適 中 未 得 他 服 多 不 是 個 中 着 有 終 少 間 知 軍 面 解 能 的 委 事 卷 生 封 昔 曲 他 的 向 致 委 下 不

> 難 每 中 事 過 庸 皆 》之慎 故 能 子 如 獨 是 嘗 皆 否 説 耳。 是 致 曲 樣 凡 與《大學》之格 學 的 者, 工 夫 惟 是 這 灣

駘仲 者 之 之 爲 者 知 玉 誠 雖 曰 握 乎 ?」先 動 有 0 : 妖 纔 日 「亦 ? 乎 髮 孽 象先問 知 石 卒, 知 : 祁子 得 兀 叶 也 『沐 只 不 生 無 容 體 哺 在 沐 日 或 適 浴 日 此 0 蓍 漢 浴 : 子 問 有 便是 妖 禎祥、 龜 佩 高 佩 誠 雖 孽 孰 有 之躡 四 玉 玉 善 禎 禎 禎祥 則 有 體 庶 則 1者矣。 祥,容 妖 祥 反 石 執 上 子 兆 足 孽 是。 之見 祁 親 六 便 0 妖 輟 之喪 子 至 或 Ŧi. 人, 口 洗 孽 此 若 蓍 以 見 有 誠 何 等 1 只 此 龜 兆 得 怎 而 不 皆沐 處 所 謂 處 便 沐 善 麽 見 唯 麟 的 以 是 如 衛 浴 如 者 浴 得 是 鳳 禎 爲 衛 周 佩 能 人 矣 ? 之 公 祥 佩 至 龜 玉 後 前 石 ;

■ 「誠」,原脱,今據四庫本補

物爲禎祥,灾異之類爲妖孽,淺亦甚矣。不

待

至

誠

人能

知

之。

太學 是。」 榮 要 謂 便 有 程 極 那 的 見 甚 或 做 做 然 賢 淳 緊 得 時 個 心 難 看 者 時 易? 不 顔 專 切 安 在 心 聶 舜 熙 斬 有 ? 得 子 他 生 在 蘄 何 哂 時 故易耳。」先 顔 邪 我 謂 與 是 個 己心上, 巷 人 專 夫 蘄 子 不 何 孔 也 老 中 肯作 人 生 謂 友論 嘗 子、 等 ? 友 栖 個 亦 誰 説 剛 孟子 戲 聖亦易 恁 隨 子 朱子,又安知 在 却 來,不 吾輩 信 作聖 毅 生 的 答 日 何 乎 難。 他 乾、道 聞 日 志 爲 今日 人 爲 之,日 是 也? 向, 之而 因 吾 事 得 看 天 念 老兄 輩 要 友 却 舜 你 時 限 : 及 問 元 去 己。 今明 有 是 也 的 友 專 定 弟 怎 也 挖 爲 此 個 ? 模 春 謂 生 栖 若 有 麽 者 時 語 那 怎 剛 樣 秋 個 昔 他 顔 亦 便 聖 聖 知 作 説 麽 是 周 在 若 子 没 戰 人 我 便 得 便 聖

今已亡矣,惜哉!

上 此 重 亦 一、怎生 先 可 謂 生 能 日 便 行 能 所 胡 輕 學 賦 得 矣。 這 利 如 口 這 此 能 等 ? 不 處 責債者之償 非 是 見

快。」先 謂 門 能 不 者 有 日 可 得 : 諸 可 克 與 樊 遲 此,你心 爲 這 子 己 吴祐 這 看 工夫, 生 的 他 中 便 來 般,子 正 病 日 云 纏 是 只 : 痛 的 你 縛 不 是 自 道 的 大 正 適 T 爲 張 各 只 快邪 , 病 路 是 見 自 這 人 便 亦 痛 許 會 各 己 舉 各 有 便 你 通 子 人 私 象 業 人 是 得 都 先,道 的 張 上 便 纏 你 一克治 偏 要 有 的 縛了 的 頃之,吴 個 在 處 病 及 克 整 這 病 痛 人。」 聞 先 裹 頓 痛 之心 懋 生 Ι. 整 先 祐 教 便 遲 如 夫。 頓 生 甚 自 聖 亦 便 學

名 生 來。 日 : 吴 祐問 若心下 好 名 亦 人 思 不 稷 心下多是 妨 只 但 是 不 個 知 好 養 你 名 民 心 的 如 下 何? 好 契 甚 先 只 麽

若 是 這 也 個 無 只 個 是 名 教 ſ 空 民 之 空 的 所 慕 名, 以 個 然 怎 名 上 麽 不 求 便 肯 能 則 下 千 得 手 萬 之 去 世 未 做 不 嘗 泯 却 不 ? 連 名 把

字。」 是 來 不 仁。 講 П 要 纔 然 學 郭 先 好 祐 此 亦 否 先 林宗傳》不 作 ? 生問 難 問 生 0 祐 用 日 祐 : 先生日 須 : 心 以 對 未 友 古 明 是 日 미 免 輔 人 相 因 : 不 : 猶 仁,必 以 「近 近日 事 看 不要畏 有 文 善 日 所 會 在 誘 須 只 疑 監 友 是 是 漸 難 中, 先 有 便 會 漸 這 生 這 可 得 與 亦 志 日 化 輔 幾 朋 去 向 : 篇 得 處 友 得 的 這 他 却 吾 亦 文

然 處 爲 古 後 此 是 使 人 有 正 章 詔 主不喜 以 經 便 問問 投 的 不 其 道 是 「伊 近儒 説 理 如 ĴΙΙ 此。 但 臣 如 諫 婉 __ 折 哲宗折 必 先 轉 柳 是 生 處 事 先 日 却 柳 有 他 : 事 「伊 以 定 開 是 温 使]1] 其 有 明 所言 公以 委 道

> 得? 其 111 於 白 愛。 曲 自 何 委 大 미 但 玩 明 妄 説 O 曲 姓 若 在 親 想 必 自 0 可或 明 道 當 折 天 也 經 親 的 謂 是 道 尊 的 意 地 筵 初 了 如 折 先 這 折 必 生 大, 在 此 這 民 心 思 當 了 把 柳 柳 以 萬 翰 事 枝 愛 婉 之 而 師 枝 那 誠 林 物 轉 略 始 物 手, 蘇 事 便 道 方 柳 意 時 説 知 窺 正 軾 處 死 没 春 枝 感 愛 來,哲宗心 用 測 傷了一足,怎 進 如 道 亦加 有 悟 取 時 欲 物 得 過 説 人主 也 生意了。 人主, 在 發 之心 幾 坐 數 却 靳 伊 手 生 講 分 年 只 生 侮 中, 111 牛 悟 工 是 萬 下或亦喜悦 然 生 反 難 道 夫 得 直 民 意 請 正 事 亦 麽 惹 説 來 也 過 説 不 盎 哲 君 哲宗 便 如 也 來 般 宗 以 自 孟 知 亦 行 今 然 也 敬 伊 把 惡 覺 動 子 則 如 欠 H 口

0

隆本乙正。 「麽便行動得」至「亦不知如何」,原在本段末,今據站

七二

爲 主 前 愛亦 不 可 缺。」

是 的 忘 問: 爲己 或 至 孟 如 的 地 爲 曰 這等看 ? 是 尋 今好 的 子 於聲色貨 ,這文亦 意 程 一者以 得這 對 説: 思, 根 伯 侍 有 體仁的 先 何 朋 作 子 淳 御 天 生 來,定是還 但 必必 所 友講 根 詩 在 的 御 會忘 今 地 日 過 不 子, 利, 有 的,這 那 工 學 萬 H 史 至? 後 論,或 一夫,遇 事 裹?! 「只是 纔 物 是 爲 了 來 便 焉, 下 好 極 爲 的 見 詩 忘 有 0 是 是 斬 粗 這 而 着 先 先 個 了 亦 個 問 對 尚 體 淺 程 斷 便 勿 相 生 生 忘 仁。 會 着 勢位 莫非 的 伯淳 如 是 正 講 的 談 忘 纔 日 書 何 ,心勿忘 伯 根 時 他 學, 先 更不 他 不忘 了 册 亦會忘了 的 亦 覺 子。」問: 的 淳 仁 己 不 官 消 學 之 了 先 或是察 嘗 也。 自 多着 好 生 説。 問 學 須 生 説 也 有 作 謂 認 是 是 曰 振 來 也 故 吾 這 故 文 須 得 恁 之 發 因 要

> 養 仁 説 以 的 ; 體 體 氣 念 體 仁爲 以 慮 仁,義 集 皆 如 事 義 是 何? 乎 亦在 爲 有 ? 事 事 其 問: 曰 勿忘 中 . 故 孟 矣。 予謂,侍 的 集 子 得 \perp 説集 夫。 義 御 義 便 今 故 先 是 日 孟 能 生 亦 子 體 只 説 必

然 言 説 獨 知近 是如 言『知遠之近』云云,恐 淡 個 下 話 I. 而 夫。 見他 戒 此。」先生 面 易泉問: 厭 亦 便 慎 • 有 子 繼 恐 不 前 見 是 以 懼 曾 日 : 「 他 子 日 智 有 的 是 亦 思 個 工 句 曾 言『淡 有 明 此 勇, 夫 就 與 個 的 只 又 説 又 口 鄒 誠 資 好 加 而 盡 繼 位 的 東 質 就 謹 不 T 以 資 育 郭 T 資 獨 厭二云 的 質了 九 得 説 質 工 纔 經、五 一夫,亦 天 來, 上 如 好 ; 地 説 云, 首 聖 加 知 50 達 章 賢 慎 遠 如 只 又

2

⁰ 知,四 厭 上 庫本作「之」。 疑 脱 不不

多 手 做 道 條 的 得 又繼 去處 理 這 工 以 ?!!泉 不然,只一 夫。 誠 明 故 日 ; 説 : 然 個 句 又 何 慎 説 必 不 獨 須 T 下學 要 下 中 個 説 間 好 1 怎 便 ? 資 自 麽 質 得 有 日 纔 下 許 :

恐

諸君

就肯

用

工

夫

也

嘗 不 平 是記 父母 我 意 毋 何 有 後 們 思 説 能 ,於是默 寧 ?」先生日 濟 來,孔 使 於於 什 之於壁 便 有 兀 然, 不敢 初 人 有 無 人 容,德 生 容 却 門 想 有肯 何 放 以 見 與 我。」生感之, 却 教 先 :「《書》不云: 所 自警。 先 天 强 適 把這 生 乃大。」故 生,問 地 不 制 容 理 容? 只是求仁 住 話 忍 事 般 他 了。 之 時 與 日又 説 君 無 於 有 我 É 遇 先 説 子 遂止。 : _ 人投書 事 事 來見,云:「 必 毫 生 的。 「非 寧 多不 何 知 有 欠缺 使 日 所 得 是至 遂歸 忍,乃 : 我 能 這 然 心 不 容 忍, 忍 我 甚 親 但 仁 心 先 的 聞 克 終 以 ? 不 不 如 如

> 智 識 人 狹 1,必先 於千 隘 耳。 T 里 有 便 外 無 並 矣 天 生 地 故 之仁。 覆 予又 載 每 氣 故 象 説 今 舜 日 訑 好 訑 亦 問 聲 惟 好 音 察 在 之 默 拒

僕, 自 故 在 待 如 勾 會 事 輕 發 0 物 有 者 象先 車 不 到 如 不 不 差。 就 何 相 中 庶 如意, ? 上先 熟路 問: 湊 節 乎 或有 合 不 矣。」 不 若 雖 謬 平 生 謬 預 强 日 居 二差 但 也 先 制 : 無 纔 ? 「這 想 不 事 臨 處, 個 怒,未 若 之 處 事 接 演 時 致 還 便 習 得 人 是 免猶 别 想 待 中 行 不 所 之久, 物 T 曾 有 就 以 致 臨 怎 意 接 是 中 能 便 事 思 奴

盜 般 賊 八只知 的 先 生 曰 尋 如 : 那 「爲 獵 個 뾆 政 拿 以 有 賊 除 本 盜 田 有 害 的 末。 一,只 喜 不 如 去 那 江 究 能 上 盜 驅 那 牛 狐 賊

❶「什」,乾隆本、四庫本、嘉慶本作「釋」

兔的人,却不去求那絶狐兔的法也。」 •

得此,便是上手工夫矣。」 時,便自提掇起來,却不好 心未免有放下的時候。」先 須是時時想着纔好。」曰:「但精力不足,此 下便想着。」先生曰: 處否?」一生對曰 先生語諸生日 「聞先生教後 「不但在燈窗下想着, 「近日做工,亦有下手 也。」 生 日 又曰:「如能 ,每在燈窗 「纔覺放下

涇野子内篇卷之十六終

涇野子内篇卷之十七

鷲峰東所語第二十二

門人襄陽劉鸞録

覽 乎 接 誘 禽 能 使 雨 ? 乎 持 得 便 由 晦 楚 自 循 自 常 冥 是 鸞 故 人 常 問 爲 省 而 全靠 也。 獨 + 如 悟 至 外 坐 此 也 聽 予,秦 誘 師 似 閉 月 所 聖 先 友, 户, 於 横 奪。 賢 生 道 + 渠《六有銘 則 頓 人 講 可 理 求諸己者 覺 也。 奈何?」 先 學 論 日 有 此 而 焉能 會 時 心 期 至 合 覺 虚 當 乎 ×, 處 便 有 明 聽 ? 常 生 不可 ~,若 八凡 懈 講 所 常 日 但 惰 興 講 可 恐不 不 有 以 一孟 起 上 觀 常 陰 外 論

> 倦之日 非 獨 盛 無欲 但 達 甲 無 欲 聖人也,吾不信矣。」 科烜 坐 恐 艱 又 人 不 不 可 竊 難 皆如 市 赫 謂 可 知 作 不同 拂 之榮,文 便了 朝 是 亂之時 一日 月 時 否 此 矣。 1?」先 也。 或 聖 號房之獨 人,終 有欲 無欲 故 繡 子 白 聖 俊 生 如 則 刃 人無 雕 可作一日聖人,一 身 日 顛 視 坐 之美 無 與 : 沛 金 也,人雖 人 「有 閉 欲 之際, 革 而 財 户 便是終身 志之言 百萬之衆 不 獨 貨 無 耄耋 坐時之 充 日 欲,一 子之 積 也 聖 月 昏 之

不 問 稱 日 是 然今之學者若能 之日 耻 求 能 『君子去仁,惡乎成 問 ,夫子便喜之。 上達境 乎 賢; 此 顏子簞食瓢 子路、 界。」 可 以 衣敝 先 於貧富 塞 二者 生 天 緼 飲,不 日 袍 名?』故 地 關 雖 而 與 頭 所 改 此 輕 衣 擺 造 其樂 是 王 今日 狐 淺 脱 第 侯 貉 得 深 只當 矣。 者 夫 去, 不同 件 立 子 故 便 便 而

貉 世 若 於 能 有 得 處 更 須 論 他 個 館 瓢 狐

權 權 聖 品 所 以 ,於己 門 皆 耶 到 聖 題 處。 諸 聖 門 問 口 弟 諸 門 求 猶 若 不 子 弟 諸 孔 而 能 無 子 知 弟 子 雖 至 益 審 品 孟 子, 説 也 是 此 題 禽 若 評 不 可 則 今 品品 論 如 若 與 申 日 古 何 題 先 共 ? 可 乎 今人物 損 品品 學 與 己 之立 先 題 立 至 生 便 在 耶 然 肯 己 日 口 顔 ? 近 0 求 與 曾 於 可 밂 己 與 權 之 之 方 其 與 題

字 於 體 識 行 純 , _ 司 權 此 也 亦 不 贵 義 不 間 與 已焉。」 。」末乃 非 口 共 君 以 程 以 學 子 自 興 子 法之, 日 章 又 漢 王 於 日 云 而 道 逝 下 有 自 耶 者 ? 天 自 自 强 聖 如 德 漢 不 漢 人 先 斯 便 息。 不 以 以 生 可 來 作 來 章 日 語 及其 : 云 故 儒 無 王 程 道 者 不 人 至 皆 子 可 識 此 也 指 又 以 權 不 道

> 玄談 謂 高 當 其 有 全 漢 遂 然 識 高 體 以 此 將 後 後 至 論 意 數 學 無 極 者 代 去 不 人 處 乎 躬 權 知 也 而 ? 行 與 立 言, 君 王 言 自 若 子皆卑忽 道 程 本 就 益 子 意 漢 遠 發 人 乃 0 此 中 之, 若 大 論 論 愚 而 但 之, 雖 則 馴 推 不 騖 爲 贵 演 於 至 敢 太 無

門 禮 且 觀 礲 施 復 而 力 日 禮 顔 於 其 得 如 天 甚 由 子最 人。一 問問 見 爲仁。」 問 實, 人 難 此 下 大賓 乎 仁之時 : 象 歸 仲 哉 有 只 仲 象 Ш 弓 精 又 此 弓 馬 山 使 想 神 不 猶 發 便 精 民 至 _ 云 像 及 露 罷 既 仲 如 下 神 之言 用 顔 也 其旨, 也 克克 力 弓 又告之日 承 不 子 問 宜易 大 及 爲 己二二字 幾 此 顔 祭。 日 顔 人 説 子 於 子 最 夫 今反 **—** 精 : 捕 如 己 子 有 風 何 神 用 所 爲 但 日 精 日 以 捉 高 不 工 答 神 克己復 爲 影 欲 由 却 先 既 克 然 難 矣 生 出 磨 勿 己 用

者 有 在 非 幾 仲 比 易 於 弓 所 亦 擬 不 事 倒 精 是 及 説 神 就 賢 故 乎 不 思 顔 E 及 雖 齊之則 用 冉 分 且. 用 功 面 克 如 力 頭 可 只 己 見 宜 £ 也 當 難 説 敬 如 就 承 恕 也 今 0 爲 賢 反 勿 故 乾 比 以 施 學者 道 擬 等 爲 於己 易 語 坤 不 當 不 道 亦

傞

僛

僛

之徒

矣。」

載 亦 俱 德 曰 在 言 矣。 無 宗 者 義 必 亦 問 所 行 廟 似 恂 就 若 用 實 朝 恂 誾 其 臨 便 尊 廷 只 誾 孔 是 重 便 讓 口 古 子 非 者 處 施 也 是 不 於 利 論 於 須 便 害之 鄉 然, 若 鄉 之, 便 着 黨 恂 黨 若 際 便 不 恂 恂 恂 陷 鄉 恂 知 處 處 却 怕 黨 於 是 僚 也 如 於宗 當 中 否 持 須 友 也 長 ? 時 大 便 禄 廟 門 幼 似 便 夫 先 古 朝 卑. 人 不 尊 生 記 寵 廷 以 能 如

是 醉 問 而 不 出 鄉 人 飲 屢 酒 舞 傞 杖 傞」,『 者 出 屢 斯 舞 出 僛 矣。」 僛

> 聖 立 口 之 於 人 流 亦 監 應 俗 或 何 乎 佐 ? 如 之 處 其 史 ? 温 , 先 不 良 苟 生 恭 飲 日 儉 也 格 古 人 可 處 人 以 飲 聖 自 酒 無 人 傞 既 而

賤 問 須 畜 有 馬 之心 。宣乍 問 言 問 : 及 『廄焚。 於乍 馬 忽之際, 學者應酬 也 - 忽之頃 こ先 古 生 子 事 應 從 退 日 物 如 : 朝 若 容 此 此 時 日 從 正 不 若 傷 理 觀 須 上 稍 人 論 聖 做 從 乎 人貴 矣 ? 去 容 人 便 亦 不

者 此 先 動 望 意 起 自 不 又爲 致 生 却 兩 不 勇 肯 疑。 日 往 心 知 徘 私 : 否 直 徘 「此言 徊 於此 意 然 矣。 前 顧 徊 纔 牽 望 略 顧 扯 説 致 故 是 望 不 要 欲 疑 見 非 不 個 成 流 得 極 得 則 不善不 甚 滯 明 是 了 必 的 己 ; 白 非 於 足。 若 私 後 能 是 所 要 莫 意 只 者 不 不 慮 成 不 却 善 口 不 知 者 就 是 是 肯是, 直 是 不 欲 善 徘 前 否? 己 消 心 徊 萌 私 否 勿 如 顧

一七八

便 能 是 善 脱 兩 陷 相 阱、 阻 登雲 礙 ? 霄 如 處 看 也 見 此 關 刀 斬 斷

夫 處 品 處 以 志 子 不 道 則 立 題 有吝言矣。」 猶 問 在 以 ·使失 於 到 不 己, 道 權 免 先 亡, 俱化矣。 此 有 耶 生 是 便是 ?」先 得 云 要生實 失存亡之時 品 立 題 如 生日 一得; 聖 是 下工 門諸弟 : 而 到 不 一夫意 不 纔 可 不 知 覺 子 與 識 其 乎 權 得 得 如 今 不 者 處 但 若 處 何 存 存 則 先 口 知

天 待 於己 如 勿 曰 如 上 施 渠 承、 承 客 意 實 問 亦 意 既 而 是 孟 思 知 未 此 克、 「夫子告 前 此 是 禽 又 能 私 而 又有 而 是 不 及。 意 復, 克 · 是 塵 私 顔 責 便 但 意 又 而 淵 成 中 在 了 日 當 復 他 仲 此 人。 用 亦 何 下手 人 弓 循 行 是 如 待 天理 爲仁二 而 事 此 下 去之。 己, 上之, 手? 頗 是 顔 亦似己之 有 條 一個 淵 如 如 不 先生 不 比 見、 欲 見、 天 是 擬

> 賢 理 愚 不 分 今 古 私 意 無 兩 個 私 意 大 别

《易》 器 别。 眇 則 天 白 灑 二事 天 然 理 掃 之軀 此 今孟 云 又 理 看 問 應對 不 在 例 曰:「上下 自 是大 形 「下學人事 以 蒼然之表 禽 之, 隨,孟 是 而 欲 爲下 其 是 樣子 上 舉一 然, 如 者 禽作 也 只 何 耶 以以 _ 謂 必 ·, 上 樣 ? 是 之道 有 處 事 爲 孟 子。 達 精 所 爲 殊 上 禽 天 神 以 也 樣 無 只 先 形 理 顯 子 然』之言 在 生 高 而 把 微 者, 人 卑 日 下 請 字 事 : 難 者 只 事 先 樣 上 謂 易 是 看 極 程 生 之 把 如 在 明 子 舉

易, 疑。」 便 孟 禽 神 亦 未之 先 問:「 妙 無 生 不 甚 聞 日 聖 測 動作, : 耶 人 也 ? 舊 ? 過 然 講 化存 蓋 須 四 舜 舜 有 舉 海 神 湯 此 臯 九州之不仁者,皆 舉 如 作 陶 此 何 湯 用 心 處 舉 所 伊 極 存 請 尹 主 破 事 簡 此 處

所 明 乎 見 誰 段 諸 之 神 明 時 且 化 ? 化 蔽 子曾 故 舞 使 不 而 而 君 而 貌 之 邪 不 足 章 之 不 爲 雖 必 其 昧 然 以 如 有 之 仁 能 莊 治 0 天 知 此 哉 英 謂 用 便 凡 而 或 0 漢、 賢 其 地 ? 神 其 雜 (賢,縱 可 所 又問 無 壇 唐 賢 却 蓋 惟 觀 謂 惰 霸 之 0 没 帝 天 過 容 舜 神 或 : 時 此 或 這 王 地、 化 雜 化 此 心 湯 知 不 廟 個 存 夷, 雖 者, 舉 帝 必 可 之, 能 舉 乎 神 有 臯 王 至 肅 以 ? 難 知 鬼 又爲 臯 處 陶 過 反 而 與 此 陶 當 陶 觀 而 無 化 帝 意 伊 ^ 私 其 伊 伊 舜、 存 雜 易 無 王 尹 意 人之之 尹 尹 神, 念, 漢、 **>** 奚 私 比 湯 親 的 倫 之 不 是 或 幸 唐 至 比 鼓 手

善 之 指 使 出 則 然 問 本 古 原 則 今 者 孔 末 子 世 而 孟 教 己 子 人,多教 資 矣 則 質 直 似 敢 指 就 不 請 言 事 如 之, 何 E 前 説 用 如 ? 功 以 以 先 爲 爲 鮮 生 性 時 有

> 就 子之 之言 之言 有 孟 則 淺 爲 非 不見 日 就 臨 孟 乎 事 殊 禽 途 事 ? 道 因 子 時 事 上 無 事 道 之 用 上 本 人變化,性 發 純 H 無古今之别 今就 則 在 學人於玄矣, 用 功 原 見 於 用 孟 其 功 也 化 功 禽之 中 則 其 ,就要見 岐 也 夫子 大之 矣。 時 爲 今就 心 在 在 蓋 事 兩 之神 其 性 發 其 説 其 中 孟 不 本 中 在 恐 明 有 矣; 化 子 幾 其 亦 原 處 亦 非 聖 不 之 之 中 浚 乎 ; 有 惟 賢 賢 可 散 學 遂 本 隱 恒 看 之 不 謂 人之言 見 識 原 以 矣 平 致 孔 可 異。 孟 處 ? 爲 其 上 也 不 孟 謂 子 有 本 之言 但 之言 故 亦 孔 聖 不 得 欲 粗 人 孔

言 功 功 色』二句 處 處 似 問 又支 足 是 否?! 見 便 離 曾 大 是 用 先 學 誠 將 心 **>** 生 意 謂 所 下 日 T 謂 手 如 起 學 説「 惡 慎 頭 也 惡 獨 用 慎 臭 功 獨 但 只 與 是 是 如 有 誠 起 起 好 外 意 頭 頭 料 好 於 用 用

獨 好 善 必 惡 好 惡 必惡 邪 ? ,就是慎。」 故 念 慮之起 覺 得 善惡 就 是

生日 體 罔 言 之報,非言神也 時 也 『天下豈有 :「和平之助人,不 恫」, 問:「先生云『神之聽之,終和且平』有 如《大 若有怨 雅 不和平之鬼神?』此殆言其 • 恫 思 處,便是不 齊》篇謂『神罔 惠於宗工,則有怨恫 和 平矣。」先 時怨 神

福矣。 錫」、『斯祜』,不可以私庇言,不然,則『及爾 言,不然,則『在帝左右』當 《詩》、《書》矣,明 别?」先生 烈祖,有 福 日 澤,是後世神怪之説 『若以爲文王既没,在帝左右 問:「 是 秩 故『於昭』、『陟 先生於《大雅》『文王在 曰 斯 枯」,『及爾斯所』者,其 通 乎善惡之旨者,可 於天 也。」 人之學者, 降』,不可 然如 列位次 (所謂) 一,子孫 上 矣,『 以 可 與 形 以 何 論 嗟 篇 其 申 象 以 禍 讀 嗟 有

> 甚 成 斯 王 子孫不能繼 王之道,凡命之惟新者皆以 也。」 所」真 之 湯之德,凡錫之無疆者皆以 福 澤, 非 户 恐 述先王之道 解 先王之福 矣。 知 乎 德 此 澤 前 此 則 不 也 徒欲 此 如 於 斯 也。 昭乃 此 憑 枯 私 藉 後 先 之 文 世

涇野子内篇卷之十七終

涇野子内篇卷之十八

鷲峰東所語第二十三

此

牽附。」

門人祁門謝顧録

學成。」 是禮 問 生於鷲 行束 學,曰 焉 脩以上』,學者之禮。」先生笑曰: 壬 峰 辰 以 : 東 八 幣爲? 吾不能 「聖人教人只是立志, 月二十一日 所,先生却 其 9 幣,顧 顧 依本畫 與 叔 跪 一葫蘆 應 日 志定 熊 : 也。」 拜 「自自 謁 則 即 先

周公没而傳泯焉?故夫子惓惓念慮,惟欲者,豈以堯舜之道傳之禹、湯、文、武、周公,問:「夫子『吾衰』之嘆,獨歸夢於周公

其爲 也。 孟 繼 子論 周公以 東 周 公生 周 承 乎 續 \equiv 成 聖之意,蓋指道 斯道之行乎?」先生曰 西周之治,孔 傳道之論雖 亦有 子夢 在 人 理,不 周 臣 一:「此 公 者 必 而 如 吾 亦

正傳。 夫匹 取,況三人乎? 心。 孔子,以 善亦在所取,況三人乎?」又曰:「此道 否?] 先生日 行 則 吾心不虚 婦不獲自盡」,雖民主罔以 問:「《易》云:『三人行則損一人,一人 得 前乎孔子,樂取 能問 其 友。』與『三人行 於不能者,此也。 :「彼言致 ,則雖千 吾心若虚,則雖一二人 於人者,此 萬 一也。 人有 必 成功矣。」 不然,則『匹 雖然,只 善 有 亦 也 我 在 師 後 學之 所 要 乎 有 虚 同 不

千 令有諸 無 先生曰: 己? 事而 非仁也。 象先 「學者開 日 故 口 經 學者 便 禮 説 \equiv 在 仁,怎麽 百 隨 處 曲 體 禮 便 能

之功 則 得 得 之。 時 纔 活 見得 潑 日 潑 鳶 地 正 飛 是。 魚 然 躍 學 鳶 無 者 飛 往 須 魚 非 要 躍 此 用 無 參 往 前 非 倚 此 衡

爲 哉。 畢 問: 心 不 與 不 人 心 日 , 與 肯思量 之所 人,問 當 天子者 也 亦 與 ? 無 蓋 問 某嘗 日 何 人物 故 舜 仁 得 謂 : 於 人 有 「以以 也 同 去 毫 者 已 説 若 有 也 耕 某 爲 故 處 私 ? 以 也 善 不 稼 顔 嘗 者 他 此 能 意 天 其言 相 必 謂 子生於千百載之下 亦 曰 問 節 問 間 今學 取 地 更肯 干。 大 若 : 與 於 於 隔 日 舜 之於己,己 萬 「舜 舜之大智 是 陶 不 於 者 其 好 物 生 漁 之大 能 其 問 有 只 於千 爲 舜 何 • 中 問 人 不 是 何 等 9 智, 如 邪 得 於 白 體 見 人 有 無 相 激 何? ? 載 其 在 也 不 善 止 類 元 之上 昂 所 朝 破 物 欲 0 顔 必 是 者 夫之 子 這 先 子 皆 推 並 處 易 貴 之 講 就 之 泉 生 個 何 個 非 以 生

> 焉 自 之 微 顔 的 泉 如 好 不 到 學, 子 察 不 何 畏 地 日 的 者 ? 此 亦 . 位 也 遷 爲 須 而 未 與『不 等去 日 怒 舜 有 又 提 免 至 自 : 此 何 的 醒 有 於 進 他 處 言 敢 遷 心 此 此 計 而 孟 亦 人 纔 日 怒』 亦 心 故 較 上之, 視 子 略 好。 人 的 卒 有 之, 司 果 見 觸 意 則 能 爲 乎 有 又 就 犯 ? 思 日 者 如 個 問 是 他 定 舜 亦 欲 於 孔 日 把 故 若 他 **三犯** 並 子『不 禽 説 我 舜 是 自 生 뾆 等學 孟 做 然。 不 哉 ? 而 又 子 較 個 尤 不 奚 不 好 顔 顔 爾 顔 不 較 擇 及 子 問 口

之? 隱 諸 日 曰 : 絶 外 莫 望 問: 此 聖人 顯 如 見 甚言見 乎 + 内 過 遽 微 目 内 外 以 自訟 改過之難得 所 合 絶 能 視 望 訟 之 於 初 + 學 無 門 必 手 也 形 人 能 爾。 所 0 迹 改 指 何 有 著 也 也? 諸 見 中 莫 夫 子 見 先 誰 必 乎 當 形 生 知

寺中 倚 萬 乃大」,不可 先 成 曰 \Box 學。」 物 生 地 : 章 爲 位 日 在學者 爲 下宣之, 一:「志 月 心 學 未 二 十 一 莫 免 固 褊 自 學 良 大 爲 無 隘 脩 必 友 於 習 不 日_, 以 也 可 顧 立 俗 固 聖 又 當 顧 所 志 與 若 人 對 奪 如 移 之日 亦 初 日 可 0 是。 鷲 先 莫 學 到 先 峰 夜 先 未 然『有 爲 生 東 切 於 到 生 期 日 所 磋 中 慎 以 請 容 庶 立 交。 天 顧 然。 教 幾 地 德 對 不

之自』 是 及諸 厭 生 語 、 之 毀 個 簡 日 録 友 如 而 譽 君 + 餞之秦 以 亦是資 文, 何 是 九 ? 智、仁、 其 非 温 日 天 淮 必必 先 而 9 質 下 陳 寺。 生 理 自己之得 勇講資 子 生民之安否 亦 日 虚 子 : 是 亦然。」 虚 學 胡 凡 質 日 問問 儒 失 事 : 恐 又 道 必 昌 問 不 如 告 我 有 四 親 積 歸 嘗 所 夷 淡 切 昨 説 自 之 知 而 先 日 叛 先 生 雖 風 如 不 看

妄意 乎 服 惟 積 以 請 礙 昌 曰 日 通 有 無,察地之污潔,容 今日餞二友於寺,亦必 如 知 誤?」 之,則 ? : : 其 0 又 時 同 何?」先生 積 也 ,百官之違 使先不 日 情 發藥,豈 飲 又 曰 這 未 看 問 夫豈 : 乎 曾 般 程 又有 來 獨 ? : 説 早 看 惟 藥 必 亦 爲 因 還 昨 見 你 日 先 時 順 慎 速 但 可 之謀 與 人 不 見 脉 程 曰 : 不能 生 其 帖 與 老 緊 德 過 固 人謂 惟 笑 如 要 先 又 風 必 我 以 人之多寡 時 則 日 然,然 生之,將 何 端 如如 脩 生 門 促 ,意之發 與 或 如 : 先 知 劑 自 之 章 而 其 爲 使 請 如 遣 得 此 乎 吃 知 納 論 宣 往 他 何 不 客 人 病 乎?」 喻 Ė 略 之 於 ,然後客 反 動 天 知 必 人 相 然 來 更 而 或 看 害 我 先發 先 病 處 下 類 後 視 親 口 先 於 之死 室 脉 就 不 的 惟 以 客 行 此 切 此 證 帖 是 治 默 强 用 時 我 從 之 寧 無 而 候 行 答 問 有 起 藥 昌 之 其 不 室 如 能

明 知 大 器 白 贵 日 獨 講 口 先 畢 此 先 邪 處 ? 上先 亦 生 見『欲 徹 饌 生 分分 並 曰 : 生 散 哉 這 群 意 段 僕 議 昌 論 積 尤 覺 謂

十· 一·

月初二日

先生

召

顧

語

日

:

「昨

日

故 矣。」 窮 爨 麽不 生感 所 廬 七 謂 曰 就 顔 月 有 講 H 自 下 子之『不改其樂』,孔 袁 間 見 廷仁對 志 看 發 何 恐 然 勞 之苦; 廷仁 來 者 手 卓 興 古 流於反復,涉於雜冗。」顧對 筋 其 「。」 先 君 做 然 起 人 骨 僕 日 來見,問:「宣之在 I. 子之學,惟 爲 處 做 未 顔子 病 : 生 夫,聖 聖 多。」先 I 孔 且 曰 嘗見 爲 非 危 : 賢 亦 明、 賣 「宣之甘得貧 無 生 從 的 其 宣之 地 淵 重 才 日 人? 飲 位 明、 有 明 也 平 : 獨 亦 食 愠 非 内 淵明之所 而 衣 處 不 諸 色, 遇 京一年,亦 無 而 簞 難 服 纔 生 才 已 口 瓢 ,受得苦 到 室, 上 也 感 感 日 以 陋 做 前 發 發 : 以 先 躬 巷 爲 怎 起。 時 諸 獨 生 之 草 執 難 口

> 處,皆 E 者 雅》徹 起。 爾 其 此 某 ,犯分不 志有 處 最 云, 所 要見 顧,都 在 季 • 得 氏 食 八 只 則 無 是 佾 能 求 耻 舞 守 飽, 恶 於 得 衣惡 庭 居 無 食 求 家以 安 念

之 斯 也 甚 以 孝童至真之情,豈 幼 佐 乎 矣。]廷仁曰:「三代以上 生 紀傳 宗桃 ??」先: 曰 : 不 奉其 年 良, 忘 則 其 可 廷仁 不 不 方十 其 「年と 親。 親 爲 及。」廷仁 存 生日 之 至 問: 矣。」 過, 始 亦亦 所 四, 誠 雖 + : 托 由 難 之 其 不 日 四 天下 親 有 考。」廷仁日 發 母 日 後 能 可於此 無 病 道之後 病, 乎 : 必 嗣 雖 所習染 「於 有 而 ! 其 之 即 然 己 爲 所 親 又索 道 有 於 近 如 親 此 而 之存 承 此 不 脇 : 是 H 病 無 論 過 亦 爲 事 下 連 身者親之枝 所畏 亦 割 之, 事 不 乎?! 乎?」惟 過 割 平 而佐之心 根 股 之 重 乎?」先 肉 則 有 避 於 其 變 爲 天 日 身, 塊 爾 性 其 楊 调 口

子 心 漿 與 載 數 節 身 聖 身 口 親 而 \Box 之於 與 其 前 也 不入口,子思以 忘 易 也 王 之 則 體 易 制 死 親 事 其 亦 殯 夫楊 方 親 也 抑 禮 也 歸 不 過 斂 雖 先生 能 之 以 爲 寧 可 於 作 哭泣 佐之事 而 厚 而 防 棺 常 戚 中 有 之 歸 其 曰 : 使 天 槨 本。 於 而 禮 棺 踊 退 下 戚 使 爲 \neg 中 使 衣 所 槨 辟 之 亦 今既 然 割骨 非。」 制 不 進 道 衾 以 情 寧 精 專 其 亦 不 恐 戚之始乎?」 曾 昭 哭泣 誰 其 爲 頃 養 不 又懼 不 制 能 之, 子 喪 親 其 爲 衣 其 爲 之本 禮 之主 居 衾 有 得 而 過 過 譬 又曰 其 喪 法 時 口 之喪 於 而 如 本, 七 ? 常 安 蓋 詳 踊 慟 苟 日 親 寧 言 禮 其 子 喪 其 是 辟 而 喪 戚 之 人 水 故 其 於 度 心 喪 亦 有

而 口 者 何 惟 其 ? 時 行 問 先 慤 生 而 先 日 直 生 其 嘗 得 言 論 聖 簡 尹 門 彦 而 之 明、 易 正 傳 朱元 若 者 朱子, 尹 晦 子 不

> 信 之 字。 親 肅 爾 者 自 正 可 程 於 正 大 而 無 ,故其言 叔 掬 上 而 如 抵 亦 不信 頃之, 何? 反不 必 春 故 嚴 邪 如 人 未 則 悪 ? 温 或 此 毅 啓 雖 免 信也 ,畏惡 也。 多, 等 問問 處 也 嘆 先 安 峻 大 人 説 之, 多 感 日 生 則 石 厲 論 僞 秋 話 : 生 日 人易 輩 起 人 學 後 則 至 殺 則言之人 之 凡與 見之 世 之 多 日 於 亦 皆 明道 而 也 諫 議 聞 諫 則 人 人言 望 而 議 未 其言 平 君 人 人 爲 而 顧 多 必 生 人 深,不 聞 畏之, 「,貴 人, 問 必 則 不 敬, mi 所 之 也 : 無 不 見 春 盎 嘆 學 而 難 愛 離 嚴 信 求 朱 服 然 何 温 將 必 之 其 厲 子 格 於 春 唯 以 而 畏 欲 信 而 之 與 致 陽 賤 人 此 至 見 之 取 畏 调 於 君 秋 誠 必 而 几

問 又 問 工 :「今人不能 夫。 問 立 曰 志 先 程 生 子 立 日 云 : 如 言 『其 何?__ 人 要 便 只 日 以 在 聖 慎 學者 爲 獨 志 只

都 惟 是 立 富 來 時 貴 或 還 講 畏 起 須 有 人之 也。」先生笑日 從 許 : 志學 多 「今人 非 病 笑, 功夫上 痛 非 或 惟 如 牽 :「不可 起。」 何 不 扯 學 教 於 立 他 利 如 做 欲 却 此 得 把 或 説 立 知 淫 也 但 天 蕩 命 要 於

不 生 實 日 顧 爲 ൬ 日 顧 汩 早 做 慎 : 日 有 與 於言 於 益 章 + 工 學者只 問 貨 詔 夫 如 再 安 (利,不 月 宣之將 的 司 此 何 於 + 要常 在 聚 顧 以 老 \equiv 寺 講 日 加 溺 先 則 日_, 歸 中 : 惺 之?」宣之 於 又 生 動 矣, 老先 聲 惺 何 然有 止 顧 備 其 法 色, 患 語 日 陳 何 生 群 諸 默 纔 : 苟 其 以 宿 中 居 自 日 是 常 論 終 教 良 齋 必 然 篤 : 形諸 日 提 我 友 於 『敏 請 不 於 者邪 ?」宣之 切 醒 會 同。 教 道 外, 磋 此 同 於 的 館 心 先 來 着 甚 事

切 意 向 日 真 游 切 震 則 得 適 日 道 不 學者 差。 只 但 是 欲 意 做工 向 不 夫, 真

> 移, 信 乎?」震 子 我 要 信 『毋友 自 『居之安』。 何 每 日 口 得之, T 足 他; 日 : 亦 志 爲 居 件衣 ,則任 介於 不 氣 朋 患 不 甚 饑必要 信 習 君 得 則 難 如 友 至 心? 穿, 他 所 子 居 他 往 曰 己 有 也 不 深 奪 富 説 來 穿 者し 譏 碗 不 知 「受教 看 造 貴 我 了 不 能 飯吃, 刺 汝 固 來 監 之 纔 也 説 妨 衣, 屈 之 近 所 此 好 中 以 不 矣。」 人 來 當 吃 無 處 往 能 人 道 只 故 於 T 擇 亦 將 欲 再 至 來 淫 我 是 安 飯 而 説 於 只 常 如 朋 個 然 處 居 其 人 是 不 人 之 我 友 與 不 但 亦 貧 自 自 自 譏 寒, 何 再 人 自 到 如 賤 未 得 得 信 刺 信 説 説 我 夫 之也 也 必 之, 我 故 子 先 故 不 便 寒 能 饑 能 否 生 必 H 自 又 日

爾 只 。 先 被 舉 江 生日: 業 東 纏 暉 繞 日 「然舉 不 去,故 學者皆 業 亦 德 是 有 不 能 爲 件 脩 善之心, 事,做 學 不 能 秀 而 講 才 今

先 是 來 應 經 患 專 還 傳 生 得 把 就 舉 要責之自家 患 日 顧 誦 失 業 日 去 書 -, 之心,好名 來 此 怨 作 講 説 舉 主 文,一 未必 古 業 司 可 不 本 不取,這 日 然。 是,棄了 好 不害人,但 遇 勝之病 主 使 却 司 在 舉 不 考 窗 就就 業 是 於 試 下 學 作 題 不 是 不 理 T 學 文 目 能 不 也 博 時 也 能 覽 不 無 看

言 少 此 進 生首肯 夫子嘗 E 口 口 肯 聞 未 不 及。」退 鍾 去 云『有 知 啓 見進 知果有益 體 而 寅 貼 不 復 辭 處。」 言 行 躬 語 歸 行 省,先 顧 先 否 則 而 曰: 生 ?」顧對 雖 則 可 日 千百言 雖 「啓寅 以 生 : <u>=</u> 終身之者』。●」先 問 未 日 近 次 來 見 不見其 : 日 講 進 「聽先生之 不 工 就 一二次, 見 夫。 爲 求,其 其 益 爲 對

見 先生 十二月二 問 + 行 期 日 何 顧 日 ? 侍 坐。 對 曰 滴 章 詔 + 來

> 謂 四 畏憚乎?」次 「志之所至,雖 生 章宣之真 日 日 : 下 「長 船, 江 來 信 年 年 限 窮 人 三月還 如 隔 也 Ш 期 極 贵 果 海 可 至 至 不 盡 京 南 拜 能 必 都 乎? 阻 送考滿 相 絶 長 知 對 聞 江 日 敢 先

者乎 之不 以 今有 以 堯之服,亦 生 應 日 爲聖賢之徒。 ? [: |程| 乎 稱 志 問:「《鄉黨》 外。」作聖 於道者, 也,不幾 子云: 不 · 可 廢 便侈 於《 聖賢 制 衣 夫 惟 書 於 服 然 果 雖 外 以 之 **>** 戴 在 所 不 其 以 制 峨 專 謂 衣 服 養 冠 盛 於 服 其 而 服 德 服 在 己 間 中 美於人』 之 矣 外 乎 深 由 ? 至 衣 ,乃行 然 乎 也 服 先 自 中

子 亦 講 先 生 否? 晚 語 顧 顧 E 對 : 日 江 游 游 云 生 在寺諸 來 辭 友 與

□ 「身」下、《論語·衛靈公》有「行」字。

八八八

常 亦 立 不 孤 心。二先 不 志 立 陋 得 堅定, 可 寡 親 則 少。 聞 良 生 雖 師 日 窮 則 顧 學 年 雖 日 問 寓 汝 無 寺 説 日 文 爲 進 固 憧 王 學 0 正 猶 憧 亦 彼 然親 往 興 只 離 來 是 群 鳥 師 而 立 索 以 取 無 志 居 離 成 友 索 志 功 終 若 爲 若 夫 H

體 忘 生 意 講 今 起 此 之 本 心 但 也 毫 諸 個 不 心 就 自 明 爲 初 生 覺 好 覺 六 與 聖 私 講 聞 於 善之心 舜 闊 日 爲 舜 之 學 與 講 大,故言 賢 未 顔 朋 畢 時 顔 的 同 有 自 友 發 則 念 先 不 講 不 言 得 日 頭 生 興 重 論 容 出 過 召 興 起 詞 則 己。 多 與 務 顧 起 者。」 復 何 之 求 爾 纔 語 患 然 相 過 克 日 説 不 講 日 安。 去 後 顧 : 舜 着 時 私 却 曰 : 人 不 諸 舜 今 初 心 恐 不 顔 生 非 日 顔 先 又 ? 心 興 口 此 聚

良 貴 問 : 昨 講仰 鑽瞻 忽,生 未 得 聞 請

> 卿之問 敬 約 禮 言 其 時 鑽 曰 日 再 忽 : 是《 惟 乎 者 者 發 : 瞻 否 焉 「此尚不 學 也 ? 何 ! 忽 明 非 書》之『協 在 ?! 0 0 乎 也 也。 後」。」 諸 仰 便 先 於是諸 _! 是『瞻 鑽 生 夫高 生 又問 可 瞻 : 默 於 顧 此 瞻 忽 於 然。 謂 是 生 之 堅 忽邪 克 約 其 『協 諸 欽 嘆 在 前 先 於《書》者也 德 在 後 ? 日 生 前 生 輩 皆 : 心 ; 贵 已 曰 高高 日 乎 咸 瞻 諸 : 可 : 而 顧 ! 有 堅 君 他 欽 是 錯 記 之忘 前 德 欲 求 德問 德』 愕。 尚 非 得 後 罷 哉 尤 約 未 前 否 不 其 先 於子 便 曾 云 日 能 惟 約 是 非 生 貴 仰 所

十 邪 並 載 生 ? 求 矣。」先 來 格 因 日 言 見 問 先 衣 生 先 生 服 爾 日 生 至寺, 盛 父 : 曰 飾 逝 : 學者孝親 張 世 兼 遺 子 幾 以 像 醇 年 其 上 ? 與 之心,不 父 鳥 顧 遺 對 口 侍 像 日 着 坐。 求 可 格 贊 已 滴

生 得安 節 衣 中。 軍 求 垂: 還是先忘其本 服 文 也 涕 文 墓 度 然 故子之于 洟 子 誌 衣 不 偃 可 數 ,予見 服 而 之喪,既 然自肆。 過 君子 亦 不 過 侈 都忘 省 侈 其 親 。」及退,先生復 日 乎? 衣 恐累大 除 了, ,不忍之心須 昔 服 亡於禮者之禮 服 曹生之父喪二十 頗 顧 是 越 美,遂語之日 對 德 以 人來吊, 曰:「今之學者把 如 況 此。」先生 要隨 其父已亡 語 也,其 顧 主 時發 日 人 一昔 載 于 動 「庠 見, 烏 廟 將 來 也 :

亨泰 生日 畫 慶 鎮 賀。 不 拜 : 吾父,問 矣 可 十二年正 學問 枉 新年 過 學 若能 時 苟 人皆慶喜 日 光 月 自 務 自 \equiv 新 新 新 日 求 年 則 晚 自 亦 新 此景象 無 得 必 月 辭 人 有 君 老 如 而 慶喜乎?」 可愛,世運 新 不 先 子 歲 自 生 小 可 去 得 人 皆 江 先 將 汝 相 寧

問:「士風不振,似亦科目之少乎?」先

生日 不 道 名, 處 善人多,君子 自 大府 可 求 一、「汝 仰 任 其 賴 · 卓 縣 能 於 以 然 或 振 人也。」 出 力行 ,衆,在 中 士 仕者 鄉 風 試 者 則 吾 能 幾 三十 士 輩 人? 振 風 當責 士 名 丕 風 一變,澆 或 汝 之於己,此 乎? 年 中 富 會 璃 試 譬 而 頓 能 如 改。 + 正 以

人 則 答曰:「誠於中,形 府 日 而 庠 外 : 行 皆以心 僞 高 壬 亦 然。」 者哉 辰 先 爲。 八 生 去合迹,須説 月二 ? 再 合 講 蓋 + 心 之 其 於外,天下 迹 心善 論 日 不 未 觀 必 則 何 合 迹 爲 行 叔 豈有中志 之説 以 不 亦 節 合 善,其 然。」 問 心。二 堅 先 心 楊 於 云 僞 道 顧 生 州

責 長進?」 弟 備 責 :。」 先 堅問:「 備 内 生 有 日 在學 : 益 諸 諸 親 友 友 責 責 叔 備, 備 節 外外 如 在 家兄 此 有 益 何 弟 友 患 亦 兄 不 每

九

0

是 何 .?」先 學。 顧 且不 生 曰 能 賦 . 容人過差,便是己的過 性 知 粗 得 厲 粗 厲, 就 不 能 容 要變化 人 過 差。」 差 去, 方 如

其過 從 彌 義 者,未之有 在 縫 東郭先生,京中諸 近來、 無暇息 人,良心未泯。 堅論被人之非笑,顧曰:「『至 亦 也。」今人只 ,并己身同 稍 親 與。」先 若顧 友 倒 或 、是弗 T 得 生 訕 也。」 許多 笑謗毀, 日 誠 一。 爾 非笑, 誠 或 口 如 而 見 則 面 顧 不 將 禮 動 斥 初

曰 否 司, 人同 拜於門下 此 則 义 生 「吾從老先生,惟 請問 不 松 難 有 見之甚 江. 미 以 求 有 其故,先生曰:「此 見矣。」 遽 教 一生來 適 改。」先生 之 不忍,受之 顧 誠 侍 顧 義 見,行 坐,見先生愀然 出 恐其弗 弗 日 語 則不 . 可 初 生, 却 朋 見之禮,云 納也。 生之名與吾 安。」 其 友 處 名 顧 不樂, 生 之則可 關 師 對 忻然 若肯 次 於 日 上 先 辭 日 .

納 生 終辭之。 吾 揚 贵 州 不 有一生問 易 後宋 其 名 元 乎 博 曰: ? 見 先生,亦 即 改 程 其 抄 只從 字 釋》與《横 以 其 進 先

都 渠 如 抄 是 程 親 釋》,二子之言 也 切。 先 若評 生 曰:「以 其 優劣 孰 爲 前 就就 親 賢之言反之於 切? 不親 切。」 竊意張 不

《黍離》之詩反降於《風》,此其故 **華** 《閟宫》之詩反列於《頌 《 詩 其五篇 功。 E 各得其所之義。」頃之,問 辭,夫子皆序列於《小雅 \sim 詩》至 可 -黍》、《 \approx 否, 至於《詩》 問: 書》,作《春 於《魯頌 得《商 春秋,殘 $\overline{\wedge}$ 由 雅》《頌》得 庚》、《崇丘》,皆 頌》十二篇於周 之所 》之上。 缺 秋 失次,夫子 載, \approx ×; 所 無 如《 • 六月》之前,亦 魯 周 如 非 諸 僖 平王 南陔》、《 何 尊 生 有其 公本 ?! 先 之大史, 日 周 環聘列 本 孔 何哉?」諸 室 意 諸 夫 白 以 而 生 子 侯 黑出 子 忘 或 華 則 日 也, 也 伯 删 是 其 序 以

意。」日 獨 專 語 生未 而 河陽」之類,無 孟 彼 詩》言其 多 挽 語 此 雅 子 爾 世 對 \approx 謂《詩》 互. 或 道 請 見。 頌 「然大抵 風 時 者 **>** 問 > 爾。 而 而 又《 非 春 遺 亡 日 復 正 秋 欽 詩 聖 夫《 然 : 遺 名, **>** 德 **>** 人 後 正 此 之殘 ^ 風 作《春节 又 以 雅 其 ^ 可 》,後云 問問 春 統 分。 **>** 以 缺 ^ 秋 實 . 頌 秋 觀 , **>** 也。」欽 如 惟 此 **>** 作 *, 世 師 何 ^ 章 天 亦 變 雅 ? 摯之始 其 因 恐 王 德 矣。 ***** 樂 是 日 狩 E 頌 詩 專 . 此 于 蓋 **>**

房,因 家 亦 在 監 人貴於學爾,若 與 否? 家, 中三 在 顧 人 何 家同 與 四 叔 事 也 生 叔 繁雜 日 ? 也 來 應 謁 鴻 某常 先 歸 多 不 生 生 勤 省 處 對 生 在 問 學, 雞 日 辭 爾 應 鳴 : : 雖 謝 0 鴻 山 移 昨 先 監 叔 先生 爾 居 過 生 中 日 ___ 笑 雞 諸 朋 留 顧 鳴 友, 日: 汝 友 坐。 起 Ш 常常 處 無 日 頂 小 在 號 適 :

> 門 下 之短乎?」及請 在 謝言人之不勤 - ,復語 ,以見人之不 高 弟 都 顧 從 日 此 : 以 處 在 教 汝 做 見己之勤 毋 言, 起。」 得 以 非 遂 此 欲 書 工 以己之長,方人 此 夫 大謝言己 以 爲 贈。 易 也 一之常 至 階 聖

門人鄖西朱德録

謂『不 者 阚 使 子 産、叔 也 遼,皆是不 如 ·辱君 不 春 向 芳 能 命。乎 之 問 行 辱 使 : 己 君 ? 晉,晏 如 命。 有 先 富 耻 嬰之使楚,孔 生 鄭 但 日 公 先要『行 未 出 有 使 贵 不 契 但 己 辱 丹 富 道 有 君 公, 輔 亦 耻 之 命 如 口

就 要先 的 口 變化 資質 近 德問 1 又當何 那 若 剛 不 徒 毅 剛 恃 如 木 毅 有 用 訥 木 這 功 近仁」, 訥 好 ?」先生 資 資 質 質 如 尋 不 日 無 去 白 這 用 上 此 樣 功 去 須 近

丘者焉,不如丘之好學也。』」亦不濟事。故曰:『十室之邑,必有忠信如

不欲。」 克,知 之累乎? 不如己者方哀矜憫恤之不暇 般,故能以天下爲一家,視中國猶一人,見 長人』的心,就是那《西銘》所云 也是仁的影像。 之事,皆己之所當爲故 則自無四者之累?」德對曰:「仁者視天下 根終是不曾剪除。」先生曰:「仁貴何 對曰:「仁則自無四者之累,不行 的工夫。 未是仁,亦做得 爲仁的工夫不在這 歐 止 陽乾元問曰:「克、伐、怨、欲不行 這個 則不伐,知 故予嘗爲之説 工夫,孔門惟 個仁的工夫否?」先生曰 《易》所謂『君子體仁,足以 裹下手,克己便是爲仁 命 也。」先生日 則不 曰 : 顏子知之。」德 7,又焉 怨, 的模樣 知 則 知 分 有 以 私 足 則 四 這 見仁 欲 則 者 病

涇野子内篇卷之十八終

涇野子内篇卷之十九

鷲峰東所語第二十四

門人儀真盛楷録

般大。

塞猶

是小言之也

朋 立 謁 無 個 誠 非 先 善 此 事 生 嘉 友 意 靖 業 切 進 問 壬 德 爲 行 磋 若 辰, 脩 學 琢 無 業。 事 工. 楷 磨 事 夫。 自 是一 時 存 自 京 得 或 先 個 師 不 博 誠 生 事 口 患 攷經 T 日 業 不 · — 則發 南 日 至於接 典 須 (,或 監 進 是 言 于 與 忠 乃 物, ... 高 良 信 先

行 踐 問 履 觀 書。 如《 論 先 語 生 半十九 日 「觀 篇紀聖人之言、《鄉 聖 賢 書,須 要 躬

明

矣

之行即 黨》一 吾 厲 後言 個 吾 志學孔 人以 秀 與天 才 議 問:「塞 篇 是天行 眇 之 紀 地 何 子 然之軀 敢 聖 而 本 纔 于天 效 後 人之行。 同 與與 爲 動,真 孔 地 善讀書。」 天 子, 何 氣 之間。 原 以 宗 便 吾 無 能 萬 是 師 之言即 世之法, 塞之?」先 自 也 理 六合 家 故 如 小 是天 是 與 必 了 以 恁 天 擬 爲 生 言 的 若 之 地 我 日 吾 能 是 而

化 擦 之。 用 本 氣質」。 之不 藥 明 物 或或 此 或 明, 問 擦 心 爲 摩。 如 須 物 何 觀 從新 欲 若原 得 書時 遮 如 鑄 蔽 此 體 明 過 鏡 或 如 心 ? 雜 鏡 番 當 以 被 先 如 故 鉛 塵 生 懸 日 錫 垢 日 明 掩 : 學 雖 鏡 心 也 要 藥 以 戀 物 體 可 照

攸,華人也,而仕 先生日 : 王 于 祥 胡。 魏 人 其大 也, 節 而 己 仕 虧 于 晉。 世 所 鄧

九三

九四

謂 孝 友 者 不 過 節之行 爾

黄 及,如寒之欲 存 孟之道乎? 言『有諸己之謂信』,學者不可 孺 石公之與 若亡、或 子可教』。 先 生 大 作 論 張 或 衣 昔者,孔子『信 夫良 篤 良 輟 , 饑之欲 信 者,只是信 期 之所受,兵法 好 於圯橋 學 食,自 日 : 而 不 不 至 住 人之 好古」,孟 及。 猛 爾, 於 不 省。」 \equiv)所 若信 得。 而 乃 況 以 孔 如 若 子 日 得

飲 之時, 聖 此 後 意 短 不食」,亦視所 達 食、 人,須 思常 右 道 袂之衣, 大 雖醬 衣 新 講《 師 服 但 乃 鄉 亦 其 皆 不 樂, 意,不 無 黨 如 處 必 天 學 》篇 矣。 何 之 泥 理 如 使 地 必 之 爾 故 謂 能 得 如 泥 發 諸 時 ? 鄉 何 其 見 九 習 生 黨》記 迹 縦 處 經、三重 曰 : 「 若當 乃 是 必 且 説 夫子 先 學 疏 不 學 如 也 得 須 食 平 威 皆 此 飲 其 日 見 且. 儀 由 而 水 做 得 醬 學

> 之中 行 的 肢 者 骸 先 體 生 ,是不負父母 方 貼 日 是孝 : 在 身 父 順。 上 母 生身之意 生 故 將 身 今置 此 最 身 難 身 换 也 於 做 須 禮 將 樂 聖 個 規 聖 賢 矩

仁 皆 爾。 心 格 説 公以聖人之懷待管、蔡,於其委曲 蔡者,乃小人之心也; 周公者,聖人之懷也 同 時,在於未使之日。 何 生 人。」 其 姦。 好 以 也 忌 悪)?」先: 管、蔡以小人之心 好 爲 問: 惡,故 若周公處管、蔡者,恐不在於監 同,則 也。 兄 「周公之處 也,乃不 生 故 心 曰:「舜當 必 孟 與之一 不 子 能 冢 謂 公既 管、蔡,不 宰,不 平, 周 窺 而 時 公爲 遂 周 居冢宰之位 未 與 公、凡 肯 以 始 象 有 殷 帖 如 有 司 過 服,且 畔。 違 舜 其 其 處 之 故故 好 謂 直 或 此 處 惡 舜 未 彼 遂 或 殷 象 處 察 之 爲 其

楷 問: 諸經 雖 曾 讀 過,久多忘記。 且

出

處 來 故 讀 ? 身 時 亦 上 記 先 近 體 一發 性 生 貼 憤 日 魯 做 鈍 過 I. 當 此 夫 苦 則 時 所 其 便 讀 難 樂 以 只 矣。」 易忘。 而 徒 不 記 知 誦 且. 其 不 苦 樂, 曾 其 難 將 何

責 事 學 專 疑 威 學夫 夫 他 於 儀 之,還是學德行 夫 子 先生 曾子 有若 子 子 之 的 日 道 而 德 文 專 有 則 章 學 孔 子 謂 故 夫 門 的 至 其 子 惟 子 終 如 使 不 夏 的 不 顔 顓 諸 差。 言 可 子、 晚 孫 友 語 年 師, 曾子 皆 ; 居 則 以 只 子 西 夫 學 數 游 関 河 夫子 其 子 "、子 子,專 過 之 使 夏, 禮 的 而

的 于 作 意 心 宰 相 先 處 生 只 須 謂 使 管 諸 聽 生 皆 下 盡 , 隱 其 今日 情 而 不 有 如 發 講 疑 也 須 論 中 相 非 質 向 有 往 疑 故

何 問 生 孔 日 子 亦 將 獵 舜 之 較 陶 未 漁 必 是 耕 親 稼 爲 亦 之, 非 親 如

> 問 爲 C禁,聖· 邪 ? 人 夫 行 禮 從 不 絶 宜 俗 使 自 從 是 俗 如 此 門 問 或

薄 蓋 瓜 餓 衣 在 T 底 如 所 何 玉 易》 看 不 其 服 方 沙 聚 舉 心 也 人 來『不 季札之輩 是 飲飲 明 斂 用 體 好。 盡 上 今諸 問 石 貧, 毫 之 者 到 膚 用 鼓 食 「夫子 諸 髮 冉 凡 生 極 在 疾 如 舞 俱 今學者豈肯 葛 門 無 處 求 世 也 如 顔 之 而 要淡 ,皆登庸之矣。」一生日 墻 武 要 夫 遁 (、曾、 速, 顔 謂 上 之 就 侯 者 如 榮 子 神 得 薄 子 不 是 如 ? 上先 日 舜 之 華 冉、 一苦其 鏡 邦 神 必 行 : 其 貧 富 荷 湯 之 T 在 家 而 閔 機 非 貴 生日 不 鋤 明 用 所 至 如 之 在 心 淡 待 都 妍妍 去 心 如 舍 何? 徒 志 用 泊 要 耘 水之清澈 ,又焉用之? 只 一七十一 媸 常 無 捐 勞其 如 是 瓜 如 把 上。 先 以 子 除 :「夫子 曾 過 這 明 生 子中 筋 個 盡 古 子 志 要 蓋 意 其 神 伯 耘 淡 其 思 照

聖賢,多是如此。」

於此 其孫 賣 終不 子 以 故,曰 有 不但宫室, 時 ,其 此累 劉 ·得進。 等 在 難 司 先 、志立 : 處 下見之,謂其 生因 其 『同歸 取 徒,作墳 卸。」 心。 雖 得大,若溺 齊 曾有一 論 衣 於朽。」故 看 未 衛 見大心泰,心 服 所祭堂,用 破方好。」 數 公子 飲 家作屋,貫 年,已 八祖曰 食皆 於 荆 顔 流 語 :『不用爲此,他 是。 爲 子在陋 俗 舊 諸 他 屋 泰 條 雖 故 生 料 無 如 用 誉 巷,他 有 日 不 鐵 心 武 矣。 人 足 爲 學 侯、孟 問 敝 通 之, 問 也 須 日 不 其 處

遠求 字樣 格 羲 吾之良 之義。 以 諸 來 來 問 未 知 物 :「格物之格,有説是格式之格, 之有 格式之格,恐不是孔子立言之意 如 在 近 何?」先生曰:「格物之義 格物、格字不 取 改 諸 也。 身。 仰 其 觀 觀 要替 天文,俯 察 求 他添 取 即即 察地 出 ,自伏 是 窮 謂 理 究 致 窮

故曰自伏羲以來,未之有改也。」

其 于 却 所有 過 地』,『力惡其不出于己也』云云,這 了。 先 生日: 難以 爲仁者只是無 率人。」 「大道爲公氣象,如『貨惡 私 便是,若 又 要費 等説 其 棄

處矣。」 常説: 其 處一 起, 是。 日 便安 在 刀兩段,方能 示不 問:「 只是人受病 慎 『天怎麽 於 止 獨 睡 意 端,如 上 如 所 此 没 用 便安處 , 若 個 處 功 有爲。 使 閏 不 夫, 能 於 同 Ŧi. 於中 飲食、 便 更來?』 如 且有一 須是 去 何 夜之 其 去 衣 於意 朋 服 得? 雖 意 間 友 是 所 思 所 居 好 戲 便 先 道 便 處 謔 睡 安 理 安 生 俱

内 數 十 迎者,子賤曰:『未必賢也。』及之單父,乃 里 里 先 而 而 生日: 迎 迎 者, 者 子 子 「子賤之治單 賤 賤 曰 : 日 : 未 未 必 必 父 賢 賢 也 也 也)° 有 有 有 出 於 出 郊 郭 數 郊

不受 求 未 人諂 來 見 如如 者 師 之 何 事 之。 不 得 聞 此 善 可 而 見 治單父邪?」 其 至 公之心,

惜 將 明 聞 如 去,久之自與天合,不患不寡過 可 墜 歟 般 喜 于 ?」先生日 問 ,此何等氣 井 「如 可 慕的 底 何 般。 心 方 「人惟爲聲色貨利所纏 得 象 一於天理, 須斬 寡 ! 過? 學者須 去世 其肯綮處 間 便 從 好 也。 難 如 切 克 可 日 處 愛 可 月 縛 之 克 得 可

若天 與 並 也 如 生 深 生 夫 我 一,雖頑 不得 麟 地之所 Ш 凡看《論 般 窮 鳳 此 谷 其 讒 龜 中 以 所, 其 之人 龍 草木未嘗 爲天 語》, 心 與 也 何 也 天 生,聖人與之爲 八地,只 且. 如 要化 地 須要識 也 不 他,並 是 不生,如 相 似 個 得 生 聖賢 至 觀 與 虎 一,如 公至仁。 夫 豹 兩 氣 間 舜 犀 象。 有 象 要 欲

間 先 論 生 語 語 諸 活 生日 活 的 : 見在 「第一要擇交。 躬行上纔 親 交際之 切

> 情,只 小 聚,只 便了 見得 遠,俱是異端。 有欠,故二者皆非 節 ; 有 在 是空談了。 視聖 又有循禮 至 日 有 用 人之道 未 行 至 今人 事 號 蓋 道 處 間 反 日 胡 見 聖人之道,極平易 相 道 若 得。 亂 學。 耻 只 説 敘 凡談奥妙,念 話 然於作用 般 寒 者 號 暄 這 説 五 日 處 近 日 不 俗 却 高 之 拘 話

知《書》,讀《詩》只知《詩 因《詩》 (詩》也 問學。 問三正。 讀,《 而 知《 先生曰:「貴 書》也 先生曰:「古之改歲,雖 書》,纔 讀 是 如 自 》,皆不算。」 因《 自 得 得。 書 若 **>** 而 . 讀 如 知 ^ 今 書 詩 吾 以 **>** + 輩 只

令,俱從首月書爾。」 其舊,一年自仍是十二個月,但頒曆發號一月、十二月爲歲首,其春夏秋冬之序自仍一月、十二月爲歲首,其春夏秋冬之序自仍

意 的 ,便驗得 先生曰:「 我的 所居 進 朋 處 友 比 若 前 只 加 泛泛如塗人, 敬,有 感化

即 以 己 所 重 名 必 有

重

實

, 吝 自 破 私 藩 騎 籬 封 就 閉 即 不 講 部禮 明 道 先 生 理,文字 書 日 最 好。 爲 就 禮 學須要與 有 絶 得 得 有 妄交, 進。 直 一諒多聞 經 無 妄 交 的 則 朋

廣了

故曰:『克己工夫未肯

加

縮

如

蝸

試

於

清

夜

深

思

省

剖

聞

揖

而

调

還

未

也

如

有

可

告

者

者告之。

若有

所

秘

於己,

亦

是

終無進· 矣。 於淫 定,足以 秀才,我 高者 須擇交好 步 進 是舉 再 處,須是要以 學。 牽 人 友。 他 以 凡 學 無 也 不要 者 益之朋 是 聖賢 謹 舉 説 獨 人, 我 爲 其引 不至,未 是秀 期 如 此 書之外, 才 之 比 他 去 有 將 也 不 不 是 難 静 人 看 友

得 子 中,令各人弟 七人者,馬子伯 如 仲修、馬子 此迂闊? 先 生嘗 説 子 敬 循、崔 不 爲 臣 「某初 知 當當 執 後 事 時 子 方 在 相 子鍾、寇子子惇、張 有 京 人 與習禮 所 皆 未 執 中 以 持 時 爲 於 也 有 未 寶印 中 友 何

自 把犁、婦 河 問: 以 牽犁 北 「夫役之苦, 夫 以 代牛 差之苦,不 者。 何處 曾有分守官某,繪 ·分男 爲 甚?」 先 婦 又有 生日 男

若欲 之時 之道 前 問周 行之,除 自是周 於 禮。 周 特 是 家 先生 取 棋 其 代 酌 日 冕。」 損 禮 一、「周禮 益、故 也,行之者 孔子便欲 亦非萬 曾 世常 有 行 弊。 夏 行

稱之。 之 伯 與 名 齊景公貴 君子 2學惟 非 日 夷、 虚 月 問: 疾 叔 得, 又 分 未 齊 没 爲 如 盡 齊 聖 有實 世 無 諸 嚴 純 明 人 爵 而 侯 正 子 方 亦 名 無 其言曰 陵, 如今看 有 富 重 位 不 名也。」艾希淳曰 有 其 名 稱』,聖 千 名 乎?」先 兀 來, 駟 高 夫 與 死 果 人也 過 天 爾 光 是 而 地 生 武 如 民 重名。 民 一分同 曰 : 到 此 不 屈 于 稱 壽 有 故 但 今 觀 原 ;

是也。

博

習

親賢,其

미

缺

乎?

桐

拜

而

敬

受

江 北行途中語第二十五

渦

男哟 録

互

一相學

也

洪

希

曾者在側,

頗鎮

密

,則謂之曰:

二生

口

幅

而

書,子曰:「資質聰

敏

者

在

沉潛

時

有

之。

至太丘,又令學

生胡

儒謄文章,

胡

生

越

富 石 無 憐 家 也。 党以 府尹 無 田 産 涇 田 富 子曰 野 係 産 四 子至 甲 , 於己,却是好消 峰 又 南畿,子曰:「吾兄獨 爲不及乎? 「子息係於天 無子息, 滁 州,同 乃 年 更 于 息 調 謫 子 也。」于子 官 言: 官 遠 係 稱 「張 去, 於朝 石公之 又稱 真 几 廷。 口 峰

不 此 如 同 達 此 僚 誠 其 미 題 子 涇 大 意 忍 野 次 准,不 儲蓄空虚言及災傷,于法理 子 子至濠梁,燕厓 宿 不一言乎?」子曰:「燕 州,令學生趙 Ė 許奏災傷。 「學然後知 李侍御言: 今南 桐 屬 不 畿 文草。 足』者,此 連 厓 亦 近 年旱蝗 巡 切 當 倉 桐 日 於 或 類 有

> 真 古不 其 沉 母 獻 日 一、去則 誰 領 : 可 内外,皆在 「荷得 取 磨之物爾。 數大縣, 歸 一大笑也 德 之邪? 立 王廷 京 祠 職 外 雖 苟 0 獻 廷 者 即 使 不見 得 宥, 獻 也,不 引 其 卿 與子 疾 往 久 民 相 歸 時 滯 皆 足論。 不不 甚 卿 山矣。」子 有 愛 相 與 相 司 廷 契,言及此 存焉。 之敗者乎? 獻 此 而 未 道 日 如 一義,千 遷 親 夫 升 廷 父 則

> > 949

其言 爾 手 日 明 甚慘悽。 宴范 著 夔 明著家,明 州 行 「不敢忘 既 領 宴 + 登 著 舟 餘 也。」 甚言 縣 明 寧陵 著 願 請 愛 河 之 言,子揖 水 如 爲 寧

涇

野

子

内篇卷之十九

邪? 行 胡 野 日 公亦尚有人己之分乎?」石 爾 子 爲 此 。」答曰:「昔禹八年於外不 至 又 石 已 葵 在 出 自己之饌 而 告乎?」對 丘 蔡 石 訪 公 岡 之,日 行 送至 爾 取 非 郊 至 日 . 「公正 : 真 外 可 定 别 以 無 岡 墅 奉 甚 可 引 有 爲 客 經 行 倦,今公乃倦 疾 之大笑。 也。」答 濟 經 盤 而 濟之學 但 准, 歸 石 倦 曰 於 出 涇

之日 子 其不 之道 己 野 嘆 成 子 日 矣。 甚愛之, 負 杞 矣,惡其 所 縣 動 王 世之學者 學 土 此 尹脩治社學、 哉。」已 以 却 狹,令人 且. 祭 非 稱 土 子 之日 神 而 之 登 神 負 出 所 : 仕 土 養濟 西 取 不 可 途 數 郭 享 謂 院 呼 里 輒 見爲 得 可 其 外 背 極 已之。 養 以 書 縣 整 社 老 吏, 增 册 固 稷 訓 築 尹 語 壇 幼 涇

西 何 往 日 九 離 諸 月 南 公皆 京?」曰:「 日 追 晨 至 起 西 大 官 某 梁 廳 日。 書 院 吴 曰: 巡 欲 越 撫 某 汴 問 城 日 日 何 以 :

> 行 申 茅舍者移日。 之處,適 大 以 故 瀰 水災,巡 方 漫 至 遲 於 百 有 遲 餘 此 撫 北 爾 ? 里,村村 未 _0 風 子夜 准 答 巡 浪 語 日 撫 落 至 如 . 聞 故 禾 房 睢 之 昨 及之。 稼 起 州 默 過 太 打 然 次 寧 半 舟 陵 日 淹 逆行, 時 晨 没 黄 寧 飡 河 後 陵 阻 舟 水 始 次 调 方 洪

矣, 戲 九 也 河 日 年 里 曰 却 」。」「何 : 州 鋪 • 以 悔 前 以 是 「苟未有精 曾 之 前 ,有餞饌,因 南 王 何 以 九 得 過 見之鄙。 水 漫 拳 謂 以 手 此, 師 爾。 然, 石 也 先 九 京、 ? 塞 見 見 足 後 得 築 洪 冉 如 一講 治 答 知 執中之學,雖 及 師 沙 流 繼 此 治 水, 日 初 見 隄 也 周 日 河 寧 見 今皆 以 崇 之事 答 陵 用 之 昨 導 禮 此 水 九 日 未 見 河 ___ 送 在 能 州 害, 手 謬 歸 子 至 嘗 舍 舍己, 人之言 德 子 日 也。二二 是 笑 中 己乎?」 河 足 嘗 牟 通 以 行 治 習 子 恐其 改 爲 西 舟 水 子 黄 禹 兒 +

從人者又未必是也。」

作《三 實 其 謹 切 微 也 戴 | 割五 爾 浩 夫仁宗之所 規 孫 君實之言,真 論 漸 》, 子 送 至 日 鄭 不 : 州 對 足 西 文 病 者 雖 郵 之藥 正 正 亭,宗 博 雅 在 世 然 武 孟 出 與 未 所 務 知

之 鬼 有 處 玉 地 以 寨、 虎 驚 獨 菲 牢 涇 也 青龍 野 才, 不 子 地 牧 可 黎民 諸 至 斯 慮乎哉?」 北 山 一祭 地 愁怨, 連 陽 者 真 廣 泥 中 誠 武、 水 室 原 宜 之間 家 之要 大河 慎 蕭 選 害, 條 嘆 其 南 日 接 人 海 後 嵩 内 萬 此 今多 戰 城 争

再過解州語第二十六

至 京 先 而 生 口 一考尚 哭 寇 寶 司 績 馬 至 于 真 榆 定 門 次。 得 人 王 遷 又 舉 太常 痛 才 勿 王 報 忘 克 録 未

曾 重問 居 夕 復 辭。 以 之 乃坐考德堂。 之興廢,及 謂 哀, 此 父 飲 唐 作 、合用 ! 經 先 入院 悲 痰 殁 改 曰 宋 Ī 同 月 春 火不 悲 府 及勸之力,方 以 也 這 慘 過 坐 數 請 君 曲 王 來 許 之 書院乃 移 有 謁 不 如如 正 請 飲。 諸 多 物 我 能 能 移 弘 時 鄉 月,答 賢 即 詩 芝抵 皆 輩 居 飲 , 賢 止 舉 豩 其 與 祠 吾 乃 也 者 理 書 祠 肄 才 家 風 師 南 坐諸 日 革 龍 院 日 嘆 業 少 × 爲 呈 勿 所 仍 過 完 見 居 焉 日 其 ^ 學 課 以 建 爲 生皆 問 州 一、哭其 小 還 具 書 : 中 我 業, 不 我 破 ,今日來, 經 各 (舍書 雅 以 以 者之勤 居 宜 爲克孝 不意克孝 諸 嫌 起 府 齋 看到 待 夏 察 心」諸 多 可 墓 生之愚 設 勸 肄 籍及先 時 及 院 盡 見 業 席 明 爲 詩 此 惰 有 再 亦 哀。 生 者 過 日 正 子 諸 日 以 相 爾 爲 亦 則 姓 勸 並 將移 其 信 在 鞏 皆 痰 書 克 説 生 氏 邦 之 相 H 火 託 及 孝 不 漢 口

之時 府 奠 時 茶已, 問 不 里 敦 時 次 酒 我 酒 南 此 君 哭 致 其 日 們 見 君 聽 名 與與 肆 文 記 有 天敘 也 奠 以 伍 慘 乎 輒 暮 馬子 伶 字 歸 盧 得 吴 寇 房 悽 ? 行 去。 家者. 聞 人滿 太 副 政 七 中 室 酒 者 後 不 伯 至 何 郎 四 方 + 爲 丞 已 窄 勝 及 經 何 循 篤 前 者 鼓 爲 子 王 即 刻 再 小 ? 會 府 諸 以 矣。 道 惇 如 可 經 家, 言 飯 欲 也 謂 子 問 友同 七 講 用 爾 此 曰 府 去 政 敦, 捧 來 我 先 + 此 學 0 紛 此 訪 請 日 比 經 居,聞 盤 孔 生 子 因 只 不 等乎?」 紛 禮 出 : 到 某 童 家 復 記 今日 道 一今日 倦 哉?」 氏 度 經 地 子 過 舉 辩 得 友 Ш 夫 雍 府 相 東 寇 答 不 正 一昔年 不 子 居 右 容 宅, 徹 克 阻 碑 遠 曰 道 月 公之居 家 悦 寓 亦 有 去 難 孝 下, : 未 千 坐 流 相 寇 在 日 爾 予 樂 行 居 止 里 語 去 及 子 太 從 適 説 行 E 器 第 數 行 學 經 致 移 子 榆 進 夏 彼 : :

> 人之見: 事 也。 續 大 云 爾 曰 屋 人 於 致 以 爾 聖 之外,外 堯 其 獻 : 薄 奠 抑 仍 子 人 舜 敬 栖 乃 宦 經 爾 無 祖 此 曰 也, 之 所 翁 承之哉。 府 先 亦 借 先 也 畢 傳。 得 孔子 人 人 愈 菲 之 其 : 爾 所 廪 事 於 飲 邀 叔 舊 危 其 以 禄 嘗 食, 寇 而 孔 過 父之 敬 微 子 説 僅 爲 未 子 求 子 其 惡衣 承之哉 在 精 乎? 敦 人 天 家。 暇 禹 屋 能 江 之子 之 理,空焉 新 以 服, 致 吾 之 南 不 家之房 不 設 無 田 妙 時 可 卑宫室 主 椽 席 知 間 及 事 有 經 不在 爾 天 然。 頃, 者 舍 名 府 瓦 渠 理 矣。 正 甚 陽 深 恐 至 子 此 不 大 也 然之。 在 隘 言 於 爾 今 不 道 在 粗 隨 此 先 房 乃 足 子 先 難 洂 禹 子

服

中

舉 爾 却 孫 奔 學 走 不 巾 以 0 爲 去 E 政 非 遷 明 事 先 我 尹 H 爲 生 本 陽 州 分 乃 曲 奔 守 事 就 走 孫 同 其言 也 以 學 方 陽 以 是 師 且 曲 折 來 個 人 之日 多 揖 真 以 奔 奔 奔 走 : 先 走 走 幸 意 生 爲 夫 勿 欲 時 奔 何 以 聞 走 辭

辭

孫前

謝

教

始

決

意

人

陽

曲

言 此 有 室 張 子 日 生 以 昃 絶 忠言 事 生 則 此 云 類 返 拜 教 甲 西 解 所 此 照 謝 去 午 廊 人 以 舊 送 者 乃 錦 生 薰 謝 乃 13 諸 學 先 爲 過 屏 風 **\$** 我 要 行 生 書 生 謝 寫 Ш + 者 門 看 設 院 至 下 多 里 得 胥 坐 告 屏 宴 静 學, 矣 時 會 見 擡 間 以 於 山 林 不 告 龍 有 兩 臯 精 仰 却 寺 爾 歸 數 居 屏 可 夔 舍 Ш 又 等 風 生 只 州 肯 堂 要勿 歸 百 莫 四 背 列 空 守 忘 舉 馬 謝 大字 遮 坐 虚 古 石 停 才 有 忘 我 渾 西 過 溪 虞 吉 鞍 請 廊 去 虞 能 自 如 久 兼 賜 州 初 者 公 體 後 堂 待 貽 張

> 之子 之 少者 歌 善 流 酌 此 殊 亦 涕 於 生 鹿 不 寺 口 列 教 鳴 少 口 列 且 之 歌 ×, « 之 長 謂 及 潮 行 不 歌 之 乎 四 海 以 詩 異 時 牡 舉 殿 爲 時 年 × 善 而 嫌 已 年 ^ 年 諸 憐 皇 踰 方 己 其 生 當 華 \equiv 弱 長 心 亦 其 > + 諸 大,勇 冠 之不 就 所 詩 爾 也 造 其 改 地 出 雖 大 才 先 也 獻 高 古 感 之兄 生 酒 歌 爲 浴 今 日 之 昔 舉 沂 與 仍

門 言 谷 谷 謁 適 約 ,只以 表 舉 大 劉 人 人 臨 説 聖 在 也 公 晉 先 像 道 師 陽 焦 牛 作 中 獻 陽 明 左 尹 西 之 者 遠 善 明 飯 行 焦 百 學,先 者 素 已 迎 尹 詣 吅 至 宴 王 字 首 識 调 出 土 於 官 生 子 先 勉 莊 不 樂 聚 谷 日 之。 講 生 肯 外 莊 仙 起 學 鄉 焦 命 堂 先 諸 莊 子 約 尹 鄉 大 在 生 有 時 請 生 約 飯 諸 從 薛 江 有 悲 调 皆 至 生 生 南 蒲 陪 感 彼 口 良 後 王 時 坂 説 不 佐 從 蒼 有 蒼 能 鄉

還 説 與 甚 致 不 了。 且. Ŧi. 是 若 他 錯 良 虚 經 知 是 曉 IE 了。 口 要遠 是 輪 ? 得 時 壞 正 若 糟 車 子 比 你若不 又説: 不 軌 T 粕 飯 説 先 只《 是 未 就 不 知 知 知 禮 把 去 T 消 行 T 他 看 記 便 如 看 而 輪 他 這 把 行 車 裹 彼 學 就 只 個 車 扯 之 説 E 把 差 住 甚 在 去 兩 釋 主 行 贵 ? T 上 致 輪 筯 ,却從 人 説 面 吾 能 甘 並 未 在 轑 泉 良 行 進 子 去, 知 辯 湛 得 何 知 說 前 予 子 處 方 ? 客 便

科 難 『子之育 蒞 有 尹 薛 老 總 深 矣。」 此 政 潘 良 穉 未 處 所 郎 令, 佐 大 知 歌 漫 當急者 問 0 中 以 鐫 焦尹 郡 具 者 又 四 舊 碑 有 民 擢 是 時 0 焦 請 見 問 令民 亦 尹 王 曾 + 敬 守 於 官 年 如 德 將 服 適 某 潘 居 今日 膺 仙 \equiv 乃 府 郎 政 魚 業 釋 晉 果 子 中 雁 子 之 對 ·之育 地 逢 讀 何 到 就 育 焦 書 先 涇 所 妙 其 爾 於 子 河 尹 長 生 館 更 子 被,予 乎 嘆 而 賀 書 過 重 ? 致 日 院 則 護 此 然 潘 南 政 大 雲 日 真 開 無 以 京 焦 聞 亭

生乞留 去。 多 其 有 勉 諸 泣 力 先 生 教。 生 下 哉 者 臨 西 1 先 流 過 無異 其 生 瞻 蒲 勉 日 望 坂 往 一六月當 力 H 舟 諸 哉 初 调 生 離 河 送 解 遂 西 至 之時 會 登 把 大 於 岸 棹 陝 河 也 乃 東 州 再 退 岸, 揖 爾 然 等 諸 而

涇野子内篇卷之十九終

之學。

先

生

寢

白

雲

洞

日

日

風

雨

交

加

阻

説:

『只此

就

是

知

味

蒼

谷

深

嘆

以以

爲

易

簡

年

幼

秀

才,

年

幼

者

却

便

轉

送

於

年

長

的

我

送

茶

彼

不

知

坐

間

長

幼

把

鍾

茶

就

送

與

與

諸

生

坐

講

生

問

飲

食

知

味

方

問

間

僧

是

行

蒼

谷

深

以

爲

然。

又

説

在

鷲

峰

東

所

書

絶

贈

焦尹

云:

猶

憶

昔

年

作

記

時

亂

Ш

行

焦

尹

尤

懇

留

仍

坐

聚

仙

堂

命

吏

持

紙

涇 野 子内篇卷之二十

門人 潁 11 魏 廷萱校 正

太常 南 所 語第二十七

門 人 胡 大 器 許 象 先 録

,

所謂 人,唯 就 貫 只?」先: 指 出 大 在 器 貫, 點 忠 生 問 恕 曰 化 即 : 門 我 上 貫、 人。 前 用 此 説 功,故因 殊 忠 這 支離。 的 恕 處 忠 便 恕 門人之問 見 便 曾 忠 曾子 是 子 是 平 已 日 得 時 恕 則 教 間 是 門

何 ?」先生日 象先問 一心事 友云 不 於 相離 事 上 ,事上亦所以 學 恐 攘 習 如

貫了

T

錯,一 是静 子 養,至於 心 於定 不云『執 也 。」「友 便 T 一静,而 感 臨 百 而 事 又云 事 了 遂 ,敬!?! 惡 時 也 通 與 須 除 除 亦 物接、恐 日 要 須 「: 「事 非 養 要 是 得 渾 又墮 心 驗。 未 然 好 至 的 於禪佛。 時 不 遇 聖 然 固 事 若 當 便 故 只 涵 不

字,不 觀 觀 味。」 又 孔 象 教這 上 正 學,而 子 樂 先 如 與 揖 問 他 纔 遜 見 一篇 友 顧 知 之 當 亦 問 平 友云,恐溺 所謂『樂在 夫子於何處學?」曰: 性 「《史記》於『子 容 時 如 日 《 韶 與 三子 文 此 列 祖 天 溺 或 述 明 道 樂當 在 搶 的 於好也? 之德 其中一一 於 在 齊 攘 相 好 其 諸 時 聞 契合了,故 如如 在一句 了 中矣。 是 **^** 侯 韶 親 般,豈易 甚 大 看 先 見 下有『學之』二 麽 夫 「亦只在 夫子 生 今只 \equiv 的 感 尚 日 月 不 得 戰 得 此 覺 觀 般。 不 力 的? 個 感 器數 季 何 知 的 好 札 嘆 且 復 不 肉

此 却 異 於 至 孔 如 子 後 之聞《 世 亦 韶 有 》矣。」 聞 樂 降 自 西 王 母

晋,有 吾幼 重何 故孝子 中 便 生日 弘之道。 無 敢 平 工 世 是不 忘 見 夫來,故孟 之 日 安,雖 於此 孝。 未 得 象 曾子 心 以要『弘」,『道遠』何 傷 毅 必 先 嘗 保 胸 天下之老皆爲 及祖 心 自 敬 問: 失 何等 首 而 觀 便 云『戦 手 簣之微, 其身者,懼 出 領 傷 子 曾子 父者,皆是 「曾子 如 失 大着 言 以 人 謂 此 足於 害 未 没 守 戰 臨 弘 臨 嘗 物 者 身 兢 終, 1 亦必易之,看 吾老,天下 忘父母 人。 終而啓手 無 兢 事 亦 故程 辱 他 辱 而 所 多 , 親。 親 以 親 若止是形 人 私 不 矣 不 子 也。」問:「『任 救 要『毅』?」先 意 不孝之大者。 至 謂《 知 今之爲 足,見 一, 故 死 少 之幼 用 先 舉 不 有 西 他 T 足 人 生 暇 間 銘 體 皆 是 至 宦 多 得 而 日 息, | | | 何 爲 痛 者 少 不 則 他 :

> 子 等 所 毅 以 ! 能 。踐 以 形 爲 惟 肖一乎 任 ? 死 而 後 此

遂。 暴 莫治 聖 子 亦 而 肅 不 何 里 ? 寡 亦 或 人 條 爾,人 使 生 仁 以 謂 智 智 野 教 便 民 養 象 曰 : 人。』只 爲 知 先 必 遂, 有 天下之心 而 人能 無 也?」先生 問 病 使 使 知 一只 詐 教之而 矣。 之率 人 有 使 愚, 是 不 人皆知得聖人之心, 聖 之知 學中, 何 廣 知 由 聖 人仁天下之心無 倫 者、況 舉 以 日 人之仁 乎?」問 斯 理 賢 遂 爲 明, 可 乎 才 只一 師 ? 凡 爾 强 之 布 心 民 日 教 無 縣之地 列 問 亦 乎 廣 : ? 凌 在 口 庶 設 弱 位 也 窮, 幾 雖 如 無 故 鄉 乎 導 堯 衆 此 君 只 校 數 而 而 之 舜 1 無 子 則 好 士 如 何

矣。」問: 所 舞 者 洲 問 何容?」 「何 「有天下 謂 先 本? 生 者之樂,所奏者 日 曰:「予不嘗説 :「只求之聲容, 何 賈 亦末 音

有天 其鍾 治 興。 平, 尋 野 舉 穡 心矣,而 告者矣,此 至 调 請 根 個 無 夔安 於 泉 一, 故 文 便 民 鼓 下 故 帝 本 殊 遺 陶 他 舉 未 蹊,只 者非 ·, 有 賢 能 然 草 之聲,見干翟 不 興 明 得 曾 知教,便舉 禹 致 則 後 禮 知 刑 亦 人 天下 看 敷 木, 鳳 命 萬 不 文 樂, 心 謂 弼 是 過二 治 作 伯 凰 邦 帝 個 何 之能樂乎。」問:「 教 者 亦必 樂,間 來 文帝謙 夷 咸 小 所始乎?」曰 曾 ; 要 黎 典禮 儀 民 寧。 典》 康,只是個 契明 遣 思 使之得 之舞,莫不 民 百 用 閻 人 得 來 阻 以 讓 不 獸 夔 口 之。 之 倫 是 譏, 未遑, 利 間 率 典 所 受《 如 知《 民情 雜 不 :「在得賢,故 舞 樂。 困 便 便 疾首 然 天 樂作 伯 尚 哉? 尚 苦咨 然,舍此 舉 世 下 舉 後 書》 書》是 不 不然,只 棄 皆 禮樂 蹙 水 工、虞。 本之人 - 齊, 便 嗟 後之 於 躬 以 額 + 爲 别 相 聞 可 稼 未 伏 爲

象先問:「近日爲學之弊,用心太過則

曰:「有要焉,只在勿忘勿助。」傷於急迫,不及又墮於悠悠,如何?」先

生

之學。 半苦學 書當 其天乎 不 不 試,或有中不 不 有 日 ·然,只 知 要人知乎?』亦近 勝 : 所見乎?」 「他當 不 誰 其 故不愠 象先問: · 嘗勸 知 吾 怨 怨天,不尤 求 近 邪?」克 且 初爲學,只是爲己, 故 人 日 尤 止之日 學 謝 知 中 過 矣。 君子『人 若 顧 只 不 的 解 孝 在 爲 日 人,下學 惟 王 求 胸中 此 應之曰: 人而 不求 『汝既 天 孔 克孝之父,言 亦 不 知,不 果能 子 學,則 人知 知 由 是 而 不應科第 有 而 無 無 此 上 得謂 贵 所 心 不 芥蒂 學, 達 有讀 如 愠 於 養。」先 不 克 之君 諸 觀 人知 知 否 知時 讀 孝 生 我 其 贵 生 此 夜 子 應 與 由

■「蔕」,原漫漶不清,今據乾隆本補。

一〇八

也。 夫? 也。 静 也 時 然 坐 便 則 先 便 不 汪 定 廓 何 然 生 能 洲 嘆 以 性 然 静 問 人 日 其 能 書 大 時 定 善 公 如 **>** 無 不 乎 此 静 何 學 可 工. ? 云 ? 時 或 也 夫 似 看 對 動 先 日 乎 又工 書 象 ? 世 : 亦 生 少 一之浮 先 定, 日 在 夫 日 有 日 知 静 得 多 泛不 : 止 雖 亦 在 程 怎 動 定 定 静 子 麽 到 亦 者 時 見 無 也 静 擾 _0 發 做 攘 人 I. 口

從 上 處 盡 其 病 不 然。」 自 做 餘 省 痛 也 或 家 理 先生 Ι. 吾人 不 或 象 夫, 我 會 切 在 只 先 甚 日 不 己 無 在 此 故 嘗 : 事 日 病 所 日 爲 説 先 痛 不 是 事 以 人 來, 邢 儒 省 乎 察 只只 謀 此 ? 恕 謂 治 口 此 \equiv 在 曾 也 事 是 日 或 亦 日 子 好 0 曾 自 名 大 便 只 其言 \equiv 子 省 賢 是 檢 是 與 在 揀 也 矣 似 學 好 友 點 今日 切 信 矣, 利 曾 尚 己 程 而 子 諸 師 病 而 亦 子 之 未 謂 亦 傳 生 痛 實 日

象先

問

樂

與

好

禮

子

· 貢

至

聞

性

與

天

學 者 象 切 0 先 處 也 默 象 然 先 行 先 有 生 得 日 省 : 日 誠 : 切 如 處 見 此 得 看 此 來, 誠 方 切 在 益 處 汝 可 賢 此 見 者 曾 猶 也 在 子 曾 自 時 治 子

孝 價 賣 視 之何 無 此 兄 外 寧 耕 學 敬 來 藥 志 商 不 可 此 華 爾 者 問 不 ? 9 而 不 歆 商 二價 乎 此 生 學 便 問 外 先 一艾希 共 可 問 雖 的 教 生 日 耕 鋤 賣 傭 未 有一 : 日 以 淳 而 而 1, 又 子 爲 也 慈 學 : 日 1 獲 如 女子 學 愛; 亦 莫不 的。 金 亦 無 漢 未 而 故 見 可 不 嘗 嚴 歆 苦 爲 有 買 韓 是 得 足者, 外學。 君 學 熟 於治 子 何 藥 康 韓 破 平 不 弟 視 妨 伯 長 康 生之不 之, 字 賣 只 患 來 安 隱 爲 伯 諸 問 要見 是主 1, 學 身 於 市 否 寧 生 ? 貧 中 長 竟 凡 便 亦 足, 本 安 得 昔 教 有 擲 只 嘗 此 聞 市 破 以 患 有 父 藥 管 如

無 樂 在 富 可 非 過 道 日 赤舄 其 樂 與 幾 又 病 原 時 若 也 中 難 好 也。 一者恐 憲 几 亦 禮乎?」問:「貧 之門, 於 是 幾能 几一, 簞 由 樂 乎 食 此 乎? 互言之。」曰 乎?」先 瓢 惟 見 子 觀之, 周 其 飲 之 公 家 此 而 病 無諂 之 不 生 居 無 也 非 改 稱 日 儲 冢 0 : 無 不 子子 其 儋 宰 憲 貧 能 驕 樂,孔、 蔬 石 而 日 或 又 好 食 貢 握 室 何 禮 未 飲 僧結 髮 是 以 富 之 如 水 顔之外 吐 盡 爲 貧 懸 非不 駟 而 禮 哺 也 罄 樂 況 而

然 矣。 能 化 序》之善也。 後 致 而不 此正 此 可 象 ? 曰 先問 以 及文 行 可見『刑 : 王 : 王, \sim 道 后 「只在 小 恐未 妃 于寡 序》於《周 如 慎 然乎?」 此 妻』。」問: 獨。 則 故 南 主 先 程 》多言 后 文王 子云, 生日 妃 者 后 何 慎 可 妃 獨 以 之 此 知

象先問:「孔子觀人,視以、觀由、察安。

遠 先 要自 孔 也。 觀 先 腸 生 纔 始生人,這 之學者必 孟 着 都 通。 生日 子 子觀 來 好。」其 生 人 或 於終 失 先生 觀 日 日 何道 所 是 如 7 :「今欲爲 : 人,只 在 一子試 此 脩 以 每 氣禀欠些, 先學仁。 身 生愕然, 我 可 只是 心 養家 要 謂 者,果 者 亦 以 説 腸元 把 也, 是, 觀 言 個 聽言觀 這 所謂脱胎 是 這學, 之。 人於暫 塊 來人 曰 : 孟 氣 何 但 聖門 或 然 習 道 子 不 生 對 是習 眸子。 變 血 人都 之 可 口 須 何 初 教 如 曰 : 换骨 易 肉 只 法 以 是 見 謂 人 孟 染 之 盡 去 是 觀 觀 换 先 第 也 子 雜 軀 觀 何 T 恐 有 ? 日 聖 生 人 了 般,非 此 乃有 以 人,須 人 孔 纔 的 於 這 與 , 義 多 不 於 把 個 子 得 故 不 同? : 益 之法 是 常 這 與 相 只 心 是 時 天 今 腸 先 者 教 這 層 心 如

諸 生 外 面 討 個 仁來 也。」其生至是始 什 然。 0

家正所謂『不 曰 所言,汝盡知之乎?」 仁,其原又何所 觀 只起於 章之後,記者之意深乎?」先生曰:「是如此 其 加 雍》詩之歌 仁孝之意 原皆 知其説者』之『知』字如何?」先生曰:「纔 「未知,豈 其 耻 先 日 起於不仁,故 可忍,正是不仁。」問:「三家之不 問 惡衣惡食。」語 乎? 油然生矣,而又有八佾之舞、 · 知 其 「季氏僭八佾,三家僭《雍》徹 可不求 自?」曰:「我 説」者,苟 繼 對 曰: 知? 以『人而不仁』於二 未 畢,一 知 既 猶未能 其説 不嘗説來,亦 而 又 生遽 誠 티: 盡 敬立 問: 知。 \equiv

看 漚 庵 一。」先生稱 詩 ,先生曰:「此 呈 諸 生聽 中 有云: 善遂 講 中 非讓道也。 間 示諸 萍 適 · 情 有 生。 分野 將 且 水, 幼 不 卿 知講 生 宦 佐 徑 迹 送 先 等 書 穆 是 取 浮 玄

> 矣」。 討 不可 教,正 分,幾微之辨,却又不可不慎。」 此。 云知 學,是處 『徐行後長謂之弟』,『堯舜之道,孝弟 老先生無往 便 益, 白守 人堯舜之道?」曰:「老氏之心 今人這處皆忽略過了。」象先曰 只一徐行揖讓之間 要汝輩心無往 幾曾有 正 黑, 是實學。」諸 非教。」先 知雄 真 守 心讓 不存 雌, 生日 生 來? 似 悚 爾。 ن. الم 而堯舜之道 亦 然 非是我 能 夫 此 日 讓, 孟子不云, 正 • 一、「老 王 只 而 無 此 伯 是 而 便 何 往 可 之 要 以 氏 在 已 見 非

間 之樞 先 而 生日 道 『禄在其 蒙問: 理 「古人爲學是這 便盡 也。 中』是脩天 「多聞多見則學博, 且 得 禄 了。 在 其 故《易》云『言行,君子 爵, 中,只是《詩》之『自 般 而 切實,只一言行 人 擇精 爵 自 至 守 否 約 ?

⁰ 什」,乾隆本、四庫本、嘉慶本作「釋」。

之微 能 禮 先 着 久之即 於 之,問: 真 見 大 或 下 病 求 然則 如古 生日 智 復 不 見 知 心 便便 師 多 不 只 此 見 多 對 襄。 知 福 而 他 亦 何 人 吾謂 便 聞 T 厭 證 不 在好好 「夏、殷之禮,孔子何以皆能 以 是學了。」象先 有 亦 亦 代 學 問 視 必 的 倦 了。」徐又 般,若 不 便 之典 孔子 之若 問 於 多 只 的 問 善言 足 知 或或 是 見 萇 古人有 從 好察,況下舜 徵 得 禮 至聖,只在 這 多聞 弘 的 不 説 ? 又謂 嘆 乎 下 切 樣 或 人 而 只這 日 ? 多見 日 身的 大,是 爵 不 況 日 至 吾 善行 : 知 自 然 : 心 自 中 「何謂 今人只 好 聞 至, 其 或 代 以 琴 便 或 有 來 古敏 缺 者 孔 或 的 典 當 又 不 與 真 便 阚 略 是 者乎?」 不 禮 也? 謂 時 知 道 知 或 與 肯 求 處 傷 知 言之?」 之大。」 亦 吾 子 如 理 而 知 多 亦亦 時,不 見 萍 自 便 舜 扞 聞 聞 張 不 日 的 實 問 之 不 個 格 肯 頃 之 有 T 多

能無也。」

樂具 裘 謂 下 不 子 執弓矢,目 云:『何 其 也 失 序 堂 不 便 争也 皆是 備、 猶 能 正 稱 先 點 。」象 揖 鵠 生 君 以 君子」。」 揚 才德 子 謂 者, 但 射 要審 不 觶 ?! 洲 先 諸 看 ? 勝 數 其 兼 生 來 曰 的 者 語 賢 全者 何 : 日 射 飲。 乎 以 耳 : 非 是 觀 : 聽 要 不 君 進 個 射 則 子 ? 聽 能。 子 及 極 路 只 射 退 莫 循 難 \equiv 詩 是六 出 雖 周 與。」 此 揖 聲 事 是 延 旋 之謂 藝之 而 射 而 中 如《射》 如 先 藝,非 後 發 禮 手 生 不 升 發 便 图 非 H 義 禮 要 君 mi 何

的 乎?」先 聖 衛 贵 卿 人 之得不得,皆曰 象先問 只 止 有 生 中 日 個 人 可 義 『天命之 和 言? 靖 伊 有 111 云 孔 命 命 以 謂 孟 爲 爲 故 性 於 中 我 是, 斯 人 曾 命還 道 以 將 有 之 下 恐 送晉 在 廢 説, 未 性 興 然 江 上

物 命 顧 也 不 新 著 Ш 語 亦 云 只 是 命 作 不 立 樣 則 看 義 不 蓋 精 義 命 義 元 不 非 明 則

着 好 悟 先 薄 恐 失 自 抑 言 却 敦 後 乎?」曰 不 也 ,仁在其 亦 生只著述,後世便化 相 擇 。」。上先 但 所 可 纔 須 通 王 世便化 也。」 要 生 只 所 乎?」先生日 居 擇 蕳 生 謂 揀 中 而 問 日 :『里仁爲美』,是言擇 如 今日 正 化 爲 先 也 夷 空寂。 矣。」語 「此又揚我 是。 比比 生曰:「 則 所 象 方則 頑 言 纔 先 「還是擇仁,而 廉 爲訓詁,某先 未 先生今日 比 心裏 曰:「欲爲 擇而 務 盡 懦 方 抑 立 外 人,陷 存 馳, 爲 生日 便較 如 着 可 講 故 惠 也, 於 : 身 躬 不 生只 與 失 則 里 比 上 得 行 却 擇 此 鄙 里 乎? 如 方, 行 爲 處 頓 某 爲 却 亦 而 寬

洲問:「好仁者所至,似又愈於惡不仁

個 也。 知好 知惡; 者。」 不 曰: 有仁,不能自强。 而 情。」 已, 知惡不仁,還是. 先生 蓋 仁,亦是惡 或有知好仁矣,係於小人之不仁,或 亦有知惡 仁元 人之情,亦 曰:「天下之道 只 是一 之未 不仁矣,作主不定,或己之 如 好之未 只 何?」先生曰:「好 至 個 有 也 理,好 個 至也; 未盡 好 只 惡 有 惡元只 惡不 個 好惡 而 已。 之道 與 是 象 不 而 先 不 而

問: 寺中 如 起 講?」先 處 處 起 起,徑 講《 象先 邵堯夫問 此 易》, 生曰:「恐 語 夜 「只合言君子恐懼 捷 侍 亦 亦 致 徑 坐,問 伊 無 捷。」 子 ĬΙ 益 厚 亦 今年 日 撤 一昔 只 問 : 泉 雷起 在 此 程子、張 比, 修省 人 若正言 是 處 事 不 伊 上 知 伊]1] 子 之當 是 推]1 總 在 求。」 甚 興 説 云 樣 何 個 起 或

象先問:「即事即物皆是學。漆雕開謂

其志。」 以 佞。 吾 仕 斯 即 開 學 之 仕 焉 未 而 味 學 不 能 自 可 在 信」,①不 信 焉 也 而 可 不 此 也; 亦 苟 孔 拘 子 出 謂 乎? 所 斯 夫 以 之未 子 惡 先 所 子 能 生 以 路 信 日 之 取 而 :

言 其 如 有 見 何 其 ?」先生曰: 洲 餘 庶幾 問 而 行 乎。 不 程子謂曾點、漆雕開已 掩 開 廣開之志, 知足以守 踐 而 點之言,斯 行 見大 未大,點 意,

行 仁在 復 豫 又 文子之潔身累違之一邦,是何等聲 不 以 發 . 許 待 有 弑 是 作 者 ,又豈有僭 忠信之遺旨也。 象 矣。 先 了。 何 逆之賊? 問 . 故 夫子之不許,是即 ?」先生曰:「此是子張之舊病 他 「子張問子文、文子之仁,夫子 見子文之三仕三已無 王之人 生於 且. 其 而 仁 朝 甘 者所 爲之執政乎? 有不 救 居 聞 仁 而 以 稱 則 化,豈 達、 愠 以 早 色, 救 見 爲

之盡。」曰:「噫! 若是則又過求矣。」問:「如此則二子之所謂清與忠者,恐亦未

之約 心。 矣。 人之一身,有 般,布絲之千 不然,心 是故『以約 否?」 先 顧問 「以 不 四 條 生 失之者鮮」。」 得 體 萬 曰:「也是。 約失之者」之約,是『約禮 其 五. 緒 自有 官 理,則百 百骸 理 約,正 總 骸 而 舉 是 不 莫 約 亂 如 知 束 綜 於 所 約 又 屬 如

先生 可 不 仲舒稱仲尼之門羞 徒,孔門皆是没 日: 及 以 『不得 人 而 曰 : 洲問 聖。」 已。 中行 孟 故孔子只裁抑之,使 狂 子 而 簡 有 元 與之,必 先 的。 是 稱 做 生 五. 只 兩 作 伯,故 有 也 樣 兩 這 狂 人 人 兩 狷 縱 看 看 歸 樣 乎 横 來 中 !!」昔董 人,或 如 闔 行, 何? 捭之 孔 過 便 子

▶ 「雕」,原作「調」,今據各校本及《論語》改。下同

言 太 氣 在 和 也 非 先 元 我 生 牛 氣 亦 問 曰 却 : 應 不 以 此 人言 是 爲 只 如 非 是 是 此 0 個 我 如 「無 又 亦 此 有 不 應 個 可 似 以 亦 爾 爲 無 不 是; 可 孔 失 者 子 和 人

學。」 學者須 於容 是 只 至, 要 自 貌 般 先 心 象 然 生 是 先 上 氣 存 形 問 象。 日 求 不 見 於 : 之, 放 出 不 恭敬 學者 是又 則 申 然, 來 美 申 恐 亦 不 與 與 」、『夭夭』, 在 於 須 衆 初 其 不 大 有 不 學 可 中 本 舒 同 模 拘 , 暢 處 展 倣 拘 聖 非 學 於 時 於 紅 人 有 几 纔 此 本 而 盛 是, 意 肢 子 等 德之 也 無 自 然 處

故 是 逃。 程 夫子 椿 子 諫 答亦主之。」象先問: 問 後 伐 來 而 餓 儳 求 人 亦 的。 在 得 其 子 中 乎 貢 孔 ? 初 夷、 子 問 先 取 只 齊之事 生 他 在 \Box 遜 遜 : 或 方 或 此 而

> 據 謂 當 違 經 或 在 而 日 子 日 IE. 大太 論。 之,以 之 孤 父 學 欲 爲 立 : 叔 無 讓 命 立 王 武 齊 譏 叔 竹 害 季、武 伯伯 王 乎 其 王 齊 或 則 也 弟 若 ? 未 有 舍 當 如 夷 ___ 逆 季 未 太 時 立 王 故 之 聞 問 當 是 兄 歷 0 伯 之命 可 : 伯 王 何 爲 不 9 ? 象 然 也。」問 而 季 夷 太 是 使 管 恐怕 立季 先 平 之逃 伯、 武 無 티 : 謂 仲 ? 日 中 王 雍 伯 之 : 歷 : 先 太太 不 夷立 子 是 肯 仲 邑 攘 長 文 生 是 考 與 以 雍 伯 則 庶 日 王 爲 也 兄 立 可 不 又 逃 如 : 舍 乃 是 肯 遜 也 矣, 也 不 0 伯 萬 故 時 弟 何 口 必 先 然 仲 父 邑 世 叔 有 欲 之 意 考 生 執 口 不 雍 齊 中

直 臣 怎 自任 麽是 般。」問: 象 先 如何?」曰:「夫子言天便與 問 子 大夫 子 路 子 此 路 平 個 請 病 禱 日 謙 痛 是 己 否 正 誨 ? 如 使 先 天 門 此 生 對 處 人 E 得 爲 又 :

者 得 不 到 的 愧 何 質 的 言 諸 屋 以 地 베 漏 能 鬼 猶 便 ,熟之便是『丘之禱 神 便 與 得 無 地 禱 到 疑 對 亦 此 如 得 ? 是 孔 的,言鬼 謙 子 詞 方 是 在 然學 神 學。」 慎 便 者 獨 與 問 須 鬼 始之 是 神 學 學 對

問 又 乎 於 是 必 平 東 薨 ? ·, 却 日 安 有 坡 固 石 我 云 伊 象 伊 一、我, 先生曰:「朱陸 未 二公亦 便 ĴΙΙ 先 _ 川 未 嘗 好 象 問 云 人言 不 東 ?。」先 聞 子 先 是。」 坡之 歌 日 不 宋哲宗時 於是 是 生 則 : 能 事 處 先 一伊 日 不 辭 恐亦 日 之學 : 便 生 哭」。 其 哭 111 當 曰 責 明 於 則 明 從, 亦 成 道 東 堂 此言 不 是 於二 幾於 聖 只 坡 歌 禮成 如 要已 人 雖 能 此。」久之 無 家之門 説 故 前 發 我 如 是 毋 不 得 矣。」 明 温 意、 吊 便 不 道 公

E 「文武 象 先 問 並 重 長 近 日 久之道 武 職 也 甚 是 武 削 職 弱 弱 _ 1 先 生

> 之 見武 文臣 用 急 兵!」先生曰:「不養之於未 者又每言 事 理 於 時 便 知 職 便 有 云 不 得 亦 事 可 得 了安得 7 不 之 爲 君 以 可 日 用。 他日 何 逞 輕 邪? 不 此 矣。」象先 且 用 賦 有 如 他 事 宋 用之糧,以 凡學者 便 詩 心 澶 會不錯 下 淵 以 日 蓄 之 退 用之先,安 於這消 役 憤 虜 養此 今日 不 邪 高 平, ? 息 無 瓊 司 盈 望 用 此 到 便 或 其 虚 之 斥 有 可

無 做 高 無 太 何?」先生日 堅前 物。」 小 宰 個 也 便 極 生問 又曰 後 小 以 之嘆 故 的 藝 1, 夫子 太宰 : 看 -『君子多乎 其 一只 做 蔽 觀 個 亦 便 這 于 此 極 把 在 處 物 可 大 此 這 教 子 以 乎 的 藝 哉? 顔 知 子 貢 看 子 人之胸 猶 做 不多也。」 如 貢 有 何 便 樣 物,夫子 從 以 次 得 藝 無 大 如

故 ?」先 象 先 生 問 日 : 一只 聖 是 人 不仁,不仁故 無 我 便 有 有 我 者 何

六

與,他 品 夫 嘆乎?」曰 能 是 忽工夫。」 子之高 日 曰 友 子 是 幾 以《 數 彙 : 有 『仁者 於 晴 便 人 我 西 把己身放 堅 的 無 無我,何 中 則 便 銘》言乾 前 息, 間 以 人 • 不 來 後 「顔 便 天 口 日 譬之天 亦 處 得 地 在 得 之 以 子三 便 坤 與 萬 天 此 於 而 陰 許 我 便 物 地 測 顔 夫子 然,其爲物 月之後,未免 雨 多 是 爲 爲 萬 0 子 便 吾 町 敵 物 所 又曰 猶 不 體 父 畦 中 以 有 雖 可 藩 母 作 . 猶 高 知 近 不二, 籬 問 堅 用 民 此 日 樣 猶 隔 其 前 便是 仰 便 兄 息。 看 斷 故今 後之 鑽 是 生 弟 顔 T 瞻 夫 成 子 故 吾 朋

先 否? 此 又 默 生 處 諸 然 先生 日 心 不 不 生未 ·存,亦 謂 應,先生日 看 諸 來汝還 及 生: 應 便 是 未 : 昨 生 息了 「道體 曾仰 看 遽 仰 問 , 鑽 鑽 與 本 瞻 這 是 瞻 忽 逝 忽 個 逝 也 者 不息 水 如 亦 不 斯 有 的 相 生 得

> 要於慎 雜伯。 似。」 程 世只從外面 久之『純 「舜之治起於嬀汭,文之化 子把慎獨 頃之, 是故 獨 亦不 與王 又 王道打 做將 王 已旦。 問 道 道 在 來,所以 做一 發之事業,便是 若 程 慎獨 子 不 片説,此 云天 相 縱 久之『自 始 及 做 德 也 于『刑于』。 得 語 王 好,只 道 純 甚 强 先 緊切。」 王之治。 生 不 而 息, 是 歸 曰 個 後 其

爾爾 筵》,武 則《 爲居變風之終?」 也, 以 王 之 不 抑》、《賓筵》何 風》,周 何以不入《雅 詞 ·居《國 象先問: 式 君 入於 公遭 臣 風 《抑 相 **₹**? 王 流 刺 朝 日 以 言, 》戒、《賓筵》諸 時 其 翢 爲《雅》之變? 先生日 \sim 居 0 能 風 抑》戒 東 正 爲 \approx 乎? 是 而 王 : 作 詩 業 者 以 賓 抑 侯之詩, 根 文中 也。」「: 筵 諷 **^** 本 戒 爾 厲 · 所 子 刺 > 王 然 賓 又 係 厲 何 何

正,其惟周公乎!』係之《風》,遠矣哉!」不云:『變而克正,危而克扶,終始不失其

於宗 民。 謙 心 民之念 之志 術 纔 此 廟 先 得 處 生 自 朝 故 可 曰:「夫子在 廷,也 是如 觀 見夫 聖人之言貌,當先觀 此, 須 子 便便,不 非是 愛兄敬長之心,爲國 鄉 矯 黨 飾 然 而 取 ,或至 恂 容 恂 悦 聖人 害 原 的 事 他 之 爲 謙 病 至

服 益 綌 不 場有 而《 不 瓜』字亦無害。」先生曰:「然。 ·苟,只 他 亦 坐;食饐 中 象 瓜」,故 便欲 是 庸》天下 動之微,而 先 在 此 問 表 物。 這 而 [] 「『蔬 亦 出 小 國家之九經,夏商周之因革 餲,亦便不食,皆是禮 有 故《鄉 節 不見體。 天下 瓜 上愈加 祭的。」又曰: 食菜羹,瓜祭』,恐只 萬 黨》 世之大經大 敬 如 見得。 篇 個 多 席 《詩》云『疆 是 「聖人存 不 如着 飲 Ė 法,皆自 節之細 食、衣 亦 件 損 便 心 作 絲

此出。故每謂此篇是夫子行之一貫。」

又云: 其 子。」先· 克 教。 如 於死生壽殀,有命 變,又當 此,萬一手足 笑曰:「父母俱 夫何憂?」又云:「但妻頗賢,故情 泰。」「汝兄弟 生時 何?」先生 爾。」先生曰:「有 先生曰:「汝父 有 亦有 生日: 適 何 生 見 如 悟 喪 一先 何 日 ? 有 子 其 存 如 : 變, 生示教 夫妻賢 室,情 元, 兄 存即 ?」對云:「能成 存焉,汝不得 我 當 母 子 纔 弟無故 何 何 妻 乎?」對 所言 不能 是汝刑 云 如 如 存 此 ?」對云:「幸 ? 矣。 此 自制,來 非 處 萬 而 于之功,至 云 是 是 只 若 有 與也。」生 立。」先生 學 最 好 恃 爲 不 耶? 樂的 爲學 怙 有 見 妻 能 請 有 如 自 康

涇野子内篇卷之二十終

涇野子内篇卷之二十一

太常南所語第二十八

門生

一謝

顧

録

悦。 問: 孚也。 吁、咈之遺。 中』?」先生曰:「欲貴者,人之同心也。 萬 孔門諸賢,真得 日: 不及前 「諸友今日 又曰『子之迁也』,宛然唐 乙未正月二十八日,先生至太常 寡 如 尤し、「 聖,如 有疑 看來 處,俱當 聚講 唐、虞精一之學,如『子 何 寡 唐虞聖賢 隱 悔 而 而 不懈者,必意 吐露 不 何 露 尚 以 蓄 無 相 謂 隱 疑 辩 虞都、俞 不 難 禄 我 氣之相 () 吾人 發? 南 在 嘗謂 『禄 所 其

也。 任 須詢諸父老,度諸 是,至於中間 邊 謂 言」,自能 禹以至公至仁爲 目 四 於人、恐不可也。」先生笑曰:「予嘗謂 何 也惟憂其不多。」應韶又云:「如天下之兵戎 聞見乎?」曰:「有好問好察之心,則於聞 籍,詢之父老; 在 人之善迹是也。」楊應詔 爲耳目 而 個耳目,禹有 務,必須讀天下之書,識 而不差。 其中』者,人人有貴於己 『多聞』、『多見』?」曰:「多聞 邦彦如云 爲要塞,如何而 一、禹以 天下風 若未先明諸心,徒恃居官, 人情之未安,土俗之未便, 邊 多見如論古人之行事 九 九 務 動允殖,無不在於多 本,是故『察邇言』,『拜昌 州 個手足,蓋舜以 時 當先有聞見於己,此 之手足爲手 爲處置 勢,然 曰 : 也。」「 天下之險阨 得 後舉措克成 「焉得盡 宜,然後 足也。 如 然 四 稽 海 則 天下之 觀 聞 之耳 專資 舜 之 履 何 舜、 如如 其 見 有 典 必 古 見 斯 今 以

今日 虚 虚 虚 事 之聞見,信 善言、見善行、若 人。」應詔 一人之聞 則 則 也 聚 雖 雖 講 徒 天 未 持 幾 乎難矣。 人 下 見,邦彦 亦 俟 敗 之 之 不 己之 其言 乃 聞 聞 可 決 公 見 見 徒 見, 尚 之 事 江 看 不 亦 多 弗 畢 河,其 乎? 來 執 衹 見 聞 能 而 心 見 其 見 還 取 又 定之 心 其 有 要虚 問 只 生 而 而 足 餘 心不 是 説 欲 法 矣。 先 如 如 虚 而 取 生 求 或 吾 1 天 舜 應 以 \Box 其 輩 弗 受 下 聞 天

詩 亂 之聲,鄭 鄭 鄭 心 之 衛之 口 志,故 由 問 乎 者 : 風 爲 ·; 非 人 「夫子嘗云『放鄭 生於 而 特 後 後 放 不 日 世 來 鄭 删 沙 放 興 唐 ? 之。 衛 之杜 土之上,聲 亡 一之戒 之詩 先 若今鄭 甫、 生 聲」, 也。 日 鮑 盡 : 音 照 目 詩 蓋言 「夫子之『 何以 婉 諸 之 紀 媚 淫 又詩 成 亂 或 或 甚 文 憤 放 之 致 謂 存 蕩

> 得 篇 忠 知之,此亦不可忽也 而 然 詠 或或 人誦 傷 之, 時 其 而 世之 發 衰 雖 亂 不 足 俗 以 之 繼 薄 百

曾 嘗 李 筆 耶 下 切 曰 莊 何 而 詔 楊 ??」先 謂 杜 不 ? 力 手 : 肅 惡 近 邦 思、孟之不 子 甚 可 矣 ,使 來 而 工夫。」先 應 於 彦 惟 錯 健,每 獨 邁 詔 卿 生日: 檢 斯 熟 通 應 用 處 問 漢 可 束, 於 爲 静 詔 魏, 謂邦彦之直 作 而 心 詩 可爲? 我敝 坐,或 生笑 日 心 「還是不 文 在 真 則 禮樂不 文 : 欲 陋 孔 自 可 詔 省 纏 日 門 韓 嚴 對 謂 不 縛 有 特 蘇 心 衆 整 難 敬 可 好 友矣, 其 非 故有 而 敬 時 先 耳。 學 而 斯 所 心 駕 不 外 不已 之才士矣。 生,天資 終 未 須 見未 馬 欲 但 是 又 王 去 不 免 於 班 莊 人 説 贵 一,則 材 身。」 樂 能 破, 敬 賦 肅 有 。」先生 有 起 於 何 甚 聰 故終 如 特 則 工. 放 如 日 明 高 我 卑 之 夫 自 肆 無 應

爲之主 若皆 放 禮 蓋 好。 儉 長 先 佾 生 生 日 禮 戚 問問 少 僭 歌《 日 儒 是是 日 貴 禮之本 次 . 樂 嘗以 ?」先生 出 如 鄧 可 雍》之後 得中,如人家行吉禮一般, 「仁還是禮 則 立 人 於 矣。」又問: 廷 譬 忍也,孰 公言仁,又以 選 深 便 真 如 自 夫子 問 是 有愛君 誠 事 然 曰: 序; 者,蓋言季 官 惻 無 人 不 樂之本。 怛 長,處 「序、 不 儉 中 可忍 何不 親 而 和 戚 此 間 上之心,則自 不 愛言仁,愛字 和 豊 無 便 從 僚 告之以 仁如 也」,忍即 與 就 謂 氏之不 不 友, 容 夫子序此章於 仁 ·序。」又 爲禮 之仁。 揖 今日 禮樂何?」 何 遜 此,而 以 仁也。 之本 專 便是 之相 是不 别 問 事 最 然 不 ? 奢 哉 止 必 敢 説 和 侈 云 林 先 ? 故 先 越 得 八 ;

> 戚 也 爲 自 於 古 見。 禮 有 過 而 謂 之 親 也 凡 儉 之喪, 中 若 附 乎? 戚 於 近 於 身 專 禮 故 儉 附 事 之 謂 加 繁 於 無 儉 本 文 棺 敬 戚 可 古 者 爲 則 過 也。 通 禮 又 也 不 之本 不 著 觀 若 及 意 則 矣。 寧 於 豊 不 字 得 哀 口 至

代 凱 德 之者; 詔 以 由 古 則 見 于 在 日 宋 反之。 也 : 於 有《大夏》、《 王 濂、王禕、 九功》之舞。 武之盤 ?」先生曰:「舜之由仁義 揖 材 先儒 問 遜 故 征 謂 「《韶 、盂、几、杖有銘, 伐 發 牛 治 於音 定 諒 大 而 学之 我 制 博學諸賢,乃於禮樂 武 謂 太 容 禮 盡 \approx 祖 上,皆 性之」、『反之』, 美 在 功 之定天 與《 漢 成 丹扆有箴 (武)未 口 作 唐 行,得于 見 樂 亦 下 也 有 9 盡 0 有 在 善 七 應 實 性 何 陶

^{■「}禮」,原脱,今據乾隆本及《論語》原文補

也 事,豈 卿 先。 正 百 肉 真 其 遑 賈 樂之難 書不 日 베 制 姓 有 誼 也。』後人云,使文帝 『方今天下 不 要學術 壺 海 雖 疲 傳 斯 制 是贵 定。 作 制之乎?」先生 每 非 遂 内 謂 敝 至 時 作 也。 勸 而 漢 謳 以予 講 武 今禮 史安 之實 樂 武 文帝 改 起 文之意乎 歌。 得 帝 帝之能 我説,文帝 之 正 爲 論樂, 了,躬脩 有《大 明 其官、②民樂 難 瘡痍,萬 改 以 朔,定曆數,斯 白 盜 雖 制 李 正 謂 賊, 禮樂,不 乎? 、明集 後 延 似 日 朔 玄默 哉 非 : 年爲 有 人甚 能 乎樂之易。 不 民 ? 文帝之禮樂, 興 「如邦彦之論 州 . 暇 禮 用 0 失所,我於禮 抑 禮樂,文帝 、其業, 吾 協 賈誼 牧公卿之責 於 》,至 以 樂之 可 示敦 輩 時 律 制 亡 也 今 郎 於樂, 不知 海 作之文 秦 難 閭 朴爲天 以以 日 我 内 之 或 究 閻 相 嘗 虚 似 續 初 不 樂未 公孫 饜 如 謙 其 則 聚 説 耗 之 譏 下 乎 梁 讓 可 音 闕 而 何

> 要求 謂 嘗 天下 先生端本之論也。」 生 切 不 作樂,其亦知所先後乎?」衆愕然 ,至今人 不博? 哀 可 禮樂之實, 怨 今日更一 也 不 亦 屑齒 只 獨 爲 法 先 不 者,不急其 欲 以 度 觀 變 愛民 宋之王 明 禮 日 樂,壞 之心 更 本 安 也 爲 石 禮 盡 本 樂 日 學 邦 天 始 彦 問 下 以 此 所 蒼 何 致

乎? 乎 荷 諸 簡 事 ? 皆 葛 古 而 孔 應詔問: 先 或 不能 日 然。 明 : 生 用 每 敬 臨 日 所 如 事 不 民者也。」應 簿 『敬 是行 必 能 書 此 周 無者,若 以 錢穀之繁,軍 正 勤 簡 行簡』與『居 後來 見 之本 行 詔 簡 徒 起 便 如 執 有 曰 : 食 居 其 少 簡 戎 簡 行 『敬 要 事 祭祀 則 之 也 簡 繁,此 以 簡 亦 之 彼 行 於 口 同

^{● 「}躬」,乾隆本、四庫本、嘉慶本作「恭

② 「史」,四庫本作「吏」。

乎 蓋 ? 不 知 日 其 要 要 矣。」 在 於 應 敬 詔 能 又 問 敬 以 然 自 則 治 要 而 在 無 用 纖 人

毫 私 滯 於 其 中, 則 自 然 會 用 人, 自 然 會 理

財 惟 事 事 苟 事 簡 有 緒 吾 而 見 不 亂 身 矣。 且 弗 如 治 自 家 安 無敬之本 望 其 能 臨

民? 看來今日之講,不難於簡而難於敬

賢

畫

他

日

居位

蒞

政,切

不

可

忽

此

敬

字。」

性 用 喜怒哀樂未 情?」曰:「七情之中,惟怒爲甚。 功 信怎 遷 問 怒』, :「『不遷』、『不 麽不 發 發之中。 謂之好學?」又問 而 中 節 之和 顔 貮 子 如 逐 _ 何? 日 不 在 貮 這 過一, 何 先 怒 性 以 生 見 情 而 幾 日 得 於 不 上 :

問

做

不

貮

 \perp

夫,

有

甚

下手?」

先

生

日

示

遷

如

何?

日

:「凡人之有怒,必

先

有

私

貮

中

要

個

勇

字,能

勇

則

改

過

不

吝。」

過

失

過

而

不

貮

則

馴

致

於

至

善

矣。」

應

詔

遷

則

凡

七

情

皆得

其

正

矣。

人性

至

善

本

無

始 用 非 欲 心 可 語 I 到 繫 可 勇 ?]講 夫 語 亦 累 忘 夫『不 處 不 不 故 必必 能。 貮 畢, 程 過」。 遷怒』; 須於 子 又曰 邦彦若 謂 私 忘 • 心 『致 怒 極 欲 而 高 下 刀 觀 廣 明 手, 斬 大 理 而 斷 盍 之 而 道 方 先 盡 是 中 纔 從 精 庸 非 做 微 勇上 得 始 然

之善 也; 矣, 甚 邊; 病 是實心,今人雖 狂 性 痛 可 者 故夫子 又言『唯 除是· 愚 也。 惡 相 甚多,夫子 先 是 則 也。」 近 生 過 不 E 講 如 其 嘆乎 一智下 的 能 堯、舜、桀、紂、顔回、 問 古有三 上 本元 狂 智 。」日 \equiv 邊; 獨 ·愚 一,又不 與 夫子言『 疾 無 嘆 者 疾, 下 : 矜 亦 則 不 \Rightarrow 能狷 愚 「誠 不 者 善 件 不 謂 ·似古,蓝 不 類 能 然,但· 者 諸 性 但 移 乎 移 何 生 習染 相 天 ? 狷 耳,蓋言 日 者 近 蓋習俗之染 古 下 越椒 . 。 習 後 何 是 只 人 謝 始 之 是 天 不 顧 相 疾 數 人 及 相 \equiv 下 日 遠 性 人 猶 等

之本 説 合 不 得 年 F E 口 I觀之, ? 如 一之内 移 似 者 孟 嘑 天 有 恶 也 還 億萬 子 蹴之食,乞人不屑,此 命 更覺 兩 多 日 亦 可之疑,誤 之性 人 人之中始有一人焉, 不 而 親 生 可 不 切。 無 日 可 非 不 有 移 氣 謂 至 看 不 者 此 於 質 1 之 善善 兼 甚 韓 上智下 性 何 水水 氣 少 子 亦 處 ,可見還 質 如之何 無 性 可 求 之 愚 有 看 有 見。 性 也 如 不 來 \equiv 乎 品品 ? 何 下 然終 天 是 ? 之 分 下 性

悦 上 般 日 也? 終 問 鄙 日 惟 如 鄙 患 鄙 邊 陋 得 夫 鄙 則 何 患 鄙 心 以 失, 陋 小 不 之鄙 更 能 阿 有 事 諛 非 其 甚 爲 王都 容, 君 念 ?! 先 頭 逢 之 到 内 迎 生 君 爲

門人歙縣許椿録

先生曰:「《論語》只《學而》與《孝弟》兩

體 專靠 孝弟 則 先 不能 章 子 時 個 個 謂《西 所 根 上 問:「然則《西 雍 便 貼 已也。 鳥 則 以 因 西 可盡爲學之道。 九 的仁、豈能 行 然學仁從那 銘》言弘之道,爲 銘》。 而 潤 族 仁之本 仁民愛物之枝葉 魚 如《 惇 鱉 睦 不 西銘》 [銘》可 之成 以 然, 也。 相干邪?」 裹 此 則墻 若 起? 便具爲仁 是 以 學 百 者 故 盡 仁 姓 個 屋 以 仁乎 君 之方 花 只 甚 昭 上 此 子 萼 於 麽 明 貼 ? 的 務 孝弟 也 油 也 以 的 孝 道 ? 本 前 然 此 仁 弟 理。」象 於 上起 : 而 與 不 便 只是 孝 生, 是 身 弟 程 戀 口

意。」 所 即 以 京存 顧言: 聞 子 實 的 吾 問 氣 順 象。」 如 「朝 事 聞 9 性 子 没,吾 聞 實 與 道 天 言 道 寧 如 之聞 一是 也一 何 ? 持 守 日 般。」先生 象 : 不 先言 變的 試

■「何」,原脱,今據乾隆本補

DI

易 不 未 容 道 悔 怎 好 事 着 這 説 不 日 得 就 貨 知 惟 看 美, 氣 焉 萬 麽 道 及 他 者 得 過 義 象 物 耳 也 是 或 終 都 因 惟 果 亦 也 聞 無 聞 是 日 是 勉 無 諸 知 道 以 是 聞 酒 飲 戚 可 之 怨 諸 利 ? 生 尚 道 聞 戚 食 得 之美, 悔 日 生 請 之。 但 否? 故 貨 不 問 聞 . 否 問 或 所 須 者 豐 ? 的 聞 如 是 實 故 以 先 矣。 先 今 若 好 居 道 這 雖 見 得 只 生 生 有 有 酒 等 室 亦 得 緣 聞 酒 觀 日 是 者 念 不 貨 道 這 m. : 此 言 毫 安, 惟 道 難 慮 處 肉 口 殺 我 固 知 怨 官 横 事 舉 之 求 或 其 和 汝 酒 是 被 悔 於 是 軀 身 天下 所 汝 輩 之美, 好 罪 胸 猶 亦 衣 可 皆 以 包 輩 的 中 容 算 從 不 萬 服 聞 裹 於 未

謂 夫 子 何 ? : 先 於 椿 問 由 生 赤 治 曰 許 或 : 仁, 以 治 治 家 或 體 家 禮 大 禮 樂 而 樂 非 無 不 不 不 在 許 能 者 其 也。 而

> 足 有 在 觀 以 之,求全體不 易 盡 中 **>** 之乎? 是 體 甚 仁 樣 足 ·息便不 故 宏 以 三子 大 長 人 能 或 千 故 則 乘 夫子不 時 知 百 天 乘 事 下 賓 許。 之仁 萬 客 物 則 贵 皆

之, 得 迹 事 經 就 然 避 生 者 於 夫 亦 而 正 曰 故 或 者 子 庶 溝 及 洲 公不 日 武 問: 耶? 不 幾 瀆 也 謂 子 元 取 於仁 而 之忠 咺 至 不 「寧武子之愚, 召 召忽者 莫 争訟 又問 避 於 忽者 之 乎 則 艱 被 ? 曰 知 成 可 難 何 囚 也 甘 ? 公被 如 謂 』。」象先 於 卒 : 此 而 輔 否。 日 以 其 囚 則 何 邪 全 愚 死 以 則 者 智巧之士 君 管仲 問 難 不 未 仁 亦 也, 者 可 也 可 則 此 及? 故 舍 在 泯 武 其 上 所 於 下 子之 愚 邪 所 取 自 化 先 無 深 口 而

仁 義 亦 義不 在 洲 問 其 待言也。」 中 否? 無 私 心 應 先 而 熊言 生 當 於理 「只不 「只爲 是 可 富 息 言仁 貴 便 念 是 盧 個 而

父子 與 難 先 擺 志 心 生 以 獲 處 天 耳 日 天 生 脱 提 如 則 _____ 下 下 弟 日 日 不 推 起 ·爲 開 兄 亦 納 這 之 便 己任 猶 體 如 此 之溝 還 會 能 口 此 亦 家 不 如 要 西 是 推 息 顔 中 是 銘 如 相 這 之, 也 渾 子之不 此 》意 干。 便 便 0 范 淪 到 是 徐 相 文 思 説 他 椿 鄉 紳 正 改樂 干 T 嘗 人 問 言 如 自 了 0 便 存 如 : 此 做 乾 不 人 便 伊 秀 患 各 大 此 相 父 尹 能 家之中, 才 人 處 之 干。 坤 有 不 時 不 母 却 夫 個 息 先 或 之 立 甚 便 息 不

信 明 謂 各 志 有 之 重 道 道 攸 朋 在 洲 便 既 問 重 朋 友 不 一,彼 不 友信之上 得 與 明, 前 亦 行 有 日 因 自 位 看 事 如 不 者 如 先 而 能 今 交, 何 發 生 朋 行 ? 謂 因 友 如 如 先 之 聞 不 與 何 生 僚 其 信 無 得 説 友 位 老 道 夫 者交, 言 不 子 安 便 相 之 不 少

> > 言

又

身 孔 公, 先 過 遂 知 人 定。」子實 上 子 般 通 故 事,又何用 生 物 的 尋 見 氣 天 曰 延 來 氣 一静 看 象 下 齊衰者、冕 祀 : 順 象 \sim 义 亦定 言 問 之故 應,即《易》之『寂 念定 西 要 故 銘 $\overline{ }$ 者 性》就 自己身 知 動 求 擴 西 **>** 也 止? 是仁 衣 亦定」, 銘 觀 然 裳 太公, × 是顔 上 細 孝,《 者 篇 定 尋 先 思 與 内 大旨 子 之,《 性 看 物 定 然 瞽 生 外 示不 大 得 性 者 不 來 兩 曰 西 須 遷 動 順 志 指 是 雖 銘 怒, 自 應 如 惟 擴 知 坐 0 孔 何 就 其 是 必 然 止 感 貢 作 真 聖 如 太 有 顔 而

何 ?」先 洲 問 生 曰 : 博 吾 施 舊 濟 將 衆 「能 堯 字字 舜 重 猶 看 病 博 施 如

❶ 「然」,原脱,今據四庫本補。

夫

人 所 事 能 言 博 施 見 聖 而 人 濟 固 衆 有 則 是 或 心 有 不 然 能 其 所及, 曾 以 争 否 ? 國

賑 則 非 饑 聖人一手足 耳 目 之 所 能 也 是 聖 人 能

於博 施 前 不 能 於 濟 衆。 觀 此 則 堯 舜 猶 病 :

미 見 洲 又 問 昔 有 陳 巡 撫 過 徽 問

堯 諸 \sim 舜 中 生 ·庸》位 對 「惟 者 天 堯 看 地 育萬 來 舜能。」然 亦 未 物 盡 ,古今人 陳公曰 得。」 先生笑曰 誰 :『夫子 盡 得? 説 :

當 時 猶 何 病 不 對 日 惟 都 先 生 盡 得 象 先

曰 : 言 正 猶 是 病 如 者 此 亦 自其 不然 心不自足 ,則堯舜之民『於變 而言。」 先 時 生

雍, 不 能 位 古今之治莫 天 地 , 育 萬 有 物 尚 焉者。 則 古 今 若真 何 人 以 不 爲 病 病 ? 而

而 中 庸 》之語 夫子 贵 虚 設 無 歸 着 的 ? 故

之而 少堯舜之治

猶

病』二字,只

可

以

之

推

堯

舜

之

心,不

可

溺

椿 問 『求仁得 仁 是 兼 遜 或、 諫 伐

非。 其宗 傳 謂 聵 子當 矣,況靈 之愆,則 有 蒯 制 父遜國,卒不肯立則尊之,如 此 在 久 無 位 子 大 夫子 聵 于 事 如 方回 于 怨父怒子 父父子子祖祖孫孫 廟 罪 以 衛 時 乎? 之 先 何?」曰:「如 輙 事 奉 淫 逆 未必如 必必 處之之微意乎?」 公已 雖 生 過 亂之耻 也 也 則 胡氏謂 靈 其 能 日 於 在 公生存 卒 祭 化 睢 是 之恨 椿 輙 靈 之, 世 祀,收其 還 陽 也。」象先 乃 若 又 公無 命 乎 是 問 誠 此則是告輙 無 人子 公子 而 ? ,不復怒焉 在 專 : 心 這 逐子 父遂 又何 言 衛 若 人 迎 之情 樣 郢 使 先 問 遜 輙 是 心 立 事。 立 解 夫 而 生 -或 無 唐 不可 _, ___ 而 孫 子 顔 至不 立 日 而 承 之太 人謂 以 蓋 之嫌 立 胡 于 之,果得 在 祖 反 蒯 即 僞 子 之, - 忍者, 「夫子得 溱 衛 氏之言 拒 昔 其 上皇之 聵 矣。 輒 貢 父 以 能 在 既 洧 當 人 亦 惟 所 蒯 次 者 往 保 非 迎 夫 有 間

象先 者 是衣 得 雖 肱 面 面 可 壁十年 開 雖 不 功 ? 足與 是 名 必必 問:「世之隱 食不足,便是 先 蠓 然夫子 寄 問: 富 生 須 外外 跡 語 貴皆放得 日 察他 Ш 聖人 : 於 面 林, 曲 如 蔬 心 富 肱 而 又不 此 食 外 中 功名 貴 下 而 不仕者,志在山 飲 ,未知他 安 面 ·, 如 則 枕 知 水 勢利 否 纏 上莞 之一, 他 何?」先 處皆是樂,學者 縛, 心 我 紛 心 下 下 怎 富 華 嘗 下 簞 如 麽 貴 生 説 似 如 何 中, 得樂?」 日 未 亦 何 個 何 也 :「此 達 擺 把外 嘗 必 隱 磨 脱 曲 不 不

然, 容 德 不 日 出 易 易 無 得 見矣。 衆者也 洲 聖人 處 見? 問 不 固 然,過 一善人 若 是 聖 夫 人 神 此 有 固 明 嘆 亦 恒 是志 不 有 幾 者 測 恒 小必 於聖人君 者 之 仁 難 無惡者也,故 也,君子 於 如 平 何 日 子 ? 無 固 如 是 時 先 皆 才 何 生 不

寅問:「『三以天下讓』,如何?」先生

之聞 又問: 《論語》,汝欲一時 又 漸 道 其 先生曰:「也是。」言未已,寅 字是武 天 焉 下 起 便 樂』 : 「還是 貪? 日 意 ? 云云,先生 有 是 『躬行君子』是子臣弟 : 王 彼 樂道 已有 是貪 讓周,若作 但 此。 故 還 自 忘 多。」 天下 要 日 將 當 貧乎?」 循 都 發 時 「這 後,孔 先 序 1 明 言 讓 生 ,亦甚 而 故 等如 決是 商説,太王怎麽有取 進 先生曰: 寅 子 可 何得 「欲仁 又問 追言之也。」寅 看得易矣。」寅 讓 又問:「『不 友之道否?」 周 聞 性 而 ? 若 天下 與 得 天 説 改 部 道 樂

以 乎? 云。 適有二生自監 此 子實 纔 知工 此 日 説 心 諸 遂言: 夫不可一時不密。」 出 息 生請 辭 中 不 氣, 來, 存 講 司 斯 ,便會忘了。」久之,日 成 因言 君 遠 可 子 鄙 謂 近 所 倍 太 日 貴 執 方 乎 而 矣。」 得 道 子遽忘 撥 者 先 歷 之 云 生

弛,士 故 同 後 立 矣,故變例 與 其設 如 僵 洲 風 何 伏對 立 ? 」先: 益 與 教 以示人 偷 夫子 成成 條 記 生日 之常 夫子之時 與 興《詩》、立禮、成樂之次 中 爾。」又曰 -道 規 先王之世,人人知學, 學樂 而 如 止 已 此。 對 : 誦 大 《詩》,二十 興 非 後 與 世 先 泯 王 政 滅 之 教 對 廢 日 而

忽後。 了 取 也。 文約 顔 言堅; 一高 諸 子 文而方約禮 所 禮 明 身』是 如《易》曰『遠 椿 日日 問 以 此 配天」,可 者並 ,其學之法 夫子 難 月 約 於 代 進 高 也。 之道 禮 進 明,四 堅 以言 之事。」「 步 取 乎 文之博,一 前 顏子之竭 ? 而 諸 直 時 高,『博 後 有 物』是 曰 是 錯 如 是 無 行」, 然 何 嘆 才, 窮 ? 博文之事,『近 此 厚 有 禮 也。 可 盡 配 夫子之 先 Ē 之 先 以 地 後 是 約 無 言 然 生 並 乎? 非 方 2善教 則 瞻 可 日 進 體 博 前 博 以

> 緣 當 蓋 怠 阻 息之 不竭才。」 時學孔子 故 焉。 高 堅 所 顔 間 前後,道 立 子 的 卓 惟 如 氣 爾 今 于 無 象, 仰 日 讀 鑽 只 息之停, 又 書 瞻 在 日 忽 不 竭 之際, 得 才而 此章 學道 其 義 已,今人只 極 者 愈 理 言 自 亦 輙 顔 强 當 子 不 自 無

深戒。 生 道。 是不 不 無 稱 聞 道 行 如 椿 若夫 何? 道 問 可 則 知 ; 非 矣,非 没 也 疾 陽 先 世 没 明 生 蓋 世 先 Ħ 子 而 日 猶 生 生 : 而 謂 之 無 一説 名不稱」,是疾 而 令名 務 疾 不 四 名 而 聞 + 之播 何 道 固 ? 五 是,説 君 + 子 則 名 無 之 其 疾 聞 不 所 名 稱

飲 子 聞 也 固 回 可與 貫, 可 椿 也 問 與 不 答門 權 權 改其樂」; 顔、曾『可 人 如 然 以 用 須 忠 舍 觀 恕 魯君致邑,曾子三 行 其 與 藏,仰 謂 所 權」否 非 立 權 處 鑽 ? 不 瞻 能 先 忽, 簞 也 生 四 食 曾 日 瓢 子 返

《書》曰『德將無醉』,亦是此意。」 " 大學領、曾之權,請先從他立處起。 故或是三行五行,不拘限量,而不及亂耳。故可是三行五行,不拘限量,不及亂」,朱子講作以醉爲節而不及亂耳。如何?」 先生曰:以醉爲節而不及亂耳。如何?」 先生曰:

涇野子内篇卷之二十一終

二九九

涇野子内篇卷之二十二

太常南所語第二十九

門人儀真盛楷録

句上着力。」「何以 生曰:「文字要意 便别。」 楷問:「今日 新 時 能意新?」曰 文體制 ,則辭自 當 不腐,不必 何適從 :「躬行 ??!先 自得 在字

借 也 人。」先生 得之而 謝 顧 説: 藏、藏、 曰:「得之而 「《二程抄釋》 之而束之高閣 誦,誦之而 某 人雖 不可 有,不 躬 也 行,可 肯

「只要發揮本題。如樹木然,從根發出者自楷問:「作文怎的是新意?」先生曰:

學也。 不同。 治? 門覓句,這都爲世俗所累,反忘其大者,不 子 擥 陛下 由 在 人黑白豆法,則時文之業,亦在 且 不得不然。」先生曰:「此係所養,不係 象!」一生曰:「韓子之文,其文與時高下, 有 其文質實,自 體 生 如 取 作文,也還刻 樹 意,葉 濂 驗 陳言, 上 内多欲 須立課 杜子美『語不驚人死不休』,陳無 又如諸葛武侯二《表》,皆是 自 溪、明道之文,發出自然意新 乃得?」先生曰:「要 莫 以 也绿,花也紅, 然 而 有 爲 程,紀載 外 有 己説 削 生意。」楷問:「 生 施 意。 譬如 仁義,奈何欲效唐 如漢 日 之言動念慮,如古 長孺對 董仲舒、汲長 愈看 攘 躬 取 其中。」 行。 愈好。 此 别 武 生 處 與與 帝,只説 何等氣 意 且 花 於時。 若 己 韓子 虞 如 須 葉 孺 可 閉 之 是 韓 縛 徒

先生曰:「程子言『莫若察之於吾身』。如念楷問:「『博學於文』,切要用功何如?」

言之善,一行之美 善。 是約 之所 自 放 室 或 又問:「求仁之要, 曰 放 一,或放心 「放心各人分上 會 處收斂之,便是爲仁。 愛民 若 禮 心 以 起,身之所接,事之所 衣 能 畜其 於飲食,或放 服 愛 楷 爲 於勢位 都 (德]似: 國 日 得 君 也 這 是 個 窮 約 子『多 仁 或 都 在 禮 理 其 心 的 放 威 不 放 乎?」先 於 學 同,或 若 儀 心上求否?」先生 如 有 衣 識 處,一 問問 言 朋 知 服 不 前言 語 或或 到 友 同 放 生 則 人各 處 相 飲 自 心 往 他 日 放 食,一 會, 於貨 得 行 日 相 心 「然。」 處 居 或 隨 於 觀 似 利 動 宫 官 其 博 而 纔

之不 此 甚 夫子,只說 數 稱 語 清 楷 語 問 否 E 撓 見 仰 之不 稱 其 先 鑽 叔 全 生 濁 瞻 度 矣,不 日 忽 者日 -此 四 外 句。 此 在 : 汪 不 多 力 其 行 知 也 汪千 他 史 之 游、夏,何 書 士 如 頃 顔 上 也 波 更 子 有 稱 澄 只

能説得到此? 且其所以仰鑽瞻忽者,是

個

甚麽?」

其 女子 罪 若令其親 中。 及 而 有 日 姓 太監 活 。」太監懼 : 寇 得 此 千 名 數 司 先 餘 寇之 出 生 日 預選女子 女子候 臨 人或 日日 ,感寇公之仁, 期 死 善政 召 者 雪 食 朝 用 中 店 千 何 廷 坐 爲 幸 餘 亦 酒 以 京 清 十人。 前 人以 未 肆 處之?」寇 無不 兆 風 領 爲 菜 亭,楷 尹 出 俟,乃居之空 晚。」太監 色 號泣 時, ,置立簿籍記 寇 如 輩 武 公曰: 此 公 者。 恐 宗 侍 請 從之。 南 坐 太 反 巡 莫 取 監 倉

字 後 取 損 其 是 人誇 似皆 回 貶 楷問 張 曲 損 經 孔孔 深遠 騫 且 孔 俗也 是 子 門諸賢之字皆有 所 騫 仲由 。」。上先 舉。 更改 生 字子路 者 如 日 顔 П 如 當 冉 字 関 時 意 耕 子 損 諸 義,不 字 淵 字 弟子名 伯牛 子騫 水 似

其大。 其 以 尤更 如屑屑 之矣』,蓋得其五人之意,雖三人忘了亦可。 日 朋友之功 遠大者 仲, 明 「學貴識 少以 於人名字句上求,恐務其近小而 如 顯 也。」 日 季 缺矣。』蓋古者命字,長以 『樂正裘、牧仲,其三人則予忘 後 其大者,故 居多。」楷 世 如 王 績字無功,仲 孟 因 一子、武 泛 舉 不已。 侯之學皆 淹 伯 先 曰 遺 識 生 次

生日: 學之道,何如?」先生曰:「在力行 侯事,則 如遇公卿 楷 問:「不失讀書之法,而有以 安 思 知 量 諸 你們 如 侯 何 事 .替 後 他 不 品 爲 處,亦是學。」 公卿? 於己,如何?」先 且 耳。」曰 得乎爲 如 遇 諸

然,故 在 在 我者 天』, 先生曰:「 人富貴 可 不可不 見 只 貧 勉。」 有 盛衰之數,不獨 賤 道 如 德仁義是不 循 環 然。 子 天時,地 朽之物,故 夏 日 勢 富 貴 亦

> 仁者無以尚之』。」 曰 : 「要好古志篤, 問: 閑 思 雜 則 慮 雜念自不生,故曰『好 何 以 除之?」● 先 生

白沙不答。 曰 曰 . 『未遑』?」 『當今之時, 陳紹 儒 如 言 何?」先生曰:「白 惟 禮樂 陳 白 未 沙 備 至 此 京 來 師 沙奚 請 丘 修 之。」 不 文 對 莊

理 ? 課程。 要 到 朱之學,皆當激昂 業?」衆未對,請教,先 何 時 只 紀載, 如其 日講畢 該 要常自激昂。」 生 (所行 程 四書、五 先 子, 過 生 又 倣 事 曰 : 到 7,及所 傚 經 生 何 做 依 「諸 日 時 可。 日 接 : 生 該 帖 友生 「須 在 生朱 贵 讀 家, 世 以 講 子 其 爲 上 作 論, 來 有 於 何 . 作 的 程 個 都 功

楷問:「古之言者如漢之賈誼、董仲舒,

生。 若 數 婉。 處 生 惟 生 此 伊 圉 正 必自 不知爲 ĴΙ 蓋言 人 而 安》、 미 \equiv 能 在 正 輕 語 罪 婉 經 《天人 有 而 折。 伊 有 筵 者 之 作 己。 JII 正 難 用 説 此 大 者 策 而 如 言 哲宗 使 不婉 若晏 如 痛 可 太 人 何 哭 謂 者,有 方, 折 君 子 處 流 IE. 柳 樂 對 屨 使 涕 而 從 爲 賤 婉 之 能 對 妙 者 踊 類 主 而 婉 以 貴之對 不正 乎 怕 方 使 恐 優 孔 春 親 不 乎 者, 是 子 發 先 儒

要,俱 天下之書,則 下之物,讀 補傳》雖 猶 以 陳 是 爲 紹 因 儒 難 日 盡 其 問 若 云云,其實 待 天 所 下之書那?」 何 臨 必 格物 時 之 欲 了 地 盡 邪? 窮 而 格 在 理 然 天 學者格之自 工 先生 下 一夫,將 如 之物 此 日 做 與 格 盡 有 朱 盡 夫, 其 讀 子 天

似 梁宇問 可 「《冠禮》有 如 何 ?! 先 賓 生 拜 曰 : 冠 者受 還 有 之節 見

《易》: 子夏日 先體古 人儒 大, 皮 宛 傅 謝 母 説 親 母 中 言之,使文獻 解 於 弁 然 只只 與 周 如 愈憲 時 母母 或 曾設 順 專 古 小 比 心 他 如 『窮則』 次之, 拜之文,此 亦令民間 『女爲 於器 人風 鄰 加 人之意,其文可略 秀 師 爲 此 繁文了。 飯 三五 才 徒,俱 成 反 相 而 度, 數 變, 時 人的 己。 足, 體 增 留 輩 儀 君 可 見他 變則 言論 行冠 次 褻 已年七十, 會 則 皆 文 子 話 愛可 所 又 夫子 食; 之, 玩 不 上 儒 以 通 嘗過某 禮 朴 耳 可 略去 令冠者謁 習了 夫子 嘉。 宜 冠者跪 設 0 直 無 將舉行之矣。 行 通 也 次 爲 故 則 者 禮 再 説 且 處 處, 小 之, 飯, 故 曰 久。』夫子 也 若 如 文, 令識 夏 無 深 人 曰 神 有 今行 必 虚 稱 Ш 儒。」 其 請冠者 殷 看 禮 泥 劉 主 文 次 德 窮 稱 字 禮 來 古, 禮 縟 蓋 嘗 之。」 成 時 谷 拜 當 道 者 吾 禮 禮 政、 之 語 爲 製 須 宗 小 而 師 父 曉 能 在 壞

上,藝成而下」也。」

先 是 才 問 地 不 事 得 此 而 · 筆 0 生 孝、 曰 夫子之旨。」 法,今《傳》例 成 如 問 來 ,其告之各 生 化 政處 其 然。 工,恐 問 雖 都 論語》孔 不 同 以 楷 以 有 可 類 對 夫子 爲 不 以 從 日 凡 同 例 : 書 子 或 如 拘 答門 因 盟者皆惡 ^ 其 聖人之心 如 春 病 作 後 弟子 秋 而 ^ 世 春 藥 屬 之 之, 秋》 問 史。」 同 詞 或 天 恐 比 亦 大

諸 里 郎 王 太 士 致 之 已 祖 中 君 建文之亡也?」先 制 不 駕 各 改 導 楷問:「革 王 爲 他 崩 心 減 府悉 上 改 服 除 士 太 禄 日 照 祖 太宗 除 員 米,有 即 古諸 的 年 外 葬 法 間 時 生日 改爲 侯 湘 度, 居 禁 如 王 百里、七十里、五 燕 諸 齊 :「建文昏 中 如 不 泰、 藩 王 士 侍 遵,合宫焚之。 奔 主 郎 方 恐 喪,天 孝孺 改 其 事 弱 爲 將 改 之主 侍 及己 下 爲 何 中 諸 以 下

> 門 艘 兵 可 至 也 日 長 取 等, 揚 盡 且 是 耳 至 向 州 以 以 0 北 江 合周 稱 猶 建 岸。 一萬 兵 以 文 艘、敵 除 禮。 門 懼, 時 君 不 又有 側 應古 召 迂 天下一半甲 之惡, 闊 孝 雷 .爲言, 如 孺 擊 此 日 遂正 端 : 改 但 門 兵。」 位 奈 其 爲 鴟 號 何 臯 吻 死 未 門、 節 幾 當 時 萬 對 則 應 北 兵

後 以 可 世。」 不 福 慎 斯 先生 也 民 不不 0 日 : 故 善 崔 秀 則 清 才 足 獻 學 以 曰 術 亂 : 天下 所 無 係 以 不 學 是 淺 術 故 殺 學 善 天 術 則 下 足 不

問 要 是 處 交,耳不 擴 着 「克己以 件事 充 楷問 工 聞 便 是 無 聲, 是 人 何爲 涵 兩 欲 慎 目 養 個 獨 先? 便 不 省 工 工 見 要 察 夫。 夫 遏 形 如 或 塞。 時 何 纔 對 亦 ? 候 省 無 日 戒 察 先 於 兩 慎 是 生 樣 念 以 是人己 天 \Box 慮 省 理 : 先 之 察 一,便 萌 爲 生 只

之自 了。 那 先 重 步。」 裏 處 先 如 醫 下 有 手? 好 生 治 效。 酒 日 : 從 若 蓋 其 酒 重 省 須 格 上 處 如 察 克 物 醫 曾子 自 致 治 如 何 得 之三省 處 知 好 貨 爲 9 其 又 從 先? 他 在 從 貨 輕 上 省 受 漫 處 克, 察 病 漫 都 前 久 從 痛 可

所 私 欲 不 先 但 生 聲 日 色 : 貨 學不 利 進 甚 至 只 於 是 喜 己 私 怒, 不 亦 除 只 從 己

慕 後 爲 韓 爲 至 薛 堂 雍 薛 楊 冢 王公會都 宰 之 閣 E 先 御 爲 爲 御 生 史, 下 高 在 門 史, 人,不 日 後 呼 始 察 首 : 曾奉 堂 尚 院院 識 聞 得 止 書 高 其 問 薛 命 投 聲 某 面。 見, 韓 文 點 刺 人 應 某 清 齋, 之 後 其 與 何 公爲 名。 有 至 於 今時 見 如 吏部直 朝 重 急 御 日 時 班 不 於 被 史 . 中尋 可 「曾巡 時 衣 原 行 如 出 王 訪 = 甬 每 此 迎。 道 按 公 誰 楊 至

前輩公正如此。」二次,甚有攻聲。』王公遂奏擢僉都御

之今見 樹 生 人 所 華 日 一,一亦 憐。」豈 不 春 實,黄雀 也 正 月,南 , 未之今見 其 須 爲 問 户 . 巢 異乎? 諸 其 部 也。 涇 顛 桂 野 結 2 昔 子。 實 漢 纍 爲 楷 人 垂 書》云: 持 衆 所愛,今爲 以 以 問 爲 桂 先 未

之序 之説 其 者發 道 與 他 博 則 有 隱 元危 同, ,與餘力學文之意 約之序若相 生問 邦不 示 爲言之 君 萬 子守身之經 入, 亂 世 志道、 也; 學 反者何?」 者定 邦不居 博約 據 同 德、依 法 之 也。 • 因當 其 説 先 有 序 仁 至 生 與 時 不 道 而 於 曰 專 格 口 後 則 : 欲 事 致 「道 見 亂 游 往 文 誠 也 辭 無 佛 德 IF.

[「]今」,四庫本作「經」。

❷ 「今」,四庫本作「經」。

二三六

肸 聖 擾 人體道之權 之召 又 曰 也 天 下 有 道 丘 不 與 易

個 則 其 明 道 緒 没 生 餘 可 個 兼 舉 業不 學者言行 常説若學 精 的 須 成 以 聖 個 孟 人 爲 子, 標垛 學成

甲午秋門人歙縣胡蒙記

却 就 無 省 要存 是 事 察 静 省 果 諸 中 養, 察, 存 生 ·有 養 有 存養 在學 動 中 問 動動 者還 亦 事否?」 而 存 有 復静 養 省察,二者不 是 省 省 意 先 察 察工夫 思 生 如 云: 何 多。 用 一在 口 工 偏 省察 聖人 夫? 廢

以 最 種之,講 好 就 先 生 此 是《禮 訓 等説 學以耨 諸 記 生 話 曰 : **>** 當 所 之,本仁 體 謂 心 認 修 即 以 禮 田 聚 以 也 之,播 耕 心 之, 田 之説 樂 陳 以 義

化問:「心中如何能常明常覺,惺惺而

明矣。 至,外 之清明, 之污而專 不 昧 ? 誘 惟 先 繼 污染之則 患 志 生 而三四 用 於道,則 日 力之不專爾 .: 時之清 常 不 始 能 明 常 而 矣。 明 覺 則 今當 日 終 聖 之間 而 矣, 去 日 其 夜 然 外 亦 時 誘 難

例 時 日 用之時,正宜用功,何 之所 論 乾乾』也?」先生 也 嶹 在,位 問: \sim 之所宜,盡 乾》之初爻曰 日 至三爻方係之以 其 聖 「潛 道 人繫爻,各因 焉 龍 耳,不 勿 用」, 可 其 終 勿

陰 又似有優劣也。」先生曰:「《文言》有自聖人 初 也 雖 柔 爻之《文言》 也。」又問:「六爻皆以聖人之德明之, 純 而 何《乾 陽, 動 化問:「 也 然 学 剛 乾 至 陽卦 純 元用 日『隱 陽 静 多陰,陰卦 而 九, 而 無 而 德 六爻能 陰 未 方。 乎?」: 見 行行 多陽, 變, 先 此 而 生 亦 陰 未 故 日 中 陽 成」? 中 有 坤 何 有 乾 陽 至

人,一半示學者,故不同。」 之德言者,有自學者之功言者,一半言聖

門人績

溪

縣

汪

遠

稿

門

生

休寧葉

泓劉記

禮 葬 文帝 遠竊 未 積 高 不 爲 雖 噫 樂 傷 遑 祖 能 痛 通 經》 之意 之徵,其言曰:「今天下 哭。 達 知 用 疑 百 之 先生一日論 者未 如 文 樂 年 帝 抑 無 情 賈 贵 帝 末 哉? 之故 而 也 傳,樂學 、起,又 許 帝 生者,亦不 也 有 後 之 Ż 遠 惜 可 否 不 欲興 不 賈 知樂者,其惟 意 八佾禮樂之旨 也。 識 乎? 乎史臣 未 能 魯 生 先 立 禮樂。 而 兩 兩 用 知其微意 生於二子 爲 賈 生 不 生 願 不知 缺 識 能 此 生? 終教 典。 禮樂 言 初定,死 得 用,先生極 漢 ,以爲未 1,諸生 此 所在 文帝 之。 實賈 亦曾 其 先 意,不 所由 亦 生日 · 前 乎 先 者 生 以 文 大 遑。 興, 生 達 帝 未 從 之 言 遽 以 :

熊舉. 意。 仁 息 至 古人,亦是此意。」應熊 人之人,千萬億 所以成這個 文、武爲未足,又去學那天地,皆是學力處 乎?』古人多説個力字,力有『自强不息』之 亦是自强不息否?」曰:「謂之自强則可,不 好之未至也; 惡不仁而 此是大界限 與不 則 也。」又曰:「『有能 若孔子祖述憲章,上律下襲,學堯、舜、 人之志 未 先生曰:「人之情只是好惡,天下之道 ·仁而 知 也 分於 己。 大學問。 ,然人各有 因 人之人,學今人未足又去學 然好仁而不惡不仁,則是 富 問 貴 學者 邵子 貧 曰:「張子求道甚勇, 日 不好仁,則是惡之未 重 賤 所 處,須 謂 以 以 用 息之之故,應 對 一人之人,十 其 在 , 先生日 力於 此克去。 矣

累 好。 此 父 甚 問 看 君 乎?」諸 謂 未 少 是 儒 其 今日 木 義 之心 母 求 必 心 麽 伊 義 要 於 ? 曰 尹 樣 兄 如 有 不不 盡 事 禮 應 只 所 草不 一,須 謂 今在旅次 弟 有 不安 上 心 是, 智 事 在 生 能 論 間 德之言 亦 要見 否 日 窮 未 非 辨 王言 夫不 得 有 或 其 而 用 理 得 者 只 别 蓋 能 其 仁 形 之 間 得 是 其 理 未 處處 是 嘗 義 日 盡 獲,若己 所 間 於言,便是 有 有 天 旨 明 此 必 求 得 少智。」 禮 得 造 是 此 地 要 心 然 之心 先 盡 若 智 此 道 者, 主人停當 萬 察 心 用 後 非 氣 生 推 之言。」 見 物 何 亦 不 識 能 因 有 而 象 皆 曰 : 如 外 熟 惻 而 不 此 覺 諸 非 謂 未 亦 ·安,始是 隱 納 人, 與 0 心 君 者 難 在 得 之溝 不 我 又曰 所 洲 日 程 唯 夫 亦 如 坐 同 發 問 恐 子 察 只 今人 得 然 能 先 何 者 中 是 傷 説 在 得 及 就 是 儒 斷 日 -,是 氣 T 於 諸 有 積 得 此 者 先 須 是 有 此 :

> 家 主 有 人; 不 天 地 消 接朋 萬 説 物 友 爲 隨 務 事 盡 體 皆 恭敬 氣 存 象。」 此 心 唯 恐 數 傷 年 1 後 朋 自 友 覺 處

門生歙縣汪洲録

儒 宜 先 伸 春 生 觸 又不 秋》之褒貶,隨意 此 日 類 葉 豊 : 生 止 子 「聖人 問 至 能 夏 作《春 贊 所 泛應 子 能 夏言 辭 秋 及? 曲 矣。」 所之,無不 * 當 如 禮 若子 何 如 後 不 天 乎 能 夏 地 曲 之化工 贊 初 中 似 爲 事 亦 辭 君 理 能 之 故 子 引

生 蓋 常 先 則 生 而 耳 戚 未 生 日 或 戚 目 聞 問 當當 聰 道 如 明 時 此 死 何 須 而 只 朝 心 得 知 死, 志 是 聞 牛 未 道」,何 寧 順 血 雖 聞 静 肉 殺 死 道 之 安? 身成仁,舍生 渾 前 以 軀 身 景 夕 皆 唯 利 象 死 是 聞 何 欲 可 道 得 牽 如 矣」 取 引,心 理 始 此 ? 道 得

子謂 者 當 者 此 也 亦 對 「, 是 與 無 看 「曠 且 顧 君 知 真 一,彼謂 累,所 如 之者 安宅而 子 知 人之好 坦 其 雖 湯 不 味 謂 生猶 不居,舍正 蕩 如 也 酒 好 並 死,此謂 好 壽 之者,好之者 聞 看。」又曰:「我嘗 色, 不 道 路 ·貳,修 亦 雖 雖 而 然。」又 終 死 不 其 由 身以 猶生也 身 不 ,哀哉』 日 如 而 俟 樂 把 無 之 與 之 此 孟 悔

門人臨海陳文禄私抄

道 省無 意 理 存 動 馬 天 在 總言慎 故 理 爲 我 文禄問 便能 戒 君 功, 矣。 慎 子 獨 岐 於 然 用 蓋 遏 工 而 「道 己 功 動 此 夫。 人欲 二之、禄深 所 静 不 不 惟 不 無 覩 可 於 存省之 , 覩 不 能 須 恐 時 聞 念將 臾 遏 疑 功 懼 離 之境,人皆 人 理 焉。」先 朱子 欲 於 固 萌 欲 ",便能 己 之 無 不 所 可 初 二幾 以 生 分 不 以 静 存 加 日 聞 之 爲 天 能 存 存

> 養,而 少 子 子 既 隱 己 此 必 體認 之云 用功 則 謹 存 語 微 可 天理 退 其 而 後 實 ,未得先生之旨。」 以 由 可 加之以 而 一、又焉 復 念將 踈 忽,孰 快 思, 禮 以 我 至密 萌 日 : 閑 心。 省 用 知 之獨 察 邪 省 其 亦业 王 存 則 察 未 至 材 焉 以 養 口 聞 見 非 曰 以 遏 之 由 原 至 次 : 存 人 功 無 第 顯 密 誠 欲 陳子之言 之序。 而 也 密 耶 一截。」 矧 及 於 故 踈 先 省察。 聞 言 禄 蓋 君 聞 君 存 夫 克 子

門人餘姚黃釜私録口義

矣。 脉 生 人,己自 謂 本 曰:「己之與人,均受天 己者,我之身 是以 相 釜 初 通 爲 君子 見,先生 也。 己, 貴 人 元 也, 克 惟 初 講 己 之 私 何以 克己 相 意 則 生, 欲 通 地之氣 復 克 者 人 禮 而 是 己 始 去之?」 · 平 以生,其 問 以 判 曰 人 然二之 物 自 爲 血 所

銘》一 我 此,氣 直以 始 敵 我饑之也,一民寒日 也。 陷 有 天 溺之也,其真 人,人惟 篇,全是 通於 地 萬 彼,而 物 發明 舉 無 天下 而 人 此 能 屬 我寒之也,一 始 意。」 克己復禮 歸 之 無 一身。 又曰:「人惟 己。 堯 己者, 者 是故 舜 民 乎 有 民 志 1 人之 罪 有 定 饑 **^** 於 己 西 日

惠者; 子之行, 者。蔡京之惡 比 之。 嘗 則閔 疑 釜 其 謂 龜 子之不 魯 Ш 不 浮于 男子 從 逮 蔡 閔 就 佛 之 京之 子 季 肸 不 遠 氏 召, 前 可 矣。 是 龜 是 先 爲 儒 爲 Ш 先 乃 善 善 以 生 欲 學 學 柳 日 爲 孔 柳 下 孔 子 惠 : 下

通 短 不 一。」釜 真 八 達 切; ●若爲 先生曰:「 皆 聞 之惕 坦 途 然。 也。 樂道 己之功 又曰:「人能 若常以 人之短 真 切 責 則 自 人爲 無 爲 反 己之 心。 暇 己 説 功 則 則 人 長 又 舉 几

「亦是。」

足皆 荆棘 也

DI

0

亦 日 禮 : 也。」 「佛老亦 釜 問 一人廟 得聖人之一偏,見其像而 見佛像揖之,何如?」先生

耶 快活。 字欺之也,兄弟之相戕,貧 所 可 縱使求而得之,尚 要,貧富二字要之也;父子之相 老,其所 求 ? 戚戚者,此貧此富 ,從吾所好。」 孟子 吾人只是貧富二字 試嘗驗之,自 戚 曰:「得之有命。」孔子曰:「如不 戚 者, 此 不 貧 也; 朝 可 此 至 爲,況 打攪,2故 自少至 富 一暮,自 富二字戕之也。 也 求之未 土 欺,貧 夜 君 胸 達 自 臣 中 日, 必得 之 壯 富 常常 相 其 至 不

字」,原作「子」,今據乾隆本改。

⁰ 又」,乾隆本、 四 庫本、嘉慶本作

門人歙縣李應宣録

故 達 欲 在 能 得 吾人 處貧 先 喪 無 終 生 毁 欲 如 日 日 譽,不 故 一:「貧 富 只 寡 是 而 求 · 足 學 而 無 寡 此 真 無 怨 念 怨難 求 心 能 中矣。 故 透 是 無 此 不 歸 多 然 足, 少學問 其 則 無 功 富 不 自 貴 大。 足 利 無

嘗謂 置 此 「這 念,後有 紹 過 儒 便是 不 問 改爲 頻 過 有 復 時 玩 過 之 無 過 常 所 厲 存 憚 謂 須 悔 也,此 其 是 心, 視之没緊要, 過 最 如 而 何 不 能 可 改 先 便 某 生

來 這 病 力 何 處 子 夫 可 便 根 把貧 起 貢 及 在 甚 ? 無諂」、『無 非 到 富 止 是 子 都 樂』 論 知 貢 忘 學,故 學, 便 却 與 驕 能 了 蓋 好 自 夫子許之言《詩 知 雖 禮 覺 學 面 知 在 上, 矣。 自 從 切 守 天 是 磋 理 此 琢 甚 猶 上 子 磨 有 胸 走 貢 上 貧 次 得 看 做 富 如

> 生言 思 局 韶 甚 雖 **×**′ 應 廣 不 護 詔 大。 立 君 》來 問 可 相 不 也。 能 亦 然 立 使 不 故『人 樂 民 縦 濟 局 衣 能 事 使 食 而 盡 人 足 習 不 習 而 仁 得《 樂, 頌 如 (咸》、 聲 如 樂 自 何 何一, ? 作 英 先 意 樂

然 氏 不 不 寂 口 動、 不 應 滅 池 有 詔 何 州 徐宗 問: 以 ,有者不 感 異?」: 而 魯 英 遂 問問 氣 先 可 通 還 不 生 當 的 聖 無 日 意 有 : 人 否 思 何 何 ? 思 思 佛 何 曰 : 何 氏 慮 慮 寂 是 滅 與 無 是 寂 佛 者

乙未邵伯舟中語第三十

死

其

心

矣,

自

是

不

同

也

口 舟 共 先 送 生 至 北 遷 灣 太 頭 門 學 人 遇 過 歙 高 縣 廣 郵 黄 陵 守 沐 時 門 祁 人 諸 門 鄧 謝 牛 應 誥 + 能 餘 迎 録 於

兀

皆今時 子只説 能 許 日 下 正 正 舟 而 多條 到 已 事。 然 中 修齊工 〕,豈能 舉 高 後 他 設 頓悮 而 見 郵,身親經歷 且 物 目?」先生日 酒 之躬 了 如 夫邪? 格 預 之弊,●學者不可 盡 子 而 知 先 行,不 華 後 惟 生 州之政 未仕 天下平可 夫格 郡 格 稱 : 便有 人民 物 巡 是 「信如 時 物 便 鹽 乎? 許多 土俗乎? 是知,必 可 徐 格 亦 也,何 芝南 平 子 不察。」 只 物 政 如 治 説 是 便 事 芝南之説 天 好學,一 講 能 須意 必 則當 下 條理,焉 至于今 明 許 了 此 盡 多 誠 時 何 道 心 誠 曾 生 天 用

子取 也?」先生曰: 恐非。」先生日 之,似有可 周公思兼 葛 之。 澗 問 三王 取。 而 季 「季文子三思而後行,以 「周公之思與季文子之思不 一,坐以 朱子解三則 「朱子之言是也 文子 之 待旦, 思, 私 思不止 孔 意 子 起 非 閻 於三,孟 而 之,何 傅 反 愚觀 説 惑

> 之公思 不在 者皆私意,正 之何」,須熟思審 後行,此 今, 同。 或宜 一事上,如聘晉 周公之思,但 也 思之可 土俗, 犯了『勿叁以三』之條,非 或合 貴 處,亦 也 一就 人情 而 其 思遭喪之禮 故 無 妨 日 事 必 不 也。 待 或 周 日 酌 文子之思 知 如 則 占 之 盡 周 所 何 善 或 思 如 準 而

心。 觀。 心, 疏。 子、子思矣。」 秦漢,詩似三謝、二陸,用心刻 曰 : 氣節 使移 「使空同 葛澗 如 先生曰:「欲看 上弘治、正 可 此心 説: 取。 在,必不下 爲《大 李 如 德 空同 詩 空同 二疏 文模 學》、《中 爲 拜。」 文 ,甚有 海 倣 集, 内 澗 魏 庸 當先 人 復 忠 苦, 晉 物。」 君 稱 則 却 觀 文 愛 其 集 差 或 其 文 高 曾 之 用 奏 似 口 相

0 [悮],乾隆本、嘉慶本作「誤」,四庫本作「悟」。

此人也; 白 佛印,退之之友太顛 如 沙之學被引入禪。 ?」先生日 鄧 誥問:「白沙之時,有太虚 周、程、張、朱之時,不聞有此人 「白沙果禪學乎?」先生曰:「然。」 :「白沙之友太虚 也。 至於孟子之時,不聞 惟其 友太虚,是以 ,猶東坡之友 相 友, 也。」 何 有

必立 誥 也。 使人 不恤 膏 絶 理 代之賢。 日 ? 澤。」蓋因子華、巢、許之詩 巢、許高曠之望,庶幾 曰:「子今爲政也,當存孔孟救民之心 一祠。 若白沙之學,其亦巢、許之流乎。」因 人爲 生民休戚、國家安危,自討 子實囑子華、治高郵當去淫祠,以立 夢卿之言是 社稷 然佛老亦巢、許之流 應熊 佛 誰 與之安? 老,爲巢、 曰:「是求賢 也 但 聖賢與老佛不 許, 此 高 郵之民得盡受其 孔 則 於廟 而 孟 或 發。 高蹈 之必 獨樂 家 矣。」先生 誰 不 便宜 ·同,不 Ш 與之 忍 _, 而 林, 近 爲

四

四

0

涇野子内篇卷之二十三

門人潁川魏廷萱校 正

即

遣知醫禮生問

其疾,復出

| 廪米以

、周之。

太學語第三十

門 生 蘭 谿 趙 軼 録 略

授將來,學得其真,所宜參考,以求其義。」 疏 》,其 宗 書皆 師 日 漢 儒 讀 所 經 作,其源 者不可不 流皆自 讀《 + 孔 門 經 傳 註

歷 始 撥 政 ,拜辭,宗師 ,待之如初, 或至三次。 般,有錢穀者習錢穀,有刑 監 一中諸生之有過者、宗師 及其 命之曰:「汝往 壓 撥 改也, 者 又皆與 則 又 刊 歷 甚 痛懲其罪,壓 事 除。 恕,與之更 名者習刑 與 諸 進 士觀 生撥

入班。 亦是學,非必在號讀書,然後爲學也。」 名,然必以忠孝信讓爲 一生言同房友病甚不食,宗師爲 宗師 生以 侍直 曰:「汝在此侍直,行亦是學,立 爲勞,不得讀 本,不 可 書,求三日 忘吾語 嘆惋 也

中, 帝王以禮樂治天下,以今所聞見推之,亦可 編成禮樂二書,興亡繼 以 歌之聲雍容 遜,●恍若身遊 大造於學者。 「嘗聞禮樂不可斯須去身,宗師 想見三代當時之盛矣。」 編次《詩 七月中, 和 樂 編 軼自下土來,初 於鳳儀獸舞之世。 鳴,又見行冠射諸 圖 刻《儀 譜》 書成。 禮 絶,有 啚 解 軼 **>** 功 人 拜 書 於 以 太 禮 竊 而言 成。 八學,聞 此 聖門,有 從 思 爲教, 八月 古 容 曰 昔 揖 絃

0 禮從容揖遜」至「話談者亦有」,原脱,今據乾隆本

何弔 亦 知 見 日 有 勿弔 證 爲 可 某生知證。」宗師 有 爾 ?」乃命 非 知 監 T 爾之心 憂者 生 1 典 憂, 也 簿 與 廳 貌 日 具 對 罷 矣。 :「丁憂監生而 告 其 日 而 : 膊 夫 當 無 儀 生新 戚 **介本** 喪 容。 不 聞 班 戚 父 宗 師 請 吾 喪, 友 人 師

前。」先生 行 到 先 知焉 此 牛 寺 日 與 在 一若 某先生至一寺中 方知 行 前 非 此 乎 知 寺 有 模 某 此 樣 遂 寺 不 ', 何 出 可 能 僻, 見 得 對 行 行 某 到 在 H 此 知 :

財 而 去自己病 ,如好名之類,皆是 克之,即是學矣。」 先生謂 處 諸 如 門人曰 好 博 一讀 治 ··; 如 偏之病。 書 好文字, 無 他 各自 只 如 其 要 好 克 好 貨

皆汝所有 人,可謂貴矣; 先生謂徐定國公曰:「聖天子下即 ,此人爵 家 積 也 萬 所 鍾 少者只是個 可 謂 富 矣。 道 富貴 是 義

> 舉 爲 天 論》之義者矣。 人不能話 集,先生必 動應 爵 恥 也。 蓋 層 汝 汝 談者, 非 人人 即 毋 學 管 以 焉 親 事 亦 爲 千 教之。 能?」自此,習禮 有 與 説 頭 萬 巾 得《庸》、《學 人皆在 於是 秀 才 膏 在 汝 粱 掌 公侯 紈 處 », ≪ 握中 習 綺 魯 咸 之 學

諸堂. 生講 外士至者,俱不揖諸生。 禮 『見同等不起』,此不當 師 論,有歷 先生開五經館 乃又揖 事 數十生 在 監 於彝 諸 咸 生。 倫堂東。 來 揖 聽 先 講 是 生 後 揖 止 每 之 先 日 講 與 生 日 諸 暨 而

生命侍 一吾亦 至公,亦不 紙出 有 不 光 則 直 知 禄 四 ·告也 定 其 生 四 其 爲 各收 差,諸生告者二三 差。 誰。」 其 後 是後 狀 更 在手, 有告者,先 諸 生知 每 先 十 生 生 手 生 每 中 日 先 事 取

有報計入缺數,公卿皆有書柬,欲求與

諸 錢 親 嘉 故 牛 猷 奔 競 畫 先 者 撥 牛 遂 之, 俱 絶 不 E 從 : 乃 將 擇 以 善 抑 行 奔 競 貧 也 而 _0 地 是 遠 後 如

好 其 生 時 有 學 人 疾 見 生 先 人 而 也 容 告 無 褫 生 汝 改 貌 其 惡 疾 數 狀 南 諸 只 千 知 監 是 稱 其 里之外 又一 生 不 係 父 稱 發 好 也 生 父 學 瘧 告 母 曰 人 何 疾 「疾 假 疾 有 得 先 云, 疾 知 并 生 0 之? 不 己 稱 日 可 己 有 妄 疾 疾 遂 瘧 者 稱 先 責 亦

者 生 \Box 两 不 \sim 及 先 曰 書 生 毋 . 在 非 儳言』 堯 Ŧi. 所 典》 問 經 乎 中 明 而 ? 問 道 命 焉 堂 教 四 官 畢 方 汝 講 而 有 不讀《記》中 竟告其 以 詩 異 ×, 乎? 疑 生 先 問

之 是 母 類 力 能 皆 所 竭 先 其 生 不 竭 與 力 能 力 定國 去 事 也 處 君 「公講《 方 能 致 止 身 致 其 只 論 如 身』」,言: 是不 語 盡 》「子夏 性、 私 修 其 身家 身、 日 竭 顯 事 力 除 如 揚 父

> 下 死 堂 句 生 傷 先 變 生 足 T 故 講 於 此 不 經 竭 渝 將 畢 之 力 相 鶴 類 何 之 0 侍 如 道 ? 側 汝 得 學 矣。」 夫子 日 問 爲 鶴 日 無 問 往 汝 全 不 省 通 在 得 如 此

:

來, 然 其 字 吾言 君 訓 曰 : 0 朝 臣 正 從 方 覲 日 乎 有 是 凡 先 是 容 ? 等 義 舉 生 : 人 和 便 禮 與 這 汝 看 其 鶴 是。 便 道 禮 定 思 用 對 是 字 字 則 昏 或 日 故 舉 的 得 定 講 禮 只 義 之, 器 晨 ^ 做道字 必 鶴 之道 論 具。 省 然 由 雖 語 等 更 中 至 0 禮 如 要行 看 愚 心 和 謂 是 禮 了 自 字 畫 父子 舉 ,殊不 也 之 然 只 夜 親 用 形 是 思 之 有 見 個 知 慕 道 章 親 禮 自 出 師

着 稜 温 好 角 和 先 衣 粗 平. 生 服 慢 易 的 的 謙 曰 : 讓 人,人難 子 的 貢 怎 謂 生肯去 親 人方 孔 近 子 親 温 親 若 近 良 近 着 得 恭 他 尋 ? 儉 常 若 讓 衣 驕 儉 服 傲 如 蓋

聖人看太高遠了,反失之矣。」的,人易親。此等處,夫子最近人情。人將

性 遽 皆云:「夫子之無我 定 名 有 即 、皆不 其 退 命 而 書》乎?」 過,先生呼之,曰:「這 差 縮 事 聽 歲 未 點 貢 在 許。 其 畢 生 後 年 丁,吏呈 又有 百 者 長 先 人 者 生日 先生 咸 欲 過 部 如 去 至,先生 來。 取 . 此。 此 者, 冒 參 指 諸 表 皆 即 報 年長 生 秀才還未 缺 即 是 是 名中 莫 七八 命 退 數 知 七八人, 年 也 在 有 其 人,先 長 後 讀 意 生急 諸 面 者 定 遂 猶 生 生 的 報

畢 先 劉 至 生 生 東 號 病 歸 會 前 故 先 生又告云: 生將 廂 矣。」 見 見 房 先 其 升監 先 生哭之慟 猶 屍 生 日 寢 「監 聞 有 「苦哉 地 而 班 生 生 服 變 劉 恐 告 色, 破 傷 橰 衣, 云: 病 也 此 即 故 生 失 徒 兩 監 矣。」先 也 聲 行 手 生 。」言 悲 往 扶 蒲 吊 持 痛 生 未 陽

> 有二 先 慟 益 如 善行,汝等何不實 善行,周、蒲等生安 之亦 蒲 生之意 哀 三十金。 成,遂 陽 生 如 之 蒲 而 免升 喪。 興 劉 故 起 監 先 前 助 體 其 , 止 生與諸 周 得 喪 我 陽 萬翼、 者 樂三 全 心 生 行 軀 百 與 生日 乎? 歸 餘 日 賈 萬 人 鄉 倫 翼 . 往吊, 乎? 之故 則 其 我 其 賻 欲 (), 夫子 貧 禮 哭之 我 不 舉 舉 約 聞

罪。 私 人 曰 人 不 再 謝 . 謝 ·敢復 「《春 先生 罪 \equiv 我 有堂長受賄 乎? 强 <u>-</u> = 答。 秋》。」曰 日 辩 -: 次, 即 先 我以公責 此 俱 生 事 : 行 覺 日 瞷 汝 : 就 者 無 知誅 是受賄 侍 汝 汝 先 側 沙,汝 讀 生既 意 禮 之法乎 何 何 之真 生, 經 責 待 之矣, 乎 方云 無 也 ? ? _0 人 謝 其 料 其 而 其

言 思 念 畢 老 丘 袖 師 生 中 既 只 取 撥 是 出 歷 補 在 來 狀 歷 見 上 於 紙 不 明 · 云 暇 今專 誠 支 堂 /膳 曰 來 鈔 謁 教 先 向 牛

哂曰:「秀才説話差了,理欲不可並行。」

誠 諸 内 笋 只是 、梅等鮮, 敬 有 先 心常在。」 人。 純 太 先 生 祖 或 無 者, 小 送 必 往 箴 何 墨 稽 非 能 首 敬 帖 數 遽 拜而 數 張 無 然 葉, 行 行 即 受之,使人 先生方 非 得 速 義 出 起 來 捧 展 ? 讀 遇 持 而 E 梓 觀 位 釋 然非 E 獻 賜

伴 謂 罪 使 舉 聽 道 諸 其 人與 之。 習禮 生 曰 意 公侯 詳 既 不 畢 説 皇 淺 來學,先 其 淺 祖 方自 故。 聖主 也。 言 一之意, 復講 其 生 台 命 之日 爲 既 生 此 始 畢 先 輩 問 講 欲 之, 經 使 知 義 書 且 友

門人蕭山來端本、來端言記録

章 爰 俾 命 盧 先 諧 堯 生 之音律,仍 以 文等考 禮 樂 久 訂 荒 令禮 儀 禮 慨 生演 然 衛 以 良 習 興 相 冠、射、 起 等 爲 編 己 次樂 聘、 任

> 夕 諸 市 燕、 升監 生 率相 士 一用 相 是多 之先,必奏樂 嘆 見 等儀。 曰:「乃今獲 退 讓 恭 於 遜 時 之風 詠 睘 覩 歌 橋 和 代 門 律 洋 威 觀 聽 儀 洋 者 盈 每 如 晨 歸

經 來者 别。 儒 合, 讀 不 資 業者 所 書 倦。 議 治 説 必 其 先 論 則 通 I考問 考 的 又立 生 須 是 識 鑒 話 於 經 看 非 × 見 討 考 彝 從 大 去古 自是 關 論 那《 頭 經 倫 左 係 腦 校 堂 傳 未遠 親 + 廣 政 直 史禮 講 **×**, ≪ 自 \equiv 大。 體 書 淵 臨 與 經 方 綱 生, 後, 身 決 註 口 校 源 目 心 統 於 仍 史 疏 傳 \forall 明 命 等 相 者 擇 授 上 之日 道 切 書 禮 必 多 看 堂 參 一從 向 意 生 驗 温 聖 那 頗 思 亹 符 公 門 先 自 凡 亹 通

諸 者 不 復 定 生 欲 謂 惟 留 日 日 志 監 諸 不 生有 定, 學 先 者 生 所 告 喟 全要立 以 依 然 有 親 嘆 此 者 日 志 過 復 失 使 欲 「這 志 改 大 個 能 南 都 推 有 是 改 廂 立 房 志 南

學 歲 的 有 不 而 得 歲、七八十歲 説 能 不 志 焉 方 個 而 者了。 ·曉得 百歲 以 己。 能 勛 動 ? 曰 耳 可 立 得 如孔 先 至百千 業 他 順 摇 謂 有 一十而 的 生 文 由 如 動 則 許 子道 之 就 從 大 章 今人 亦 百 不要説 立 多 中 學。」 卓 <u>\</u> 便 心 萬 歲 舉 傳 紛 德 也 不 能 是 然 地 歲,惟 ·心見 但 人 而 於 亦 更 垂 聲 過 諸 立 立 位 上 爲 曉 三十 夫 世 於 擾 自 倒 色 得 得 只只 有 生 得 者 得 以 貧 人 不 亂 不 東 住 也 也 四 明 所 大 泣 是 七八十 夫子之聖 是能 朽 易。 之事? 倒 好 不 了 Ŧi. 而 執執 問: 爲 以 也 者 0 能 西, 了。 白 立 當 告差,曰:「如 是 學 立 得 歲壽 二,便 今之學者, 動 歲、百 有千 與草 也 者 自『立』字始 得定,便 住 不 他 何 夫子 尚 然, 外外 必 貨 以 的, 是 木 歲 自 須 歲之壽 説 謂 物 所 古 同 便 Ŧi. 利 萬 如 能 三十 之 是 古 腐 有 六 從 以 歲 且 六 也 立 + 此 + 莫 立 他 壽 人 朽 好 説 活 不

> 憂去 乎 顏 無 子 ? 力 樂處 纔 , 簞 爲 見 貧 瓢 當當 得 所 陋 那 觀 困 巷 樂來 不不 了。 常 人 改 憂 且 其 處。 爾 樂。 不 觀 人須要克 我 顔 嘗 子之處 説 得 欲 這 知 貧

受益 争先 曰:「欲先者反居後,退後者反 進 生 後 咈 一、滿招 納者 者 然 有 監 曰:「全無孫 顧 獎之,書名《紀 生 抑之, 損 敷十 汝等今後當 使 輩争納監規 到 讓之禮 繩 善簿 愆 痛 廳 》,先令之出 何 ,有失次敘。 改 紀 得先,可 至如此! 此 過,且 等 氣習。 見 告 謙 仍 先 其

習,有 乎? 曉。 好。 記 在 1,遂喜一 此,不 若便 我 先 其 此 嘗 生 可 而 説 益 覽 有 笑曰 話 虚 五 處 日 ^ 程 雖 過 經 方 閑 : 覺 1 子 四 好 居 爾 日 書 粗 抄 廂 等皆 子,必 聖 些, 釋 且 房, 嘗 人精 然 驗 解 第 觀 意 須 記 諸 取 藴 思 朋 憶 生 程 觀 所 却 邪 友 誦 子 之, 發 ? 明 互 史 語 亦 白 相 頗 難 今 録 自 遽 易 講 H 解

五. 通 經 曉 几 書 先 方 從 有 那 進 程 步 子 處 粗 粗 説 話 體 貼 將 去 則

數 程 子、 猶 期 一、張 一 子 可 待 張 將 鄭 子 至 朱 誰 先 博 如 何 對 士 與 生 四 程 如 歸 等 子 日 日 ? 子 : ? 進 俱 書 見, 不 然。」 日 未 可 可 有 論 不 因 不 也 看 及 攜 問 看 爲 五 邪 日 ? 學 經 經 曾 當 几 書 它它 因 有《 書 以 之後,舍 問:「 書 後 程 明 不 道 子 周 周 有 全 自

行 先 先生 生 於 告諸 四 子 士子 · 俱有 日 二 抄 「冠輩 釋》, 會 之志遠 戴 冠 矣。」 等 梓

講 母 南 圖 者 雖 諸 往 都 生 天外 己 爲 有 私 着 告 去 便 父 改 也 的 母 南 只 來 監 如 ? 夫 者 此 道 其 先 虚 之不 間 過了 生 日 亦 明,學 -日 有 子。 不 你 之不 爲 們 父 改

友 吊 問 先 生 隨 凡 賜 遇 賻 生 儀 徒 有 比 T 其 憂 來 者 見, ·,必 輙 遣 蹙 本 然 班 嘆 師

> 日 你 : 自 傷 這 哉 裹 口 即 去 呼 尤 吏 要 人 守 速 着 與 **^** 文 文 移 公 家 且 曰 禮 :

爲

好

其 善行。 九 諸 更 上 是要速爲 勉 生, 重 善、先生 勵之。 看 先 監 以衆 題 生勞 7 今所 生 本 好 盧 ·要工 人之事 遂 事 而 進 爾 堯 進 受之, 曰 而 等 本 文 部 盧 行 等 初 中, 刊 而 堯文三人,各賞紙 之耳。」時 亦 刻 惜 行,爾等乃 已 不 **^** 己 將 儀 圖 之勞費 盧 禮 此 美名之上 堯 書 **>** 侍立諸生感 完, 文 奮 我 等 意 印 志 這 名 刻 欲 數 個 達, 達 册 就 成 通 白 嘆 只 於 是 此 送 示

來。」 對 禀 何 告。 病 曰 日 : 監 而 先 生 至 先 九 張 生 此 前 愀 九 Ш 本 然 Ш 有 生 何 不 病 子 以 故 樂 故 否 痢 早 日 疾 不 有 『嗚 來 日 曾 同 我 鄉 於 呼 這 監 無 西 裹 噫 也 生 廂 説 嘻 楊 房 知 先 景 給 得 假 新 生

初 堂 喪 顧 之不 撤 諸 事 樂。 生 就 聞 日 是 其 時 : 你 先 病 快 同 也 生 教 鄉 自 衣 典 者 錦 簿 後 與 廳 服 \$ 他 給 西 爲 銀 廂 易 處 殯 給 襂 0 殮 病 服 仍 假 焉 命 其 者 演 周 咸 恨 樂 旋

報

名

知

會

之過 説 衆。 辱 爾 敢 羞 乎 故 也 諸 0 復 一,故 多多 不 生 正 且 次 省 爲 事 因 友 其 待 出 先 堂 問 日 得 之 長 完 宜 人 誑 生 生 意,使 官 升 各 日 於 少 言 猶 日 猶 生 監 與 退 衆 時 來 文 若 説 畢 來 先 人 過 方 爾 欺 人 爾 班 在 見 生 之 跪 誑 等 集 本 宥 不 生 時 爾 曰 : 聞 我 之。 已 謝 六 畏 膳 知 昭 者 罪 堂 人 銀 猶 我 暴 以 着 無 知 汝 越 首 堂 無 橔 而 爲 \equiv 繩 若 及 己 痛 猶 友 鎖 受罪 知 畏 一之過 詢 日 愆 己 改之 無 長 此 罪 廳 橔 實 其 可 至 生 使 橔 以 心 言 遲 重 鎖 而 也 廂 之 觀 銷 示 己 遲 來 對 以 房, 之 之 其 來 來 我 不 己 今 示

> 不 行 鄉。 等 乎 童 聞 同 無 道 勸 諸 擇 人 負 所 先 你 井 相 諸 生。 而 爾 人將 堂 者 生 我 歸, 等爲 至若 我 己 友 生 愈 在 一友長 我之下 之 且 的 其監 患 相 托 可 日 着 座 然 意 堂 心 難 率 不 : 爾 申 其 實爲 思 友 T 一未 咸 相 而 等 慎 而 ? · E 有六 長 命 間 感 況 濟 推 哉 趨 善者 也 · 正 曰 要 亦 疾 義 頻 爾 善。 保 堂官,六堂官之下 : 有 等 人 助 蹙 謂 乃 病 故 即 未 是 老先 游 銀 索 不 假 才 告 相 信 我之欲 死 這 必 班 於 樂 識 如 扶 之 等興 太學 生惓 推 生 而 前 德 久 持。 者 故 舉 銀 行 之。 行 遂得 蒲 舉善善 之, 錢, 者乎? 起 惓 且 足 古之八 陽 爲 懇 如 時 方保 生等 日 殯 舉 以 善 行 懇 此 西 得 有 殮 表 只 家 善 出 還 廂 却 又 死 其 帥 以 爾 我

0 版,今據乾 畏 罪 而 遲 隆本 來」至 還 「數其 原其位 教法 次 原 與 卷 + 七 互 相

子 治 嚴 要 承 無 來 之道 你 焉 教 罪 若 則 0 們 訪 加 待 你 諸 得 勉 做 之 既 有 好 生 矣。 先 此 人。 以 出 等 生 小 仍 諸 事 各 又 人 召 生 告 須 之 輕 六 體 皆 道 曰 间 堂 知 悚 自 橔 此 官 愧 處 今 鎖 意 説 應 數 我 重 與 有 其 日 亦 則 你 則 教 難 送 改 知 法 敢 以 法 欠 不 君 司 後

堂 於 出 恐 堂 首 其 時 友 興 通 除 先 私 監 長 起 生 名 也 諸 保舉 以 由 必 生皆 惡 每 是 徧 有 季 以 或 審 知 所 揭 己之 口 相 口 懲 觀 號 班 而 耳 善 爲 監 口 善 目 行 善 生 鄉 無 不 榜 云 亦令保之。 有 能 所 免 勸 不 周 當 班 知, 何 優 者 **\$** 以 待 許 猶 各 得

紛 生 也 攘 日 王 監 : 不 猶 息 生 今 張 憤然作 先 你 王二 生 兩 **\$** 人 日 繩 人 都 : 「生員 相 愆 没 詬 廳 説 各 駡 被張 T 陳 責 ? 於 某駡 張 東 後 來 廂 不 見 甘 先 是 人

> 然駡 昧 意 張言 此 説 十 頃 的 一,今饒 先 之日 用 張 來 饒 駡 不 你 I. 無 生 打 夫 駡 曾 不 處 T 日 便 曾 争 先 駡 且 在 你 ? 辩 是毋 此 止 生 9 此 你 不 知 0 王 日 是 己。 説 道 自 王 仍 生 : 良 張 欺 此 退 問 日 心 王 先 不 意 也 王 生 不 顧 生 曾 否? 日 你 他 昧 謂 日 駡 : 從 不 : 處 端 曾 實 本 此 王 纔 再 罵 説 等 爲 説 要 是 責 **令** 來 日 良 責 人 不 你 須 心 知 + 他 他 其 在 生 不 果

皆 天 李 怡 日 百 敘 爲 元 然 結 例 應之 之 忿 你 亦 先 貢 則 秀 事 然 貧 生 讓 助 才 日 告 見 以 除 外 銀 也 詰 曰 少 爲 歲 例 : 凡 先 數 買 讓 吾 貢 士 生 何 襴 外 日 於 夫 何 其 衫 其 監 清 先 繼 猶 偏 言 事 生 托 蘭 少三 私 及 自 衝 憐 监 之 將 不 突 以 而 日 長 甚 撥 聽 爲 無 撥 家 耶 歷 輒 庶 撥 之。 比 貧 , 計 以 幾 焉 取 0 無 先 遂 舉 其 衣 私 牛 舉 侯 月 衫

人 始 也 哀 而 其 猶 老 由 以 爾 與 爲 言 貧 有 之,有 而 私 量 乎 妨 撥 ? 之 公 且 義 耳 李元 ? 乎 ? 非 何 有 遂 繼 止 私 蘭 於 吾

盧 承 不 口 以 撥 王 堯 文 傳 命 之 也 會 IE 樂 __ 他 事 詩 欲 日 望 衛 梓 諸 音 良 行 律 義 相 以 而 舉 諧 編 未 於 敢 乃 樂 是 輕 喜 譜 願 瀆 而 刻 既 朝 嘆 者 成 廷 群 仍 先 起 以 是 生

不 心 日 可 此 在 於 輩 我 教 尚 廂 有 未 房 未 刻 禮 安。」 書 生 中 遽 先 有 生 未 超 聞 聞 撥 之, 有 之望 此 深 直 佳 於於 言 納 對 理 焉 我 爲

石

民

賢

奮

而

言

日

:

如

此

全

是

啓

人

趨

利

之

者 廂 亦 房 汝能 曾 做 告 爲 個 我 告 是 撥 過 言 歷 禮 以 偏 告 生 向 ,今後 我 舉 善 貢 旧 哉 有 爾 過 兩 前 差 生 有 就 就 侯 禀 在 天

我

敘

我 知 爾 若 知 在 外 再 有 能 直 言 者 亦 舉 將

來 做 告 爾 调 等 禮 在 生 此 也 務 去 隆 日 師 衆 親 舉 友 講 侍 立 明 經 先 史, 生

> 後 光 務 陰,枉 要 如 體 古 諸 在 人 身 人 能 心 間 活 生 得 與 千 世 世 百 間 也 載 幹 方 此 好。 好 事 不 口 可 傳 虚 過 於

言 其嚴 發 你 我 度。」告乞免背監 規 振 自 進 們 便 明 太 發 乎 歲 其 外殊 之, ? 只 祖 貢 怠 監 也 明 惰之習,以 皇 愈 規 > 你輩 正 失 以 一帝 誦 來 强 久 懼 祖 示 告 廢 勉 爲 讀 汝 宗 雖 衆 你 升 日 等 便 諸 建 在 們 規 散 : 使 有 學 以 循 牛 學 費 諸 愚 慢易忽略之弊 爲 屢 舊 育 居 年 先 多 蒙 吃 生 規 才 監 有 深 生 少 在 者 ,衆皆 之 者 力 犯 日 心 未 學 耶 易 干 意 破 : 思 識 日 曉 1 矩 駭 你 監 久 周 由 先 削 故 輩 其 也 中 是 旋 生 繩 勞 我 頗 亦 事 日 作 盡 至 所 諳 而 爲 安 體 制 監 以 是 軌 新 畏 則 逸

廢。 則看古人書。 自 先 晨 生 至 一視 一夕,未 監 事 嘗 嘗 非 謂 朝 端 時 賀 言 休 及 息 風 雨 人 非 未 須 爲 嘗 要 諸 着 生 設 日 實

不 用 而 工 可 T. 誨之,故有志者皆樂從焉 空過 於向 將 那 日 學,見 不 子。」先 曾 讀 善則 调 生 書 喜 每 每 每 加 日 進 教 誦 之, 記 見 只 方 是 不 有 善 實 進 則 地 益 矜 加

者。 説 無 自 中北 不 病 得 大 間 常 抵 生屢 而 亦 有 侵 立 有 病 矣。」 志 給 以 以 病 皆 我 勞 假 爲 不 其 先 然者 能 筋骨 生 用 日 工 精 亦 : 者 有 神 也 以 有 振 我 志 作 我 爲 用 懶 如 不 T. 然 自 病 此

之爲 章 快 自 心 上。 必 樂 能 篤 家 0 或 實 先 如 不 實 ,發言 善 善 至若 好 生 H 此 ? 或 日 只 惡 襲會昌 : 惡 那 措 是 學 必 此 心心 者 瞞 行 能 苟 章大段工夫只 侯孫 昧 無 實 既 必 廣 惡 不 T 須 體 知之,能 應乾 自家 光 真 胖 而 明 誠 意 侍 的 正 非 用 就 不 心 是 心 誠 在 聽 自 方 焉 他 不 矣。 講 欺 毋 好 得 這 過 自 誠 等 小 胸 欺 則 欺 意 講 善 存 得 人 中

> 乎 時 言 不 生 善 目 也 看 畢 日 畏 誰 視 日 :『一念之發, 惡對 0 + ?」又問 謂 白 矣。 : ?」正此 他 目 吾心之或 應 千 「汝豈 ? 日 或 乾 萬 呈 諸 以 所視 等 惟 稿 之謂 目 幽 生 曰 + 俱 獨 : 鬼神 先 者 : 自 善 也 對 在 生 謂 你 曾 干 或 先 其 已知。 道 日 何 子 手 時 悪 ? : 中 説 看 不 生 有 畏,雖 俱 甚 此 H 就 + 却 不 舉 不 麽 : + 將 目 欺 由 來 能 目 正 此 千目千 所 乎我 ? 告超 得 言 掩 作 是 視 誰 視 或 出出 撥 邵 手 之 説 更 以 獨 何 的 由 多 亦 之 視 先 子 來 以

等 自 説 校 意 省 在 着 畢 刑 事 問問 其 先生 名、 些,却 中。 耶 曰 ? 錢 命 : 日 穀 舉 對 户 治 人 : 甲 説 曰 \neg 或 張 你 • 兵、 孝、 有 暗 就 也 弟、慈 水 許 講 將 只 利 説 多 本 説 條 源 虞 齊 便 本 款 家 處 衡 好 源 分 之 治 所 治 如 剖 或 屬 農 在 或 節 那 何 略 章 學 節 大 不

之饑 亂 亦 以 秀 能 赤 以 目 條 治 子 以 慈 廣 而 何 件 儲 孝弟 自 爲 寒 也 愛之心 如 雖 蓄 或 ? 無 而 多 者 得 堯 慈 與 不 暄 舜 無 賢 之 吾 保。人惟 求之,饑爲之食,寒 推 未 能 才 實 之 君 不 有 誠 用 古 可 與 以 心 理 諸 邦 推 凡 對 以致治 本 行 恐無孝弟慈之實,若 兵 而 故 也 學 事 行 刑 如 之,故 以 久之, 校 則 保 禁暴 桀紂不 農 以 爲 赤 教 桑 齊 先 子』着 之 亂 民 家 以 生 能 衣 錢 足 之 而 H 故 俊 民 穀 或 則 實 :

行。 日 你 家 規 月 或家 們 照例行 道 先生見 而 都 增 俱 不 是門 貧 缺 是 撥 無 減 歲 過 之, 監 人,我 以 歷 得 貢 中 自 日月多者撥 人數 而 彼 給 非 命 將 人 下 有 且 甚 數 何 彼 私 多 又 時 撥 淹滯, 以 歷 而 畢 數 但 千計 撥 寬 歲 又 謂 乎 於 奏 少 諸 貢 ? 若 復 舉 在 生 撥 拘 你 學 貢 故 \Box 歲 你 例 年 兩 歷 :

命

不

可

非

其

人

也

行之。」 者。 贵 你 須 曰 過 貢 : 要 讀 只 只 數 生 你 體 是 與 雖 的 人 爾 們 耳 你 書 日 着 在 既 子 個 例 我 監 如 到 欠 又 孝弟 貢 的 中俱守我的 今要求 各衙 今 者 邪 説 減 ? 忠信, 亦 話 門 歷 有 及 次 個 歷 事 先 平 日, 出 事 例 着 規 撥 仕 日 就 實 矩,今日 俱 各 於 所 的 行 進 你 行 道 講 得 觀 拜 俱 的 理 者, 便 辭 政 出 宜 每 監了 均 採 是 大 先生 撥 般 沾 學 抵 而 不

行 制 要全背,不追其 上 ,他日出仕 榜 考列優等者特 二月二十八日 監 生 兼 一、忠蓋 撥 既 往 不欺 日 諭 加 厚 諸 『使於 ,本於此矣。」 夫 待, 生: 全背始 凡有 四 以 方,不 差 爲 後 遣 遵 監 守 辱 與 規 君 祖 善 俱

之區 處 先生 且 諭 日 諸 生 「我與 一,凡 有 爾 衷 有 曲 師 許令告訴 生之分,兼 恩 與

六

競 義 是不 以道爲重,定行壓撥 有 藴 不 告, 却 去 轉 央 權 以 起 奔

之情。 敬 亦 以 升堂作揖 率 六月一日,行 宗師令禮生俱 矯輕警惰之法嚴矣。 不 入班 釋 菜禮 而 退 到本堂作 後,諸生將 揖 自 後 推 有 其 朔 少 餘 縱 望

詳。 深 所 謂 加 是贵 嘆 監 「與 生王 賞 人爲善」者 惟 并録 見永 永 壽 其 壽 有孝行,諸友保呈。 也。 來保之人,詢 悦 親 信 友之善哉, 其行 事之 孟 先 子 生

諸 行李 不 恌。 《紀善簿 無 監 生賈 失。 廷 宗 傑 師 獎 爲 許 之, 其 其 曰 : 友 有 寄托 賈 克敦 倫 之義,仍令書 殯殮,并 友誼,示 檢 民 其

長 差過 限 應 門 痛 人 霍 決 山 壓 王 撥 鶴 龄 日 因 益 其言 録

王

幸

動 事 誠 師 實, 無 犯 原 無 情 隱 止 幸 壓 有之矣。」 撥, 兼 免 其 責。 且 曰 .

於此 涣者 拘 侯 拘 生 乎。 於守 凡上 者 願 親侍 力 一榜監 法 薦 教,呈 其 而 生,方收 小 所 心 謂 禀明誠堂,先 謹 毋 慎,復 意 爲禮 必 固 生 收 我 録 執事。 生 者,殆 之。 不 可 蓋 有 有 見 有 不 顏

在學 有恩義,皆是學。」 是學,凡 以時 定國 處家 習則 公講《論語》 衆有法, 得之。 定國 首 接賓 章,先生 不 僚 可 有 只謂 禮 曰 : 馭 進 群 監 此 下 時 惟

贵 情 言,言之必可行也。 也。 忍乎哉? 有數生請 果 出 於誠,不失 吾之允汝者,允其 依 親,先生曰:「 諸生體之。」 爲 孝子。 此亦人子之 如其 名之必 僞也,

有侯生者舒徐而進,遂召跪階下,呼六堂堂六月初二日升早堂,先生命諸生疾行。

爲 色已 爾 友 長 大,順次之」。」諸生謝 身後千餘 臨 而 語 階 之日 砌 人皆在 矣。 : 今侯 吾. 炎日 命 生 汝 過 中乎? 肆 疾 而 意 行 退。 緩 者 步, 夫 以 禮以『時 贵 祁 不 暑 思 H

出聲。 帛 傷 慨之情終日 及左右吏役 然 固 哉 ,俯首淚下,偕 !」遂給己俸, 有二生禀 於收斂 顧其 死 罔 不釋,遂襂服 仍 者曰 不 同 垂 鄉 與 僚 一人孰 涕 監 屬 口 命同 生 諸 鄉 畢 三日,不 弱 物 生 班 無 故,先 親 退 文。 師 死 ? 詣 處 友置 臨 更衣 喪 演 生 喪, 樂。 斯死 所 棺 聞 其 師 槨 之 大慟 也, 感 布 惻 生

之,問 勿自 見 誨之曰:「人之過難於自首, 日 處。 欺也,友道不篤,性之戾 有二生訟者,先生命自陳 彼不詈吾,詈吾 曰 : 學之道豈外是哉?」 「爾知之乎?」對 者其僕 日 此 也。 也 其由 . 即 是良 先 未 **E** 生自 也 生皆貸 心 乃 爾 首

> 生召其 直耳。 聲容器數之末。 書,不過言語文字之細, 去,不允,紀其名於《集愆册 先生 今既 生 一跪 撥 於 以 歷 前 有 來干,吾 何補於諸 而 巨 數之, 宦 爲 何 吾教汝習禮 且. 親 以 **%** 生 日 戚 爲 ? 請 教?」叱 惟有 吾 超 教 撥 不 汝 公 過 講 先

段衣 聖人之邦人 生勉之。」 日 有數生舉 : 何 而 先生嘗録罪之尤者,注 給 過 假 同 也 0 也 ? 班 不不 壓撥者改過,請 先 對 生 如 日: 日 此 : 聞 何 此 以 祖 壓撥 過大者 爲 父 免壓。 母 戒法? 以待 喪,着 也 自 先 雲 生 爾

涇野子内篇卷之二十三終

■「段」,乾隆本、四庫本、嘉慶本作「緞」

涇 野子内篇卷之二十四

門 人顏 11 魏廷萱校 正

太學語第三十二

門人胡大器

記 參焉」。 師 》。」曰: 見 廂 而 房 今日便忘却了。」其教人每 問 中二人並 「昨 曰 : 日講《曲 汝 讀 <u>寸</u>, 何 禮》『離 經? 人 參 立 對 而 離 日 類 坐,毋 焉。 此 因 禮 宗 往

能 師 守身,非吾徒也。」諸監生聞之,皆惕厲。 斥之曰: 監生 汝 因 買 爲 好 秀才 扇,被 而 好 人 淫 駡 巧妄費,又不 打 來禀。 宗 而

感發者甚

衆。

雖曾子、子思可到。 得,今見其徒矣。」因謂 河 田 門下。」曰:「此人在 留監中請教。」宗師 曰 曾子、子 南何栢齋之後 "「汝從何人讀書?」曰"「昔遊 地,守正不阿 河南 思 監生改 同 道 後 有 曰:「不可 題考之。 巡 但恐不實,所累反多。」 此 取 陝 歷作正 人 在 諸 西作 生日: 耳,久慕其 科,以言 縣時,躬 謂無人。」遂 歷,日 考畢 「此意若實 去 王 人而 宗 官。 行 科 丈 師 先 願 未 汝 量 生 出 看 久

歷 跡 由 其 者奚異! 正 道 行 有二舉人争告撥歷,偶因 自 而由 可 捷徑者,即 知 其 心。 謂 此皆是私 之日: 禮生引禮不 「行不由徑, 心,與争撥

書 且 詞 貌 顔、孟汝 如汝兄 急遽。 有 一給事其弟監生來禀事,恃其兄勢, 地所 乎? 宗 師 産也,奚不學之?」 不然,人只 責 之曰: 「汝奚不立志讀 稱你監 生而 已。

然 短 何 依 日 ??. 差 親 而 沈監 。」又哭 往 此 又哭告求 即 生哭告父 何 是 告 消 計 焉 論 利 許 監 人 短 日 母: 也 中 : 差 年 日 方已, 老,宗 准 果 月 汝 有 哉? 養 思 宗 師 病 親 日 師 寬 真 卒 謂 意, 不 諸 准 與 飄 生 如 汝

己。 通 日 . 習禮 不然 自 今日 此 則 以 侯 見 伯 後 便 汝 用 復 茅 們 塞 功 講 復 常 汝之心 講 日 如 新 聰 所 章 講 明 也 宗 漸 自 開 能 師 日 義 因 新 謂 理 之 不 漸

者。 省 好 多 你 的 是 凡 氣 宗 走 足 往 班 師 以 象 減 來 勉 爲 口 禮 戒 廂 觀 你 房 生日 課業,則 即 志 中 此 意 一今日 有 便 向 好 是 是 上 的 我 學 與 足 中 反 問 汝們 以 薄 間 爲 你們 若 也 法 做 (徒 有 禮 也。」 望 有 薦 生 我 舉 不

監 中 所 監 生 講 除 意 教 思 官 秀 來 才有 拜 辭 善 行 宗 所 師 當 日 勸 勿 有 忘

> 行 善 方不 者 所當 · 枉 監 懲, 中 文 藝次之。 遊 也 須 牢 記 見 之 於

斥之 告 得 我 而 日 害 以 有 利 + 己 此 者 數監 隨 去。 之』者 皆 生 是利 放 此 利 1 被 也 所 人 使。 騙 告 我 傳 來 所 以 禀。 義 謂 者 宗 利 來 師

邊 不 你 於是。」諸 須 是『君子 去 頭 們 説 西 西 即 話 廂 廂 不 行 生 禮 邪 來 無 感 生來銷 ? 東 得 終 而 廂 後 食之間 這 日 來 般 名,宗 若 謝 便 我 方 謝 違 有 算。 師 教。」 不 仁」,造 彼 到 日 此 日 東 次 殊 廂 西 非 廂 禮 這 顛 道 不 是 沛 生 理。 到 亦 必 \Box

病 病 醫 是氣 白 是 有 病 志 監 爲 無 爲 生 出 志 氣 數 此 所 所 告 言 帥 使 病 り、則 則 假 無 宗 真 病 病 師 矣。」 矣。 日 : 諸 有 無 生 病 皆 病 强 詐 日 無 有

宗師謂六堂先生曰:「監生皆我們弟

亦 清,不可不取法。」於是六堂先生日加 子,須要同 不孤 所 托。」又 寅 協 恭 昭 盡 示 其 曰 . 職 業 如 某 固 位 不 勤 負 振 了,某位 所 勵

者遠 如舉 欺 情 者之心,故曰『君子莫大乎與人爲善』。」 使人之欺 曰:「此乃『己 也。」曰: 洶 宗師 矣。 善者衆,不善之徒自 洶 舉監 (予,無使予見善不舉以欺 外 日,尊官顯宦皆曰 「雖然,亦有不 此 欲立而 中有善行者勸之,當其時 而 教 人, 立人,己 抑 相 盡 末 勉 然者。 . 欲達 耳。 而 示不 爲善,欺之 可,恐 而達 聞 大抵 人。 之者 且 有 寧

親 所 有之,未必皆然。 師 見 ,大有,君子以 逃矣。」 日 :「堂友長擇上 其爲人,審之六堂官,斷之己心,自 或人云:「善行有買堂友長報上者。」宗 因謂大器曰 遏惡 且 榜者爲之,受買 子 亦不 揚善。』此 「《易》云: 專 靠堂友長, 固 『火在 非 事 是 雖 必 細 天 無 或

事也。」

所措。」 之所 耳。 於無 循六 七 不 習 用 宗 之地。 師 友 然, 也 於 謂 他 諸 今 寶 生日:「 日 日 殊 邛 有 教 不 寺 諸 知 習 今日 禮 命 生習禮 昔在太學 之寄, 之所 人 皆 亦 教 譁 時, 則 爲 手 曰 正 後 與 足 昔 日 用 馬 計 無 日 心 伯

因 倒 固 之氣,充天 之美。苟於此 者 惹 一事 了,甚難 不 季只取汝輩數十人, 負 宗 得人作 他們所舉, 師 丽 得。 至 謂 地之道 話笑也。」 萬 善 蓋 勇猛 士曰: 事 太學, 亦不 不 是集 前 進,因 過 天下 「今日諸生登善 或一 赤 義 是 汝輩 所 人才所萃之地, 也 行之善,或一事 生者。 一行而 所 信 生。 能 至百行, 養浩然 如 不 行 此, 榜

學,行大射之禮於澤宫,何也?」曰:「此宗或曰:「宗師奏請皇上行養老之禮於國

舉天下之好無以 師 作 用 揖讓 妙處。 之風, 且 尚之,所以基太平者此也, 行 如 唐 此禮,三公九 虞 之時。 觀 卿 者 穆 自 穆 樂, 皇

而

其他

遊

觀皆可

免矣。」

觀 氣和 「無不 ,身際於唐、虞、三代之時。 宗 一次,鼓 師 命 以爲 監 舞作 美。 生 興 每 監 月習 生升監者自 禮 二次, 雖四 每 然 方 日 心 來 歌 清

人乎?」 撥一二人,雖私亦公也 云,歲貢貧且老,例貢富 ,亦有私乎?」曰 或問: 「宗師 撥 此此 歷 , 如 何曾聽 至公也 且 何 壯,歲貢 帶 人情 撥 歲 嘗聞 今日 私 貢 撥 宗 . 帶 師

門人絳州陶梓發明

爾 云 何 原 籍 梓 有 曰 書 洞 洞 據 請 絳 名 城 焉 中 高 先 岡 生 南 日 望 .

> 矣。 治 汾 有是名。 語 睇 子、薛敬 二先生始也。」 「乃所願,則學孔子。 邦治 水,未 ,曰:「睇 曰:「先生其定汝之志乎?」梓恍 雖然 知可 軒 邦治曰:「初 先生 道 二先生 ,下視也。」遂大書三字。 以 名 以 孔子爲至,而進道未 以『望汾』否?」先生 睇 嘗 易望,其 講 河、汾之支流 意 道 如何?」曰:「文 於 此 必 有 ,深慕之, 説 居其 必 矣。」 易 然 梓 歸 曰 望 下 邦 中 由 爲 故 以

先 此 風霽月』,言光 勤 言,先生復賜「光風 也,梓曰:「先 天白日」四字,汝 生固 語 知求先生之書,不可不會先生之意,遵 先生書「甘貧 汝 己 勤 賜 亦 青 道 天 生方書『甘 風 己 白 霽 勤 改過」字方畢,梓 意 日 霽 月 亦 矣,而 月 由 因 欲 甘 貧 問 四 爲 貧 改 又 梓 字。 梓 何 改 過一, 何 請 過 請 比 以 即 出 欲請 而 也 皆未 不]?!以 得也。 書『光 卒 與 汝 及

生之教,不可不

·體先生之心。

先生曰:「明道動容極可愛,看來只是

學仁

只守拙不改。」 日所講甘貧改過而已。某平生無過人處, 璫歸,請教,先生曰:「無他,與諸生前

只是心不存,未有心存而精神有不足者。」問:「讀書精神不足,何如?」先生曰:

時可 休息、宰予晝寢是也。」 日 「天地 休息, 問:「 如 有 精神倦 何 陰 不 陽 時,亦 休息? 畫 夜, 君子 可 若時 休息否?」先生 以 不可休息而 繒 晦 宴息。

持不定,何如?」先生曰:「此不知止也,若問:「心纔動一正念,復又動一雜念,把

知止,則心自定矣。」

於顏子,過此則聖人矣。」 一月欲仁,一月之仁至矣,念念欲仁,念念之仁至矣,一日之仁至矣,一日欲仁,一月之仁之仁至矣,念念欲仁,念念之仁至矣,一日曰:「看『欲』字『至』字。若一念欲仁,一念时 門:「『我欲仁斯仁至』何如?」先生

始得。」 問:「『回也其心三月不違仁』何如?」 始得。」

能克己, 認得 吾豈敢?』信乎仁道至大,而 哉』纔擔當得起。孔子嘗曰:『若聖與仁,則 先生曰: 問: 「仁任最重。 『仁以爲己任,不亦重 爲己,始能胸 堯仁 如天,舜 襟 闊 爲 乎」何如 任 大,與物爲 最 一欲 重 並 也。 生

天之 交友 新 意 家」, 勇 體 之 非 思 而 不信 無 推 而 仁 有 無 將 所 見 也 不 間 已,則 非仁也,居處 之言 不 去,孝即仁也。 知其 覆,地之無 吕 也。 與 量 非 叔 無 仁,則所行皆仁。 欲 詩 不 任 不莊非仁也,戰 弘 云 所 仁,須 事 物物 不 君不忠非仁也, 剖 載,其任不 無 破 以 不容,真 藩 曾 籬 子 陣 論 即 日 亦 如 無 日 孝 大

新的 日 日 意思,終是不長進。」 有 問:「讀 新 的 意 書 何 思 以 纔 能 見 長進?」先 得 長 進。 生日 若不 見 有 須

重

乎?

認 嘗 先 ,便見心政合一之道 生曰:「聖人論心,未嘗不與政 不 與 問:「《論語》凡論心論政不一,何如?」 心 通 聖 人隨 處發見,學者逐章 通,論政 體 未

生曰:「《二程抄釋》,對病良方也。手此一問:「一身多病,何以爲治病之方?」先

卷不釋,身體之,則病自愈矣。」

愛身而 無道之身。」 也,辱其身是辱其親 也,是孝也。使身而不 有道之身,是愛其 問 孝。 爲有道之身,不孝莫大於 先生 日 身 : 也,非孝 「父母生身,使 也,愛其身是 有道焉,是 也。 辱 孝莫 身 辱 愛 身 其 其 而 大 而 於 身 親 爲

乎哉? 爲 道 德行 也 問:「道業、舉業何如?」先生曰: 心純則 ,措之而 俗學岐而 理 爲 純 爲二者,非 事業 理 道 純 則 相 也。 文純 貫 也,豈 藴 之而 有

鮮 庸之道乎?」先生 也,今寡其儔矣。」 不失之胡廣。」 問:「泄柳何 曰 如?」先生曰:「古之狷者 或曰:「不近 :「始學 而 於 遽欲學中 固 乃 非 庸 中

器。昔予與張允薦彈《梅花三弄》時,損一絃,問:「樂何如?」先生曰:「樂在心,不在

然,何 辭以 之謡 也。 耗者乎? 協《寶鼎 此 戯 而 真樂,當求之心,不當求之器也。 也?」「允薦曰:『不徒六絃 餘 而 樂者哉! 後作,心 真 擊瓦礫,吹葱筩以 六絃,允薦彈之而聲和可 樂也。 和 未追,可 ,謂之真樂,信然。 孔子曰: 武 可 帝今日作《天馬》、《芝房》之歌 》、《赤雁》之律,民不之樂,而 聽。』由是觀之,可見樂 孟 和 追 謂 子論樂,必歸 而 『樂云樂云,鍾鼓 想唐虞之時, 識 後諧,特假器以宣之耳。 真樂者矣。 爲樂,悠然有自得之趣, 漢賈 之與民同樂, 雖 聽。」問日 康 誼 蓋真 衢 請 云乎哉 在 絃 之歌 興 予爲兒時, 心 (樂必 亦 樂、文帝 不不 : 海 能 明 「何 其 擊 物 内 在器 彈之 求 達 不 益 壤 理 謂 日

之始,❶ 皆是 問: 也 而 惜未 「子夏、子 無 以 會 見聖人之大; 其 張 全 論 耳 交 何 子 子張 如 夏 ?」先 有 有 以 以 見 生 聖人 見 日 聖

人之大,而無以見聖人之成。」

化,豈 者,子張之見也,聖 立 日 可 與時而遠之容之可 之者,子夏之見也,聖 之木矣。 以 曲,豈能 固 ? 相 • 容? 於必容哉? 「若始學直當峻 問:「 譬之直木,終 能 條達? 凂 若學成 損 若不 我 友 耶 遠 固 ? 若脱 後 當遠,亦當 而 也,豈 人成學之教也。 日 絶,遠 何 容,終 人 亦 去 爲 不 始學之教也 贵 纏 藤 可 可固於必遠,亦豈 如 涵 繞 蘿 爲 容之有 蝎 容? 容否?」 纏 彼 蛇 則自 繞 壞 豊 ? 彼 隨 未 豈 成 口 先 終 干 能 其 容之 夫 免 苟 遠 霄 學 自 於 生 成 Ħ.

乎? 住 居 問 壞, 主 一壞,前 便 神 欲 主 人求 補 壞, 緝 宜 木之不 何 脩 況 否 ? 慎 神 也 主 先 生 可 前 曰 不 人 既 補 人 失 緝

之於其始,後人可不救之於其後?」

乎? 官做、當待之以 者,先生曰:「胥吏頭上 梓輩侍先生側,適有遺胥吏擡食盒 吾不忍也。」遂給扇與錢以優待之。 禮,豈 可 有 使執 個 巾 帽,他 此 賤 役 日 之事 有 禮 個

朱而 賴周 之也。」 孟 釋?」先生日 而 發明; 發明。 孔 問:「諸子之書多矣,何 而 發明,周、孔之道,賴顏、曾、思、 顔、曾、思、孟之道,賴周、程、張、 此予所以獨留心於四子而抄釋 :「堯、舜、禹、湯、文、武之道 獨 於四子 抄

起,恐奪侍尊者之敬也。」禮也,獨不聞《禮》曰,侍於所尊,見平等不禮也,獨不聞《禮》曰,侍於所尊,見平等不善梓輩侍坐,見公子來,起。先生曰:「非

『一人有數子女焉,有醜者,有瞎者,有跛之血脉也。昔予與一太守作序文,有曰:先生曰:「天下之血脉,皆吾乾父坤母

心 人矣。《易》曰:『體仁足以長人。』程子以手 萬物不得其所乎?』此始可謂 者使學藝,各 者。爲醜者多備裝奩,爲瞎者使學算,爲 以以 愛天下之民,則 得 其 所。 天下 能 如 之血 此 爲 人愛子女之 孝子,爲仁 脉通矣,何

涇野子内篇卷之二十四終

足

痿痺爲不仁,其知此乎!!

二六五

涇野子内篇卷之二十五

門人潁川魏廷萱校正

春官外署語第三十三

文圭問:「安有不正為上稅, 基不导口門人胡大器録

活 且 征 宜。」王材曰:「西北邊 量草又便,熟 之,莫若起 百 姓亦多矣。」先生嘆 文桂問: 兩 「安南不征 廣 知 土 道 兵, 路 上糧草每每告乏,何 日 然 始 爲 後 與 上 「此等處置亦 一策,甚 可 安 以 南 奏 相 不得已 功, 攻 伐, 其 得

近來

變而

納銀

",是以

無糧

草

不能濟

急于一

擔

馱

,謂之空運。

某

先

人

亦

嘗

親

也?」曰:「邊上糧草

仰

賴

陜

西

地

方,小民肩

之學。」 務 輕 時 爾爾 易改他 ,故古人貴儲粟。 們 對 的。 策 時 此二 須 件 發 且 事 古 揮 乃 人 出 立下法子, 今日 來, 方是有 南 北 之 不 用 急 口

見, 見道於驢 常常見之,但不 興起意便是善念,只要勿忘。 何患無事業乎?」 曾、王二生問日 某人 能 見道於舟,舟、 發于事 : 「自承至 業爾 教 完。 驢外無 昔嘗謂 後, 生 興 某人 所 起 日 不 意

身上 實幹去,是以當 所 驗 ? 可 理 甚効,何也?」先生曰:「那個守令多是急 簿 以 濟。」昔黄霸誠 作 問:「今之守令亦有急急爲民者,未 書 做的,或 故程子曰: 『苟存心於愛物,於民 祭祀,某 而 己。 奉承上司, 使其真有 時 處 皆富 心在民 木 可 以 庶 爲 身上,便 或刻罰 作 也 民 棺 的 求 槨 効驗 心 下民,或 知 如 贵 某 家 不 處 必 無 事 難 猪 急 見 有 効 辦 實

求守令如黄霸這樣極難。」

們 官 與 起 敬 百 先 事 ,便道在其 生 舉 謂 人 大 要 器 禮 日 中 節 汝 有常,不 今户 部 諂 歷 不 傲 事 爲 見 他 司

若 好, 意 淺 生 道 明 也。」 專 近 問問 俱 經 ?,莫若! 務 化 脩 大 如 曰:『程子云「養心莫善於寡欲」,此 器 義 矣。」永年 行 何?」先 與 理 理義之悦我 苟 朱 上, 于 永年 生 欲 因 此 言 專 不 曰:「此 侍 期 務著,卓 曰:「昔在鷲 側 心,猶 寡 先 古 而 生 芻豢之悦 自 人 立 嘆 不 替 寡 曰 峰寺 矣, 换 變, : 法 皆此 古 我 見 則 也 句 與 人 口

行 難 知 几 治 知 府 則 府 禮 民 部 者 時 皆 失 李 親 自 邦 位 之 失 良 而 如 世 陞 去 父 , 苟 , 甚 衢 母 州 能 難 知 矣, IE. 治 府 其 何 身 先 問 患 . 生 雖 失 曰 : 前 不 位 **\$** 此 此 而 而 几

> 厭 是 理 文,自是虚談 未 斂 如如 免壞 0 而 華 先 就 正。 李 四 實 生 惟 心 書、 若徒 術 嘆 而 中 Ŧi. 。」先 後 問 日 則 經 : 字 可 . 心 之言 '。」程 句 生日 若 近 術 上 教 世 便壞。」 爵 用 自 天 作 曰 : 功, 是 下 文, 太 實 「今之作文者 如 長 平,必 事 兩 篇 ', 則 晉 漫 六 須 心 説 朝 文章 術 之 義 由 口

迎 忘,則迎送之處,皆愛民之地 民,末如之何。」 送 不 有 新任 絶 而 知 于 府 先 民 極 生 間 衝 日 要,問 事 全 苟 未 E T 存 理 心 著 到 于 任十日 民 雖 欲 而 愛 勿

迹 段也。」曰:「 日 見之?」曰: 論 : 示 其 渭 崖説 心 · 見 爾。 其 遨遊二氏 人,怎能 但 生有 看 調 天官材,先生問 和 知 之門 張、桂二家, 其 才?! 其 人可 曰: 他 知 何 因 也 有 以 其 手

大器回省休寧未一月,部堂上罰曠倍

二六

汝 數 器 千 此 心 里 便是 頗 來 不 爲 尤 平, 親 人了 那 曰 樣 : 心 他 似 ? 執 亦 法 近 行 刻 事 矣。」 怎 先 知 得 生

就 説 方 此 類 以『學一 講 太 無 編 病 支 先 鬼 生 如 離 而 神 講 問問 T 便 一名篇 鄢 0 誠 帶 茂 敬 聖賢 誠 ·, 作 卿 敬 孟子 之言 説。 處, 貴 > 處 亦 如 講 講 有 依 古 鬼 誠 楊 此 神 人 敬 法,須 月 編 作 便 湖 帶 論 處 鬼 如 語 似 程 此 神

不是。 義 與 我 説《易》道 易 陽, 也 義 先 借 立 是以 《易》本 生 某 皆 地 天 陰 口 説 之道日 地、 由 君子行此四德 陽 云, : 天 陰 爲 也 地、 敝 陽 易》 ,有言説 柔 同 事設,故『立天之道 陰 剛 與 年 止 陽、 柔 剛,立人之道 是 王 先 天 剛 蘖 故 莫辦 柔 發 個 谷 曰:『乾,元 起 中 乎《易 易 來 以 云, 非 見 日 ×, 外 人 日 有 悟 之 與 亨 鑠 陰 皆 \equiv

> 辭 非 利 貞 》中備言之、《易》 易》,只是後 。』《彖》、 \sim 象》、 人 看 本日 得 《文言》若 高 遠 用 T 淺 近 發 事 未 盡 無 , ~ 往 繫 而

體,人 且 老先 多。 退 卷 此 而 云 達人之大觀 書 忍 户 生 紅,喜之也; 嘗書百『忍』字於壁,若 有 部任 諸 日 不 便 册 : 及, 有 良 悔 不 輔 即 識 固 忍 日 忍 憐 否則 無 好 者 窮 與不忍,不 惻之,斯 在 但 芝 佐 墨 意 不 筆 天 不 可 也 資 忍 若 可 久 \times 過 不 足言 矣。」 視 滯 美, 人己 戚之 于 事 之 佐 悔 胸 也 爲 也 則 吝 日 中 H

間 只 有 口 爵 時 郎 位 中 而 來 無 道 拜 義 欲 耶 旁坐,先 ? 中笑而 生 笑 曰 IF. 坐 世

熟 何?」曰:「知常人之憂,則知 意 不 加 能 吉 私 安蕭 除 意 奈 自 轍 何? 除 與 劉 矣。」 方 先 興 轍 生 請 問 日 曰 : 顔子之樂 方 顔 汝 子 能 興 之 養 常 也 樂 義 有 如 理 私

月方可。」 與好 學,先生曰:「明得孔孟之學 月 矣。」問:「孔孟之學何在?」曰:「只是 問問 下 史起 Ш 爾。」蟄又言:「清在牛首清苦,三個 鳌 與葛 「在家時,亦能如牛首 清 拜 老 先 生, ,則 鳌 知 問 二氏 佛 要仁 三個 之學 老之

好立 運 即 可 亂。」先生曰:「昔二總兵論天下有事之秋 意。」 昔 使天下有事。』天下有事 功 問:「自古天下任 日 ,予應之曰: 答 陳思 慎, 『寧使諸公不好立功,不 日 不 用非人,則 乃 問 人 國之不幸 運 而 日人 問 也。 海 於 方

如之。」 曰 大器 天道 秋 反 中 侍 常。」 坐 寅清堂 先 生 嘆 。 雷 日 雨 大 作 起 事 亦 而

王 玉 瓚 解 了; 王 州 耆老有 方肯人書 書云,欲得 院 先 生 老先 曰:「此 生 字 正 與 當

爲善,化導鄉人,□□□□可也。」●

意乎?」 壞了心術。」先 「人心壞了 章詔 與大器 ,就如此枯樹,安得 生點 侍 側 頭 詔 指指 起 面 前 日 有發 學 枯 生 者 樹 滋 只怕 曰 長 .

官講 憂回 平。二曰: 顯官,新憂不可舍己責人。」 不平,邀生輩 被刑部官非 幾 他 生日 日?」曰:「三日矣。」曰 刑官亦 「不平固 :「今日 刑 ·與刑官一言。」先生 加之,監 有言龃 當講,只可 到 太平門外, 語矣。 」 曰 生 與 那 央列 顯 問:「 「若此 位轉達 官 大 一只 親 爲 鄭 鄭 監 在 甚 不 顯 居 生

人要錢,己的只可與他。」則可?」先生笑曰:「自家不可要别人錢,別則可?」先生笑曰:「自家不可要别人錢,如何有生寄書云:「補廪官吏皆要錢,如何

U
\Box
\equiv
9
原
空
娱
1274
乾
降
本
•
四
庫
7-1
本
,
吉
茄
慶
本
4
無
1111

講 風 官 學造 聚 先 不在言語文字之間 徒 就 生 講 謂 學 材 張 甚 通 功 好 判 業 綖 尤 然 日 大。」 做 : 官 又 前 功 日 日 業 . 汝 有 古 不 限 欲 人 高 做 而

要 貌 口 可 看 到 之不倦 得 先 天,而 或 見 來 先 生召 子 列 而 監 先 位 汝有 諸 去 諸 去, 有 乎?」言未 後 生 生飲,其來 三天 恐天晚。」先 來 欲 者 辭 耶 故故 去, 已, 有 不 乃 欲 先後,先 生 留 笑 待 生 日 耶 日 日 . 生 此 列 某 皆 亦 又 禮 位 還 安 要

某 宜 件 大 前 侍 權 器 司 件 郎 公座 吏部 司官堂上 問 後 江 官 伯 堂 又不 **警言**: 印 一要司 説 實 司 有 作 肯 官堂 官文書多判從之。 此 座 揖, 從。 馬 事 另 馬 通 否 上 設 老 作 出 政 也 干 先 ? 公 權 揖 侍 座 生 户 郎 又要堂 先 爲 部 地 生 公 板 之 印 座 日 惟 外 處 之 上 馬 吏們 口 下。 置 説 要 然 揖 得 前 华

> 設 着 事 官 如 不 嚴謹 不 何 司 是 官 下 用 爾 件 爲 四 恐 中 況堂 何 司 誆 有 如 ? 騙 某 不 才 E 人 是 公 雖 不 者看 也 於 聰 當 0 文 明 下 出 若 書 · 侵 然 司 細 二件 於 官自 到 事 事 ,體甚 先 不 能 體 自 然 T 面 欠, 批 設 自 1 初 司 日

皆賢 天 生 即 起 肉 T 用用 固 驚 殺 0 理 則 祭,多得 遷學問 有 (之,未) 者 問 疾 且貴宦 三子跪禀,欲 老 源 ,焉能 其 好 先 流 故 生 也 用 錢 大 説 乃 也 記 答 爾 進 而 有 . 羅 得 疾 日 乃 有 老 羅 請 此 瘳 羅 子 先 醫 整 事 老 ,其子愧悟 非 應 子 至 生 ? 良 庵 先 平 日 畜 先 此 甚 生 久 日 好 乎 鹿 好 知 乃 用 _! 欲 也 其 日 男 心 彭 意 : 旁 賣 力 是 某 先 用 坐 與 行 欲 稱 以 有 生 遷 有 官 體 鹿。」 得 疾 日 曰 認 鹿 不 .

張通判來辭,與文仲芳同見老先生,大

損 事 還 作之可也。」」大器 『豪傑之士不 器 ___ (。) 先生曰:「不作尤高 攻 侍 張 煉 側 起 唐 日 張 人 -詩 送 ·爲 詩 句 陽 沉 呈 耶 明 曰:「伊 溺 看 ? 雖 或 若 看 亦 遇 畢 戒 ĬΙΙ 心 友, 笑 作 馳 不作詩,於他 日 或 鶩 詩 托 乎 他 物 此 年 又 ,甚害 已 艾, 亦間 日 無

艾治 熟 骨 甚 往 習 晚 君 脩 餓 來 行 也 ,須從這 不 堪 登 佰 皆步行。 故 ?」大器 九 其 月九 高 與 也。 體 王 孟 裏過』。」 薄 膚』云云,程子 昔予 良 子 日,老先生召丘 暮 曰:「步行 濟 伯 日 方 飲。 循 同 一必 歸 穿 馬 大器早 先苦: 伯 老先 遲 雙 循去皇 解得 遲 其 破 生 爾。」笑曰:「汝 孟學、傅 往 心 油 甚好: 曰 : 北 志 靴 城内,清 門 在 勞 汝 橋 岩岩 起 其 他 何 口 巖 要 筋 黄 來 程 人

日 先 洲 生 撫 問:「 江 南 陳 時 荷 貪 峰 官 爲 污 吏 如 聞 何? 風 解 大 印 器 而

> 人也。」 他 逃 某心 甚不安。 「昔見其 常云, 他 做 有 官 好 勢要 , 不 可 常 以 有 言 書 廢 與

到 人過,今未之見也 風 别 俗至此 人,於無過 問:「今之學者,身爲 極 矣, 求 可惡 有 過 可 嘆。 何 不 也 善 如 若 周 漢 先 图 人耻 生 聞 日 知 19

周子 縱 大袖 理,不至殃民壞法之極 不能讀經書,只讀 何其 衣 先生每出 ,成隊 多 耶 而 ! ,遇人家 遊 今馬 ~,嘆 得 曰 : . 也。」 子 一本《大學》,少 西 玄 弟 拘 此 戴 來 輩 濂 讀 甚 溪 書 不 周 甚 忍 子 知道 好 看 巾

老 昨 時 人 成 相 日 夏 請過 入熱,諸 處 ,言不能 大器十三夜侍 最 刑 好。」明早, 友 部 出 相 ,與大理 諸 會 口 少,且 坐月下,老 趙 寺 我 評 受 諸 心 事 他 甚 友 Ш 們 喜,只與這 会 先 東人,爲父 禮 生 多 未 日 曾答。 : 朴 「前 般 實

某 年 賴 既 大 存 中 母 言 器 昨 老 中 舉 我 求 夜 後 日 先 存 墓 既 及 與 : 表 生 之猶 母 猶 中 、汝言之 表 趙 亦 汝 後 涕 吾 于 不 父 父 泣 涕 父 南 存 存 拜 者 泣 不 母 年 不 也 存 又 爾 般 : 與 己 矣 泣 某 鯤 汝 既 只 日 相 讀 勉 母 : 是 而 上 書 力 \Box 下 送 鯤 時 中 : 味 出 既 親 進 吾 門 躬 叨 喪 汝 士 父 行 門 \equiv 因 望 也 父 下 + 謂 即 我

调 勞 法 先 後 0 來 儒 其 口 0 某 爲 程 筋 先 官 生 與 子 骨 謂 説 必 馬 餓 能 得 王. 谿 其 輿 知 甚 田 體 民 親 日 未 膚 情 : 切 嘗 苦樂, : 學者 凡 耻 若 白 惡 要 艱 做 必 衣 熟 辛 須 出 惡 苦 經 事 須 食 業 其 歷 從 心 便 汝 這 好 番 志 裹 師

作 未 人自 去 先 使 不 牛 我 妄 謂 連 語 大 忙 器 始, 封 日 須 書 : 樂 聞 贵 與 陳 是 那 生 學 周 尚 問 生 在 兩 神 個 劉 樂 人 觀 元 是 城 而

一樣的,是以士人不貴講學而貴躬行。」

完 五 雜 去 方 弟 老 可 廬 咸 謂 ,尤爲 定。」一生 先 劇 墓 寧 龍 這 邑 天 生 般 地 王 造 般 生言 日 難 判 出 生 就 : 事 靈 斷 也 蓋 南 曰 編 0 惟 芝。 蘑 : 他 監 成 監 老 如 菇 原 生 戱 某 生 那 某 先 記 學 因 本 親 處 在 極 生 不 祭 題 見 有 北 難 着 日 同 酒 目 管 監 好 唐 封 甚 事 漁 心 此 代 筒 過 今 嚴 不 者 石 與 打 州 又 同 滿 做 咸 兩 多 到 有 也 提 監 寧 提 良 王 月 學 非 人 孝 亦 學 人情 家 時 議 作 作 子 道 子

樂 指 日 帛 也 合 : 器 Z 有 人 數 乎 而 王 器 觀 上 輿 哉 而 數 之 問 講 不 可 否? : 也 仁 樂 $\overline{ }$ 見 有 云 如 雅 情 矣 先 樂 禮 \approx 義 生 **^** 云 何 其 處 頌 日 0 日 ·: 鍾 樂 必 鼓 人 也 正 須 禮 云 而 於 有 乎 各 云 不 孔 本 禮 哉 得 有 子 其 云 如 末 論 所 樂 又 禮 處 玉

質 話 矣。 質 樂』章更深。」因 治 寧 先 本 無 何 日 儉」, 不 情 也 彬彬非 進」,又 則又史矣。 又 得 比 實 汝們早夜 亦 及 答顔 日 錯 也。 須 鍾 至 日 • ,行事 相 觀 鼓」章 語 吾 等。 子 惟 孔 樂 参互 思之,動 日 子 顏子可以 野只是無 從 不得 問「文質彬彬 師 更 『行夏之時』云 蓋質 論 周」, 考訂 大、『鍾 日 文質 錯 『始作 勝 静 又曰 白 文固 語 體 處。 文采 則 鼓」章 姓 此 之,有 輕 一禮 翕 然後 野,若 也安, 其 而 重 如 蓋有仁爲 云, 比『語 日 己, 本 得 與 也 文勝 云云云 或 末 可 後 文 其 則 君 家 則 見 子 則 彰 奢 吾 太 之 文 其 説 彰 是 也 也 從 師

書 尤 何 不 ?」先生曰:「不讀《註 ,後又有 可, 王 獻 只 藎 要自 或 問: 問 得。 $\overline{ }$ *****, 四 後 故 來《 書 朱 註 子 固 註 亦 不 **>** 不 熟了不要,又 可 日 可 :『先註 溺 不 于《註 讀 如 四

> 是 後 與《 Ш 行 連 或問》者,曾 血 或 出 於是矣。 問 不顧, 学不 要,久 贵 昔者 到 非 此 躬 耶 朱 則 ? 行 子 連 君 送 經 子 蔡 文不要。』言於 哉? 元定,赤 看《 足 註 過

公息 量]乎?] 曰:「奚 曰:『若糞船 怒, 或 問問 不 宰 一有 日 相 世 『容 腹 容 中 官 得 得 昔 容 過 糞 耶 忤 得 ? 』 老 張 船 船 羅 過 過 峰 0 先 方 羅 云: 生聞 謂 峰 宰 又 願 而 相 笑 怒 明

列 良 亦 謂之曰:「子豪傑不覊之士 在 採 知 後。 發 取 霍公《家訓 見 此 自 腐 日 儒 不 送 容 之 **>** 老 採 事 已 先 取 如 乎? 生看 古孝 此 及 渭 也,及其《家訓 弟 崖笑而 升 廉 節 部 老先 故 不言。 事 ×, 生 編

老先生會審要囚回,大器問:「有疑獄

❶ 「文」,乾隆本、四庫本、嘉慶本作「史」。

爲干係重情爾,臨期有見,不得不言。」即此執定了,又何必云會審耶? 前日避人如此執定了,又何必云會審耶? 前日避人可也,則又説曾一奏請定奪了。某又云,若可也,則又説曾一奏請定奪了。某又云,若不。曰:「多是三法司主定了。昨衆人縱

涇野子内篇卷之二十五終

涇野子内篇卷之二十六

門人潁川魏廷萱校正

春官外署語第三十四

門人建昌王材録

之過 告 世 謂 斯 也 E 未 篤 君必 之未信 ,故學莫貴 信 免 材 「亦是信 問 以 譏 之學矣。 格 其 而 『信 於 致誠 己。 泥, 於信道之篤。 但 三必 少 無 而好古』,孔子之所 正,自 然 然當至 變 果」、『必 乃 而 通 非 當 謂 爾。 所 於 時 平 謂 學 莫 朱 生 信』之歸 日 信 能 子 無 所 : 乎?」先 售 前 學 而 無乃信 其 在 疑 進,凡 以 言, 乎? 之, 是, 爲 以 之 生 後 其 聖 口

未大 此。 之位,立朝 日 : 『惟大人爲能 也。」曰:「難説 大抵 正 四十七日 君 處 是 格君心之非』, 爾 未大,蓋 作 用 亦不 處 ·曾得 朱子 却 須 智。」 近 恐 君 尚

信

果

之信

亦是,孟

子告君,

便

不

是

如

者一 茫,心不在此,此是不用 曰:「今有 又一心乎?」曰:「人心要做 不知用之者何物乎? 曰:「此所謂 身之主,萬用之所 材問:「自古聖賢皆有 用 錯用 心 於 心 他技者,亦謂之敬 也。 豊 由 心,用 用 出 用 也。 得 一心,而 心 主宰,忽 心只 之説。 而 謂 是敬。」 用之者 乎? 之用 忽茫 夫心

復 得 降,俟 不 忠 ,則忠孝兩失。 而 城 忠 材問:「 得 可必 母 則 不 而 復,如 孝,甚· 趙苞全 復 圖 其 如之何?」先生 城 有 城 言 則 難 而 可 失 處 网 也 全矣。 者 母 ; 城降 當 或 其 日: 而 材 謂 時 或 以 姑 昔 孝 不 爲 以 潞 口 13: 城 則

地 屍之志,則家屬或不同 患 焚,族屬卒不及於害。 焚。』時茂 城 曰 州 :「今人有事邊鄙 有 而 及其爲 豫防之。』趙苞 寇 仇 至 時 曰 : 茂者 問 虜 室室 所 時 寇將 茂 得 可焚,馬 借 不 果 則 至 能 馬, 行可 《易》曰:『 亦 有致身爲國、 豫 使 末 不 處 其 也。」 如 其 可 族 之 得 母 人 不 何 君 也。」 於 婦 · 得 己。」 子 無 馬 女 9 以 室 室 皆 革 虞 之 思 又 遂 裹 且

製 深 衣 先生嘗述 冠,可 謂好古樂善者矣。 仇 時 茂 以 其 俸爲 鄉 中 諸 善 人

曾成 化 使 生 而 導 日 不 得 得 食」,王 大 他 論 事 是。 彼 方 及孔子曰「吾豈匏瓜也哉, 一材曰: 既 可 材 如 真信我矣,道纔得 日 楊 : 龜 日 此處 是 : Ш 「不但 必 大 恐非孔子不 先 秦 量 檜 化導,却 在 出 我 來 者 0 可。 焉 要誠 有 便 能 以 先 不 繫

> 廟主 生 尊,今皆 日 皆 東向,今朝廷太廟 禮 如 『時爲大』, 賓 客 坐 次 以 以 中 中 亦 爲 爲 南 尊 尊 向 是 是否 也。 古 先

皆是 中 今日 \equiv 恐 隅 蔬 不 果之 之雨 時 止 而 日 復 是 雨 類 贵 因 ,皆是時 。」先生日 顔、曾。 感時 皆沾 但禾 雨? 被 雨 苗 凡 : 也。 材曰 種之美者得 此 因 善 是爾 聖 而 人 聖人時 長 資 啓憤 質 其 因 所 發 益 失 雨 到 悱 之化 凡 而 救 反 袁 如

扯 馳 助 必必 事」,又何坐馳之有?」曰:「 了 長 便 有 材問: 也。」見朋友 是忘。 事」以『 却 是 『必 忽心,不可。」 勿 集 有 記 志 義』 事 先 即 爲 焉 生 是不息,不 事 語 竊 而 矣。 勿 勿 意 此 志 正 既 若 記 노 굸 謂 心 爲 息 者誤 之『必 勿 他 最 岩岩 忘 難。」 念 也。 牽 坐 勿

0 秦檜」, 四 庫本作「蔡京」。

材

問

「祠堂神主之次、宋儒

禮

以

西

爲

也 材 勿忘』 日 『必 即 是『掘 「是。」 有 事 井 即 九 仞 是『有爲者譬 而 不及泉,猶 若 爲 掘 棄 井 井

工 得 個 有 故 基 學力,先變化 力 先 自』三句最 温 夫 此 譽 個 又 本 也。」先生曰:「 生皆以 而 、要明。 也 的 毁 也 理 材問 的 知知 風 能 資 風 然 『不怨天,不尤人』, 好 便 遠之近,知 「『君子之道 質言,恐不 雖 知 便知 知 氣 體認 是 幾 此 質 爲己, 是資 此 是 也。 明之基 風 是 我 是 我 風之自 質 皆 淡淡 某 學 而 何 某 有 要 無 事 無 本 等 事 而 此 誠 此 差 那 也 不 風, 處 資質,亦 方 明 强 資質者 知微 厭 0 有 爲 譬如 肯 , 人 簡 未 己, 亦不 知 慎 意 之 當 而 風 外 却 要學 獨 誠 顯。 可 文 之 做 有 要 知 面

知 其 鄉 材 問 惟 心 之 操 謂 則 與?』程子曰: 存 舍則 出 『心豈有 無 時 出 莫

> 存 此 者 仰 殻言 在 志於碁 時時 飲食 ? 而 面 妍媸隨 不 亦 貪 固 出 省察收斂,不容一 局 每 以 看 無 也 者, 失 操舍言之爾。」材 物 鳥 出 其 以 賓 人,若 不 口 應, 正 ·知是 客 頭 亦 錯 以 而 豈 否?」先 不 不 應 心 非 知 之神 逐 物,使此 人』者矣。 神 禮 於物, 着 竊 ; 生 言 於 馳 謂 国 物 然 心 則 以 . 心 耶 後爲 明鏡 於 嘗 心 有 是。 見 之 文 所 常 役 謂 在 蓺 軀 要

樂 禮 日 而樂,富 與 上 好禮 做, 材問 既 知 還 而 上 道 好禮 從 做 無 貧 無 諂 而 諂 無 無 如 無 驕 今做 驕 不 上 如 Ĭ 做 而 樂 夫,却從 無 起 與 驕 好 也?」先 ; 禮 樂 未 便 與與 若 生 從 好 貧

恐不 生日 道者」,或謂此言爲司馬 : 專爲司馬公發。 材 石程 問 一程 子 亦曾言 子云『人有篤 司 如 馬 聖 温 公不 **門子** 公發, 志力行 知 路 道 然與 何 等 但 而 ? 篤 此 不 志 知

若 用 計 之 道 若 處 到 日 處 力 他 私 程 不 他 行 難 還 學 來 子 都 是。 先 要被 謂 所 是 夫 用 者 見 見 生 之全 以 子 不 自 得 識 心 温 曰 蔡 他 曾 亦 不 事 T 不 公 比 確 侵 不 同 見 須 事 知 然 0 當 司 T 小 許 得 要 也 我 馬 時 我 材 人 其 那 如 嘗 就 便 本 便 日 知 但 青 論 自 料 : 原, 得 德 不 天 來 原 大 得 以 此 免 白 處 動 司 材 行 他 那 正 有 T 馬 日 用 日 聖 是 其 意 亦 我 有 功 : 全 人作 都 迎 可 必 柄 此 否 體 合 照 謂 固 此 欛 事 用 之 得 我 妙 近 等

器 只 如 是 天 是 不 Ш 其 不 林 柄 因講 知 相 用 論 麒 如 他 得 害。 爲仁,先生日 麟 神」。 好 我 嘗 鳳 如聾 常 記 然當 凰 説 馬 也 者 伯 : 生 時 君 司 循 四 子 汝 虎 火, 論『 凶 以 看 豹、 刖 厚 却 帝 及 者 虺 德 也 堯『其仁 其 司 蛇 載 在 使 門 物 也 朝 也 瞽 礕 只 如

> 不 抑 則 道 亦 者 不 舜 跛 也 堯。 能 不 能 堯 去 者 得 有 各 時 先 而 爲 兀 有 元 生 不去之矣。 M 所 愷 故堯且容之。 日 用 不 堯 去 不 材 能 想 此 日 舉。 **企** 是 左 : 在 氏 此 傳 他 至 廷 所 正 》却 其 君 將 是 悪 以 子 扶 謂 聖 稔 多 舜 爲 几 罪 了 不 便 区 無 堯 他 知 要 棄

彼 祧 以 數 則 有 禮 將 己 叔 多 而 矣。 也 祀 祧 伯 而 速 材 之,禮 問 絶 父者 之於彼 祧 及 : 彼乎?」曰 而 如宗 視 祭止 藏 也。 以 高 子 之 祀之也 高 祖 己親 易 於 : 祖, 以 世 墓 上 盡,彼 苟 禮 乎? 所, 之 而 於 之 祖 高 彼 制 禮 親 猶 曰 祖 巾 也。 與? 未 之 爲 亦 盡 桃 上 高 親 宗子 曾 當 也 盡 日 之於 也 祧 則 世 口

祖 父母 初 、伯叔父母 日 問 於 材 否?」材應之日 言 祠 堂之祭, 可 及 繼 伯 别 爲 叔

問 同 之養哉? 貧,一子富,富者豈 東之厚也 人 宗,伯 亦 於 祭之可 先 其可 多 生 支 叔 祭者 也 (庶,有 , 先 伯叔父母 祖 吾嘗 生 父 其 母、伯叔父母 日 不 謂 子 能 可 父 有不能祭者,聚其 姓 祭 是 以衆子之貧 母之多男子 同 者, 也 居 爲 與 然 自有爲之祭者 是 無 初 而 後者乎?」 而 氏 者 不 缺 聞 忍, 父母 衆 子 其 孫 子 啓 族

此。 之?」材 纊 喫 今日之事 如 話 不 此 亦是難 如 程子云『今將數 先生 人 材 是 孔子 問:「 和。」只 人 我 曰 : 所 事 和 孟子云: 謂 爲 」,左氏 就是吴起 然。 『我 此二言,省了 政」,雖 至 千人,能 於『昔日 戰則克」,其道 看 所 天 來只是要得 有 謂 所 天 時 以 三軍 使依 之羊,子 時 成 不 地 多 如 功 之士 時 亦亦 利,何 地 少 及 想 人心 利, 兵 皆 爲 候 亦 是 家 如 得 是 能 所 政 地 與 用 挾 就 説 飯 如 利

> 士 後得反之』矣。」 溝壑,壯者散 法,是第 日 是。 卒 同 甘 苦, 着。 教之孝弟忠信 而 但 若夫 之 此 四 恐 M 方 還 年 則 是 饑 之行,務 所謂 第 歲 使 夫 着。」 農 老 民 講 穉 先 今 武 轉 乎 之 生 而

之心 恐非 也。 盡 下 蓋 鄉 友 士。』《註》曰: 言能 ,民主 極 之善何 則 其 要 鄉 ,則 所 高 材問:「『一 以 友 之善士。」夫 善 当 勢 鄉 只 論 由 _ 斯 與 己 人皆將 而 在 鄉之 於我之取 成 不 極 『言己之善 至? 心 厥 可 隆 鄉 善 虚 功 人矣。 一,若不 來 之善士,斯 士者 若 在 故 友 友 日 我 於我 先 也。」 是虚 蓋 便 之善 有 乃 远夫 是 於 成 如如 先生 心 爲 既 友一 毫 匹 樂 晦 鄉 人君 自 鄉 已 婦 、善,則 曰:「然。 翁之云, 之善 是 蓋 鄉 然 不 者 自 獲 之 於 後 自 位 足 士 善 天 盡

因論伊尹,王材曰:「觀伊尹方其在有

爲大 待三 幸 乎?」先 班乎?」先生曰 不 下 仲尼 下 之人匹 之 矣。 於孔 聘 野 不 之誠 辭 生 無 但方諸 子 夫 轍 受 矣。 兀 迹, 取 婦 處 : 然。」 子 而 孔子, 一子言 咸 則 伊 孟子等之夷、 被 樂 介不 尹 堯 堯 少 是 不 舜之澤 舜之道 古, 也,伊 不 及 及爾。」 者 其 惠,乃 尹 仕 其 此 出 於夷、 湯 惟 材 其 則 也 有 若 道 欲 日 惠 是 迹 己 天 . 必

輩 嘗 矣。 學 先 Ш 日 曰 無 不 生 林 今國 即開 日 人 可 全 有 此 看 是,却 ?」材曰 建 當 德 説 來 家承 散之任 言 亦 邵 亦 後 少 康 偏 人 説 平 來 節 材 康 而 既 罷 「前 陳 今 齋將 須 科 陳 久 白 日 朏 於 時 白 目 沙 安 尋 科 及 巖 科 亦 沙之樂, 吴 貧 致 亦 目之途 目 不 穴 康 的 政 不 未 可 中 之官, 齋 盛 事 及 盡 求 似尚 輩 多 昨 故 康 謂 者, 矣 日記 其 齋 恐 無 有 與 先 人。 所 中 亦 康 孔 以 其 材 生 齋 何 少

> 樂, 風 樂。」先生日 食」,曰『樂 下」。」材 顔之樂微 矣。」 只 憂 曰 : 處 有 以 解 • 不 「如今言樂, 忘憂」, 「其流之弊,便 下 同 來 先 便 曰『樂 生 是 樂 日 却 以 是 是 故 天下,憂 然 推 晉 日 開 人 孔、 發 竹 了 林 事 以 憤 顔 之 忘 去 天 之

明 明 至 竊 性, 利 也。』朱子 公以 矣。 於 行 謂 以 則知天 之 盡 末 孔 材 事 問 前 如 子 節 心 如如 謂 知 不 是 節 爲 矣。 _ 性 惑 前 爲 而 木 何 盡其 節 知 知 後 知 生 ? 三 曰 存 爲 命 天 知 存 勉 其 心者, 造 安行 行 且 則 必 心, 其 養 於 已 「朱子之説 不 理, 之事 養 而 窮 四 然。 知 其 履 後 + 神 其 性, 其 知 節 五 蓋 次 性 化 + 事 爲 所以 人所 節 也。 是 言之, 乎? 履 ,與天爲 爲 也 其 學 最 事 知 事 惑 學 陽 知 陽 天 其

五十 兼行 則 又不足言 者 命自 妖 壽 而 ,此只是知 我 知 也 立矣。 天 此 命 至 乃 一於殀 不 是 到 同 至 命 壽 乎? 極 自 不貳 我 立 然 修身 處 則 一不同 『知天』 知天事 以 俟之, ';彼是 天 與

言

天地 子教 生曰: 猶 也 婦 口 爲不可。」 嗤 君子之道 既 行 IE 人之詩。 彼 化,丈 章詔 伯 墻 材問 小 文王 魚 面 星 先 伯 曰:『人 日 而 夫 「二《南》何 便 :「堯之試舜 生 造 天 魚 立 之道,便自 説 可 一。」蓋 端端 下 日 以 「『抱 知 行役,丈夫 易 乎 是 而 矣。 就 不 夫 傳 私 爲《周 之子 是 而 婦。 以 衾 堯 此文王 夫婦之間 難 皆婦 ,亦自二女始。」 與 舜 及其至 化 思 雖 南》、《召 傳 禂 者 , 故子 人 勞 下 刑 惟 之詩? 而 來。 一步 也 婦 句 安 于 思 南 還 命 人,婦 之 学,其 察 故 日 乎 不 先 效 孔 是 未 如

> 爲 可 家矣,與敗軍 後、《禮 敗軍之將 者,自是 之大夫,與 不讀。」 求。」先 後、當是 材問 經》有 昭 : 「射 生 、亡國之大夫等?」先 異 穆 爲 日 亡 姓 明 應繼,不得 人後 : 禮 徵 國者又何異 一此 養子之類 延 矣。」 者,不 射 説 云:『敗軍之將, 更明, 周 已而 得 璞 公,背父 也? 日 人。」夫爲 可 爲之, : 生日 見古註 離 註 若 母 : 何 疏 同 姓 失 此 疏 謂 以 其 後 或 爲 與 爲 不 與

者 子 本原 問 也。」先生曰: 更之。」先生笑 德則 **猶嘆** ,古人之才也。 字焉, 曰: 則 六月二十六日,先 有 其難矣。 所諱, 以 德 ; 示 日: 舊字『子 謂 如 甚 之難,則 問 足者,今世 唐虞之際 哉 卿 勉 相 ,卿, 生宴 勵 未 難易 材 則 爲 於玄真 心 於 一之見 方以 不 以 之間 所 難。」 好 斯 不 材 也 也 不可 爲 觀 欲 爲 材 王 盛 也 難 不 苟 日 孔 足 問 材 也 請

之所 也 勉 是 易 辨 也易,今之成 而 民 哉 焉 於 天下其不治矣。」胡 也 則 教者切 知 是 所謂 某 其 生 乎 敢 難 民 休 材 不 之休 材 焉 則 而 其 者 也 所謂 所 難 天 末 戚,天下之治 難 期 其 下 心」材 世 材 者 慎 大器 之 於 者, 遠 退 是 材 以 矣 古人之材 而 曰: 乎 求 也 嘆 治 無 乃 「古之成 亂,皆 生 曰 : 「 焉。 負 孺 民 於 道 其 也 今 先 止 係 復 戚 日 生 材 於 加 生 於

稱 事 此 足 問 法 涂 以 乃 可 己之名, 司 於 水 能 救 寇 可 往 請 之能 年 濟 涂 也 子 於 馮 水 汪 而 張 御 成 張 日 誠 後 問 事 史之獄 從 子 齋、 計,涂 可 也 之, 如 「此徒足 張 以 誠 材 子 張 羅 濟 意 水 曰 峰 於 天 日 以 廷 免 • 救 下之事。」先 尉 : 成子之名, 大都 於 使 意· 子仁 此 具 死 疏 心。會 必 出於彼 也, 欲 先 是 救之, 生 不 同 則 而 爲 嘗 非 生

> 經,苟 日 事 止 日 : 得 : 此 名 然。」 事 處 至 而 勢變遷又不常, 恐 於 事 又 屈 弗 有 身 濟 病。 者。 則 材 又 至若 不 日 亦 : 可 有 壹 本 以 蓋 不 意 伸 行 ·爲名, 於 道 權 委 所 先 曲 然 以 生 濟 濟 卒

公能 唐之 崔 高 劉 無 臣 而 玄 者卒 帝 章 狄 也 羽 用 暐 掌 0 梁 章詔 之 人。 公 林 武 無 南 見。 袁 問 軍 氏 復 克 北 恕己、 其 猶 軍 濟 狄 事 見梁公輩 告 權 漢 梁 其 與 自 武 之 艱 敬 公 吕 古 在 氏 南 暉 氏 時 劉 難 ?」先生日 後 曰 北 等 同,吕 有 事 氏 : 世 軍 張 之主 羽 但 無 也 柬 姑 氏 林 是 用 與 之、 2 當 軍 主 莫 周 : 母 此 屬 桓 時 勃 如 示 何 却 孰 却 周 他 彦 武 是 親 可謂 爲 勃 範、 后 梁 之

齋」, 原作「齊」,今據乾 降 本

南 北 軍 也 原漫 漶 不 清 今據乾 本

明處。」

武功生員楊津重録

涇野子内篇卷之二十六終

「未聞姪爲」,原漫漶不清,今據乾隆本補。

0

野子内篇

涇 野 子 内篇卷之二十七

禮 部 北所語三十五

門 人 門 人 頫 王 11 獻 魏 蓋 廷 萱 丁 酉 校 録 正

父母 拜 矣,伯 同,拜不必 矣。」曰: 後人一 「伯叔、父所 ,妻所自出 獻 蓋問: 叔、外父母、 齊拜 拘。 服 何 「《論 了,故四 故 古者父母亦再拜,又 以 同 不 解 出 母 四 州 同 拜。 舅 母 略》 也 拜。 亦 舅, ? 然 載 《會 拜 君 母 者 則 親 所 何 典》 同 同 師 ??」先 問 服 載 於 固 出 伯 安 雖 常 四 叔 外 生 再 人 不 拜

等亦四拜

兼

情

與分而制之也。」

於有 我嘗謂 能 知 日 飲 及《曲禮》所載飲食之節, 味。 出 食 「只是不察耳。 喪 即 不 獻 飲 者未嘗 藎 如前兩生飲驚峰僧茶,亦是。」 道 由 問 否?」先生曰: 户』一般。」「所 食知 『人莫不 飽,食於 味 處 觀《鄉黨》載夫子之飲 亦便 少 飲食 「這還是 是 便知. 以 西 道 不 氏 鮮 也。 知味之旨。 知 而 能 譬 味 飽 如孔 喻 知 這 者何?」 味 如 便 子 也 食, 『誰 食 故

下 便 子。 了異 爲 視天下之民毛髮 籬,忘了 中 可 歸仁焉。」獻蓋 私 有二程夫子,淳熙中 同, 先生 以 若能隨 欲,起了 爲 這物 胸 君 曰:「人皆可以 中 子。 事 我 籓籬,生了 皆 精 是 故 骨 知 察, 曰:「一日 爪、 日 T 專 漸 這 疾 有 物 漸 親 私 爲 痛 晦 意,故 我 踈,合了 克 日 君子,豈 疴 庵 克己復禮,天下 去, 克 夫子? 有 癢 己 與 1 撤 不 我 這 親 復禮,天 能 了 惟 相 異 疎, 這 人只 爲 乾 關 同 籓 君 立 道

能 仁?」曰 是 舉 海 是 只 如 + 行 成 還 是 天下歸之。 而 何 若 養老之 子之於孔 來 日 功之日言 難 便 有 不 得 纔 歸 : 太 算 這 「巖穴 克 仁 公 樣 他 日 政 ? 己 子是 便 是 人, 如 克 復 前 先 如 孤 自 今只是没 己 禮 如 何? 面 寒之士能 日 生 也 復 北 文 天 不 克 日 禮 海 王 知 下 己 : 曰 而 用 便 復 天 有 : 如 來 般 過 克 禮 個 歸 顔 天 下 己復 多少 天 伯 克 子三 也 下 歸 下 己 夷 亦 禮 I 贵 復 歸 月 便 歸之, 夫 不 禮 不 仁 自 日 不 而 難 歸 的 就 違 不 東 是 不

只 思 念 可 IF. 是 坐 不 者 生 助 獻 先生曰: 長 以 故 藎 不 爲 問 思 亦 大學 是, 立 是 程 心 心 則 不 多雜 得 子 此 説 中 真 門 心 自 知 念 知 人 擾 然 11 亦 以 亂 寧 而 真 嘗 爲 静 其 後 知 有 非 矣。 有 若 此 定。 則 得 問問 如 亦 其 何 立 則 有 故 雜 則 近

> 然後 養 不言 言 者 懼 矣。 成之,不言 須 베 聖 其 : 無 Ι. 而 其德 處, 信 所 人 夫 朱子 天 獻 此 養 藎 • 人之不正, 在 做做 地 語 行 IE 謂 問 即 位 自 天子之位 亦 亦 而 可 到 戒 見。 分 薄 自 信 以 萬 懼 純 矣。 析 戒 戒 觀 物 若自 存 否 亦 了。 慎 懼 見於行 育 人德 ? 乎 不覩 不 0 而 方 言 德 己 行 約 能 致 日 日 我 行 者 之 : 恐懼 : 中 地 如 0 能 **写不** ^ 無一 和 亦 此 位 易 故 用 如 不 是。 便 只 > 人 功 事 動 何 聞 日 故 是 是 不 之不 而 我 這 列 戒 亦 - 必言 「默 敬 能 於 然 先 不 慎 已 當 不 動 朝 涿 必 恐 生 密 而

焉 日 先 有 : 道 示 道 獻 理 理 藎 先致 平 ? 問 ? 知 先 學者 人 則 事 德 乎 必 忠 ? 先 朝 致 日 夕 知 往 否? 來 除 爲 T 人 何? 先 事 生

獻蓋問:「《禮記》是漢儒所作否?」先

生 有 董 此 、賈 筆 力 漢 否? 儒 之最 還 是孔門 優 者 ~° 所 董 流 子 傳 沙及《 者 新

生 語 日 : 獻 「亦 盡 問 是。 「《家 精 者爲《 語》果孔門之言 論 語 ×, 粗 者 否?」 先 爲 \sim 家

明 是 夫 否?] 先 堯 睦 九 俊 何 德 ? 族 獻 以 俱 藎 丹朱不肖,不害其 以 生 不 睦 問: 日 親 能 只 化 九 族。 有一子不 須 其子?」曰 成 那 物 九 物 是 族 成, 知 化 既 爲 方是 之 你 睦,平 成物 \sim 明 書》 説 成 而 也。 他 章 物。」曰 稱 處 是 百 堯『克 之 睦 姓 當 不

歲 主, 弟 藎 一子亦 同 母 未 祀 居 早 獻 能 之 不 喪, 藎 立 可 必 别 問 别 主。 也 無 嫡 曰 求 私 母 : 私 兹欲 曰 寢 在 寢, 禮 :「先母 堂 如 立之,書顯 只子平 庶 既 何 子 則 不 之 祭 可 可 H 喪 ? 其 祔 讀 妣 也 母 於 書 先 於 廟 藎 恐 處 生 私 同 方 又兄 立 曰 寢。 於 八

> 嫡 曰 0 可 登 哉。 科 録 > 書 生 母 9 藎 欲 效 之, 如 何 ?

乎? 覺 彼 伊 之以 醒 長, 只 否? 可?」曰:「亦當 退 雜 之使 要 人 尹 夕,胎生之始, 雖 胸 念 迷 那 數十 説 把 獻 須要以 陰 先生日 中 常 於欲 醒 睡 **蓋**問 這 若 陽 使 得 起, 年, 欲 有 那 先 寒暑,便 重 盡 漸 而 所 覺 而 雖 的 睡 一日 數 得 覺之使正 這 得 覺 如 拂 遽 漸 已 克 便 淺 後 煉 欲 漸 去, 有 叫 X 如 痰 去, 是 覺 丹 的 克 去之於一旦, 此 登 他 於我,皆 火上作,静 東 存 者, 去。 如 種 高 兀 也。 滅 養 子。 便 脱 Ŧi. Ш 用 叫 這 西 然 是 非 胎 文 如 他 還 成 欲 自 生 换 禪 這 武 人 坐少頃 非 此 私 後 也 骨 方 火始 個 不 醒 如 由 日「。 流 欲 日 方 睡 道 聲 亦 增 何 於 得 好 理。 禪 便 難 積 月 而 朝 則 火

獻蓋問曰:「聞教後,一時便欲己盡克

子告子 心 參 存。 間 皇 這 生 三面 然 不 禮 繼,餘 存。」 方能 於 日 個 遽 盡 這 前 復。 工 待 刀 張 辦 夫。」 亦是。 錯 有 皆傾 水 面 事官 家兄 在 日 亂 成 少 絶 :『言忠信,行篤 輿 適 住 殺 倒 德仁因謂之曰 由 但 則 有 既 雖 矣。 鮮 心 築 始 退 見 聖 有 堤 不 光生! 辦 人『純、 可 其 必 存,故 不 坊 事 盡 倚 ·泛溢 漸 者 官 絶 於 日 亦不 漸 雖 送 也 敬」、『立 一克己 . 言 衡 旁出 築去,工 手本 0 看 築 動 已」,亦 如 三面 如 來 者。 何 這 言 則 此 只 如 ? 了; 工 便 夫 見 要 語 只 先 坊 其 心 是 是 夫 張 不 夫 先 水

迎 好。 猶 而 實 云『心不在 惡之。 誠 獻 去 意 而 是 留 意 辨 焉」,何 「意 其 雖 誠 孰 善 則 誠 所 猶 亦 爲 也)? 」先: 善 難矣。《大學》意 未 好 皆 能 而 善 實 生日 中 矣,但 好 心 之, 不在 未 孰 此 至 爲 問 誠 者 惡 甚 後 而

> 心 不 知 不 其 在 味 於中也。 身 不 可 不 得 中故視不見, 而 脩 矣。」 聽 不聞 食

久一, 可 敢 理 在 行 有 如 得 者 此 故 窮,聖王 獻 其 乎 蓋 説 行 意,不必泥 _! 問 禮 也 須 之制可改。」非見理之真者 「古禮 要 易》『窮 變通 其 可 迹。 二行否?」 則 先儒 程 變, 子 之言 變 日 則 先 通 亦 生 生 ,通 有 民 日 不 之 不 則

先生曰:「學者須求自得處。」

爲 道 愈? 明 不是 胡 道 先 與 廣矣。」 獻 伊 藎 兩 生 111 問 日 個。 孰 愈 處 不 和 然,惟 人之 我 易 説 須 學 道 從 遷就 伊 嚴 嚴 111 毅 以 毅 熟 人 求 與 後 悦 便 或 和 是 問 易 則 明 學 孰

曰:『鼎有實,我仇 亦是好 獻 藎 小小 日 : 但 君 惡 子 惡 有 於 大 疾,不能我 小 嚴 人不惡 如 何 ? 而 即,吉。」若 先 生 《易 日

甚 欲 須 憫之,引誘之,使入於善 嚴 並 ? 要有這 毅 生,況 且 則 天 雖 樣 其 下 有 心腸。 他乎? 之人皆 惡 人 不 吾 故君子 能 1,豈忍 我 體 即 大 見 惡 何 人 舜 而 不 必 於 惡 絶 善 頑 之? 之 便 讒 憐 尚 己

若子 於諸 餽 溝 交以 名。 日 不 報 我 壑。」「今之 一只 思則 觀『後 者 道 侯』,便見 獻 何 ,接以 必必 藎 看 也?」先生 不同 問 他 有 車 禮 有 故 數千乘,從者數 他 孟 孟 以 故 也 如 如 子 説 子 禮 無 「魄 蓋 曰 : 無 於季子、 故 來 以 故 贐 餽 繼 則 先人有言,無 想 雖 者,受之可乎?」 往 不 貧,不敢以身爲 當 聞 儲 開 可受。」 百人,以傳 時 子 來 戒」皆受之。 之幣 亦 自 交之 任 受之 故 食 有 而 故

未 如 也? 復,生未遂,皇皇然要出去救他。 獻 盡 先生日 問: 孔 :「聖人見天下陷溺 子三月無 君 胡 爲 茶毒, 乎 蓋其民 皇 皇 性

> 汲 異情』。」 如 胞 於仕者, 此 物 與之心, 學者須要 蓋 爲 視 天 富 有 下 貴 這樣 疾 利 禄計 痛 心 疴 腸 癢 耳 ·, 故 與 若 己 他 日 相 人之汲 同同 關 行 故

也; 取 或托 厚,不可 商 給 亦無害, 賤 ? 親 獻 積貴 戚皆 蓋 刻 故 問: 薄 賣 日 但學者一 可。 耳。 、子貢, 中 商 爲 不 賈 市,黄帝 然, 不當自爲 亦爲之。 亦 可 父母 爲 否 神神 妻子之養 之,或命子弟 但要存公直 ? 農所 先 生 不 何 日 禁 所

終喪是也。」

然喪是也。」

然言則不敢,於今則無制,

然蓋問:「庶子之母死,嫡母在,可終喪

生曰:「孔子之言,爲僭而過 者不足以當大事。』其 死,葬之以禮 獻 盡 問: ,祭之以禮。」孟 孔 子 日: 亦 有爲 生, 於禮 子 而 事 則 者發 言 日 之 乎? : 以 也 養 禮 生 古

益 知 亦 有 補 是 E 古 口 不 使 周 也 ? 不 不 此 若送死 ·足爲 至 有 可 備 然平居亦有禮 不可 後 補, 固 孝 然 日之悔 探本之論 若 則 也。 養 復 病 不 生之禮 補 同 故孔 時 者,此 矣。 , 凡 不 荷 然 能 子 今日 附 子 也。」獻 孟 論 不 盡 思 於 子之言亦 能 孝 禮 未 身附 言 以 盡 , 盡 後 必 藎 生 , 病 明 於棺 誠 雖 曰 事 雖 必 : 廬 不 日 爲 割 信 者 送 可 墓 猶 首 股 不 不 死 0 何 可

忍。 作《 但 何 昧 心 會 一忍猶 同 也 隱 同心 約 ? 宋 便 忍 獻 見 花 藎 不 大 堂記 先 如 問 人 樹 見 有 生 受爾 : 有 韋 不 人 》,言張公藝九 曰:「我 「古人云治家須書百忍。 ·合,故 家 不是處 有 汝之稱者 有《 不 是 會 嘗 會族約 ,中心不 處 爲 皆其 Ш 亦 孟 世 西 》,皆是 無 子 心 同 能 五 離 不 受,故 居 比之穿窬 世 異 同 只只 同 難 故 何 是 居 夫貪 忍 得 也 者 必 ,

識

忍? 讀 居 書》 家 書,不 須 曰:『有 又何必會? 是能 知 道 容,德 容 理 安可一 故 乃大。」彼婦人小子 治 家之道,亦 責 他 ? 不 故 在 君 不 忍。 子 曾

安,後人安得 象,如子路以 虞之時,君有言,臣則 揄 乎?」先生日 「都」。 揚。 得聖賢氣 獻 心中又要光明 藎 何等光 問: 象, 有 夫子爲迂,宰我 : 加朋 眼 此 書 明 前 ? 友 以 氣習 故 日 相 達 二 吁」; 惟 不 程 處, 情, 須 孔 必 子言 要脱 須 門還 避 世 以 要 臣 看《論 食 嫌 多 去。」 規 自 有 稻 揄 勉, 言 試 此 衣 揚 語 錦 等 則 不 觀 爲 氣 V 唐 要 口 口

日

王 獻 蓋 戊 戌

見子貢 張 方 仲 人,故 文 日 以 賜 此 問 與 П 欲 也 其 孰 知 愈 顔子 是心 夫子

九〇

不 德 之也。 未 見 賜 而 不 初 先 亦 學 曰 貢之言未 在 П ·是尋 至 : 年,亦 生 孰 止 知 也 忠之言,據 無 聞 與 也 不 故 是資 愈」之 貶 聞 見 日 亦 後 聞 是 常 及 聞 辭 上 難 世 有 不 聞 質 的 後 爲不 以 説 仲 記 及 以 不足處,若説『回 不當 問 故 見 知 聞 來 知 子 蓋 文之言,據子 誦 顔 子 知 夫 上 見。 · 是。 +, 知 固 貢 自 博 貢 +, 子。」仲 以 子 用 得 因 不 覽 博 成 聞 夫 日 功。 張 賜 性 其 夫子『與 亦 是 文 者 德之 子 也 與 我 方 博 説 弗 約 同 文 知二, 子貢 曰: 聞 人,舉 天 非非 不 文, 禮 得 如 日 後 貢 暇 道 是。 中 也 也 一德 女弗如」之説 不 而 以 但 博 初 之之言 以 0 在 聞 來 子 顔 約 言 悮 文 知 年 性 資 文 聞 貢 , 禮 也。」 子 子 也。 獻 而 質論 章 以 所 專 將 的 貢 例 言 蓋 乃 知 知 中 知 先 子 推 看。」 工 主 以 還 也 日 日 貢 生 滯 非 夫 聞 亦 測 勵 ; : :

> 身, 取 鳥 類 廢 如 聞 日 諸 伏 無 潤 聞 見 『壹是皆以 畢 所不 之文 身。 見 羲 小 竟 是 知 何 考,非 仰 與 而 開 而 益 則 今人 闢 已。 地 脩 觀 之 以 身 不 象 索 宜。 此 故《大學》言格物 來 爲 遠 於 言 隱 第 本」。」 取 天 但 窮 固 諸 奇 是, 他 個 物, 俯 遠 聖人,他 則 將 然不 亦 取 觀 天文 太 諸 法 ·肯近 高 致 物 於 亦 地 1 知 地 取 必 不 0 理 諸 之 必 近 觀 曾 比

子 難 曰: 得 而 日 ,當必 於 父 魯 化 固 政, 獻 夫子 陽 辭。 **蓋**問 明 難 革去。」 將 於用 公 必 何 然乎?」 嘗 有 處 謂 耳。 魯 處 曰:「天子之賜, 而 禘 可? 如 曰: 非 如 夫 在 弗 禮,夫子 子 衛 擾 先 聖 爲 正 生 政 佛 人 名 過 日 必必 肸 之 不 之召 化存 如之何?」 : 類 使 欲 觀 軱 如 可 神,不 用 讓 知 0 夫 父 如

亦 有 衛 欲 輙 不 化乎? 寧 往 有 日 不 如如 如 可 此 化 有 類,當思其作 之 用 理? 我 者 吾 輙 既 其 爲 化 東 如 周 而 何 乎 蒯 聵 況 豊

信 來説 故 樣 只 得 反 做 儘 妙 班 名 不 從 太 ? 來 博 做 高 師 不 當 ? 甲 厚 這 ? 足 如 班 爲是。」仲 張 不 · 當 他 但 伊 計 仲 細 高 師 從 得 便 論 以 岳 太 小 也 文 尹 明 做 聖 事 甲 這 飛 論 隱 獻 便 介 得 須 亦 人 乃 文目 樣 孔 藎 岳 微 岳 自 不 求 來 ,天下之人皆 不 百 子 飛 事 信 日 飛 處 取 中道 説 怨 煉 言君 : 當 做 只 業 得 子 「聖人自有 他 人 之鋼 克 是 起, 過, Ŀ 命 先 如 復 無 臣 來。 能 召 生 後 這 舊 放 何 伊 只 以 如 來 日 樣 不 説 物, 太 不 尹 聖 : 君 是 伊 功 事 俟 疑 不 過 甲 這 賢 命 奉 還 業 業 仲 當 化 駕 尹 他 樣 迎二 的 爲 便 誰 不 從 以 文 存 而 重 功 I 是這 何 後 能 那 議 神 行, 聖 夫 帝 功 裹 來 敢 之 自 人 論

班師?

歌 絃 播 經 恐 播之管絃,以 ,則漢 之管 史 不 也 可 0 仲 則 絃 文問 播之管絃 魏 不 聖 可 以 人存之, 爲宗、 盡 「太史公言、《 來之樂 信。 也 廟 先 如 樂 府 以 變 歌 生 曲 爲 日 風 後 辭 詩》三百篇 : 若 戒耳。 變 皆 鄭、 學者只當信 雅 可 衛之詩 播 若 皆 之管 論 不 樂 可 口

諸 惟 主 其 椅 祖 考之太宗, 加 畢 始 祖 減 卓 私 亦 ,又甚 所 寢 考 聚 祖 盃 獻 同 筯 藎 不 及 於情 出 且 與 遍 問 高 簡 然 設 : 始 ,皆支子所當祭 情。 褻。 曾、 其 則 祖 徽之宗祠 則 所 不 衆 祖 如 若只祀始 費 地 親 所 之何?」 、考之太宗 不 又 於禮 同 多 能 出 容 ; 者 則 取 立 先 祖 或或 族之主 不 春 辦 及 生 爲 有局 亦 嚴。當各 祭 於 高、曾、祖 日 是。 可 先祖 支子, 咸 以 定而 集 若 所 伸 祭 其 群 祀 不 其 而

嚴 以 不 以 則 敬 親 他 言 矣 謂 不 拘宗 何 乎 於 矣,其可 人 之高、 其 情 必 義 則 子。」曰 其 也 不 乎? 曾、祖、考混之,其 祖 親 禰 也 既 在 ? が於 有我之高、曾、 此 禮 而 則 後爲之? 「親言乎其仁 不 嚴,是矣。 對 越 祖、考,又 之情 若主 也, 斯 何 祭

不 道 軀 能 夫 是 爲 至 他 難 人 大 是 以 故 何 實 説 塞 却 以 光 等 至 害之,便 有 天 問 養 便 光 樣 眇 孟 剛 此 地 氣 餒 「浩然之氣 不 之 的 大 然 子 浩然之氣。 者 1 日: 之 間 須要『 塞 是 個 身 怎 豈 乎 小可 『難 氣 若 而 麽 不 天 集 能 能 無 如 言 配 是 地之間 的。 道 義」,今日 浩 塞 何 合着 何 也 難 ? 然? 乎天 言? 以 義 若能 只只 這 難 那 他 先 地 言? 説 個 生 是 直 惟 然 裹 集 之間 道 難 日 個 養 氣 這 到 義 言 -; 血 配 而 這 個 不 義, 肉 所 義 此 得 個 不 便 這 氣 之 明 作 與 以 亦 氣 ? 見 氣 却

熙於

光

明」,

也是

這

般學

問

又不

可

助

就 樂 事,如 難 事。 思 遇 浩 如 知 趦 之。 是 生,至 可 日 是 是 只行 以 見 然 趄 義 以 而 集 志 文王 要説 之 若『義襲』的,他 後 又 正 件事,便思 對 夫子終 剛 以 憂,不 個 獲」, 不 氣 念 事 天 義, 者 義 一之『純 可 是 ? 人, 却 由 爲 預 邪 正 日 便 囁 偶 知 集 此 之 外 可 期 念。 是 亦 嚅 是 合於義 不食,終夜不寢,發憤 思 義 老之將 則 而 以 其效,如 便 此 不 此 義 他 出 如 質 自 不 無 意。 心中 已」,周 是 是 何 反常, 鬼 然後 氣 能 (),便 正 不 ? 至, 神。 便餒矣。 時 夫 未 義; 集 又 是那 能 可 只 只 子 無 義, 成 免有 直 不 至大 掩 塞 是 是 王 與 事 不 可 如 襲 乎 當敬當 之『學 。 這 這 樊遲 歉 愧 念之動 忘 告子 必 何 者 天 於 個 於 其 方是 有 能 由 要 外 地 説「 忘 屋 所 有 事 養 元 此 遠 而 有 有 得 不 不 便 却 得 而

説 此 在 如 長 2,如做5 做 此 何 日 『格物』,便是這一 做 工 使 I 夫, 得 得 夫過來,故説 就是《大學》的 ? 便要當 件事,便 故『勿助長』。 『必有事』一般。」 了百 要當了 得 十日, 工 親 一夫,亦 切,學者亦 看 百十件 却 來 是『義 與 孟 此 子 ; 同 當 實 襲 做 他 落 在 得

放 如 雖 . 何 然, 則 可 獻 收 蓋 可 斂容貌易,收 程 如 ?! 先 問:「把持 子 何 亦云:『未 生 時 曰 便 此 . 斂 要 心,猶一 此 我 做 有 心 亦 到 箕 無 難。」先生 聖 不免 法 倨 ! 有 而 涵 雜 獻 曰 養 念, 不 之 藎 :

耳。 又先 藎 且 五 生 經、四 先 先生曰: 與 生 博學 諸 日 書 友 而 與 講 後 看 也 周、 明 可 説 書 審問,慎思 程、張、朱已發之於前 得 於後,在 有 是 所 見,可 然 今日只 亦 而 來 逐 後 漸 可 、少篤 講。」 明 講 明 獻

> 出 便窒 仁。 焉 處? 友, T 只 日 逐 不貪,只要工夫不 「貪却不妨,欲仁 是貪心所使,欲 用 , 而 看 漸去行始得。 門 會 礙 彼人之心,元 勿忘。」 其 獻 而 親 如見大賓 了。 用 力 後 藎 戚 力 於仁矣 行之邪?❷ 對 須要使吾心 所謂 待僮 不 日 ()使民 用 : 用 丽 乎? 「言語 豈 僕, 間 與 用 力 力去這 得仁,又焉貪? 有 力,不 斷,故孟子曰: 天 耳。 這 如 然 待 地 我 躁 承 個 中 亦 五. 你 未 妄,心 大祭』, 貪字。」先 道 在 須 生意 般 經 説 見 用 理 别 大,只爲 用 力 四 力,写 皆在 常常 處, 志 力 與凡 不 書 『必 不 當 只 足者 惟恐 有 盡 生 這 流 寧 處朋 有 要 在 有 日 能 博 動 學 你 皆 學 事 何 :

⁰ 下,今據乾 盡 博 學 了 隆本調 至 「獻 整其位次。 藎 日 獻 」,原在 卷二十三「行 冠 射

❷ 「而後行之」至「知之真也」,原與卷二十三互相錯版

九四

樣 力 事 在 忘 孔子 知 人 麽 孔 那 富 得 顯 流 個 如 其 也 子 是 必 汪 滋 無 此 古 憂,不知老之將 我 也 動 魚 獻 洋。 中 不 説 味 功 經 以 曉 這 不 不 人看 這 便 · 矣 。 藎 ? 得 尤,『疏 <mark>写</mark>好 名, 見 歷 尚之? 息 裹 樣 如 試 得 見 過 曰 面 我 淵 貴 都 無 與 好, 榮 是 嘗 若 者 然 如 有 居者論 個 顯 食 獻 這 有 不 無 外 惟 欲 般 後 浮 窒 鳶 飲 藎 詩 是 至 寂 樣 深。 以 孔 也 雲 面 知 礙 水 亦 云 經 云 便 尚 , 子 美 寞 之 那 嘗 翻 歷 尚, 胸 如 爾。』於天也不怨, 之」,這 也 眼 曲 便 真 般 些 是 自 然斥 天 過 中 前 登 不 肱 富 也 加 這 發 勵 那 見 何 皆 Щ 貴 而 如 也 憤 樣 般 吾 裹 般 得 等 是 見差峩 枕 須 雖 何 育。」② 那 大, 大 忘 這 見 快 滋 寂 在 之,①樂 實 不 誰 食 些 得 味 寞 樂 個 是這 在 此 見 省 看 樂 ? 勢 道 先 航 得 處 可 惟 只 得 見 理 亦 於 怎 是 故 樣 見 榮 生 用 見 海 這 以

> 所得。」 之於 仲 甚言 發 努 體 若 開 之 不 礙 日 弓言 . 力 露 闊 管 個聖· 側 只 驗,不可 1 克 語, 不 飲 思 見 爲 使 還 如 語 一人,見 去。」 當 獻 食 量 甚 學還要力行。 常常 却 見 要 亦 藎 發 見 麽 發 常 稱 先 或 流 先 少 露 日 我 露 流 他 驗 生 動 . 生 都 個 只 出 動 是 之 0 便 曰 : 發露 向 是 來。 是 守 般。」 於 德 比 窒 方 德 門 如 如 隱 衣 行 礙 纔 **^** 發 乃 或 論 行 此 的 先 見 第 默 服 了 快 獻 露 驗之於 都 語 也 生 着 樂 方 隨 藎 亦 如 列 個 日 单 亦 凡 纔 不 之 處 見 在 窒 不是。」 皂 閔 此 顔 生 妨 體 夢 深 前 子 礙 隸 若 子 意 寐 意 個 驗 病 只 不 要 處 也 是 子 伯 流 聖人, 既 ·曾有 或 常 看 自 便 如 敢 又 動 而 不 有 驗 常 要 見 室

肓

四

庫本、嘉慶本作「盲

⁰ 肱, 」,乾隆 原 作 本、 股」, 今據四 論論

其

氣

遂

平。

乃

知

人之

資

質

皆

有

明

處

若

用

心

於

求

雖

先

儒

尚

有

可

議

而

況

於

他

嘗

見

人

之惡

忿

然惡之。

少頃,

反

而

自

省

不

好。

獻

藎

曰

:「信乎人當

友求

諸

己

獻

只

思

自

己

當

爲

的

便

行

那

裹

管

後

面

人

説

好

不

能

不

發

露

出

來。

夫子

説

「夫

我

則

不

暇

曾 子 成之,不言 游 多 路 子 言 夏 小 或 也 只 却 不 而 信 是 知 要 存 説 他 這 T 樣 乎 言, 多 信 德 少 他 便 行 一人 不 却 ^ 消 列 易 只 盟 在 日 是 得 後 重 默 他 厚 又 責

何

而

如

子

先 乎 ? 人則 生 日 惟 無 用 途 然 心 0 於 我 責 亦 己 嘗 便 有 覺 説 在 來,責己 己 有 不 則有 是 處 路

先 孔 事 年 去 曰 力 謂 有 的 多 可 子十五 前 久。」 焉 獵 已 朝 見 有 旦 貞元 或 夾 無 丽 心 夕 先 亦 難 被 有 獻 雜 夕 期 勿忘」,『學 生 復 獵 不 於 始 那 禀 志學 蓋 或或 日 萌 好 效。 爲 既 得 復 如 習 日 晚 見 有 土 何 俗 . 三 十 我 這 周 此 今人 學者 之後。 禀 重 流 子 嘗 工 豈. 得 嘗 濁 而 時 人 恨 夫 日 真 氣 方立 金 的 説 時習之」, 去 漸 一何 見 不是 積 朝 質 子 多 學 得 染 先 力 可 不 及 的 ? 皆 言之易 者 生之 久,自 容易,須 夕 是 立 胎 如 ,或有禀得 不 所 盡 貞 成 明 生 久之習 難 晚 之 課 能 須 私 元 道 有 也。 於 也 是 後 簿 先 欲 會 到 所 要 未 『必 得,不 生 合 俗俗 真 先 + 見 不 有 木 將 的 之 積 自 始 是 多 牛 如 有 聞 所

子。」先

生

曰

這

樣

説

話

還

是

在

外

的

心

終

實

者

時

人

雖

不

知,久

之

無

不

知

其

爲

君

論

時

或

可

以

欺

人

者,

久則

人

皆

看

破

務

者。」

吅

其

中

何

所

不

有?

故

作

僞

者

高

談

闊

論

其

爲

害

亦

不

細

雖

謂

之

邪

説

可

也

獻

蓋

曰

孔

子

於

鄉

黨

恂

恂

如

也

似

不

能

言

0

篤

實

便

信

他

是

有

德

行

的

若

徒

高

談

闊

九九六

言 而 曰 天下平」,恐無以異也。」曰:「然。 敬 貫之道,此之謂 獻 藎 亦 問: 收斂身心之始 「仁是 也。」 敬 而 事 __ 無 失 日 : 否?」 先 至 前 『篤 日 生 恭 所

士 去 這 不 在 曾 亨 教 裹 刑 時,人 子。 部 來 先 拜。 生 見, 歷 事 謂 當 請 予問之,只知 若 部 獻 時 他 解 蓋 浙 中 去 日:日 州 江 陳 登 王 士 正 光 山 浙 夫 郎 亦 祖 江 在 忠 又 舉 不 陳 刑 甫 去。 部 是 正 乃 柳 者 郎,其餘 其 個 **~**資 士亨 七八 鐵 鄉 里, 漢, 治 先 在 並 請 通 年

> 志 鑑 如 》他 此 能 記 得 文 學 亦 好, 却 不 習 舉 業 其 篤

年 米,二三十年也 用 羊 如 \equiv 毛 來禮儀繁厚,却失此意 ?』王先生不 口 原 先 袋 生 王 爲 都 曰:「三十年前, 贄。 御 史先生至 以 不 閣 爲 得 老 輕 破。』當時 怪之, 也 京 答曰 風 見 問 俗猶 風 日 : 閣 俗 : 這 有 老, 如 此 口 古 此 袋 物 以 近近 意 盛 何

都 貧 自 但 至 而 見 成 御 出 嘆 與二三 賢 他 至 ,後來勳業 史朱公裳甚清苦,亦有古人 先生謂諸 環 街 此 堵 數 見副 友 瀟 年, 在 生日 然 甚 不 太 使李公重,予雖 不 好。 得 學 同 「予少聞 覺 見此 去年予 窗,躬 動 吾 人也。 好 自 至 原王 愛 未 順 炊 風 之心 知 德 汝輩 度。 先 其 府,見 更 生 訪 甚 乃 昨 衣

0

之,自當有益。」

又恐非 子貢問. 則 之門,蓋甚 非 蓋 古之聖賢,固 之仁者。』這是 亦 所言李副 人,雖古人亦是。 效先覺之所爲」, 可 李副 學定 其 曰: 不 也 切 矣,但· 可 人,鮮不 使 其等也 爲學 而 奔 仁,子曰 藎 非不欲博學審問 固 使,就 後 欲 走 太 當交,但 耻之。」先生曰: 交,幾 亦 習 於其門也。 學也 爲 學 如如 不 禮 學者之事。 『事 而 其 乃 這 必 ,先生曰:「德忠好學之 何 如 時 問 ; 所 演 如 便是學。 師 ?」先生曰: 在外則 在 能 之,學亦在其中矣。」獻 其大夫之賢者,友其士 移 禮之地,今非其 此,朱子言『後覺 之則 内 勾 也。 也 爲學亦 則 得定?」 ,恐初學未定,交 但 心 友今之賢者 誦詩讀 「這還是有己。 先覺不 且奔 有 有 未 當 勢位之人, 走於諸 獻 師 安, 漸 書 止 誠 藎 進,若 地,不 以以 友之 是 者 不 日 可 如 法 今 必

> 屋則 之」,又何 不 慎 師 也 其 如 屋 不 一是亦 可 古人『謀 ? 師 但 之也。」 見其墻 於長 者, 則 操 師 其 几 杖 以 其 從

所 樣 福 知 時,言吕先生切實, 靈 及也。」 也 其德容之盛 0 獻 藎 而 蓋 歸 今亦有此 往 見 以 告,先 李 ,那樣和 副 人,還是 使, 且 生 有文學。 日 ,那樣順 副 使日 :「若靈則 好世 那 昨見 界,天下之 舊見 様正 非 之,乃 我 景 一,那 伯

曰: 乎?」曰:「明道有語 死,明道不死 孟 生曰:「孟子 子 『堂高 而 獻 道 蓋問: 「 顯。 數 才高,還是 可 仞, 若 明 並 明道, 道 得 顔、孟矣。」 何以不及孟子也?」先 志 却 作 弗 則 少。 爲。」 者。 註 惜 釋 孔子之道,得 明 孔 乎 道 不 孟 幸 有 者 也。 而 此 語

或 八譏其 獻 藎 不 問 知禮 夫子 一,彼自 嘗言『人不 不 知 耳。 知 不言可 而 不 愠 也

快 善 欲 私 得 了 來。 愠 愠 禮 不 如 必 同。 小 這 我 並 ? 曰 後 正 而 的 穿着 生 裹 『是禮 蓋 如 日 這不愠 如 教人之意 面 今人今日 夫子説『 以 便倦 見 春 有這 狐 人不 也, 有 見 夏 裘 朋 從 朋 之 怎 樣 舉 在 自 那 如何?」先 在 是 來 時, 滋 得 習 裹來? 用 遠 身,人却 其 禮 亦 味 時 我 了, 方來,人 萬 中 也一 不 習? 而 矣 ; 心中 樂。 物 明 言, 不惟 從「學 生日 發 日 説 若『人 若能 贵 聖人 人 他 生 便 我 不喜悦? . 都 明 亦 長 倦 冷, 二條 時 而 於頑 是這 在 不 不 養 習 時習』上 又 明 愠 己 知 何 何 樣 讒 之 便 日 而 自 若 爲 等 見 習 足 爲 皆 比 是 不

就 何 ?」先 近 若秋 民,不險怪,不 獻蓋 冬嚴 生 問 日 肅 『夫子 温 如 偏 斯 温 春 畏 執。 之 而 良、 和 避之矣。 恭 恭、 是 人皆 恭敬,不 儉、 愛 讓 良 慕 是 怠 平 親 如

> 故 德容 慢,不 或 廟 讓 説聖人温 之人便以 足,渾身皆 游 之 如 日 言 説之士。」 美,百官之富, 咸之『以 ·倨傲 如 語 何 子貢。 、良、恭、 其 是 政 不 虚 儉 來問, 專 敬信 受 是 若 儉、 道 人 節 存 可 理 所 ? 讓 制 魯 謂 以 連 敝 到 善 又 般,不 不 得聞 我 齊 那 形 如 驕 都 之事 容 日 溢 其 無 或 自 聖 月之喻,宗 政。 了。 是 不 人者 却 那 侈 子 不 近 這 肆 戰 貢 自 或 樣

先 禮賢 憲之 握髮 士 夫之富,必 否?」先生日 生 庶 門之事 人 、『赤舄 曰:「以此看來,誠有未盡 下士,尊祖 獻蓋 可 以 問: 愛君 ,則『 類推 几 : 几」是 『富富 恤 仁 好禮 無 民,方 民, 王 語」、 「 而 也。 良 不 尊 好 止 濟 祖 是 禮 且 無 此 曰 下賢, 好禮; 驕 如 : 如周 一,但其 天子之富 亦 尚 觀 方是好 是 如公卿大 公之 未 子 不 時 貢 盡 之先 僭 過 吐 原 必 哺 制

後 不 易 則 得 不 也 可 知 若 切 磋 琢 磨 之 對 其 識 見 亦

文之時 之 費 節 刑 不 卯, 罰 爲 煩 時 日 口 時 獄 厚 滋 天 儉 ,故天下 所 以 但 士 ? 下 黎 至 深 不 也 \pm 顧 其 則 處 先, 亦 舜 用 刻 良 五 Ě 民 用 刑 刑 之 是 時 否 矣。 濟 獻 刑 之人以 之 刑 罰 亦 淳 後 位 如 問 ? 藎 有 皆 人賤 口 厚 如 宫 如 此 伯 在 措 服 曰 不 先 何 衣 何 上 刑 : 夷 德 _ 0 珠 由 得 生 道 不 不 者 降 措 不 文帝 玉 已 此 如 之 少 曰 曳 孔 且 果 典 不 以 不 ? 而 而 以 亦 子 地 如 折 能 用 德 能 貴 以 然 德 時 此 爲 堯 道 至 德 道 爾, 五 露 勢 固 民 亦 亦 政 之 齊 之 武 之 穀 化 臺 使 且 惟 當 不 不 之 時 帝 以 以 民 惜 消 三代 然 亦 刑 風 似 以 看 之 德 德 不 誅 俗 百 敦 説 後 所 禮 時 崇 先 金 成 儉 少 臯 用 如 世 遇 之 朴 尚 則 漢 康 之 之 何 生 正 陶 刑 刑

> 奢 不 他 刑 僞 罰 侈 然 日 日 雖 之 有 滋 則 中 民 欲 刑 天 又 社 不 罰 下 生 之 用 之 如 奸 寄 刑 人 何 僞 不 亦 不 須 如 皆 繁 可 節 何 得 ? 作 儉 能 也 淫 以 刑 勾 巧 求 罰 刑 , 德 既 競 措 禮 繁 珠 ? 之 玉 諸 則 地 君 於 民

言之惟 們 事 今 出 來 開 子 這 才 不 或或 於 許 Ħ 説 墾 惰 如 心 多 聚 博 他 熟 先 顔 也 思居室 何 講 生日 文 恐其不多,人之惟 只 夾 子 田 人 能 他 如 約 因 雜 在 雨 人 入? 般 禮 : 磽 學 如 不 露 雖 安 「夫子與 确 上 何 安,或思 或 無 能 有 先 之 能 雖 思 所 言 陋 生 不 田 有 人 下 不 巷 語 惰 日 ? 美 回言終 處 人 雖 ? 亦 : 衣 恐其 如 種 何 獻 還 有 安 服 五. 我 何 事 雨 藎 亦 穀 不 是 不 簞 嘗 日 能 露 對 不 之美 美 或 無 勇 説 瓢 皆 9 人 曰 能 思 由 雜 也 ? 亦 : 朋 發。 滲 便 胸 顔 其 念 樂 若 發 語 中 友 由 溜 子 故 顔 有 何 如 你 旁 出 之 竭 如

亦當 父 重 矣。」 命之則如 静 獻 之。 藎 問 之何?」先 如 無 非 大害,又當以君父之命 其 鬼 生曰:「害義之甚者 而 祭之,諂 也, 如 爲 君

成 利 便 始 人之驕 食。 勤 其僭妄 心,作三軍,僭 陽之田 無 生 驕 有 王 争 ,於是 私 日 戒 溢 奪 此 且 :「然。 積,妾不 程 一爵問: 侈,皆 侈 百官 人欲 及費 如 業 益 如 肆 後 此 盛 何 不 衣 自季 生於 俾 亦曰:『位 衣帛 人不 可 食 八佾,以 我 魯之三家,季氏爲甚乎?」先 至宿 知 世 得? 之美,從 嘗 友 傾 禄 其 知 記 馬 有 覆 與 位 卿 所 故 之道 不 功 意 至三家皆僭《雍 不 這 從 繼以文子 孟 夫前 食粟,魯 那 於魯僖 期 如 只 來 子謂 不不 即 驕 裹 起於 , 見 禄不 在其 來 人 能 艱 不 有 公,賜 ? 耻 體 人 相 奪 中 此 難 ·期侈。」 惡 服 不 前 \equiv 不 不 富 勤 是 衣 人之 其 君 》徹 以 厭 貴 儉 可 貪 惡 忠 汶 而

季 不 口 氏,亦 忍 謹 也 · 這 ... 以 皆 心 由 上 耻 斷 惡 他, 食 之心 曰:『是可 生 來。 忍也,孰 故 夫 子 論

能 我 儀、 間 至 者與至大者 天。 子 禮之禮 之本 如 也。」子思曰 仁!?!先生曰: 們 致 斷 天之 微 曰:『經禮三百,曲 禮儀,至小者 優優大哉! 遠 怎 處 也 獻 無 **蓋**問 如 麽 無 也;『復禮』之禮 曾 學者當學曾子。」 其 不 能 有 子 覆 : 對說,以 告顔子又 有 欠 『洋洋乎 二人 只是 如如 古 缺 『如禮 也,天,至大者也。 與與 人 禮儀三百,威 地之無 弘 而 那 禮 我毅,弘 人之爲學,必 天 不 何 ! 樣 相 三千, ,乃天理之禮 何』之禮 仁 以 廣 不 發 對 如 大? 日气 便 載 育萬 得 禮 無 然 能 克己 過,方是學。 何」, 儀三千。」 是 任 物,峻 古人 工 須 物 重 經禮 夫 以至 於 復 也。 而 心 又 至 毅 禮 是 極 非 曲 不 小 威 便 胸 小 於 張 爲 禮

侵害中 甚 就 此。 方是禮之本。 藎 札 儉」、『寧戚』,乃救 林放疑其本不在於此,故問之。 二者言之,禮却 親。」先生曰: 日 激 是 曰 日 「這還」 一、「先 軍 切 上章夫子不 :「只是 張 或 禮 札 其 亦 出 問: 生 不是禮之本,你們說 威 如 嘗言禮 得 師 不 武 此 我 征 儉、 中。」先 京 止 日『人 亦 亦 討 或 當 止 戚 喪、禮 不 有此 之本 盜 時 ,若保護 此。 是禮之本否?」先 奮 賊 之 生 而不仁如 説 揚。 劫 在 弊,禮之本却 曰: 當 二者,凡禮皆然。 然 敬 殺人民,或夷 時 斯 却 可 ,喪之本 本在何處?」 禮 此 民之仁 夫子説 禮何?」仁 見仁 尚奢、 泛了。」 就 喪 爲 心 不 與 在 易, 禮 不 狄 止 寧 禮 獻 安 生

誠 日 則 「朱子 能 札 通 問 天下之志,惟 言之備 二或 問 矣, 禘 只 之説 分則 是 能定天下之倫 個 如 誠 何?」先 與 分。 惟 生

> 焉? 潤 其 非 卿 聖人不能也。」 大 知 於 治 夫 母 都邑之士則知父 則 或 而 也, 知 不 尊 知父。』野人則曰:『父母 如 祖 視 矣。 諸掌乎。 褅 母矣, 其 所 子 士 自 夏 則 出 日 之帝,信 知 祖 何 算 禽

賢,不淫其 側,既 公亦嘗 蓋 凡《詩序》首一 之心焉。』還 樂之? 爲文王求 人,則未有 〈詩序》 門人及漢 得 日 生問:「『《關 説 抑宫人樂之也 而 媵 來, 后 色。 鍾 儒 是 妾 關 妃,安有宫人? 句,疑 以 鼓 增 后 加 雎 哀 人。 爲文王, 琴瑟,恐 妃 作,其樂其哀 ·, 后 窈 雎 是 所 窕, 妃 ? 上先 $\stackrel{\cdot}{\gg}$ 孔 作,故 樂 思 之德 子 亦 則 而 賢 或子夏所作,餘 非 未 生 不 日 也。」『 才, 此詩 得 ,皆后 正 曰:「近 淫」,果 后 而 而 妃 憂 乃 以 無 輾 之德 妃 后 傷 在 爲 轉 日 文 也 妃 王 進 官 反 霍

一生問《韶》、《武》。先生曰:「《韶》樂

之亦可 不足武 其 死 時 復 南 始 之志 如 優於武乎?」曰:「然。 不 武》 則 綴 國 可 ,則三分天下盡歸之乎?」曰:「歸之。 而 『總干山 考矣。 何 則《韶》之盡 以崇天子』。 北 也 是 以 王之意亦 如?」曰:「文王是也。」曰:「文王 疆 出 服 無征伐矣。 五. 武》亂 事殷 立,武 再 武 成 成 王之樂、《樂記》中 ,周之德可 而 而 可見。」曰:「使舜當武王之 皆 善亦可 王之事也;發揚 觀 分周 滅 坐,周、召之治也。 此則武王之樂可知 商 子曰:『三分天下 三成 知。」曰:「若是 公左、召公右,六成 謂 至 而 德 南 亦 蹈 也 四四 略 厲 矣。』 可 《武》 則 成 觀 見 不 其 歸 有 舜 而

約禮 通 夫子之言乃引伸 如 『既竭吾才』,故一 獻 時 藎 雨 問 化之者。 :「顔子聞 觸 子 類,以三隅反,故只 知知 貢平日 聞 夫子之言便 十,由平 工夫未至 日 博 能 一,因 知 貫 文

> 道 説『貧 得説,只是不改其樂。」 十?」諸生未對,先生曰:「顏 曰:「然。 與 理。 是否?」先生曰: 十?」鄧 而 樂, 使 聞一 富 顔 掄 知 二 子 而 聞 曰:「十者 好禮」,他 與告往知 之, 「亦是資質。 不 便 知 數之終。」 悮 子聞之,再 如 來一般,夫 切 何 磋 方 何 琢 先 是 磨 以 没 的 生 知

也。」 酌古 私 在 盡 何也 旦, 意 善 獻 正 正 ,或準今,或 ?」先生曰: 事上,如 而 孟 閻 調 藎 後行,此思之可貴也。 子取之。 犯 元問: 曰: 勿 聘 參 晉 先生此 以三 『周公思兼三 宜土俗,或合人情 「周公之思,就其 而 而文子三思,孔 求遭喪之 一之條, 言,或 非 有 禮,則 王 文子之思 周 爲 公 子 而 必必 之公思 所 坐以 事 非 發 周 思 也 皆 不 或 待 知

0

悮」,乾

隆本、

四

之禮

則

具

賻

襚

等

儀

以

行

矣。

夫

聘,

也

而

備

N

禮

是

有

貮

心

矣。

敬

者

之問

設

爲

變

故

而

究

其

理

也

文子

求

不

只

治

動

其

生

而

求

遭

喪之禮

一,何

以不

可

?? 上先

生

日

窮

獻

藎

日

.

蓋之所

見

者小

也

先

生

道

無

大

無

小

0

獻

藎

曰

:

_

當

祭

而

太

廟

君

而

世子生」,曾子

亦

問

於

孔

子

矣,

也

?

如

何?

先

生

曰:「然,

可

見

義

審

雖

終

日

不

食,

終

夜

不

寢

以

思,

又

且

人之於

事

思之而

審

則

不

必

思

如

思

爲

叁以

 \equiv

則

夫

子

之

再

思

爲

貢

斯

害

事

矣。

故

夫

子

日

再

思

非

事

但

既

審

而

復

思

之,

則

爲

多

疑

不

矣

所

謂

私

意

起

而

反

惑

也

季

文

子

之

取

再

思

而

已

審

也

 \equiv

思

而

復

取

之,

則

燕

意

此

與

孟

子司

以

取

可

以

無

取

取

傷

意

百

彼

口

以

取

初

思

而

未

審

也

可

可矣。』若以 以二 思 一曾子 古 吉 理 何 使 其 遭 傷 以 日 矣。 斷 火, 晉 禮 亦 喪 傷 未 無 如 無 廉 . 舉 嚴 好,比 莊 從 無 當 日 輕 塞し 簡 行 南 自 其 0 容 : 以 簡 舉 亦 治 爲 重 面 也。 綱 不 ___ 蒞 緩 所 簡 獻 而 須 雖 如 政 則 故夫子 須 以 領 急,如 藎 之, 天 公當脩。 勉 兼 **^** 爲 人 若 非 刑 書》 問 自 下 强 不 内 臨 衣 則 僻 居 罰 化 . 治 聽 瑣 外 老 冠 載 民 簡 之 「居居 民 稱 命 瑣 人自 氏 正 何 人己説。 舜 心 行 故 不 舜 居 者當 於末 瞻 所謂 以 藎 敬 簡 臨 敬。 無 無 不 敬 荷 畏 意 下 爲 而 自 視 可 如 敬 免 飾 我 重 居 以 行 尊 心学 煩 而 利 而 也。 刑 且急 好 敬 朱 簡 言 簡 治 當 冗 人 簡 罰 至行 静 亦 子 便 興, 瑣 是 者,行 必 略 語 必 所 而 這 説 ^ 其 樂 碎 否? 註 日 曰『恭 事 安 弊 民 以 便 自 而 中 從 臨 舒 當 自 治 是 治 朝 之便 不 温 以 心 革 民 正 人, 先 自 若 能 舉 論 恭 Ż 敬 四 嚴

無

我

其

允

IE

是

督

爲

使民 簡 行 怨乎 可 可 語 講 不 用 處 不 施於人』,便是行 面 不 無 但 也 以 以 默 不 工 可 亦 簡 舉 ,體認 爲 動 見 可 如 在 ? 又 以 可 事 賢 説 静 仲 而 我 承 乎 臨 有 可 惟 措 過 ,熟之可 俱 大祭」,便是居 弓 ? 以 時 民 言 過 居 要 問 便 順 也。 如 居 敬 來,故夫子許之。 時 亦當 了,須要着實用 民 此 雖 則 簡 一之後。 簡。 時 易 看 至 有 以 凡 而 省 親 存 來 卿 入聖。 以 行簡, 察,則 朋 仲弓於夫子之言 此 易從之志 夫子 啓 相,亦不 彼『出 敬 友相 如如 民 了,己所 許 却 他 放 可 見大 見, 了雍 是 門 此 畏 日 心 外 諸 以以 無 得 漸 居 如 可 雖 賓』之心, 生於 此 也 本 收, 不 位 敬 見 像 臨 無 居 可 ·之政 欲 臨 其民 之心 工 大 敬 久之 此 實 書 使 夫。 勿 賓 民 落 行 南 可

人。」立即 獻 藎 問 『立之斯 欲立 立』之立,達 而 立 人,己 即 『道之斯 欲 而 達

是以 好 耳。 他,不 之 ? 若不 鰥 得 是達。 王 有 日 行」意 由 却是已 公,亦是這 於德,立於位,皆是立, 何 寡 位 這 己 色、好貨、好樂,孟 :「《註》云此言『仁者之心』,看 若非 有? 樣 溺 如是其急也」。 能 便 孤 知君 如 否?」先 如公叔文子大夫僎與文子 之也」; 預 心腸。」先生曰:「有這樣心腸,他 獨 成 今 要有 富 求 至論 無 的 學 子非 意 貴 其 告 事, 者 這 思 生日: 天下 具, 窮 禹、 何 把 樣 不 學 民, 以 但欲立 博 欲 富 雖 稷, 者當 可 子 「這 · 有饑 遂 富 貴 施 見 皆 見聖賢之爲仁,亦不 且 則 其 達 説 濟 貴 這 要 是 循 説 博 立 日 者 衆 於道 是 樣 使 揀 写與 序 但 人,欲達 施 的 之 好 人爵,不 人, 思 由 漸 不 達於 民 濟 事 各得 處 天下 己 將 溺 進 業。 來人 衆 同之」,於 説 饑 同 於 何 之心 有溺, 之也, 達 其 位 . 升諸 肯 獻 富 只 以 凡 所。 説 藎 皆 貴 濟 那 H 要 立

外於富貴、宫室、飲食、男女而得之也。」

躬 色 比 如 曰 如 如 今 如 春 所 人 也 鄧 申 温 有 掄 謂 申 如 問 那 展 如 不 般,這 愁 屈 拓 容。 容 伸 得 申 之伸 樣 老 開 申、 到 態,人 少 亦 燕 好 是。 『夭夭』如 居 般 所 便 時 ,夫子人 夭 以 不 便 夭, 藹 愛。 申 何 然 八公門, 少 申 ??」先 口 聖 好 舒 掬 貌 展 顔 鞠 生

終 獨 你 枕之,樂 是 + 是 也 聖人 説 不 如 五 夜 只 得 志 他是發 不 此 札 是 其 月 學便 寝一 問 好學之心 亦 連 所 不 在 老 發 知 憤 發憤忘 般。 聖 皆 其 憤 肉 也 甚 與 人 中矣。」 味 的? 不 忘 至老 禔 夫子 我 • 食』 知 食, 相 兀 不 樂以 諸 雖 如 海 通 我 飯 如 倦, 何 是 九 生 疏 們 只 在 ? 忘 州 未 天縱之聖, 食 與『 怎 要去 齊 之人, 憂, 對 飲 先 麽 聞 先 終 水 學 生 救 到 日 韶 老 H 鰥 得 曲 他 生 不 : 然自 來 寡 他 肱 F 「這 食, 還 學 然 孤 ? 而 :

> 來 夜之 何 再 可 樣 日 不 體 等 不 一、怎能 知 並 發 不 驗,自 所 管 ? 食 樣 憤 所 以 思 大 人。 終夜 老 如 及得 處之之方,雖 ! 與 然 佛 此 孔子 有 夫 諸 只 不寢,或考於古 ? 此 益 生 是 便 看 理 言 不 須 面 欲 ,便樂以忘憂。 來 要 壁, 可 孔 以 動 有 學 説 天 將 子 相 此 调 之道 地 自 比 心 便 凡 萬 己 或問 何 了 常 贵 畫 欲 物 益 常 之所 火 爲 於 ? 若不 是 把 今,這 退 這 老 故 爲 體 去 佛 終

慢,正 脩 孔 君 則 何 句 ??」先 有 身之 子 子 讀 儒 Ĭ 司 郭 言之不 顔 存 要, 岱 生 無 夫 色 問 日 爲 非 君 俱 而 過 : 小 所 子 在 近 如 「動容 人儒 貴 所 信 此。 前 君 也。 貴。 面 出 子 。」君子 孔子謂 貌,斯 辭 所 曾子此言甚 若 如 氣 貴 邊 日 儒 而 遠 子 乎 豆 動 遠 暴慢矣』作 夏 道 容 如 器 鄙 日 貌 動 者 數 精 倍 容 而 之末, 此 女女 粹, 貌 遠 皆 如 雖 暴 而

學 老 後 子 事 此 此 者 遠 而 問 將 琴於 夏平 之一。 數 聃 暴 人 舞之,升降 者 却 慢 如 平 今 日 把 故 亦 不 師 又曰 生 在 者 人 就 知 襄 孔 曰 精 夫子 器 却 其 學 子 便 力 是; 專 數 把 看 『德成 鋪 絃 禮 盡 門 天 上用 差 筵 那 歌 文者 小人 用 縱之聖,又多 者 了 器 席 於 而 在 功,故夫子以此箴之。 學琴者 而問之,不 數 揚, 儒 禮 又 上,藝成 此, 之 説 之末 樂 則 末 却 夫 之 籩 當 不 便 子 節 末 豆 而 能 是 作 是 曾 説 下。三 也 器 節 也 孔 問 夫 數 也), 故 件 心 子 子 禮 看 有 之末 大 的 在 曾 於 於 來 童 司

之心。 説 實 事 下二句 四字何 獻 岱 問問 惟 有 曰 言顏 分?」先 此心,故能 以 有 子之狀。 能 若 生 問於不能」,『能、多、有、 無 日 問。」先生曰:「然。」 :「上二句言顔 實若虚 若作 四 」,似言 字 看 顔 子之 便難

若 之聞 是 寡。 方。 實 問 先 特 先 岱 些人怎肯 問之,不 有 日 疴 能?」獻 有 此 舜 我 癢 相 好 生日 不 生 問 中 這 這 見爲 意。 不 報 : 與 日 寒之也,故 爲 察一般。」 樣 樣 但 我 : 用 耳 自知 庸 蓋 犯而 仁心, 如 與 問 相 心 然。 略 | | | 曰:「先生嘗言只是個 其 腸 他 今人不 關 於 舜 己之聞 不 其 心 不校二 舜之 故 説 先 君 有 你們 同 好 爲 未 便汲汲皇 ? 生 子, 並 聖 問 民 以 必 肯 大 曰: 生 説 見。 獻 與『不 能 惟 饑 好 人。 雖 不 好 知 顔子 之 察,以 藎 問 舜 日 耕 問 校 心,天 即 故 若 我 日 好 我 於 皇,終 稼 也,故 報 怎麽以 : 日 自 不 問 亦有 看 以 饑之也,一 陶 求 無 大 能 來 好 顏 以 下 漁 所 道 不 日 知 察 爲 此説 不 只 子 ,以多問 ·之人 之 以 能 報 不 顔 是 以 聖 一,與 同 繼之,亦 同 人亦 處之 問 無 食,終 子也 不 與? 否 天下 民 疾 舜 於不 道 這 往 之 於 寒 痛 好 智

後肯 夜 好問 不 問問 寢 其 要 學 去問 乃 大。」先 人,豈 生 肯 曰:「必 自足?」 有 獻 仁 藎 日 9 而 :

寒火 無 \Box 而 無 之,故有 寒火, 世 生論 間 陰 温 如 温 能 泉。」 鬼 泉 從 先 火 陽 獻 亦 生 陽不能 藎 不 日 曰 . 能 : 五. 燒 邵 從 行 子言 陰 看 之 也 氣 來 90 有 亦 先 温 無 有 生 泉 處

生 乃 的 學 日 日 聖人無我 笑曰 出 [學。] 大器日 `,亦是克己?」先生曰:「克己却不是聖人 「夫子 却 袖 爵 因 問: 中 講 不 「就是 所 是 $\dot{+}$ 一一一一一 一克 作《克己 聖人雖 持 Ħ. :「聖人只是 送文字,亦 或 便 持國説 事,在 志 生知 故 於學。」 復 如 禮 聖 道 此 亦 爲 不 人 則 涵 爵 有 仁 可 則 不 養 先 學問 日 論 不 無 消 : 生 學。」 > 事 克 獻 ? 請 日 聖 口 蓋 教,先 獻 先 克 程 日 之 藎 也 子 生 :

怨。 合污 但 不 程子 多 連 我學之未至,便要脩 暴之人,固 自 到 子 小 是 辭,其罪大,至今心猶 而 因 7,不能 不 已 得 過。 0 日 自 驗 日會講 思放心 不 爲 最 無 日 是, 他日 責。 須驗之於 如 能 難 所 其 . 若 彼 不 言諸 夫子告仲 諸 不 獻 所 若 如如 也 送文字之失其 難 未 愧。 亦 説 惡 君 此 蓋 得 收 能 友 日 ? 亦 於吾言無 留 居室,驗 先生 察言 詩 其 日 不已, 是; 非 滯 可 德忠 尝云 小 : 弓『 言 省。」 矣。 一前 9 悦 程 日 而 却 不安。」先 語 則 於此 過 :「昔程 子 承 在 之於交 又 躁妄 若 所 獻 罪 何 他 若君子怨之,却 少,獻 曰 教送文字之失,歸 不 邦 不 求 藎 不 Ш 小, ,只要不 是。」 非, 悦 無 之石 其 可 日 則 生 游 後 子門 藎 。』人怎麽 怨 :「於常人 悦 到? 彼 舉 日 爲 多言 獻 亦 動 一。此 非 在 可以 人見 如 Ė 自 藎 日 乖 同 家 那 又 解 而 日 非 戾 要 但 程 攻 流 是 便 無 X 调 亦

不化却 自 天乎』。」 可化。 便是不怨天尤人的 玉 然不已。 接 然見凶暴之人,只要内自省,久之彼 但 非所急。 凶暴之人,亦覺 學者只當做自己的 然又不求人知,故曰『知我者其 故 工夫。 曰『先難 有警惕 到下學而上達, 而後獲」,熟之 工夫,人之化 處。」先 亦 生

問 程子問 時,亦是一齊皆好。 存,言之所發,身之所行,也 多,亦奚以爲?」獻 於行纔是。 雖讀恐亦不能記也。」先生曰:「就是心之所 又不是。看經要體認 此志頗切,但一時讀 如 今人,他便説讀了多少書。 先生曰:「學者須要看 做甚工夫,對 若 只 讀 蓋曰: 昔謝 了, 曰:『去 不了。」先生曰:「這 玩索,得之於心,見之 却 上蔡别 「若不玩 是記誦之學,雖 是如 經。」獻 得 程子一年, 矜字。』使 古人的工 此。 索體認 藎 日 却

夫,是這樣切實。」

武 功 生 員 T 鳳 陽 重

涇 野子内篇卷之二十七終

涇野子内篇門人録[®]

士。 賢 霄 姜 德 南 高 訓 渭 州 崔 顯 導。 生。 高 陵 監 南 濤 伯 官 渭 高 原 需 訓 陵 仲學 員 廉 陵 南 渭 楊累 生。 導。 陳 外。 勳 丘 南 貢 高 介 訓 東 高高 嘉 生。 陵 次 導。 清 權 曲 高 孫 放 貢 言 魯 王 夫,白 陵 沃 吕 世 繼 璽 舜 李 印 孟 蒲 生 楊 知 芳 謨, 用 學, 顓 或 洙 城 邢 水 縣 本 仲行 信 生。 幼 世 舉。 高 楊 臺 解 師 通 源 其 陵 生。 州 魯, 高 韋 九 高 生。 陳 叔 陵 寧 華 李 續 郎 高 功 陵貢。 生。 用 州 容 詔 任 繼 中。 陵 惟 仲 薛 膚 汝 生。 府 琉 禽 叙 副 祖 高 施 口口 言 尹 王 使。 濟寧貢。 張 季 高 宜 1: 仲 卿。 王 材 應 詩子言 聰 陵 君 野 薛 華 張 光 州 子 生。 生。 陜 吉 祖 生。 難 渭 子 伊 祖 州 實 學 南 劉 士 周 墨 師 大興 克 新 張 官 尹 孝, 訓 廷 訓 高 孝 爵 城 達 夫 導。 藹 導。 陵 雲 渭 隱 子 仲 解 時 祭

> 寧生。 邑 張 酒 府。 參 副 郎中。 戴 貢。 陳 旂 劉 南 江 政。 生。 使。 都 昌 泰汝安,夏 仲 日 欽 光晦之,當 耿 監 舉 謝 許 常 旦子 順 李 人。 黄 江 胡 曹 武 重 象先汝賢 道 體 石 大器 愈惟 惟 校 廷 光 進 汝 明 乾, 胡 希 中,祁 用 欽 泰 成 塗 副 縣 或 賦 中 石 夫 孟 生。 體 孺 生。 華, 使。 和 孟 平 行, 首 全 (),歙 道 門 忠 舉 世 休 進 卿 解 生。 定 人。 休 王 黄 瞻, 陳 寧 南 休 縣 士。 州 休 州 寧 舉 玉 生。 城 寧 沐 世 華 貢 寧 唐 葉 監 人。 知 生。 旻 亭 經 瞻 隱 王 仲 音 府 歷 生。 良 何 丘 德 仲 士 思 朝 [希古, 胡 詹 方 克 弼 慎 慈 東 江 魏 伯 陶 有 應 葉 張 敬 監 明 路,三 都 清 臨 郊 武 廷 欽 其 恒 逢 生。 吉 亢 緝之, 江 晉 進 萱 夔 孟 陽子 汪 甫 監 貞 生。 怡 子 舉 原 都 葛 克 子 甫 宿, 威 人。 休 進 復 舉 諧 宜 大 裘 王 澗 解 友, 寧 賢 伯 Ш 歙 彭 州 汝 薛 舉 許 重 夔 松 舉 陽 子 縣 華 生。 州 人。 生。 東 溪 中 鄭 應 朝 休 亭 知

0 本 節 文字, 乾 隆 本、 嘉 慶 本 置 於 卷 首 四 庫 本

若

曾

南

信

陽

明 伯 程 鰲 州 相 魯 衡 郎 舉人。 默 時 何 陽 中 進 崑 化 惟 解 祉 賢 Ш 時 鄞 元。 謝 舉 監 德 林 縣 歙 徵 人。 良 穎 進 鄒 縣 袏 何 進 士 秀卿 廷 李 知 城 賢 州 伯 選 叔 陳 程 知 閩 防 際 會 昌 爵 府 縣 倪 虞 宗 積子 江 舉 君 緝 人。 本 林 都 錫 清 惟 賢 江 發 知 休 進 熙 林 舉 寧 府 賢 又子 基 人。 閩 春 監 學 舉 縣 人。 樊 虚 子 莆 亡 吕 田 郎 鵬 泰 \mathbf{H} 中。 大 易 潛 泰 和 隱 少 博 舉。 全 欽 鍾 游 顧 陳 名溥 德 德 德 暘 伯 震 卿 初 己, 子 啓 文子 得 敬 日 寅 婺 應 又 汝

史。 汪 善 太丘 貴 解 才難 米 H 州 大 脂 洲 揚 鄖 生。 生。 之 之, 戴 都 泰 西 浩 御 和 監 中 解 解 寇 王 史。 生。 員 州 州 宗 啓 源 天 器 惟 歙 清 天 陽 潛 京 生。 舉 外。 東 孟 舉 舉 命 縣 長 江 泰 趙 人。 葉 體 人。 得 人。 婺 生 舉 潛 舉 鄭 和 乾 祁 師 桐 焦 源 盛 春 人。 人。 江 州 鞏 門 朱 郎 進 榆 謝 宿 芳 舉 楷 胡 生。 中 鎰 人。 中。 次 州 士。 訓 牟 嶹 知 應 子 張 褚 應 範 生。 邦 生。 導 布 縣 孫 卿 宗 元 博 汝 鴻 重 胡 重 劉 江 政 登 漸 胡 儀 上 漸 名 光 禄 冉 謝 鸞 炳 解 東 薛 真 歙 禹 兀 卿 溥 張 儒 醇 州 貴 崇 更 應 孟 思 生。 舉 暉 縣 卿 舉 太丘 夫 卿 名 忠 祁 華 禽 人。 禮 生。 忠 熊 人。 賓 鄭 門 亭 文 吉 艾 南 江 之, 南 生。 夢 乎 良 繼 生。 州 舉 州 歐 鄭 都 希 漳 劉 生。 盧 卿 仕 周 人。 生 婺 舉 舉 舉 孺 陽 洪 椿 淳 朱 政 中 臨 源 祁 人。 中 宋 希 王 仁 乾 舉 王 牟 晉 以 治 德 門 休 夫 生。 德 生。 舉 曾 伯 張 人。 舉 杜 謝 御 兀 兀

人。

范

永

宇

伯

寧

桂

陽

舉

人。

聶

蘄

±

哲

金

溪

舉

仲

盧溪

進

士。

何

堅

叔

節

江

都

生。

康

恕

求

仁

泰

和

舉

金

瀚

受夫

應

天舉

人。

黄

容

德

洪

鄖

縣

監

生。

李

樂

和

州

劉

邦

儒

幼

醇

武

陵

舉

人。

王

貴

道

充

清

江

舉

人。

舉

人。

柳

本

泰

時

亨

建

德

知

縣。

何

廷

性

之

雩

都

隱

士。

朱

永

年

仲

開

儀

真

知

縣。

吴

光

祖

元

德

武

昌

本

子

中

沅

陵

舉

人。

王

標

貞

立

金壇

舉

人。

周

璞

懷

玉

福

寧

舉

蕭

文

明

時

化

新

淦

舉

人。

仇

欄

時

閑

H

黨

吴

佑

泉

伯

源

士。

戴

州

郎

中

時

耀

長

解

元

知

州

汪

Ш

季

瞻

麻

城

舉

人。

鄧

許

子

華

新

城

知

舉人。 侯。 氏 文 劉 禄 大,南 甫 監 高 歙 舉 本 監 寅 紳 歙 監 惟 生。 人。 縣 縣 汝學 則 休 東 相 汝 思 監 生 生。 張 中 葉 同 質 行 寧 會隣 海 仕 侯 徐 蕭 臨 許 暗 泓 監 佐 建 鄖 東 王 徐宗 楊 天 延 江 椿 陽 陽 水 海 定 陽 德 Ш 鶴 應 信 楊 叙 德 甫 胡 壽卿 監 貢。 貢 監 監 都舉 都 舉 龄 魯 詔 德 景 生。 生。 介 用 歙 御 人。 休 人。 惟 黄 陳 霍 修, 化 歙 邦 新 陶 縣 史。 東,建 彦 Ш 監 釜 衛 來 儒 縣 宣之, 梓 紹 鳳 石 王 監 趙 生。 士。 生。 端 建 州 良 陽 王 汝 儒 季 永 軼 德 安 器 貢 言 歙 良 相 定 公聘, 王 石 延 舉 生。 王言以中 王 壽 蘭 縣 餘 幸 或 默 祀 希 人。 絳 子 民 平 溪 儒 何 公。 中, 周 州 姚 閻 南 原 貢 叔 實 士。 賢 繼 貢。 鄧 監 海 孝、江 傳 絳 顔 蕭 兩 秀 錢 蘭 生 張 州 淮 士 Ш 汪 焕 師 祁 侍 卿 李 嘉 孫 貢 監 運 説 門 遠 郎 鶴 春 都 元 餘 應 賈 應 生。 猷 副 李 生 暉 江 舉 九 廷 惟 姚 宣 戴 廷 梁 乾 元 宜 人。 貴 臯 都 明 選 生 盧 來 州 陳 冠 舉 惟 傑 宇 春 會 山 沁 績 道 貢。 人。 端 德 堯 張 文 徐 監 昌 陽 章 州 元 汝 溪 州

> 人。 藎 判。 傅 化 生。 儀 鯤 修 卿 文 真監 吉 應詔 桂 德 于 江 惟 閻 江 畢 南 忠 水 德 仲芳 都 生。 調 知 歙 進 用 壽 豐 起岩 士。 縣 張 桂 城 鬱 修 元 縣 張 生。 侍 伯馨 林 汝 副 札 南 葛 劉 勤 郎 舉 郭 使。 鄭 子簡 馮 清 人。 歙 方 鳳 岱 副 恩 陳 任 翔舉 縣 應 武 興 叔 使 子仁, 李 天舉 佐 東 須 主 東 昌 人。 遂 樂 事 良 望 王 潛 舉 人。 華亭 邦 輔 吉 江 人。 啓 輿 宋 良, 彭 節 稷 水 知 良 張 璫 豐 御 喬 鄧 舉 Ш 州 濟 蒲 綖 史。 充 城 人。 掄 用 員 田 涇 之, 世 遷 外。 舉 知 子才 陽 張 文 人。 史 臨 府 舉 廬 彬 潼 " 蕭 高 起 人。 陵 王 鄢 舉 仲 郵 知 蟄 轍 人。 文 獻 州 趙 茂 通 德 季

焉 以 舉 能 微 + 以 至 而 之矣。 通 後 右 便 士 載 先 顯 覽 君 始 者察之。 或 況 謹 ^ 能 内 居 遊 令姪 理 篇 館 先 之。 院 **>** 君 全 門 可 臺省, 之門, 機 若 見 人 不 書 問 道 之,其 或 登 答 義之交孚,人心 或 居 學 録 姓 部 名 而 不 恐 署 後 知者 歲 畇 藩 舉 歸 久 缺 弗 或 田

畇頓首謹識。 時萬曆十五年孟春,致仕知府次男吕之相感,有如是哉。

心齋約言

〔明〕王 艮 撰

.24

校點説明

請從 譜 子遍天下,率都爵位有氣 年(一五四〇),字汝止,號心 宗成化十九年(一四 名反出諸弟子上。」《明 於眉 祀 睫 陽明弟子之 N' 孔 之間 齋 廟, 約 省覺 言》明 後 諡 人最 「文貞」,門 代王艮 八三),卒於明 《明史 多」。 儒學 勢。 語 案 齋,泰州(今屬江 萬 艮 録。 儒林 人 • 曆年 以 張 泰 布 王 世宗 傳 玉 州學 間 衣抗 艮,生 》謂 屏 屢 嘉靖 纂 案》稱 其間, 「王氏 於 有 有《年 + 人 明 蘇 奏 聲 其 弟 九 憲

物也。 是 格物之物 格 物 王 格者,知身之爲本而國家天下之爲末,反已 艮 工 夫。 爲 即物 泰 故 州 有本末之物。 學 日 派 身安而 巨 擘,創 天 下國 淮 身 與 南 家可保也。」又 或 格 物」說 家、天下, 以以 爲

> 見於《心齋約言 人與百姓 處,甚至以 以 爲 良 知即 的 爲「異 天性,百 品 别 端」就是異於 無 非 姓 是 日 先 用 知 條 先 百 理 覺。 姓 處 H 即 此 用 是 等 之 聖 主 道 人 者, 旨 條 皆 聖 理

《學 疑後人撮其《語録》爲之。」 舊 齋 文志》載《心齋語 良知之旨。 又止一卷,亦《學海 録《心齋約言》一卷,《四 獻 事 約言》一 通 海 推拾 考》著録《心 類 明史。藝文志》著録《心齋語録》二卷,《續文 編》子集。」「及檢《心 卷,題 著作》云 中 有稱 齋約 「明王艮汝止著」。 録》二卷,此 類編》之節本也。」清 先生 「《心 言》一 者,皆指 庫 提要》云: 齋 卷、《學 齋 約 本改其 全集》, 言 守 仁。 ^ 海 名 一此 明 四 類 **^** 並 王 日《 俞揚《泰 庫存目》著 書皆 明 編》載《 無 艮 約 史 撰,見 此 言 發 種 州 藝 明

芳家 芳家 編 **%** 藏本」,則 藏本」,然其著録《學 校 **^** 四 者 庫 按, 存目》所 傳 該 世《心 本 亦 著録《心 爲《學 齋 海 約 海 類 言 齋約 編 類 ×, 編 言》題 被 》本甚 亦 收 云 入《 編 編 明 學 修 修 海 誠 程 程 如 晉 晉 類

誤讀。 云《心 作王艮「約言」,讀者尤需留意。 牘》,其中數語,原屬「來書云」或「來諭云」,編者 名爲「心齋約言」。《約言》有五 先生語畧」,明 著或手定甚明。 約言》後附吉水鄒元標之言,鄒元標《 乃後人撮録王良著 業所編《王心齋先生遺集》亦是。 並無《心齋約言》之篇,宣統二年(一九一○)袁承 俞揚所言, 書心齋先生語畧後」,則《心 語録》之外,不乏引自《尺牘》及《雜著》者。《心 齋 約言》之中稱先生者,皆 王 艮曾孫 末 此書或 清 初曹 述而成,校以《全集》,其節 元鼎 爲 溶 所輯《王心齋先生全集 鄒元標 收 入《學 齋約言》並非 條 另,《四 所編、 可知《心齋約 取 指守仁,實 海 自《全集 願學 類 庫 初名「心 編》時 提要》所 集》題 王 艮 • 言》 尺 齋 並 專 選

見悟

主

編

^

近

世

漢

籍

叢

刊》

影

印,

簡

稱

「《全集》

日本嘉永元年(一八四

八)和刻本(岡

田

武彦、荒木

一)晁氏活字刻本爲底本,校以《王心齋先生全集》

是次校點

,以《學

海

類

編

道光十一年(一八三

照 王榮録跋,乃道光六年王 本」)。《全集》本爲春日 一二—一八七八)所校,其 了明刊本《心齋先生語録》。 潛 氏 所據 庵(姓源,名仲 重 刻 底本,據書末 本。 校點時, 所 亦參

校點者 張豐乾

心齋約言

明泰州王艮汝止著

知之未嘗復行」,常行故也。 顏子「有不善未嘗不知」,常知故也;

不是聖人之學,便不樂。 子氣力,有無適快樂;●若費些子氣力,便 天下之學,惟有聖人之學好學,不費些

非 乎?」曰:「孔子云:『百姓日用而不知。』使 者,中也。」曰: 之仁,有所見便是妄,妄則不得謂之中矣。」 不知耳。 中,安得謂之道? 或問「中」。 若智者見之謂之智,仁者見之謂 先生曰: 「然則 特無 百 此 姓之日 先覺者覺之,故 童 僕之往 用 即 中 來

凡涉人爲,皆是作僞,故「僞」字從「人」

從「爲」。

物依於己,不以己依於天地萬物。知得身是天下國家之本,則以天地萬

卻未見根者,須是見得一株全樹始得。葉者,有見枝葉未見花實者,有見枝葉花實道,然非全體也。譬之一樹,有見根未見枝道,然非全體也。譬之一樹,有見根未見枝

之功。「致中和,天地位焉,萬物育焉。」不論

魚躍」同一活潑潑地、●則知性矣。 愚夫愚婦、與知與行、②便是道、「鳶飛

- 「無適」、《全集》本作「無邊」。
- 「與知與行」、《全集》本作「與知能行」。
- 「薦」上、《全集》本有「與」字、當從。

學者初得頭腦,不可便討聞見支樘。

不與二三子」之意同。曾點「童冠舞雩」之樂,正與孔子「無行

身,不以養心者害心。 君子不以養人者害人,不以養身者害

天,何憂之有? 我同天,何懼之有?」懼。」先生曰:「我知天,何惑之有? 我樂或問:「智者不惑,仁者不憂,勇者不

過,若有同於己者,忠告善導之可也。亦過矣。君子則不然,攻己過,無攻人之若説己無過,斯過矣,若説人有過,斯

子累矣。」因指旁斷木之匠示之曰:「彼卻一友持功太嚴,先生覺之曰:「是學爲

不會用功,然亦何嘗廢事?」

於百姓日用。凡有異者,皆謂之異端。」或問「異端」。❷曰:「聖人之道,無異

聖人知便不失,百姓不知便會失。 百姓日用條理處即是聖人之條理處。

則 自然天則,不著人力安排。 日,幸而得之,坐以待旦,何 思,思過則已。 良知之體,與鳶 如周 魚 公思 同 嘗纏 活 兼三王,夜 潑 潑 繞 地、當日 ? 以 繼 思

小人儒。」
然言必信,行必果,故孔子進之曰:「無爲然言必信,行必果,故孔子進之曰:「無爲子夏篤信謹守,爲己切矣,但不免硜硜

曰:「經禮三百,曲禮三千」,無一事而「將上堂,聲必揚之」,仁之用也。故

- 「樘」、《全集》本作「撐」。
- ② 「或問異端」、《全集》本無此四字。

凍 餒 其 即 身者 事 是學,即 則 亦失其本,而 事 是道 人有 非 學 也 困 一於貧 而

未 甚 害事。 學 術 宗 源,全在出 處 大節, 氣象之粗

起 而 有學者問 應 先 生 放心難 日 於求。 爾 心 見在, 先生呼之, 更 何 求 即

心 乎?

不 間,印證吾心而已矣。 復用矣; 道既 經所以 載道 一,傳所 明,經何 以釋經。 必用哉? 經既明, 經傳之 傳

既

無所

向

又

無

所

見,便是無

極

而

太

極

°

見

便

是妄。

知、蓋 物 個真樂,直與天地萬物爲一 而主經綸。 日 功 用間 利陷 毫釐不察,便入於功 溺 所 人心久矣。 謂 樂則天,天則神」。 體,然後 須 見 得 利 能 自 而 宰 家 不 ·萬 自

塗之人皆明 有 別先生者,以 師 也。」得深省。 遠 師 教 爲言,先生

曰

吾身猶矩,天下國家猶方,天下國家不

方,還是吾身不方。

人之本。 聖,誠而 無妄則誠矣,誠 已矣。❷ 則 無 事 矣。 故 誠

聖

志者得聞之。 道在天地間,實無古今之異,自古惟 孔子 日 朝聞 道,夕死 有

可矣。」❸ 只 心 有 所 向 便 是 欲,有 所

覺 用 善之動,而復焉、執焉之謂賢。 ,無餘藴 而 不知」,故曰「以先 良 知 即 矣。 性。 此 性焉、安焉之謂聖。 孔子學不厭 知覺 後 而教不倦,合 知, 惟「百 知一 姓 知 日 不

- 0 此 段、《全集》本 屬《語 録》。
- 此段、《全集》本屬《雜 著 復 初 說
- 此段、《全集》本屬《雜 著 安定書院記
- 此段、《全集》本屬《尺牘 與俞純夫》。

心

齋

內外之道也。❶

微 不真實,而真實者未必合良知之妙 有 子謂:「人性上不容添一 毫釐之辨,不可 真實」二字,足見 不 察。 切實功夫。 物。」② 蓋 良 知 但其間 原 也 自 故 無

事」,「終日乾乾夕惕」,敬 故謂之「貞」。 會足以合禮,利物足以 所不包,故謂之「仁」;無 亨」,無所不宜,故謂之「利」,無所不正, 良知即性,性即天,天即乾也。 是故「君子體仁足以長 和義,貞固 慎 所不通,故謂之 此 良知 足以 以其無 而已。 人,嘉 幹

其間,則天德王道至矣哉。●

窮居不損」,分定故也。但無人爲意見參搭日用之間,舉而措之耳。所謂「大行不加,良知天性」往古來今,人人俱足,人倫

雖危無咎」,即所謂不敗,即所以立也。 3

「良知在人信, ●天然自足之性, 不須人

6

否」,原無,據《全集》本《尺牘·答徐鳳岡節推》補

爲立 之曰「修己以敬」。子路以爲未足,又曰「安 聖門肯綮者,此 人安百姓,亦惟敬此而已矣」。學者信不及 所不爲,無欲其 躍於淵,言其上下察也。」孟子曰 然,原無古今之異。 此道在天地間遍滿 聞道,修此者謂之修道,安此者謂之聖也 疑念否?」●知 意做作。 知之真,信之篤 此者謂 而已。 所 不欲,如 流行 故曰:「鳶飛 之知道 聖門惟 1,無物 斯 加 由 不 聞此 已矣。」所 從 有 也彦,然 此 戾天, 1,無時 者謂 無 更 爲 不 教 謂 其 魚 不 之 作

牘·答朱惟實》。

[■] 此段、《全集》本屬《尺牘·答徐子直(其一)》。

此段、《全集》本屬《尺牘·答林子仁》。

③ 「立」下、《全集》本有「本」字。此段《全集》本属《尺

⁾ 此段,《全集》本屬《尺牘·答朱思齋明府》。

此,

則

當

就

明

師

良

友

講

明之,

未

可

輒

生

《詩》《書》, 湖,其兩人發揮師傳,亦似不殊。 縛 末世有倡狂自恣以 徳必有隣,予於茲益信。 聞見之桎梏,又以 聞斯道也。」蓋事《詩》《書》者,理義 日: 何代無之? 終不可以流弊而疑其學。」● 下師也。 「此非泰州之過,學者之流弊也。 予既以知之矣。]以泰州之天靈皎皎, 胸中,有大人告之以心性之學,彼 「惟不事《詩》《書》,一 或 問 竊嘗論新建有泰州,猶金谿有慈 鄒 子 布衣,何得 曰 新建明師證之,宜其 爲樂體,奈何? 泰 州 聞 或曰 崛 布衣,此 斯 起 道 示泰 卓爾 田 斯道不孤 夫流弊, 州主樂, 間, 見 予曰: 所 ? 聞 爲 既 以 不 日 子 無 纒 得 天 事 .

本段, 鄒 元 標 願 學 集》卷八 題 作《 書 心 齋 先 生 語

累

0

説理會編

〔明〕季 本 撰

目録

説理會編序

校點説明

説理會編卷之一

<u>二</u> 二 説理會編卷之五 ……… 説理會編卷之三 …… 教法 五 九 八 五五 五五五 五

		求賢當因言考賣	舉賢不用私智 九九	人才進退與陰陽消長理同	去取人才當視治亂以爲重輕 九七	養才所以成德 九七	人才所重在德 九四	賢才一 九四	説理會編卷之七 九四	處惡人 九二	讓國 九〇	明去就 八八	審出處 八七	不枉己 八六	處死生 八二	韜晦 八二	實踐二 八二	説理會編卷之六 ········ 八二	改過 八〇	毀譽 七九	戒希高 七九	
經義	说理會編卷之十	三代中興令王夏少康商中宗高宗周宣王	三王夏禹商湯周文王武王	二帝唐堯虞舜 ·······	帝王	説理會編卷之九	火政	處大家大國之術	車戰法	兵要	治水之法	救荒之法	稱貸爲養民切務	制用宜有節	爲政宜先省刑節用與民同好惡	鄉約書院之教	教養一道	政不責人	心政一	政治一	説理會編卷之八	
		<u>一</u> 三〇			110		一九	一八	一七		一〇八	一〇七	一〇六	一〇六	一 〇 五	一 〇 五				0	<u> </u>	

目録	楊墨子莫 一八七	異端 一八七	説理會編卷之十四 ·············· 一八七	君子小人之辨 一八五			高下等第 一				福 取員	孔子 一七〇	聖賢一······ 一七〇	説理會編卷之十二 ············ 一七〇	三禮 一五九	經義二 一五九	説理會編卷之十一 一五九	春秋 一五七	詩 一五三	書 一四五	易 一三二
===	天文 二一二	諸家各因象數揲蓍不同之法 二一二	諸家卦氣不同之説 二一〇	蔡九峯洪範皇極 二〇九	邵康節皇極經世 二〇六	司馬温公潛虚 二〇五	衛元嵩元包 二〇五	關子明所傳洞極真經 二〇四	常法和所傳靈碁經 二〇三	揚子雲太玄 二〇三	京房火珠林 二〇二	林		術數之學一	後世占卜非古法 一九五	雜術 一九五	説理會編卷之十五 ············ 一九五	楊慈湖之學 一九三	告子之學 一九二	許行之學 一九一	佛老 一八九

陽明致良知之學 二三〇	朱晦庵之學 二二九	程明道李愿中體貼體認天理之辨 二二九	總論張横渠邵康節司馬温公 二二九	張横渠之學 二二七	司馬温公之學 二二六	邵康節之學 二二六	總論伊川康節 二二五	程伊川之學 二二五	程明道之學 二二五	周濂溪之學 二二四	文中子之學 二二三	諸儒	説理會編卷之十六 二三三	占夢 二二一	相術	禄命	風水 二一六	擇日 二一五	納音 二一四	歲差 二一四	日食 二一三	
																				四庫		

庫全書總目提要	陽明之學由王司輿發端
	英發端
:	:
\equiv	\equiv

校點説明

《知府季彭山先生本》中説:季本「少師王司輿(名 現出對 文轅),其後 十二年(一五一七)進士,歷官蘇州同知、南京禮 而 郎中,升至長沙知府。黄宗羲《明儒學案》卷十三 卒於嘉靖四十二年,享年七十有九。 Ш 帶有湖 會稽(今浙江 所謂 實學 本(一四 湘學 「貴主宰」者,即「以理爲主宰」,因而表 的 師 派的 重視,對王陽明「以心爲本」的修正 事 八五— 陽明。 紹興)人,生於明成化二十一年, 傾向。 一五六三),字明 先生之學貴主宰而惡 季本乃正 自 部

+ 禮 記 六 疑圖》六卷、《說理會編》十五卷、《春秋私考》三 有《易學四 》收載其《詩 卷、《孔孟 本 生著作 同》八卷、《易學四 事迹 説 解 置 頤 頗豐,然流 譜 》四卷、《廟制考議》(不分 種共四十卷,「存 傳 同 者不多。 别録》四卷、《讀 **四** 目一中 庫 全

> 此書於文獻甚少記録。 爲「先生最著者爲《龍惕》一書」,此即《龍惕説 生文集》,但殘缺不全。 餘辨》一 傳》一卷、《律吕别書》一卷、《古易辨》一卷、《圖 志》所載,其他尚有《四書私存》三十七卷、《蓍 卷)、《樂律纂要》一卷,共七種。 大學改本》一卷。 書館古籍珍本叢 卷 而《乾隆 刊》第一百零六集有《季彭 書目文獻出版社出版的《北 紹 對季本之著作,黄宗 興府志·經籍志》另記 據《明 史 義認 Ш 法 先 京 文 别

季本從這 貌 第十四至十六 三卷,主要是對儒學 第七、八兩卷是辨明治國之道,即「德」 理」、「理欲」、「知行」、「修身」、「生死」、「出處」等。 主要是辨明 二程、張載、朱熹爲代表的理學 德」與「威」、「貧」與「富」等的關 爲基礎,從四 點明了明代心學 説理 四 會編》一書的 個 儒學 卷是 方 個 面 中 方 對 清 與宋代理學 經典及歷史傳説的辨僞求真。 的 面 晰地 道、 基本 展 内 釋及 開 容,主 勾 問 其 畫 説。 的關 題, 讖 出王 要 分歧所在。 係。 緯 即「理氣」、「性 第 在 係。 術 學 第九至第十 辨 數 的 至第六卷 明 與「才」、 全書以 的 基 王 批 本 這 學 判 面 E 與

幫助的。 我們理解宋代理學向明代心學的發展,是有一

定

進。 依其體例把這兩卷合爲 禮」則獨立另爲一卷,以獨立一項 見,故今人輯《四 理會編》全書中所未有者,故浙江巡 類,乃以「易」、「書」、「詩」、「春秋」爲 所稱之十五卷本並無異致。 介紹,馮繼科所刻之十六卷本,與《四 馮繼科所刻的十六卷本。 ^ 四庫全 説理 四四 庫全書》著録之十五卷本今已不 會 書》著録 編》今 庫全書存目叢書》時亦只 僅 則爲十五卷, 存 一卷,則是極 明 據《四庫 馮 觀馮 繼 科 刻 全書總目提要》 爲 乃 刻 撫於採進時 庫 有可能的。 本「經義」一 一卷,而「三 浙 本, 全書》著録 卷,乃《説 江 能 爲 可 巡 採 得 撫 十 用 採 六 而

校《明 影 華 外,主要是校正馮刻本中誤引、誤刻的文字。 大學 印 時 本次整理,即 儒學 附 置 書 録 案》卷十三有關《說 的 館 本 藏 書 明 以《四 馮 四 庫 繼 提 科 庫全書 要。 刻本爲底本,保留了 理會編》的 存目 在校點時,除了 叢 書》影印 節録文字 在 清

校點者 陳憲

猷

説理會編序

耶 得聞「 仲弓並 而 語之科,而不得與 者,莫深於子貢,孔子猶不然之,而示之 之,不言 綱」之義,斯可見矣。 「予欲無言」之教。子貢於此必反求焉,故 ? 文果知「一貫」,亦不過子貢之支流 何 此豈在言語 足 聖人之學所以盡性,盡 著書者,言語之見於 一貫」之旨。然其 以 稱 而信, 語 德行,非以其謹獨之功有所 聖功 存乎德 間 哉 哉? 顔 淵、 孔門之以言語 行」,觀《 所成 故《易》 閔子騫、冉 文字者也 性之功 ,終不離於言 曰 中 庸》「 謹 默 B, 使其 伯牛、 不 求 獨 而 耳, 足 以 道 尚 成

陽明先師謂後世著述揣摩失真,是戒

有 經義發先 凡疑雜之説,悉辯 無疑於義之未精矣。 不多見。 説辭之善 將及,而同門之士傳布先師之學殆遍天下 人之以著述亂 所依據,夫豈好辯而别立一門户哉 爲説既長,或乖經 無以 師之意,則 謹 師 加焉,然默 正學也。 傳 明之,以 哉? 不 竊獨懼焉 詭於聖人而學者 顧 本在 成如 質同 歲 典,則聽者 門下,實 月 顔淵 志。大抵 ,故述此編。 因 諸 賢 不能 耄 親 亦 蓋 聞

甘自 豈 自淑,雖 存影象, 之講解。 志,豈敢 也 謂 性 棄,併其 愧德 孔子晚 可 老 庶幾有 後人。夫文字之發 以 本 未 猶 非 而 成,不可以 所 得 語 贊《易》、脩經,懼道之失傳 闇然之德, 聞 可 以 盡 想見耳。 而失之, 日 哉 孳孳 擬 也。 但 孔 則 因言反求亦 子,然 寫 揮 無以自解矣, 若任 亦亦 真 傳神,畧 願 猶 學之 言 頹 語 足

嘉靖甲寅歲季夏望日,彭山季本自序。

説 理 會 編卷之一

吴 越 季 洪 愈 本 訂 撰 正 次

性 理

氣 附 陽 明 陰 な晦、 分善惡及 夜氣之

理

子 言 太 之 至 虚、太清、太上之云,非 虚、太 白「無 於 雜 誠 極 也 之至,謂 極 而 者, 則 已矣。 清、太上,道家 極 於理 極 至 而 謂 極 太極」 盡 之太 爲 之名, 大太 天理 實耳 極 者,以 極 一之極 , 如 動 則 無 亦 至道 而 蓋 不 入於 嘗 無 生 而 可 言 理者,仁、義、 極 無 以爲太。 至 無 之,但以 名太極 德、 至 聖 一毫私 矣,如 也。 太 周 太 僞

静,互 言之, 所以 理,則當 分陰 顯 陽 爲 分 ; 陽 言於陽明之主宰,而 其 中 静 根 有 兩 而 陰, 生 此之謂矣。 立 陰 陰 焉」, 中 有陽 義、智之所 此之謂 也。 知 陰 太 晦 矣。 以 極 者 藏 動 之 合

也

而

則

動 如 者生 主 極 生於内 陰。」能生 베 動極 乎 無 陽 非 一之人 陽 易者, 故 動 極 謂 中之陰,動之極 而 日 矣,陰中之陽, 而 者 静 静 重 已矣。 機 者皆陽 於 陰陽 静 復 而 初猶 五 也 易 無静 也。 陰 極 有 不偏之名。 由 未極 也,動 故陽 復 下之復。 太 若以 ,然後謂之變,易 太 極, 動。」復者, 極 ,必至末後 静之 生於 也。 重復 者 而 動 言 生之出 而 外 故言於 陰 極 陰 言, 生 生 達 則 也 陽 皆 陽 復還之義 於 陰 則 而 不 機 理 所 静 外 藏 始 故 静 理 偏 也 也, 中之 謂 則 於 斯 日 則 而 陽 動 内 則 牛 動

極耶? 非太極之義矣。

然,正 持 聽 性 故 形 性, 明 性 惻 生而 可 而 氣 則 謂 皆言 之所 爲仁 著之 矣 隱 不 矣。 理 者。 志 命 之器」, 此 知 常 静 非 焉 或 恐認 易》 • 後 言 存 流 心。 耳 爲 謂 此 程 聖賢 則 可 告子 於姑 主,不 之, 性 言 子 自 也,形 羞惡之心」,乃可 爲 生爲 隨 以言道 即 如惻 苟 謂 古 形 論 率性之道。 生 氣 是 無 聖賢 以 息,羞惡 理 則 而 性 所 動 而 氣 生之謂 心 隱 氣之要旨也 生 氣 於 而 動 上者謂之道 論論 以 爲 氣即 者 羞惡 感 惟 理 氣 而 主之, 理 性, 而 或 也, 不 日 理 性, 氣 故 故 是 有 皆 爲 過 不 爲 而 爲 惻 養 無 氣 性 形 性 於慙 性 則 主 爲主 義。 孟 氣 隱 即 如 氣 矣。 也 之所 則 即 氣 子 之帥 性 之心」,乃 此 形 憤 動 氣 心也者, 辯 夫 動 則 蓋 静 而 也 生 而 惟 非 其 性 而 於 語 以 以 氣 下 也 率 欲 在 即 氣 不 即 分

> 也者 交而 也。 道 也 ; 蓋 陰陽之交 此陰 爲 形 形 謂 否 而 而 此 陽之大 下 陽 H 也 者謂 者 用 也 謂 事 分也。 之器 之道 則 《易》 陰 陽 , 指 日 陰 指 一陰 交 用 成 虚 而 事 形 明 爲 則 者 者 泰 陽 陰 而 而 之 故 陽 言 言 道 不 陰 陽

躁,偏 矣。 謂 有 其 陰,陰中 不 陸 陰 於陰 偏 象 陽 Ш 合德 也 有 則 日 陽 陽 則 隨 也 爲 陰 陰 道 偏 而 0 陽已 於 沉 陰 陽 淪 陽 是 則 合德 形 陰 此 則 隨 而 者 墮 1 陽 者 於 陽 而 急 氣 中

無 有 氣 也 者 象 形 通 氣 陰 藏 也 通 一者,氣、 則 寂 則 則 陽 天 之爲 萬 心 之藏 物 於 於此 理者 此 也 見焉, ; 歸 寂,理 陽 焉 也 故 故 者 運 動 0 静 則 時 時 陰 理 顯 之 之 泯 於 於 爲 運

⁰ 氣」誤作「也」,均爲錯 也 原 誤 作 氣 下 簡 行 而致,今一并改之。 理 運 則 陰 之 爲 者 通 之

體

之

靈

爲

之

陽

體 陰 者 濁 明 所 凡 魄 存 者 動 運 氣 而 之 静 著。 屬 也 之 理 於 合 所 昭 往 在 明者 陰 事 由 故 來 陽 分矣。 之妙 往 事 藏 分 屈 至 也 陽 則 伸 也 虚 0 神之所由 則 萬 而 0 明 顯 物 萬 有 至於 而 者 各 物 形 已 歸 各 氣 可 矣 9 顯 藏 呈 想 其 聚 也 者 根 其 本 者 成 前 智 無 形 主宰者 形 此 理 則 主 而 也 本 宰 之 昭

氣 陽 謂 乎 則 氣 主 正 推 陰 陰 成 也 陰 依 行 中 日 用 静 象 照 也 之 事 泊 而 則 荷失 月 陽 矣 未 者 虚 時 所 臨 發者 氣 故 乎 也 也 謂 其 **本** 依 陽 遂謂之陰, 陽 泊 理 正 動 然 用 無 中之陰 者 也 而 運 事 則 也 知 有形 静 矣, 行 陰從 覺 以 常常 不 其 故 雖 也 者 而 香 中之陰 息 陽 氣 遂 麗 氣 理之常 常常 之退 也 動常擾 理 謂 於 也 常存 之陽 昭 陽 一,以其 也 此陰 藏 明 存 乃陰 矣 則 陽 而 理 所 時

> 陰,陽 體 故 陽 鳥 氣 矅 言、 此 베 之暗 不 靈 雖 而 不 潤 鬼 則 常 者 顯 統 夜 爲 嘯 風 蟲 塞 氣 昏 陰, 也 主 亦 蔽 陰 爲之也 微 雨 一也,故 則 魚之偏 無 中 然 有 露、 動 時 之 若 智 知 而 而 陽,陰 陰 氣 覺 識 雷 陰 擾矣,故 不清 可 不 強 命 之 不 中之 以 撓 於 全,常 變 爲 附 類 陽 理 可 主 陽 於 推 雖 以 而 昏 陰 則 也 也 矣。 天 常 類 静 蔽 故 乃 昭 理 推 而 舉 理 陽 陽 亦 明 矣。 正 中 神 有 則 於 時 則 陰

宰,氣者陰 陽之中自有 陽 自 也 不離 有 包含密 得陰以 歸 氣 理 乎 無 氣 也 陰 者 只 之包 陽, 焉,然必得 所 包含於内 見 於 以 之。 理 陽 而 含。 也 亦 中 陰 但 陰、 不 時 而 先 雜 陽以主宰於 殊 平 後 陰 儒 陽 不 乎 陽 中 氣 者 論 陰 知 也 不 陽 此 道 理 陽 散 從 主 則 者 也 微 宰 中 日 陽 時 則 彰焉 至 之 又 乎 似 著 主 陰 陰

之知 爲 即 宰之應乎 也。 理 知 乾 覺 陽 知 不 知 《易》言「通 則 主宰 大始」之知, 則 此 知 知 外 陰 惟 此 乾 之藏 矣 陰 也, 陰 剛 陽 中 之爲 雖 乎 乎 合德 有 當 内 畫 正 陽 理矣。 紛 也 謂 夜 者 擾 之 陽 主 能 雖 而 道 宰 中 人杳 之。 知 而 有 貞 理 晝 知 陰 知 冥 自 之 則 主 所 而 如 知 知 知 宰之 謂 陽 夜 即 道

化 爲 以 氣 自 陽 於 則 於 從 理 爲 至 有 極 謂 贵 陽 無 歸 於 虚 陽 有 陰 而 生 以 至 無 至 概 陽 爲 實 實 陰 有 無 而 以 體 氣 可 者 而 以 理 形 不 而 哉 以 始 氣 陰 至 有 而 離 不 爲 之 復, 始 虚 得 形 不 能 陰, 故 凝 所 者 名 而 理 雜 無 謂 陽 得 其 以 復 氣 言 無 理 之所 陽 名 自 晦 凝 則 之, 形 則 爲 相 也 則 爲 有 可 則 以 理 則 推 爲 陽 晦 形 微 明 失 若 而 移 陰矣。 矣。 屬 則 也 陰 微 混 不 以 於 著 陽 成 理 能 明 陰 則 氣。 所 無 戀 口 陰 屬 著 氣 極

> 主 輕 重

氣 不不 則陽 浮 氣 陽 可 可 在 之散 本 也, 也 陰 真 中 精 但 但 於 之藏 晦 靈 陽 以 處 處 者 氣 於 言 不 不 凝 陰 則 可 可 者 而 陰 以 以 在 爲 爲 爲 顯 陽 陽。 質 陰。 而 中 爲 謂 故 謂 明 陰 陽 以 , 非 非 玾 陰

言

理

本

氣 陽 皆 魂 中 在 者 理 氣 之分 外 氣 矣。 雖 也 而 理 也 而 己。 也 矣。 也 不 氣 氣 陰之主也。 而 理之 之 也 能 9 陰也, 散 實 而 故 理 推 無 無 聚 人 陽言 可 退 盪 理 爲, 歸 虚 見 陽 藏 必 而 體 空 者 乎 之客 必 則 在 氣 理 魄 則 理 在 陽 亦 可 無 實 則 氣 陰 不 也 中 陰 見 形 有 理 爲 中 過 言 者 之 爲 障 如 理 陽 有 乎 浮 見, 野 開 氣 如 中 則 氣 氣 精 閉 馬 形之 見 雖 亦 而 m 神、 明 在 不 不 已 而 可 絪 見, 内 晦 能 過 收 可 見 緼 也 斂 沉 陰 無 見 見 皆

陽 明 陰 晦 明 者 理 之 精 純 晦 者 氣 之

於 毫 之 生,既 天 也 此 動 濁 之 之性。」此以理之墮於氣 凡 也 於 雜 鶻 悪 理 故 流 明 理之呈 也 ,皆陰爲之也 陰之善,皆陽爲之也。 擾 突矣。 乎 也 出 故 至 有不 生而 生之謂 有善惡。 明、 此 ? 有 陽 陽 性 以 露 閉 清 晦 主 善惡 大抵 善。 墮 天 明 也, 濁 雖 而 善 性 於 者爲 有 命也。 昏 皆天 也 陰陽之分不 然 故 善 氣 性 而 則 陰主 形 固 日 質, 惡 名 理 源 人 喻 理,意亦 是性, 氣中 於晦 爲 既 悪 不 其 則 頭 惡 出 形氣 質者言也,故 自 亦 本 蓋 程子 有 實 有靈覺 一於天 善。 而 不 惡 陽 元 不 陰 明 如 所拘,隨 善不自 可 日 善 初 亦 生。 體 開 ,豈得 此。 則 不 既 不 耳 水 更 而 處 謂 語 本 凡 動 口 變 醒 但 陰 之性 陽 不 着 即 不 生 氣 則 化 來 以 氣 則 免 是 質 屬 無 水 謂 而 復

至微者理也,至著者氣也,從微至著

幾自 矣。 而 其 復 此 故 無 歸 發 不 世 於 也 直 無 其 幾 無 無 不 中 Mi 息 生 謂 即 有 之 是 微 而 氣 言 有 母 化 萬 爲 又 有 無 所 似 者 乎有 也 而

故 心 謂之 理 也 明德 者 陽 爲 明 氣 之 所 昭 蔽 著 則 也 晦 矣。 得 理 爲

,昏昧而 理 氣開 之呈 則 爲 露 爲 陰矣。 者 知 覺, 也 氣蔽 氣 凝 則 而 爲 蔽 昏 陽 昧 則 成 知 覺 形

其 焉, 故 也。 之義 、靈不 也 觸 而 陽氣之復 其 即 氣 默 昧 蠢 結 覺 雖 運 亦 然動者, 成形, 則 者 是 陰 也 屬 未 通 靈 嘗 乎 乎 ; 凝 復 陽 然 息 亦陽 夜 爲 而 之知 無 ,故死塊 死 靈 知 露 塊 者 此 覺。 也。 而 足以 清 之中 木 其 時 若 通 於 中 明 雖 靈 而 陰 默 孟 默 知 在 露 子 陰 運 覺 陰 知 베 夜 者 泯 譽 中 重 運

知者,天理之明,心之主也。知不爲

蔽 於虚 行 之官 而 觸 天 則 也。 寐時,魂 知昏則物 主 之氣 卒 者 即 地之昏夜同,乃氣機 此 則 歸 矣。 所以 覺 重 不 晦 静 於 思 而 無 是謂 藏於魄,五臟之神各歸所 人宴息」, 然游 擾矣。 散者 而 醉 一是心 不 所 易 香 生 偏 虚 夢 開 氣 ,物交物,引之 勝 動 靈 不 死 往 惟早作 此 雖聖人亦必如 而 爲 則 也。 來,常依 虚 散 衆 清 主 出 而 人 通 也。 夜氣不 夜休 無主,所 人之常 其 氣 而 其 昏 有 知 無 而 室。 不 與 足以存,正 偏 有 主 已,由於心 是。 也 香, 散 勝, 以 寓 則 時 聖人 常 者, 知 而 故 則 則 此 當 所 五 與 其 氣

理氣分乾坤之德附論自然

言 確 然 陽 能 堅 主 剛 陰 不 曰 屈之意 乾; 陰 也 不 撓 坤言 隤 坤 然 頹

墮無爲之意也。

失 坤 道 也 也 理 主 理 墮 乎 氣 於 氣 則 則 氣 氣 之 之 流 流 行 皆 行 道 皆 妄, 乾 坤 統 迷 平

者 之外 可 無 性 動 庇 順 者,陰陽之德 地 而 屈 動 者,仁 陰陽,故以 無 其 静 矣 爲三則 ,形而上之道也,主乎陽之明者也 廕之義也。 之大象。 爲,其 無 迭 天下之道 德 陰陽 陽 運 義 確 不 含 合 爲 然 德 循 可。 於 陽 陰陽、 I德、純 也;仁義者 統 氣 環 隤 也 陰 陰 陰 義之外無剛 無 陰 蓋 顯 者 然 剛 則 而 端, 陽 ,發揚之義 剛 承 於陽 爲 元、亨、利、貞往 柔 已矣; 盡 柔、 陽 不已之誠 庇 爲 動 之矣。 則爲 ,剛柔之善也 廕 質, 則 而 仁義 已矣。 静則 主 仁義 柔, 庇 發揚,發揚 也; 互相 進 陰 廕 剛 主 而 也。 爲 則 陽 陰 故 來 柔 發 退 其 故 德 者,天 也 剛 不 之 健 性 明 而 則 健 其 則 順 柔

耳。 在 晦 在 地 示 天 夫 。 矣,故屬 相 主 無 知 者 此 藏 形 至其 通 爲 則 之剛、柔所化 也 乎地。 軟 加 可 一,但 氣 剛、柔之德 以 機 此 虚 知 則 所化 凡在 靈 理 形 氣之説矣。 之體 而 凝 地有形之堅、軟、 也 在 下 爲 之器 天主運,本 在 形質 然堅、軟之 天 主 而 剛 乎 在 亦 陰 者 地 形 未 之

之動 爲主 之地 亦 得 也 能 不 其 主 一乎天 天 當 道 若 雜 凡 而 乎氣者 地 言 不 ,所謂「二五之精」是 者,則客感至前,物各付物,皆天 地 則 惟 加 之道者 天 雜處,理之根於 則 順 陰 積 爲言矣。 理 而言乾道也, 之,無 不 塊耳,不可以言 者 撓陽, 「,則理 ,皆指陽剛 所 雜 故 與 亂 謂 氣 健 所謂 之順 者 交,妙合而 也 而 不雜 也 氣之 理 無極之真 耳。 精 之本 所 以 即 而 其 真 或 形 理 謂

《易》,乾爲天,謂之陽物,坤爲地,謂

指氣矣 中庸》曰 中 陰 理 矣。 物。 ***** E 地 天 斯 體 體 撮土之多」,謂之「撮土」, 昭 暗 昭 昭 濁, 之 明, 多一, 故 故 言 言 謂 地 天者 之「昭 者 常 常 昭 以 理。 則 則

陰之晦 帥 氣 善主理言,以其 也 發 男 而主於 自 統 莫切 越。 能從,則陰不撓陽 ,故《坤》曰「順承天」,而女以從夫爲 非 天」, 然 自 道 男 無 形 也。 形 爲 退 女 陰 於「惕若 而 故 而 非 陽, 藏 而 男 而 理爲主, 乾健 上則 無 上 女 得 以 陽 即即 陽 陽之明也 陽 爲 帥 坤 爲 運 加 爲 理也,器,形 陰,此陰 妻 善 形 順 則 陰 而 得 多 者,陽 容 爲 以爲 爲 陽 自 陰 順之 正。 9 順 能 故 爲 形 惡主氣言 常 帥 陽 動,故《乾》 多 爲主也,善之 加 爲從 陰受陽 形容 陰 剛 之大 放故 下 而 明 而 則 莫切 下, 常 健之爲 而 爲 八分也。 爲惡 以 柔 即 主 健 良 其 氣 爲 晦 於

惡矣。明也。若陽不爲主而陰進焉,則晦而爲

學,不貴自然而 屢發 主矣。 矣。 惕」,非謹獨乎 正 也 其則,烏得謂之順哉? 也。 耳。 道,自然者也,道 自然者也,然命曰「天命」,則天爲命主矣。 自然者也,然以承乾爲 一,以其得中,故有「介石」、「見幾」之斷 恐一人自然則易流於欲 能 其 聖人之言,如此類者亦多矣 和,自然者也, 故「惕若」者,自 自 順 」、「堅冰」之戒。 苟無主焉,則命也、道也、和 意。 ? 然者,順理之名 舍「惕若」 如坤 貴 之初 於謹 曰「率性」,則 和 而 然之主宰 曰「中節」,則中爲 獨、乾乾 六始交於 《易》於坤道之順 也。 德,則主乎坤者乾 言 豫之六二亦坤 耳。 順,則隨 理 非 也。 性 故聖 因其 「惕若」 順,則 爲 也 氣所 如命, 夫坤 道 時 皆過 有 主 和 何 動

> 氣者 可 理 也 可 以 也 自然者,流行之勢也,流行之勢屬 反之。 勢以 故語自然者,必以理爲主 漸 而 重,重則不 可反矣,惟 於

八

若其 不 坤 聽 而 聽 乾 乾 也 也 則 則 有 無 所 所 係 牽 累, 纏,謂 謂之自然。 之不自

故 能 則 主 然與不自然,心安與不 勝,心生厭苦,斯謂之不自然耳。 其 理 '則雖無爲'自然亦流 然則 心 明,「氣壹」則理晦 自 猶有 然 氣爲擾,「氣壹之動志也」。 則 氣 所 不 不 擾,「志壹之動 安 也。 , 雖晦 安之名也。 蓋 於不自然矣。 理 而明不可息, 欲交戰 氣 也; 「志壹」 志不 爲 自 不

^{●「}正恐一入自然則易流於欲耳」句、《明儒學案》按

之所 貧 則 大 成 也 行 謂 者 德 一故命 可 賤, 質之美 ,此一定 之天 即 動 以 是 ,命之晦 以 而 天、命二 則 爲 爲 得 氣 限 則 謂 自其流行 (惡殊。 命,豈 禄 堯 機之動,然未 之 隨 之天 而 位 舜」,所 字 也, 盈 氣 不 名壽,所以 本 虚 所 可 命。 使之隨 盡 能 不 重,而 異 易 性則復於明命矣。 而 變之者惟 以 相 天豈 也 言 變昏弱也。 命之以 離 氣 ,謂之命。 大小、厚薄各有 有不本於主 有私 變貧 動 故命之以富 自 哉 其 盡 昏明、强 ? 賤 命 主 性耳。 哉, 也。 宰 故 而 宰 隨 則 涉 但 命 所 流 氣 氣

者 不 也 由 我 性、命一 制者 由 我 制 命 也, 者 之 性 本 運 列則 無 之存,則 彼 屬 此之分。 於氣 屬 於理 而 但 自 幾 而 外 來 有

理

謂 既 制 靈,是不 日 也 亦 者 仁、義、禮、智之行, 智言性 耳、目、 内 命也 一,體常 命 性 而 爲仁、義、禮、智, 出 耳 者 也 言 君子不謂 」。 」 此 而 口、鼻言 也 可以 暗 雖 但既 不言命, 塞,是 耳、目、 明 性 命言於性 理欲相勝之幾,欲人盡 爲 命 性 命 不 耳、 蓋 也 意 而 口 明或不全,亦命 可 隨 則性之善也 正 目、 不 以 由 也。 鼻之欲 理 謂 言 氣之雜 性言於命 口、鼻, 此。 性 氣 故 分焉 以 日 情 蓋由 者 則 或得正 而 體 君子 理之一 也 命之拘 義、禮 孟 也 言 性 常 子以 虚 旧 雖 故

别 然天命各從所遇 之「至」,則以流行 也 也,合而 : 但謂之「爲 命 莫之爲 出 於 言 天, 而 之, 爲 則不 前 者 則 之勢言也。 則 天 皆「於穆 單言之者如 以主宰之德言 容 也,莫之致 有人 之不 此天與命之 力 而 之 已 死 至者 也 私 也 謂 命 故

率 聽 其 命 禀,有定分者也 命 於 天 可 即 是天 命 天 諉之於天命 富 之性 理 貴 自 豈 在 也,性 然 有二 天 耳。 Ξ, 哉 而以爲「有命在天」,豈 則 哉 蓋 命 故「永言 ? 謂 互 之在我者矣。 人當 文 死 生、 爾 配 順 富貴 命」即 受其 天 即 在 正 是 所 所 以 謂

乎 以 謂 此 所 薄 뻬 ? 外 之 致 遇 生 之 當當 命 至 其 類是也。 而 命 故 命耳, 有 之無常形者,皆氣之所 不 當 死 則 拘 可 脩 而 天 於 避者, 死 而 命 贵 此 所 脩,當俟 謂 也 亦 生來之有定限者,有迫 禀 ,若曰天 命 命本如 水火、盗 而 也 不 而 可易者,清 是謂 此,而人可 俟,命 使 賊 之隨 爲 立 之 也 也 命 類 時 ; 是 濁、 以 當 盡 然均 也。 於 生 委 道 厚

之, 則 通之幾,致命遂志則天命顯 故爲其 無 於 氣 從 所 耳 氣之命, 掩 氣之勢 然 天 但命之流 無 重 終 則 晦 天 之 行 亦不 理 動 能 必 勝 動

> 順 雖 則 得 立 人 以 而 不 説 受, 則 殀 天 其 爲 可 而 、遇之, 足,此 易者, 亦 禍 ; 濁 爲 即 遇 不 者 正 是天 遇 自 自 能 時 則 一命矣。 則 天 如 人 善人則福 天 則 爲 愚, 之 而 謂 人 所 命 富 主 言 之 之數。 定 付 得 貴 也。 也。 謂 不 其 命 與 不 之命 厚 可 於 0 也 但 順 遇 此 者 以 受 天 如 時 也。 皆 則 得 爲 以 然 而 乎 則 氣 其 壽 氣 此 物,手之不 此 其 貧賤; 化之往 清 化之流 與人,使之 則 得 就 有 者則 命 其 人 自 遇 薄 定 身 行, 可 而

此 殃 也。 其 言 是 出 所 命者 也。 在 付 命 天命之在我者 天命未嘗有爽, 故 皆 , 天以此付於人,曷嘗 而 謂 有自天而言者, 順 之正 謂之天 受之,以天命之 命 命。 性 而 也 違 有自 在 氣 我者 其 法 數 人 正 由 有 在 之 非 則 此 而 私 所 我 正 立,命 言 作 者 禀 一命矣。 者, 爲 故 所 降 由 主 隨 遇 凡

栽 性 下,皆天也。 禹、啓之有 所 寓 窮 盡 命 前 命 道 順受而 或通,或 蓋天主 下,不論. 而言。 凡 立 命 傾 言 自 則 覆、 已,故 命者 一於生 吉 壽 天下, 我 爲 福善、禍 凶 或 故凡言命者,皆自天分付人 立 正 皆 禍 物 日 殀 者 命 益 福,各 無 氣 「莫 天 也。 命 與 淫 能 非 化往 所 堯、舜 也 至於 立 亦 盡 命 容 能 天 其 也 私 來 然 命 因 道,此之謂 正 焉 隨 之 有 者 人感召,而 也 其 子 但 自 所 不 天 能 使 氣 故舜、 遇 有天 命 聽 而 之 隨 立 天 或

也。 命之以 正 能 得 耳。 其 盡 E 天 但 刑 未 而 因 所 道 盡道 其 斃 戮 有 當 以 安安 ,皆天之所爲也,故 正 不 死 犯 則 而 正之命,人之所 然 刑 於 能 命之以考終, 憲 其 立 由 所 命,雖死 不 而 當 盡 至 死, 道 於 以 桎 則 者 因 處 致 梏 謂 人 日 其 則 之, 之正 所不 「莫 以 不 有 死 非 則 正 正 命。 命 而

之非正命。是正不正在人,而不在命也。

安受 殺之 不知命矣。 也 而 桎 梏 不 若 死 怨 行 者 則 險 雖 其 亂 非 良心未 真,巧 E 命, 求 泯 荷 能 而 免,則 歸 於 死, 尤 尚 司 寇 爲 能

總論天道性心

成,故 也。 所 未 本 元 「乾」而 體 以 之幾見之,所謂「繼之者善」也 有 統體言 行 也 性 性 不 曰「成之者性」。 健 本 已,言乾惟 具仁、義、禮、智而 利、貞者, 也 者 也 也,性與 於天者,此 命者,理之流行 故 故 生 日 理 上古仁、義、禮、智之名 天 「天命」。 日 之主 一也。 「元、亨、利、貞」而已。 即 純純 於 天 而 爲 即 心 亦 夫 不 聖人言天惟 心, 者 性 不 Ė 流 也 之所從 己, 即 者 行 9 付 者 也 德 天理之 天之 於 以 方 此

善與 苟 氣禀 氣所 流行處只是「純 定 加 性」,其説蓋 嘗有私哉? 命事而言者, 而 天 言者 與 以 墮落焉 劫 「天明」也 性」也。 非天降才爾 氣 爲, 爲 性 人 成 化 ,謂以 分前 人者, 豈天有 而 而 爲 ,則屬氣 也 不 命,烏 至於 不 而 由 後 知其 謂 善 通 由 此 可 性 此 二時也。 分付 我 亦不已」之善,道之所以 殊 世 謂之「天之明 隨 即 易 誤。 亦 得 以 化,非「天 爲 也, 儒 孟子 氣 因 爲率性之道哉 健 我 則 善自分付也,人道 以 如 所 且如 之。 德,於是始分天命 也,天道也; 爲「 自然言天,則 性善之宗旨, 可見天之生物, 此之命哉? 遇,順其 但命有自天 成 人有 告子「生之 行健」之命 命」。 之 生而 者 勢之自然 性 明命曷 有自心 兇 命我 孟 已 非以 也。 矣。 謂 順 其 爲 暴 子

自理而言謂之天,自禀受而言謂之性,自程子曰:「心也、性也、天也,一理也。

説 有二。 知覺 天之 則 矣。 之張 耳,其實非 天外無性 覺」,則不知 受言性也。 説,故言性於道後,言心 之名,合性 存 率性 故往 與天 諸 名, 但以禀受言性,則從天上分來,未 子較精,以 知覺 爲一也。張子言天與 而 不若言「自其 往 性 由 也 欠真 有 與知 外 即 氣 其曰「合虚 性即 謂 無 是 自其 化有道之名,合 之心。 切。 也。 道也。 覺有心之名。」程子之説 理言天,以 性。 是情,情 所存處言之, 先儒言道多主氣 能 故《中庸 張 言性 與 於性 生 子 即 氣」、「合 而言 存言心, 日 只 是道,心 後 道、從氣 . 虚 > 言 曰 2,是亦 ;謂之 則 與 由 天 道 謂 性 無 氣 太 之心 命 只 即 與 以 化 性 有 以 虚 知 禀 免 是 加

意 物 所 本 受爲 於 天命之性, 程、張二子。 性」,是以 性 即 命屬 程子曰 命 也 於天,而 天 朱 子 所 論 賦 性 性 屬 於

者 多 性 也 者 物 之實 一,但以 支 言 性 理 離 也 也 性 而 已矣」,乃爲 鶻 德 虚空言天,氣 其 張 也 突, 亦 名 子 此 性 有分言 之名 朱子 皆二 與 知道 心 每 天 處 説 化 與 以 則 起 之本原 言 物 道 自 然 之 性 道 其 非 亦 也 混 則 具 所 以 耳 於 於 未 其 以 惟 X 出 有 語 性 日 者 以 於 天 天 見 而 天

天命之性附氣質之性

德 月 虚 着 也 其 魚 貴 、星辰 所 之類,有隨 虚 物 有主, 健 亦倚 謂 者 形 則 天 、水火、土石 是 非 虚 於 而 有主 物 虚,不 明 氣 下 其 之 感 者 所 之 應 順 也 可 重 而 虚 也 ; 其 、風 而 大 然 形 莫節 誠 動 物 雨 就 而 夫 存 也 曲 以 下 誠 其 露 於 爲 成 虚 者 過者矣。 中, 氣 形 言 主 無 化, 鳥獸 天 於 有 是 而 爲 形 不 如 則 得 蓋 者 健 恐 日

> 若 體 大 天 胎 風 健 亦 之 夫 鱽 雨 則 非 有 形 性 日 時 人之性 卵 爲 則 健 贵 時 而 蝕 殰 著 氣 也 上 而 有 星 뾆 空之虚 統 者墮於 氣之 與 口 不 流 若 於 憾 天 健 性 不 耳。 哉 草 地 Ш , 物 矣。 形 之 順, 崩 木 爲 故 而 無 性 裕 是 苟 氣 所][[所 下 健 惟 所 竭 惡 者 主 無 也 乘 德 於 健 此 歲歉、), 故 則 任 則 不 故 誠 虚 性 其 爲 者 陰 能 雖 命 往 其 謂謂 主 年 陽 順 天 於 來 德 也 也 和 X 之 其 氣 而 不

哉 偏 結 神 如 可 不 未 於氣 測 能 之 之 者之未 物, 顯 遏 天 能 也 體 但 其 開 而 而 氣 虚 暢 明 氣形 神 神 覺, 空 盛 達 以 不 則 丽 故 故 是 醉者之未 合一於天 靈 而 陽 虚 謂 神 矣。 常 之 空 陽 藏 從 伸 一爲 明,一 於 雖 其 也 其 醒 體 其 然,神 所 所 雖 中 耳。 好 蔽 則 感 無 矣 猶 而 贵 自 思 知 則 在 氣 此 真 氣 所 然 無 陰 形 好 本 可 不 爲 而 中 靈 凝 M

知天命之性所以墮於氣質之故矣。

見,而 是性 繼 智 者善」也。 之心可見, 미 不絶 以 以言語 本 成之者性」也 也 上不容説」,謂 無 性 其名爲 一,謂 ,善端之不能自已者也 名 不 形容也。 可 而 自其成 因 見 感 義矣。 其 見而 物 名爲仁矣; 因 而 善之本而言則性矣, 生 有 又曰「纔説 性之本體無聲無臭,不 動, 仁義者 名。 而 生意 可 程子曰「人生而 見。 曲 有羞惡之 滋 一,故 性時 性 萌, 仁、義、禮 而 曰「繼之 生, 有 便 心 惻 己 故 相 可 隱

爲主 可不 意。 中 氣質 加 庸》篇首發之,聖 謂之性」,亦自形而 一而後墮 天命之外 性只是天命, 下謂之器」之意也。 之性,善反之則天 於氣質 無所 聖門 耳。 謂 賢 氣質之性 論 恐此 張横 地之性存焉 學,始 下者言也。 程子謂「惡 義 渠曰「形 不明, 也, 終 只 但 是 亦 特 而 理 後 即 不 此 於

> 爲道 己 語》言 移」,乃言其不肯移耳,非謂氣禀之性一 我,但人自遠 베 不 者皆以「近」言之,此與「道不遠人,人 可易 而 性 遠 也 相 之耳。 近, 意同。 習 相遠」,謂 聖人 若「上智與 語 意 性 不 本 迫, 下 不 愚不 凡 遠 定 切 於

凡己 其從 也。 性 口 之生 則 而合言之也。 所 虚 乖 若惡,則各私一氣,於物 性善二字,本 欲 一理也。 體 忤者多矣,是惡也,背理之名也 流出 思 與 此 人 洞 心之發,必 同 然無礙,故能 性 於「 是善也 是天 繼 之者善,成之 地 有 生物之心, 不 良 通,荷 所 通 心之美名 不忍,以 於衆情。 有 而

不 而 善,非其才之罪也」。 日 「乃若 孟 子論才只 其 情 則 就性之良 可 以 爲 蓋 性 善矣」,「若 能 具於心,心之 説,故言性 上夫爲 善

養 哉。 自 氣 什 乎 以 本 隨 耳。 質 者 説 主 也 口 能 ? 」,志 亦不 0 程 無 氣 孟 原 其 理 中 矣。 心 運 若氣爲主 分 之正 言 分 子 程 此 當時告子之徒 不 用 又 之説 以 子乃 之説 心 岐 數 兩 動 爲 處 日 正 氣 志 志 而 爲氣 事 多 氣 是 主 一恐爲 所 以 始 爲二 爲 氣 志 其 爲 寡 才 者 而 蔽 加 主 並 則 氣有清 曰「論 勝 什 動 不 以 不 涵養、 氣 故 矣。 氣 論 故 思 而 氣 備 九 爲 所 性 皆以 動 不能 者什 也, 不 也 高 雖 性 善善 勝 故於氣 濁 如 志 此 克 思之罪, 下, 分數多寡 不 也。 此然 者 論 而 以 奮 治 氣 氣言性 不 九, 論 **一般**,乃 才亦 什 豊 志 才, 何 思 省 氣 若氣之清 上 後 九,志 氣 必 爲 可 是 則 1察、矯 求 一, 故 有 主 動 與 非 不 爲 適 性 助 不 以 者 志 性 備 足 才之罪 其 動 孟 隋 同 持 分 言 揉 者 以 並 氣 子 盡 在 濁 之 疏 什 論 蔽 者 則 是 特 氣 才

也。 爲 肝 濁 肝 通 盡 主 火 又 識 粹 而 五 也 氣 皆 一於潛 禮 臟 可或 氣 生 氣 不 ,主於發達; 0 川 既 此 如 氣, 有 偏 之 凝 盛 而 五臟之氣, 美 氣 凡言氣 微 赤 潛藏 氣 開 之,非 氣 藏 故 而 開 肝 而 有 子 則 有 往 駁 爲 肺 , 氣 也 而 謂 氣 所 清 斂 爲 來 質,皆 則 土 心,主於 0 歸 不 氣 之正 物之偏 未開, 開 濁 歸 智 氣凝 不 惡 發 金氣 於 不足 足 人得 之謂 體 已者 質 則 達 以 平 0 故 謂 魄 是 爲 則 以 而爲脾,主於平實。 凝 勝 爲 通 得 實 夫仁、義、 言 其 氣 清, 也 勝之, 濁 其 也 之, 而 明 而 爲 全, 有 粹 竅未 0 氣 爲 明 氣者 信, 清 氣合而 駁 則 收 氣 勝, 水 肺 如 則 生 則 濁, 者 斂 過 凝 通 氣 ,主於收 木 此 其 禮 矣。 過 可 而常昏 爲 爲 於 改故 質 凝 五 氣 行 或 、智之 同 蔽 於仁; 質 義, 有 也。 而 臟 凝 順 開 曰 未 其 爲腎 粹 序 之 通 斂 美 閉 有 而 心 而 而 駁 中 神 此 爲 質 旧 明 不 知 爲 不

者,有 齊,此 純,不 清 脾 以 不足以 纖 盛 偏 但 之義,在 者見之謂之仁」,然猶 濁、 之所以 餘 既 不 脾 而 而 偏 氣 能 得 又 厚 粹 亦 餘 在 合於 盛 制之,亦 於此 駁 肺 然。 香 爲 肝 氣 心、腎、 異 而 既 明 美 發者 之 亦 也 餘 中道 此 偏 中 質 偏 而 氣 强 順 所 脾 得 薄 盛 矣, 盛 又 弱 耳。 有 謂 序 於 發 謂 而 而 雜 得 此 彼 而 貴 「智者見之謂 不 又 者得謂之禮、 之仁,在肺 之, 得 若肝 其 質 不 賤、壽夭、高下 者 雜 順 · 偏 有 則 厚 序 以 氣之純 既 其分數萬 粹駁 者 ,於是駁 餘 偏盛 氣之中 故雖 氣,心、腎、 有得 發 之謂 之智 。 餘 智、信、 者 而 不 有 其 既 而 又雜 得 免 氣 也 洪 薄 不 偏 不 於 雖

火、 五 五 德 德 土 運 爲五 故 義、禮、 五. Ŧi. 氣, 一德者 氣,五 心 智、 五臟 氣 肝、 信 凝 爲 脾、 之 爲 五 神也 <u>Fi.</u> 肺、 德 臟 腎爲五 金、 得五 五 臟 臓 化 臟 中 爲

> 體 之累。 不 也 凡 和 謂命 即即 爲 之 ~德,則 物 但 復矣。 也」,亦謂此 性 若 欲 本 所 所 氣 虚 禀 累 孟 質 靈, 者 清 子 偏, ·曰「命 明 耳 皆 隙 則 由 義 有 物 理 氣 也 開,悉 欲 昭 禀 9 有 隨 著 有 性 偏 偏 能 自 而 照 勝 無 君 破 之 物 全 根 故 欲

之以 其心。」正 木 深 Ŧi. 而 和 重 水火、 之德。 作 曲 意。 臟 五. 則 以味,濟 臟 甘 相 直 <u>Ŧ</u>i. 則其偏益甚矣。 爲 醯 之 夫水潤下 行之生,各一其 西。 而 氣質之偏; 此 《洪範》言 醢、鹽 偏 作 其 贵 五 意 勝 酸 不及 無 臟 也 也 梅 因 金 與 而 以洩其過,君子食之以 以 從革 五 如 而 五. 晏子 作 氣 烹魚 味 性 分 行 鹹 故五 不 偏 類 相 而 而 性。 告齊 偏 肉 哉 作 宜 火 繼 於 味 而 ,宰夫和 万 炎 辛, 以 所 性 景 不 以 上 五. 勝 若 公 但 所 味 蓋 加 味, 從 爰 偏 者 五. 飲 有 則 作苦 之, 食之 之 稼 所 行 亦 其 爲 平 與 穡 有 所 齊 中

故 賴 哉 以 養 生 亦 醫 藥 資 之以 療 病 也 豈 細

治,其 發,是 代 負 容 蟻 庶 不 虎、狼、蜂、蟻 性 昆 説 過 子 可 狗 此 蟲 以 哺 渡 於虎狼; 雖 朱子以 謂 者 次 但 氣禀之偏,非 兒 言天命之正 河 至微之類, 私 生之性 則 也 亦 於 隋 顔 虎 其良 所愛, 而已,今人於父子之恩私,豈 惟 氏 侯 於君 狼 前 之烏 龜 之 之父子、蜂 心感 蛇蛇 龍 私 臣 孰 天命 非「人生而 助 啣 之嚴 於 無 動,發 麟、 珠 所 墳 之正 畏, 文輝, 豈 報 集 隙 鳳 蟻 德 土 於 也。 之明。 之 静 便 之 董 真切之誠 劉 靈 從 不 君臣 以 夫鳥獸 昆 通 過 生之雞 上 氣 不 之虎 之 一言物 於 禀 於 但 蜂 1

道附經、權

《中庸》首章「率性」之「率」,或作「帥

覺 兼 未 物 以 夫 以 外 道 子 宰 領 行,故謂之道,「性 而 立 之性 方 誘 本 盡 屬 以「率」爲「順而 道 所 字 之,雖 道 知 物 是 夫 教 也 , 動 則 謂 豈 解 説 古之 前 故 性 能 率 恐 9 求 照 從 脩」者, 性 · 性 自然之中 盡 非 殊 禮 則脩 以 其 有過不及之差,故以「脩 以 破 外 内 教 其 天 不 、樂、刑 教終焉。 禮 在 面 性 脩 性 即 流 知 道 我 、樂、刑、 亦 矣。 著 皆以 道 外 出 之 性 説 上贵 而 惟 得 ,何待於脩 只 循之」,可 自 誘 其 不去,不 己。 治 政 能 去矣。 人 身 從 覺 天 教 條 亦 去外 能 盡 力? 教 政 身 ~ 者 有 德之健, 理 只 其 加一 脩 集註》 , 其 上 未 乎 誘耳。 是 得不 性 脩 謂 ? 故 乎 帥 ? 蓋 身 由 吾 必 物 皆 知 道 身 Œ 以 歸 能 如 但 哉。 自 之道 性 處 性 脩 脩 路 而 道 此 能 於 有 欲 言。 聖 道 自 去 主 而

於 性,倚迹爲 知求端 即 曲 道之大 是 教 盡 道 處 而 , 道 於天, 9 始 原出 古 道 即 亦 是 此 於 則 脩 而 天 性 成 己 假 健 性 之 己 聲 德 色 成 道 爲 即 言以 以 物 也 主 是 爲 之極 0 天, 贵 教 盡 天 哉 至 之 董 命 功 く矣。 ? 混 子所 之 也 性 氣 謂 爲

此 爲 慾。 此 不 道 字,勿以 戒則著 則 睹 良 處工 中 不 則安, 蓋「不 知 不 中庸》言 庸》言學 夫正 安, 聞 良 意,恐苦於難; 戒之之辭言, 能之 之 即 即 可」者,心之 見天 中 孟 孟 惟 所 道 而 子 子 命之本 不 惕 以 所 所 也者,不 能 然 謂 天 謂 命 自 有 所 勿 「心之同 順 「羞惡之心」也。 體 之性 戒 已 不安 以 則 慎 處 可 從 順之之辭 爲宗 故「不可」二 須 ,天之則 處 然」也 心、恐流 恐懼之 臾 也 離 與 也 也 於 道 於

不 雜 於氣耳。 性之道 言天 心體嘗 命 明, 也。 幾不可 謂 之天 遏 命, 雜 於氣 其

> 矣。 世儒 惟 者 性爲主宰,則任 養 不 張子 其不 言 能 道 也 雜 以太虚言 。皆 之 故 以 本 君 .氣自然,不可以言誠矣。 天 體 子 天,以 地 之學, 而 已 之大化言, 故 氣化言道,然 即 道 吾 不 心 待 之 則 於外 明 主 德 一乎氣 不 也 以

哉! 惟 雜 人全無所異,烏 沉、升降 健 謂 任自然而 而 聖 佛老之學,於義不 之 門 宰 中節 ,自去自來 平氣 所 不知 謂 化 道 若不 得爲聖人之道、君子之道 其 者,自 者 非者矣。 也。 乃氣之動耳。 就 人率性 主宰上 精 故 其發 有 隨 説 而 也 氣 道, 言 犬 至 所 4 則 精 以 血 浮 不 別口

常道 有「禮」 孟子「 權 只是經 也 似 漢 男女授受不 又不 與「權」之分,乃 儒 常道 以 也」,蓋 以 反 歷 漢 經 萬 儒 親 不 之説 世 合道 取 與 而 其 不變, 日 爲 爲 嫂 説 非 經 溺 矣 也。 權 惟 與 援 權 朱 事 之 程 則 以 子 亦 有 當 則 子 經 手 常 有 以 H

娶, 若 於夏禮 説 廢 嫂 手」之「權 奪之食,踰東 屋 所 所 所 拘 權 有 男女授受不親 權」矣,此 溺 以常 爲 廬 損 謂 者 變,事 輕 時 經」哉? 益 而 乎 子 「時 迹 重 Œ 起 可 ? 以手援,於常 道論之,則 食 而 於 紾 重 也 周 中,正 迹 Ľ, 所 色有 制其 以 其 而 之 大 兄之臂 雖 見 祭仲 制宜之中 、 變 不 於 家 變 謂 重之,亦禮之所 如 常 宜 反 重 謂 殷 其 墻 損 」之「禮」, 也 道 者 一於禮 廢君 道之能 則謂 禮 可 而 不 益 反「經」,則終 而 之 亦 拘 奪 道 以 爲 損 摟其處子, 必 只是 則 之問 禮 之 常 爲行權。 禮 益 禮 之食,踰 何害哉 不 ,於是 者 盡 權 與「 常 隨 而 可 是以 迹 可 變耳。 ,道之常也 道 食,不親 時,非常 從 變 也。 嫂溺援 也 非 宜 隨 夫祭仲^{*} 兄之 亦可 東 也 事 常 也,曷 迹言也 時 家 漢 《中庸 之不 如殷 孟子答 道 處 之以 以 墻 儒 臂 道 就 迎 ,其 也 中, 之 之 如 因 爲 而 而

> 道矣。 智不 其 以 權」,欲人 何 於是 摟 學,雖能 變通,此道之所 矣。 常迹,而於「道」 云合道乎 序 語 其 以 蓋 能達 足以 不 權變、權術之説 處子之類 如 權」, 道 可 此 有 立 亂, 則言「經」足 ? 造道之 周 常 其 不 萬 然 其 心 不 哉? 易 也。 物。 則 功不 字 而 以 流 方 極 漢 亦 無 於 爲 其 」,而於道 感 也 故 儒 可 定 不 行 權 矣, 反常道 應之間 日 時 於「經」字亦 息, 體 知 變、 然「 而 可可 然 中 隨 爲 知所 枉尺 必 權 經一不 與 未能 天理之正 已甚, 也 時 繼 術 迹猶 立 先後 直 順 之以 者幾 立 未可 君 應 尋者多 只認 亦 未化 貫 子之 而 則 以 惡 也 近 遽 间 盡 是 與 得

方 未 權 其 發 事 之 凡 重 至 事 中 而 之初,已移步换影矣,隨 至 處之,故謂之「權」。 此 ,處之各當 不易之常 道 故謂 中 節 處 之「經」。 機 之而 皆 而 本 應 中 於

「經」、「權」相對者耳。事之名也,但以事之不常有者言,則若有節,則即是「經」矣。故「權」者,不執於前

說理會編卷之一終

説理會編卷之二

吴袁洪愈訂正

吴袁洪

性

心

實。 禮 之所以爲 不見,睿 四 竅 於 ,當其渾然在 、智,德之所以 達,不倚於偏,故 肺 有此理,非實 也者,天 無 明 靈也。 主 不 通 魂 中,是爲仁、義、禮、知之 理 知 知 爲實 而 惻 而 在 發 隱、羞惡、辭 無 謂 何? 中 竅於肝,睿 也 之 不 之 受。 虚 名 聰、明、睿、知 聰 靈 也 無 聰 讓、是非 不 主 主 蓋 以 聞 神 魄 其洞 明 而 而 之 虚 無 發

> 也。 哉 不聞 不受,則不得謂之睿知,而虚靈之本體 不 不 聖者,其聰 出,是「學 明睿知惟聖者能之,然不必語 不 有 미 虚 見 能無所不聞 之 以 虚 何 於 知」,皆謂之德,但有 人能一於恭敬,則聰 爲 ,則不得謂之明; 則隔 思則 形 體 心 全 聰 迹 而 知主精 耳 明 礙 知」者亦 ? 皆 無 明睿 睿知」之「知」,與「仁 而 統 所 故 不 於 則 視則 不通,藏則 知 而 能 可 心 不 雖 發竅於腎,謂之 通 者 以有 得謂之聰;不能 無所 亦 萬 不能無所 也。 發於 物 虚 此 不見,聽 無所不受,少有 明睿知皆由 矣,烏得謂之靈 視、聽、 實之分耳。 德 見聞通受, 也。 「生知」之資 不通,無所 一義禮 未 則 思 竅 無 至 無 則至 知 未 所 聰 於 此 所

則 虚 所 明 者 謂 心 言 體 虚 未嘗 虚 者 則 乃 可; 不 是著虚,著 虚,但 若 以 無 以 善、無 虚 性之至善、 猶 屬 不 善 善 爲 氣 也,其 本 來

謂 爲 所 脱 流 之 忿 氣 行 不 從 踰 懥 化 處 矩 之 心 謂 恐懼、 見 之 也 所 氣 欲 以 化 好 而 其 樂、 已 由 然理 憂 子 虚 患 以 而 不爲 者 生 動 不 爲 雖 主 同 性 比 不不 到 亦 心 但 可 底 以 可

博 有 者 天 氣, 同。 氣 昏 氣 益 誠 厚。 之定者, 之中。 睡 主 但 高 高 其 爲 明 明 氣 心 雖 主 氣 無 者 有 沉 事 積 陰 也, 洪 著空 高 潛 爲 陽 於 用 纖 明 不 非 無 用 虚 皆斂 事 一之虚 之 用 虚 所紛 事 空不用之處, 也 體,氣不 而 也。 也 爲 於 擾,不 亦 此 其 重 地 是 虚 與 濁 所 陽 博 而 能 地 過 所 感 剛 能 厚、 障 氣 晦 益 而 動 沉 明 定 博 高 蓋 成 亦 潛 如 厚 而 乃 高 明 屬 地 夜 於 己。 明 則 之 於 不 之 陰

道 ,天地之心 道 賢 豈 論 可 也, 謂 心 曰「仁,人心 未 道 有 非 以 天 爲 哉 也, 欲 故 者 曰 日 如 聖 天

> 仁、義、 也。 言 其 心,主 不 此。 深 道 説 心 不 師 心,而「危」 心 幾。 玄遠 分而 心 常 相 體 ,是不以人心 取 感 也 混 程 先 耐 後 幽 人 一於道 師 故《論語》罕言 爲二, 觀 歸 言 也 禮、 也 子「人 心 ^ 故 之説 一蓋 ,然後知人心易溺 書》 孟子 宿 性 而 則形 不 智之命 日 即 天 以 可 正 稱 心 蓋 爲 以 象 微」。 道 下 容其戰 以言人心, 平、 混道 恐 即 己 道 Ш 和 爲性, 心 淆 辯 人 心 心 語 平, 在 之精 道 目 心 八欲,道 心 淆 惟 録 而 兢 人 心 也。 而 於 危 学中 斷 口、鼻之性 身 惕 矣 此 於 微 言仁,《 出 人不 故 然於理 道 勵 上 往 心 人, 有 此 則 也。 運 曰 即 心 時 説, 入彼, 可 别 心 形 行 惟 一危 (中庸) 天 論 以 是 欲之分 意 容 即 理 爲命, 即 ; 宜 其 心 爲 亦 道 如 初

從 心 欲 所欲不 在 性 中 踰 自 矩 然 流 矩」 出 即 情之 物 之 正 則 也 而 性 孔

明哉 於性 理、欲 之性 欲 天 則 名,宜乎判矣。 贵 所 理 也 尚 非 情 以 也 寡欲、雖有不存焉者、寡矣。」存者、存 離 天 也 節 得 則 分善、惡,界限 。天理之不存,欲害之也。 性 情 理 謂之自然之情乎? 孟子曰:「養心莫善於寡欲 淆 感 也 流 而 於 於 行 欲之 物 故《樂記 之 而 而 敗 用 遠 動 乎? 於天 度者多矣。 甚明, 》曰:「人生 性之欲 (理,其) 但 正 天理、人欲之 聖 爲 也 賢 辯 理 故 。」「欲」 既 而 往 烏 欲 不 静、天 流 可 爲 往 其 不 於 亦 爲 根 不 主 以

覺 妙矣。 道 惟 惟 分而 此 虚 靈 日 則 則 朱子以虚 夫本 神 其 體之 原 明 明 於性 體 主 不 得 於人心曰「生於形氣之私」, 靈知覺言心, 洞然,無所 測, 於 Ē 命之正」,則虚 内 也。 感應 而 爲 然朱子以 無 隔 知,寤 方,則 礙,則 亦 足 、靈、知、 於 以 謂之靈 人心、道 謂 事 盡 之虚 而 心 覺 之 爲

尚有未得正者乎。

故言 也 心 所 能 放 矣。 感 生 放則無心 者性 者思 心 凡 思 存 言 者 則明 也 心者, 也。 恒 矣。 曰「思存」,一存之外無 動 生 思 皆 明明 而 則 故 静者情也 語 歸 動 存 其 根 之幾 者 存 於静,是之謂存。 心也 也 運 上生者 0 行 心 其 而 不 所 明 不 之 蔽 存 存 他 動 於 則 而

此而已,不然則心放而生理息矣。仁、義、禮、知皆由此出。「成性存存」,存性以生言,然情之主也,故以存爲本,

也,情 性 也。 能 情」之意。 又曰「合性與知覺,有心之名」,亦「心 爲主 以 制 心譬則督府 張子曰「心 則將 情 宰者 夫統 猶 帥 性 府 所發之號令也。 也, 統 以 者,主宰之義。心之所 也 居 性情」,此言似 丽 而性 將,將以 其 所主宰之事 則 府 制令。 所居之將 心以 是 居性 而 則 統 非 性 以 帥

中,雖 心 性 攝於性矣,性上安得有心爲主宰邪? 謂 則 心 心 爲 虚 主 而 宰 性 實 可 也。 單言 既 以 性 則 對 性 在 則 其

旁,故謂之心; 者,心所具之理。 故謂之性 心與性 也。 其物則 以其 心 者,性所聚之居; 懸 渾 空提 全,生意不 起,不近 四 性

不 心 於此 肉 不然則 瑜。 之量 之間」矣 之軀,即 則知 程子曰「心要在 心體 故程子又曰「滿腔子是惻隱 , 而 覺常存; 從 吾心之 有 心所 所欠缺,不可 矩 欲, 不放於外,乃爲充 腔子裏」, 也, 莫非 謂 此 之天 以言「塞乎天 仁之發 腔 子非 則 之 心 於 滿 心 指 矩 斂 此 血

裁 感 制 也,仁義皆性之德也,但發生則效 而 觸 之所 釐 物 然 而 以發生也; 惕 處 其 然 當者,心之擬 應 其 ⊕擬議者, 感者,心 議 之靈 義之所 也 覺 靈 也 用 覺

> 耳。 《易》言「擬之而後言,議之而後 由 近世 氏無念之見,論 成其變化」,此即聖人之擬議 也,然亦豈 爲起念, 而擬議之間未免待於思慮,謂 致曲」焉。 致曲」,不 此 ,學未合於 制 擬議即「曲」字内,節文、形著、 因慈湖 裁 ,變化之所由 制 是未 可 可遂 則 言 擬議之義達乎天德,安 以言擬 歸 一貫,其靈覺或 知義 學 聖人通微之學乎 根 謂 主於自然」 於 者 心之本 **洗議**,蓋. 義 成 也。 也,其工 此 體 夫 其 自學者言「致」 」,遂 有 德 所 無 也 動, 不相感 以 之起 未至 夫 擬 以 異 令中 明 則 可 擬 議 擬 名 念可 一於聖 動皆 本於 議 乎 以 議 應 耳 ? 佛 以 認

明鏡」之説 制 者 聖人以 也 本 ൬ 龍言心, 龍 於釋 則 乾 氏 乾 而 不 照 不言鏡。 息 自 外來 之誠 蓋 無 理 自 所 心 裁 如 内

同。

[「]以」,依下文「效用於仁」,當爲衍文。下句「以」立

則志 然無 外」之説,正由不知此耳,復何疑乎? 謂之内也,此即言龍之義也。 之,非有長 簡 簡 尚 出 乎? 於外也」,此即言鏡之義也。 多 ,變化在 是也。 未然。 不 爲,坤道也 帥氣而 至孟 於 敬則惕 心 我 者也 子又分别甚明,「彼長 隨 此 也,猶彼 氣自動 苟任自然而 理 然 有 發 予力 警,乾道 於 7,雖無 白 孔 主 而 子 此 告子「仁内義 我白之,從 不 「行吾敬」,故 所爲,不亦太 「居 也; 以敬爲主 而 敬 簡 而 我 則自 而 同 其 長 行

之心」, 其生物之幾,動於静中者,即 在 也 與聖人之心一 베 天則「於穆不已」之誠 ,天地之誠 無 爲。」此言亦過於分析。 程子曰:「天地無心而 而 化 謂 而 天 與聖人之誠一 也。 不 地 見 無 蓋實理之所會謂之心, 其 心 迹, 可 乎? ,乃天地 則謂 也,則天地之心 成化,聖人 夫心之實 「復其見天地 但 之無 所 之心也。 謂 心 (理誠 有 耳。 心

> 故 者 所發之無 也。 自其所存之無迹 之「於穆」也; 人之無心,亦 亦一而已,豈可以此分天人哉? 唯其 迹 闇 而 言, 然 其獨 猶 無 是 則 而言,則 迹,則不 也。 、曰「無 知之幾,即天心之可見 蓋 沼 曰 「無 爲」。 聖人之誠, 可 以 心;自 無 爲有矣。 心 與 即 其 天

仁義禮智

德 無 屬 足 利貞。」以乾 言之,則皆乾也。故《彖辭》曰:「乾,元 貞 而 静 固 分言於前 别 以 言之則爲四德 足以 也。 ,循環往來, 長人,嘉會足以 兀、亨、 孔子正 幹事。」是各以 利、貞 行此 而 以 欲 ,故《文言》曰:「君子體仁 通 四德 即 乾 發明文 於 合禮 仁、義、禮、 之行 則 貫,而 ,利物足以 元亨 王之意,故 四德者 德言也。 四 德 智也 動 合言 固 利 和義 以 未 總 四 亨 而

後。二聖言《易》何嘗有不同哉?

爲利矣。 故曰「利於貞」。 兀 貞者静 者發生之端 陽主出 虚 之體也,自外 ,故曰「始而亨」;陰主人, 也 ,自内 而發 而 於外 斂於内則 則 爲

義、禮、智爲人性,則分天人爲二名矣。 利、貞者,理之人機也,而以貞爲窟。元發利、貞者,理之人機也,而以貞爲窟。元發之,如。,與其之別名、《易》之四德,皆在人心上之道也,而貞元盡矣。仁、禮、義、智乃元、之道也,而貞元盡矣。仁、禮、義、智乃元、之,與其,理之人機也,而以貞爲窟。元發表、禮、智爲人性,則分天人爲二名矣。

> 貞 爲用 乾中有坤, 推此類求之,斯得矣。 言「元、亨、利、貞」者,皆隨健順以 健,故以牝馬而言「利貞」,陰中陽 馬之貞」,元亨者,順之爲 」,陽 也, 中 而 其 坤中有 也。 體則順,故不 坤之《彖》 乾,然後爲德 用也,而 以 日 所利 元 也。 亨, 而 也 其 言 卦凡 體 利 利 則 故

通樽節: 能生 長」,以 然四端 不能 不能 仁、義、禮、智統之於仁,而曰「仁 ? 不 也。」 此言最善名狀,然却須知心是 不惻 性之爲仁、義、禮、智,天德之健 其能 收藏處,一生意之流行耳。 起恭敬,有此智 程 隱,有此義 感而 子曰:「心如穀 生也。 見,非 義、禮、智皆此仁之貫 不 有健 能 不能 不羞 種 德 ,而 爲 不别是非, 惡,有此禮 種 仁則其 子 有此 者善之 何 藹

1110

陰也;

生者

,發之自然處,言其順

乎陽

也。

之「資生」。

始者,幾之初起處,言其統

乎

謂

坤

道言者,故「乾元」謂之「資始」,「坤元」

元、亨、利、貞,有自乾道言者,有自

乾之《彖》曰「元、亨、利、貞」,元亨者,健之

^{● 「}心如穀種」二句、《河南程氏遺書》卷十八作「心譬如

智言 體 天 之 不能 欲 感 心 健 通 而 自己 ,未嘗曠然謂其 處, 踰 但 矩 着 心 者也 也。 不 毫牽 爲 矩者 主 故孔門惟以仁、義、禮、 隨 係 、虚空廣 何? 不 氣往 · 得。 仁、義、禮 大而 來耳,是從 牽係 己。 亦 是 一、智 心 虚

之體者 未見其 中 必 謂 制 透 見 混 歸 徹 之義 發生 天地之心者 者明之所 而 見義 於智,故言「利貞」者必曰「利於 「始而 節 爲 仁、義、禮、智, 禮 有 之宜 文 而 一,皆天之明 別仁 自 曲 四也。 之不 言, 亨」, 其 發。 盡 在 則 收 而 者 外於 而 其 可以 謂 仁行 斷然不使之過者 斂 言,則謂之仁; 但自其 而 中 之智。 歸 言, 智 一,言義 性之四德 命也 見禮 於禮 根 也。 則謂之禮 く生意 前 之不 智者 故 則智在 ,故言「元亨」者 言仁 淵然 不 通 外於仁 明之所 可 謂 洞然虚 則 復其静 自其仁 其 而 遏 之 自 義 中 明 (貞」, 其裁 在 一元 也。 德 明, 其 則 虚

> 德也; 禮、智者,分而言之,四德也,對而言之,二 中 主 則 智 智之體主明 學」,但舉「良 言以蔽之矣。 一静 則義 無 陽 禮 陽 則屬 中 主 合而言之,則一而已。 無 而 動 在 禮 過柔,失義智之正矣。 於 陰 其 則 智, 而 陰 而 屬 中, 易見也。 公然非 過 錯 知」而不 於陽 故 剛 舉 經 , 失仁禮之正矣。 然 所 傳 重 禮以 言仁、禮 非義智以爲之體 或言仁義,或言 合動 而 意 爲之用,則陰 静而 陽 已備矣。 故仁、義 明 、義,亦 包 先師言 四德 義 智

禮 襲」之根蓋 禮、義之行則若 其名耳。 義別爲一物, 仁、義、禮、智之本 ,禮裁 先 儒 於義,義 故本 以 生 知、行 於此矣。 繼 體 藉 智 歸 之明,智也 智以 明,故以 分 用 於智, 而 事 知 智發 爲 而 者。 因 二者,正 智則照之,「 智爲 動 9 於仁,仁 因 是以 静 明,而 其 分 仁、禮、 爲不 本 合 達 而 異 於 知

而已,安得謂知、行之非合一哉?明行焉,仁也。禮、義之明不過屬於仁、智

屬 生 處 之所主處即 即 陰,智以 仁、禮屬 也。 藏 智也 智者 陽,神 往 者 仁 是 以 智以仁爲用 也。 之 知 植 來者是也。 仁以智爲體, 根,仁者智 ,智之所 之 知

仁

愛,是用愛而得 故 德;自其心之合理 所 心之分别 合内外之道 子以「愛不 謂 以 德 周 惻隱之 言。 子曰「德:愛曰 是 自其 也。 心 非 足以 也 正 而 理之 時乎當 無 蓋仁 而 則本於心,乃是仁。 盡 私 在 言,則日愛之理。 仁,仁因 仁」,而曰「公最 也,是之謂公。 愛而 是心 心 而 言 中能生之理, 理形焉,即 則 愛而 日 得名 心之 此 故 然 其

> 伯 偶 只是一 苟 有人 發仁之本於心者以 名實者爲仁,是以 知 上 者内無私 録》曰:「有人事 理」之説,●但以理與 無私心則仁矣」,朱子因 「公中 一、皆以心言也。當孟 益 夷、 不 所謂「無私之心」,舍理果何 未合理,乃其 無私 致 以 不 「義襲」,烏得爲仁? 柳 其 無私 離 即 下惠、伊尹,其 (精耳, 心,而外之處 心,而處事又未必當於理。 以「公」爲仁,而 心爲主,則 、照管 安 得 當於理,而 事 能 也 曉之,則所 功言仁也。 不到 外 心分而爲二。故《語 事 子時,淳 外 心 道 有「無私心 李 又當 以 處 面 愿中 其 不 未 求 心 雖 同 但 於理。」則不 指邪? 重在 必 理 處 無 曰「當 近, 故 于髡以 而 須 無 哉? 得合理, 私 其仁 於心 孟 而合 矣,而 私 子特 又 則 如 天

知 儒 心 管 者矣 言 論 仲 此,每 ,孔子非 不 死 子糾 失聖人宗旨,有陷於智術 以 之難 其 有 子 事 功 路 而 以 許 爲 其 未 也 亦 而 不 以

不 此 仁者善之長」也。 落虚 爲 切 善念即 見,義、禮 故學以求仁 是 仁 之可 智惟以成此 爲 見處,良 先,蓋驗之善 而已, 知、 良 端端 故 能 則 \Box 惟

害之雜 故 以 悍,不惟不 歸 有 失其本心久矣,争地 孟 所 則 戰,殺人盈城,其端蓋起於一念之不仁。 而 重 以 不 求智、禮、義, 於仁,非 子惓惓以「矢人」、「匠 學必先求仁。 愛 忍,况於殺 荷 人爲主,苟有不 能 有一毫利 以智、禮、義爲可 去 殺 則爲 前 天 以 無厭 己 地 反 戰,殺人盈野; 權 妨 生 足 術、爲虚文、爲 乎? 人」戒人擇術 人之心,仁 親 物 以 之心 則 後 濟 亦反其仁 戰 奸 也。 國諸 本 矣。 争城 者 無 蓋 惟 强 舍 侯 猶 忮 而

欲其反求諸己而已矣。 故曰「仁者如射.

是 故 之「率性之道」。 聖 生物之心不能自已處 門之教 天地 以 生物 惟 孔子未嘗 以求仁 爲心,此即 爲 宗, 一日忘天下,正 性 如 之本體 此 然後 也。

事即 真體 有 爲道矣。 有 合於仁者,人也。 不合於仁,則是人之爲道而 也。」仁者天地之心,天地之心即 合」言。此人心、道心之所以有分也。若 此 人心乎。 而言, 流 仁,然後爲人。合,合一 孟子曰:「仁也者人也 八事也。 行,無所間隔,是爲「率性 以人心之危,常有 則道心之微 故仁之於人,不待言「合」而 人事皆從道 常常 心 知常 9 不 也。 遠人,不 以 合 合處,故 覺 出,寧復 而 合一 ,所應之 言之道 也, 可 則 别 以 以 惟

義爲 之,故 道 其 足以 也 也。 子 聖學不 小 베 特 之而 以 所 必 仁矣,故 而 忍 歸 以 感人者,良 而 義 義 粗 達不 傳 所謂 之 中之斷,非 羞惡之心言 重 立 豊 迹 而必推 爲 政 可 於 於義 雖 世之言治者 真 用 義 以 ·爲 明 稍 心者,即 以以 甚 於其 尤 由 心外求哉? 刑,莫 可 原於義之宜,亦是此 大 諄 不 義 觀, 爲求仁之道莫要於 諄 所爲,本並言仁義 義 知義之 則 而 非 大 其 焉。 幾 則 往 之 未 義 所謂 於無别,不 其 往 見 之 而 本 如言達 《中庸 所 於 尊 體 其 所 發皆 其 耳。 本 發 故 君 》論「 不 用 也 心 也 敬 意 忍 真 處 미 但 此 脩 於 以 心 切

可 以 無 孟 子 耻 論 學 又 日 「耻之於人大矣」。 重 羞 惡之心,故 所 謂 不

> 哉? 執 只 耻 不 護,便屬 義 開即 耻 著,「機變」則 心, ? 者 耻心充之,可 惟 「機變」 是耻之本體 事 此 被 排 自 不 而 機 欺 布 如 變 與 中間 置 掩 人, 所 是「義 「義 此 護 遏 心 以 猶 則 襲 便 之 而 配 故 何 襲」也 有 足 挾 外 不 天 能 日一 許多 用 詐 何 同 地 有 耻 無 待 也 如 於 所係豈 機 所 别 義襲」止 故 變。 此 用 有 之 耻 而 安 不 事 焉 雖 排 加 是 大 ? 有 掩 布

以 意 心,然後 有爲」。 此 即 是 是惡不仁者, 有所 養 何 德 等羞 不爲,而 深 厚 惡。 而 不使不仁 後 可 惟 可 以 其 以 任 有 有爲。 重。 此 加乎其身之 不 故 有 日 所 不 口

悚 耳。 義 章發明羞惡之心 故學之失傳 大學 此 等 》「誠 書 何 意」 不係於秦火也。 在 章 於 最 與 多 爲 **^** 哉? 警切,讀 孟 子 自 舍 之令人 生 不 取

斂之理 心之正,其何以知立言之意哉? 義,以仁言「居」,仁在義中矣。 以制仁,而後爲合外内之道。 塞,鮮有不失仁義之正者。 爲 用。 而 .言「居」,義言「由」。 用、義體,或言仁體、義用,苟不識 爲仁,以義言「由」,義在仁中矣。 而主於斷。 蓋仁是發生之理 義 耳. 爲 體 用,仁 仁非 「居」則收斂而 斷 以 而 義 。 仁 以 則 主 爲體 於 流,義非行 故孟子嘗 行,義 由 則 是 以 義 以 收 本 發 或 爲 則

仁

不可,然不可遂謂知覺爲智。 世之言智者, 多以 知 覺 謂 蓋 智是 知 覺 心 非

説 理

一會編卷之一

之仁」,正爲陰陽 爲私見。「智者見之謂之智,仁者見之謂 陰,仁而 涵 也,仁者智之所顯也,智中有仁則爲真智, 覺即屬於動,是爲仁矣。故智者仁之所藏 皆「藏往」之義,故曰「智以藏往」,一形於 之冬;凝 也。 物之所以終 中有智則爲 陰一陽之謂 顯 如 虚 諸仁,藏諸用,往者過,來 天, 貞 離 而爲質,則爲五行之水。 一處,凡 智則 利貞之德 也,水者萬物之所以聚也, 真仁。仁智合德,動静 偏 道」也。 不合德,不可以爲道矣。 於陽,偏則墮 理 運 之爲 而 智而 爲 主於内 氣 離 一於 則 仁則偏 者續,是 氣 者 爲 質 皆 几 於 相 而 此 萬 時 智

著物 用貴 物。 也 八乎實。 則 知不淪 智者仁之體,仁者智之用,體貴乎虚 智,言其性之存也;仁,言其善之繼 明 不 虚 蔽 空則行 一,而爲 則 患於淪 不 智矣。 厭,而 空,實 爲仁矣。 故智也者,虚 則患於着 行 不

體 道 於 外 以 則 之 而 者 感 含 虚 知行之所以爲 物 在 也 於 實中。 則 内 誠之所以 實 者 在 也 此仁 虚 明 中 不 之 · 智 所 也 息 所 也 以 也 以 者 不 爲 而 蔽 合内 因 實 也 智 體 外 以 之 而 存 流 大

體 屬 發端 則 不 用 以 成 道 内 樂 仁,是本其 厭」屬智,是本 行 智以 物 則仁 哉 外 體 爲 山 達 之 判 智,達德 道 仁爲 而 則 也 歸 在 也 非 智 静。 而 論 根 , 智 用。 道 在 及 成 此 語 中 爲 誠 也 口 仁 夫 物 物 其 無 **>** 智, 矣; 者 以 非「成 智 外 中 智也 自 言 以 達德之一, 非 智 誠矣, 本 [成言 矣。 成 道 非 也。 此 物。 之體; 静 者 物」不 正,正 然《 無 體 成己」不可 也; 樂 而 烏 以 故 以 用 水 得 中 見 以 成 可 動 孟 道 不 爲 而 誠 仁以 己; 言之, 庸 教 者 以 相離 子 率 誠 爲「 以二 也, 不倦 用 以 智 則 學 成 之 之 爲 爲 日 所

> 概 體 静 有 前 静 以 中 智 也 有 何 爲 動 以 如 也 動 見其體仁智 ; 此 仁 乃 . 爲 本 爲 静 動 合 而 則 内 以 外 未 静言 耶 爲 之 道 究 之, 爾 智 見 朱 動 子 中

性情中和附憂、樂

之形 主乎 此 禮 也 静 在 心 而 謂之德。 之動 則不 動 喜、怒、哀、樂見焉 静 智之德 中 也 心之爲 静 動 其 不不 ·爲氣 静 也 静 X 則 心者德之所 也。 可 者 純 也 謂之性。 然 動, 德 以 以 乎 所 雖 心 動 事 而 天, 存 健 無 謂 静 所 之 者能 而 之 動 而 往 分 存 性之所 存 則謂之情 已 静 出 不 來 也 在 生之 處 矣。 雜 而 心 謂 也 可 於 名 感 動 生即 , 存 理 無 氣 健 於 也 也 在 有放失, 則 則在 者 事 未 是發 静 性情 有 動 則 也 中 内 所 有 其 故 動 生 如

旁之名 然中 其在 常 則 蓋 節 天 耳 出 者 氣 中 而 入無 而 和 性 節 動 不 中 范 憧 也 之 雜於氣者也。 之 女 而 也 無 疾 憧 德 性 謂 情 所 是情 往來」,豈復心體之正哉? 體 流 不 心心 乖 性情 則 懸 近 出 矣。 戾, 以 謂之「中」。 豈 四 空 人 之正也。 性 則謂 一提 有 旁, 以 由 節 故四端 出 度」, 是 起 則 之 人, 動 不近 不 和 静出 皆 若 乎 偏 中者,不 隨 蓋 主 静 性 四 感者 不 感 指 人皆 乎 體 倚, 不 而 其 事 者 爲 情 應,自 失其 故 近 純 本 而 也 節 也 四 平 狀

言 將 寒 則 蓋 無 來。 月 迎 時 則 就 來 而 有 所 動 乃 遇 静 非 動 來者伸也, 月往 爲 之 感 静 無 静 時 者 時 則 自 耳, 而 也 全 日 因 言 而 體 此命之 來,寒往 動 則 然 他 而 而 則 事 此 言 有 何 固 不 事 則 時 則暑來,暑往 時 Ė 未 無 故自 有 爲 來 ,幾之常 動 之 不 感 静。 動耶 時 也 事 原 日 知 無 ? 則 往 知 而

此,則知未發之中、已發之和矣。

篇 體用 和矣。 不聞 説 矣。故言「中」則 然則大本之不立,由於已發之不 虚 後 大本工夫全在 而 矣,謂之心不在焉。 憂患也。 時 ൬ 哉? 不 知知 事 爲 不足以爲後事之主矣。 靈之本體,而 食而 合一 必復言「和 物 之 來」也。 至,正 所 本 和 以 之道 心著於 牽, 後 不知其 則常「中」,「中」則常「和 生,未 事未 是 即 大本 幾上,此《易》之爲 也也 其 是 初 心 此 和 至 大 嘗 味,何由得 有 動 之所 既 則 心而 一而言, 離 之 在 要 所忿 爲不 立,則情之所 幾 其 感,性豈 則 以 不在 中,而 懥、 此 正,不 視 則 歸 爲 而 謂之未發耳 於 心者 以 處 恐懼、好樂、 ,大體不立 不 中 教 虚 Ē 明 有 · 和 中 見, 失其 發 應 則物 未 所 不爲主 庸 而 自 故 哉 聽 發之 以 此 立 位 奪 ? 然 專 而

「中」之爲義,程子以「不偏」言,吕氏

兀

感於 病,而豈合一之道 之可言? 朱子乃以「不偏 及,乃謂之偏,非感於一 引之而已矣」,引 有 以 未發之「中」,而天下之大本 無過、不及」屬已發,是「中」、「和」各有 能 過、不 無 過、不及」言,其説 以貫之也。 事 及便是 而得 其 偏 正 處 哉 倚。 便 ? 順 肴 事 以 孟 本 宜 於 子 應 而 自 其説之支離 不 在 事 焉 曰 遂 相 倚」屬未 是矣, 物 而 謂之偏 通 則 有 蓋蓋 無失 交 過、 何 物 事 發 也。 於 則 H

善惡 處皆 善也 豈 有 與「中」有二義也,但恐大本不 不 可 中 善 是 以 人自易其惡,自至其 中庸》言「中」,是狀性之本體無 剛 而 即 離 既謂之善,豈有不 柔 已矣」,正謂 是 道 善惡 不 ,不可以 中矣。 爲 氣 爲 周子 禀之性哉? 歸於「中」 率 中哉? 性 中一,非 日 立 者是 性 性 前 者, 過、 無 以 所 下文又 性 不 剛 調善 不 有 也 柔 及 不

> 以 是謂 之病 乃 柔皆 善也 章句》所謂「於善之中,又 順 者 也 取 只是此善之常存 或 未 中」者同一義也, ,又皆中節 善 人有太過、不及之善也。 觀朱子 固 有嚴 至其 耳。 毅慈順 著《通 其實 中, 而 則 無 耳。 性 書》: 其 太 之 即 則 或 德 過 是 不知 執其 爲 、不及之偏 前 ❶「易其惡 中, 嚴毅, 所謂 兩端 無 此 强 與《 中 或 中 梁 而 中 矣。」 即 則 爲 懦 度 庸 慈 弱 剛 是

也。 哀樂」; 言情則本 之道 生者情也,静者性也,言性則本 性也者言乎其生也 也。 言「已發之和」,必曰「中 乎 故言「未發之中」, 性。 性不離情,情 情 也 者言 不 必 節 曰 離 乎 乎情, 性,合 喜 其

」,静中有動也。「亨中歸利」,是「發而「貞下含元」,是「喜怒哀樂未發之

中

之所 中 中」於「貞」而已矣。 節 以 在 之 和 「貞 「中」也。 動 貞」 中 善學者求「和」於「中 有 也 静 者 也。 智 也 和 静 之根 在 中 而 求 節

之樂,與 得正 然也。 之。 則 是 逢 悦 適 惟 大 心 偏 驕 也。 一無所 原,其心體之暢 反 ,悦是 之本體,天 ? 身 言 而 世之君子言學,恒 心中 喻 所 悦則欲 「悦」本 而 宴樂 、喜怒 生 深造以 牽 感一 誠 者,斯 意 纏。 少 、心體 害 哀 滋 理 好 罷 事之樂,然猶 有 其 樂 道 萌 本體之樂 流 懿 不 所 爲 達 一而 「樂」字不同。 本體者多矣。 處 無 能, 德 行, 累 樂 不 有 ,樂是化 之 一毫 矣。 假强 隨 日 而 所 則 秉 如 學 生 自 處 本 彝 私 然 爲,蓋. 是。 即 充 有 生 得 根 悦 機暢達 欲 此 是 ?,是時 滿 不 遏 不中節 之 乃是 其不害本 喜怒 樂與 理 樂。 己, 有 絶, 累 泰 義 處 哀 成 左 習 者 之 悦 四 何 然 樂 同 能 由 此 相 順

樂在 此 踴 生於道 體 至於 如樂 非 謂 生,故 體 尚 和 事 此樂所暢之和 怒於哀 欲 躍 故 真 涉 孔 和 其 程子尋 之 無所 所 人 體 有 樂 善 道 顔 感 伊 則本 日 則 以 興 非 之 哉 象,如《 中 之 不 也 亦然,但無 尹 如 起 以 ? ·倦,樂孝弟 地 樂 仲 樂者心之本 而 厭苦,一 樂 體之樂暢 以道 而 樂爲教 必先 位 尼、 忘 非 堯 學 其 爾 中庸》言 一,雖聖 也 其爲道 樂 舜 至 爲 顔子 開 能 0 妻孥」、「樂 之道 道,夫 於樂 樂也 河而 念之覺即 所 中 其 此 賢 於 樂處,正 而 乖 節 良 體 樂 咏歌 始 ,雖若樂道 一德 情 方是 贵 戾,則 亦 惡 知 樂 非 者 也。 而 以 可 良 輶 是 由 道 可 舞 則 得 順 渾 能 己己, 此 一念之樂矣 如 外鑠, 無 蹈 謂 亦 昔周 不論 指 無 英 矣 化 ,使之懽 樂爲安, 毛」也。 聲 伊 何 此 所 才 處 無 是好 尹 害哉 而 耳。 欣 濂 皆 於 乖 之 臭 然 實 從 戚 溪 喜 戾 亦 欣 聖 樂 真 但 之 惟 或 今 而

微爲説 於 有 邪 自 者,悔吝之幾 節,故因六二 介于石,不終日。」當豫之時 誠 任 得 王 1 情 作樂 身之樂。 其 歟 縱 樂者 蓋 肆 蓋 在 欲 《易》 中 取 害心 也。 人斷然謹 然則 當自慎 諸 Ė 豫之 此 體之真樂 之 而《文言》則 舍慎 位 獨 爲 而 於微也 始, 而 獨 桂 六二 明 而言樂,其不 者 慎 幾 介」義 獨 之 順 順 又 則 然則學 倦惓 以 則 辭 希 易 自 動 矣 則 慊 以 於 日 也 欲 幾 至 而

言 違 能 悖 偏 之, 者 之。 則 而 也。 明 則 性 與 中 開 苦 情 時 憂樂 憂 有 則 樂 節 不 偕 不 憂,憂中 憂樂 幾以 得 以 行 失樂, 其 然 堅其志, 無 兩 悦其心; 正 所 忘 後能 樂 矣。 有樂,憂樂 滯 矣。 不 也。 亦 故 樂 失憂,惟 對 爲 則 憂 放縱、淫 證 愁 行 樂 並 之藥 之, 倚 盡 於 泆 困 性 而 也 則 者 不

樂則行之,憂則違之,此憂樂所感之

韶 於慟 憂中 憂異 乎憂 也。 過於樂。 未 也。 異 所 得 時 慟 當樂 者,本 如此 中 似 時 者 而 樂以 者, 也 過 與「 則 然於顔 而 於哀; 體之流行 忘 所 既 亦 肉 忘 發 憂」, 感 得 樂 不失本體之樂矣。 味」雖 其 憤 之一 而 天 淵 聞 爲 忘 樂 則 知 所當哀 樂, 韶 也。 食」, 介,分二 事 樂亦行 命 不 而 也,而 知 時 三月 孔子 故 此 當 而 時 亦 不 孔 乎憂 其 忘 不 其 ,哭顔 其 憂 也 子憂道 可 其 知 樂之 所 中, 爲 肉 自 故 不 淵 則 哀, 味 必 然 非 樂 之 而 樂 察 於 而 似 至 乎 與

蓋 者 厭 理 則 與 樂耳。 所 非 樂 則 指 當 此 理 不 天 樂 爲之事,皆苦其 耳 下之事 肯 而 而 心所 厭 爲 易乎? 如 欲, 所 樂 無 所欲 故「人 以 則 難 難 程子 易 肯 在 也。 爲,所 難 之東 物 難 所謂 易生於 而 若論 則 彝 以 不人矣。 於 ´; 好 循理 易也; 理 本 人心 必 心 是 則樂」, 之正 厭 懿 孔 之 德 子 厭 而

則 以 教 由 ൬ 道 其 難 人 亦 心 先 爲 無 化 之樂 者 難 難 成 處 難 其 也敷 爲 在 必 也 外 以 而 也 理 此 肯 勝 以 亦 勞 欲 身任 必 來不 乎。 以 難 理 倦 其 間 處 」,聖人所 事 之 諭 有 事 人 亦亦

不 此 作 之憂也。 樂 雖 天 孟 知 子 有 平 命之常 名 吾何 日以「不 而 世之具 本 爲不豫哉」。 體 ,樂之本體 固 怨 而 在 天,不尤 一,有不 不 ·得 也 行 · 待 遇 則 人」爲 至 感 時 於 然 王 於 學 後 者 所

鬼 神

升 行之幾未 元 、形氣 則 元 降 天 ... 地之初,名 未分之時 亨」之所通 嘗止 「利貞」之所復 息。 爲 也。 既 混 也 有 沌 雖 也,不 不 運 未 必 行 混 分 發 必 沌 形 即 輕 假 者 氣 有 清 重 太 升 濁 而 極 而 降。 運 以 顯 函

是陽主 爲死 離,則 陽 其 聚」。 聚,非 也 而 謂之「散」。 矣。 濁, 濁 疏 而 歸 利 之小 ; 無 來 有 理 根 耳 漸 濁 貞」之 其 也 而陰 也 清者微 分 而 魂升於天,魄降於地 復 壽 分 其 散 知 陰 流 當其 己。 於無 殀 其死 散 死 天地 生也, 陽 也 也 氣 非 形 則 生之説 相交, 而 聚 時, 而 而 凝 無 成 外 存 也,消人之氣以 者,陰陽之大分也 散 爲 也 其 爲 所 爲 合天 質 靈 於 乎禀受之厚 清, 聚 於 生。 金 謂 則神 有 以 竅 有 ,則知鬼神之情 元 散、有無 無 無,非 濁 循 水 未 地之氣 其 也 言乎 亨」之 棲 於 開 環 以以 濁 自 安 於形 無 者 是 見 無 陰 是 其 其 端, 通 以 薄、 著 還天 物 其 陽 氣 至 清 盡 形 自 陰 成 也,但 而 清 渾 凝 有 保 者 往 有 無 而 聽 人者, 地 合_, 狀矣。 呈 爲 無 來 斂 攝 而 陽 陰 歸 於神 一於有。 之密 謂 自 自 陽 相 而 及 也 無 純 者 之 清 有 無 相 乎 禪 歸 然 而 而

物,游 之形 屬 其 者 爲 爲造化之迹,蓋 之伸也,魄之言泊,是鬼之歸也。 能 理 靈則視之不見,聽之不聞,形而上之道,此 迹,故以爲心之精爽。 而 曰 也。 於 本體 至 陰之靈 順 德 不見其營之迹, 「心之精爽是謂魂 自 凶」, 吉者心之安也, 凶 也 動 而 Ë 其 則 魂 鬼神)者,非 大抵陽盛 也。 伸者爲神,反而 ,神所化之形也,質屬 心安,理逆則心 爲變, 盛天乎」。❶ 於鬼 也,神者陽之 及其體物不遺 於 德 神,常以 往 是始 自 而 則陰衰,故鬼魅 來 形 何? 有所泊 相 而 有 魄」,②魂之言誉,是 \wedge 禪,變易不 靈也; 易》 迹 下者言耳。 歸者爲鬼。 德言,故 精 不安,此天命之不 以 矣。 爽者 者 對 曰「與鬼神合其 而 而 心之不安也 程子謂鬼 於静、鬼所 形於氣質, 以流行言,則 待言,則曰 不 即 見其 消; 其靈 「鬼神 有所 子産 精 陽衰 其 泊 氣 也, 神 爲 化 神 有 鬼

> 務 息 此其迹之得正,皆本其德之能 弄 而 民 則 言 民 此 神 陰 盛 鬼 雜 義 務 故 神, 則陽道 擾 民 舜 邪 之義 則鬼神爲妖妄,而人反爲 祟作。 命 昭明,遠 重 敬 黎 鬼 當 絶 神 鬼 地 一苗時, 神 而 天 遠 ... 通 靈 之之 陰道 加 妖 也 誕 神姦始 道 退 横 其所 離 聽, 也。 興 德

也; 語怪 其無 物以 不 若常理之必 由 常理、鬼神之德,由乎我者也。 也。 凝質 乎 也。 天 我 地 蓋 但倏 間 者,亦徒游 然 幻 凡非常 有 聚 景、 而 假 不 忽散 象, 鬼 可 理所能 或 神之迹,不由 心 易者,此孔 公,不過. 於 先 渺 物 通 茫 幻 者 以 景而 耳 肾不 顯 子 形 乎 語 所 何 己, 我 迹 以 可 或 之 者 非 謂 不

1122

「天」、《中庸》作「矣」。

² 所 口 子産有 義》「《左氏》載子産之言曰」云云。 日 爽是謂 心之精爽是謂 魂魄」 語 魂 出 魄」,當本於宋胡 於樂祁,而非 按今本《左 子産。 《周

學哉

文 神 以 爲 能 福 亦 衷,或默助之,惡則 天 謙 而 乘之, 不得 仲 安可 然哉 偶 罰 心 興 非 也 好 則 則 記悪,假· 生 有感焉,人 好惡之正 人所能 日 日 生於 焉,因 然天 ? 瀆 神 「未能 爲 誣 雖 而 務民之義 鬼 智矣。 禱 哉 天不能 禍 人以 滿 福 亦有 徼 神 ? 祀 祟之 人之有惡 故 事人 也。 也 何 而 莫 有 夫 自 禍 益 苟 祀 又 勸善,假 加 刑 知 敬 馬 故 惟 其在人心,因 謂 淫 爰 奪 爲 爲 ? 無 其 孔 作 之「害 鬼 能 其 刑賞 乃 居 故人心之鬼神 不 而 所 然 使 子 善 神 善則 事 其 魄,或陰誅之,天 恶 人以 其 不 也 然 告 則 鬼 而 常 生焉 者, 有 後 ,然皆實理 心 盈、 子 非 遠 理 有賞 無 可 之; 路 所 善則 告樊 邪 人 益 歉 以 問問 當 之 亦 之 是 謙 善 , 獲 遲 啓 事 能 氣 與 有 妖 天 誰 生 福 問 鬼 其 由 臧 所 於 天 不 使 善 而

之鬼, 鬼享 安,以 之理。 外陽, 則 人道 福 日 盈 類 正 禱 積 足 神 必 中 迫 虚 氣 惡 憫 明 也 畏 則 陰邪 或 圃 不 馬,亦鬼 切 又豈 之 有隕 禍 小人 精 其 則 蓋 可解, 至情 人 果 不 己。 求 福 怪 有 邪 自 鬼 何益 能 得 神 自 畏 之 有 迷 日 禱 不 退, 通 則 如 天之 無 死 權 而 神之所 而 惑 中 剥 勝 而 而 之有 此 晦 孔 則 干 神 鬼 則 君 在 人 能 其 正 無 則「不 數, 子 哉 應 必 亦 昃 者 我 子 親 免 如 哉? 二,故 郊 所 欲 ? 故 貪 時,而 安 者 而 不 猶 在 魍 月 謂 赦 生,貪 孔 能 不 少, 口 劉 則 我者 魎、 恤 盈 蓋 也。 子 迷哉? 在 以 又 敞 獲 天 以 陽 其 譬 則 人子 罔 當 神 神 但 罪 改過遷 之依 生 日 亦終 乎, 蝕 於否之 不然而 象、 格 邪 於天,無 則 丘 欲 勿 氣 于 類 羊 神 必 况 蓋 亦 無 廟 救 之 善 勝 食 亂 知 能 消 内 妖 則 禱 而 可 至 其 之 邪 神 有 陰 盡 宜 盡 所 於 親 有

其皆不知命之蔽乎。 非望之惑。」然則不務民義而謟瀆鬼神者, 禮矣。而後有容身苟免之耻,而後有淫祀

事鬼,●此可謂知幽明之故矣。 人道尚明,鬼道尚幽,未能事神,焉能

說理會編卷之二終

0

焉能事鬼。」「神」,當爲「人」之誤。《論語·先進》:「未能事人,

四〇

説理會編卷之三

吴袁洪愈訂正 本撰次

説

鬼

道

也

徒

使

人馳心

於

渺

茫

耳,何

無

預

焉

後儒

論

神多外理

而

言

氣

則全

是

精

而

明

神

存

而

有

觸

即

發

發

即

中

節

我

惟

於

此

能

自

而

覺

則

物

不

能

雜

誠

聖功一

誠 神 幾

之所以 莫切 散 也 而 也 不 矣。 口 於幾 神 失其 則幾之自 通 藏 蓋 非 誠 書》言 也。 幾處 即 所 心 無 己所 以 此處 動 有覺 「誠」、「神」、「幾」,三者 極 動 爲 時 之真 獨 不 幽 不 最 則 知之處, 矣。 明 易 無 思 也, 則神 而 放 誠 故 失,故爲學之要 以 幾即 得,不勉 君子之存誠 常 最微 主之,是 妄 動 而 五 而 有 幽 之 爲 闕 中 精 迹 神 魂 者

性,誠之存也;道,幾之動也。其自於學?

隱、羞 瑩 然 水,其 從 三字 其勢遂順,不 之具仁、義、禮、智也。 而 毫思 誠 動 者 F 離 涵 悪、 决 慮 發端,所 虚 ,神之不 一不得。 口 辭 不得,所 流 而 讓、 可 出 流 可 得 一之勢 是非之心,只 謂「幾」也。 動之勢 知 而 誠」, 謂「神」也。 復 也 孰 過矣。 能 己 如 至 具 禦之? 大澤所滙之水 誠 其 本出自 在 」、「神」、「 感 是 譬如大澤之 一有感 中, 動 獨 故用 知 如 而 然,著 之 性 爲 自然 動 力 中 惻

四

聖賢之學只在謹

獨、《易》以「知來」爲占,

動

也

幾」處

放,則

所

往

無

口

限矣。

之處,只有

决

口

可

收。

决

口者即

「幾」之初

用 歸 德 離 神之德。 之外,皆可 亦 不 體 ,此見體用本一 也; 誠 謂 相離 其 而 此 而 言 耳 幾」者 動静之幾 「幾」不 伸則 也 0 鬼 以 謹 神 爲 「小小德 爲神 獨 神矣。 息 則 則 非 源 返 游 德 以 也 氣 也。 常 動 則 此「誠、 紛 所 明 歸 大德 爲鬼 擾 由 能 静 矣。 體達用 知 爲 而 神、幾」 ,皆根於誠 者 體 馳 誠」者, 謂 小小德 心 與 之所 千 之鬼 由 誠 里 用

處 而 ,神是明之往 異 名。 誠」、「神」、「 誠是 明之聚 來 不 幾 · 測 精 皆 處 處 因 幾 天 命 是 本 明 之 明 不 之 息 體

謂 之變則即「幾」 聖 」、「至變」、「 聖」,楊慈湖 精 孔叢子》記孔子之言曰「心之 故 明, 其 神 原 至 也 應 深 蓋 一神」言 故 有 出 幾 妙 取 於《 沙,幾微 於其説 聖人之道 則獨 易》 以 知之處 故 天 出 周 也 下 子 精 誠 能 神 嘗 神 謂 至 幾 是

> 明無 矣。」 雖 禪家之 此 之之 日 此 而 率 氣」、「神」, 甚 用 善 誠 出出 爲「不 體 謂 玄妙,然豈 但 則 也 而 則 見如 慈 不 誠 湖 知 善者,仁、義、禮、 矣。 必 神 歸 以 由 者 而 此。 言 於「誠」 四 曰 精 善信之積。 聖人之所謂「誠 爲 故周子又曰: 達 「玄之又玄,衆妙之門」, 神、 道,併 老氏之學亦主 則 亦 思 是 矣。 不 過 主 慮 以 氣 乎 言 孟 子 智之德 善信 之妙 子 氣 心, 聖 思「 言 哉 也 者 而 一於「精 率性」 用 也, 就 誠 謂 耳, 使 白 實 而 以 而 虚 之 姓 有 化

乎反 於 神 不 己 下 中 之理自 有 藏 求 於 未 存 遇 · 其 中 主 孝 親 了,於是 己有 此 所 弟 未 則 出 以 則 有 至 未 矣。 藏 弟之 乎 期 不 忠、 神 孝 反 自 譬之與 也,神 未 神 矣。 求 赴,不言 信 其 藏 於是 孝, 藏 於 己 人期 有 中 則 而 則孝之神 未 約 誠 遇 乎 喻 弟 立, 兄 反 矣。 期 求 未 約 於 而 故

神

不可

以

爲

知幾

神

也

誠

體

者

無

存

伸

也

反

而

著一物 之存也 足以 不可。 者 小人惡實於中,正 可 意,此虚 實」字解「 誠」爲實 所 自 以言誠乎? 名 成 誠之得名本於「成之者性」, 以成能,非謂「實」爲「誠 則 蓋 誠 也」,成 明之所存 中之明,所以 理 明 「實」字只是 誠」,不若用「真」字。 所 便 且 存 謂 不 朱子以《大學》「誠於中」 己、成 則 照 之「實」, 爲 便有 可 不知此 不可謂 有物 ,便以「 物之義 爲 真 則 實 不落空之名,若 切不 耳 惡 誠 實 用 也。 實 ,故「實」 能 也。 爲 蓋 故 於 自 也 欲 「誠」 誠 中, 故 歸 者 已 之 亦 則 以 明 實 誠

言 「,則曰 者 則曰 朱子言「 在 在 人之實心。 誠」分爲 天之實理;有以 二義,有 今以天道 心 以 之實 理 道 之 而 實 言 而

於中也。 神之藏 (機出 一是游 不忠、不信 也。 故 ,神之發也。 歸 則 無 處 不 也,存主之誠 於 未有不孝、弟、忠、信者,神之發也, 則忠信之神藏 也,神之藏 氣 神藏 事 矣。 動 百感紛 神也者 自然,而非 也 不 而 矣。 非 焉,隨 順矣。 敬,不言而 存主者, 神 妙 紜,心爲 反 神之藏 也 也 感 《易》 求 萬 在我,非假 不不 人之所能 於中, 而 去蔽 其 物 神以 應矣。 、孝、弟 靈故也。 者 信 物 而 曰「 以 蔽 不 遇君、遇友 非 知 知 則 立心 測 於外 爲 、忠、信者, 則 有 無 離 來 以 也 時 體 神 本 誠 不 藏 也 物 靈之 無 至 坤 散 不 而 之 往 誠 存 道 形 藏 而 而

主

一,而

也

其

道

也。

有

四

之心 具, 以 者 者 於人矣,故言人 心之危易流於不善, 未 推 天 爲 爲 之, 有 而 也 爲 理 心 離 無 則 誠 總 所 則 則 古 會,天 者 豊 有 雜,故謂之天; 天 也 可 亦 亦 天 以 以 分 可 人 但 口 天人異指 别 於 之 以 以 以 於 言 異 言 而誠之之功不能 其 天 則 實 實 矣。 本 耳。 以 理 心 體 纔 哉 然 ; 言 落形氣 、爲支 實 人之心 實 則 混 心 理 之 渾 分 於 之 即 不 則 所 然 天 所 假 天 全 順 具

乾 善 違 故 天 知 文 夫之 亦 之禍 天 安行」之資 王 聖人不用 常 不 純 天 用 命「於穆 自 用工夫, 亦 工夫,非知 强 不 然 者 已之誠, 則 而 I 乎? 不已 夫 用 所 則 則 謂 必 困 乾 二,乾乾 先 亦此 誠 必 星 知 道 師 者, 人罔念之 辰 勉 安 嘗 乾乾 能 行 隕 當 日 不 爲 墜 一之力, 息之 聖 知 也,乾乾 此言 氣 人以「 其 誠 乎 又 也 生 非 乖 日 ?

字最 屬 屬 處 之説 有 所 氣 氣 志 體之「一 耶 木 以言「一」,以 好 謂 色上, 執 謂 之 於 於 有 ? 便 炭之比 善 著哉? 氣 志 是 所以爲 雜 未 亦 動 一」者, 程 自心 名 志 其 是有 子 氣 免執 其 則 一、志一 亦 則一心 狀 爲 以 也。 動 體 動 隨 得 主 所動,是氣 主,蓋心之官着 着 敬者 虚 言 爲 爲 其本虚 其 謂 敬是求 言惺 若 也 妄 明 也。 順 所 在 主 則 在 氣氣 志 ,警省之意 感 則 而 好 純 惺 夫所 氣 知 明也。 志者, 己, 乎? 貨 誠 可 可 無 百體 而 上,不 心 一之動 則 本 上 工 以 以 適 不 謂 體矣。 活 一夫,誠之本 不一 無 有 無 雜, 心之官也, 如 好 志主於内 潑 可 於 惟 所 不 色 乃 此 志 潑 _ 乎? 乎? 以 四 順 倚,敬 敬 蓋 者 則 則 也。 可 地 惺 言一 體 從 心 謂 何 惺 主 非 心 體 又 動 動 是 志 所 知 而 先 安 志 志 氣 爲 着 心 指 在 不 口 師

便屬 是 於 故 不 誠 在 惺 善 言 惺 獨 中 ? 智合 1,本體、 惺 知 自 訓 惺 誠 是 如 之 欺 而 德雖 穀 德 誠 故 誠 亦惟 地 爲 之靈 種 而 I 欺 不 敬 則 實 爲 之生幾 夫 則 亦 也 前 不 自 誠 使 惺惺」 不 有 只 可。 然能 一毫不 ·惺惺 不 誠 倚 如 惟敬 見 未當息, 古 本 着 字爲切。 仁、義、禮、智, 覺 其 矣。 未嘗 體 之 覺 則「一」,「一」 · 善 有實之迹者也 病 也 雜 故 而 不 何當有 於 戒 實 少 凡人所 夫 世 其 慎 有 仁、 儒 中 但 恐 容 所 多 虚 就 倚 以 以 則 即 懼 明

此 即 ·欺」。 則 誠 日 子 示 與「 曰 無 : 妄」; 欺」只是 誠之」之別 無妄之謂 自 實 獨 用 知 誠 也 工 處 不 能 夫 自 欺 謹 而 無 其 耳 言 邪 次 念 則 矣。 而 日

立 而 能 中 和 立 者 本,誠 誠 則 明 也 也 和 , 本 由 和 知 幾 以 明 立中者 也 中

之迹 之異 者曷 之本 也。 貫」也 但 乾 體 與「中」,即 也,皆所 而 勉,其工 而 如 則 中, 誠 能 是 明 誠 一,自 者渾 體 嘗 故 耳 不 其 猶《 也 是本 惕 與 則 惟 誠 息 不 未 以 夫 論 然 不 自 不 誠 然 恐 者 者 用 純 合 達 則 明 立 自 語 思 而 於天 「中節」之「節」也, 失 之 乎? 合 工 明 則 道 於 大 覺 乎 明 》之言「忠恕」也 而 之, 明 見 而 所 誠 善 者 者 得,不 本 命 而 而 誠工 其 謂 與 行 而 顧 也 也。 也 不 也,故 誠 由 如 乾 能 自 誠 已 在 天 之者曷嘗 天顯 是猶《論 勉 乾 明 明 矣。 安, 乎身 能 達 明 大 夫 而 不 則 而 察 德 曰「天之道 本 命 無二, ,人不見其 未 息 蓋 自自 誠 於 者 既 中 純 達 此 亦 者 非 誠 惕 語 不 7 聖 明 矣 但 德 是 非 即 則 者 然 》之言「一 T. 自 人「自 而 其 有 照管 本 見 所 也 能 自 明 夫 覺 誠 體 也 之本 其 「得 本 不 覺 安 行 極 之 誠 誠 口 其 處 勉 誠 在

問 信 以 故 實 夫 庸 問 恕 誠 未 學」,而 欲,勿施 慮 誠 地,然 之微 在 重在「 由 | | | 學是 能 也 之者之工 之者 問學」爲實 即「一貫」也, 加 合 忠 尊德性」 尊德 尊 是因 信 恐 一,不免 不若「忠恕」之切 尊 無 於人」,恕也; 德 主忠信 其 中 德 忠做 一夫,即 性 性 有 矣。 性 於 地 出 而 也。 間 工 恕不 人 於恕上立 但 耳。 者,所 道 也,自「下學」言,不 夫」,正是此 此 心 是誠 言「一貫」 而 問 出,其 也, 即 聖人 以 如言 學」,是「道問 能 ^ 以 人 者之本 故 中 盡此 實耳。 忠。 立大 言 主 合 恕者,雖以 曰「人之 庸》言 意 則 天 「學」惟 心, 意。 先 本 却 恐 體,故 常 「己所 師 也 人遺二 只 即忠也 道 察 中 在 學工 然《中 謂「道 曰 · 得 恕 而 於 也 一忠 「忠 忠, 之 爲

體也,誠之者盡其心之本體也。心之本體誠之者與誠者本無二德,誠者心之本

蔽之時 復 心 自 存。 命 無 不 本 也, 明 體 故 無 盡 求 蔽 其 誠 焉 心 在 耳 之 於自 本 體 人 常 明, 則 失之於 所 此 明 者只 處 動, 歸 是 易 根

微 誠 後可 本體 善也,皆所 功,蓋「擇善」者知 明」、「 之顯 誠 以 ^ 外無 即 中 非 明 誠」分 所 庸 即 善 謂 謂 明, **>** 誠 以「 明 作 之 獨 誠 固 不 擇 善 兩 知 身」也。 執 此善 可 善 截 之「知」非 然後 也。 掩 矣。 乎 也 明 可 先 固 ? 9 殊 以 善 儒 執 固 不 即 誠 則 謂 執 知 爲 身一, 微 明 者 誠 擇 於 乎 外 善 之 則 誠 ? 無 此

得之。 囟 主 時 二字易「誠之」,欲人知所 於 思,思 其 物 誠 之工夫 誠之即 孔 所 蔽 竅之開 字從 故有 是思 只 心 是 通 不 也 明 從囟 也。 誠 此 故 耳 心 · 心 心 下 孟 也,蓋 能 此 手 子 指 中中。 存 特 則 其 主 以「思誠」 惟 人 存 而 常 心之官 思 不 於 可 以

之神 矣;單言學 也。 本 物 體 蔽 「學」而 思 自應 至於 之 是 則 誠 通 精 言 耳 不 明 故 者也 ___ ,則思· 不 I 思 曰 思對 夫。 雜 而 在 明 得, 學而 而 其 則 單 明 八中矣。 不 誠 言思 照 言 勉 矣 1 而 則 然 思誠之「思」, 則 明 學 中 學 是 外 即 在 存 則 别 此 其 主 思 見 無 中 誠 其 T 誠

謹獨

照 懼 照 知 管 管 不 外 體 明 則 誘 獨 何 誘 知 之 所 外 失 之 而 爲 加 誘 於 所 己。 障 之來 照 慎 知 蔽 管 天 於 也 烏 故 其 命 能 耳 凡 上 障 本 有 此 哉 明之 蔽 障 ? 知 蔽 體 常 其 故慎 皆 也 明,時 所 本體 獨者 慎 之 明

能 戒 慎 獨 恐 即 懼 隱 者 微 也 之 地 知 謹 在 則 謹 莫 見莫 中 但 顯 獨

處必能知,故遂謂之「獨知」耳

哉 觀 名 是 謂 知 流 知 處 不 勉 體 言 於顯 身者 也 ? 何 道 顯 行 也。 聞 「道」則 1 之勢 等自然,非 上 者 獨 做 故道者 似亦 知中 工 微則 處 且 知 做,不睹、 乃 工 夫 自然 天 知 如 以 處 之道不 在 夫,故 也 其 由 道 不爲 自 知 發 聞 則 順 0 本 「中」流出 之「不 沮 謹 用」言也,然 見 而 然」矣。 中 知「和」, 體 工夫只 雖 聞 不 於「用」 則之名也; 遏 則 中 能 之 而物失其 不住 至 見 聞 節 勉 立 天理 知 所 蓋 聖 之「和 本 而 凡言道 不 也 在 牽 上 知「和」 人 猶 中存, 中 則 非 故自 戒 所 求「自 而 孜 假 亦 則 和 故「知」爲「 反 慎 本 不 孜 人爲 何以能 者 矣,不 思 則 怡 不 而 然者 復 知 於微,則 無 亹 然 、最微、 主 知 睹、 而 人 有 甘節 亹 身, 於「自 道 理 道 障 可 中 恐 以 而 順 之 節 所 > 獨 其 懼 自 於

也,必 幾 道,舍謹獨 所見極 之顯者即 思。 中 有 而 其 則 忽 謹 此是已。 高 於 即 獨 而言「自然」,則「自然」者 細微 是 明,其不入於佛老之宗 \perp 夫 勉」,謂之「 在「自 而愆於理義之正者, 故「中」 然」 與「 中, 得 得」謂 所 則 謂 氣 之中 即 知 者 化 雖 是

矣。 也 節之和 内 戒懼,而於此 子於《中庸》「戒慎 定」耳。此見明道之學動静之合一也。 是「静亦定」也; 定」,豈以 謹獨」分爲兩段 者 外 也。 一,和 然則「喜怒哀樂未發之中」與 《定性書》言「内外兩忘」,是謂己 也,中 亦可 動 其 静 曰「所謂定者, 尤 分爲 節 分二 加 而静中常應,則謂之「動 也,天下之達道 工夫,故《章句》曰「 謹 二時 不睹」、「恐懼 時哉? 焉」,是動 邪? 動 蓋 周 静分爲 亦定,静 本 子曰 也。」此 不 體常 一發 聞 既常 性 而 中 時 亦 亦 與 中 無

> 省察實 戾,但 何 ? 所謂「不思」者,非無 之是非,2 《定性書》之説亦不 面目。」又云: 制者莫如怒,●第於怒時 別己私之纏繞也。「公」非下手之工 然而大公,物來而 誰?」此於「已發」、「未發」之旨未見其有 慮 見「中」、「和」之合一矣。 公」字上,蓋「公」字從「八」從「ム」,謂 壇經》有言:「不思 廓然大公」耳。其後言「人之情易發 未 起, 處處 其 功 學恐 鬼 也,其所 則於道思過半 皆此公心,無 神 不 不斷思想 未知,不 能 異於佛氏者 順應」二語,要義却 見其 於謹 善,不思惡時,是本 思也,亦「内外兩忘」 ,菩提自長。」則其 矣。」 有 由 邵 遽忘其怒 所 獨 下手處,然「 康 乎 障蔽, 上求 此却 節 我 Œ 嘗 中 在 言 則 更 是 而 於此。 聖賢 夫 由 觀 而 理 難 廓 思

句下、《定性書》有「亦可見外誘之不足惡」。

^{■「}莫如怒」、《定性書》作「惟恕爲甚」。

於觀 也 所 之 故 義之「思」也,此 而 觀」字 兩忘 謂 善學聖 從 若性烏得 理 心 性 之是 所 纔 則謹 敷 欲 有 1 者,不 非 耳 而 所 獨 也。 忘之? 内 觀 而 贵 惟 便 不著於聲色, 在 外 所 觀 於 於内 非 兩 欲 理之是非 理 真 忘」謂忘 不 之 性 外之兩 踰 是 矩 則 非 之學 一思」 其 斯 而 不 忘 能 累 吾 肯 性 儒 哉 内 非 著 而 者 之 外 ? 精 在

操 後 存 所 所 於 物 此。 謂 意 養, 以 心。 不 之不 能 操 操者 長」,養其 操 而 心爲 夫心是, 持 生 則 生生之機 加 提 存 之 哉 存」, 省 物 o 理 醒 察 仁 自 牽, 也 性 存其 此 之 操 覺 . 義 0 也。 不能 心, 不息,故養 功 心 則 植 理 心 物 即 根 即 根之處, 即 存」、「 也 自 ·是「慎 於心 存 來 是 覺 0 能察, 矣,故 立 是不 養」 小心 苟 大 性 獨 而 得 本 省 工 存 性 操 其 察即 字字 豈有 夫 察 則 則 也 也 養 惟 之 性 蓋 所 是 然 在 得 本 無

> 所 止 也 存 也,養道 心 頤 動 以 於 養 欲 爲 盡 義 則 於 此 不 其 矣。 止 掛 止 震 則 1 不 艮 動 下 於欲 動 加

之學也 學與 本 彭。 謹、恐懼、好學不 謙 須 曰 生 於 辭 . 聖人異矣。 殊 知 凡此等處只是 聖 「學」字上 述 一、出於不睹、不 而 不 自然合道 之 知 不作 所 所謂 看 以 聖人之學豈 厭 得 信 爲 道 遂 處。 分曉 實説自己 者 而 聖 聞 以此等處皆爲 好 戒謹 只是 只 耳 古, 則 是 有 爲 一、恐懼 心之惕 學問工 竊 肯 後 異於 惕然 比 世 學 皆 於 0 即 人 夫, 否 聖 聖 謂 哉 我 孔 戒 人 則 聖 旧 老

放失 下 是 不 自 之 活 得 反之心也。 物,感 務 ,何待於 「求」字,以 君子學以 時 時 無 常 感 求 近 應 形 也 爲己」,故常 天 世 ,倏忽之間 則 命 講 時 然聖人之心所以 流 學 時 行 太 防 本 玄,謂 其 或 求 無 有 諸 不 有 失 心 善 己 體 调 求 應 且 中 心 者 心 天 無

矣。 温良 之貞 得之」 也 耳。 思 不 所 周 베 則 미 者 知 人 待 防 存 者 失 兢 本 不常用「反求」工夫? 本 體 也 學 心 如孔子 其 有 聖 恭 ,故以「得」言。 「 有 人以聖人不思而得爲 兢 而 一,其 孔 之兢 者 學 失 失, 體常存 自 儉 人 日 戒 子 之 義一也。 而 及 者之求。 有 讓 收 謹 常存戒 之 求 求」焉? 兢 其 自不至 聖人 聞 斂,收斂則 也 於 過 未嘗放 政,異 求 亦 獨 隨 亦 何 之求,賢 而 聖人之温 知之 事 心,而遇 是 有 思存 時 既 聖人之求, 人所 致 亦 失者也。 求 得 而 失, 地, 察, 自 時 可 非 則 可 求, 凡言「求」 則 人有賢 能 計 全無 無 由 見 惟 得之」 忽於 已 失 良 同 外鑠, 所 照管,在 料 心 恐 失 恭 是 即 賢 顧諟天 事 所 不 體 儉 謂 其 「求」乎? 能 而 與「 本 人之求, 求 思, 人之求 到 之 後 或 讓 求 者 收之者 蓋 體 者, 處 本 知 則 有 己 聖 有 思 心 即 明, 若 然 而 何 失 體 則 是

> 之」,通 學術 於 者言 聖人 其 求 告子 此「存」耳 學術爲甚 同 於「求」,乃欲澄然無事,不以「求」累其 原蓋 不 例 哉 、之教本爲下學立法,有所「不得」正 求者 也 甚 ? 日 則 乎聖賢 矣。 ,或者概與聖賢求之於未放之前 出於老氏 又過矣。 言「不求」者,皆告子之遺 不 也。 害 得 孟子之言「求放 也。凡言 於言, 告子則以「不求」爲教,故 而 言 以「虚」爲道之宗,而害吾 然 也,聖人「成性 勿 心 存者亦然。 求 放而 於 心 心,正 不 _, 知求 存存」 「君子存 爲已 可 者, 在 於 亦 失 放 不

哉, 物, 私 聖人知 知此 乃謹 道者天下之達 爲 聖 道 此 獨 自 愚 則 道 也 知 之 以 則 處 所 責 以 蔽 以 責 於 分 道 己, 私 而 也,人皆知 也。 其 耳。 而 學 豈 其 爲 自 學 愚 自 知 爲 之。 私 處 性 成 自 不 己 蔽 有 利 但 成 於

則 所 以 非 非 見可 之? 曰 乃 謹 儀之著何等柔 미 視爾友 爲 謂 言 於 真 色,其聲色豈不 不 及者,其 獨 錦 睹不 無 道 體 聞 示 學 + 而 篤 德 即 尚 而 聲 即 問 也 不 己 目 動 君 所 恭 輶 獨 綗 聞 欺 源 無 涉 所 惟 而 子 尚 知 如毛」。 之前 必「 聲 謹 頭 臭, 敬 之 也 之 已是 亦 輯 嘉。 獨 只 色, 之所不 綗 知 相 無 不 + 不 柔 也 是 在 外 柔嘉,以在於動 也 却 聲 執 雖至 手 在 過 言 則 然 爾 天 如 面 甚 所 命 無 爾 心 而 此 顔 所 文王之明德 真體 見乎。」《抑》之詩 故 尚 顯 無 指 爲 室,而 臭 信 於一一 却 不 之性 日: 綗 也 可 聞 則 是可 知 其 也。 不 遐 見 得 見 處 嚴 不 在 中 有 而 盡 君子之所 顯 聞 所引, 性之真體 見 用 愧屋 乎 已 是 即 工夫不 愆」,其 性 處説 節 可 功 而 所 何 之 聞 曾 漏 言 不 不 猶 微 學 衣 所 H 苟 威 口 口 如 惟

> 見 功 處 莫 不 要 爲 於 嚴 謹 圃 獨 獨 矣 知 之 地 爲 嚴 也 9 故 盡

> > 性

言 體 屋 遽 遐 也 庸 力 虚 著 色之可 不 以 則 而 有 之本 以 , 動 漏 也 已 主 流 於 聲色自 ,烏得謂之微 著 一之,則 爲 愆 非 聲 聖 聲色者, 行 乃 謂 處不可 見 \wedge 真 不 體 色。 賢 之勢遂不 爲不 詩》 9 德 體 者 示大 此 顯 論 耳 哉 耳。 非 輶 故 曰 不 爲 欺、 以言 雖 目 雖 八以人 ? 凡言 深 一視 如 著 學 哉 之官 於此 細 獨 於明德 毛 於 可遏 工 用 必 爾 道 於至 聲 知 「工夫」皆静 夫, 友君 毛 秋 謹 不 便 相 假 色 耳 猶 只 毫 之, 思 近 者 何 當 則 在 小 使 子 有 則? 是 亦 邇 而 不 不 聞 微 其 亦是聲色上 倫 則聲色已 是 蔽 獨 欺 室 能 輯 見歸 時 微 之地, Ē, 聲 於 知 也 柔 功 既 荷 尚 獨 則 之 然、 物, 色。 爾 本於 也 動 無 歸 顔 地 愧 亦 則 動 静 贵 未 則 於 動 9 著 於 聲 中 直 者 處 口 有 功 動 静 不

故 謹 處,以 者 睹 天 顯 以 故謂之微 自 於 矣,不知君 心 在 下 地 爲 日 E 此 不聞之中,己 中 昭著 「察乎 微。 處 之大,萬 色 戒 無 明之 是 其 也。」「幾」 聲 慎 至 不 則 故 舉 色顯 天 子率性之道 所 見、至 則 又 息 恐 微處 周子 得 地。 照 不 説 事 故 懼 見 即 所 可 所 是 在 萬 謂 即 Ħ 却 顯 處 謂之 聲 獨 以 獨 物 物 : 是 之「幾」。 若謂 是 色 知, 「動 知之「 爲 無 不 聞 此 獨 所率者 無 也。 微 可 見 不 不 「察」 知 人不 而 不 矣。 也 之 統 掩處。 可 未 係 知 自 獨 爲 於吾心之知 得而 明, 以 誰 形 於 幾 知 此 不 爲 氣 之性 語心 流 惕 心之微徹 明 之惕然知 有 睹 既云 化 知也 有 隱 行 無之 然 不 於 流 也 耶 之 不 於 聞 不 見 無 行 知 間 息 所 能 是

也

其

藏

於

内者而言,

則謂

之「穆」。

則

不

顯

矣。

蓋

顯

者

明之見

於

昭

昭

者

天

之

顯

也,然

言天

者

必

曰

於

於耳 之動 爲 官 既 爲 也 官 官 明 感 故 穆 心 本 蔽 故 不 是職 體也。 者 形 哉 蔽 贵 能 耳 處 言 萬 至 思 役 則 ? 妙 官 也 物 德 昭 别 」,「不思」則 獨 正 矣,此 ൬ 着 觀 之主一處,官 應 耳 形 亦 遂爲 是 有 知 恐 惟 昭 故獨 於物 自 一思 天 形 惟 而 凝 **暴**百 之 明 昭 則 之欲物, 色 白 不 耳目之官, 藏 氣壹 官 結 則得 之 爲 之有 知之 則 知 體 色, 顯 於 哉 成 體 主 X 從 不 而 不 之動志 ? 之」,謂本心 於 形 往 蔽 無 地 矣 能 已 顯 主 物 内 所 也 而 來 在 物 蓋 一,蓋 矣,此 故 畢 也, 於 皆 者 氣 物 不 不 不 而 110 照, 聖人論 内 也。 能 滯 在 物物 能 也 「心之官 窮 天 其 在 不 則一 焉 物物 之 牽 蔽,若耳 明 而 人 主 志 即 志壹 不 本 引 爲 不 則 壹 於 思」, 豈 是 學 然 能 動 此 物 體 爲 之 内 後 則 能 以 天 動 在 所 心 如 獨 動 目 得 其 思 謹 明 之 故 而 而 氣 蔽 此 知 之 始 其 其 明 獨

自 如 之本」,此原 爲 有 人 只在 君 主 所 撓 篤 思 而 恭 擾 不 反 哉 於 於謹 思之間 聽 ? 無 命 爲之 氣 獨宗旨 於 壹 耳。 臣 地 動 也。 , 周子曰「 志 而 可 百 謂 則 官 知 心 如 要 承 思 通 人 職 矣。 者 蔽 君 聖 何

若開 之功 之,譬 之防 所 有 聞 心之明,不 而 獨 潛 間 見 非 雖 最 知」,蓋我 思妄 外誘 聞 也 焉 他 聖人之學只 爲 如 伏 處 而 太 隱 矣, 獨 所 合度,不遐有愆, 掩 也 想 復 知 陽 微 知 外外 不 能 容 亦孔 所 所 狗 善而 而 留 與 之上 得 誘之來 欲 照 謹 己之見 將 者 是 之昭」 於天之明命, 不 而 任 就 也。 謹 贵 魍 情 其善 可 惕 能 獨 即 魎 顯 者 以 此 加 謹 爲 潛 亦屬 莫 獨 也 言 却 雖 消 自 不 過 處 者 是 見 點 欺 作 謹 安, 於 我自知之, 故 外 即 此 顯 檢 , 僞 此 一獨 所 字哉 於 乃 物 惟 此 矣 謹 所 皆 於 蔽 恐失 知 不 獨 爲 見 吾 謂

> 也 然則 目 源 所 自 之官 頭 視 蔽 雜 不 其 獨 則 雜 知 不 知 思 着 也。 之「知」,心之 所 物,雖 而 者,其 指 蔽 故 之處 欺 於 知 物 源 也 亦倚 矣 不 頭 官 見 不 不 於 之「 虚 雜 可 以 之 靈 知一, 偏 而 知 常 是 乃 覺 爲 乎 知 者 耳 H

之不 其 謂 則 不 目 此 也。 明 聞之謂 無 睹 存 見 不 知 思則 睹 不 也 於 聞 乎 不 不 内 耳目之官不蔽 ! 爲 聞 蓋 故謂之「獨 「心之官 物擾, 自 即 是 心 而 獨 如 言 知 則思 無 知 所 則 非 於物 常 聞 真 即 見 見 謂 自 此非 獨 焉 物 常 耳 知 顯 而 無 不 故 言 聞 之 謂 睹

也 遺 常 通 内 乎 ; 遺 開 外 凡 夜之道 故 而 ,故易昏 初學習静 易 不 放 散 而 知 雖 ; 若 , 開 開 閉 開 能 口 眼 眼 而 也 則 閉 則 不 所 而 所 放 閉 見 見 而 在 故 昏 在 外 不 能 内 在 雖 通 閉 外 乎 故 在 能 口口 内

幾只 之道 夫習熟,然後能 在 而 i 知 獨 之處。 蓋 心 體 合 故 本合 静 也 内 功 惟 外 内内 在 謹 外 獨 所 乘 謹 之

其人」, 聞 外哉? 誠 合 見,所謂 知」,善形於知 之雜者, 艮其背」,止於内 慎 也; 也 獨」爲要。 歟。 大學》 自 「行其庭」,則所 則顯之人於微也 明 在《易》,艮之《彖 即至 微 而 也。 以「止至善」爲要, 誠 善 者 獨 是 以 也 如 知 其 其 也。 ,「不獲其身」,不睹 此,此誠、 顯 人 之所 知之顯 也 所 善具於心 辭 顯 知 不 豊 者明 見,故爲 在 也; 亦 明之所 無 發 也、微 中 獨 毫人 此 無 知 庸 以 不 義 迹 者 見 之 僞 爲 獨 以 可

聞 時 則 對 之 黄 義 子嘗 日 石 龍 「見。」 先師 載 亦 酒 與 舉手 從 焉 既 陽 而 中 因 明 以 筯 論 先 筯 示 戒 師 隱 子 慎 遊 之卓 日 : 不 於 睹 鑑 下, 恐 湖 見否?」 之 懼 又 濱 不

> 當應 恐懼 常睹 得 也 予 號 不 90 應,雖 私 久 IE 庵 而 故能 不 初 問 見否 而 應,不 之石 聞 亦 遇 不 不 ? 聲 戒慎 爲 解, 龍,石 此 因 色 聞 則 天命之「於穆 聲 而 不 後 見 對 睹 思 能 色 所 龍 忘 而後. 而 牽 日 不聞 情。 得 :「此 也。 不 之。 起念; 見。 中 此心體 石 不 有 謂 蓋 龍 己 常 先 常 不 不 名 聞 師 睹 所 當 也 睹 綰 微 以 應 故 常 中 哂 爲 聞 故 能 而

於 視 倚 也 聽 大 物 於 小 不 而 此 矣 聞 不 不 聞 則 當 見,聽 雷 見 如 遺 心 應 當 霆 須 論 不 於彼矣。 而 應 之聲,熟 而 在 當 應 而 不聞。 應 馬, 不 則 與 應 是 即 視 不 耳目之官 是 若 則謂 不 當 不 見 不 應,不 思 當 之 太 而 應 心 Ш 不 當 有蔽 之 時 不 思 論 形 在 則 而 事 静 之 口

說理會編卷之三終

説理會編卷之四

聖功一

吴袁洪愈訂正越季 本撰次

知行

常 不 知 已 之外無行矣,工夫何等易簡 ,即「力行 謹 於 獨 也。 知 即 故 致 獨 知 知之外 也 邪 謹 無 知 之功

勉 中 於 . 時 思 思 有待 非 謂之「不 而 而常思常得則 思 得」。 於 不 . 得 勉 勉 非 得 而 勉 而 即 常 中。 不 是 不 勉 中 思,以 見其 常 勉者 中 中 即 有 則 不 思,故 思之實功, 是 · 得 不 勉, · 見 時 其 以 謂 有 有 之 待

賢 者 擇 體 犯 也 夫 也 蔽 謂 也 其 中 智者知行之本 得」,以心之所 知行 ,善。藹: 夫敵 者 無 者 人 ,故知行 知行之運 有 ,思勉者知行之運 ,則其惺然明者爲知 淺深, 之用力難, 之 待 也 譬之禦寇然,聖人工夫常防 夫不過 得之定的 異名同道,合一 寇而 用 於費 者 ,賢人工夫 然出者所 雖 力 即 而物之交加 用耳。 求勝者 體此 力,故 有 易, İ 體 三途,亦皆 則其 一夫也。 向 則 以 而 也, 以 遇 而 也也 其 思勉者 其 已。 心 知 固 言,則 寇 ,至於仁智德 於仁 知 知 用 知 之所 , 執 爲 ,藹然出者爲仁,所 而 聖人本體 爲 爲 攻守有難易,所 行 也 故 困 ,但人之禀受、通 能 所以 知 學,其行爲 者 生,其行 一智之 惺 存 敺 其 行之 然明 運 思勉之要 中 而 者也 行 知之、行之 用 而 德矣。 言 渾全,工 爲 所 者所 歸 寇 爲安。 其 勉 運 衆 於 不 則 而 利。 强 本 用 以

掩 미 與 非 異 知 藹 誠 以 也 通 之」之要 則 能 聖 行 然出 固 中 者乎 人與 所 者, 古 終 庸》 而 以 、 賢 功 執 亦 非 不 誠 人 以 自 用 即 可 工 也 以 [′]始 此 夫 誠者」、「誠之者」 遏者也,天下之人有 下 戒 知 之所 智之惺然 分等第 學」以至「從 慎 之、 不睹 由 行 致 也 之 恐 耳 明 而 懼 心 而 以聖人 相 日 不 無 不 「誠 聞 不 口 故

合者, 本 不 道」之聖人 也。 也 從容 自 勉 人身,感 善也 之 此 示 中道」猶言 惟 中、 ·思而 勉而 句 於形 從 也 何待 不 即 容 中 得 思之得, 是 氣 於 蓋 中 猶 猶 德 聖人 動 道 勉 此則人心之惟 日 日 之 容 不不 本 之於 者 不 唐 乃 何 體 學 旋 乃 慮 其 待 前 天 中 可 而 而 實 於 道 能 禮 知 以 理 「思」,但 亦 爲 發 危 也 9 從 有 謂 謂 見 天 者 容 不 良 良 也 道 善 脗 即 中 知 能

> 體,仁 豈 有間 能 真 也。 行 者 者 故 得也,故 惕,此天之 其差,故 知 無思、勉哉 」,要見 聖人 力 何 天 斷 行 此 事 也 慮 命之性者哉 者 不 即 能 其 强 0 知 息 所 是「 耳。 明 好 失 此 不 行 兢 學 命 此 擇善」、「 善 息 者 若 知之 故 兢 亦 蓋 即 不 而 何 謂 學 知之本 倦 戒 純 能 既 不 事 不 聖 謹 德 亦 自 曰「生 雜 惟 固 厭 本 不 已 以 未 其不 執」, 不 體 Ė 者 此 自 私 嘗 其 智也 以 知」, 一 善而 靈 也。 敢 所 勉 贵 思 異 惟 明 中 忽 而 要見 於他 其 可 ; 不 勉 既 中也 本 謂 其 行 失 不 爲 日 自 思 其 所 嘗 所 本 故 守 安 知 懼 得 而

慮 川 加 不 知 知 慮 而 不 而 能 者, 所 因於學 能 慮 不 者, 因 以提 於 者 所 慮 以 謂 醒 研 之「良知 其 精 謂 知 其 之 也 能 良 故 故 也 知 能 則 能 知 故 則 不 能 學

此意也。凡工 慮 知 無 一,此天 所 ,子夏言「雖 因 非 非慮 而 學不. 命 至 不 者 也。 知 能 夫可勉者,乾道之不息也; ,坤道之自然也。 曰 前 而 然 未學,吾必謂之學矣」,正 知 能 知 不 不因 處 因 即 於 於慮者 是學,能 學者 謂 謂 處 之「良 之 即 良 是

則以 雖 爲主,故曰 之本旨也 良 若 能 則所 流 是 以 良 良 行 知 知 知者即 、良能 知 之勢爲主 行 「知者行之始」。 但 分 能 自發端而言 先 是行 良 本 後,而 知是良能 一,故曰 ,所行者即 體 也。 知 爲 行 則以 此此 先 自致 行始,行爲 者知之終」。 是知 師 明覺之幾 知 嘗 極 行合 也 而言 知 知

艱 德 知」是「行」之發 合於一 ,行之惟 先師 中庸》於「知」 不 謂「 艱 知 相 行 離 端 則 不 也。 處 亦 可分爲二一者,以 則 ,「行」是 可 但《 曰「知之」,本 以 書》言「知 先後言 「知」之 耳 致 之 非 智 極

> 端 致 知 前 行 極 言 而 有 也 言 亦 不 也 事 其 過 於「行 ,則不可。 發端也 成 此 以 則 日 而 른 成 而 功。 知 而 先 及 本 儒 其 其 乃 行 致 謂 極

執 即 意 言, 而 知 能 是 則 」外豈别 誠身 行 蓋 擇 知 隨 也 知 能 事 而 要 而 守 精察 有 此 行之,所以 能 真 此 一「行」哉 「知」不息 真, 知,真 而 成 乃根 力行之,亦此真 德之知 知 成功 心 己 而能守, 而 是 也。 也。 生 誠 意 明 但 故 即 不 合一之 真知 知也 是 可 初 > 古

大成? 巧、力喻智、 必 於「知」之渾合圓 「知之」,「行」爲「成功」,然「行」之造 知也。 則智亦大; 知」以「行」而造極,故《 聖,見 然 聖 以 亦 巧由力進,而聖不 可 小 融者見之。 成 見知行之合一矣。 則 智亦 中 庸》以「 故孟 小 ; · 足 子以 聖 知 以 以

忠恕

遠 外此以求「一貫」哉? 早覺,而「不遠之復」在心 道合一,故見其 恕,恒隨 舜以來「精一」之傳,而《中庸》以「達德」之 忠以達恕,非即「一貫」乎? 二,何哉? 而已矣」,是「忠恕」即「一貫」也。 吾道一以貫之」,曾子曰「夫子之道 知「一 」行「達道」,即此義 也。 「忠恕違道 忠恕」、「一 貫」也,蓋性 事以 及其合一,則「忠恕」即道 夫孔門之教,惟有「忠恕」。 求一德, 不遠」,謂之「遠」則 有違 貫」本 耳 情之德 稍有 聖人 也。 無二學然,孔 矣,所謂 然能 間 亦 但學者之爲 「一貫」者,堯 只是 非不 忠恕 斷 則 中和 《中庸 與道 欲皆: 違 不 則 而 何 道 其 能 子 忠 中 使 與 忠 爲 必 幾 恕 不 由

> 所貫 之道, 爲下學言,不得不以「忠恕」耳。 子先嘗領「忠恕」之教者,何以至其真 如其中心而已,如其 以「中」存心,則「一」矣。 蓋「中心」之「中」即「一」之主於「中」者也, 達者能 「一」也,惟 古註謂「中心爲忠,如心爲恕」,此説得之。 將有畧於「先」、「難」之病,故以「忠恕」發 也 貫」之學,欲人求於本心之真切處 貫」之外 也。 始 佛家 得 知之,聖人恐其直截簡易,下學者 和合 聞「一貫」 「忠恕」雖 其求之於心,則下手之地 所 德則 無餘學矣。 謂 只有一 爲「一 耶 本「一 中心而行,則「一」之 貫」。 乘, 然合 「如心」之「恕」 貫」, 别 此 一之德惟 無餘 而 不 徹 不 然 上 較實, 乘 能 則 積 徹 也。 力 曾 下

也。 凡 求 幾 忠即是求中, 太陽 上 有 倚 照 着 求 而 處 中 即 魍 者 魎 是 非 潛 不 可 消, 和 着 不 覺 意 待 則 推 化 求

者性之主於一者也,和者一之貫乎情

五八

排 中」爲 未能 恕」者所以 勉 强 主 合 然 處 故 爲 則 未 致 和 止 能 和 盡 是 恕 即 亦 所 貫」也 事 以 如 之中 此 致 中 耳。 也 此 即 但 學

天 斷 純 聖 便 無 各 知 盡 是 也 所 得 、雜之分耳。 也。 人之「 者 便是違道, 毫人欲之雜,故 其 「工夫」。 聖人「忠 有 天者,「一」之自 所, 通天下之志,類 異 耳, 亦是推己,非 至 恕」與 不得 誠 自 自純者言之,則 非一 無 雜者言之,少有人 純 息 學 忠恕」、「工夫」 日 乎天理,故與「 者「忠恕」 强 萬 亦 動以天」耳 不待推 不息者也 物 是 之情 盡 己,非 純 一只一 而 也, 是 天 有 動 欲 但 殊 處 即 不 之 間 有 此

故忠、 一之道 忠者: 恕二 也。 能恕之誠 字 「己所不欲,勿 欲 離 也 箇 9 恕 離 則 施 如 於 其 此 誠 」,真 體 心 用 而

> 是 便能 恕。 能 欲之情耳。 口 忠」、「恕」只在「勿施」上 以 勿 愛己之心爲 所 己所 施 欲 與聚, 之心 不欲」止 荷非「勿 此 忠, 忠 是愛人之實德,只此 是愛己之心,此衆人 施 而 以 於 如 此 之乃 人」則屬私心 見。 心 去 爲恕也。 所惡勿施, 勿 施 故 便 同

博 文 約

爲

耳。 者 禮 道 畔 不 謂之文,吾心天理之節謂 爲 日 道 疏 可 謂之博,主宰要 矣。 如 則所主乎文之理 者言, 見之 此 子博學於文」,亦學 則文 博文」、「約 事 則但云「亦可 前 由 禮主,不 博 文 而 禮 一要處 也 不 雜 逐 工 弗 之禮,工 應 文 只在吾 謂 於 夫, 畔 也 個 之 末, 自 約 而 不 逐 未 心 夫 失 約 能 末 其 之 密 博 與 則 序 文 而

與 所 道 踰 爲 之 矩 則 亦亦 以 即 誠 智、仁、勇之工 行 達 德 達 德 夫 行 達 也 道 베

文 體 合禮 可 則 初 誠 歸 即 而 節者,非 臣、父子、夫婦、 分 盡 約 無 達 天 明 歸 而 大本,惟 道之體 而 夫」者皆屬 7,脉絡 於 道 明 ,則妄行無序,烏得爲 理之節,而 言,則 之以禮 聞者 事 所由 人言 也 達 蓋 用矣。 體 道乎 通 學, 也 自二 以 以 明 無 道 貫, 静 中 昆 誠一行 故 之 ? 止是博文、約禮 曰 文之所從 而 工夫」而 蓋道之顯者謂之文,條 無過 節 弟、 凡言 所 「學」則歸 既 誠 禮 非 也 顯 E 也 朋友之間,而一一 則 達 即 不及之美名 , 者用 非 用」者 德,達 知 誠 言, 「本體」、「工夫」 出 即 文? 乎 也,而 於静 則 也 達 則 ? 之所 皆 德 德乎? 文與 顯 日 苟非 文行 屬 行 故 於 博 而 「工夫」 也。 動 自 貫 用 達 學 戒 於君 嘉 禮 中 約 禮 會 理

> 復 聞 不 夫」即「本體 有 所 睹 所 動 恐 學 謂 則 懼 本 約 紛 不 静 也 禮 亂 聞 功、 而 而 不 不 道之本 禮之約 爲 得 見 爲 聞 文 體, 處 所 動 即 如 者 是 學之外 是故「 也, 達德 爲 之 無 見

禮 會,會於心也; 之意。 易》) 曰「嘉· 「嘉」是「文」之美 「禮」者心之節文,故曰「 會 足 以 合 禮 處,「嘉」之所 ۲, 即 博 文、 約

於固 此 心所 夫 者 非 矩 文而 7,天理。 不已則 禮 欲,不 未 執終身,何 聖賢之學,只是 則 勿 約 嘗 視 所 於 廢 從 固 約之以 踰 禮 非禮 學 於 執」也。 矩」。 耳。 也 當外此禮 心 勿 禮 者 聽,非 學而 及 所 博 矩」,即 孔 欲 文而 顔 謂 子十五 立 哉,故「七十 淵 耳 禮 擇 問 約之以禮 勿言 禮 而 故聖 善也 也,荷 不惑 志 學, 非 而 其 告 自 禮 以 無 而 亦 此 從 至

矣, 末 其 所 知 月之後 베 博我 聖賢之學矣。 由 猶 此 不能 也 約 視、 以文 約禮之功 則 也 聽、言、 有 舍 ()約我 禮 時 故 使 以 而 其 動 其 所 以 從 踰 自 以 有 矩 心 禮」,雖至「 文之所 述 無 矩 矣, 夫子 不 時 仁不 故 踰 可 由 之善 日 忽 能 顯 則 所立卓 也 雖 無,違 也 所 誘 欲從之, 從 知 而 此 有 於三 爾 惟 禮 則 由 削

爲 是 其 説 也 以 忧 베 其 理 後 立 聚之,問以辨之」。 問 理 也 凡言學皆 大 反 孟 而 之 子曰:「 至 本 不 万反 過 方其 有 於 事 逢 約 不 辨」, 而 則 其 博 合 哉 博 説約 所 學 原 學 學 則 約 耳, ,學之於文 也 而 者 審 問 蓋 學 ; 即慎 詳 豈於 在禮 問 學之所 反 前 説 也 蓋 加 日 之, 思 事 矣,奚 本 歸 於心 事 聚」, 也 將 以 審 於《 約 物 以 問 有 必 即 學 物 而 則 反 即 問 詳 其 文 明 博 説 也 所 説 學 已 學 辨 約

禮,以蹈「義襲」之失哉

教法

學,教之成材 之德、《周 愚 及 以 切 與 有 而 天下 子 其 其 庠 大 善 不 小 畧 + 其身矣,是 序 學 責 大 以至公卿、 所申者惟孝弟之義,其 之俊 有 學 以 國家脩 可見 其 同 禮 Ŧi. 明 者 治 善 年, 矣, 秀者,與夫 人者 人倫,量 而 以 充 己 異 爲 德 則 天 其孝弟之量 治 大夫、元 也,荷 司 成。 性 小學,古 地 以 徒 人 漸定, 其 其 萬 古之人 沙所 之責 日 天 物 凡 成 用之常 士 子 爲 民 聰 司 謂 者 之 諸 使 節 徒 職 明 方其 以養 之 之 適 侯 漸 所 主 體之學也 則 以 鄉 歸 能 子 教 之元子、 開 於 升 八八歲 其 孝 ',皆 1,亦足 農, ,其賢 是也 事 中 於 弟 物 或 而 和 爲 則

首出 能 是 備 之教君德也,此其成所以有不同歟 但 非 糾 而 也。 前 誦 幼 小善其身而 融 萬 之事者, 詩 學 凡民之上,謂之胄子,古典學之官所 民 化民成俗之基立焉,是爲大學。 讀 雖在凡民之中,不預於國學之教,然 所 而 書 能 賓 以以六 成 興 隱居求 則亦大學也。 之」者 已,故小學之教民德 行而 成之於國 0 志,以精脩身之學,備 精六藝 正 謂 云「大學」則 學 此 由 耳。 也 是才全 也,大學 以 以 物 不 教 其

古訓 耳。 間 詩 萬 泉 讀 變 所 學本盡 性荷 然人不皆臯、夔、稷、契也, 夔、稷、契,何書 而 皆 後 以 從此 學者小,知識不充可也 能 能 盡 其 友,古人正 感 出, 則 性之善,不在乎言語 發 於 奚必 體 心 可 以 此 即道,而 以 讀?」正 明 意 讀 善。 也。 書 用 爲 孟 亦 謂 學 必 能 子 文字之 即 稽 哉 盡 大 諸 性 其

> 以畜 學,則 於無失性情之正而已。 何 以 其德 盡 有治 天 」,則固 下之變哉? 人之責,不 所以 培養中和 從 然 聞 多多 見 上 識 也 充 前言 」, 其要 其 知 往 識 行

書,尚 爲己,惡文之著,故皆 事 見小學、大學之教矣。 美,惟以小 文德者道之顯於文者也,脩德之文以 君子多識 也。 《易》小畜,小學之事 論 小畜之《象傳》曰 古人,將 善其身而 前言往 以 行 通 以 르 謂之「畜 天下之志也。 畜 也,大畜,大學之 其 大畜之《象傳》 君 德」,則頌詩 子以 德 懿 文 學 德 求 此 讀 口 懿

者, 上,則 人之將 謂 聖人教有上下,中人 之「中人以下」。 通 有 得者,謂之「中人以 乎大賢 而言矣。 在上 中人之未 下, 上 下之間 則 通 有 以 乎 得 中

初 忠恕」 而 學 貫 而 不 是 言 而 至於妄意躐等耳 矣。 也, 己。 其餘 語 以「忠 上, 門 恕」 如 則 爲學, 告 0 使之 曾 子、 隨 則 事 子 有 所 以 貢 持 求 以

力行 言 之知尚 可。 見 有 本 可; 曾子、子貢皆以 以行言」,於子 體言 其 息則 行上 若 成 蓋 功 謂「一 德 便 與 至,其於「一 堯舜「精 而「一」者,明則 貫」,誠 有所 也 不「精」,不可 行未合 而「精」者 貫」有「知」、「行」之分 得,子貢「 · 貢 此 立 」之傳,惟此 告之。 則 而 貫 雖 日 明通之義 誠 蓋 以爲「一 聞 誠 以 知」上有 先儒 庶 則 也 知言」,若謂 幾 明 0 貫」,卒 於曾 焉 也; 而已。 耳。 也 至 誠 所得 孔 而 子 無 故 亦未 功 子貢 曾 則 則 子 自 曾 於 夫 則 不

之謂文、躬行實踐之謂行、盡其本心之謂「子以四教:文、行、忠、信。」文章外見

哉? 密,則 其爲 忠,不 發,❷非以本末分兩 信 示人先脩 儀、言辭,其節文 本 在 日 於心 行行 重本之意也。 威 其名耳。 儀、言 務本耳,豈 致 由 志 此 有餘力則 用心於外,其不 違 學文者 此 飾 而曰忠,又推 道」、「点 與「文、行、忠、信」 物 觀之,其實以 「實行 於 一辭,而 理 外,故 然以「文」爲先 之 求 據德 調學 以學文」,正見以 謂 以爲節文或有 不易曲 節文之精密也 學者當 而 推 信 段事 」、「依仁」、「游 文必 本於自然之實理 以 本 至 兀 「忠信」爲 其餘 於身而 也 於遺本者幾 盡 俟 必 者 者, ,若於此 謹 只 行 之教 力學文,此 充 其 是 謂 蓋 未周,不 而 「實 本也 節 日 行, 蓋 先求 後 人之 文 可 時 行 而 又 互 可 見 事 爲 及 害 聖 威 至 推 而

❶ 「躐」,原誤作「獵」,據文義改。

2 「發」下疑奪「明」字。

然後 也。 爲「小物不遺」,則分本末爲 機、泛應曲 미 後 謂學之 節 有、涉 以 可 深 言一游 以 朱子以 於 可 言「依仁」,仁 以言 初 而 當 節 藝」。 當 不 此 先「志 存之意。 據 與 章 即所謂 德 藝者心之巧思 分本末之序,而 志 道」, 學 德 運於心 「從心所欲 不待 以 熟 道 至 於 得 兩 勉强 「從 則 心 於 段事矣。 爲 則 心 游者 以 心 而 不 爲 則 「游 隨 踰 相 爲 過 然 事 矩 德 似 然 後 而

之能 品 則可 之日 夏聞之,遂 非 以 人 離 傳之,不以「本」爲 小 别 爲主也, 「子夏之門人小子,灑 「本」也。 子夏以「灑掃」、「應對」、「進退」教人, 矣,君子之道焉可誣也」。 子未可 抑末 發 也。 其意,以爲我不以「末」爲 只在 尚覺所務 以 語 本之則無 事 後 Ŀ 耳 在「末」,故子 立 故曰 而 倦教,特以 誠,未見其「本」 掃 , 如 「譬諸 應對 之何?」 孔門學 游 其 進 先 子 時 退

達 爲 時,即 此一 葉 達 事 論 體用之不相離者也,但小、大分殊,其進有 也。 然亦據其 者、近者、「本」爲天者、遠者、若有先後然、 惟聖人乎」! 所不通者,是全體畢見,即「本」 善言、見一善行,若决 者 即即 者爲「末」,譬之木焉,自 兩段 也。 於 而 「末」時 在「本」; 渾然, 萌芽之透徹未有停 感觸者,機之始發,即 一恕 以貫之」之道,故曰「有始有 其精 有「本」中之「末」、「本」、「末」非 事。」蓋精 程子曰:「凡物 所見之小大者而言耳。 E 誠之所聚 即有「末」中之「本」,當 求 有 即「末」 觀子夏之言,似以「末」爲 忠 感 誠 觸 所 即 而言,「本」在「末 也 聚 無 有本末,不可 江 是 所 者爲「本」,萌 機 河 此 故 「末」而 不 根 沛 意。 即 通 其 而 然 「本」而 萌 幹 莫 如 若 言 卒者 而言 其實,當 芽 分 之 論「本」 而 舜 聖 也 之所 芽 枝 本 能 兩 聞 人 其 也。 段 小 所 無 禦 則

也; 漸 近 貫」之旨可以無疑 本之所以 [者,即「末」以求「本」,萬 則 後教以大者、遠者,即「本」以會「末」, 學者 有 萬 不 殊 能 也。 矣。 躐 等焉。 知 此 則「忠恕」、「一 殊 先 之所以 傳 以 小 一本

睹、恐懼 遠人」, 之妙也。 也。 氣象,非謂授 欲發之機,所謂 學於文,約之 所以爲之節者,大本也,故曰「優優大哉」。 中道而立。 君子引而不發,躍如也」,引者,「中」之立 禮儀三百、威 不於不睹、不聞之地用 當喜、怒、哀、樂未發而 聖人之教 民之所 不聞 如 此則所立者,道之「中」,故 耳 以學之之方,而不教 聖人之教亦只如此。「道 以 惟 儀三千」,皆文之中節者 以 「躍如」,此 欲使人立大本而 禮」,禮 豈中 鮮 能 庸之真 者,惟 戒慎 者大本之所 是 中,「中」已具。 不 形 不 、恐懼之功 能 可 容 己。 戒 能 以 立 一大本 得 哉 博

> 孔子所 豈 無 不爲 之拙 而 將 而 他教矣。 立 已矣,故禮之外無大本,而立大本之外 隨 以 者 本 拙 所 道 見聞 射 之學 不踰之矩,非成 也 爲 高 變其彀率」, 求之, 郭? 一大匠 妙 不 可 事爲之著,是 大本 不 幾 爲 及,欲 言教 法 在 拙 乎? 我 I 必 改 而 貶 有 廢 不能 以 矩」者,禮 成 繩 從 法 墨 立 人,則 也。

性善 己。 可以 幾 率矣,何以 功,以立大本 之教,若執此終身,不過 及」,而欲求 及者始 語 而 孟子才高,有必爲聖人之志,故常 公孫丑 必 上之 ,方有實地 稱堯舜,此 可以 言 也。 聖哉? 事 _ 道 也。 幾 不如是 則 及者,乃「中人以下 即 欲 高 其 使 成就一「義襲 矣、美矣, 初 則 所見,止是 學亦 廢 從 繩 謹 須自 不 獨 可 變 小 L 可 學 用 道 而 幾

禪家學佛之初,把捉此心不定,必有

通」, 悟矣。 公案。 如 田 仙 話 論格物, 文義 中」字,是以 潙 不 千 爲 靈 係 者 頭 維持此心」, Ш 是亦 覺 可 蹊 胎 或 下 以 事 水 守泥 之開 通 萬 也。 執 吾儒 息之 至 見 ,爲」爲: 爲 只於文義事爲上,思索講求, 牯牛」, 徑 所 頓 於 意 柯 公 在 皆 之學 丸 明 悟 千週彬 本體之明,時常 伐 根 案 以 「中」爲 公案也。 而 謹 柯」, ,所守尤要,亦是守 可 是以「書」爲公案 亦是以 贵 能 或守絳宫,或守丹田 時 己。 如 獨 亦有然者。 以 有 足 悟 桃,魂 外 適 公案也。 以 悟 通 庭 凡着公案,皆是 心而 看牛爲 或 言 耳。 前 至於「一 獨 謂 靈 實得 但 栢 知 求道 之「頓悟 忽悟, 發 然其 得 樹 司馬 張横 露, 者 哉 子 旦 者 也 悟 道 因 部 則 即 公嘗 渠 也。 也。 是 也 而 若 處 其 心 然 是 謂 亦 程 而 已 聖 覺 雖 貫 以 念 有 朱 讀 頓 丹 爲

外 各 於顔 哉? 卑, 明 學 如 但 訒, 以 積 取友、子張則告之以「恭、寬、信、敏、惠」。 日 此 體 執事」、「與人」之道,子貢則告之以 (之教落) 主 曾子 不能 求 因 此 力久 聞 新 而 亦皆積 郭 言 其 樊遲則告之以「先難後獲」及「居 一敬、行恕, 淵則告之以「克己復禮」,仲弓則告之 類者,不 不 擴 聖人無 ()學將 ? 病 充之, 者 所 己 求 於公案者有矣,安得謂 以 或 若 而藥之,亦 乎公案,則 童蒙以瀆教 漸 以 偏 聞 小學之教,誦詩、 有得,則時 精 所致,而 極 狹 司 教 而足,雖各就 察 高 固滯, 馬 也 力行 貫 明,行 如如 牛則告之以「其言 同 以 而 豈有頓 愚 歸 其 孔門諸賢之問仁, 雨 循 則 遠 於「謹 不 唯 之 時 序 姑 能 自邇,登 其質而 化 漸 假 心 讀 悟直超 也 明 可 進 體 轍 道 獨 書 歟。 以 尚 習 則 迹 口 至 及之, 成之, 尊賢 而 以 未 虚。 之 以 高 以 由 於 收 開 術 也 自 是 真

耳。聖人豈不使民知者哉?語》言「民可使由之,不可使知之」,蓋謂此放心,此亦不得已,因時之享行也。《論

說理會編卷之四終

説理會編卷之五

吴袁洪愈訂正

言

行

實

哉。 仁耳。 之心 所發,惟愛親、敬長之心最爲真切,故 仁亡,氣已不貫,此 法、《 孔 仁是心之生理,自 故孟 門 之 虞 子 書 教 日 惟 w 所謂 在 「仁,人心也」, 求 與 道心 死 然遏不得 何 惟 堯 . 異? 微 舜 心 以 豈 正 來 學 失 不 指 處 相 其 哀 則 此 傳

孝弟

爲

先,始於家邦,終於

四

海

亦

惟

充

此

弟

而

已。

孝弟是心

之實理

す,實

理

盡

之於

應,故 之道 遂 戒 體常覺,不動而敬,不言而信, 不 不敢 聞 離言 道 弟 力便是有 之失,而不在言行上着 地 可 此 心 行 心之微 可以爲微 爲 慎、 見 以「虚」言耳。 則 爲 盡。 易 所 物障,雖恐 而 明」與「誠」合,不 爲 行不得,言行者耳目接於聲色,易 心 聰 恐懼只 牽引 不 必 忠信、云忠信則孝弟 學, 毫之雜,而 無 云「不敢」者,戒慎、恐懼之謂 事 足,則不敢不勉,「言」易有餘 耳,非 日 不 則 矣。 而 「庸德之行,庸言之謹」,正 之時,故聖人欲盡子臣、 聞 在 心 Ē, 明 淪於無者也。 懼 獨 故 非 然則所謂「虚」者,獨 忽於先幾者 亦落 戒 知上警覺,心體 無 全其空洞昭明之體, 止 慎 不 落於形聲之著, 於 力 有 見,苟著於 虚 恐懼 也。 所, 而 非 是 多 於言 然應接 己。 所 而 功 矣。 顯 以 爲 聞 純乎 加 虚 行 防 明 惟 體 則 弟 知之 於 言 見 處 此 則 也。 能 則 爲 晦 友 却 行 IF.

失道 業業 謹 則 動。 言 自 至 外 懼 天 不 言 修 也 命 不 而 於言行 乎 行之至 見 睹 ,然後謂之實 其 行之功矣 言 自 ,言行亦聲 惟 之 聞 者其可 内 不 恐失之之 所 之 不聞 則 出 固 者 能 處 不 所 而 已惕 自 聞 以 聞、 如孔 言 忽言行 已 故 至 色之 心 然 處 所見 是 一終篇 H 則言、動 學, 子告顔 也 常 爲 類 戒 乎? 防 雖 立 而謹 只説! 亦言行 睹 慎 也 其 大 不 固 淵 者 乎 有 因 本 惟 獨之外亦 言 色 聖賢論學, 其 言 得「言行 以 失矣,此兢 也 於言 也。 行 視、 所 行 也 也 大 不 令中 而 行 聽、言、 本 聞 謹 睹 别 無 自外 庸 無 有 然 無 兢 而

故 敬 者實 行、 雖聖人亦自以君子之道爲 誠 治 庸言之謹有所不足,不敢 而 用 己之要 已矣。 功 處 也。 只在言 故 聖門 行 不 行。 專 逮 以 言, 言 言 未 忠信,行 天 不 能 行 勉 下 爲 通 有 庸 病, 德 餘 此 篤

> 性 不 口 之 不 所 敢 務實 以 顯 盡 爲 著 必必 行 盡 使言 真 哉 性 不 耳 在 行 0 言 相 至 語 日 顧 間 「予欲 而 矣, 慥 慥 然則學 無 篤 言 實, 者 則 則 T 見 聖

者 德 其 所 易行 其誠 以 事 和 與物接,其 足 「言之不作」,此君 之主 平. 也 加 理 顯 」,言果足 在 · 懸想: 意 哉 雖 難 言 有羞惡之心。 從 德 不得 一於心 惟 ? 此 甚 行 容 而 本 有德者之言 精 億 不 其 蓋言者 情因言 尚 不 者也 相 微,言之皆 迫 度 由 耶 在 因 一,而 可以 而 矣。 言 有 情 子所以 以宣,言苟 情 常 人 無 也 言 知者,皆 之感 故 順 之 則 其 顧 耳 則 凡 能 從 務 行 其 孔 流,心 耻 聰 於 曲 德 實 所 而 子 然 其 氣 是 明 無實 上 盡 行 先言之, 行 日 (言也 所 不 聞 者 一發根 所 存 者 天 以 但 及,思 也,行 見之知 則 必 感 非 何以 有 心心 反, 何言 其 動 此 夫 則 所 有 無 慮 立 不

行 離聲 者尊其所言也、識之者記其所 考古人之迹 可 其善者而 爲 心常 者,非「不顯」也。 在 此 加 見處 求 矣。 識」又畧有異。 「多學而 事 與 也。 不 上積 色工夫,不 存,是「不顯之德」也,故 即 「多學而 讀古 知, 默 忘」之意, 學,此學不止言「 。「默 不 多聞」、「多見」 而 從之; ·睹、不 累。 識 識之 所 而 之書 聞 __ 識 識 檢往 所 多見 之 聞。 事 免有 則「 非 而 識」未至於「不顯」,則 積累多,後有得 蓋「多學」是自 識 見不 行皆謂 求 有 則 識 不 而 一貫」矣。「多聞, 間 則 前 聲色之可 字 睹、 識之」,此 同, 物 但 斷 知」已,謂 是别 言,皆謂 訓 親 之「見」。 不聞 時, 但言「多學」皆 記 記。 見 人言 日 於 行 不可 今人之言 之中 之「聞 睹、 「默 其 身 與 於心了 也, 身 語 記 可 「多學 心 以 可 前 體 識 從 行 聞、 擇 爲 聞 洂 力 未 是 此

> 之本體者乎。 良 變爲 學者率於聞見上求「知」,反謂 何當倚 畜 識 之次」,以 之徑實耳 於「知」 擇 知之上」也。 知 之時,資 善 前言往行以 「不能 之本 非 猶 無 聞 ,此聖人不得已之權 有 見「 知 體 見 知, 於 取 未 妄 有 以 多識 於 獨 畜 然則孔子之「知」,其得良 得 作 不 爲 而譏 知 但 其 者,而 從 知 開 德」 非 外得者矣。 哉 可 於不睹、不 其 ? 其 廣 者 爲 謂 必 聰 己 中 又 若 聞 將 明 有, 自 人 博 妄 見之知 不講 教 以 不 與《 作 聞 所 故 聞者 同。 也 下 强 孔子 古今 則 開 者 乃 不 世 知 知 知 道 則

格物

此 是實踐處 大學》 論 蓋 外 明 明 物 德 而 言德 功 夫要於 則德人於虚 格

之初感 器。 物, 則 在 理 則物謂之理 時,物皆已往 先師謂「心之感應謂之物」是 於我」之「物」 石矣。 」, 正 形 而 而 器則形 第其 而 謂之格矣。 吾 不 上、下之間 當 但見 心之所感者,亦不過 《易》曰:「見乃謂之象,形 所 爲 , 而 謂 其 其 滯 同,蓋 下 (象,往 所 物」者, 而 之名也,故物 有感焉, 滯 成形 耳。 吾 也 過 心 與 成形 則 來 則物在我矣。 所 孟 知 爲 續,不滯於心, 此 見 子 也 之後 順 與 物,不可 「萬 之實理 則 應 理之 物 即 乎 心未 乃 物 謂之 皆 此 爲 分 不 也 違 只 [備 以 感 外 而

之 但 時 或 而 時 未 論 處 爲 及 其 古 主 程 今人 敬 未 當 儼 叔子論 爲 接 否。」此 若思」, 物 善 物 格 而 時 則未 物 三言者 辯 耳。 而 日 其 鷄 接 . 得 觀 鳴 物 或讀 其 失,②或 ,皆接物之事 而 别 以未 起 是 書 講 應事 未接 出 時矣, 明 門使 義 物 接 也 理 但 民 物 之

> 事 耳。 皆 其 之所 然後 問 而 物接也 而 不 ,而「恭」即是必 衣冠 是 所 知 恭、敬、忠」三 一言矣, 也 具 謂 爲 以「居 思 也, 則 、尊其瞻 盡 「恭」者,謹 居 程子 與 故 虚處恭 而 惟「居處 格物 「敬 只「執 「與 處 所 視 道豈在 執 人之忠」則 謂 是 I 對 禮 而 事 有事焉, 事 夫無 何 恭」則爲 「接 於 念慮之,差毫釐必察, 思」與「敬」者蓋 敬」之一 敬 事 「獨知」 獨 物物 ~,與 邪? 間 知 其 於 人忠」爲三事 應事 而 未 言已該程 動 心未嘗不 而 一之外哉? 孔 言,雖 接物 息、 子告 己。 接物」 思爲 時事 若 指 凡正 樊 與 無 中 遲 此

^{● 「}心之感應謂之物」、《王文成公全書》卷二《答羅整庵

^{☑ 「}辯其得失」、《二程遺書》卷十八作「别其是非」。

脩業

德 業,工 掃、 耳。 業 也,脩 業 脩 也 有 業,大學 下 貴 爲 見 以 此 辭 應對 其 舉業 實行 知 也 賤 天下 誠居 則 學 以 德 ,則 之殊, 爲 以 制 謂 爲 則謂 以 立 乃 ,脩人爵者 行 忠 無 無所 皆 器 業,農以 脩 詩、 其 見忠信 成 無 有 謂之 飾 其 爲業,女以 之舉業 誠 爲 用 業之 書、 言 事 不 ^ 所 德。 易》 心 逮 辭 之 德 以 雖 禮、樂 治 也 矣。 學,無業之學 則 使 爲 耳 業。 居 有 曰 田 忠信 謹 足 本 業 小 紡 爲業,商以 故居 脩人爵 爲業, 於言 聽 也 德業 大之 但 織 也 者 忠 聞 以 爲 誠 上以 信 然居 而 (異,其 也 ,脩天 此 德 業, 也,然 以棄天爵 小學 不 所 謀食, 空談 以 教 業而 其 通 敢 蓋 以 以 養 放 學以 爲 貨 進 必 也 云 欲 脩 雖 爲 灑 爲

信 聞 矣,故 筌 聞 爵 德雖不能 業之所 不多也」,正欲 故《易》曰 工夫矣。 爲未足, 베 多聞 多見」之教,但 闕疑」、「闕殆」,何在於多?「君子多乎 多聞」、「 則 外 蹄 見 而 舉 以 人爵 來者 哉 也 業 以 」、「多 所 ,忠信豈容居干禄之業哉? 有 , ? 遂 德 所 見 加 多見」 從之,故 多 然 事 不假於聞 别 非 如筌 者 日 聞 者 也 見 大學之中 爲 人可 慎 魚 識前言 求多焉 者 慎 爲 取人,則「多聞 蹄 言、慎行,求約 兔 業不 爲 慎 之於行, 必 畜 業。 曰 以 學 也, 見之多,而 之於言, 德 故故 求 往 者 學 ·足以 則 魚兔得 亦 子 而 魚 行 也。 也,禄 又 似聞 未 張 學,不爲 而 兔, 以 致舉,乃以 〇日「耕 嘗 之 不求 畜 周 而 於心,歸 多聞 則 曷 在 見之外 廢 」、「多見」 學干 其 衰 不 筌 嘗倚多 其 也 德 行於 干 求言 多 蹄 多 中 但 列 禄 禄 見 聞 餒 於忠 可 别 聞 哉 也 於 於 棄 無 見 舉 以

誠 其 之業 矣,亡 中 矣 不 國 0 미 . 敗 由 無 家 此 之本 觀之, 無 業 木 計 則 在 利 天 兹 之 歟 地 心 間 不 미 棄 有 而 立

志 惟 心 也 所 口 而 而 而 不 但 善者 改之」,則 内 耳。 ,此皆日 謂 講 心 則讀 自 考諸 中 則 文義 然心 省」,「擇 感 有 書 德 只 真 發 古 始 是 用 不 上講 體 取 好 訓 人之善心, 有開 明 日 中 友 不 真 也 其 事,心誠 用 求、口 始 明 悪 必 明。 善 終是: 取 有警發。 須 者 此 友 語上 「見賢 讀 方是 而從 惡者 倚 即 求 書 無 靠 所 聽受哉 之 事 取 切 之, 是 思 言 懲 謂 亦 友 口 己之學, 語 非之分明, 齊,見不 創 其 不 質 忽 文字 . 過 不善 諸 讀 之 盡 先 書 學 者 賢 逸 覺 即 故 此 而

思 艮 慮 經 其 歷 也。 限 須是事上精 則終身不 若只於 列 其夤, 心 可 厲, 體 以 察, E 當 熏 求 非 事 清 能 一,正此 虚 離 如 事 而 易 而 不 意 所 從 斷 也 謂 事 絶

> 外 此 惟 時 其 末, 自 有 可 夤」, 限 限 者也; 安, 危 事。 厭 也 於本 俱 恭 如 必 主 事 而以 謂 只是閑 未 一則主 腰 熏 凡言「工夫」,非能 胯 而 外 體 有 出 脩 胯 下 心 但 體 事 膂 何 身 門 矣。 止 所用 分 言 外邪 力 是 以 使 者 八翁惺 於心也。 列 内 能 任 限 民之時 此言人當 力邪 體 身之治 於外 勝 加 事 上 惺 也; 重 己。 下 戒 之 ? 也 ,是 「 謹 地, 則 「夤」 者。 夫心 此 於 慎 以 於 他日 者也 若 心 獨 故 閑 事 主 居 體上 本 正 夤 者 · 臨事 外 上 以 胯 處 無 於 邪 求 Ė 取 獨 恭 無 閑 加 膂 止,不 限 一,言外 之 象 事之 邪 之 得 便 也 也 之 防 内 於

書。」此 此 追 又 日 檢 究 搜 : 先師 身之密 尋出 勝 無 怠 日 事 來,定要拔 之善 時 功 日 將 也,不 間 好 功 貨、 也 \perp 一夫,覺 不不 如 去 好 是 病 色、好名等 如 根 則 懶 是 水 慝 看 則 不 不 書 惰 脩 復 私 則 不 起。 逐 且 警。 看

遇 結,而 豈 如 也, 防,不假大師 之「力」,安得 初學,安可 미 擇善者去私心也。 我者,謂 着,是欲 慈湖「不起念」之學,反疑「喫緊工 認得主 IE. 曰 無 背自 如大師之克敵 於易簡 」,正謂此爾。 是 目 如 則 也 而 猫 不復知有其 退 腦,則「工夫」自然 志 視之無 澄然 子之學, 無私 捕 哉? 大抵 ,勇受樂從,而不知「工夫」不實,其 不篤。 遽 鼠 不 者 心 無事也。 與 慈湖 他 如鷄 · 勤 此掃 也。 語 無 耳,豈真無一 可 以 見 聖人之心 ? 他 此? 時 之説 覆 此 也。 擇善貴 有敵在 也 一。」此顧諟之專 除 無 既欲去私, 卵,精 教 夫聖 廓 處 傾 《易》 本宗「自然」, 人最爲 故學必先於擇善, 清之 不差。 而 耳 於力行,「行」謂 前 一人無 如 不 神 而 事哉? 日 敵 功 而 以立志爲 心 聽 大 宜容退 喫緊,但 無 一夫」近於執 今人習於 退 意、必、固 所 思 之 大 功 以 師 而 無 凝 也 學 能 克 必 而况 聚 他 彼 自 相 要 融 聞

> 不 流於空寂者幾希矣

> > 七四

斷 欲 根

於 性, 色亦 禮 官 聲 所 牽 馬公所謂「 無欲、安於不 聖賢所以制 引人 其 不 勿 間 是人 視 養 思 耳 有感 心。 其 而 而 目之好無 禮》 非 所當有 蔽 爲 耳,美色 觸 扞禦外 禮勿聽」爲先,《 故《論語》「克己 之節 心之學惟 所記「淫聲美色不留 於 邇 寧保 物 不 甚於 而 留 物 所 以 其 何學 不 也。 天 以 不 聲色 能 此 而 養 理 之可 發 無 而 抑 其 爲 狂 者 一,聲色之欲 遏 已,否則 書》所謂 復 扞禦」 目 言 主 疾 太 ,苟非聖 禮 一, 而 . 哉? 焉 耶 甚 聰 ? 惟 本 聰 則 耳 則 明 非 即 然聲 明 故 最 之 邇 非 能

學 此 養 養豈將 最 則 1,亦惟 也 所 蔽 知 提 切 要處,宜 就 其 也 省 於 之謂 非 此 其 耳 禮 心有警覺 有 目 哉 深察焉 至 自能 所 ? 於沉 聞 然 勿 見 此 處, 溺 視、 中 亦 者 · 操 即 聽矣。 非 鮮 是「操 存 於聞 矣。 此 心而 此 存 見 謂 是爲 之養 上 己, 着 如

畏 貧 謂 天命 偏 性 也 之欲 富 勝 則 命根 譏 皆 故 其 耳、 議 0 主 命流 不 所生 制 目、口、鼻,欲之根 者,亦 好 能 在 命 於氣 生者欲享 爲 心, 莫 亦不易解 是 性累矣。 如 而 則 捨 性。 耳、目、 隨 不得 此 其 欲根 所 惟仁、義、禮、知之 也,好貨者欲遂 此欲也。 至於 口、鼻之欲 偏 也 一,其 而 心 斷 好 思 初 形焉 則死生、 爲 亦 不得 善 本 故 於 而 此

者 教 不 膽,安 必 則當 衣 食者, 養 能治 憂道 也, 禮 死 而 然 生所 義 不 此 憂 亦 哉哉? 係。 貧 爲 凡 此先王 民 衣食不 食 無 言 求 耳 爲治 足, 飽 ·, 若 在 居 所 救 學 以 死

> 變乎? 足以 以 士志 蓋 心 察安,而 之念未斷 餒 於此 夕 也 在 而 義。 累 死 於 其 爲 前 斷 其 道 中 聖 學 便忘義 根 許 心 而 賢 死 於 者 始 之心 衡 耻 生不 論 而 好 不能忘情, 欲 能 惡 學 又 學 使 不 足以爲心累矣。 惓 衣、 、利之分,故辨志 「守死、善道 何憂於貧 , 學者 惓 篤, 所 惡 使 謂 食, 何 中 治 人安 無 間 以 則 生 乎? 怕 生出 不 能 介於貧 則 産 朝 足 至 而 於 許 是 自 聞 死 與議 展,故 死 所 學 多 有 憂 道 生 貧 巡 謂 口 怕

去 勝 心附詩格、文體、書法

哉 能 自 ? 有 利 容則 人有 遂有 勝心者,欲上人之心,孔子 勝 德 忌 心爲 孤 心。 而 害最大。 寡 有忌 與,安 心 則 得 有 不 有 勝 能 和 心 所謂 有 平之 則 自 福 不 私

益 能 容之,而 且 下人,不欲人之上人也 也,故學以求仁爲本。然人 讓之心。 口 體。 樂取,不肯自謂已足也,如此者 一,凡上人者可以戒矣。 也 辭讓 上己者則每忌之,是人常好 有一 其 根 之心,仁之曲 長,若己有之; 起 於不仁, 於下己者 盡 滿 主善 則 而 招 能 能 損 爲 便是 自 與 師 則 謙 卑 萬 受 之 能 辭 處 物

用 亦是勝心,此 也。 於解 今推 翰 原其 上 巧求 由 本 不 意,庶知所就實焉。 奇古,欲 知詩文、字書之所 以 絶 技 專 以 盛

1160

不 巧 韻 拙 以 世 如 私 唐 異 其 詠歌 論 不 詩之爲教, 也 如 朝,六朝 詩 辭 之,使其 中 但 清 唐 今以三百篇 拘 而 中中 不 格律,以古詩言 所以 不雜 如漢 可聽。 唐 感 不 魏 則 如 發 觀之,文武 其 又作者之志公正 人心,故爲之音 盛 以 唐 律 人尤易 詩言? 則謂 其 開 則謂 唐 也

> 模擬。 欲免於 於格 衰世 言不必有德,亦無以 辯,好惡不公,其 其 異 各 與 拙 格 宣 不 律 者 則 同 王 巧,而 中 出 矣。 中 人心 口 當 語之間 興 求 自 盛 然性 詩 發 然,苟益 意 以 世 邪? 演 揚,其辭 至 於 一則人 情 豈 雕 幽 世 得 感發人心矣。 鏤 無 厲 若學詩 於教 教 心 正 相 常巧, 生 渾厚 何 欲歸 似,然 亂 皆 無 所 於格 録 所 補 於拙 時 固 其 偏 爲 皆 邪 而 有因 經, 律, 私 加 有 邪 常 豈 况 辭 則 其 正 時 拙 有 巧 不 終 雖 可 而

其後 《謨》、《 倔 正通 矣」,所尚體 學求隱僻 牙如《盤 達, 聖人德 湯 語》、《伊 人 性 要耳。 庚》者。❶ 易知。 中 辭 和 訓 尚 文莫古 義理精 彫 孔子 何嘗 沿 鏤, 于《周 曰「 有 而 於二《 貫,故 其 辭 文 險 典 達 其 始 語 習 言 哉 而 有 佶 平

《殷盤 局 之學矣。 世之習, 命 語 成 孟之言, 而尤加意於險怪之文, **×**, ≪ 猶 洪 雖 平易 **豈聖人之所得已哉?** 範 周 周 加 \approx 理 世 語》之 體 《 旅 亦 之君子 明辭順 亦 未 不多見 獒 易 **×**, ≪ 9 變 取取 知 不 也。 無 焉。 此 究 何哉 於易 逸》、《 則 本 中 知聖 然 原 知 間 則 觀 周 雖 專 門 文 孔 絶 官 如 論 追 仍 不 曾、 \wedge 格 衰 古 襲

斗以 仲 也 字 貌 假 伯 契,然事 變小 喈 猶暇 始 難 漸 既 成 增,虞、夏、商、 又 爲 上古無事 變篆 又爲 篆以 於模 大篆 亦甚 故令隷 書 以寫也。 隷 飛 爲隷字。 0 簡 秦 了,治以 白 爲 比 字 李 八分, 於隷 則 佐 斯 至周 周 多 結繩。 所 書, 蓋 省 象 之世皆 則 尚 亦隷之不失篆 籀 秦 宣 形。 名 又 益 文 時 王 簡 伏羲時始造 日 奇 以 時 奏 用 其 隷 巧 爲 事 ,史籀變科 後 科斗文字, 矣。 書 繁多 小篆 會意、諧 蓋 也 字 王 次 書

> 暇」 體,以 哉 易,乃 楷,此 不 有 古篆雖存六書本義,猶以不合時宜 漢 夫字之就 書之法 趨 H 隨 必擬 章 亦 ? 私 於 省 耳 所便 作 書 而肯 帝 簡 其 取美 張伯 程 反 古 草 時 盛 至 小 繁多 邪 明 加 惟 簡 杜 而 用心於不 字,謂之章 稿 於 行 道 觀 英所謂 意 已,亦 ,本爲官書煩冗,不勝罷 則 真 於世,二 公移正 伯 日 草書爲淹 體 但 用 生 由孔子言之,必曰「夫 度善草書,章帝 行 製 一行 行 豈 某作 匆 而 書、 日 必 書, 行 草。 在 事 學草 就 匆 用 求 草 則 時序, 字 又急 乎? 生 不暇 其 其 用 魏初, 書 . 時 草 平 者 必 楷 不 甚 蹙 作草 則 至 工以 故今之字 又 書 知 一敬 則 愛之,令章 有鍾、胡 反 爲 豈 口 亦 書」也 非 用 草 何 取 難 飛 也。 使 得 勢 所 是 我 白 從 於 使 不 。 **2** 好 其 故 便 日

[「]仲」、原誤作「中」、據《晉書・衛恒傳》改。

[「]英」,原誤作「萼」,據《晉書·衛恒傳》改

明 畫 厥 德 放意 此 可 則 以 伸 荒 爲作字之法矣。 紙 取 行 朱 妍 墨 晦 則 庵《 惑 《書字 在 必 其 有 中 事 點 亦 焉 日 神 書

好 爲 師

己。 如曾 以 六七人; 相 道 常 而 成 從 道 師 顔淵 之 點 自 於 教人之責,不 以 類 主 當 育 也 任 千里之外,惟欲 其 何 有 曾參當 暮 人材,本君 而 由 爲 道 厚 春 誨 蓋自三代之衰,政 盛 師 轉 葬之門人; 之游, 哉 故 負蒭 相 伯 不倦者,惟孔 ? 傳 師 聖 子 7授,此 之禍 有 孔 爲 成 人可任 冠者五六人,童子 隨 子 子夏 天 物 其 與 有從 下善。 之 是 所 其 孔 有問交之門 孔 心 教既 至,得英 徒 子 行者 也 門 門諸賢, 講 世 家 廢, 七十 德 無 而 能 才 每 無 師

> 是己 人哉? 戒 爲 以 廢 及人,不見是 道以仁」之外别 章、公孫丑、充虞之徒講學從遊 王 萬 好爲 師 也。 成 也。 道 於 鍾 非 Ξ, 己 孟 不 人師」之戒,人 故教 但「古之學者爲己」,其 亦惟 也 汲汲 足 子 王 一,聖賢教人之本意蓋 黨同 與 則 先務 欲 而 以 /者求 有 辭 中 伐 求 無悶」者, 無 爲 而 · 或 成己而 異,則 教 其 耳。 不受, 教事,「 授 亦豈 人而 真 孟 若 心 速 已,故 曷當 是 子 所 不 温 退 相 謗 以 室 在 信 務 故 招 而 宣 成 汲汲以 而 成己, 加 ,尤,尤 有 與樂 哉 知 如 則 物 王 養弟 已矣 新, 此。 雖 固 也 無 克、 徒 樂 志 所 求 乃 且 可 子 或 宜 犯 教 於 以 脩 所 萬 於

桃 有 也 禮聞 其 不 子弟 人之患在 來學,不聞 資 於 從 下 己; 之 自 好爲 則 成 往 以善及 孝、弟、忠、信。 蹊,何 教」,凡往教者 師 人,信從 待 於好 聖賢 者衆 邪 皆好好 居 蓋 學 是 邦 故 如 問

質 師 自 得 也 無 輕 已 師 H 之下矣。 如農 哉? 則 者 然古人 而 亦 也 往 夫之出 不祭」,不 教 終屬 若 / 欲 仕 者, 枉 爲 則 道 疆 又 名 與 求 惡 祭 而 耳 爲 合 不 負 則 耒 貧 由 不 惟 則 耜 ·安,故 其 而 又在 世 其 仕 道 同 生 出 寒 則 好 計 亦 疆 士 爲 曷 惟 有 在 必 載 此 +

戒希高

於小 大 過 能 1 小 無 乎儉 悶 過 心 《易》 0 若 則 學者有爲之志固不 自 大過 日 此 知 | | 君子 擔 有小 量 此謙 不足,不可 當 其 則 之 學 退之時 日 過、大過 以行過乎 時 力 君子以 也。 之淺 也 昂 所 可 , 深 恭 以 昂 獨 所 無 貴 其 增 才 貴 立 喪 9 陽 但先 識 時 氣 不 陰 過 剛 之異 。 妄 之厚 懼 柔 乎哀,用 須 故 謂 過 遯 抑 薄 也。 於 世 過 己 抑

> 寧 聖人之教豈 孫 子 小 而 戚 也 日 躐 而 等 重 寧固。」 一禮 又 希 其 日 高 任 過 與 : 其 舍 則 其 高 奢 意欲 近 基 而 奢 則 圖 無實 本 也 不 遠 使 未 寧 孫 哉 人 儉; 堅, 知 先 儉 小 鮮 喪,與 則 務 而 不 固 本 大其 仆 也, 其易 與 其 然 不 孔 順 也

毁譽

見 必 所 少 而 不 向 不 己。 有 篤 牽 之,及其 爲之志。 肯 善之心, 7爲善。 一、平日 狗 凡 故其 人多 君 子 更 便 心 所 而 間 立志 爲 也 之 成 猶 亦依 爲 有 氣 過 有 掩 不善,畏 不 質有 人皆仰之」,平 二興善念者 違 護 退 如 堅 日 步 ,卒自欺 疑 偏 故 避 月之食 而 好 流 不 指 如 善 能 於 以 此 議 不 物 不 日 者只 過 迷 又因 篤 欲 狥 其 故 所 也 好好 俗矣。 真 爲 爲 雖 流 所 體 善 無 有 俗

其 有懼 避? 故 根 説 悍 志 使 過 不 口 重 天 而 而 自 不 不 流 避 未 下 君子之學以 行 不 畏 種子不 遮 必 歸 必 爲 不 毁 嘗 不 不 行 若 根 何 乎? 至 者, 飾 顧 掩 以 之 阻 掩 毁 有 種 可 各 復 乎 而 肆 毁 譽 也, 焉, 不 子 掩 ·真而 以 謂 有 ? 加 行。 譽 豈 得 行 動 不真, ? 無 亦 是 去病 所重 之 動 虚 者 也 夫 且 有 不 其 所 嘗 不避毀者,謂 心、 此邪 不 只要 語 安 以 可 忌 種 無 則自 根爲第 顧 如 哉? 遏 知 非 致 不 過, 憚 反 子 此 新 正之所 狂 浮 絶 盡 其 人言 更, 本真 哉 謂 求 反 11 者 議, 但 真 不 起 ? 先 心 諸 不 日 况有 有 每 種 以 於 義 中 而 師 縮, 己 其 之不恤 蓋 以 事 何 必 避 不 有 論學, , 先立乎 究 分也 人言 種 者必 必 爲 必 其 避 理 則 毁 畏,是 ·真種子 必 子 當 有 稱 聖 身 外 譽 人言, 能 真 先 譽 有 而 所 有 人 古 正 議 其 故 任 亦 V 憂 疑 而 而 日

大者則小者不能奪,而毀譽安能動乎?

改過

之。 之食, 之,巧 害 體 欺 惓 也,自 文 過 矣。 惓 未 而 誘 明, 使人共 至 可 過 欺 於 過 也 則 機 以 照管不 者 無 也。 爲惡。 變,不 見 人皆見之,及 改過 過 氣機 聖 謂 有一 及耳。 故故 用 之 聖人 不 日 偏 耻 化 必 毫容過之心 文耳 勝 過 知過 心, 文 其 也 君子之過 賢 是 過 更也, 之不易 中 則 自 非 德 改 欺 已 以 未 過 覺 其 過 人皆 如 無 而 則 日 也, 無 仰 月 全

覺 過 處 處 也 着 勢重 過 各於其 是 毫將就 則 天 偏 理 黨。」 勝 中 流 即 然 即 出 自 爲 人 欺 之良 黨 順 而 矣 勢 爲惡矣。 故 知 自 必能 日 無 自覺, 人之 撙 節

逆天 也 以 知 爲 介能 理 小小 知其流 欲 遏 尚 人 即 常 得 而不中節,則仁 察識過,是仁之流 是仁之根也。 謂 失 之過 於 薄 乎? 過 於忍」,則 即 過之 於過 此 而不中節 而 發 處 在 一觀之, 端 己 處 是 者 拂 口 藹

精,而 當 事 不 而 虞 能 其 不 復 無 計 叛 周 益 而 聞 其 過 公愛兄之過,故使管 求其 漫 此 也 非。 孔子愛君 言 不之改 (精」也 使二 則 此 必 陳 邪? 聖有 賈、陳 贵 有 之過, 精義之處。 一肯謂 所覺 司 故 其 敗所以 矣, 稱 叔 所 監 昭 過 而復當 一般,而 所謂 公知 覘 知 理 此 其 不 所 已

未 近 則 氣 云爾、《文言》所謂 嘗復 機 能 即 偶 即 不遠 覺 忽 行 初 」者也。● 九「不遠之復」,「 乎哉」之意,以 免 爲 有 所 間 過 有 蓋 然 自 不 顔 有 心 善未嘗 子之「不貳 體 其 不 合 初 遠 以 不 一者言之, 萌 爲 知, 猶 即 過」是 之帥, 覺 知之 言 故 至

> 此 也。 也 顔 子之 若 不 貮 失 過 而 者,合於「一」 所 後 以 得 異於他 則 當 也,非不使萌 其 敷 失 ? 時 已 貳矣。 於再

約之 者 發 根 則 能 欺 木 鮮 根 攻 生 其 之本 其 哉 消 矣。 歸「中」,即 太 心 惡 悪 ,安望其能 非 過 而 自 若惡, 過 别 不 則 生出 固 顧 而 有 亦 者 日 惡枝 復 是立 許多 則 改 也。 根 於 須 謂 日 病 只 無 大本也 是 譬 稍 痛 是過之陷 過。 攻 如 裁 然其 木之惡 則 正 謂 如 善 本 耳 克 芟 根 固 初 治 去 溺 枝 日 改 亦 而 之 惡 消 亦亦 過 豈 有 雖 枝 也 调 則

說理會編卷之五終

0 吴氏稱 文言之辭也」,或季本採自吴氏之説 有 澄 不 撰 善 《易纂 「文言者、彖爻之辭也」、「文言傳者 未嘗 言 不 知二 卷,卷九《文 出《周 易 言 繫 傳 辭 收 下》。 此 經 元

説理會編卷之六

吴袁洪愈訂正 越季 本撰次

吴袁、

實

踐

韜晦

與其 子當 果 當 惟 食」之理 同 能 闇 儉 志 春 誠 徒 德 當 然 秋 隱 陰 爲 周 心 避 也,坑 衰 爲 流 陽 居 難 己 道 四 世,不能忘與人爲善之心,則 求志,亦不 不 否 而 隔 方, 儒伐黨之禍 則 可 之時, 德不 擇可 引 故 類 居是 孤 居 君子 爲 危 ,必有鄰 之地 言, 少,此「碩果 可 邦 抑 以 也,不謀 多 而 塞 戒矣。 講道 招 不 雖 忌 通 與 , 嫉。 其 不 孔 但

> 群小之所惡,故毁於武 政 桓 (不非 .魅,况以文章自見於危亂之邦乎 其大 夫,未嘗 敢 叔 危言也。 , 畏於匡人, ? 然 猶 阨 於 爲

處 死 生

喪元 豊 聖 得 生而 之説 害道 干之 全身遠 理之正 叔父至親,與微、箕二子同時 士不忘喪其元」,謂當其死時,心不忘於義 而 避者。 生 死 人所欲 耳,而 却 人 一,非謂 當當 謂 甚。 害 雖 亦 聖 得 也 見 死 不 蹈 先師 人 蓋楊氏之徒欲文貪生避死者 稱 其 期 而 知聖人之學主於「時 哉? 無 常 於必 不 死,隨其所遇 論 理 死 以 加 地 「志士不忘在溝壑, 固 顧時 死 死 未爲聖德之至,此 以以 是 爲 也,然而 如 難矣。 乎當死則有不 其明 此 事 而 紂。 己。 炳幾先, 係之溝壑、 然 如 遂 中」,當 比干以 死幾, 紂者, 謂 勇 可 能

分 安,即 哉 理 雖 欲 死 雖 冀其感悟 去 子」之故見疑 戚 子 尚 7,與天 有之。 去不得 也 ? 豊 有 必無死 與 賢 至聖處 猶安也。 或 王帝 忍 其 至紂 同休 時 逆 不忘 地 ?,已無 地, 蓋 乙子, 此, 惡 億 此 合 而 聖 其後箕子因 戚 可乎? 固 而 日 紂 亦 於 其 本 人 之義 去,●時箕子、比 稔,亦不 可 即 之 贵 當 德 來 能 義 爲,則 其 其 能 不 真 全天 理 也。 有 心之所 初 善 加 之正 若謂聖人不 性 感 毫末哉 命 不能 亦 及 可 則 而 先 即 之本 微 被 遽 先 歸 也, 王 安也。 應, 自 囚,比干於此 子 不 遺 於 以 故 體 ? 以一 舍死極言 干俱 潔身,此 澤 雖 天 見 其 謂之仁。 尚 幾 死 地 乃 心之所 舊 在, 存 形 謂 爲 云 則 大 聖 其 於 貴 氣 割 明

E 死 春 息 節 秋 三人,以 須 大 求 真 夫 心 其 之 所在,不 皆 死 當 節 死 者 但 而 惟 誠 死 書 於 得 死 其 事 所 仇 而

> 免動 至 也 自經 於 0 於利 誠 死 溝 非 於 瀆」,而 害者哉 死 其 事 所 况 然 雖 有 後 慷 所 慨 可 以 夾 殺 雜, 語 身 處 或 孔 義 不 子 從 . 得 猶 容 已未 謂 之

卒 其 仕 既 之兆 爲 路 家貧 刼 必 蒯 之間 没,而 欲 筮 悝 難 悝 家 聵 育君 仕 殺 父子 臣 登 親老,不擇官 ,非可委身之主,子路 孔 爲義 悝 耳 必 悝者,文子之子也。 臺 雖 悝 之意。 之際 死 未 自此始。 然其心 又禮貌 欲 亦 而 可 待 不 犯 盡 特欲 以 子路 失 蒯 非 未 而 亦 爲 蓋 爲 聵之 也。 欲 仕歟? 衰,子路義不當 要盟 政,殆 解 既 有 推 尊居卑之時,止 聞 鋒,以救 義 至 薦 使納 何以臣 父子 孔 以 有 氣 孔 文子猶賢, 子「正名」之 力 子以 食 焉。 但 助 (馬,不 孔悝, 耳 之? 當蒯 爲 輒 ·, 未 去, 文 行 以 避 是 有 聵 倉 其 道 拒

■「割」、《尚書・微子》作「刻」。

叔」,忿: 則 且 左 於 日 然 氏 太子 蒯 太子 無 所傳,要 聵 復 焉 臣 無 用 子之禮,大非 亦不 勇, 自 孔 若 悝 · 得 有 焚臺,半, 當 雖 處 時 殺之, 事 孔門學者 何 實 必 也 必 必 死 舍 或 哉 孔 氣

待 勇,不得 勇 得 死、 必 又 義 合 食其 子 未必 爲 助 路 而 日 氣 可 則 輒 仕 而 不 子 所 以 「事君 皆出 拒 必 禄矣。 路 輒 知 爲 發 爲 無 父亦 辭 先師 爲 政,孔子無 食 死 雖 非 禄 衛 於 輒 人矣。」 而 處,故 須 本 勇 但 天 謂 而 孔 之 不 爲 有 所 者 去, 其「好る 理之公也」, 悝 禄 避 此 救 貧 主 不能 其 家 其 所 處 爲 不 正 而 在 死 臣 、難,仁 以得 却 非 於 仕 無 勇 處,不審事機 爲 也。 遇 宜 義,則 輒 行道之責 格 而 傷 全其仁也。 精察。 之理, 其 君心 者 此 無 勇,傷 然 説 不 所 難 勇 却 取 得之矣。 過如是, 而 是 非 既 勇則 如 裁 死, 而 可 仕 所 然 衛 宜 則 君 所 以 此 不

> 食其 爲 非 仁 哉。 禄, 犯 故 管 亂 仲 邦 不 不 死子糾之難,孔 居」之戒 矣, 其 子 死 不 安 得

賢用 者 矣。 文 使 此 之 及 天下 蓋 謂 之,不待 彧 有志 而 董 意 從」者耶? 奸之言耳。 至 操 見 ,乃謂其不 哉 ? 能、發 漢 而 殺 昭 氣 不臣之迹 鄴,操以 荀彧,功名之士 室崩 彧 欲 相 矣。 其 之本也。 進 投 其 招 機 一許之, 操爵國 亂,懷「桓 而 但 而 死 其 初 若 决 彰矣。 司 即 聞 往 不 子 誣 策 彧 馬 委身, 曹 知 糾 己 則 光 者 則非定 或 操 也 然 曹 孔 斷 之 非 而 彧 謂 文匡 非 雄 心 九 操 亦太 所 時 其 恨之,此 拒 子 彧 客,乃 則未 錫 之奸,故 其 死 謂 或 所 昭 能 發 佐 備 輕 交 議 以 出 稱 伏 弑 之 忘漢 道 物,操欲 矣,何以 而 於 而 赴 管 史 后 操 自 求者也 仲 東 誠 事 與之舉 臣 與 室也 重 念之 之 都 君 爲 而 從 正 求 亦 口

操 足 正 了,故其 以 比 贵 之子 知 果 徒, 言 有 卒 如 取 川 爲 竊 此 於 益 以 奸 事 调 爲 彧 雄 功 焉 道 不 所 哉 及 賣 不 軾 焉 足以 由 自 至 不 蘇 而 蹈 IE. 知 况 軾 殺 己, 聖 機 口 謂 以 智 或 語 雖 不

乎

?

之 功 奉 也 詳 死 啚 也 而 匹 後 ,比於管仲 子糾争之, 從 君臣 桓 夫 已先 功 太宗, 程 以 邪 公又以 兀 子 蓋以管仲言之,桓 其 一之名 其論 反 定矣。 婦之「自經溝 謂 不死爲 Œ 爲 唐 一,於心 甚 賢 之不 分未定, 非 害 王 正 而 義 若 於 珪 不 先 死 王、 甚 義, 爲 ·仁,而 范 魏 子 矣。 則子 安。 魏 瀆 祖 後 君 徵 糾 而 則 禹 公兄 雖 齊,仲 不 召忽之死 初 糾 莫 故 則 異 發 有 死 本 之 知 」 孔 之 於此。 仲 明 功 建 也 奉 子 難 與 其 可 成 取 子 不 召 子 口 義 自 也 之 足 糾 糾 忽 唐 則 其 以 尤 免 難 贖 其 弟 無 乃 爲

天下 隙 爲 天 王 有 罪 不 不 其 日,必 心 ? 使 子令秦、 祖 而 加 下 節 辭 實。 之? 有 子 太 先 必 可 復 創 而 討者 誅 於匹 子 以 ? 王 度 人 知 必 非 業 太宗以 而太宗 伏兵、 者 建 觀 中 爲 有 自 高 以 真 意 之 齊二王 作 其 成之意 嫡,房、杜諸 允 太 賊 其 有 祖 君 定 能 而 開 子之 其 爲 見, 擅行誅 奸 高 魏 衆 不 危言 辭 也 而 館 之弟 不 得 險 徵 尚 祖 教 亂 立 也 延 尊 且 寬 已, 窺 以 爲 口 報 動 與詔 者 文學 簡 矣。 既 小,時 太宗 殺,罪 此 覦、 太 以 日 高 也 如 人 令内 有智畧, 有 嬖 子 君 勑 之士 祖 陰懷 亦 此 爲秦王 明 至 父命, 其 爲篡弑之賊 洗 天 並 史 狀 則 無 當 外 則 其 子 下 多 馬 行, 以 異 待 不 所警發 諸 鞠 若 臣 其 之 乎? 明, 早 · 豈 樹 飾 志 孰 問 雖 軍 建 僚 太宗 立 私 詞 參 私 成 得 敢 百 蓋 何 建 可 受 高 乎 以 生 侈 則 真 則 遂 有 王 已 以 成 也 也 珪 未 ? 服 失 嫌 E 然 太 有 功 爲

高祖 故患有 所 太宗」,則濟 不害於仁也。 又臣之,此其 命 、魏可不 ,食高祖之禄,不得 也。 有何辭自 既 所 命 不 捐 事 避。 奸 成 軀以赴 尹起 心安乎? 建 之邪 V 解於天地間哉? 成,不可以 滅天 非 説 幸乃謂「王、魏 難 罪 也。 理, 悖人倫, 生不 乎? 宗 以 故不可 君子 社 所事 爲 既 而 君 義 不能 被 謂 臣之名分 重於 弟賊 主 委 其 死,而 「質 不 而 死, 如如 讐 死 事

不枉己

則屈己 其 節 良、恭、儉、讓,求諸 子,非孔子求之也。 孔門之家法 孔子居是 以求見 泄柳 敷? 矣。 邦必 哉? 聞其政,蓋 然則孟子「不見諸侯」, 己者也。 孔子之求,求之於温 然亦豈謂 當 其 若他人之求, 時君 可 古 見則 守不見之 求見孔 見之

> 其反 見 當 抵 惡 子,而 故 見 以 衛 於 其 卑 湯 耳 但 諸 人也 禮 覈 見者也。 君子、小人處 之於 者,則又以其無居守之責,得以就見 以 靈公之於孔子;其次禮 孟 次 其 侯 子; 厚 正之勢,各有隨時之義焉。 禮 本 蓋 枉 其人 所 好賢之誠; 幣 非 伊 君 先,如陽貨之 己者,未有能 則俟其身親來見而始往見之。 已至其國 以 尹 欲 以 招 又可 若儲子 招賢 用 賢 行道,屈 雖未 之, 宜 與言善,非若待陽貨之以 而 者, 小人 有異,君子將求 而使 但 雖 而迎之,致敬以 有 先 如梁惠王之於孟 己求人,人 歸 以 再 正人者也」。● 孔 人 少有善端,則當 以幣交,如季任 禮先,而 三之聘 再三 子蒸 貌不及靈公,而 致 豚 夫聖賢之 誰 而 孟 此 聘 有禮 治道,必 子 其 之? 皆 不 孟 子 君 如 往 之 大 孟 如 成 可

> > 1170

爲 而 悉 陳 召 代、公 見 猶 (要主 孫 不 可 於 丑. 往 一、萬 正 · 而 己 章 况 論 而 不 已 待其招乎? 不 矣。 見諸侯」 故 非 之義 其 招

審 出 處

秦中 宋末 耳。 用 此 伊 伊 成 求 其 儒 尹 尹 湯之於伊 審 夷 枉己 既 所 全 輕 術 口 以 也 遇 無 出 亂 親 見 遂 能 者 明 賢 者, 其 兵 膺 而宗,此 尹 潔身也歟。若許 王 毫 不 臣 、興,生! 度量寬洪、 召 恐其 Œ 一, 已 ,當其初聘之時 能 急 必 而 己 正 功 擇 可 委其 物正 民 心或不 求 名之心,故 人,此出 君 即 塗炭 明王之所以受福 就 而 身, 衡 知 然 事 時 人善任 誠 固 不 9 衡 處之律令也。 而 則 故 自 及 禮意已至, 元 則 不 必待三聘, 不 定 焉 謂 世 異此 輕狗 又 能 可 口 祖 以 能 有 出 雖 而 用 王

> 失 子以「慎勿請謚 定 者 斷 衰 身 婆 湯 則 夷 防 衡 行 其 党员不可 遂 心 交之初又有所遷 ,德不足以 世之意也,其 配 狄 莊 言 本心 聘幣 不能 急, 天之業 正 聽, 此 極 道 中 拘 詆 可變姓 自 且利 所 者 爲 出 國之志 於 衡 任 益 也 何限 形迹之論耳。 也, 矣。 仕 格 者 小 良 所 名 君 也,其 元之失,「 則 康 衡豈 多 於薄 立 否則志 ,衡果有 以 心 而 未 , 碑, 就 而 不能 遠 而 免有 可 海内 心 化不足以 耳。 不 去 卒 盡 豊 則 能 哉? 成 以 不 非 所 用 惓 外 能 然 使 固 Œ 如 道 哉 遷 能 夏變夷之功 哉? 惓 瀕 自 内 世 伊 大光明之業 寧,幾 雖然, 就, 變 及殊 安 於 自 尹 祖 死 其 哉 夷 之不 果有 訟 而 惟 舊 俗 夏 陷 語 衡 能 衡 而 習。 老 其 亦 早 其 而

而 可 德 合 謝 所 時 謂 宜 道 謂 耳。 可 居亂邦,見惡人,在 者, 時 荷 以 不宜 其 磨 ,聖人亦未嘗以 不 磷 涅 聖人 不 則

利 無 論 不 有 欲 及,此 爲 往 天 過欲假孔子以爲 口 下哉? 之善惡、身之安危, 之 也 理。 孔子所以卒不往 雖 如 惡 公 然察其 故「危邦 Ш 佛 荷 肸 有向 重耳。不 本 以 不人,亂 心 一善之心 畔 而 也。 非 臣 摩 審於初 誠 召 邦 頂 聖人曷嘗 於求治者 放 孔 不 無 · 居。 踵 子 不 噬 可 而 天 於 臍 與

知 太學 世 初 未 試 有進身之道焉。 嘗輕身干 耳 之 亦 而家貧親老,不能不資於禄仕,則亦 必 而 古之仕 奔 升,次 有 競 招 哉? 者 進也,如 士之科,而 也。 聘 於丘 待招 但 其 既 孔子之爲委吏、乘田 挾 袁 而 爲 選 ー オ ー 往,執 而 貧 舉 起 則 及之, 豈若 上也 贄 藝, 不 以 辭 ; 見, 於 無 養 後 課 亦 必 於 由

明 去 就

臣,不 耶? 殷也。 廷, 記 亂,隱居魚鹽,●而文王得以舉之邪? 仲、比干、箕子 文王舉之。 將伐 武王 則 候 孟 且《書 約。」 謂文王舉之者,得 及膠鬲 君子 伐 周 子謂 師 紂 見 • 則 膠 而 之事曰:「西 然 武 問 君 危 鬲 膠 而 並 爽》 授 曰:「西伯 王伐紂之時,膠 舉於魚鹽之中,朱子以 膠 鬲 列 命,安得復 鬲 殷 稱文王 贵 之 之迹 非訛 伯 當 賢 將 軍 約 臣 他 脩 傳之説 焉之?』日 至 之時潔身 亦 和 去 與微子、 洧水,紂 不 鬲 有 而 見 仕 尚 夏之五 邪 於 於 未 周 傳 去 去 使

1172

論

也

下

有

道

則見,

無

道則隱

此通

乎

上下

道、二子以貴戚之卿、無可絶之義、故箕子微子、箕子皆紂之親戚也。紂爲無

0

魚

之高 哉? 孟 宜 焉。 子侯服 安焉,此 邦,崇以作賓之禮;朝鮮之啓土,遂 之聖, 以 心哉 道 同 衣 日 此 列 隲 至 迪 頫 念祖宗 而 文人 於 ? 見囚 陳 下 蓋雲龍 然武 商 此 則 此可見周德之盛,而二子亦 革命, 民, 于周,於人 所謂 不 紂惡 其 洪 彼 其 也 胡 之讐,靦 而 相 淪 王皆待之以不臣, 此 範 定 元本無安天下之德, 風 爲 喪,我 疑 兩全也。 自不 以 此 不悛,人 *****, 見 虎 奴,自 才自 也,而二子實 存宗 微 應 也 會各 面 子因 何尤 罔 相安,豈惟 天 眩, 烏足責 事之,於心 爲 祀, 順 及 靖 有 若趙三 望 乎? 臣 求 微 自 時,使 人之舉, 已 固 僕。」微子 後 獻 子 絶 謂 孟 見 武 · 豈 而 無 故 故箕子 武 有 與 頫 以 繼 疑 何 商 臣 亡 王 有 而 牧 王 則 而 忍? 武 得 丘 周 商之 遯 子 其 或 野 爲 異 則以 不 庚 去 之 之 因 著 世 孫 以 諸 同 於 可 居 位 自 心 訪 自 以 建 感 孫 夷 臣 德 初 出

> 悶 之道哉

事

以

或

苟見惡· 之? 也。 濟天 枉道 之心,况當國 兆 公也,而記《論 曰: 是 子行道之 通 政 者如此。 不信 下之事 求合,志在 及齊人歸女樂,受之 稍 於 權 孔子行 平齊、墮 人而 於季桓 有 魯 全爲 孔 信 君 幾 即 子,乃其志不在治故爾。 道 故故 乎? 桓子 心 秉政之臣,而志不相孚,安能 不 全 子,見行可之仕也。」然 邑 之 有 即 語》者特歸 然則 成 之策 係 惓 所 幾, 行 所 此非 物,啓 乎 惓 厭 道 制 惟 桓 惡,已非 孰 魯 以 之幾 在 使 可 子 與行之? 司寇之職 誠 季 其良心 於季 而 非 也。 語 意 也 不 桓 桓 於 感 天地 子。 桓 朝 所 子 女樂之受 悻悻 通 子,正 者, 加 謂「 相 孰 桓 故 無 當 之 與任 爲 子 棄 孟 不 時 是 之 定 物 爲 子 何 魯

王, 原 誤 作「至」,據文義改 孔

故能 爲 須 於我哉」 求諸己 親 「有命」,雖桓子 ? 求 厚 隨 孔子志之所在,本 桓 君子 遇 而 子 灑然,無所 見幾 止 爲 故曰 不相信,亦無所怨悔,但 而 行道 作,見此 出 粘滯,得之不得則 於於 則事公卿」,「何 不是功利上起 此 而 不合, 已,此等處 何 以 反 有 日 有

冕以 此。 孔 咋 之言,至是則言弗行矣。 受女樂言也 哉? 子 一從而 待 然居父母 孔子爲 使 膰 無 肉,而 祭」者,謂適當祭 所安其 魯司寇, 蓋其 之國,其或 膰 肉 初,桓子嘗 身矣。 不 不 至, 用」, 禮 去魯之志 則有意於 祀之 貌 孔子惡得 有欲 此 未 時 以 衰 蓋 季 也 則 行 流簡 在 其 猶 桓 不 服 於 慢 道 口

隱 危 邦不入,亂邦不居」,非可容身之國矣。 孔 别 子 無 日 可 「賢 仕 之 者 或 辟 矣。 世」,是「天 其 次 辟 下 地 無 道 川

> 禮貌 甚 無 心 本 亦當 如 耻之,而周之得以免死, 則去之,是辟言 所去三」義同。 其 至 此 罪 無禮貌之及,至於饑餓不 而 次辟 蓋亦 戮 相違 相 天下俱無 居 則其 去矣。此與孟 不 士, 其 加, 相 色」,則 也。 國,是 君 親 因 禮 則 狎,無 本 所遇 其 貌 可 所重在言,則雖禮貌未衰 有欲 禮 猶 也。 言將行其言, 既 或 往 而 貌 可 行 不 衰 子古之君子「所就三, 有不同 則 行其言之言,而不行 就 雖 道之幾 可 則 衰, 爲辟世矣。 非欲行 也。 復 去之, 因其君有自悔之 居, 耳。 無 能 若 悦賢 出門户 而言弗行 是辟 是 危 其言,徒 辟 亂 「其 之意 其差等 色也。 地 之 次辟 而 也。 君 也 與 以 而

讓國

朱子謂泰伯三以天下讓,「即夷、齊扣

避 乎天命 焉 者 弟之間友愛之篤 而 知 歷 必 者 此 至 天 與 ,因心 者 知季 賢 故欲 也 而 下 贵 謂 安天下],故孔 受泰 少此 與 心 而 可 泰 帝 可 泰 任 前 言 子 歷 以 伯 作 以後世之淺 伯 使 則 見 天 己, 之功, 本 也 伯之讓 語 精 不 邦 子 嗣 友。 泰 此 下之重寄 亦 無 從 神 稱 此 作 父 説 何 伯 意 泰 氣 其 之世 人哉? 聖人「無我」之公也 對 害 則 必 泯 泰 則 伯之讓, 至至 魄 似 必 義 友 逃 伯 亦 迹 似 自 足以 見 讓之至 贵 最大。 相 其 之 以 於 德 無 之所爲 真 泰 窺 與 兄 荆 爲, 季 順 有 有 夫 伯 哉 面 任 泰 亦 蠻 歷 利 所 欲 但 則 王 語 ? 至於季 太 也,而 伯之 重, 是 邪 再 天 立 謂 非 篤 季。 求 於 E ? 家 然 下 至 季 各得 以 其 而 爲 泰伯、 心, 庭常 之謀 \equiv 聖 歷 堂之上 慶。」 惟 天 人 故 歷 他 之心 人 不及 下 此 其 無 不 然 日 事 也 順 兄 所 得 無 季

> 以 而 歷 皆 至 至者 聖德 德」之稱 也, 亦惟 以 但 論 才 歸 其 則 泰 德 季 伯, 耳 歷 過 此 焉 可 見聖人之所 且 有 成 功,

哉 無 君 其 本 道。 未 欲 則 但 封 無 子 故 其 聞 有 與 白 之,皆能 戴 或 叔 讓 、賢,天 雖 傳 孟 伯 者 里之國 怨心乎? 有讓國之説。 齊 「不食周粟」言 其 史記 讓,當 之 子但言「 也 夷 亦 食其 餓 先 重 與 於 以 理 載 者 天 祖 如 粟 子則與子」之義 首 時 朝 亦 果 伯 倫 也, 耳。 陽 人 諸 孟 伯 可 將 以 夷 而 心 子謂 Ш 夷辟 侯 子貢 立 贵 委 也。 讓 父 讓 孟 必 徒 非 止 命 有 或 子 有 必於讓 嘗 紂,居 兄弟皆 守 其 以 天 於 爲 謂 所 此 疑 匹 人而 下 武 得 讓 尊 其 屬 可 伯 推之,若 夫 百 王 或 北 或, 逃 以 讓 夷爲怨, 伐 不 里 内 海 則 讓 下 焉 紂 安 之濱 恐 > 伯 顧 天 則 位 9 可 節 與 夷 地 得 非 ... 先 可 乎 也 不 者 督 本 疑 王 以 通 ? 而

嘗仕 就 諫 養 了, 如 伐 事 而 事 食禄也。 許 肖 行 亦 非 願受 也。 文王没後, 言 以蔽之矣。 伯夷之歸 廛而爲氓」之意,未 伯夷 西 史記 伯 未嘗 止 爲

載 爲 記 不 知聖人矣。 》所傳,不過若 義,殺一不 後 則 雖 世 得 氣節 天

處 惡

臣,則

時

亦

不當言矣,安得遽

有

出

諫

武

王

未發。

今叩馬

而欲沮

其事

,將使武王

收

兵

之理?

况聖人用諫義,必先格非

心,止

於

而還乎?

此又迂

儒不

解事之見

也。

孟

子

滕,而 言 司也。 以 論 言行 以全交誼,雖不言可 不 而 之矣,予何 與 容孟子 分明 驩 交談 王 道 一驩 理 事 有 凡 王驩 一,豈得一 以 然所不言者,特使事耳,若尋常 權 之理。 處惡人, 是媚 右師 指示 勢, 蓋 言哉?」「夫」, 爲輔行; 王 不言? 或 竈 與齊之群 而 驩 如 但 進 悉能辨 氣 自 孟 象。 可 而 矜 也,故 反齊、滕之路,未嘗 子 與言, 不 至公行子有子之喪, 才智, 爲 惡 集者 臣 孟 卿 指 而 子以 奉 日 或就 王 於 事 嚴 君 : 則聽 「夫既 驩,非 事 齊, 命往弔, 君命往 其 無 向 位 其 出 截 或 謂 所 弔 而 然 有 爲 與 有 於

載

而伯夷

亦豈肯視

文王

爲惡

人之朝

所

立

哉?

故

知「善其

辭

命

而

至

者

王之諸侯

也

蓋

其

事

在

武

王伐

商之

此伯夷所以

爲成己成物之學,

而

行

食周

粟」,非謂

諫

伐

而

餓

也。

蓋伯夷

清

欲

雖歸

文王

而

亦

韜

晦

無

名,

故

周

廷

無

夷之迹。使爲文

王

所

知

,則必

有後車

之

居下

位,諸

禮聘,不肯出仕,

故謂之「

不

也」,必指

武

王

一之諸

侯

正

由

此

時伯夷

尚

又謂「諸侯雖

有

善其

辭

命

而

至

者,

不

受

下

不

爲

也

^

史

士

一,然不

可

將能免「疾之已甚」之亂乎? 言」,則似驩終不可與言者,絶人太深矣,之故哉? 朱子乃謂「王驩,孟子所不與與驩言,乃據一時弔禮而行耳,豈爲絶驩之,禮不當歷位而言、踰階而揖也。故不

說理會編卷之六終

説理會編

説理會編卷之七

吴袁洪愈訂正

- 2

所

重

在

德

離 之君子,才 毅之謂才,正 小,才豈外於德哉 由 非 心 者 者 德之充 才之罪 而 爲 德 與 言耳,非 性 才本 之德 否。 勝 則才本德之 德謂之 直 非 其 德 中 合 二也 充 ? 和 情 一之學 則 小人」,此 之謂 可 司馬 才大,德未 用 以 仁、義、 德」,「 也。 也。 温 爲善,而 公言「聰 自其 禮、 既 才有大小, 德 離 充 智 勝 爲 體 則 才 察 不 存 才 相 强 善 於

> 德 而 則 己。 不 非 但才 德 自 之 全 爲 才, 非才之正 故 論 才 者 9 而 亦 德 本 亦 於 自 德 爲

既 下 見才不 在位 至 論 凡 賢智先人 事,雖高下殊品,孰非有位之人,而 量各不同,然其忠君爲 言才之等差也。 才之大小耳。《書》稱 有位者所任之事也。授之以職, 有才者,然歸本於 强 無 其 心也。 心 毅 其 ,能者在 古人用才, 外於德 孔 德 術 果 子 則 加 敢 則 日 求 百 職 小 機變開 阿 也。 倖 僚 用 所 「如有周公之才之美,使驕 諛 師 進 賢」 而 重 「貴德尊士」之一言, 取 自三公、九卿 者哉? 師,各安其 才本德,雖 在 容、 無 明者概 九德、六德、三德,正 國,守己 謂 德。 忌 媢 憚 有 嫉自 惟 德 者 孟子言 以 者,「 皆得 此 分,何嘗 一愛民 爲 小知大受, 利 以 則各因 義不明 才, 無 職 明揚, ·, 則上 賢 所 而不 有 其 則 執 者 謂 口

達 奚 於 隨 於信果、 哉 必 成 見哉,故孔子 爲 才 惟 且 爲 其 ? 數 率以言 吝 而 事變,則 泉、夔、稷、 無 人 德卒 ? 才 上 頃 自三代 其 ,藝成 而 悉多能 無 無失 餘 器 歸 廉 不 源 行 使之,大以 於 足 者使之守藏, 謹者 德者,不害其爲 以 以 而 契 之水, 硜 哉 小人之價 觀 下 下 爲 也 硜 ? 以 者 也 「才難」。 各有 己。」 無 才 夫泉 爲不 成 勺 源之水 而 大,小 所 事 贵 有 、夔、稷、 居 足用,是 成 而 可 源 其下, 位 土 己。 外 者 之水,猶 斯已 以 一,雖 使之守門, 雖 德 成 不 多 世 言 契 盡 不能 而 小 小 豊 之 行 欲 論 愈 以 豈 必 多 然 通 才

哉 化 不 也 知 故君子之學先立乎其 其 不 才與 德 如 能 德, 自 德 贵 天,未 也 害 其合一 其 小 必 德之川 爲 盡 大邪? 者 知 大者, 盡 言 流 能 9 本大 則 也 堯, 小 德 德 德 日 9 至 大 或 之 一大 敦 德

濟之道 務 於大 造則 司 言君子所貴之道三, 其 口 致 畧當畧,以詳當詳,施之各得 意; 宜詳 大 而 加 多學」,則但以「 者大 存 遠 許仲弓之「簡 大受也 於 出 才之大小分焉。 炳 者 則 節 , 然 也 君道 常署 泥 乎? ,即是大才; 蔚」者,茂密之名,意可見矣。 此 不 耳。 聖人 君子「文蔚」。 , 可 能 則 小人不可大 宜畧,臣 故孔 若論 9 見君子之學 合 後世之學,惟 豈 明 小 二,則 一,所以 於 有 者 子 器」稱之。 所 庶 異 先師 Ė 細 遇, 所 物 道 而 德 以 微 . 務 宜 哉? 日 則 南 · 而 嘗言: 、受,而 小 君 者小 所 詳。 朴 從 炳 道 子 **籩豆之事** 堯 於 面 曾子爲 務者大矣。 世 雖 小 爲 其宜,豈 但 事 不 ,即是小 者,疏 可 才畧、謀 易 宜 者講 有 常 大 精 可 小 而 畧, 者 可 小 詳 孟 子 知 觀 求 渾 知 非 故 朗 大 漓 其 敬 也 則 貢 固 之 0 有 子 以 從 相 所 而 而 而

不 何 煩 方 患不 可可 難 之有? · 能詳 事 一而患 古人 若 因 務 皆 不能畧也。 於詳,鮮有 謂 致 之 詳 隨 畧。 時 能畧 然則大 精 則 進 者 簡 而 (才當 而 蓋 不

於

立

大

本

中

求

之。

才惟 長,非 之後,至周 至 也 發 而 才 顯 曰 越 亦 有十人,亦累 之所交會而 天 於 此孔 下 也 在 各因 用 唐虞之際,於斯 才 世亦 凝迷之甚未有全然無用 治,武 與 ,至於化,則聖人矣。 乎 者 德 子所以爲「才難 成德, 其 乃盛 不 相 質 多 王 謂 因。 止 之 朝 然 生 充實 有亂臣 良 於五人,至周始 所近, 所 能 猶 自 蓄 爲 唐虞之 而 有 本 也 之 盛。」言自唐 十人,此 有光 體言之, 正 一才一 婦人 但 也 氣 際, 輝 氣 舜 者 也 行而 禀有 藝 堯 有 此 聖人之才 則才 也 德 加多 各 實 故 舜 臣 未 虞 拘 有 止 孔 然 交 二聖 五 有 九 所 養 所 則 不

> 善 世然後爲才哉? 雖 爲 以 其 可 而 尹 輕乎? 己 如 所 及 德 類 浴,養成· 人之所知, 用 孔子生 足以容衆 則 足 其餘不皆如孔子可 以 無 「才難」之言蓋 人材, 則 有遺 一當衰 興 雖 商 其 凡一材一 止 一賢,此 况 其 世 自周以 明足以 光輝 而 至 靡 志 五 天下 不 亦 亦足 有 藝因 來 知 . 得 自 由 亦惟孔 之 知矣, 十人 行 發 人,舉其 以 矣。 德 所 則 越, 興 而 以 乎? 子 何 而 亦 成者皆 治也 所 必 知 起

之德 也。」 資 子 者 並 何 不 以 才 當與 ·勝其 矣」。 爲 夫既 所 朱子 德 之,使 指 謂: 德 顔、 耶 不聞聖 是二子之才、德蓋指 以 ,然於聖人之學 ? 閔 其 資 「管仲之德不勝其才,子 輔 同 知 質 人之學,不 科 聖 漢 言 卿 賢 而 故 發 大學之道 仲 其 明 之才當 事 則 其 知 業亦 概乎 意,以 所 天 謂 與 資 各 則 未 オ、 子 隨 爲 有 而 産 德 其 聞

贵 資言,其才猶 時 其 籍 者之佐也,覇 也 可緣此 其 齊富强之勢,其威權 ,然才、德豈 才之優。 力量 遂謂其 子産 不能 者 近 可分 假 正 與德 展 才 耳。 仁不可以言德 布 氣 而爲二哉?二 相 本 故 管仲才氣 爲 足 小 益 勝 以 負 見其 又處鄭衰弱之 發 郭? 揮 力,故益 才之劣。 本大, 子 但自 皆 見 又 天

養才所以成德

言善。當自 德 謂愛惜人才 雖 得以 一 或陷 言 也 世 亂 有教 於 嘗 正 不 言 有進賢 哉 善,而 無 雖 人 指 未 類」,庸忍 才 此 難 嘗 類 猶 退 得,當 有 也。 知 不肖之法,豈宜 德, 改 遂加 否則其人不 過。 愛 而 借之, 其 棄絶乎? 君子以善養 根 氣本善, 此 使儉 ·足以 爲 所

亂世人才與平時不同,民無恒産因無

憾焉 哉? 服,故 放 化 不 養 於亡命。 豈 之才得 恒 而 容 而 但 人,有教 無 心 入耳。 已矣。 養也, ? 如 英 漢 至於放 以拔 士 平、 世 彼遇能 ? 一皆能 愚不移, 無 如其不可移 布 故帝堯之於共、 出 教之不改而後誅之,人 類 故 而 所 賴 用 如 邪 已,夫 詘 以 英 人 侈 群 以 則 成功。 者 布 者 策群 人皆 雖 贵 必 何? 益 起 聖人 須 於 多 可 成德,要其 力之主 古之君 兜, 群 延 有 有 與 則卒 盗 攬 棄 初 居 亦亦 至 亦 亦 陳 庶 然 子 亦 於 未 之 自 所 以 平 不 其 就 何 起 間

云取人才當視治亂以爲重輕

亂世人□習惡成俗,●爲惡之勢重,養

❶ 「□」,原漫漶不清,據上下文義,疑爲「材」字

九

八

其 材 미 害 斷 復、姤之道 焉。 遽 習 善,❷故去惡貴嚴。 善 疑, 善 則 成 足 觀 風 以 也。 其 移 爲 善惡 悪 然小善未可 善之 故 根 勢 取 此 本之所歸, 重 亦陰 貴恕 引其 遽信,小惡 陽消 0 0 悪 長之幾 而 治 則 消 世 未

人才進退與陰陽消長理同

則 陽 保之,乃以上臨 而 爲,未語 感悦,故 미 長 爲 之理, 在 求之太速; 一陰勢 力甚易,故 内, 才進退 曰「咸 如復 乎 君 退 治 子 以我 功之 道 臨」。 陽初 下之道也。 即是《易》十二 長, 陽浸長,則當 藩 之壯乘 盛 善 生,當安静以 也 咸者,感也 决 類 不 情 大 其 羸 如 通 退 壯 辟 順 此 9 四 勢 而 其 則 卦 然陰猶 陽 而 養之,不 可 欲 泰 能 陰 去之, 已 則 使 陽 而 有 之 容 有 消

> 陰,故 柔乘五 哉? 迹, 霜 依 然 暴 盡 抗 力争 浸長,其 則 黨 在 也也 陽 , 猶揚揚 彼 上 五陽在 揚其罪 心,將不轉起「履霜堅冰」之禍乎? 故 使 者勢 而善也。 一陰者不 小人 有「 所謂「告自邑,不利即 須 使無可容之地, 而九二之《象》曰 剛 、勢漸 、决去。 遯 上 則失於「 羸 亦 而 然在 潛 而 ,猶未遂退,故陰爲遇陽,言 謂 孤 豕」之戒 几 進,故當 消 但陽極 之「揚 久而 矣。 陽在 上,非謂 若 默 即 化 夫五陽 决 上,陽 戎」矣。 自化, 豈待 而 沉 猶 而 于 於 則疾之已甚。 不 退, 晦 王 미 自治 「執之,用黄 坤 黨盛 知 猶 以 以 庭」,言 則恐不足以 初 戎 所 處 盛 暴揚其 陰進則 六之言 爲, 之, 勿 也,但一 也。 與之力 則 有 不 故 (罪也, 退 爲 陰未 陰 件之 若 露 謂 姤 履 陰 其 形 制 懷 復 之

原

漫

浅港不

清,

據上下文義,疑爲「足以」二

^{「□」,}原漫漶不清,據上下文義,疑爲「善」字。

於正 統 則 又何 去,而 此處 已,惟六五以 類 四 革,莫之勝 ,則群 馭 之道,正己 陽自 無 五陰之上僅存一陽,陰 陰 革面」而 以 群 而 ,則鳥 而 在 可 以 遯」之道, 陽 從陽 加 ,初不問小人之欲「剥 陰 通 爲 下 陰又 罪,在予一人,予一人有罪 後 邪? 無 者 黨 矣。 而 得其 脱。」蓋 뾆 去爲 可 必 也,故有「貫 一陽 與,而五之中正 烏得而侮之? 柔得中 爲 不可 盡之理, 有 故有「儉德 本心之正,使之欲脱不能, 否三陰在内,君子道消, 先」,此之謂 「遯 非謂當「遯」之初 道 在 「黄牛」得中之象也 與 一焉。 上,陰雖 同 尾」之厲 雖 群, 極則能 剥 蓋 魚, 避 進 而 而 程子曰「治 厚下 以宫 已盛 難」而已。 順 足以 但 廬 也。 當否隔之 也。 止 ,是陰之 知 一,其所 安宅」 「人寵」 也 然 即 表 剥 至 如 所 正 陽 於 宜 在 此 一、小小 之 善 時 反 説 乃 以 剥 天 遠 小 + 觀 而

安保 無 無 雖 萬 之進 終 良 不 方」者如此,❷故「得興」 其 不 可 也 不 又 可用,然柔中之德 化之人,惟在 何 由此 剥 患 [廬]哉。 焉? 觀之,天下 苟 陽 非 岡川 不 而 化 能 無 可 爲 惡 自 不 盡 民 而 爲 可 以 所 爲 主 爲 小人爲 載 之時 善 耳,

陰

不 用 私

仲弓 可以 知。 爾。」夫仲弓之言何 曰 「焉 聖人 興 與 爾所不知,人其舍諸。」程子曰 邦 聖 知 告仲弓: 人 賢 用心之大小, 才 心 而 可以 舉之?」❸子 以便至 爲 喪邦,只在公私 宰 以 -喪邦? 推此義,則 舉 日 賢 才。 : 舉 蓋 之間 欲 便見 仲 爾 所

- 治」、《 伊 111 易傳 防
- 無」下《尚書 湯誥》有「以」字。
- 次誤作! 據《論 語 子路

皡 有 相 氣 許 皆 矣,而人安可用私 象,即人之心悦 忘於道化哉? 多 由 疑 忌 知 不能 是 欲 與 成 聖人之言却是 知哉 誠服, 天 下公共, 己之 可以 私 見興 其 王 何 如 者 邦 以 此 皥 使 便

枉者直 惡 小、公私之異,然 遲之見不及此 疑 上 仁者遠,然後知夫子之意主於仁也, 於見棄。 本屬 ,及子夏告以舜舉皋陶,湯舉伊 起 上 念,謂既 聖人告樊遲:「 於知,然所舉之直則仁 ,則化不仁而爲仁矣。 起念,故 意 有 矣。 其 分 枉 無 别 者 只仁、知之間 則 舉直錯 以激昂,故 能 善惡之心,則 直,若樊 其 諸 可不 者也 聖人之言 枉。」分别 復 遲 亦遂有 尹 問 不 則 於 善 從 而 而 能 者 大 是 子 樊 知 使 善

水賢當因言考實

僞矣。 焉。 宰予,而况於他人乎 也 言」之意, 章以爲高下,雖非 其心。文章,言之精者也。 者,故後世以禮 耐 又稽 徒取其言而不試其 置 雖 故聽言信 求 以 其 亦謂 之鄉 求 實 賢 舍言 行, 羅天下之士,恒 舉、里選, 行,雖孔 爲 則 古法,然 無 ? 有 以 自 實, 子猶 知 明 聖 亦 科 則 唐 試 學不 有 舉 也。 不 人 虞 以 得以 不 能 取 因 「敷 功 明 不 聽 士 失之 之 奏 容 其 視 以 真 文

說理會編卷之七終

説理會編卷之八

吴袁洪愈訂正

心 政 一 政

治

言 順 哉 政 ,天意之所 必 政 也者, 驗於 歸 所 天 以 也 命、 通 故 乎民情 虞、夏、商、周之書, 心。 也。 政豈 民心之所 可以 僞

則 道 謂 未 爲 性。 心也 有不及人者,故親 「不忍人之心」也。 性, 者, 生 通 理 乎 萬 也 物 生則 者 愛之 必行於父子,義必 也 ,其 以愛 所 行 理 物 則 具 爲 爲 於己 道, 心,

> 也。 也。 已矣。 忍人也,故人 信 充者,不忍己故也 肆矣,不忍人 於己則當忍。 以爲達矣。 之「達道」,苟不及人 忍其乃有濟」,與「動心忍性」之「忍」,忍己 故君子之爲 必行於朋友 於 故「不忍人」之「忍」、忍人也。「必 君 忍己則可, 中間 臣 别 道,「 事 蓋不忍之心,爲 則 有怵惕、惻隱之端,而 必 事 忍於己者,不 理 以 忍人則不 行 己所不欲,勿 物 行 其 於 物 矣。 與 夫 (則心 處 物 婦 惟忍己 可;不忍 之各當 相 有 序 通 私 及 所 必 也。 施 間 其 人 然後 言 隔,不 於 所 於長 即 己 故道 欲也, 人」而 也 則欲 能 能 是 , 幼 擴 政 口 而

能 也。 行者多耳。 於幼,孰不知所幼之? 擴 完以盡其量,故必有「不忍人之政」而 當一念發 不忍人之心」人皆 如人之於老,孰不知所老之? 時 ,即爲 私 有之, 此一不 欲所 但 忍人之心」 遏,所以不 知 而 不 能

也。 政,是亦 幼吾幼以 行之必盡其實、《論 事之實者 良 何足以 故政者行之實,徒有 政不待推之天下而後爲 心 欲幼幼, 得 爲政」也。「老吾老 也 及 以 致 發 人 成 之幼幼 則必 達 如欲老老 功之「一」哉 政 語》所謂 有 也 幼幼 隨 則 其 其 必 之實 良 所 以 孝 行 心 有老老之 友「施 心 至, 及人之老, 則 之 家庭之 事 運 知 見 , 此 而 皆 於 不 而 間 政 行

政不責人

IE 子 之以德」,正身也 ·? 又 Ė 凡言政者、皆謂 不能 亦惟 政 日 者,正 正 :「苟正 正 其身, 身 ,則人固 也 而 如 其 正 俟 IE. 身 己也 子 人自化耳 人何?」所 有 帥 矣,於從 0 感發而 以 孔子告 正 政 孰 興起 謂「 乎 敢 季 正 道 何 康

瞍? 以 未 教者,以 但 之正 而 所 以 之道」 己之心哉? 不 矣。 是「道之以 孝,上長長 故曰「齊之以禮」,則禮 如《大學》論 以 立 成 天 禮」也。 之。 治,反其智; 以親民 (反求 哉? 化人之本,此所謂 下歸之」,此豈 一,而 如其 薫 或 人化驗 者, 道 也,故「 天 蒸 德禮 觀 諸己 IE 德 而 資 命中 不 「平天下」,曰「上 而 舜 之,則爲格 天理 民興弟,上 也 淺 外乎 禮人不答,反其 待 盡 己 而 庸 即 愛 薄 其 事 之節、 己。 德 》論學所 明 人 又曰「是以 假 與 而 自 親 也。 八不親 德 於條 民 不 教也。 之道 反, 脩 文,處之曲 亦 姦矣,而 也, 易 同 恤 人有 道 德之精 又何 反 感 教號 以 好惡,是「 孤 而 者, 而瞽 發 朱 老 未 必 道之、齊之, 君 其 而 敬。其身正 嘗 者 子 言脩 令以 脩 化 豈 老 民 子有絜 密 瞍底豫, 盡 平 道 則 聖 正 不 而 則 處 其 治人 於 於 道 求 · 倍 民 耳。 矩 興

其粢盛 孝,而 以 大 被 兵, 者 民,是 後誅之。 意 禮樂、刑政,以 政 雖 命 脩人之道 矣。 「然必 害 征 人之各欲 濟 而 惟 則禮樂亦 伐 者 即 不 以 求之於 遺之牛 及也 且 然 , 及 葛 誅 望 諭 又序 也 如 湯 正 不得 以文告, 而 知知 征 正 來 伯 羊 行 假 人也,非 如湯 成 討 德行之則固 之 己也 蘇 此 已 禮樂、 不 以 乎刑 而 則 俊, 又 供 所以 開 惟 之於葛,啓之 不 故故 而 Ē 知 其 政之中, 至 恐 其 爲 聖 刑 政 E 爲 不 犧 一,於是 自 民 殺 後 矣。 一人以 政 戰 牲 人,此 説 除 德 新 餽 我 以 ,爲 而 害 餉 也,若 未 教 身 始 爲 因 是 人自服 之童子 之耕 以 嘗 刑 立 以 亦德之所 有 之 治 其 祀 不 政 教 專 攻 具。 脩 正 待 先 伐 之 以 之 以 改 道 此 供 之 防 爲

刑 後 世 多 ? 治 天下 不謹三 先王 不 可 尺則下 議 無 事 法 以 度, 無 制 法 自 不 守,小 古 爲刑 已 然 辟 之 况 犯 於

> 威,而 及,蓋 嘗言 既 刑 論 明 法 術 者 其 教之不 君 日 之 象 叙 以 亦 滋 堯 時 所 中 酌 刑 前 亦未 或 舜 淳 專以 亦 讀 改, 無 而 時 也 可 龐 雖 識 又 情 宜 書 制 以 廢 可 本 有「頑 而 時 德 多 故 德爲 蓋 則刑 哉 萬 舜之好生本與 盡 宜 於 變, 欲 化 治 ? 卷 以 者 德 用刑有 威 本 猶 德禮 是不 不即 不 之; 爲 此舜 矣。 書有 疏 而 讀 則即 刑 濶 律 有 律,致 欲 功 禹 名 所 如 不 不 所 則 是 得已者 用 則 舜 家之説 以 得 如苗 及 禹 不 道 所 欲 以 刑 不作 有 其 同, 君 能 揆耳。 以 其 待 也 民者, 豈 齊 庶 衰 堯 濟 弛 焉 也 ...焉 於 ៣ 也 頑 舜 鞭 德 泉 然 更 而 讒 朴 終 惟 相 蘇 陶 禹 夫 議 民 之 致 講 刑 功 無 用 僞

字 新 字之本於德耳。 有 使 大學 而 人 從 師 · 》「親 化之意,是正 一從古 朱子釋 民 本「親」字 程 明 子 明德 以 也 爲 不不 正 於天下 親 若 謂 當 親 新 作

人從化之政也,而天下「明德」之「明」不在以爲「使天下之人皆有以明其明德」,是使

矣」。 義。 與民 之仁未嘗有 之心,而發「貫魚,以宮人 陰,如民之非上 如陰之順陽也。 鵠,反求諸 汝、詈汝,皇自敬 非毁之言。然「百 曰:「不得而非其 則君 聖人知 小民之不得所 而天下歸之。」在《易》之剥,陽之剥 同樂者,亦非 又曰 子之所 :「行有不得者,皆反求諸己,其 其 其然 息, 身,豈可以尤 也,然其心本欲得君之愛, 故當六五之位,原其中 陰 順 以二 也 德」。 上者,非 姓 雖 民 也。 者, 有 得 故於 蔑 之 過,在 譬之射然,失 與 貞 必 輿」也。 欲 有怨, 上 也;爲人上 寵,无不利」之 民同樂 而 而 九又 哉? 予 在 以 一人_,「 不 怨 上者一 發 然則 厚 可 則 故 「碩 以 而 孟 必 防 果 順 有 王 不 子 IF.

教養一道

從 也。 嘗不興 能」也。 可 司 覺後知,使先覺覺後覺。」此 民 性 堯舜之君,則曰:「天之生 不遜。敬敷五教,在寬。」伊尹欲 前 行乎? 善難 徒 ,則主 也 興者,所 其 然言教者恒 而 矣。 若 命契爲之,則曰 乎教 養一 義一也,豈 而 苟無恒 夫 所 謂 世 焉。 凡 道 養 固 無 也,上天立君治民 民 不 有 以 産、因無 恒 唐 能自遂, 德 「養先」 則 非 産 虞司 性 淺 以 而 :「百姓不親,五 深 衣 薄 有 徒之官, 斯 厚 恒 與「教之」掌 矣。 食足而後 則 恒 心,欲 民 立君之本 無 幾乎 也,使 其 使 所 惟 驅 其 本 待 以 息 教 先 於 民 以 君 化 養 之 於 意 知 爲 其

是 産 故 恒 成 心 上 養 此 治 乃 也 心 人 生 者 耳。 所 則 所 古 非 以 有之善 成 恒 乎 心 先 其 開 教 而 聖人 者 也 不 之教始 能 然 也 民 肯 終 此 於 見 恒 只

鄉約書院之教

院 於 耳。 亦 其 意 非 亦 者 、野矣。 然。 遺 隋 之處也 後 與 世 李 意 使 ? 藍 亦庠序教衰,而 德 既 如 比 也 田 0 林 世 有 漢 間 9 吕 何 庠 欲 有 時 族 有 氏 必 黨之 序、 廢 併 司之禮既 三老主教 鄉 别 鄉 鄉 學校, 約 爲 法 正 約 **>** 鄉 、書院 最 廢 民 鄭然明 失,則 ()而民 約 化 何 爲 間 哉? ,則今之里 事 善俗之良 私聚 而 於書 間 欲毀鄉 不 盡 其 自 得 書院之 院? 廢者,得 徒 不 爲 法 以 校之 求 老 此 之 講 建 制 固 書 然

爲政宜先省刑節用與民同好惡

哉? 也。 之心無窮,必至 雖堯舜治天下 資,然後及於制民之産 時 先「不違農 惟 民 何 有 則 不 而 山 庶 王道 省 信 ? 爲 孟子 後 林」,惟 政者, 刑 從 愚 亦 盡 以 則 告梁 時」,「數罟 自 節 不 耳。 得民 亦 用 可 均 -, 其 用 順 仍 惠 漢 於「平則三壤」、 謂 田 而 其所欲 賤自 舊 心 初亦只 王 之文、景,恭儉愛民,至 里 與 不 去去 一、欲其 爲本, 知王道之始 民 不 專, 改 其 同 則 使 入污池」,「斧斤 如 制 民 弊之太 好 施爲 行 何 度 此。 有 皆 惡,是 王 必 養生喪死 皆 政 不 固有序矣。 □「敬敷 好 但其愛 也,惟 信 也 甚 所 爲 則 一,然 從 難 而 苟 可 也。 爲。 民 必 難 爲

「平」、《尚書・禹貢》作「咸」。

其 古 不 口 非 以 以 親 恭 語 民 儉 至 之實 爲 誠 先 之功 務 學, 用 而 耳 治 效 然 止 則 於 爲 治 如 之 此 初,

則

制 用 宜 有 節

孰與 當先 言 治家 用 堪 制 不 輕 足,後 用 亦 節 得 則用 之節 然。 用 不 取 量 將 則 不 有益 民 人爲 足, 温 惟 何 只是 公家 繼 因 於儉 故謂 出 邪 出 什 制 浴德,不 儀 ? 之中正之道 後世不 而 **>** 不但 及 取一 而 可 ^ 梭 治 百 不 知仁 山 姓 或 躬 重 家 當 不 行 義 則 所 足,君 制 如 也 之政 以 民 此, 皆 制

稱 爲 養 民 切 務

以 備 古 歲 者 歉 政 及 務 周 養 之 民 衰 田 政 以 仍 井 授 夏 弊 變 有 助 贏 法 餘

> 乎 常在 之田 何? 荒者 所必 者必 遺法歟 之息 之家 也。 細 廪 也。 然 有 不 而 ? 以 因 足 賴 民 爲 前 期 見 復 貧, 今井地 賑 至 自 以 無常業 竊 民 貢 不 而 於 乏, 也。 之所 侵 ? 疑 漢 有 養 惟民 貧 況 貧 校常 君子 賑 於頑 當 稱 已 民 民 不 隱 民 然 不 頃 濟 而 利 貸 時 然, 資 然則 僅 所 覈 數 廣 而 而 歲 可 間 悍, 者 而 稱 而 以 藉一 資 卒 德 失 至 民 以 得 己。 閻 以 貸 利 矣。 民情 養,而 强者 於 始 以 真 無 來災 取 心 之, 而 乏餘蓄 亦 身之力,贏 今 救 自 以平政 養 均矣,富室 然以 盈 宜 稱 利 是亦 日 必 一,於是 不 於 者 傷 相 有 貸 公家 歸 僞 加 改 費爲 哉 餓莩者 制 通 非 不 地方 訟 惠 豪 贵 虐 體 ? 融 聖 有 不 X 故 猾, 而 於困 其 惠 常 牒繁興,勢 以 人意也, 在 時 或 有司 年 亦 亦 貸 不費之道 在富 爲 於 之 於 重 所 豈 力 連 以 衰周之 百月三 養耳。 窮, 富 好 需 千 可 專 嘗 濟 議 不 室 亦 惜 幾 救 發 乏 頃 以 弱 政 足

貸

因

民之利

化

行

於俗

則

菽

粟

如

水

火。

乎?

是

其

所

係

不

小也。

施

邪

?

教

之失

信

避

形

迹

致

謂

刑

戮之民

急

前

右

其

所

偏

也

漢

惰

肢

犯

義

財

而

陵弱

於

賑

救之無策哉 小人乃反以 富者不施 陵弱 者必 抑富之心哉? 棄義 賊仁者必罰; 加羅 也 儀 政 而 上 也。 孟子 菽 0 誅,時其豐凶 者 欲 織 無 而 刺 粟 而 怨報之,飾 之罪 所 使 百 史行 争 可 或者 如有 如 則 費 以 民 民 貧 水 焉 富 施 以 郡 火,而 聽 出 通 民 聖人治天下 責貧民 故 奪。富 糴, 長 或 也。 坐 之嫌附豪强, 己 荒 常 育問 斃,其於治 奸 節 奸搆訟 之 下 勸 民 年饑歲 富 頑之欺 其 以 財 者可 為有 者 富 藏 緩 盡 誰樂 濟 强 室 於 古 急 力 宗 以 何 不 使 以 , 有 體 於 是 因 所 豪 無 而 通 者也 哉 ? 發廪 不資 之 事 明 則 此 救 饑晉閉 可 百姓足, 朝 禁 隨 食 也。 則 荒 賑 處 必 流 救 民間 惟藏 九年 之 荒 充 貸 不 日 如 亦 法 無

豈

宜

先

有

免斂之於民,此 之淺見者,鄰國 於官矣。 者且 之糴,君子以之論 於彼,溢 無 滿, 君 菽 不 富 耕餘三年之食, 善策 是 是分人以 孰 於民 爲 粟 何勞人力哉。 遏糴」,而 譬之水泉,勢必 而 與 如 孟子之所謂 N N 於 而況 爲君倉 元 水 果 不足?」此 乃爲上策。 彼 火,則 如古者三 ** 則 財之惠 以 晉 流 德 價 廪 曲 饑秦輸之粟,秦 於 高 可 行 實 則 是以齊 直 此 貴 以 非 民 豈迂 故 府 年 發 也。 不過 潤 八則遏 自 者乎? 賊」也。 有 惠 廪 耕 下 庫 相 遏糴 濶之言 子 以 桓公之 餘 而 ·, 溢 充 通 其 賑 Ė 不 融 流 費 貸 於 未

於民 穀貴 開 天下之志者 則凶荒之年亦必 之,我將 地 獨 私 通 可 則 之饑 ,使之出 糴 視 無 之門, 富 其 何 所 出 以 哉? 饑 賴 仰 ,當知王者有分土,無分民 死 焉 而深嚴 而 給 糶 也 勢 死 假 亦 夫 有 乎 其 如 鄰 足 且 必侵 通 遏糴之禁,斯可 ? 己 或 利 以 販 平 當 豈 之 利 時 奪 以 彼 荒 濟之 民。 不 穀 我 民 不 歲 博哉? 皆 賤 矣 資 者 吾 我 民 傷 於 而人亦 1,亦不 知 農 同 成 亦 耳 所 偶 胞 故 安 熟 也 閉 患 能 務 有

得 大 在 糴 蓄 廪 庶 户 在 幾 吉安值安 有 以 其 爲糴 限 平 惠 予 辰 後 所歷仕之處 糴,在 而 州 但收 本 不 亦 則 福之饑 費 誘 無 其 t 使之 矣, 商 以 原 陽 繼之。 販 價 然 則 通 多遇救荒,在建 則 穀,皆不 發 而 販 貧 議借官 廪 民 而 在 以 亦 此 不 揭 賑 限 無 問 亦 銀 陽 濟 其 由 其 通 數 則 價 得 利 融 千 此 寧 招 糴 之 之 則 則 兩 此 商 也 所 發 則 通 所

> 然 術 宜 術 留 惟 亦 也 意 須 有 但 使民 焉 議 民 間 未 有 行 自 菽 相 而 粟 官 稱 如 貸 即 水 遷矣。 官不 火也 ,此 勞 此 而 爲 外 民 政者 再 可 無 所 善

治水之法

汴 水、决 北 所 北 伾 自 州 河 河, 之 南 百餘 之地 以 西 下 漸 地 達 北 海 則 禹 祭澤 經 黎陽 塞 于 九 里 是 時 爲 泗 而 中灤 + 河 洚 以 則 爲 下 而 淇門當 道 里 水矣。 灌 爲 酸棗、瓠 今大 北 流 從 梁 隋 河 合 即 而 大 名 城, 衛 逾 永 淮 亦入 伾過 自 濟 府 大 至 河 以 子之間 由 秦 伾 淇 渠。 所 濬 永濟 洚 是 始 門。 在 縣 經 于 河 水 皇 永 黎 也 海,此 也 渠處 所 從 伐 濟 其 中 陽 南 以常决 魏 灤 渠 北 縣 下 兀 也 出 引 北 蓋 時 播 在 P 大 今 從 河 黄 是 近 水 湮 爲 河 此 大 運 九 河

水所 賴,此 澤既 浸,所 戰 制 祭 耳。 爲澤。 魏 道 水,祭 渠必竭。 爲 酈 百 南 或 如,如 [餘里, 宜 也 禹 以 道 以 决 . 時 ,不 孔氏以 功 通 河 元 其害豈 本 恃 門之間 難 迄不 則 西 齊 言之,齊與趙、魏之間,黄 淮 以 必 用 周 濟水之所溢 人力似 而 者 在 亦 何 爲 不 力 泗 盡 禮 不 滎澤之瀦 能比 .则 作隄,距水二十五 河 滎、波爲 惟 小 禹 知 求 禹 ? 東 則 了豫 舟 小 爲 濟 亦 塞 復古,亦 作隄,距 於禹蹟者、蓋 順 河故道 哉 楫 水分 祭水决 可 秦 淫 州 今水勢先濬 難 ? 未瀦 事矣 施 水 其 耳。 水; 通,而而 河 但 欲復禹 浸 所 水二 可 澤故 於 東 則 在 波 瀦 河 其 也 祭 夫 南 一,開 爲陂 十五 復 溠 必有 0 説 亦有 陽 里。 也 大 灌 流 蹟 北 下 然 河 是 濬 溉 伓 下 宜 既 流 流 里; 隄 後 蓋 也 梁 引 兩 由 亦 以 則 不 院 相 海之 世 隨 即 以 無 圖 無 瀦 過 則 北 誤 河 趙、 治 瀦 畜 汴 時 所 此 则 認 東 巨 中

> 前 去 ,水道 Ŧi. 十里,水 廣者當又不止五十里 勢 有 所 遊 盪 而 而 戰 已 或 未 隄 之

里,稍 救,稍 决 争咫尺之地」 數 成 所 亦 宜 肥 竭 得 聚 豊 隄 也。 聚 美 誠 以 精 人 能 落。 民民 岸,徙民 效 爲憂。 克告也。 ,不分心於所 古者治民,惟急 姓怨 欲治之則敗壞城 去其城郭, 勤 舍此 由是隄防 耕 大水時 ,工雖久 恨 田 得人以任之,使 法哉? 此 而 也,殊 一之,或 秦漢之間,水至 振業之,此皆人 陿 賈 排 至,漂没 役、民不知勞 不急之 讓 者 水澤 久 不知 先務, 至 去水 言於 無 郭、 於後世 而 法室 害,稍 則更起隄 哀 事 數 田 居之,湛 一, 得 下 帝 廬、塚墓 百 廬 功 築室 而 步, 展 所 勤 則 毁 拳拳 此成 去,填 布 謂 所 恤 自 遠 防 溺 宅 造 Ш 四 利 與 功之 者 自 以 以 以 同 淤 水 萬 禹 數 其 遂 不

❶ 「楫」,原誤作「揖」,據文義改。

專責 夫天 之助 先 民 廢 免於罪 必 流 讓 難 涯之間 尚 陝 知 前 迅。 於任 濬 壅 勞。 哉? 功 當 下 ,莫知大役之艱, 人各異圖,終鮮同 塞 何 者去水數百步 道者 當斯 豈復 疏濬未深,汙填已至; 宜 矣。 務 無 且 患 之爲 難 不 兼以才力易窮,工 矣。 則亦 事 顧 少, 況 時 有 爲之事,而 可 遊盪 之難 今 也,民 世之治水者豈 五. 急, 得 有 徒 + 河 可 有勞民 之區 而 而 里者 出 勞多 通 ',遠者數 哉? 當 況 汴 流 一不寬, 有 於 乎? 事 傷 渠, 怨, 難 輒 者 望 財 不 程 蹟 爲之時,使 物 偶 爲 里云耳 有 又 然 則 而 不 要 論 難 非 勢 能 乘 成功 而 奔 知 亦 繼,功 有 新漲, 阻 禹 下 悦 欲 騰 僅 其下 舊 之 隨 以 乎 流 如 ? 世 使 心 惟 盡 曹 求 兩 亦

之,不使相混, 海 故 江 謂 淮、河、 之 四四 瀆。 蓋 濟 有深意 各出 禹 順 其 存焉 源, 獨 達 而 之 能 四 性 瀆 獨 達 而 治

> 泗水排 非也。 之間 以 秦决滎 勢。 水 達 地將 於此 而 通 比 難容,陳、鄭、徐、邳之區 排 于淮, 也 此 淮 洲 不 濟 歟 又 然但使之從大 曹、濮之間 慮豈不遠哉 故 蓋當 又淮之支流 泗 ? 澤灌 勝其 注 通 水 祭亦 淮 而 于 而注之江」,先 所 \sim 人于 河 時 禹 汎 渠,則 江 滙, 梁, 濟 之 淮有 一,此當 貢》言淮 濫 所 發 而 江 水 矣。 一瀆 引 分 順 源 非 三洲, 所 伾 而 合流 也。 流 常常 尤 江之下 河南注,下入泗 不 汴 而 若大瀆 遠,其 一常不 儒 東 决之處, 爲 北 梁 于 下, 南 \equiv 以 則 以下 者,誠 患 流 瀆相. 與 免 爲 海,孟子 濟 耳。 亦 江 記 北 與 於水患, 亦然。 足 九河 海者之直 尤 通, 禹 者之誤, 合, 以 海 濟 以 非 曹、 乃言 南之 則 勢 流 之 殺 他 與 必 濮 外 其 以 觀 河 漕

也 河 禹 之治水,水之 流甚大,而 水且 道 也 多 沙, 下 瀹 流圩 决、 填 排 則 是

淮 以 此 海 也 眼 即 間 東 所 時 聚 與 水 自 河 上 一,此治 、泗之治則隄障之。 入淮 之道 江 去 有 北 發 或 廬 濟 流 一者皆濬 相 其 汝、漢 水 成 泉 會 源 汝 有 汎 日 業 水 近, 從 于 以 宜 溢 也 濟、 而 瀹 通 汶 没 至 塞 地 疏 Ê 故 不當淮 亦 滯 潔之道宜 爾 導之意 漯 淮 所 以 于 中 也 也, 流 分 從 瀹,通 慮者, 亦 人 而 河 湧 水 則 爲 皆有壅塞 淮 此 注 于海。 濟之别 出 濟 始 瀆 排 九 分流 則 恐水 治 江 者甚多 水 也 有 之 絶 派 泗 而 汝、漢 者 瀹 性 去之, 衝 歸 河 9 蓋 水 亦 派 汶 雖 如 也 南 重 道之有 而 人 淮 可 同 管 也 在 有 前 ,而皆會 决, 注人江 疏, 之 南 淮 有三 ,此 此 以 漢 以 齊 圩 籥 道 分 闕 其 派 注 或伏 田 水入江, 魯之地 之 當 壅也 沙必 洲 宜 流 耕 也 也 于 通 以 通 于汶, 决 或 其 流 其 達 開 其 不 民 此 也。 闕 前 竅 泉 此 地 惟 于 汝

> 受濟 矣。 近 則 畜 溉 未 泗 而 代 在 洩, 豈宜 之 水 相 利 汶汶 道 始 古 勢 又 通 轉 也 可 泗 盛 入,下 官 輸 水 知 惟 排 矣。 乎 立 過 併記 復 矣 也 待 泉 受 源 排 其 微 于此,以 然 河 意 與 秦 爲 涸 則 必 隄 其 曲 漢 哉? 古者 泗上之有閘,當 流 以 流 防 以 備參考云 同 防 以 易 上 已 今泗 渠,猶苦 水 病 竭 一爲 河 也 斗門, 與 之上流 何 濟、 此 以 者 水 治 資 以 汶 不 時 灌 尚 同

兵 要

於 尚 遇 和 也 智 勝 地 力 孟 利 兵 己 要 則 子 者 和」者用兵之所必不 以 盡 有 日 則 壯 假 於 爲 人之怯,凡 於天 此 天 所 矣。 時 屈 八時,以 不 矣, 後 如 故 世 以 地 智 多 利 無「 人之疑; 可 力 以 地 失 有 智 也 和 時 力 不 相 而 可 有 故 如 窮 戰

然離 之本也。 之,則絶甘分少,與士卒同 所欲,違其 至仁,亦 遷 矣,烏能 和 國 庶幾 平時 [得「人 所惡 戰 得 有 則 不 其 和一, 所 必 能 則 死 勝 感激 固 感人者 力哉 遷 , 結 守 則 耳。 人心,而 得 1 從 甘苦、雖非 深, 者 不然則人 人 此 如 和 倉 得「人 市 卒 守 欲 厚澤 順 則 和 用 涣 其 小小

敵 時, 以 我 也。 予有 示 心 法 者 無 兵則當 必 制 不 我 少,此 勝 效 故人心 不 臣 和 曲 武 兵則當置之死 王曰: 也。 疏 死 防 三千, 則 其所以易敗也。 遺 無 置之生地 如 則奮 在 ,此可勝之形也。 不周 和 枝之離 「受有 惟一心。」以得 彼 則 力者 者求 密,此不可勝 如身之使臂,脅之使 以 榦,榦之離根,部分指 臣 先 地 生,則脅從者散 開其 億兆 而 以 勝敗之機 其 堅其效死之心, 求生之路。 9 氣 惟 人心之 至於臨 之形也。 厲 億 ,此其 兆 心; 和 於 陣之 而 所 其 0

> 心 矣。

則 櫓 之,故小敵之 之,敵則能戰之,少 故用兵之法,十則圍之,五 天下,故兵不 非 用 伐兵,其下攻城。 月而後已。 之善者也。 國 三分之一而 百勝,非善之善者也; 轒 攻 兵者,屈人之兵 次之,全軍爲上,破軍次之。」「是故百 子之説蓋本聖人 輼 也 孫武子曰: 毁 ,具器械,三月而 人之國 故上兵伐謀,其次伐交,其次 城不 將不 頓 堅大敵之擒 而 勝其 ·拔者 「用兵之法,全國爲 利 攻城之法爲不得已。 則能 而 而 可全,此 非 非 重愛民 忿 ,此攻之災也。 不戰而屈 戰 久 守 後成。 而 也,必 也。」 也,拔人之城 之,不若則能 蟻附之,殺 則攻之,倍則 命之意 謀攻之法也。 距堙, 觀 人之兵,善 以 此 全 所 争 故 又 士 於 善 卒 戰 而

之

其

勝

其

則

成

上兵, 者鮮 開 攻 不 不 擒 上 智 於一止 用 連 所 也 而 人 多 八之心 意 勝 兵。 謂 兵 伐之,則 勝也,伐兵 兵之利 生路 亦 或有之亦 此 哉? 矣,雖 敵 與 ,多方以 「伐謀」也 德足以 可 攻 所 以 力而 德 我 而 以 以 其供, 謂 也 不 也 不 爲 勝 至 不 招 所 足以 在 濟之以 敵 服 誤之 伐交」也 於 之 戰 其 即 故 恃 者 伐 於 我 則 攻 脅 而 潛消, 者 非 以 以 謀 力 服 必 而 以 城 所 從 屈 力 不得已 力 其 則 争 者 詐, 須 己。 其 愛子弟安保其 人 0 勝 則 不 以 則 侵 勞, 用 何 者 也, 雖 伐交 力 則 則 戦 敵 渠 德 犯 間 待 詐 也。 不 强 攻 曠 以 勝 魁 而 之謀 諜 於 攻 力不 其 則 將 可以 其 用 日 屈 也,伐 謀 失 以 用 城 若兵形 勝 智, 侵 持 守 無 助 攻 離 及 無 者 兵 犯 攻 備 易 殺 其 我 次 哉 自 故 以 而 交 力 而 尤 城。 於 既 黨 結 傷 能 出 弱 於 謂 者 ? 實 而 戒 往 庭 無 兵 敵 火 也 也 能 盡 自

與

成

援

之

作

此

勝

以

在

格

已張 陽盛,君 綏其餘黨, 告自 如如 。」夫「揚 之 一,所 有 , 乎號, 也 戰 後災乎? 不忘 於人 玩 哉 小人 然 計 兵 勿 少 邑, 心,未 日 子道 禍 戢 大 則 在 有厲,告自 不 利 之 不 則自 將 將 敵 力 能 無 于 隆 矣 有 利 必 在 Ě 在《易》夬之《彖》 易 何 自 守 亦 盡 則 前 故故 時 不 窮 即 焚 攻 攸 庭, 新 柔 豈 王 夷 圍 也 往」也。 戎 兵 庭 無 服 已 能 城 之 日 若 柔乘 Ŧi. 邑,不 過 由 邪? _ 陰未 理 也 也 期 「小敵之堅大 則能 則 一人懷 治 百 雖 於常 0 0 0 Ħ. 攻 夫 戰百 百 則 利即 苟 兵 使 盡 故 避 孔 剛」, 然 戰 當 威 猶 必必 不 兵 倍 勝哉? 無 Ĕ: 子《 後 此强 勝 百 乎 以 威 則 戎, 死 既 所 謂 揚 而 彖傳 勝 振,殺 號 安保 分, 容 德 不 剛 敵 雖 利 揚 不 弱 豈 揚 招徠 自 振 長 有 故 然 知 之 于 兵 之 敵 五 足 厲 在 別川 攸 伐 明 Ŧ 其 弭 猶 形 间 則 爲

之漸 則三 此 者 則 矣。 威 不 其 歟 名 久 而 驅不 人。 哉 義 其 將 ? 孟 有 罪 베 惟在 寬前 人 子 勞 夫 顯 説《 自 德至 日 心 易》者乃 我 揚 化 禽之失,而 殫力 耳,此 善 於 者始終 於 朝 戰 一、老師 五陽 以 者 何 此 服 之盛 煩人 一德, 揚于 履 豊「 賈 上 霜 糧 ,則德 力哉? 不 刑一, 無有二 王 轉 而 利 庭 起 不 即 其 堅 可 心, 威 誤 冰 謂 解 否 解

之興 否 於 其 弭 則 亂 無 救 法 則 以 力 宋 人 於 也 備 後 必 襄 角 世 者 未 出其 之仁 衆 力 用 必 夫 萌 此 取取 兵 詭 有 不意,多方以 西襄 義 止是力争, 道 仁術 勝 仁 成其 鮮 爲難 者之所所 非 不 故 聖 勢至 敗 ;雖或勝之,而 矣 詭 人之所 力争 道 於 誤 不 不 不 之,力争者 忍 而 尚 得 可 也 不 盡 己, 然 用 廢 則 不 故 弟 詐 急 能 之 謀 攻

兵 法 以 爲 主 而 以嚴 行 非 則

> 於 嚴 人 心 與 離 和」之德 禮 非 樂 嚴 之 則 口 别 乎 人 ? 名 心 也 玩 而 皆 謂 取 行 敗 兵 道 也

患 治 漢 功。 者 自 喪」之心,故義兵一 絶棧道,惟善養民 晉文、悼公仍累 王,脩内 而 有 ,不順 高祖者,蓋緣秦惡 始 後 二十六 不 危道 其起自匹 如 先 能 當天下 管 於 攘 也,其不亡者幸 民 政 仲 内 年 强 心,而 者二十八年而 相 國家多 楚。 治者。 而 夫,不偕尺土而 齊桓 始 欲 世 百 前 能 基 舉 治 事, 里奚相秦穆公,脩 公,脩内 夏 覇 已稔,天 前 一業 戰 後 少 而 耳。 西 具、備 遂王 故 天 康、 欲 戏。 下 始 能 以 政 -始定 能 關 周 下 糗 兵 樂毅 即 者二十五 中。 報 宣 有 糧 威 成 日 齊 王尚 「時 靖 然 帝 而 相 不 怨 難 脩 業 燕 内 必 日 成 曷 内 如 覇 惟 年 昭 政

易行 諸葛 然亦 亮木 必 須 4 有 流 人 馬 牽 止 挽 是 方 製 可 法 節 精 其 巧 進 機

爲 也。 贵 能 明、公輸子之巧,不以規矩不能成 順,苟後無 若遇登高 其在平地 十里,而人不大勞」是也。 人行六尺, 牛行四 真 矣。 竭目力 有 亮有 神輸鬼運之術 以 其 而 豈能自上? 挽者,安保其 、藝人 巧思 以 規 或 故其 神, 矩繼之,則雖衆 可 步。 數 則謂 哉 製精 步 ? 當其 載 之神可 不傾? 流 ^ 絶 下 馬 歲 魏 耳。 行 當 糧 氏 人亦 也 此實 其 方員,荷 亦如之。 春 天 秋 、勢必 所 能 理 下

豈能 然亦 於百 之技、坐、作、進、退之方而 不 以 民七年,亦可 勝 非 息 世之言 難 此 不教 則烏 百斤而試之,以 事。 任 一哉? 練 民 獲 譬之學烏獲之舉百鈞,其 兵 戰,是 之 者,不過 以即戎矣。」教民者,教 由十斤 任 謂 自 棄 漸 此 習 而試之,以 進 之。」又曰:「 而 已,此其 馳、 於千,但要工 舉 矣。 射、 擊、 末 孔子 漸 也, 初 進 刺

> 矣」。 信 之以 寧無武藝,不可無孝弟,此「去兵」不可「去 以孝弟之心而益精武藝,則 則 雖 危難 也。 也,然則「孝弟」豈非 其長上,可 日 孝弟」而 高 民 脩 」之意也 其 親其上,●死其長 ,將安用之? 孝 苟無孝弟之心,則必遺親、後君,當其 云「制 其孝弟忠信, 至 弟 不至於棄長上 於 即 而 使制 七 能 挺」, 己。 年,民 撻 梃以 秦、楚,則 則 故孟子曰:「君行仁政 入以事其父兄,出 人 不待甲 皆 教兵者 撻 而 矣。」又曰 知 秦、楚之堅甲 不 性 義 顧者幾希,武 用 兵 之所 不待武 尤), 故 事 善 堅 「壯者 可 耳。 當 一利 能 藝 以 重 也 以 精 利 哉 以 以 即 孝 否 則 强 兵 事 暇 戎

名而言耳。蓋地形有廣狹、短長、横斜、曲制兵之法,多言「八陣」,此以其無常

■「則」、《孟子·梁惠王下》作「斯」。

六

顧哉? 應,擊 謂 此 韓信 直 分聯屬 此 雲、鳥蛇、龍虎之名,而貴於前後、左右、 然首尾之應,正見人心之同。 人惟一心, 不相 耳。 隨 豈非先爲不可勝之兵乎? 善用兵者,譬之常 所謂 其尾 兵多 然大要取於首尾之相 必使如子弟之衛父兄,手足之捍 遺之實, 故論「八 「多多益辨」 則其 則 寡 首 而 臨 但隨 應,擊其 陣 分布 敵布陣之時豈忍 者,不必 人多寡以 之,其 Щ 而「分數 之蛇,擊其首 中 則 勢 應,如 拘於天地、 武王有 首 明 不 爲 尾俱 什伍 得 者 棄而 孫 正, 正 不 應 則 彼 頭 部 所 風

以 勝 而 盈 猶 慎 以 雖用之必計 戰 服 野 所 兵,凶器; 上 不愛及 爲計 争城以 刑 萬 而 其所 戰,危事,聖人不 萬 全耳,然臨 況 戰 全焉, 豈可因 未 殺 愛哉?「争 必 人盈城」, 盡 一勝乎? 敵 而 地 貪 ·得已 始 雖 忿 以 慎 聖 百 戰 興 公則 戦 而 殺 兵, 所 百 用

> 念,故 遠 小 以 之初。 也,不 之也。「今之所謂能臣,●古之所謂 無恩澤焉。 論 謂俎豆之事也。 小,故湯事葛,文王事昆夷。 齊宣王之問交鄰,則曰 善陳者不戰」。 正謂諸侯交鄰則有宴饗之禮,陳俎 晚 俎豆之事則嘗聞之,軍旅之事未之學也 止於如此,未嘗遷 事大,故太王事 不至於陳 怨之方惟 焦頭 在於徵 亦 是故 其 爛 所 殊不 也。 善善 在 額 辭 不 者 於 請 昔衛靈公問陳於孔子,告以 爲 得 其後,孟子發明 知 聖賢當衰周擾攘之世,所 率得 脩 熏鬻,句踐 罪 國 已 殃 就 之日, 睦 者 也 民害物者 E 世 「惟仁者爲能 耳。 不 功,而 俗 是 師,善師者 而 後 功利之見,以 以 惟知者爲 在 事吴」,此 世 曲 君子之息 於脩好 皆 此義,而 以 突 此 徒 民 功 豆 以 不 賊 輩 利 則 能 焉 睦 薪 大 陳 所 告 鄰 以 口

豈虚言哉?

宗。 雖 先。 所 六 皆稱「宗」,此 不引君當道 立 禽之玄孫 謂 廟 與之天下不能 年,季孫 追論 以其 民 殷 古 可見先 武 者 王 ,賊」與? 武 有聖人 太 也,當 1 尚 公之 行 發言 前 戊 文 其 父戦 王時不以武爲重 嚴 不 所尚 功 導之以好武 時 之德,可 雍 恭 尚 「由今之道 嘗 牽 朝 和 寅 而 武 在德也。 居 有 有 不 特 畏, 功 」,可不戒哉! 武 故 立武 以 敢 不 功 言 以 敢 追 荒 也,豈非古之 無變今之俗 治 宫。 武 初 魯武 矣 西己 寧,謂 荒 者 功 亦 成湯, 寧 歸 公者 惟 蓋 不 至成 美 以 之 以 成 伯 此 父 故 德

車戦法

於大鹵」之下,載「崇卒」、「毀車」之説,竊《左傳》於昭公元年「晉荀吴帥師敗狄

勞,此 王之伐 争 武 乘 彼獨 故周 其 徒 車 無敵於天下, 番以宿也。故 車 宿 詐 意 寢 於車 後 王 備 屯 倒 不 止 戰 此 而 戦 司 渡 戈 十 處 過 宿 公作《 行 乎 未 必 輕 人耳。 孟 計 中,不 攻 亦 ,似亦難容,要必 紂也,革車三百兩,虎賁三千人,每 四 ? 必 馬 古 剽 則 津 于 馬, 自 制 萬 制。 在 便 東 以 且 後 荀 車 陳 儇 但 車下」,此見 備 其 戰 全 雖 山》之詩以 十人 古之車制 以 商郊; 吴始, 之法,每 衝 之 蓋 也。 廣 列營屯、 惟 用 北 突,夜 所 戰 王 乘兵 不 者 爲 苟 以 則 車 過六尺六寸,就以 凡 而 至 之師,惟 其 利 戰 車一 以 用 乘 而 ,雖天子、元戎,每 則 約 勞 備 出 於 實 甲 者 時 其半巡警, 車 以 旅 衝突 歸 師 乘,而 戰, 觀 未 已 者 大 士三人,步卒 如 待 士 之時士卒 牧 嘗 用 , 居 士卒 抵 林 則已 一,而 而 野之師 戦 步 來 然 問 以 己。 則 卒矣。 會 . 寢 也 事 故 罪 逸 以 而 力 武 敦 以 而 更 固 列 況

共百人 容哉 戰,如 爲 威 車之三十五人并入兵車七十五 車三千」之義,謂法當用三十萬衆,則 容哉? 在後,而 但 置卒也。 御善射 不失其 一人者豈一車所能容哉? 乘七十五人之外,尚有二十五人 未 以 曫 用 命 方矣。 ? 以 必 車 庾 實有 聲 而爲一乘矣,又曷嘗論百人 車 者 爲 宜乎 斯 又豈知二十五人 朱子乃據此説 馳,舍矢如 故以「卒」爲「步卒」,不然則 荆罪,又當 十人 防,而 追 亦 人於平原隨 況越千里遠征,宜無 此 子濯 自知其説之不通 臨 數也。 之法,已得三萬 陳 不 應 孺子,而 必 破」義 宣王盛時, 敵 乘 竊意方叔 以釋「方叔 之分數 車 宜 者 同, 以 抽 趨 亦 説者 戰矣,雖 矢 利 車 非 耳 人,亦 , 扣輪 玁狁方服, 人望所歸, 重 而 人之數, 中 又謂 重 與 南 一勞以 又 將 之何以 固 車 \blacksquare 如 征 亦止。 足 自 以 所 重 兵 七 不 狩 用 此 先 以 其 之 以 車 多 重 能 車 以 則

> 始亡 則 蓋 塵 也 幾 也 爲 ,豈必自荀吴始哉 希矣。 牽 驅 下 不 耳。 馬 哉 挽 車 可 勝 難 必 不足用,戰車 ? 然則 資 者 前 至於末世, 夫 轉移 良 車 而 毁車 馬,車 戰 果 何 法 不 以 必 益 未 捷,其 無 雖 崇卒,衰世之所 以三十 嘗 不 不 良 速古, ·毁,亦 亡 馬 不 也 而欲 至 萬 一於覆 馬 何 衆 以 不 益 亡 奔 當 必 足 敗 乎 而 走 用 ? 法 車

處大家大國之術

1202

身脩 處 有 大家 大 政 國 德以立標準,使之心 治 不難 也。 或 制 有 其 不 命 智者 難 得 事: 罪 然聖賢 爲能以 於巨室。」其要歸 内 有 亦有 小事大」,其 服 大 家 圃 處 已,此 制 之之之 其 權 所 於 道 外 正

抗 所 於 以 貴 處 德 不敗矣。 尊 國 也 以 明 不 政 如 刑 是 使 而 欲 假智力以 威 베 相 此

火 政

其方。 各專 救 爲首者分 舞人者爲之,使之自 火 匠、木匠、扯拽以 베 不 法,必須 而 禳之事, 出 首 得 左傳》載子 方。 I者賞 奸誤事者,重 班立一人爲首, 熄 屬 量其 而 臨 平時設 必數倍於衆,多 稽 兩,則 有火警, 查,或分 時效用則皆未 方所 産火 小甲,汲 人分 一責之。 糾 人 救 政 始 其 以 即 東 廢 樂爲 黨。 止 奮 家 水 書 不 西 巡 及 或 多 以 不 待 南 紙 捕等官惟 遷 拆 詳 至 顧 寡 張 拘 火夫,俱聽 北 不 屋以 十兩, 以 身、 以 唤, 爲 勞 爲 行 四 做 餘 能 上 驗。 班 備 高 鼓 救 力

> 惜哉 罰 驗 植 不 物 木給與之,仍另議賞。 率以 隷 之以爲賞資。 其木爲功,不 ,以令地空 可姑息也。 但遇此等之人 泛迁談 可救。 其拆 也 加 執 每 賞。 倒房 ,衆即 木 以 奔走火場, 迄無善術 次 語 不 附 日 屋, 亂 諸 救 驗 近 却許 打 有 功 而 人 司, 無 應 , 如 人搬取 木者, 救 軍 漫 所 搬 者,亦 法 得 搶 加 之 木 則 財

說理會編卷之八終

一九

説理會編卷之九

吴袁洪愈訂正

帝

二帝**唐堯虞舜**附伏羲、神農、黄帝

别矣。 可以 之治,近於佛老矣。 道 天,初亦有同上古,及舉 《書》斷自 帝 也。 是 清静 也 堯 經綸天 舜 故「執中」之傳,自 唐 以 無 前 虞者,蓋上古民淳,事 孔 爲,不脩法 下,曲 亦 子 有 所祖 神聖,如伏 然亦時不同 盡 述者 人情,此 舜敷 制。 唐 惟 虞始,而 治,而 堯之蕩 羲、 堯 因 舜,而 耳 神 多朴畧, 時 氣 之中 豈 象 蕩 皇 如 黄

謂伏羲、神農、黄帝非時中之聖乎。

可績 得不 兜未 所以爲時中之聖歟 贊舜,意蓋如此。 道當然也。 盡 各遂 並 舉舜,用 其 立於朝, 漸密,禮樂刑 在舜 才, 其 免 又以 有 生 之德如 輒 斯已矣,此所 一,無 時,則思慮 嫉 有 見堯之蕩 有不善則包容之,而使共、兜得 故孔 忌之心, 功,然當權 所 天之 子以 厭 然堯詢考之間即 政悉皆明備,此致治之 棄。 發 蕩 不得不 「大哉」贊 則 育 以 非概 如共工、讙 萬 又 寵 爲 不 物,虎狼 湯蕩 相 施 漸周,經 可 軋之際,共、 無别者,此 堯,「君哉」 聽 也。 其 知舜爲 兜 蛇 編不 所 及既 亦 蝎 爲 皆

渾樸、開明於此 稱 君君 之相業 堯稱「大哉」,猶存上古簡畧之風 哉」,遂啓後 也 前 益成堯之爲大矣。 分焉。 世 經 堯之焕乎 綸之治 前 有文,亦 世道之

孟子論舜之於象,「象憂亦憂,象喜亦

是哉」。 間 瞍 惟 也。 心,使 藉 所 且 治之事律之。 之,是以孟 則不告而娶亦焉。 理。 其 風 民其咨,幸而 古高 、天下 俗 無 不至 反 順 以 而 堯方憫 淪 而 其 事 而 寬大 一,而 西 求 胥 君者,不若後世之尊嚴,故 而 八有是, 之至惡 雙峯饒 載 堯 舅姑、伯 之, Щ 以父殺子,雖如民 子不辯。」 在 艱 「完廪」、「浚井」之事 而 處 其 真氏 苟全亦 上,二女嬪虞,象無 尊卑 食之民 有子如 蓋當堯之時,洪水汎濫 、墊溺 之,故曰「蕩蕩 處之不過 也; 氏 因以爲「孟 叔,亦與常人 亦曰:「完廪、浚井儻 ,奚暇責之治禮義哉 知其 疏戚之等未 象,天下之至愚也 竊意此等處 近禽獸 丹朱,傲 豊 宜 非無 如 (此, 豈 不 故 俗之淫邪 如天」 教 子但論 慢、 但恐 無 必 加 必 敢 不 世 朋 倫 皆 女嫁 異 也 庸 殺 可 其 殺 儒 淫, 乖 有 舜之 哉 以 或 真 舜 多 下 有 民 别 盛 況 ? 無 ? 有

惡 者,而 既 得 庶,則 格 意 爲 命,則不可以强其子,娶而後告, 夫舜之不告而娶者,孟 下附之以「匿空旁出」之言,若欲神其 義 何? 者矣,豈肯含糊 土 焚廪」之下附之以 惟 有間、 無 既 不 爲 謂其不告而 姦」者,謂 又下一等, 也 教 大 平之後,人或爲 校, 在 畫蛇 觀 面 思 言矣,是善處 0 亦甚,孟子亦 「相問 誤 其 故 蓋 解 以 則 添 妄 堯意欲妻舜,正恐瞽瞍 不 「鬱 不必 其 答之言也,理宜 示不 足, 意 Ė 娶爲 以 不欲舜之娶也,視 格 陶 欲 其惡,猶言不 則 惑世哉? 謂 「兩笠自捍 姦 妄,則 棲 於文 必有如辨咸 人父子之間 爲 此 其 二之一 説 子亦屢言之,不 不 無 嫂, 義 蘇 根之論 也。 而 言 果有 子 此 有 但《史記》 舜 」,「穿井」之 由 耳。 非 原 之。 即 瞽 也 丘蒙之 善也 一之説 不 其 蘇 或或 殺 使 至 瞍 蓋 通 瞽 有 於 若 治 亦 愚 焉 也。 以 事 於 妄 瞍 違 害 水 而

焉,猶 歸 明 天下之士 百 官 先 則 師 釐 嘗 羊、倉 爲 多 辨 降 之 不 就 矣。 順 女之前,豈 之者,帝 廪 於 備 帝使 父 母, 將 事 其 舜 可 胥 如 子 於畎 謂 窮 天 九 人 下 其 男、二女 畝 之 已 而 無 遷 順 之 父 所

一王夏禹商湯周文王武王

雲過 者, 水 「有天 非「純 知 八年 無 禹 其 太 荀 德 下 與於己也,此見 則 於外, 勞, 子 空矣,不謂 亦不已」 而 以 曰 有 不 適 $\stackrel{'}{\equiv}$ 與, 似 當 禹 過 之德 於 人 同 其 之 聖 室有 然 與 摩 門 至 不足 孔 域 舜 其治天下如 頂 德 鬭 而 子 同 而 放 之時 以當之; 不 可 稱 不 稱。 乎? 踵 其 優 胼 不不 無 夫「不 利 天 若 手 得 蓋 又 間 其 點 不 胝 以 然 本 與 其 浮 足 於

> 髮 纓 冠 得 而 以 往 爲 救 不 優 也 , 乎? 此 又 見 其 爲 時 中 之 聖

言乎 諸 今會 間 誅之。 事 則 其 記》,《 至於會稽, 二嶽爲遠,而 塗山」之説微異。 塗 侯 也。 非 不 巡 地 ? 之 狩 稽 侔 而 唐虞時巡 世家》云「禹致 述異記 其長二丈,骨專 且 之 誤 政 焉 有 防 事 傳 禹 則益 與 風 益 邪? 沉禹爲天子, 陵, 豈禹之少 得 》稱: 孟 於 後 宜 無 爲僻壤,非 狩 子 其 至 爲之,如 戰 之地 慶、讓、 而 間 禹 或 緫 山 即誅之,似 群 · 豈 以 車 在 神 爲 舜之 塗 貶、 子封 後 巡 以 濠 塗 於 此 壽,蓋 狩 陋 道 會稽 削 攝 Ш 説 薦益 於越,因葬 所宜及矣。 路 防 儒 雍 之會歟 非 行 本 去 風 誇 容 江淮 王 方 於天, 於《 衡、 後 之 者 岳 地 之 ? 泰 與 史

安民 之 虞 謨 廷 諸 能 臣 發 天 泉 人 陶 合 之 德 之 最 理 爲 精 而 邁 種 知 民

時,禹 以哉 時 此 也 已 至 薦一不及焉,蓋 謂 臯 懷 而舉, 但 禹 舜以 則 一舜 不 可 禹 馬 陶」,蓋謂 何 存 見禹之德 命攝位 皐 之所讓 臯 所 故故 然稷、契及 與 陶 · 得)陶 推 泉 又不存矣。 禹、皋陶 爲 所 臯 此 陶 尚 則計 陶 也。 見 爲 此 皆不復及邪 以 陸 惟 或 益皆 優 而 稷、契先臯陶 五 其 象 故孟子 禹 爲己憂」,以 稍 矣。 知之」; 時 臣者當 Ш 在 至德 不然 臯 稱 必皆老矣、稷、契 前 舜 陶 叙 唐 以 則 也 舜治水時 故 論 虞 道 而 曆 一,而 初 常常 得 禹 統 之 數 禹 命 而 際,道 並 之傳 先皋陶 薦 歸 平 至 稱 禹之 水土 益 其 同 禹 則 耳 或 時 謂 有 則 在

舜崩 於 薦 然後之中國踐天子位。 於天。 山之陰,朝覲訟 子 避舜之子 堯崩 由 日 舜 「孟子言堯、舜、禹之終, 於陽 避堯之子於南河之南; 獄者不之益而之啓, 城,天下皆往歸之, 禹崩,益避禹之子 皆

於禹 於 淺 歟? 之言 下。」當君存 日 民 相 堯之薦舜,舜之薦 猶 其 益之受薦 逆,由「避」致之也。 朝 故 既 欲 以 耻 終 見 益 其宫者三年, 歸 天子 门避之 之,而 不 終,百官總己 主祭、主事而 諸 也 不得 而 將奉 則 侯 又避之,何哉 能 在 而 巡 舜、禹之攝格 爲天子。」以《書》 能 其 而 已 使 謂 舜、禹、 其 而 薦 子 可不避 天之必 益 天下不從,然後不敢 子 狩 攝 此古諒 人於天,不能 而 不 方 爲之哉? 事 已,至於克享天心,克從 禹,禹之薦益,但使之 益 以 違 順 ,未嘗· 岳 而爲天子矣。 至益不度天命 聽 受,民之必 天下 歷 將 ? ,行天子之事矣。 于 闇之禮 冢 年之久近,施 真 從天下 使舜、禹避之,天 祖 宰 · 敷 ? 觀之,此 據 爲 考,郊祀天地 使天 天 此 也 而 歸 嗣 子 則 此 而 爲, 事之 子 殊 舜 廢其 與之天 而 喪 也 也 非 宅 受位 不 匹夫 知 故

其 矣。 後 以 焉 則 有 君 得 傳 君 苟 猶 天 謙 者 避 之中 負 天 益 召 遂 爲 命 惟 子 之 ,遂居其 未 讓 不待天 位 若 不 當 其 相 也 用 盡 而 爲 必 之 焉 曰 命屬 或 必 益 禹 民 歸 常 澼 己。 實 唐 己 復 蓋 踐 崩 堯 避 與 歸 於我, 位 虞, 命之自 歸 德 焉, 宫,以 而 輔 欲 否 之 初 乎 天 嗣 之 凡 哉 與賢 則 相 ,史無 日 ? 子 嗣 而 命 君 嗣子 初 ? 此 之一 舜、 之, 無 必 舜、 位,雖受天下 子 而 心 逼 定, 及 其 之 蓋 雖 所 之所 已老矣。 天 禹、 則 其 舉 可考,不 避之,而 所以 法 E 下 意 乎 而 欲 於先 子 益 自 何 益 古 Ė 必 嗣 以 謂 不 暨 當避 堯、舜 歉 即 之 告 之公心 有 順, 不 子 天 君之 禹 避,乃 自 謂之篡, 終 可 焉 靖者 所 民 耳 下 而 將 也 易 皆 ? 始,故 得 啓 屬 不 非 薦 誰 不 豈 本 能 代, 承 而 己 以 人心 本 亦 如 則 以 敢 助 知 禹 同 其 烏 不 未 聖 己 爲 乎 聽 言 必 期 爲 嗣 滴 泰 然 得 能 歸 平 禪 ?

> 耻 不 我 薦 前 從, 於 耶 或 ? 天 相 贵 固 則 或 聖 天 不 不 理之所 人 相 必 順 避 皆 自 無 安 然 是 與 也 之 以 於 至 私 雖 己 德哉 意 兀 也 必 夫 天 亦 惟 命 奚 避 以 足 之 之 爲 而 在 既

宫 感 己 心 尹 稔 初 惟 説 悪 格 耳 聘 朕 之 以 桀 不 商 伊 載 悛 之前 伐 也 心 尹 自 桀 以 時 則 亳」, 歸 無 放 爲 本 始説 桀 於 征 無 不 善 誅 之後 安。 此 則 湯 事 意 伐 伊 而 觀 一架,故 終 伐 尹 而 湯 身 桀 一天 自 有 其 服 自 慙 五 明 誅 湯之伐 事 湯 就桀 德 其 造 耳。 事 攻 可 桀, 自 起 見 及 蓋 於 牧 其 伊 桀 欲 湯

後 求 可 下 世 安 其 以 矣。 事 重 湯之 爲 無 然 放 口 獨 實。 桀, 而 立 毫 放 不 本 不 此 桀 懼 於 合於天 豈畏 南 應 遯 巢 天 人 世 猶 理 譏 順 無 之正 有 議 悶 慚 哉 此 德 於於 之 ? 身 時 心 蓋 日 任 自 平 恐 天

之心 茅」之所 幾 所 其 也 如 時 於 爲, 力量 心心 亦 禹 不 爲 下 羞惡之心,天機也,豈 所 以 能 居之不疑」矣。 甚 車 此 心, 感 不 行所 以「无咎」 大,而 心 而 夫 格 能 而己之民 泣 反己自脩,慊 不 自 君 無 罪人,謂堯舜之民能 獲 已 心 其 事 者 心未 , | 歟? 時 而 而 不 心體之正恐不如 予之辜」,亦 至於放 耻 伊 嘗不小 及焉,是亦 心之生則 世之君子以 尹 然 能 耻 不 遏 其 ,此「藉 敢自足, 絶 君 此 以 ? 是 其 以 蓋 爲 此 信 用 所 堯 此 雖 爲 羞 障 心 白 聖 耻 堯 惡 舜

謂 言 之 記 放 可 疑,而 知 桀 則 其 於南巢」。 暴之渠 「斬 湯之伐桀,止於「放」,故《書》曰「 取 其 以 爲 殺 約 許 魁 殘 則 頭 獨 殺 爲 武王之伐紂則殺之焉、史 似 懸 夫紂」 伐 當 真 於太白之旗。」懸 用張」,是 殺 有。 解 也 之。 觀 非 孟 指 誓 又 子 紂 師 引《太誓 時 之 而 不 有 初 ·懸未 成湯 弑 何

> 用 間 燔 苟 真 此 黄 死 是 等 無湯武之志, 鉞 天 處 有事 湯武 則豈 而武 斬紂 吏 旧 須 革 聖人之所 勢不 王 則 頭, 論 命 又 應 是亦 射 得 天 又 在 應乎天 之三 不 順 彼 并斬其 爲 弑 然者,奚足論乎 人之 者 哉? 發,擊之以 而 真 而 已矣。 舉。 已 是 順 其妄誕甚 經 殘 乎人」, 其 死之 若紂既 他 輕 在 形 一嬖妾、 劍,乃 惟 焉 迹 我 自 者 順

已,此 故 同,從天 人 天」,若「 心 「應 而 湯 無一毫利 武 應天 理 天 所以 中 焉。 流 則 爲「反之」之聖也 出 「應 以 天下之私 而 無 無 天 私之心 所 與 作 意 順 則 求合於天 能 天 則 休命」不 對 謂 之二 上 而 順

不 也 武 心 必 傲 王之辭 有 也 蔡仲默《書傳》引吴氏言:「湯之辭 疑, 學 迫 者 故 蓋 日 湯 湯之 「湯 能 武 無 皆 武武革 數桀 憾。」 爲安民 命 也恭,武 竊 謂 應 非 乎天 利天 辭 王之數 而 之同 順 異 其 紂 平

豈 日 以 曷 私 喪」之心 議 哉 ? 時 但 至 湯 之 而 安 不 得 民 爲 也 人

婆 來 故 者 雖 王 亦 武 故 無 慮 ...尚 心 有 家 深 王 東 有 繼 之安 急 謂 生 遺 或 征 而「商之孫子,其 時 故特 殷 西 也也 俗 有 民 之。 怨,南 民 之塗炭 可復興者 流 未 起 觀 風 三仁 免 征 一念以 其言 善政猶 日 有 北 甚, 去 所 則 怨 日 後 作意。 。皆曰 除暴救 人 麗 無 而 未 、猶少 不 耄 復 盡 畏,寧 億」,賢如微 泯 己 遺 民,此 蓋 奚爲 有疑耳。 及 故故 祖 身,恐 爾 伊 心 士 後 之賢 乃 也 大 怨 我 後 夫 老 非 武

忠 陷 欲 皆 此 順 事 此 除 以 氏 西 哉? 有 事 孝 於 百 迂 來 伯 其 炮 釋 美 西 不 洛 其 儒 决 則 之 死 烙 得 西 所 女,獻之紂 伯 以 平。」獻 在 身而 之見 益 至 之 專 伯。 於美 西 文 欲 地 天下之人 聲 王之 征 此 失 之 情 乎 刑 庶 色求 • 肯 時 文 地 ? 也 伐。 乃 里 哉 可 周 王 時 贖 美 也 ? 赦 0 因 諸 顧 許 紀 之心 金仁 當 女 閎 西 西 「紂大悦 奚 尺 況 若 所 之 無 侯 之。 時 事 伯 夭 伯 載 以 於臣 土 倚 獻 以 術 者 之 <u>.</u> Ш 矣。 乃 紂 或 獻 莫 洛 以 開 重 多 賜 西 徒 日 爲 獻 以 紂 爲 子 非 救 者 矣,豈 之弓 西 。 曰 通 伯 弓 不 洛 爲 患 因 而 之,惟 之 惟 殷 紂 道 陰 矢斧鉞之賜 非 崇 西之地,以 :『此一物 殷制分天下 忍視其 地 在 矢斧 有, 心 行 至 聖 侯 足 窮耳 文 善諸 耳 曰 周 以 則 有 求 「陰行 王 鉞 所 之 豊 目之 美 恐 君 爲 有 父 異 女 足 無 非 雖 侯 茎 使

湯

氣

象

不

侔

矣。

故湯之數桀

非

恭

也

武

王

敵

百

姓

也」,尚有

鼓

舞

人

心之意

此

則

與

成

昭

示

,使

知

殘

(賊」、

夫

天命之所

當

心

或

有

間

也

一,則

不

· 得

不

盡

發

其

實

以

待

多

言

而

自

諭

耳

紂

惡

雖

共

厭

數

紂

非

傲

也

,桀惡已著,天

下

所

共欲誅

討

然

而

二王之優劣,於此亦

可見矣

里 專 爲 何 也 以 ,若非 征 左 致崇侯虎之譖 伐 右 也 則 先已得專征 王 。」 夫羑里之囚,爲 文 季 王 時 弓矢斧鉞之賜 E 受 邪 伐,威 命作伯 ? 德及於諸侯,而 諸 文王 必 侯 不 皆向 因 在 之 人 之 羑 得

處 惟 其非 」,義 順 天命 朱子論 草 理 甚 文王 天理 正 9 但 一事紂 人 欲 觀 王 王 惟盡本心 政 於商」之説 一道伯 術之所 武 王 未 以 伐 暇 分 紂

荷 即 弗 意 心 伐 而 不 無號 者 約。 期 指 取 至 觀 一,當 言諸 而 也 此 兵 史記 會者 亦是 召, 其 侯 何 則 <u></u> 多 時 **>** 皆 爲 其 則諸 》謂: 八百。 虚 方》所 取殷,民 以 事 誇 不 民 武 侯 且 之 當言於伐紂之前二年, 之塗炭 王東 謂 以天 亦 解。 以 心亦 安 臣 五年 命 觀 能 武 伐 赴 無 兵於孟 未 率 君 王 須暇之」者,疑 訴 不 可, 然 本 一悦,而 於周 非 而至 無 居二年始 可 津, 取 輕 武 哉 殷 同 諸 舉, ? 時 王 侯

而亦必非觀兵耳。

杵 自 ?」正論 無敵於天下」矣。 相 孟 殺,亦見當 子 言 武 **三至**仁 王 未 時 盡 伐 人 善 至 猶 處 不 拒 仁, 戰 雖 而 血 流 何 可 本 血 是 之 商 漂

泄 命」, 以聖· 然而 之未 明 於湯 於 既 而 之至者也;「湯武 有 矣。 未 不 邇 論 充,大而能化,斯之謂聖 ,不忘遠」,雖未詳 人必無 優 神 至 可知之神,聖斯 聖人者,仁義而 聖敬日躋」,幾於不已之純,其 武王 是以 者, 義 劣 而 成 哉 遂 故以 所 則 征 德 謂 1 遇之迹論 誅 後 則 非 蘇 神 之事 聖哉 反之」,非未 軾 居聖之上,安得 而已,豈 稱 至矣。 已矣。 謂「 ; 之爲 其「日 而併 也 武 堯舜 王 也 聖 可 執 謂 夫 非 人 新」之説 至 . 義 以 競 湯 孔 聖 性 之 化 所 之聖乎 之於天 一,爲 子「不足 之, 顧諟 之 德 以 遇 其 也 爲 之 而 實 聖 迹 聖 道 ? 而

見 乾 乾 不已之心 , 故 德 謂 之仁 人,

足 之 至 贵 非 已入聖 域 者 哉 ?

舜 ,則湯 武 信 有不 及 矣。 堯舜 至聖也

耶? 以 而 明 示 禹 以 訓 幾之。 願學之志,豈故伸此以抑 且征誅之事,聖人之所不得已,非 者,又何怪 孔子 蓋企慕焉, 乎其不 以爲 故屢 湯武 恒言 屢 然比之 之 稱 征 耶 誅 口 ?

在 若《無逸》之書,止以 及周文王四人爲迪哲 「逸」,其生 則逸者多以 殷王 ,則以 勤 中宗、高宗、 政 繼世之君 勞 神 爲 罔 祖 所 甲 或 戒

年, 克 壽 而 不 以 勤 知 政 中宗以 而 享 國 勤 五 政 + 而 九 享 年,祖 或 七 甲 以 五

舞

以

成

殪

殷之功,比於

湯之東

西

南

征

北

怨,

未免有意焉。

此孔子

所

以一

不能

,而耄先及之,後

恐恐

無

繼,

乃遂及時

鼓

也 勤 政 加 而享 享國之年 或 三十三年; 不經見,必皆不及 其 他 雖 有賢 一王者 聖

國 故 不 + 與 於 勤 則 政 周 之列。 基 之 所 文王 由 起 亦 也 以 故 勤 所 政 而

哉 ?

文王三分天

下有其二,

以

服

事

殷

足」,而謂之「未盡善」也,豈謂

紂

終

不

可

也,

使

當

民

情

日

迫

來

蘇

之望

日

亦

勤

惕

勵

有

不

待言者,

而

況

武王享國

止十

九

足

於武王者也。

然得

百

里之地

而

君之,

以

戒

嗣

王

者

此

而

己。

其

創

業

終守臣

伯

夷

耻

食

周

粟,亦

有

所

待其 伐桀, 遺 年, 但 子謂其「應 仁義之心, 已絶,因民 而 無逸》豈肯薄 武 俗、流風善 又 復興者, 王之時,人 不 武王之伐 足以 然 心 非 乎 則 之迫,而 政 富 見勤 而 天 武 誅 紂 心 猶 武 而 天 王 紂 王 未 雖 下 順 政者之必 則 而 周 盡 乎人」, 也。 則 已 以 救 不言哉? 公之 以 泯,士大夫或 怨殷,而殷之故 之於 其 故 人心 肆 所 蓋 湯 壽 水 虐 歸己,欲 武 無 相 也 火之中, 害民,天 至於湯 異 也 革命,孔 則 有 其 釋 此

君哉? 言曰:「文王之時,諸 之也,伊尹耻 夫聖人之所 之心 ,命爲二王 夫之介節 之存亡也。 〕哉? 不辜有 稱王,行天子之事,周之王 、或相什 侯、有天下 則 以 而 則當: 故 、所不 殷人 天下 考終, 論 武 征 所 紂 同者,仁義之心 其 者 ·得辭 王 後 百 改 其君不 伐者,必不 使文王在 無 不爲,豈肯 不 迹,則 哉 千 , 觀 以 或死 立 王 此 可 ? 萬 兵 祀 也 君, ,有聖人者出 伯 不 爲 而 於孟 於 殷,君臣 事 侯 湯之伐 夷 伐 武 不 堯舜,而 變 而 亂,殷人立 之時 必必 不 王之待殷 害其 以 能同者矣。 明德」、「親 以 津 求 無 不 悖亂之事導其 而 兵 而 窮, 桀 而 之道豈 伐紂。 已矣。 亦 、取之, 爲 歸 不王 自 行 也 蓋有 而 豈能 聖 至 一不義 伊 君 亦 紂 天 人也。 不不 民」之 若 若 尹 不 以 紂 是 或 F 軾 終 而 説 放 是 事 計 不 兩 以 之德 者。 於此 非 用兵 末 也。 兵 哉 之, 立 能 王 人 一,則 乎 ? 立 揖 而

倍

徒

義

殺

朝

也

兀

周

見

伐

而

全

也

베

過

人心已歸, 國,與奄、 無異 之君莫賢 ,人既習於與子 伊尹之不可 當殷 則 而 者 ,故太甲不 就 君 ? 讓 將 果 殺之,而 使紂 又不 不 議, 所 以 所 真紂 至武王 如 假兵 之時,去 事, 飛廉 能 然 不待天命之改而 遇 軾 及文 不誅 於微子, 退, 於何地邪? 言,誠 則文王將何 韋、顧、 之時異 Ě 威,不亦迂乎! 可乎?」夫聖人豈 之類,又有甚 ·順,伊 時 且恐 王 也 而 唐 加 止 而又有諸惡黨 矣,難責其 則紂之 亦 虞 耳。 其 昆吾皆倚桀爲虐者 尹 要 於 善 信 患 未遠,人 、 其勢 得 廢立 矣。 其 湯之伐 以 以 日 紂 黨尚有 、所爲。 終邪? 於桀之時矣, 一,則 滋 不 廢之,人 亦 即 待 然 也,可 死,殷 兵威不 可受 知 有 殷 有 殷 不 桀, 爲之輔 五十 與 不 夏殷之 亦 不 欲 ·易爲 命 賢 所 亦 若 不 雖 武 得 揖 用 稱 改 是 不

者之 所屬 以 哉 哉 則 武 行 欲 以定,則 他 則 以 語 安也 自 不 王 無 人 ? 廢 此 所 爲王 不不 非 忌 也。 迹 可 置 然則 諸惡黨 至聖 不 議 邪 爲 歸 已 彼蓋 雖 加 辭 亦 聖 故 1 難 立 生 文 於 湯 則 於任 有 無 如軾 不 君之權, 民 一,武 可 亦 可 德 以 紂之私 則將 欲廢 終 疑之地。 然。 重,而· 爲 有 非 者,不 以 無 位 自保計矣,此 王 有 征誅之故 使 紂, 甦息之期 子 民,其 而 將 固 威 小廉曲謹之士 「殘賊」、「獨 懼 知仁義者 民信從, 自 而 在 殷、 權 强 立 必 諸 心 辭 勢 周 待 於 惡 而 贵 邪 之奪 人 亦 武 黨 議 此 周 何 肯 也 心 其 豈 王 地 王 而 前 烏 天 之所 非 故 各 正 微 邪 用 能 不 足 聖 理 肆 徒 有 兵 在

中興令王夏 少康 商中宗高宗周

舟,俱 見 左氏 思天 無 臣 即 之賢王 羿之説 其子后杼滅殪。 悛,將歸 虞羿于田 生澆及殪 逢蒙 靡 窮 言可 豈 下 則 自 孟 不 后 典、謨、訓 前 敷? 論 惟 有 子曰:「 得 則 自田 羿 以爲 樹之詐 其 鬲 羿 其 其 靡 氏 亂 爲 因 死 事 但 澆 又安社 世 滅 亡之始 家衆殺 夏 逢蒙學射 孟 愈 不 然。」而《孟 《論語》 即 法 、誥之外逸篇 浞 民 慝 己, 미 子以 奡 者 而 謂 而 稷 也 以 ? 於 末耳。 立 而 代 取 無 之良 取 0 曰 : 是 烹之。 少 於羿, 而《 夏 也。 其 友 所 子》又載 康,少 殺羿。」 政。 國 謂 書 之一端言, 相, 羿善射, 奡 況 其後夏之遺 家 尚 家衆 盡 浞 中 在 少 其 多 康 羿之 畧 當 左 康 逢 因 臣 羿 一,而 滅澆, 者 羿 猶 不 時 中 蒙 寒 氏 盪 殺 其 序 興 室 而

也

故

發聖人之心以

明中

道

焉

書》者所次古文、今文之有無亦不足

稱太 宗、祖甲 甲 七 故 也 在 祖 王 及 稱 歆 其他 實 但 爲 六 尚 作 Z 宗 七君 賴 宗 以 遂 也 後 未可考。自武 太宗,太戊爲 孟 之 儒 享 不 據 以 子 三王 必 盤庚 之内。 附 國 經 則緣《 以 今考之: 日 而 以 長 會之言安足信 爲 見,姑不必論 一,而 他 其 也、 由 久者言 三宗 君雖賢或 書 有 然劉 孔 武丁 湯 中宗, . 聖德 湯 安國誤 丁以下 耳。 至 無逸》 未足 歆 也、太 於 也 不 武 稱 殊不 武 有 愧 乎? 僅 以 篇 雖 1 殷 丁 所 以 甲 惟 於 止 爲 有 \equiv 祖 不 止 知 盡 也、太戊 太戊、 湯 一宗, 高 祖 六 甲 載 及 然太 ^ 賢 聖之君 殷 無 宗。 爲 中宗、 君 邪 甲 聖之 止 逸 太甲 ? 之 武 甲 當 其 以 而 也 中 太 不

用 賢 使 周 能 宣 王 以 繼 仲 厲 Ш 王 甫 之後 爲 相 而 尹 能 吉甫 側 身 方 脩 叔

警,衛 籍千 其 時 闕 之君 賢 式,威 將 伯 業 也 者,恐未 道 夜 嘉 召 失而 賢諸 其 以政 心豈肯爲不 人 事 維 周 而 匪 虎爲將, 則 哉 君 畝, 懈 則。 害 謂 儀 室 人謂之睿聖。 令之善 侯 藉 ? 者 教 武 必 中 是力」,「 則 與 以 喪 也,至 以 也。 令儀 公可 不 諸 興 至 内 事一 亦 輔 師 爲 小 書有謂 焉 . 脩 春 此 義者 相 南 而 欺天 П 人 令色, 矣。 九 以 政 秋 也。 之, 國 八十 尹 既明且哲 實 改 **^** 事 時 哉 詩 古 則 過 耳。 下, 五. 其 王 料 武 意 逆 ? 則 小 》稱 外 宣 甫、 魯 者 廢 猶 民 公天 者 賊 古 \sim 而 攘 心 齋 如 王 魯 誦 一仲 太 史記 方 深 所 了以保证 揜 夷狄,復文武 翼 衛 謂 亂 贵 不 嫡, 原 資 叔、召虎 抑 於聖學, 其 武 Ш 翼。 君 非 知 其 , 》謂: 何 誣 》之詩 殺 爲 甫之德, 大 公亦 有 因 衛 IE 其 等懿 善之言 杜伯 惡之名 弗 古訓 脩 其弑 其 身。 克 苟 革之 偶 宣 脩 又 而 皆 共 白 紁 Ŧ. 有 德 以 夙 不

説理會編卷之九終 王之事而併及之。 王之事而併及之。 故因宣 中。

五者陽

之中

也,

者

陰

之

中

也

盛

於

此

則

衰

於

彼

,消於此

則

長

於

彼

卒

歸

於

者

説 理 會編卷之十

越 季 本 撰 次 正

餘,

則陰陽老少隨

所

凑合而

皆可

成數,此

即陰陽互

相

交易,

一卦可變六十四

「卦之理

道

耳

非

有

他

義

也

特

發此

明

例

以

概

其

也。

洛書

縱

横皆十五

· 正

以 明

河

圖

之

中

過

不

及

而

已矣,故五、十居中,

所

以

明

中

道

吴袁 洪 愈 訂

陰陽老少交互之體 與 盛 也 至於盛,盛 盛 八、三與七、 河 圖 而 與四 至 是從 而 於 至於 極 微 四 與 則 至著 與 \equiv 極 陰生於内 而 六 則皆爲 伏 則 之 陽生 羲 則 理 所 皆 一於内矣。 五 由 矣。 爲 陽 以 +, 生 陰 與九、 而 八卦 而 居 生 此 至

於

易

經

而

愈晦 矣。 河圖之生本只是水生木、木生火、 火

據圖、書位次異同妄生意義,辭

愈繁而

理

也,不然豈足以盡

天下之變邪?

世

儒

旧

成 但 四、六、八、十屬 火,天七成之;天三生木,地八成之;地 金、土則因位 生金,天九成之,天五生土,地十成之」者, 古註所謂「天一生水,地 生土、土生金、金又 之始, .以發明圖位一、三、五、七、九屬天,二、 與其 運行 以定數 地, 者 十爲成數,而水、火、木、 生 一、二、三、四、五 有 耳 水 一,豈謂 異哉? ,此自 六成之; 此 然之運 黄 爲 地二生 勉 五. 也。 兀

此 金者 陽,自初 生火』; 初生之陽,木者極 三,故一 一周之, 天得 説 得 極 序 奇 故 盛 二之極 就 而 生至 方而 而 H 之陰。 是 爲三。 爲 『三生木』。 水 流 爲 而 行 四, 故曰 地得 陽 盛 爲 皆 故 之陽; 四 極 是 故 造 偶 而 以 如 生水 化 而 而 生 日 此 火者 爲 初 陰, 爲 運之, 四 初 兀 無 火,故曰 生金 陰 初生之陰, 無 也 兩 極 員 兩 之 樣 水者 樣 而 極 而 生 牛 而

哉 陰 火 潤 中 生 下 陽 偶 於 水 無 河 本 水 生 圖 木,木性上達,火未 金 端 陰、 一於金, 陰 水, 陽 其 陽之象 火, 陰 可 其 數 金性 也 以 陽 數 也 爲 也, 而 下 陰 凝 猶 奇 而 之根 水水 以 離 陰 猶 陽 員 畫 其 之 未 已 體 行 之 四 書 根 離 在 爲 故 之 員 其 火 炎上。 偶 者 體 在 中。 後 水 故

非 則 也 爲 其 多 從 合也 也 以 =而 與六皆爲 偶 至 七、爲 寡耳。 奇、 古 爲三 偶 而 聰 爲 金 而 隨 蓋 而 + 偶 明 象 加 彰 而 韋 其 偶, 即 與二 合 奇 往 睿 所 可 以 三與七、二 盡 奇、 居四方之中 或或 十,此 陰 也; 從 察 智 爲 自一、二而 方 斂 因 水之一 爲九 爲 來 陽 偶多寡之積合 來 奇、 止 以 旁 合一、三 也 錯 五 可 奇 成 偶 以 燭 故 方 以以 綜 也。 加 與 數之合 之 四 盡 者 無 金 故 至 加 八皆 奇,或 至十、 重之,或 得 天 與 疆 徑 數 木 數 故 一與兩 合一 倍 下 此 者 者 四。 而 陽 之 爲十, 也。 之變, 數,則 爲 以 盡 所 而 土 則 理 百 而 其 五. 偶 五. 發 以 數 韋 若 爲五 不 數之所 千、萬 與三,其 奇 數 矣 加 奇 五 几 亦 能 遂 此 而 求 與 陰土 爲五 偶 加 僅 、爲 以 爲 故 也 其 偶 數 起 數 亦 則 四 數 可 四 兩 或 本

測於目前而已。

以 是。 羲 以 傳 起 聖 亦 兼 義 爲 故 未 人 道之不明也 取 河 加 分 也 置 免 置 置 河 爲二人哉? 依 授 洛 書 出 惟 人義 違 書 圖 劉牧 而 ,洛書錫 其 皆 党 蔡 洛 間 出 引《大傳》爲 西 出 非賢者 於 而 Ш 書, 伏 自 禹 亦 不 羲 聖人則之。」豈 蓋 孔 謂 之過 敢 之 安國 斷 舊 皆 世 證 哉 説 以 於 以 以以 故 可 圖 劉 來, 疑 説 位 伏 大 爲 但 口

洛 何 者 九 必强 書之義全不 類 ,猶言天啓其 如《 書》序《洪 指 中 所錫者爲洛 庸》 相 衷 範 列 關 ,使 \approx 九 九 經之目 語書哉 知 其 疇 此 日 爲 一天乃 但言大法 自宜 治之大 錫 有 禹 法 序 有 耳 與 此

中 陰 奇 在 之 陰分陽 陽 畫 伏 羲 中 爲 畫 一,偶 陽合 而 桂 爲二 之 只 陰 畫 也 畫 而 爲 爲 奇 畫 外空 也 皆象 偶, 0 洞 心體 義 者 無 已 陽 形 盡 之 在 矣。 處 陰

> 之物。 陽 其 則 則 皆 不 變 則 通 無 陽 爲 窮 也 神 者 妙 妙 物 形 皆 故 之神 萬物」者,形而 心 陽 而 體 無 下之器也 之自 口 以 盡 氣水 然 之 也。 理 陰 上 陽,則 之道也; 陰 心 陽 爲 體 交 求 不 易 物 通 陰

陰 陽 中 也 萬 相 中 盪 畫之爲 則 則 爲陰所含,分而 偶 偏 陽畫之爲 奇者陽之所 爲 物 理 者陰 虚 勝 陽所 不 不 實 則 , 之所以 見 見 相 爲 統 其 其 涵 器 • 合 理 爲 爲 矣。 以 之散 萬物 爲 此 有統者也 無 有 爲 而 二也,當陰之 陰 未分者 一也,當陽之時 而 而 爲 之 陽 其 其 萬 合 得),故其 體 體 物 中 爲 也 者 則 則 所 實。 虚 也。 故 時 畫 理 以 其 爲 陽 者 爲 散 合於 有 畫 陰 在 也 無 於 陰 道 在

德 乾 也 純 自 奇 陰 純 不 偶 陽 敢 交 不 互 撓 爲 陽 而 陰 爲 撓 則 八 順 則 卦 德 健 也,故 是 德 狀 也 人 謂之坤 故 心 謂 之

離 暢 坎。 謂之 往 作《易》者發 本之乾、坤,自兹以往,變化 所 意 陽 收 發 而 美,赫 爲 泥 掩 斂 陰 生 焉,故謂之兑。 再 陽 艮。 惕 人,而 伏 於 離,德之華麗 坎,德之險陷者 陽未消 生 之 之 起 四卦 前 象數 意 於重 意 於 然宣 然 艮,德之止 焉 焉 重 不 人之所 小亦不. 之 明 ,體常貞 陽之下,主於 故 陰之下 陰未盡 一著, 安,有 故 末 此 謂 理,殆 兑,德之説 謂之震 出 有開明 者 則 以 之異。 , 乎 情相 危懼 明,有定静 認 也。 也。 也 主 爲 此 無 氣 於 天, 之意 丽 之意 此 陽在 退者 爲 餘 陰 進 係 巽,德之人也 震, 己。 合 一 在 皆 藴 無 理者多矣,豈 者 也 戀,有和說之 焉,故 焉,故謂 陽 陰 也 德 剛 之意 窮,重之而 也 之道也 而説者 此天之所 中 中,爲 之動 柔交錯 ,有委曲 陰再斂 有 爲 焉 也 往 之 陽 陰 故 之 寤

> 體 德 皆以德矣。 順 順 爲 ,後世筮師之一斷 以 而 重 動」, 麗 掛 也 乎 所 大明」之類, 履 重 如 彖 則 蒙 在 曰 傳》罕有 桂 則 説 例 德 日 耳。 而 可 因 險 應 見 言 加 而 乎 聖人 互 重之, 乾 止, 體 畫針 者, 晉 豫 亦 言 之意 則 則 以 掛 耳. 曰

所謂變· 乾得 往 賢」,是乾之上爻上居 乾之中爻來居 初爻來居坤 類皆以 坤上爻爲 長男,得乾中爻爲中男,得乾上爻爲少男。 而 往發之。 E 來」,在 行 坤初爻爲長 卦變皆以乾、坤 也 剛 」,是坤 少女。 外卦 陰則惟 下 往 如隨 也。 坤中也。 之中 來爲義,甚易簡 曰「上」,《 之「剛來 乾與 女,得坤 言其得 訟之「剛 交 爲主,坤得 坤 上 坤交,坤 上也。 大畜之「剛 居 而下柔」,是乾之 彖 中之爻,他 中爻爲 乾 來 傳 中也。 也 而 晉之「柔 》於陽 與乾交,乃 乾 得 中女,得 Ŀ 初 中」,是 在 爻少 内 凡 而 爻 爻 掛 此 進 尚

知《易》哉?

於此。 率 爲四,四分爲八,八分爲十六,十六分 内、外卦「因重」之義蓋自古有之、特自 王 禹者也,已有「筮二」、「貞」、「悔」之説 爲妙也。 是 之情,後天流 悔 明 發之耳。 爲 本 此 於此 四千 乾、 義。 以此類推 先天卦中已 九 0 坤、、 + 邵 觀《洪範》「稽疑」之疇,天所 又 行之用,文王序《易》 屯、蒙、 以 六 康節以爲「一分爲二,二分 卦。 本 ,其變無窮,此陰陽交 卦 需、訟、 具此變,聖人作《易》 本 六 卦 爲 爻重以之卦六爻, 師、比 「貞」,之卦 之序 之所 爲 文 互 錫 則 本

之,日

某

卦

自

某

掛

而來,有自

一卦變者,有

耳,於義

何係乎?

若以《卦變

圖

》論之,

則

卦變者,有

自三卦

變者,

祇

見

人其支

離

傳》所

言

如

此

類

者

凡

+

九卦,皆以

卦變言

乾、坤

體

而

互

言

其變,非

謂

其

可

以自

베

文剛

分

剛

H

而

文

柔」之

類

則

亦

大

及

者

以

得

中爲

善

也。

至

於

柔

來下、自

下

分

上

而

更

和

换也。

朱子以《彖

卦爲「悔」,乾、坎、艮、震、巽、離、坤、兑之卦三爻,是爲六十四卦。内卦爲「貞」,外天」。「因而重之」,是内三爻之卦重以外天」。「八卦成列」,是陰陽之定體,謂之「先

爲六

+

四,

皆乾

坤

之變」。

可

謂

明

且

盡

何朱子猶不之取而從他卦以

變邪

不同,程伊

ĴΙΙ

已辯

於《

賁傳》,曰

卦之變,

乾

坤

」,「乾坤

變而

爲六子,八卦重

而

卦言變邪?

此説

相

沿

已久。

其

變卦

亦

或

卦可自六十三卦變來,聖人

何

獨於十九

本 合,然 自 卦 十二,三十二分爲六十四」,雖 先天」之名 以 陰陽 而 則 相 非「 兩 言 盪 對 掛 也 因 已盡 也 待 相 以以 加 而 爲 重之」之意 本體爲「先天」, 禮用。 天 所謂「先天」者,自 成 下 列 ',然其 之變矣。 而 義 備 剛 也 矣。 其數 柔 初 則 因 本 伏羲 亦 相 未 天 未 理 而 嘗 摩 重

啚 所 用 而 一、方圖 之分配 畫 爲 泥 也 後 於象,斯 ,後人因文王之意 亦後 天 於天 地 可焉 所作,蓋緣 也。 後 天 學《易》者默 八 卦 而 「因重」之義,而 之 推 置 明 之 亦 識其意, 耳 非 文 員 王

也, 義 中所 爻多是發明德之始終、 聖人作《易》本旨惟以 言其 也,外體言德之功用 言者,如舜之側 深言者,如 前 [二]言其 無 位 言其擔當 中 有之理, 六爻之義 乾龍 分爲 爲 掛 合而 也。 潛、見、躍、 交 内 顔淵之於 凡 、外二體。 長 言 分而言之, 也,「五」言其 言 微 養 之, 至 相 也,「 也 於爲帝 孔 飛 其 應」者, 論德爲 亦 子; 之 實 本末一以貫之之 三言其 故 内體言德之本 體 率 義 用 也 有 有 , 充盛 重,故 初」言其 德 皆謂 自 有 顯 取 而 微之變 自 時 此 於 也,「 磨 己。 剛 誠《易 之用 學 每 此 礱 柔 幾 赴 之 也 微 原 舍 淺

故 體達 也; 當,「 知此而 求 爲 也; 非 養成 本 也。 用 相 德 五」也常以君位言之,以 求 諸 己 體 應、蓋 又 分爲 也。 誠」不 非 於德 日 「六」之無爲,「幾」之泯 己者。 用,從微至著,不過成就此「幾」,復其 「三」之磨礱,「 由 ,凡業之未成,皆德之未至也, 而 幾」之决 也。 必 已,故曰「卒成之終」,言 是 擬 德之本在 兩 其 外體. 之象焉 養成 而 初 能 (終易 而業則因 進 上焉: 兩 也,「誠」則 應 也; 德 中正之德,即 則 事也。 知 即 發 四、 則爲「 「幾」,故 「五」之充盛,「幾」之 「二」之長養、「幾」之 幾」之厲也; 所 用 德 者 以 君 至於 而 知幾」。 脩業,故君 大 子 無 成,無賢、愚 明 日「其 聲無 應「六」, 而 進 中 内 於無 君德之所 爲 德 體 正 君 無 脩業 臭之實 之 初 中 迹 「知幾」 四之 德 他 也 難 無 正 德 子 而 成 惟 不 知 之 故 則 以 以 反 成 擔 以 自 順 體 者 發 所 本 於

之以 學者 之守博約 執 聖學之最切要者也。 用 收斂於隱微之中 德 用 故 也。 賤 爲文著 之於著也 身退之時 見其工夫,而「三」則「動心忍性」之時也 大 之盛 其 而 一之用 則 説 舜 言可 第德 隱 以 於發 致 勿用」。 之在 以 而 隱 下三爻當 則 之未 爲 非 也,故常以上三爻當之。 也, 必如大舜之受命,然後爲「飛龍 也 須自 越處見其實效,而「上」 必 而 此 典 側 「爲己」、「謹獨」之學矣,故 自大 如孔 未 要。 正《中庸》「衣錦 微 聖人之言,上下皆 成 見 如 其充實 ~,時 確乎不 之。 者 若曰「時舍」 行 此 德 子之過 之未 於此 言 淺 則自聖 亦謂 德之已成 者 可 而未可 可拔耳。 用 所 也 而 化, 此處工 人言 發 即 則 自 尚綱」之義 然 見, 表 而 於 而 窮 後 見焉, ,時之已 可 通,不可 未 若夫功 則 夫 斂 居言 非 所 如 爲「見 也 可 Œ 功 藏 謂 顔 可 戒 淵 求 當 處 成 則 龍 自 口

> 邪 恐 之用 臣 베 睽》九二之「遇主於巷」、《蹇》六二之「 不 易》中爻位 ? 「無臭 蹇 假 以 事王侯」、《賁》六五之「賁於 所 位 蹇」,類亦多矣,豈真以 良以卦爻體用、顯微之變各有 謂 此 以明之耳 之實體,而 以 勿用」者言於顯 多假 發明 o 象以 六位,意 失「潛龍」之本旨 明 義,如《 亦 明之地 其位在此 未嘗 蠱》上九 不 丘園 矣 則 所宜 圓 而發 非 但 且 無

也。 也。 爻。 故 初 初爻柔 剛 「初」者事之幾也,强 爻 柔 岡 者,立本 則 則 弱 强, 凡安 者 凡 也, 任 常者 重者 剛 弱 柔 之本 本於此 初 初 皆 皆 全 矣。 柔 剛 在 爻 交 初

主變化者也。 凶之位,故於此特以「惕」言,即《中庸》「 之六爻皆「兢 《易》是伏羲、文王、周公、孔子講 乾,健也,心之德 惕」之義也。 以 龍 象乾, 以 也 三以 乾象心 ,心之德健 易動 也 明 乾 心 而

四

0

物欲 行,達 故 不及於乾之爲主 則 慎 不假脩爲」爲説,乃是 今之論學者,多以「本體 故故 後得主」。 道之行自 恐懼」 在 曰「先迷」。 我 可 夫 以主 然 也 處 無 不免 一變化。 滯 以 神道 學者 是 乾主之而 自 高 苟 坤道之 然, 大本 人 以 能 空 此 信 惕 坤 虚 爲 其 達 然 而 中流 先 順 流 順 不 行, 也 息 而

此意。 其統 陽者 不 陽之能主 生」是「發」之自 撓陽 資 「始」字、「生」字 也 乎陰也。 剛柔 始,以 故 惟 陰 之理 中 者 其 言 「始」 能 也。 順 語 盡 承天 主 於 健」、「 坤元」 然 是 陰 坤隤然無爲,陰之不 乾、 可 處, 故 幾」之初 以 坤 順」者 則 而 至於語 日 見 0 言 曰 統 乾 乾 〜資 順 大 坤 起 確 天」,惟 乾 乎陽 處,而 然 抵 生, ·之情 元 不 皆 也 屈 狀 其 則

故 遷 故 蓋 曲 以 則心 知也 立 事理者 也。 則 心」、「致知」云耳。 義 存 一是其 ,是其 處 以成德言也 云「直 得 不 云「方外」。 以 便 以 心也。 便 宜 即 聞 不 「敬」、「義」本合内外之道,猶 凡言 可 方外」之説。 在 偏 是 而 達 (方也。 之功,收 直 内 然能 此 本 内, 豈有二哉? 爲 而 天德」,是 也。 敬 在 義 體之德。 爲 義」 知者 獨 正 此《 方者 直者用之 義 德 E 0 知 斂 即 義 易 即 成 程 處 不 此 蓋 體 敬」行 則 以工夫言「敬」、「 是 子 則 ·睹、不 求 則本體中 之 心, 「敬」即 皆本 之 敬 因 此 日 遂 致 所 恒 順, 其 反 「敬、 心於 其 於感 存 「敬」、「義」至於 其 謂 前 於 聞中之能分别 定 戒慎 而 乎 本 精 一敬」、 理,無 於内, 正不 知 義 其 其 性 静虚之中, 敬 應之際, 故 制 無 上 夾 主 不 以 疑,其 曰「存 知謹 曰 在 在 睹、 持, 直 故 所 内 内 戀 恐 則 致 日 П

直、自 以 外, 自方。 也 事 健 所 强矣。 加 矣。 義 則 方外」爲 加 安可 禮制心」者亦 方者本爲 非 則當一 朱子謂 爲 若欲以 矣。」 故「敬」、「義」不正、 順 外健以言「敬」、「義 云以 ,故以言於坤之六二 此 皆 敬 坤 敬 不 非 敬 要去直 發 知 不得 直 立 也。 則《 「敬」、「義」之立 内, 而内自直 爲 書》 若以「以敬直内, 以 内, 聖學,而 義 所 以 一哉 助處 方 謂 義 義 外 要 以 即 乾 若 形 去 義 道 而 自 而 主 制 無 方 平 順 自 外

戰。 陰 蔽 玄黄。」六陰 地 復覺,以 在 甚 地 陰。 主於 其 易・坤》之上六 血 而 爲受侮於陰,將 戰 當 玄黄」。 天 者 今陰 陰 晦 理未 陽 陽 極 陽 有 也 泯 而 血 故 定 相 陽 曰: 也 屬 位 雜 以 未 乎 一之時 自 猶 龍 嘗 「龍戰于 陰者 陽 亡,猶 振 言 在 理 焉, 陰中, 陽爲 欲 也 而 未 故與 所 而 明 天 其 戰 惺 混 也 之 之 平 血

> 也 龍 説 陽 相 明 蓋陽 ,不可不辯 最 敵爲「疑」, 而 經 親 疑陰之侮己也。 文言》「陽疑 義 亦 第 則主乎戰 遂 「疑 失之。 字當作 於陰,必戰」一 者陰 此 先儒誤 陽 陰 矣, 剛 爲 爲 不 以 陽 主 可 陰 條 所 之 以 與 陽

陽 惟在 字 有 難 如 也 同 亦 氣 自 樂 此 盡 主 不 然」之「然」,字義從火,如 須認有 而 然」非初學所 開 於 焉 爲 **^** 非 則乾之 我自好之,無 健」。 易》之言 有爲 則 主 簡 無 下落 能 而 外 「自然」則 而 所爲,而 爲 矣 毫物欲之蔽 物 無 指 天 陰 無 所苦 可 惟 所 惟 待於 好 有 語 乾 撓 以 間 懿 日 順 也 剛 之者 所 外,所謂「自然」也。 德 「坤道」, 則勞煩多事,苦 健 也 之 者 ,全是健 謂「易知」也 -, 一,坤道 天道 體 雖 火之然不 而 不 常 言,即「人心 以一 不已, 事之所 何 知常 也。 也 自 ? 此 可 然 夫 遏 其

險 常 而 阻 坤 也 能 知 之德 皆 者 者 即 也 謂 兢惕 止 熟之 能 順 日 而 息 之「知」,則是 行 其 陰之 在 則 時 自 不 而 所 坤 健 危之意,乾道之爲 前之意,坤 日 知 知 善皆陽 之 謂 易 之易, 阻 至 之 亦 也 以 達 不 爲之也 知險 知 陰 無 順 外乎 道之退 險 退 所 9 者 事 乾 聽 故 古 而 道 簡 主者 而 健 繋辭 聽者然 以 矣。 此乾 成 以 簡 陽 知阻 然 主 》 論 能矣。 之能 道 宰 也 也 之 乾 9

差矣。 驗。 夫。 主之 坤得 乾懼 以 陽之爲 陰之易 工 夫, 蔽 主 而 也 也, 驗之以 故 故 常 常 和 以 以 順 去 順 惡 善 學 爲 則 爲 不 效

知 過 至之,任彼 主宰 力所 事 所 我 不 而 不 行 能 己, 之, 行 必 爲 之, 益 何 而 無 而 難 强 無 假 過 之有 爲 所攙 於 益 之, 人,無待 之, ? 越, 謂之 謂 故 無 之 難 乾 所 於 外 加 自 我

> 能 不 過 繁難者牽 順 信 뻬 於 欲 何 煩 之 簡 有 則 ? 於理 故 坤 矣 日 簡

無假 亦 遇 豈不難哉? 以去之, 之幾爲 易乎? 也。 必 於 言「先 易簡」之 人 其 如 日 也。 不 阻 所 戰」, 難」者,蓋 遏 亦簡 然乾 謂 理本 私 則 欲 日 乎 龍 剛 生 「大師 ? 退 無 戰 長 爲主,亦 本 聽, 難 于野」,「大師 爲難 心 事 無事 克」,是以 蔽 然《論語》「爲 故 於物 其 可 所 必 事 欲,天 能爲 奮 力勝 克 乾 理 而 相 別川

者尚 周子 行 有 不 是 定 可 而 所 質 言 《易》曰: 以 其象。」 也 處, 謂 象也者,器之所 一,則不 則日 器 周子 象即器,器 名。 [「象」; 「象事 動 可 所謂 以 器 静,互 「象」名。 自象之凝滯 也 知器。」又曰 者,象之所 即 通 分陰分陽 爲 ",陽之 象 其根 也 故曰:「見乃 無 而 . 自 是 著,陰之 停 言 兩 器 以 也, 機 之 制 則 處 流 器 川

土 别 所 謂 土 在 成之 石 之象 也; ,亦只在形而 定不易 地 石之類 成 雖 象滯於器,形 形 象 形 在 _0 爲 也 而 地 乃 非 言 形 謂 以其 謂 也 以 上、下之間 則 之器 象 日 亦 迭 月 日 知器 地 丽 運 星 月 又 所成之器 下 不 星 辰 日 耳 也 以 常而言, 之 辰 0 . 器 0 類 雖 尚 故 爲 在 在 也。 象、器之 象, 象 天 則 成 形 亦 火 而 火 其

重 吝皆人心自 也,察之於「幾」,故 ,故曰「占事知 易》之爲 知之明,「幾」之先見者也 教,其要在 來」。 曰「知來」。 占者所 占 以 而 古、凶 考己 以 知]得失 來 悔 爲

則 几 其 德 則 悔 悔 本 、作《易》,開之以吉、凶、悔、吝,使人自 也 良心在 区 以 |凶 心 者 爲 而 一者心 ιĽ, 善則吉,吉者 人,無有死時,此天命之本體 已矣。 有 之不 所悟 吉、凶、悔、吝者,心之 安 而 處 必 欲 心之 也 改 安處 也 自 [X] 也。 自 而 吉 趨 爲

> 皆天 教 復 而 向 吉 蹈 X 敷 命 則吝 凶 禍 自 與 幾 吝者 動 民 邪 而 ? 同 不待 患如此,此 心 古之聰 有 於外 所 羞 明 求者 所 睿 而 不 以 智 此 欲 爲 神 心 爲 「神道 武 也 不 一覺豈 此

聖 傳,所 傳 伏 所 文王、周公作《易》之序言之,則《象傳》者 几 釋伏羲卦體之義者也; 今之「小象」即是爻 之義者 子之傳,則今之《彖傳》,所 義 者也 義 以 又次之。 人之《易》不同,蓋以 聖 卦之大旨也,當在前,而《彖傳》次之,爻 畫 只 明文王之學,文王 聖人作《易》只 以 也,今之「大象」即是《象傳》,所以 是 卦,理俱具足; 釋周公爻辭之義者也。 周公爻辭,盡 發 故孔子所以 明 理耳。 是 發明 文王彖傳,發一 六位 所 | 説 明周 而 以 剛 先儒 以釋 一之情 卦》、《序 明 公之學,周公 柔 伏 變化 文王 者 乃 羲之學, 以伏羲 以 也 之理 卦之 卦 彖 爲四 資辛 孔

雜 推 皆 雜 焉 非 ,不能辨其 聖人之言, 真妄故 而《繋辭 也 **>** 中 亦 有 附

遠 之説 亦 諸物」 往 傳》 耳。 湊,大失聖人宗旨矣。 地 象皆狀德之剛柔,蓋 是 朝觀 泥 可 、以言道也、《易》何 如 得 聖人 知 故其 鳥 包 而 於象。 此 德 也 뾆 畫 犧 畫 則 之文與 氏 言 八卦,此是春秋 以 天 桂 知 仰 7 地 7,全在 此 程子「見 天 則觀象於天 推 萬物者氣也 地 三卦 地之宜,近 測 萬 不待觀於天 心 上 由 物在 兔 後 制 理 而 器 儒 可 亦 見得此 明 以 尚 其 以 相 可 俯俯 哉 取諸身,遠 ,德所成 後學《易》者 象」多 中 畫 沿 通 則觀 地 卦」之 理, · 矣。 此 然 萬 之説,往 是 終 之 法 故 物 説 意 形 是 取 於 其

是 與 順 以和 動 爲義 《大傳》以 文本旨不合。 豫」之「豫」爲「豫備」之「豫」也。 乃 取 十三

十 於 其尤 重 言 門 不 制 擊 通 器 柝 者 尚 以 象之義, 待 如豫 暴 本 客 以

> 此 而 等 之《易》不同 附 處 乃 於 鄒 此 魯 耳 哉 後 以 儒 此 各 亂 以 經 己 意 安 得 説 不 易》 謂 之言

之渾 此 矣。 焉,有人道 用 德 陰與陽,立地之道 章有似複 柔 其 然耳。 剛 至其下,又合而 陰陽者, 實一也 盖蓋 焉」一章之義,而語 《説卦》豈聖人所作 解《 所 剛柔 以 繫辭》「有天 《説卦》乃言「立 自 日 之象; 救 柔 言之日 支離之説 與 剛」 剛 「分陰分陽, 道焉, 柔 意不 則分而 哉 者 天 也。 9 有 之 若 陰 地 前 道 陽 道 迭 之

陰; 定 易 宜 吉 於大 大,陽。 各隨 凶 大小、險易之所之,朱子以 ,但在 則 所 小 向一。 卦宜 險 隨 而 於小 其位 此太 大 易。 而 拘 則大險而 以 卦爻之辭 矣。 求之耳 爲 竊 小易; 以 小 此 險 而

、兑,以至於乾,數已生之卦也。自子於《易》往來、順逆之數曰:「起震

而

歷

離

未 也; 也。 坤 乾 坤 四 至 員 三、四、五、六、七、八之次,此 易》之生卦 來 一於坤, 、四生八之法而 爲 卦之象,故 八之次也。 置 而 一、兑二、離 而 以是 由 次,故皆逆數也。」此説 歷 逆,先見 逆數 前 坎 此陰陽老少消長自 陽之生以 知 解《易》亦甚 艮 也,此 爲逆、《易》 則 自乾 也。 三、震 以 以 説《易》者以一 乾、兑、離、震 至 横 説 爲 舊説 至於乾,由 於 四、巽五 是已。 數 方圖,成 一膚淺 坤, 主於「前 至 己 坤, 推 往 矣。 本於康節 然之理,本無 未 而 、坎六、艮七、 兩儀、 數 遂 生二、二生 、巽、坎、艮、 一陰之生 利 竊 生 民 亦 有 見爲 之 謂 用」,故 無 四象、 掛 順 意 順 9 也 利 以 夫

至 於爲 性 馬、 桂 木, 取 爲 與 坎 象 牛、 桂 爲 如 德 水 爲 離 乾 相 雉 爲天, 合, 、爲羊、爲首、爲口、 爲火,艮 非 坤 無 爲 意 爲 義 地 Ш 者 也

或以 足 其 長 則 深信 他 女 近 耳 形體 於 物 煩 類 也 中 目 瑣 與 ,或以名分,亦各 女、爲 矣。 荷 爲 九家之説 睘 少女之 説卦 爲 輿、 傳》非聖人之言,不 亦多 類 爲 列則 有 有 所 或 不 取 以 長 相似者 義。 性 子、

但

於效 爲 舜 用 之,豈在 圮 窮,不以事 善者,此聖 子治 之智 族 弗成,則堯於此 堯使 也 病,荷 不 止 於智識之多哉 但 鯀 徧 也 人不 有 謂 治 物 難 未 水, 聖 者 輕 有 以 爲 時 如 絶 效 敬心行 非不 而 純 亦 此 人之心 必 自 亦 未知治水之法。 欲 怠 知其命 然 不 之, , 譬 别 而 也。 已,只於 求 憂 如 無 良醫, 方難 民 父 不 至 母母 之 九 可 此 不 求 載 期 於 無 堯 績

理 會 編

四

六

欲哉 異 治爲 及謂 之前 必多矣, 也。 厠 汝 愛之,不覺 至三年之久而 於 終 未 尊官一時。 一之中 ? 佛氏慈悲之宗也 急, 陟 舜 舉 汝 而 時 帝 言 自是 有 終 與 流 , 共工 位, 求賢之心 一發於 天下 此聖人之仁,所以 放之刑豈 陟 共 詢 陰 帝 事 兜 始稱 言耳。 人才只如 行讒 而 、讙兜皆在 考言 位 因 並 不 一、蓋堯 此 無 用,未嘗 其言之有 與 敷 ? 見聖 得 謗, 己, 乃言 也 此見聖人以 已哉? 欲害天下之治 ,然豈共、 得 知 此,堯亦未 朝 底 包 有 舜 舜 爲 ,亦俱用之己 成 含 可 所 而 爲賢,心 寓 集 之量 功。 績 授 分别也。 大斷 兜之 得 · -義 之事 三年 之棄 賢 載 誠 所 於 者 啚 而

恭 薦之若采,蓋 滔 政 四四 天」, 嘗 罪 深 而 包藏 天 同惡相濟者 絶 下 多 也。 咸服」,「 少 誣 共工「 上妨 也。 四 賢之事 静 罪 但讙 亦 庸 兜 是 寬

> 己 鯀 故 感 謂 與同 放之。 其 氏 放 《大學》所謂 流 位 古 而 命 謂 者 刑 不 非 見,不近人 「方命圮族」,治水無 「殺」當 格其心。三苗既 不 之。 尚 分北三苗」是也。 爲 行 服 望 在 鯀 中國」,正 鯀 所敢 「流」 也 難 其 放 殛 悻戾自 「讀爲 改過,何嘗 以 方耳。 是長 以 之下 「唯仁人放流之,迸諸 謂 情,此 力 其性 此 「所界反」,非 征 羈 殛」, 用,不從上令」,則 類 流 則 置 其罪 急,直 蓋「方命」者,其號 耳 其 革, 使 急也 别 深絶 但 所 此 不 功,意其 然流 稍 所 分 而 該 以 返 ,猶今之謫 欲 輕 殺 人乎? 又豊 多 無 使 也 稍 殺戮 者 其 少 成 故 不 抑 不 一忍殺 爲 委 功 於 於 得 之義 之, 加 三苗 四 而 恐 人偏 曲 也 讙 共 肆 夷,不 死 故 ***** 堯 哉 方 T. 也 刑, 使 方 能 所 ? 負 執 則 則

恭」,原作「共」,據《尚書・

堯典》改

尚 典 無此

得 觀之,聖人心本 古 耐 已焉。 將 性 復 而 也 死 用之矣, 耳 亦 非 使 死 好 亦 鯀 罪 生者 豈 尚 云 深 在 0 也 絶 而 鯀 棄 用 者 舊 殛 刑 哉 從 死 蓋 新 其 者 所 由 則 是 舜 不 大

聖人特立 之 後 而 干 世 事 遂 以 所 整 也 盾 舜 羽之 以 衆 也; 樂盡 此 麾, 故 脩 舞 舞 即 文 皆以 以 始 善,遂因之以 羽一, 軍 此 脩 於 中 但 德 此習兵,使養 有 翳 之器 練 ,則近乎迂矣。 虞 也。 兵 蓋 備 而 爲 伯 敵 于 教 禹 舞 不 之 征 所 性 事 爾 苗 養 以 戰 不 德 也。 扞, 若 争 服

栝、松之類 松、怪石,揚 世 類 間 又 去古已遠,其 遠 亦 禹 雜 而 貢》 有 難 衰世之言歟 亦 怪 州 致 有 石 貢 日 似 木、 無 可 異 非 疑 所 古 橘 唐 用 處 不 虞 柚 可 時 錫 水道、 知 錫 所 貢 當 貢 非 但 田 貢 所 荆 青 者 宜 壤 州 州 贵 木 貢 貢 後

> 始居 邪 邦 也 避 可 미 悉 ? 水 輕 亳」, 詳 患 舉者 此 此説 逸 盤 。皆取 謂 其 書 庚 自 比 處, 不 序 或 湯 中 盤 經,不足信 以 於 然皆 以 稱 庚 親 利 後 自 遷 先 諸 先 民 先 王 又數 侯, 契 耳 王 王 也 至 時 或以 不 也 矣,何 於 常 五. 不 湯 邦 控 遷 . 得 厥 之 凡 夷 邑, 或 己 其 遷 八遷, 狄, 重 遷 而 于 之 爲 今 或 今 之 湯 不 非 Ŧi.

説 克。 剛 也,故 以 民用 剛 師」之 此已盡「三德」之義,下文「惟 得中矣。 克、 平康」 不柔 非人君薄 僭 洪 日 下 範 心 「柔克」之義。 克」而「高明」之,則 剛克」。 明「正直」之德, , **>** 「爕友」者,柔之勝 四十七字,當屬 中 而 亦 篡 於自奉之道 有 岡 錯簡。 於此耳。 克」而 「弗友」者, 而 蓋 「沉潛」之, 下 蓋 也,故曰 玉 柔 辟 政 四四 分田 食」 得 德」 作 剛 句 條 中 福 制 如 之 皆 矣。 舊 柔 勝 章 順 足 至

四八

此 故 以 向 謂 矣。 高 見 重 明 之「玉」。 民 楊 食之意, 文 八 字, 恪公嘗 「皇極」條 似 所 當 有定 以 在「 爲 民 其 本, 下 有「 也。 作 蓋 汝 無虐榮獨 以 亦 用 食 有 咎 爲 疑 下。 重 於 而

旨 間 尚 政 不 得遽至? 氏 於 世 也 辭 取比 於 胡 儒 不 ,不然則黎 以 口 意 容 商 戡 相 退 五 但 殊 西 歸 髮 峯、吕 伯 干之殺 仍 黎 以其書篡 不 則 ,遂以 邪 戡 之師 相 以 是 而 黎,《 似 戡 在 成 兵 事 乎? 在 先 畿 爲 黎 公、陳 非 史記》以 伐紂 金 往 既 内,近紂 文王事 緊 然仁 商 觀 歸 急,祖 少 書 之時,此言 Щ 而 南、 政 耳。 後 Ш 0 以 爲 將 都之地,周 伊 以 伐 薛 微子》之前, 爲 文王 何 迫 季龍。 此 紂 武 爲 爲 切之言 Ш 也 者? 王 事, 似 之言 武 事, 兵 此 尤 而 觀 觀 將 安 得 吴 本 故 是 而 其

《金縢》一篇,王文端公辯其非古書

原

脱,

據

文義

不當以 於 字,會當屬 錯 公之事豈不益明 敢誚公二十字,當屬 而 逆」當依 年」當依 之弗辟」 初 周公乃告二公」至「罪 孺 簡 成王迎之。 亦 子也。 耳 疑 管 其 孔註 當依 越 叔 於「未敢消 稍 爲 絶 如 序正 及 僞, 以爲 孔 書》以 此 群 而「于後,公乃爲詩」至「未 註 哉 今反 則文從 弟流 之, 東 以 爲 爲 於「歲 理 覆 公」之下。 言 征」。 周 自 「致辟」。 觀 而 爲 人 公巡 可 之, 義 疑 則 斯 「朕 通 亦 周 亦 邊 大熟」之下 得 可 也 其大 公 小子 天 「居 以 二十九 解 有異 其 蓋 暴 意 其 東 間 風 周 則 新 心 我 有

能 一子仁 事 武 鬼神 王 不若旦 遘 若 厲 1考,能 謂 多材 知 虐 變化 疾, 多 材 周 之道 藝 多 公 有益 不 藝, 求 能 以 能 事 身 於死 事 鬼 代, 鬼 神。 也。 ൬

既死 或 任 道 職 鬼之責,而 子 此 命」,謂俟武王之生也若己之死,否則 不 爾之許我 不可以 孫、佑 而況 多藝, 家者所以 而已,非謂 事鬼之責, 説 使之 能 也。 事 則周家之業必 即 非以 脩 四 武 鬼 周 令死 身 方者乃在 王 神 禮 生則 誇己 己若不死則 公當治人矣。 以 而 有 謂許己之代 神也 也 盡 謂 武王當治 丕子之責 治 ,蓋欲救 人道 不 人,死 故武王 其身,正當使之盡 知變化之道 墜,無用璧與珪 屏壁與珪」,言武 耳。 屏璧與 死 人矣。 於天,所 則 其 周公代 死 周公自 事 也。 (兄,不 則 鬼, 八珪也。 武 珪 歸 賴 則 得 王 各 雖 壁,有 周 亦 俟 有 任 以 不 死 也 所 公 定 爲 聽 爾 王 事 無 名

之ト乎? 參考」也,立三人特以 則 近 於「再三瀆」矣。 「卜三龜」,非以 事 而 亦非 考占 變其 龜 並 耳 謂 情 「立三人以 何 節 預 世 龜 於 如 並 龜 相

> 乎? 通,果 書之物耳 後 之辭書 也。 匱,乃周家藏卜 1 東,纏水西」,又「ト 龜」矣。 卜皆如 用 周 公 何 如《洛誥》「卜 蓋 如 一于册, 不 非 此 藥 · 得 此。」啓者,啓 「啓籥見書」,蔡氏謂:「金縢 啓金騰之籥,亦 則 則 代 既 召公ト 得 死 1 筮書之物,每卜則以告 不 , 則 河 纏 又 死 納 朔黎水」,又「卜澗 洛 1 水 其 册 武 此 亦帶 東」之類,即 情節 於 王 籥 别 一之疾 貴 有 金 也。 或有此 而 縢 藏 藏之, 不 此 書 1 死 説 筮 而 之 占 往 前 神 水 又

也 中之化,自 君 君、滅國者五 人信之,而 命,事皆委於周公。 ,則宫中之人亦 臣 之間 周公之攝 相信久矣,不 在 太任 + 朝之臣 政 ,皆周公之功 、太姒、邑姜 自 必 武 誅紂、 信 如召公、太公、散 王 之矣。 惟武 時 伐 始,蓋 相 王信之, 也。 奄, 不惟 繼,皆一德 三年 武 其兄弟、 宫 王 討 中之 宜 而 末 官 其

Ŧī.

遂欲 子則 之論 蔡 有 子 自 亦 之 他 私 望 下 非 時 天 百 不 志哉 耳。 有 流 興 故 者 與 下 武 執 殷,此 其 知 能 也 子,一聽之自 與 王 事 教之以 有 ? 八之 哉 武 見 皆 · , 非 格 然而 周 王 周 其 若 雖 能 之伐 也。 德 公之賢 心 服 謂 正,感之以 至 竭 以 也 矣。 管、 事 愚 忠 蓋 周 蓋 紂也,未 殷 然耳 而 其 公 以 天 必 蔡因 聖 成 在 與 不 不 輔 意 · 豈 王 朝之 而 賢 軌之罪 爲 亦 成 忿 誠、蓋自 亦 周 溺 肯 爲 則 王 本 也。 周 豊 公固 臣 於 私 盡 文 與 公專攝 復 不 世 其 亦 善 賢, 王 竊意: 撼 其 儒 以 係 疑 子 必 一三分 成 則 迁 周 爲 天 天 天 信 而 王, 而 殷 腐 下 與 孺 下 公 之

> 大 安天 賢 所 不 也 正 名 也,是以商之孫子 也 名討 爲 能 爲 而 爲 亦 不 知 下之大義,違則 故《大 蓋謂 忠 閉 辭, 然則在 罪,正 無 哉 殷, 關自守」之迂談也 武 甚 語 雖 毫憾周 王之 無 故《大誥》之言 以 賢 廷考翼,自宜 惓 意 解 士 滅 惓 義 人心不 侯于 之意。 大 言 殷,本於 生亂 夫 天 此 周 命 亦 金 知 歟 矣,豈 服 此 不 决 天 全 ? 天命 蓋 雖 能 山 征 命 無 稽 武 迂 所 如微 之惑 不 一語 而 王 以 儒 非 音 爲 不 周 及 曲 私 爲 子 所 得 艱 重 於 學

正 酒 民 務 至 也 之幾 其民 日 情 大 亦 循 群 ^ 酒 由 而 飲 者 誥 徒 不 化 故 則 免 法 之 因 執 以 於 民 而 不 康 歸 禁 違 俗 能 叔 香 以 酒 既 道 之 亂 以 殺 爲 成, 干 自 封 厥 第 ·譽矣。 亦 衛 德, 行 恐至 可 耳 而 義。 酒 謂 惓 生亂,則 此 不 嚴 聖人之治 倦告 禁 以 無 矣。 則 殷 戒之, 後 其 姑 無 紂 世 反

餘

之地

復

立

武

庚

以

慰

人

心

耳

皆已

臣

周

而

復

舉

此

議

則

是

叛矣。

日

「公將不

利

於

孺

子,

乃

欲

仍

割

河

北

未

將

貽

害

於

幼主

也,故

流

言及

此

頑

民

必

有

所

未

協

管、

蔡以是

爲周

公處

民 以 將 兢 安 服 IF. 於故習 兢 人 保 也 心 治 党里 惟恐 禹 惡 本 旨 人之心 人之 酒 源 有 不 文 哉 亂 王 爲 德 無 姑 也 彝 息 酒 荷 以 使 此 德 其 聖 足

之地 時,封 霍 戎 不 君 也。 即 在 所 即 周 成 合 東 叛 以 耳 政 而 介,力 公東 蓋武 也。 至 也 王 之明年,商 其 其 故 使 多方》言「王 以 奄者,爲 不能 爲 地 謂 弟 而 征 篇 殷 王 至 之三 殷監。 即 康 亦 内 都 事 時 於 制 封 恐 叔、管叔 ,而《 所 在 周 奄, 伯 奄 監 奄 云 武 周 衛 公誅 當時 禽爲 來 之遺 叛 又叛, 經 公懼 東 西 庚 四 自 畧 Щ 叛故 紂、伐 魯國 國」,及《多士 + 以 奄」,説 蔡 民 而 **>** 殷 成王 詩 武 年 康 叔 或 里 東 也。 矣。 稱 庚 奄 叔 而 餘 有 南 霍 征 者 叛者管、 或 東 不 與 耳 蓋 \equiv 叔 成 滅 以 年 方 靖 於 淮 武 惟 於 年 之。 爲 王 一》所 衛 木 始 也 夷、 康 討 王 近 初 成 歸 徐 之 獨 殷 年 故 叔 其 非

> 察 於薄 全意 一,而 於事理之見 乃聖 霍 朕 其 及 來 姑 義,以「踐 人靖難 自 殷 地 則 奄 何 耳 周 以 巾 安 非 公 即 邦之大 奄」别 降 以 相 封 爾 管 武 伯 几 王伐奄之時 爲 計 蔡 禽 或 邪 兼 民 事 而序《書》 ? 商 命 奄 至 此 者, 而 腐 其 謂 言 指 儒 君 遷 者 也 其 亦 不

君

在

妄

此

情 鞭策 之。 如 至 無 制 劓 而 朴」,示 於 事 疑, 畫 終爲 剕、宫、大辟 金金 之意。「朴 「鞭作官刑」, 圖 \wedge 舜 吕刑》「五罰之 但 以 本 典》所 疑 朴 作 情 示 實 獄 厚 贖 有 人 但 刑 之 可 者 謂 作教 刑 意 於 矜, 也。 象 亦 所 之 證 則 唐 以 不 以 則 刑 佐 主 此 疑 虞 治 流 典 忍 爲 皆 罪 有 未 官 刑 宥 加 忍 金 罪 所 明 之 赦 五. 刑 作 心 可 之 以 故 則 刑 謂 無 治 疑 用 贖 而 故 宥 恐 明 者 民, 刑 疑 「鞭 及 之 未 以 謂 IF. 言 者 於墨 一之遺 則 盡 流 故 罪 其 也。 用 宥 罪 示

財 輕,示 以異 哉 蓋 穆 足 或 害人之事律之,則失聖人删述之本意矣。 也 在 縱 党 ,天下必皆急於刑 之教 爲 五過」 概取 未 似漢武 王 以 ? 也 或 惡 既 利 於古法 至如 垂 可 但 人不敢 此 故 足者 極極 老 ^ 世 類 則 ,此豈專 吕 字 因 於 此 輪臺之悔, 百 ,自懲其 範 嚴 凡 目以 之多。 刑》 勢 此 於「 處 鍰」以 俗 哀 義、利之分,若《吕刑》之書 犯 利 聽 觀五 ? 之贖、 贖 矜、惻 然 衰 耳 導 其 爲 亦大 ,必非 平 至 之 世 今 此 爲 贖 開 矣,故 罰之疑」又赦之以「 真帝王改過遷善之學 一之事 日 特 千 政, 宜 焉 怛 則 疑 利路而 畧 巡 録 一,而概 一之語: 時異勢殊,穆 鍰 不 以 罰 ,哉? 遊 此 作 量 義 此 之數, 於《 過 此 皆 以 發者邪? 贵 以 民之貧 分 並 度、 活 爲 以 其 先 書》,必 後 别 訓 虚 民 誅 儒 世 罪 唐 所 而 四方, 文, 科 富 不 創 之 虞 王 意 何 重 所 正 時 爲 以 而

> 也。 之。 資其荒用 ൬ 一舜典》 荒 可 吕侯爲 誥 寇 荒 度 王 其 加 四方」作 土 虚 侯 爲 裁 一功」義 贖 享 司 刑 二,則 辭 傳 句, 度 寇 刑 或 何 命 本 白 足 穆 則 非 同,正 者 又逢君之惡,而 穆 句。 字, 年耄」作 録 謂 貶 也 王 Ŧ. 以 命 辭 其 作 所 謂 故 蘇 爲經哉 訓 書 也 爲 作 其 氏 以 刑」,又曰「吕侯 爲 此 既 以 以 惟 蔡 亂 句, 刑 爲 老始留 誥 氏《 命 志在貨財者 荒 以 命 四 荒度 書 聚民 度 方 心 傳 慎 作 且 與 而 財 以 起 刑 禹 刑 使 日

卒 後 覇 敗 何 不 也? 諸 當 在 殺, 楚 書序》稱: 怨 此 秦人入滑之前,不 搆 秦 城 還歸,作《秦誓》。」竊 可 濮,會 仇 穆公,賢 見 , 兵 其 「秦穆公伐鄭,晉襄公帥 能 王 争 河 爲 不 君 陽, 息 中 也, 或 韋 與 當 與 許 前 在 晉 詳 大異, 韋 敗殺之後。 文 秦穆公之 鄭, 日 似 滑 時 無 之 役 而 師

説, 孟 過 必 己 其 誤 陽 良士」,必指 未 白 也,故《秦誓》之作疑 於後 子 外 ,故聖人序《書》特録 有 里 指繁、桑 責躬之道實 爲 嘗輕用 亦 時 未 曰:百里奚「 奚之後,至僖 所 所 桑輩 合 非 此雖 贵 惑 世 於帝 里 無 民 以 用 也 一奚始 諸 · 皆 勇 於是 大 戦勝 足 白 力,穆公蓋深有合焉。 然 王 臣 而 里 有 以 蓋 之學 忿 人 他皆與 力 也。 則 發 奚 歉 見 相 爲 自 秦 之 公二十 然 古 者 也 焉 將 秦 功 , 而 在 至 臣 勇 ; 哉 而 其 而 此 勇 僖 一。必帽 晉 此 韓 其 後 兵强之效,然 所 顯 媢 自 篇 秦穆公之所以 於 與 時。 共 八 曰「汔汔勇 惟 謂 其 嫉 此之後 、受責 也 年, 世 成 晉交戰, 君 務 八、「能 嫉之。 其日 顯 儒 年 覇 於 息 自 夫穆 不不 君」、 不 事 天下 争休兵 真 虞 此 而公子 容」之 耳 公得 以 番番 能 夫 於 遂 穆公 滅 傳 戰 悔 改 反 獲 口

> 之前 矣。 使終 事 相規 已 不 以 實 白 知 身迷 自左 穆 歲 滑 穆公豈 豈有合哉? 而《秦誓》必戰 者因 ,或必不存,然 以 氏 復 甚 後 誤 則 矣。 謂《秦誓》 兵 盡 争 傳 不可 不 及 穆公之卒 之 從 計 故 事 韓 謂之顯 而 作於敗殺之後,稽 \equiv 敗 穆公 皆 時 良 迷 殺 爲 所 復 在文公六年 未 之 穆 作 之卒必 天下 終 時 殉 也 身邪? 所 而 必 在 傳 能 里 後 以 奚 則 世 義 而 年

詩

起 此 口 竊 以 謂 日 如孔 怨 出 賦 此 周 ,邇之事父,遠之事 於性 只是 禮 子 所 曰 • 後 情 謂 比 太 世 之正 師 可 所 几 謂 以 日 言 興 興 而 體 詩 二 五 可 足 格 有 君,多 以 六 作 以 日 使 義 觀 詩 頌 人感 識於 可 之義 一曰 以 日 動 不 風 潤 在 興

草木之名」者,此則詩之義也。

專 魯爲 如 也,而 理? 是宋、 散亡,漢儒旁搜以足孔子所言「詩三百」之 此皆義之不 也 篇 而 或 者,天子巡狩,命太師 南》、《雅》、《 而 一,而 邢、 曹耳 宜 左 大國, 氏 周 必皆有風 多本《 又長 仍 至於 如 仍列爲三; 魯二國之政 左傳》出 其 公後, 悉 紀、 列 祖 爲二, 出 邶 餘 贵 可 如 述之,謂其 小序》, 或 十一篇,其不 頌》與十三《國 巡狩 盡 通 矣。 於《詩序》之後,故 韓 鄘 名則皆《小序》所列 則 者 無 鄶已 之 己 其 也 風 不 而 類,皆先王時公侯,各 可 併 加 他 陳 説 而 陳 併於鄭,其詩皆鄭 以 於 季 書作於秦 蓋 者以 如 詩 反 其 恣行 衛 札 合於古者多矣。 秦火之後,詩 以觀 虞、如滕、如 不 詩 風 宋爲 觀 其詩 録一 》,獨不 矣,豈 故皆無 民 樂 其 火之前 王 風 詩邪 皆 所 也 引 則 者 有 衛 言 特 後, 風。 多 ? 列 事 事 此

可乎?

倩兮, 華 相 情 雅》、《小雅》 及《雅》、《 章多失舊次耳,故有 頌美其君,而 美之辭,不 謂之大。 者,皆屬於風。 論也,以 而以 勞勸 也 其反而 美 淫亂之 凡辭有 敷陳之正 南 其 目 小雅者,朋友面 頌》 特稱 事 盻 而 贵 文王 兮,素 者,有 關 非 辭 雜 美 雅,正 揚祖德於宗 臣 出 不爾思,室是遠 湊足篇數者。 於《大雅》者, 論 刺 一之化 下 於 也,以 以 以《大 而 以《風》 爲 -,故謂 諂 也。 非 也 爲 頌。 諛, , 相 以 絢 其 大雅 雅 之小。 交好 兮」, 而 但 廟,●凡 正 如《 或 事 雜 漢 論 又有古 而 風 且如「巧 關 者, 魯 而 於 儒 箴規之正 面 *, 雜 朝廷 唐 頌 _____ 以 所 頌 君臣 相 民 於《 棣 序 者 誠 告 俗 南》 小 篇 泮 故 110 稱 誡 面

誤作「楊」

據文義

愠

亦

不

隕

厥

問

爲

文王,此

則

有

似

於

斷

公之功而

「人不敢當」者,失經意矣。

心

悄

悄

愠

于

群

小

」爲

孔

子,

肆不

殄

厥

擊」,「承」爲「當」,遂謂

周

公無

此

事

乃

僖

以

承」即「承三聖」之「承」,後儒

誤訓

膺

諸 非 詩 今考《學》、《 欲 書 放 詩 也 引 本 而 有 禮記 故 意 ^ 以 散 ^ 詩 論 哉 列 中 **>** 庸 ? 於 邪 語 遂 出 ×, 詩 > 有 自 皆 於 論 此 若 嘗 斷 漢 如 \approx 鄭 言 章 此 儒 ^ 失 類 聲 之 取 附 孟 其 之 者 而 義 會 \approx 傳, 淫 今 甚 者 之 凡 多 無 亦多有 説 所 孔 而《 其 引《 子 此 雖 左 文 豈 所 氏 詩 此 孝 删 心

穆」, 於 禮 取 其 耳 ·, 非 所 家 而 鄉 義 矣 多 可歌 飲 取 然 謂 以 也 亦 ^ 於三家之堂, 爲 鹿 詩 旧 如 鳴 詩 謂 可 此 篇 借 則 失 聖 以 四 次, 之 爲 牡 相 而雅、 遭 孔 誤 》、《皇皇 維 子 讒 以 辟 頌不 如 其 公, 文 義 一者華 王 天 詩 必 皆 事 各 之 子 可 世 愠 得 穆 斷 用

樂」,是 之德宜 所 其 傷 其 則 難 竊 側之憂, 繫 説 内 憂 意 自 矣 其 未 以其 孔 而 宮人非 一,尚 以 子 責 即 配 德 有 求 喜 憂 得 其 君 也 謂 之 得 而 樂 性 子 有 ^ 則 賢 爲 關 得之則 情之正 得 因 而 虧 喜 求之不得 無 正 於后 其 雎 先 9 爲 寤 懽 由 乎 思 \Rightarrow ? 縱 寐 進 宜 妃 也。 心 樂 情 則 御,故 反 則 其 蓋 而 而 則 思 側 樂 朱子 後 有 后 不 如 不 爲 其 不 爲 琴瑟 不 妃 能 此 淫 懸 以 德 能 得 得 在 則 無 想 之有 爲 自 其 宫 鍾 哀 其 寤 憂 安, 正 懽 鼓 樂 已 易 寐 而 也 之 事 得 反 妃 不

公所

膺

也,

贵

有

人

亦

口

以假

借

之理

?

殊

知

膺」、「

懲

只

是

不

忘於

心之意

而

語

則曰

周公

方

且

膺之」,

則

日

是

周

説《詩

者

以

爲

魯

僖

公

事

, 然 孟

子

嘗

兩

引

此

頌

》「戎狄

是

膺

荆

舒

是

懲,

則

莫

我

敢

承

多

本詩

意,何

當

有

所假借牽合

邪

?

如《魯

於房 得 尚 淫 曰 初 爲 琴 反 而 於《關於 獨 聲 脩 : 躬 不 瑟 小身、 過 中 此 氣 鍾 以《關 故 關 鄭 性 鼓 和 雎》者深矣。 正家之本 孔 雎》之亂,洋洋 衛 曰 情 方 平 子 不 雎 之所以 能 淫哇之聲 終始 删《 》爲教,至其卒章音節 相 傷」; 洽 詩 乎? 爲 》,序於篇首。 見 貫 IE 耳。 其 乎 春秋之時 以 也 不 故 盈 謹 而 敢 孔 耳 周 禮 師 肆 子嘆 哉 公作 故故 摰 也 世俗 非 之, 日 已急, 官之 其 以 憂 而 此 所 所 以 列

軌 服 止 叔 叔 而 美 之 父 存 將 從 晉 介賢 成 臣 此 傾 微 桓 唐 師 君 陰 晉 叔 弱 而 風 下 懷 于 于 弗 而 或 賢,故指 異 曲 曲 削 揚之水》, 民爲之隱,不敢 人將 志 沃, 沃 何 是爲 害義 自喜 以 叛 其水石之居 爲 而 傷教莫此 見 桓 舊 訓 歸 其 叔。 説 乎 之, 君 ? 以告人, 欲 其後 晉 而 爲 竊 以 昭 而 樂; 沃 疑 尤。 欲 侯 詩 往 此 且 盛 侯 封 從 聖 不 强 其 桓

> 宜 也 我 輕 聞 泄 沃 有命,不 耳 鵠 敢 以 皆 告人」, 賢 者 所 蓋奇 往 來 謀 之 秘計,不 地 也

當 祖 敬 其眉 以 子。 風。 刺,如「皇 於 僭郊之 是享是 正 女」,乃謂 泮水》之詩, 淫 頌 稱 威 壽 則 者 則 頌 如《 聖人删 風 爲 指 宜 熾昌 爲 故《 儀 意 閟 逆 亦 其 魯僖 其實德 惟 天 皇 泮水》美伯禽也,非 未 德 必 宫 神 一,以 能 降 后 定 民 豈 明言「穆 嘗 脩周 不 格 公必 之《 福 帝, 行周公之政。 詩 之 肯 取 有 而 而 既 皇祖 則。 日 言 存 詩》, 公之廟,故 溢 後人 矣。 多 矣,此 以 語 美 , 穆魯侯 周 允文 周公皇祖 后 鬼 起 之 僖公非 稱 必 公之孫, 稷。 享 人 辭 皆 及 非 允 邪 以 出 其 以 美 中 伯禽不 武 敬 美僖公也 享 心 長 於 實 見 間 其 明 以 君 哉 莊 性 亦其 諂 昭 魯 德 但 事 其 騂犧 也, 足以 格 公之 諛 有 而 烈 福 所 微 祝 如

史 克 正 其 矣 所 辭 ,聖人安得不取之哉? 作 與 閟 以 宫 其 大 有 周公之志 異 耳 然 則 閟 情 宫 性 之詩 可謂

春秋

子懼 孔 行 哉 當 雖 不 春秋》作。」 時 臣 子作《春秋》之本 在 則 弑 弑 書者乎? 孔 麟 故 有 可 天 作《 君,子 君 子之作 也 懼 下 以 見 辱 春 亂 無 得 矣。 國 謂之「作」,豈必出於魯史哉 蓋 秋》。」又曰:「《 臣 弑 公 其 一之事 自 賊 觀 父,人亦 論 春 實 孔 魯弑 太 子之得以 秋 意 者,於 子 誰肯自言,史 於 師 **>** 也。 往 皆 是 有 采 來 不以 邪 感 外 詩 故孟子 列 説 於 售其奸 「薨」,叛 事 觀 詩》亡然後 或 爲 暴 麟 贵 風 非 行 日 册 考 之 而 交 論 皆 政 又 則 意 安 此 亦

> 謂《 之, 意 預 中 子 子 桓 有 此 懼 也 之文在 何 所 書 晉文,其 春秋》中之事 則 而 以謂 以 撥 似 安焉 正 明 至 亂 謂 見當 史 正 左 之「作」哉? 反 舊 文則 官 故 其 E 氏 史有 皆 罪 必 時 乃 日 史」之言何 在桓、文皆 有待 莫 可 始 可 而 撰 知 據 以 亂 前 春秋 於王者之興 孔 者 爲 然 臣 子 非 義 賊 則「 》成 苟 所 可 以 聖 則 子 爲、《春 據 解 其 以 非 之 而 舊 乎? 事 其 誰 か敷 心 蜀 所 則 能 亦 臣 能 此 孟 脩 賊 必

篇 者 經 謂 其 與 於聖人之意者 必有 有 " ,而今皆無之。 《春秋》爲周公舊典 魯《春秋》, 負を左 編年之法也。 豊 武 於周 王、 氏 日『周 》載 公之 成 雖 王 韓 經 及考《 盛 吕 禮 意古史簡畧 宣 可 刑 時 禮 盡 子 畧 之 經 在 周 適魯、「見《易 乎? 《秦誓 事 魯矣』,説 書》 如 與六 此 `所載, 則周 經 皆 亦 未 録 有 並 者 遺 傳 因

一五.

八

罰 者政教之 而 己 春秋》何所感而遽作邪? 周 公 蓋 一之時 編 迹未 年之書,名爲《春秋》,義 王道大行,賞罰得正,在 熄,而在下者美刺之公未 主 上

氏 傳》,漢初始 之祭名也,有言「酎」處,則秦之飲名也 又善筭律曆,得非蒼與其徒掇拾所 蒼自秦時爲柱 時 有言「庶長」處,則秦之官名也。及考《左 (傳))之言,多與聖經不合,豈可以爲 又在 書,而信其得孔門之意邪? 有荀況,其學出於公、穀,故知之也。 義, 公羊、穀梁是 其 (後,其 而託 出於張蒼之家,本無傳者。 於左史以傳乎? 下史,明習天下圖書、計籍, 書 中間有言「臘」處,則秦 戰 國時 人,蓋趙孝成 今觀 聞,附 先秦 王

之遠邇、年月之久近、事情之終始、典故之也。但考黨與之離合、趨向之正邪、地理《春秋經》文義皆具足,不待傳而明

有無,則思過半矣。詳見《春秋私考》。

說理會編卷之十終

説 理 會編卷之十

下岌岌乎殆哉』,●併孔

子

之言

而

造爲

?

有

是

雖

吴 越 袁洪 季 愈 本 撰 訂 次 正

經

者各 事。 朝 有 義 (無復有敢言孔子之道者矣。 以 遂 楊 以 乖 如 聖學失傳自 ?,至謂 、墨爲非者,必群猜衆怒,無 以 其 ,天下之言不歸 伊 私 北 尹 見 面 舜 爲 爲書,禮 而 南 戰 割 朝,「孔子曰『當斯時也 面 國始, 烹要湯,百 而 立,堯帥 亦多 於 楊 蓋七十子喪 雜 則 里 時 所以 歸 奚 君 於墨。 侯 地自容, . 僭 爲 當 北 時學 妄之 而 飯 面 苟 牛 大

文盛 邪? 之言,不足深信 得 他尚未與焉,財賦 凡異説之可以驚世駭俗者,何 誠亦有之,然得於所傳聞者亦多矣。 遂」二處設官已二萬二十二百七十二人, 孟 ,所增未至甚多。 子以 又如唐虞建官惟 理 辯 者也 正, 何足以禄之? 此皆戰國 後 世 後儒. 百,夏、商官倍,周 而《周 孰 但謂 知 所 其 禮》 漢儒 不 非 於「鄉 至 真

周 陰謀之書,而 之,大失文王治岐 禮》所言多涉 裹」,此以後世 制,朱子亦謂其「廣大周 密則誠有之,故先儒皆謂周 周禮》之書多與《孟子》不合,其 胡 自私自利,姑以 一之見 致堂又 本意。 觀古人也。 歷舉 惟 密 何 其 賦 周家法 公致 休 殊 事 民 以 不 而 爲 太 知《 事 度 深 平 檢 或 周 在 詆 防

0 當 哉岌岌乎」。 斯時也」二句《孟子· 萬章上 一》作 「於斯時 也 天下

Ŧī. 九

附

之,豈爲無見哉? 詳見《讀禮疑圖》。

可 時 僭 以 考見耳 妄之制 (儀禮》) 亦 但 戰 古意 國 時 亦 所 或少有存 作 大抵多雜 焉, 庶 春 秋 亦

其 以 衰 文從理順耳 世 韓文公苦《 僭 妄之事 儀 , 而 禮 所記 難 讀 又 多 非 不全,未 難 讀 也, 見 雜

輕 服 妻 言之亦 制 三年; 重豊 蓋有 服 儀 有可疑 爲 五 禮》所 以 嫂與 稱 月,而本 知 情哉 此矣。 兄 耳 以 敵 不 ? 體 朝於 得 如 唐貞 者 長 爲 也,而 子 古 適長子 觀 亦 書者 時,於兄 子 不 即 ,止制 制 行 也 服 其 此 弟之 服 服 而 於 期 爲 制

飦 同 粥 疑 之 古 喪 在 而 孟 食,自天子達 服 者 胸 為爲 子則 通 前 喪 ,特以「 父 三年,皆 斬衰, : 「三年之喪,齊 斬 於庶 爲 以 别 母 「齊疏」爲常,而 人,三代共之。」 耳。 齊 衰, 故《中庸 疏之服 其 制

> 爲正。 之旨 耶 ? 不 爲 不同。 行之異而著 食菜菓,祥 世,喪禮不行,士大 斬」, 也,豈宜有異制 非 同,禮家豈因 相 大夫之禮 飦粥 父母之喪,無 而母以 故晏嬰父卒,服 子生三年然後免於父母之懷,其 同, 而 三年,與孔子三年不安於 而 爲定禮 食肉。 禮 「齊」之理乎? 衰世 家以爲 則當 乎? 大各以 貴 耳,恐皆當以 此 一之事 賤, 時 亦因當時士大 既 麤 士 而遂 葬 縗 私 大夫 也 乃蔬 斬, 意 特 分分 ___ 自便 別 而 以 衰 豈 孟子 食, 服 室 春 爲 有 之言 食 夫 練 定 老 禮 各 秋 父 所 禮 而 稻 有 大

時主 理? 必衰 孫 免於父母之懷,豈有二 爲其祖若曾、高祖承重者皆斬衰三年,以 猶 世之制,短 三年之喪,禮家以 觀魯宣公新宫災 在 寢,可 見喪 喪之 漸 不 在薨後 爲二十七月 十七月 也。 止於二十七月矣。 子 二十九月,其 即 生三年然 可 丽 免喪 終, 之 此

之喪 父 太子壽,皆有三年之喪,則附會之,臆説 后 作 母 有之,亦私恩,而非禮之正 民 之 通謂之父母之喪。 愛同 父母」,是天下之大父母 也。 臣 爲 君 若周景王爲穆后及 亦 斬 也 衰 也,故三年 \equiv 年。 耳。 元

所 庶 終 者多矣。 其於繼母之禮 苟 鞠 不行,然後庶母皆當如母 不再娶」、「無二嫡」、「無以 以 未 身如 母,斯已矣。 育之恩同 重嫡 有恩 繼 母」,故 母 也。 , 如 則以 於親 母 爲 古人最 必不 若概以爲三年則 」,「慈母如 其嘗親 母 之服三年 如 如《禮》所謂「 重嫡、 此之無別 父體 之禮 也。 母」,此 妾爲妻」之説, 妾之分,故 而 9 服 雖 而 「生養之, 過,且 之, 爲 陵 惟 皆 繼 此義 嫡 以 同 有 非 於 其 子

聘 也 聘禮 詳見後 》所 論 言皆諸 「朝」、「聘」條 侯 之 事 諸 侯 不 當 有

《禮記》之言雖雜,然其間有真得聖人

精意處,則過《周禮》、《儀禮》遠矣。

之説,有附會之説,察此六者而後聖人之 名之説,有僭僞之説,有夸誕之説 意可求矣。 禮 記 **>** 所 以 雜 者,有虚 無之説 有 9 煩 有 刑 瑣

兄 祖 且 尚多有之,此立尸之所由 處,而尸 發,以之居 蒙爲之,故禮 有依人以告利成者, 祀,齋戒以交神明,誠 , 其 又生, 祖 亦敬之,從子 孫 禮,祭必立 以此 以筮定, 時 氣相 敷? F 昭穆之所依也。 位,則 謂 通 戸,非 爲尸則諸父亦敬之,此 尸 ,精神尤易 之抱孫。 一聽於神,人謀 有 朴 今之神 意 虚 君 然 設 必 道 自 起也。 當其 能 也 焉,故弟爲 以 感召,而 孫 物 感 爲 可 附 格 古 (時, 神,忘 無 以 尸 鬼 人 所私焉。 純 爲 必 而 最 孫之從 神 其所 以 尸 王 語 重 則 祭

刻 爲 誠 如 於 國,其又 虚,有尸 致 多愆,事尸蓋· 順, 豈所以 故 敬,尸 之精 此 木 有 也。 人子者祭 而 始 爲 則 血 E 封 雖 母, 影祭可 氣 以 之君 矣。 徒 遂 以 者之有 也。 此 滋 明子事父之道 不 而 神 祀 敷? 得 慢易 然 有褻玩 足 靈 也 後之祭祀,誠 事 不 臣 則 依 應 户,而 爲尸 慢 諸父昆弟」之義 而 象祭可 後 也 廢尸 神,上下相 心 不恭者矣。 己。 世 而 亦 則以子無臣 以 而專於事 之 神 尸 也 庶 ~哉? 子 依 祭 之廢, 幾 意 加 同歸享於 焉 何 褻, 無 父, 不足, 此聖 祭既 怨恫 主,猶 也 獻 如 起 事 父 之 酬 式 終 於 T 不 立 克 立 蘭 戰 愈 皆 能 禮 理

制 以 之以 例 定 治 古 者 任 求 師 自 於三年之外, 有 盡 不 順 制 耳 逆,不 故曰 服 蓋 可 「心喪」。 謂 而子貢反築室於 以 恩 必行。 有 重 孔子殁, 輕 在 , 吾 不 心 口

哉

官守者 不 與 行,況後世君 其 但 泰 場 師 至 以禮制情。 冠 於 夫 然即 而獨 不 衣 師 百 若 居三年,是 厚那 ,將以 純 吉 親 恩 I. 素, 雖 技 可 喪之宅憂 知 藝之師,例以三年, 重 則 服 喪尚 若必 前 勤 且. 以 在 當從父母之心。 君 爲 皆 欲 爲若 墓 耳。 事 人 以 服 一側 ,雖愛師之至,不 子者,父母 日 喪,則於勢有 喪 也,則三年之 其 易月,又安得於 父而 他 恩 則 無 不 又過矣。 服 在,不欲 又凡 及 孔 所 内 則 得 有 子 恐 不 非

之宜 以 也; 對之習,小學也; 者,有言禮文者 爲 升降、揖 盡 禮 禮記 非先王之禮經 》所記 也 遜 散 之數,禮文也; 有言禮 見 仁、義、禮、樂之 有言小學者, 諸 篇 哉 意者。 尚 自 存 迁 恭敬 古 如 腐之 有 教,大 制 灑 言 大 儒 撙 贵 學 學 雜 節 應 口

類不一而足,皆當裁之以吾心之節文而 好怪誕者之言,奚足以爲經據哉? 則可,以「不合」、「不易」爲古禮則不可,此皆 以 非古也」,「易墓非古也」,若以 蒼梧之野」之類,皆妄傳者也。 邪 如 説,而 云「孔子少孤,不知其墓」,「舜葬于 正 義 始不明耳。 姑以《檀弓》 爲古無此 又謂「合葬 凡此之 己。 事 明

《家語 以 也 及叔梁紇、伯魚,與《序》説不合。又孔子 據《檀弓》言,則孔子、子思皆嘗出 妻。」是叔梁紇之妻已出,惡得以 伯魚亦出妻,子思又出妻,故稱孔 之,則孔子之母未嘗見出 母,然後得以其母 베 伯 以「道污則從而 孔 魚哭母爲甚,子 • 後序》乃曰:「自叔梁紇始出 子 則「三出妻」之事,其亦不足深信 不知其 父之墓,問於陬 污」爲説 合葬于防。 思不使子上喪出 ,皆非聖賢之教 於父者 以合葬 合葬 妻,而 曼父之 氏 也 妻,及 三出 邪 不 觀 ? 而

者乎。

謚,然 别 也。 文也。 虞而 而後 時先作「虞主」,而期年練祭之後又作「練主 練主用栗」之説而 卒哭時哉? 謚,所以祔也,其義主乎吉矣。故《士虞記 曰:「吉,主皆刻而謚之。」吉以謚别,豈非在 未有主,以木 云:「凡君薨卒哭而祔, 袝而作主。」蓋始 栗」主也,栗 春秋私考・文公二年下》。 作主」在卒哭,不在「虞」時也。 作 主 殊不知卒哭之主即「練主」也,豈待 作 後作 檀弓》「重,主道也」,陳灝註 故《檀弓》曰:「重,主道也。」葬 哉 也,而 主 ? 一,則徹 主 奚有 蓋主因 蓋自《公羊傳》有「虞主用桑 爲重而竪之以 堅可久,所以藏 而 徹 重 承其誤,是以既葬反虞之 「桑主」之名 重 埋 祔 一埋之。 之, 作 真 此 主其 時 易重之主 説 也; 哉 有重,不必 《左氏傳 非 神,未 謂「周 刻之以 前 練 即 有 有 死

_

則 制 猶未 剽 竊《 王 ,則不經矣。 失 人也。 制》首言天子 孟子》爲説 其後所言畿 詳見《讀禮疑 諸 雖 侯 文 受 内 或 小 地 畿 異, 外 班 圖 然 封 爵 大 或 禄 義 多 之

堂者 乎 北 遺 四 也 天 事 亦 堂之制,後世因之,其説 王 青陽、總章、玄堂、明 ? 下 一遺制 址 方 可 以 兼 向 · 禮 向 天子 配 也 使南 兀 月令》本《吕 至 而 而 家 時 L 明 其必 按 冬月 記 之制 一帝」, 故《孝經》云「周 朝 面」,皆此 宣 而 季各居一 事者抄 諸 治」,如 夏時所行之政令飲 王 乎? 居 則亦因 侯之堂 時 之, 氏 猶 合爲 義也。 日 堂别爲 春 此 方之 何 有 也 巡 蓋 秋》, 明 以 此 舜 紛紛。 狩所至之方 周 公宗祀 堂 當 理? 書,中間 南 明堂 之盛 王者 十二 雜 在, 寒 面 舉 風 而 其 且 贵 南 殊 室 文 三代 時 立 之 多 如 有 地 不 王 洲 者 但 面 總 於 豈 凛 分 狩 知 其 有 爲 及 而 其 明 得 向 例 章 雍 聽 明 明 先 以 秦

> 京 之地 以配 天既 師 而 文王 以 與方岳皆有之,豈 以 配 后 其 以 邪? 稷配 文 有 王 功 矣, 此見明堂本 也,意 德 而 而 又 特 亦 有不 何 配之 文 必 王 南 以 别 耳。 爲 面者哉。 朝諸侯 起 西 明 不 伯 堂 然 時 而 之祭 則 所 郊 統

公相 但未 則武 始 政, 而 爲據,今亦無以 Ш 武王 竹 止 辯九十三之説 如 書記年》則稱「武王年 爾。 必 武 王信 又成 一末受 文王 堯 其爲 王 老 王元 **^** 誅 已老,而《竹書》之説 命」, 明 世子》稱「武 而 九十三 紂 堂 舜 、伐奄 年 考其必然。 攝 而《詩》又言「 位》乃言 伯 有不 一年耳。 也 禽即 二,則 如如 通處,而 受封 周 王 此 应 武 《孟子》又言 九十三而 則 十五。 但 Ŧ. 攝 至 綏 觀 時 時 止 亦不 武 周 中 成 政 我 以《 公已 眉 王 自 Ŧ 足 庸 竹 當 喪 金仁 成 × Z 周 亦

0

四

耳。 論之日 其後 立 也 謂 成 成 亦 王 後 王 而 君,人君治成 不 天 皆不 子 至 恐 前 待 也 大抵漢 十三歲 口 在 必 未 其 不 武 足 成王 無 「古者王世子雖幼 武 冠 况 行 長 王 信 此 王 抗 儒 其 冠 即 也 而 喪 世 理 一之弟 未 世 附 禮 9 立 位 年 畢 自宜 人之事者,何冠 崩 子 者 會之言, 周 ,則武王當八 而 此皆聽於攝 至 又有 之前 哉 法 公 止 知 謂 即 於 ? 矣。 其 成 應、晉、邘 伯 避東都 非 但 既 人之道 禽 其 及考念 不 其 出 葬 禮 在 + 於聖賢 政大臣 即 之有 而 事 或 位 則 成 家語 冠 9 贵 而 别 則 其 王 假 ? 經 有 有 之 尊 生 孔 始 攝 即 使 **>** 時 竊 爲 子 於 傳 節 既 政 牛 位 有

説 則 檀弓》載 有 其 薄 事 禮 本 運》以「大道爲公」、「 原 之意 亦古今異 壤母 此 死 蓋 而 老 宜 歌 但 亦 莊 此 虚 以 大 無 類 爲 之餘 道 大 也 同 既 に小 見 耳 康 爲

> 受天 殷 世 風 出 何 亳社災」、公、穀皆附 必 社 社 雨 陽,此 不然 特爲之屋 傳邪? 之不廢, 稷之禮,儀 郊 特 則 本 牲 夫古制 疾 拘 $\stackrel{\cdot}{\gg}$ 則 乎 風 儒 以 文 喪 ? 之説。 暴 漸 之爲亡國之 或 雨之時 簡畧,故社 備 之 此 社 義,豈與記禮者 則 ^ 春 社 屋 何 秋 之 宜 以 戒 達天 • 行 有 可 哀 屋 禮邪 欲 也 陽, 四年 以 其 9 不 ? 蔽 後 同 而

方「納 百 也。 是 下 中 至 -,成王 里,命 以 謂 階 門 魯君 並 成 蠻 季 又曰:「夏礿、秋嘗、冬烝、春社 出 明堂位》之説 王 夏六 夷 以 人 魯 無 祀 幼 周公有勳勞,封 止 之樂於太 公世 中 帝 弱, 由 月,以禘 階 于 闑 之 左 世 周 此 郊 祀 公踐天 妄 云「三階 廟 周 配 禮 謬 右 公,欲「 公以 以 配 菛 尤 以 子 后 ; 周 甚 曲 天子之禮樂 之位 内 稷 廣 公 0 阜,地 非 天子 止有東、 於 魯 古 古制 太 以 於 者 秋 之禮 治 廟 方七 天 立 矣 不 下 天 西

魯公世 之政 甚 崇德報 附會者 而 者乎? 遂 7,天子 儒 大 欲 世祀周公以天子之禮樂」一 亦 功厚意,程子猶以爲非,況其僭亂之 蜡 多 夸其 此可見《禮記》之不足盡 之廟 ●天子之祭也 矣,惟成王以 國之盛 飾 皆悖 美 而 理 。」其下又言 周公有勳勞,「 爲 不 此 經之事 説邪? 信 語,則似 世 天 子

集合,亦頗繁碎耳。《樂記》能發精藴處甚多,但漢儒之所

夫 器 閨 嫁 能 倫 從 寡 時 Ш. 所費 之 以 妻 ; 雍 而 雜 不 本, 共 共 睦 ·敏,不 記 苟 出 器 築 乃 事 恩 \forall 有 蓋 爲 盛。」云「不 \mathbf{III} 載 義宜 小 順 而 能 諸 使 不斥言 過 道 還 從 侯 人 則 篤,故必正 之,此皆厚道 致 而 出 教誨 若謂古之人如孔 事 之日 夫 能從」者,謂不 夫人之罪也; 社 人, 稷」,有司 : 使歸 使者 身、脩德,刑 某 也。 於善,必 將 并 官 夫 能 命 其 婦 從 不 陳 H

> 其薄 不 條 妻,而 惡聲 若「三不去」之説 憚、任情所 恩 我」,子行夫婦之禮焉,没身不衰。」是 大過亦當 不 小 子 七出」之條, 悦 亦不 也。 欲 思 過 時 哉? 顯言,姑 也 尚 亦 出 漢 惡疾」云者,得 出妻令其 此與《雜記 能 皆 存 儒 盡, 出 委曲處之,使無 忠 而 《内則》曰:「子甚 爲、不 子不宜 因 妻,必 乃 厚 假 中 且 附 如如 以 可嫁, 此 著 如 . 間 可 則 之被 以 其 》義 對 其 其 其 教 亦 誠 爲 所 姑 妻, 妻 説 海 雖以 無 有 同 出,必 忠 辭 叱 不 傲 歟 古 不 0 父母 厚之道 耳。 得 又安得不 狗 失 ? 狠 義斷。 人 係 《家語》 已耳。 宜 所 忿 其别 大惡 亦 然「七出」 蓋 日 贵 其妻, 争、 或 也 絶 『是 而 有大惡, 不熟 假 然 載婦 出 肆 交不 可 猶 父 此 邪 無 自 雖 出 之 失 有 忌 出 無 有

^{■「}秋」,原誤作「春」,據《禮記・明堂位》,

又 不 可 以 執 論 巾

宗,亦 存其 祖 下 禘 世 三、適士二, 爲 論 祖 天 以 立 尊 一、考, 者 子 之主皆 意 親 君者 世之遠近、皆歲一合食於太祖之廟 前 親 尊 四 盡 審 遼 與 親 也 廟,至大享而 聖 特 廟 親 而 當 遠 不 諦之義,蓋 也。 、賢賢也。 始 廟 廟 爲 以 ·得與 合 無 桃 之 不能 封 一,以 以 獨 親 食於 分 制 而 五世之上親 爲 祀 而 尊。 廟 於 活 朝 不 有功 諸 之, 時 悉 貴 太祖之廟,而 爲天子七、諸 所 知 侯者, 審 以太 祀 古之有天 祀 太祖 祀 賤。 親 所 德 有三大義 其 以尊 高 親 以 則擇: 者 祖 功 、曾、祖、考之親, 而 以 盡 則 之恩 賢 尊 則 德 配 下 祫 當桃 爲 賢 其有 爲 之, 下 也 也 嘗 爲毁 百 焉 不 止 也 百 國家者皆 侯 爲君者, 前 則謂之禘。 世 功德 知袷 於高 世 自 太 Ŧi. 廟 親 禮 不遷 受命 不 太 祖 親 祭專 未 大夫 遷 祖 者 以 家 也 妄 以 特 特 上 非 爲

對,而 也。」禮 觀 遂 之歲首 皆合矣,豈 秋》魯郊兼 也 矣,故《禮 王 郊 此 其 天 以 列則 者 正 其 祖 故謂之郊。 于圜 於經 郊 一,商 必 所以窒礙 歲首之月 所 郊 非 君 主 在 者 行 以 爲 自出之帝 之次 單 宰 丘 運》曰 7,天子 子,恒 於郊 迎 其 則 祭 以 望、祭義、報天兼日、月 有 乎 ,夏日祭地 示於方澤之説,蓋 正 恒 建 天也,此 地 大 而 而 日 而 月郊。」 而 總 : 丑. 劉 以 所 不 地者 不 之至。 私 百 「祭帝 以 原父日 稱 子月 爲 在 以 通 而 親 神受 郊 正 爲「上帝」 也。 中 祀 可見 不 即 不 是以歲首 先焉 周 郊 之理 天之祭 于 知 可 天 職 詳見《廟制考義》。 周 天, 郊,所 天 混 其 「夏后氏 人以建子 也, 焉。 禮 哉? 子之 於 爲 禮 而 故凡 而 也 審 君 莫 亦有 之月 地 以 郊特牲 郊, 即即 諦 第 與天 重 定 兆 以 大祭, 禘 爲 功 冬日 以 此 於 而 白 天 於 建 爲 \wedge 爲 位 神 此 南 而 郊 寅

帝

説,則 定禮 之傳 别 祭,有合祭,合祭則總於歲首,分祭則 爲祭地 郊祭豈 日月之類,因其 有《郊祀議 i, 宜 聞 以 而 爲冬至 乎 大 而 並 社 應 失 列於天 》詳著其 其 在 節 (月而行之,禮各有所宜 丽 本 即 周 設哉? 意 郊 正 耳。 耳。 説 矣。 建 午之月, 殊不 果 而 若 以冬至 H 夏 知 常用 至 天 因 祭 地 祭天 以 辛, 地 地 有 夏 也 與 則

能 所 霤 則 而 而 本於 無 鍾 五 旧 也 也。 行生育之神則 也 以 古者大夫 則日 天地 歲 自 庶 但 其 此五者 大夫 户 亦亦 閉 所得 合祭, 0 祭五 藏而 八則得 中霤者,污下之地, 豊 不惟 爲 可 亦 言,則 亦 祀 之禮,歲 以 不 何 天 大夫有之,民 ,謂門、户、 · 報 ? 時分祭,庶人不能 傷 地之德也 曰門。 乎? 雖 合祀 不 自 井、 敢 家 流水 其 可 竈 其 開 亦不 也 得 之 通 中

行》之言多所夸大,或以 爲不 ·出於

> 説 孔 則或 未 竊 爲 意 、戦國 過 時 豪 君 但 土 有 語 所附 輕 多 儒 繁 會 之 疊 耳。 心 未 必 而 皆 以 孔 此 爲

秋時 婦家 大 又 但 也 迎之於其境,或迎之於 於門外,人而升堂、 與壻親 禮之節也 以 以道 諸 如此 繼 婚禮 則父母兄弟蓋 侯 後世,故以 途, 則授受明 相授受, 以 一,可以 爵,則有尊 將 則 有遠 合二姓之 補《婚禮》之所不備焉 亦不失其 親 奠鴈 邇。 而 有 迎爲 得以 所 卑; 越 或迎 ,蓋親受之於父 好, 境 館 重事 爲親 正 以 而 ,壻不能 上 之於其國, 一始矣。 國 一, 送其女者 以 迎矣。 事 則 壻 宗 親 有 然 拜 廟 此 春 母 至 或 训

魄,四 陽,三 氣 南 嚴 凝之 以烹狗於 面 賓 鄉 之坐 象三光; 飲 氣 酒 義 象 以 東 》:賓主 四 主 方 讓之三象月之三日 時。 僎 祖陽 當 以賓 象 東 氣之發於 南 天地,介僎 介當西 東 北 東 温 方 厚之 而 成 陰 西

以 之禮豈在 春、夏、秋、冬。 洗 賓主 在 阼 ',其 所 於此 鄉 水在 所居之東、南 哉 皆迂儒 洗 東,祖 拘執之論也, 天 、西、北 地之左 取 海 燕 義 飲 於 又

深絶 辭,而 也。 裘、序點 附 之將、亡國之大夫」既爲其 人「孔子射 註家 哉? 其餘則皆格言也 射義》所 非 孔 辭 解爲「求爲死者之後」,則益 門與 「爲人後者」 人 退 于矍相之圃」, 言得 去之言,則似禮家夸大之 人爲善之意 古 人 謂從 制禮之意 國 子路、 也。 人,猶言 所 容,豈 夫「 但 罔 敗 迂 復 中 役 腐 軍 之 間 口

之教 所 爲 、養老;射 生,得 不 於是 亦不廢焉。 忍殺, 矢人, 君子所不忍爲, 然 射禮 禽 因 一之制 恍 則使之正德、肅 以 情 爲 起 則以 而 於射 食,民 爲 天下之人率射 之節 獵。 俗已成,莫 容,因 夫 肉 禽獸 則 使 以 而 之 之 獵 聖 君 能 其 以 奉 子

> 射之 禮 良 義》未之及也 哉 心 爲 ? 焉。 教 射禮 此不得已之權 亦 大矣。 一,故附 立 而 論之。 選士授官皆在於 此射 教 禮之所由 也 一夫豈 强 而 此 立 射 之 則

所謂 矣。 慶之事 所 聘」之聘,亦禮 皆大國 朝,皆小國朝大國, 朝、聘鄰國,皆但言「如」,可以 相 所以懷諸侯 周禮 載,其衰 朝」,皆衰世之僭禮 不但諸 諸 朝者,諸 ·大行人》「凡諸侯之邦交、殷相聘, ,則禮或有相類者耳。 聘小國, 侯 世諸 於天 侯自相 也。 侯 之所 所以 侯之制歟。 而 子 諸 小 比 而 不 朝、聘爲非 侯 事天 大國 或 . 得 年 也。 無 無 爲 子 自 無報 報 觀 也 小 也 相 但 聘者。 春 聘,三 見其 禮 朝者; , 外國往來弔 朝、聘之禮 秋 , 雖《王 聘者,天子 時 則《聘禮 非 年 諸 故魯之 ·禮之正 相聘 侯 制 相 世

說理會編卷之十一終

説理會編卷之十二

吴袁洪愈訂正

聖賢一

孔 子附論伯夷、伊尹、柳下惠從一體上造極,

孔子從具體上造極

焉取 道於牛馬」之説;言子賤「魯無君子者,斯 乎」,則附爲「伯子不 以後迂談而 語》言子桑伯子「居簡 書之言而發揮之,如後 斯」, 《家語 則附爲「父事者三人,兄事者 載 附 孔子事, 會之者也。 衣 世作義然者,故《論 俱是漢 冠 而 行 而 中 館, 處」,「欲同 間 儒 無 多 摭拾 乃太 有 戰 大 簡 几 或

> 遠矣。 若必欲據此以 遷《史》而屑湊成書,不可以爲孔氏遺書而 盡信之也。 敗」之類。 吉祥、「惟覇者爲能獲焉」之類。 又有尚 數言而却萊兵,七日而誅少正卯之類。 之辭,如知「商羊」爲「水祥」,「惟齊有 死,猶以尸諫」之説。②又有虚誇之辭, 伐之聲」之説;言「直哉史魚」,則附 也」之類。 有過高之辭,如「人遺弓,人得之,何必 爲於丘之門」,則附爲「子路鼓瑟有北鄙 人,所友者十一人」之説, ●言「由之 其餘則雜出於《禮記》、《左傳》、 又有貴覇之辭,如以「萍實」 然時 證 有格言,姑取 孔 子行事之實,則失之 節 焉 미 爲 備 瑟 也。 奇 爲 楚 又 不 如 至

^{● 「}子魚死而尸諫」。● 「至死」二句,乃朱熹《論語集注》之語,《家語》則作所」字。於「友」下有「事」字。● 「父事者」三句、《家語·辨政》於「父」、「兄」之上均有

之? 之,而 則後 之,堯之德 夫子 耳, 尊之言,不過引以 舜」云者,豈不 民 學孔子之意,乃爲 舜之治天下,平成之功 堯舜之德萬世莫加 垂 事 舜 以 教 功 而 起於 聖或 來 事 删述六經而 宰 萬 執中」之傳,已足以 於天下之 蓋學無 未 也 功」奚足論 我 世 道始立,故以「君哉」稱之。 側 有 有 日 也 蕩 微 所 前 孔子」,而 0 夫子 終 蕩 謂「 ,練於庶事,故立法制 主德言邪? 聖所未 夫 窮 事 如 後始爲 ,自其 聖 哉? 事 賢 「時中」之德,故言「 固 天,故孔子 爲證耳。 焉,而孔子之賢何以 之 功」者,推 於堯舜 若 及 宰我、子貢、有若 所以 未 精於 萬 即 也。 功也。 能 開 論「事 世 二,先 爲 但 然 心 庶物者言之, 永 以「大哉」 就 堯 學,固 聖 以 則「賢於 況 以 賴 功 舜 儒 皆 德言, 堯舜 孟 以 之 以 而 知 德 盡 自 不 子 道 則 爲 也 堯 欲 待 精 民 過 推 則 以 牛 堯 語

> 慮必 能,練 德 口 相 孔 則 不至阿其所 人同, 宰我、子貢、有若智 賢於堯舜」乎? 遠 子 視 重 求 堯爲 有 生 事 華 其爲德之大固 而 其精義 當 濟二聖之所 協帝 又益精矣。 以 精,雖謂 周 好」,則以其言爲 少賤,備 末 之所 其 與 然 之「舜賢 在乎? 民 堯 不及者,安得 使當 堯 嘗 情 足以 同大者 自 舜 險 之變僞,與 若 純 堯 阻 知聖人之汙, 於 也 鄙 舜 也 必 、堯」 可 0 不已,善 時 可信也 孟 事 而 子 不 古 其 則 無 也 明 謂 所 其 又 練 9 與 而 而 智 事

者 知 六 曰: 意 藝, ,非果知聖人之學,雖門人 亦 子之服 七十二人。 「以德 臆 史記》謂 則以「多能」 度之言耳。 孔 服 子 人 其所 孔 ·也。」聖人闇然下學,不求 者, 子 中 律 弟子三千,而身通 謂「三千」者已無 至謂 心 孔門之士 悦 七十二 而 誠 亦必有不 服 也 人爲 也 所考, 一六藝 如 身 孟 通

説 編

貴 則所 爲信,然 人」當以 服 者 「多能」之教哉 計 心 故 服 服 則 孟 數 者 人將 孔子之説 子 也。 必不止 特 求 舉七 七十人之外 學 於此 於文 爲 + 正 人 矣。 一,若以 藝矣, 豈君 以 荷尚 爲 故言「七 言 身通 有 蓋 服 六 +

亂 哉 遠 以 化 無 公之歸 普度者 無之事,蓋 成己」、「成物」之學,欲 供 導 年 者 游 ? 二心 成 未 子 孔子 也 而 乎? 聚,一 文王 盡 也。 職, 意同,但孔子 其 伊 無 周 與 猶 尹 而 一年成邑,三年 舜之側微, 流 惟 世尊以 時 不 以 四 就 父母 則 成 得其權 先 方, 養 但 湯 覺 河陽點, 也 耕 四 已 授 自 則合 亦亦 於有 作, 大 與 徒 心, 任 人 因緣 人爲 同 講 贵 事 可 成都,非 乎時 所 固 幸 學, 多 歸 樂 以 不 出 善,而 責 如 道 於善,千 救 欲 可舍 中 世 此 備 伯 以 覺 以 爾 前 而 夷、 待 桀 之以 斯 此 耕 所 遊 古 民 學 聖 田 夫 居 方 所

> 之國 法 游 之傳 自 無 煖,荷 聖人之志,豈止於授徒講學而 焉 齊、之宋、之衛 者,孔子 聖之君六 事 試 也 君則皇皇 可 魯、宋、齊、梁、滕、薛 也 ,尚將有 不絶於天下。 ,不論賢 得 要之,其時當然,其 説 君 憫世之亂 若夫春秋之時 之 七 而 如 築 作 待於人, 愚之類皆 事之 也 傅 、之陳、之 之際,此 巖 則 雖興 此 也 安忍坐視 可 其 此 以興 學 有教焉,欲 獨 天 心 至 諸 道 蔡、 心不 何 尚 行 公無 或 致 下 周 之楚,席 其 明 ,是亦孔 心 治 得不然也。 已哉? 無 道,故 邪? 哉 道 我之心也。 之功 雖 使 不 則 不能 子家 故 孟 斯 所 知 不 汲 學 道 月 暇 之 汲

與子 其 不 足 身 以 列 貢 知者 孔 於 言 子自生 知 德 之,況遭權 亦 「莫我 鮮 民以 言 知 故 語 與 也 來 臣 季 所未 政 路言 叔孫 夫 有之德也,然當 、文學之科者, 蓋 「知德 武叔之毁,苟 非 成 者 德 達

常,而 之中, 有,而 聖、智、大成之説 至於孔子既没,七十子皆喪淆 游、子夏則 則以言語 騫、冉伯牛、仲弓則以 而 從我 有定力者安保其不畔去邪? 不忍棄去者之爲 其所 於陳、蔡者之皆不及門」,以 不爲已甚者邪? 則知者抑 稱 以文學稱,其人果豈易 以 冉 爲 聖 有、季 又鮮矣。 ,孰知孔子之聖自 則 難 又不過 德行 路 也。 則 苟 稱,宰 以 而 非 盡其性分之 於 顔 政 孟 戰 故 淵 事 我、子貢 舌 見 子 孔 國 得 稱, 所 哉? 閔 當 發 子 功 未 利 子 明 子 厄 嘆

者曰 德者,冉牛、閔子、顔淵 子夏、子游、子張是 人之一體,成德者具聖人之全體 微見其聲色之不大也 語 「有見其文章 德之全,而「具體」者未可以 孔門諸賢,有因 有可 也 材 , 是也。 觀也」, 質 有 因 所 「一體」者 德性 近 成 具全體 而 材 渾 成 得 者 全 材 未 者 得 而 聖 成 可 日

> 伯 化 與天道脗合邪? 者,氣之殊 致,日新又 之高下耳。 聖人之於天道也,其有差等亦各因其資 則 已至而不求 則從「一體」上造極,而 從 夷、伊尹、柳下 ,其差等則然矣。 其 體上造 (新,既造聖域,豈肯自謂「工夫」 也 然聖人之學 躋 , 極, 而爲 於天道 勉於所進者,志之帥 惠 而 若伯夷、伊 假之以年,安知其不 哉? 爲 誠 時 一偏之聖; 一不已,中 中之聖。 故限 尹 於所成 柳 也,使 和 是 孔 下 惠 川

牛、閔子、顏淵、有若、子路、宰我、樊遲 孔 門 諸 賢曾子、子思、子游、子夏、子張、子貢、冉

庸》,蓋其平日所受於父師之教,恐其失傳曾子之學在《大學》,子思之學在《中

●「其」,或爲「具」字。

覺稍 外,而 寓人 曰: 亦太露圭 友?」於其 之言,則猶似 以其富, 베 意」、「必」也。 作 貫」, 而 優 於我室,毀傷其 成之,不 然 然與 以 我 然 亦 今而 角。 德 餽 以 觀 止 類淵 物 鼎 則 吾 其 言而 是 以曾子比之,則曾 後 我相 肉 子 晉 子 造 知君 從 也,摽 事 信 道 容 思 、楚之富 新 彼以其爵 形,及避越 之言 之犬 我 處 氣 與 木」之言,則 使 者 象不同 魯繆 有 馬 者 也 耳 所 示 出 奚 畜 不 公論 我 可 寇 ·; 亦 諸 伋 ·足也 子 以吾並 及也 可 而 大門之 子 氣 亦有 可 友, 有 與 見 象 其 雖 言 我 此 其 似 而 所 無 彼 聞

後,子 威 前 依 能 儀 歸 之 稱門弟子好學 子游、 心辟,此 紳 而 論 其 子夏 學 喪 始 學 其 而 就 素 主 初 固已近裏矣。 ,所以 實。 致 本 稱文學之名 哀 務 如 子 外 獨 子 者 舉 張 夏 顔淵 也 聞 論 一,得聖 至 子 忠 詩 也 以 張 而 歟 切 常 知 ? 問 爲 有 敬 禮

> 獨得 以 言 子者 不能 人之實地 之似聖人 加 命 近 其平日 之一體 己, 語 以 思言. 其宗者,亦惟 見其 皆 如 此 求之,故曾子以 亦 雖 有若之識 以 奚益 思義,祭 者言 所親炙於夫子者而 也 其 所 一,其 有 學 成 謙 若 於 道 語 退、自 以 皆 而 似 得 有 也, 實 思 其 此 愛 實 聖 邪? 若之 深 歟 行 敬 爲「不 踐 人 人,欲 知 而聖人之實德 也。 也 ,喪思哀」言 言治 而 不足之心, 所發 然於 此曾 己。 可。 孟 故夫子没,而 以 子謂 與 深造之,則 聖人之藴 揮,不過 所 夫 之學 事 然則 以其「有 見見 士 夫 但 不 此 所 · 當 子 虚 有 危 聖 事 於 聖 必

爲 閔 存乎德行」, 一身 子、顔淵善言德行。」朱子 者也 孟子謂: 有之,故言之親 《易》曰「默 則「德行」 「宰我、子貢善爲 切 是不尚言者也。 而 而 成 註 有 之,不言 味」,是 説 「善言 而 德 冉 行 知

於如 語之 其言 學者 之親 者,深 居 没 所 古 也。 如 此 有若智足以 善爲 乎 後 此 未 旧 之言, 科,孟 此 年,工 信 能 未 則 不 切 宰 其外言 曲 未 説 、聖人 必 一而 及 盡 而 而 我 大抵 辭」者 必 況宰我 之地,蓋 冉 得 能 足 有 己。 子子 其 夫 子 則平昔所聞於夫子之「一 牛、閔 也 徴矣。 過 之 知聖人汙,不至阿其所好。」 汙 語 味 文 、身有 許 亦 貢, 焉。 故 似 精藴足以 辭 則 、有若又 子 可 及夫 孟子又言: 聖人者, 能 子 此 太 謂 之 謂 貢以「善爲説 也, 然三子之所就 而 著 知 亦 其 否 近 又許 顔 子 雖 聖 言 止 耳 裹 則含 殁 淵之成德 未 後 發之,即 人 自 則 矣, 而 其 親 可 世 孔 之 從 有 蓄 築 不阿 切 與 一善講 而 宰我、子 深 陳、 室於 不 而 語 所 辭 以言 若 所好 曲 所 歟 有 深,此其 蔡者 成就 聖人 止 謂 場 ? 味 貫 於 乃其 亦 語 也 貢 之 止 惟 則 口

> 孔 自 也、觀乎宰我、子貢、有若之所就, 之」,非實用「衣 見宣言之易, 竊 子貢、有 之學者知宗 、顔之正宗, 宰我、子 若 有 孔 貢、有若 弗 而 而 顔 屑 錦」、「闇然」之功 卒不 克 精 焉 己之 得與 所 志 _ 一之傳, 難 講 不 顔 聖 也 可 淵 人之 謂 口 而 不 科 於 者 默 亦 汙,亦 大 宰 不 而 미 此 能 成 口

當 言以欺 有詐心 義 羞 行 有 稱 不 愧 及 Ŧi. 宰我、子貢、 顔 則其 矣 覇 人者哉? 淵 非非 -辜,必 所 然其 虚 耻,故「仲尼之徒,五 有若 有所 語 篤 由今之學者觀之, 也 志力行,事 不 雖 皆善 爲,其爲言 充是 心也 於言 皆 , 行 誠 語 語 尺 則 贵 童 而 苟 德

而 有 曾子謂 一干禄 子 張 其 初 見 「堂堂難 問 孔子 行 之學 時 與爲仁」, 本 務 孔 外 爲 子 則 名 謂 其 之士 師 人可 爲 故 過,

崇德 賢 似 其問 日 不 求仁者,得 者於天 嘗使求 氣 子則皆使求之於己, 亦大,皆以 博施 敷 又 篤 之 之見,則 與 也 辨惑, 平 ? 足 以 穎 政 則 當 焉 ,則告之以「爲仁 濟衆」也,則告之以「能 下」,五者皆仁之施 能 任 悟 時 亦 也 其 仁於遠 此 能 皆使 鍼 行恭、寬、信、敏、惠五 時 亦 無 澤及 非 漸 固 爲 又 砭之言大不侔矣。 如 可見聖人教不躐等也。 以子張 其 孔 有 能 己 告之以「居之 反 哉? 天 顔淵、子 有聖 務實, 時 子告之皆言 求 焉能 下然後可以爲仁。 必 於 自 如 已從政,故遂 而 人之一 心也。 爲 如「 於子 顔子 貢,而二子之 由 書紳 無」之言 執 己;子 也 張 志 無 體 德 行 至 近 以 宜 則 在「天 不 倦,行之以 其 切 者於天下, 蓋孔門 取譬」, 後 非 弘 使 實 問仁,則 貢 擴 而 用 所 之事 非 志 行 氣 其 信 以 下 充 力 而 Ŧi. 群 於 在 魄 何 孔

> 列。 狂 然,從容自得,比之粗疏者大相遠矣, 事,志在德 子之教,而於禮尚 必 行,他人所 爲放縱無檢 蓋子 孔 門諸 路 行 賢 氣 不及也,然不 能 哉 質 雖 勇 用 有簡 未 於 事,志 能 爲 卑。 畧之時, 義 在 者 · 得 狂 事 惟 者 厠 功 子 而 則 於 路 胸 狂 性 雖 孰 恣 者 情 聞 聞 悠 之 夫 用 善

志存 此 於 其 前 浴 鏗 爲 沂 孔子 爾 미 己, 舍瑟之時,是 風雩之言,亦是道 以放縱 與曾點, 而 無 無 外慕 檢言乎? 非爲 何 也 意 等 見 其 從 狂 有 真 容 者 口 意所在 氣 之實 取 也 地 蓋 如 至

德 後 其 難 知 後 病 欲 獲」之意也。 進 獲」、 時 也 矣,孔 必 遲 務 既 之學,最 有急效媚 而 義 子告以「先 從 遠 而「脩 遊 神」告之, 爲 舞 神之病,故 切己。 慝辨 雩,乃問 事 惑」亦皆欲 後 蓋 其 得」, 於 「崇德 孔 初 節 子 問 亦 去 先 Ė 救 難 則 先

遲

此

又進

格,以禮、義、信之外尚有

根

難 後 獲 爲 無 所 下 手,如 淵 之 實學

之,亦 鄙,而 則以「先 其 目」也,故告之以「居處 入恭, 執 事

敬,與 加密矣。 請問 忠,雖之夷狄 胡 氏 謂 「樊遲問仁,此 不可 棄也 二,其 最先。『先 言 愈

焉。故「恭」、「敬」、「 之夷狄不可棄」,所以固 難」次之」,則於教 人先後之序似有 忠所 執也,而學始有 以 擇 善 也 不 宜 實 雖

圃 地 有 1隱居 矣。 蓋 欲謝 自是 求 志 世 樊遲 事 獨 而 善 用 樂 其 心 身之意,故 於 園,豈若鄙俗 内,學能 請 自 學 成, 求 田 則

田

成 問 事,使知 者,故又啓之以禮、義、信、化民成 舍者之識 大人之學,不當安於小 趣 卑 陃 哉 ? 孔子以 其 成而 學 俗之 可大 己。

> 之教 治化,此惟成德 之道告之,亦以治化言也。 知未盡 亦躐等矣。 知人」,且 故 又 者 以「舉直錯 以 故 可以語之,不然則聖人 爲問。 樊 遲 之所成,皆切 而 枉 夫 孔 論 使 子 學而 則 枉 者 以 及於 直

説 理會編卷之十二終

也。

七七

説理會編卷之十三

吴袁洪愈訂正 越季 本撰次

学術

聖賢士類等第

見 至 化者也,不可得見,則 思其次之意也。 有善人,善人之下有有恒,蓋 於聖人,已非 ,則曰「得見善人,斯可矣」。 《論 君子者,德 語》言聖人之下有君子,君子之下 具 聖人者德盛仁 行 小才者矣。 渾 成 曰「得見 ~,光輝 亦 一熟,大 善人者,德 外見,雖 君子,斯 又不 不可 可 得 而 得 未 可 而 能

> 滯 得 由 常,久能不變以充其善,則雖君子、聖人 成法漸開明之,然後其善能自爲 也,但爲氣禀所拘,不能發達,必 言人之恒心即 者,斯可矣」。 成迹者矣,又不 性 [此進。 乎? 也。 用 事 作聖之基實在於此,有恒之人豈易 故有恒之心即 是 懿 有恒者,本人恒有之心, 天地常久之道也。 德,雖 可 得 見, 未 至 善根之所 則曰「得 於 、君子, 須以 主 執德 見有 以 而 已 爲 古 無 執 有 恒 而

於「有恒」,則言行硜硜之士特以其規模狹 不易其心,即所 信,行必果,硜硜然 也;「宗族 命」,此德全而才足以有爲,即所謂君子 有三等。「行己有耻,使於 孝弟孚人,即 子貢問士,累及其次,而 稱孝焉,鄉黨稱弟焉」,此德性 謂 有恒者也。 所謂 小人哉」,此謹守繩墨, 善人者也"「言必 四方, 孔 觀孔 子告之, 不辱 子有 取 用 因

者哉? 道 小 可 而 謂之小人 以 天 下化 耳。 成 由 而 此 贵 而 限之止於 充 之, 則 久 於其

子,「大而化之之聖」,●是聖人。諸己之信」,●至「充實光輝之大」,●是君孟子言「可欲之善」,●是善人,自「有

人品誠僞高下等第

渾然, 孟 義 德性之微,不在事之顯 行仁義」亦是 子 能 在 仁義行」,安行也 論 學 中 盡 而 皆 舜 其 自 」,利行 力行以至之,則 本於仁 性 曰 然 渾 流 由 文 出, 然成 也, 大 . 義。 義行」。 則 本 如孔 德,則 爲 以 如 處 發 孔 行 義,性之德也 謂之「行仁義 門 做 其次,仁義 而 達 大本立矣。 所 出 道 中節之和 所 謂 謂 ,隱然人於 「一貫」。 忠恕」。 未 能 故

> 焉」。 於志 義,此 之實 尚 心不 謂 其 其 是 也。蓋以仁 之「襲」,衣之自外加上者,非「掩襲」之謂 忠 I 涉 大 層意思在 恕 ·從外得,便是仁也,故 於隨 本 功 夫 」,行不合宜,心必不慊。 「集義 此與「義襲」者不同。 則在聲色上 也。 Ė 不 離 事 用 免於 事 而 _ 0 内 .義爲美,於事上着意做出一 起 强 己。 不 功,特未 7,所謂 「集義」者,「内 念耳。 恕 得 强恕,然皆德 求「 而 可 只 行,使事 「必 能 聞 在 隨 如一 事上 可 有 事 者, 見 事 起 「襲」是「裼襲 曰「求仁莫近 處 皆順 提 焉 性 求 省 念則 貫」 此則羞惡之 一而 用 爲 忠 醒 不 之合 理 功,多着 疚 主 此 有 於 正 ()無惡 合宜, 間 恕 心 二之者 斷, 求

^{● 「}善」上、《孟子·盡心下》有「謂」字。

[「]信」上、《孟子・盡心下》有「謂」字

[「]大」上、《孟子・盡心下》有「謂」字。

聖」上、《孟子・盡心下》有「謂」字。

偽之心 德性 其 故 免 」者也。 於 第 硜 稍 助 其 硜 一,則 有 長 用 尚 小人「言必信,行 之病 開 心 謂 未有作 明,一 止 之 不 於 亦 假,覇者之假 變可 有 是 僞之心,猶 着 於 其 以 事 非 雖 至 上 真,有 必 非 義也。 實 果」,亦「 得 真 做 爲 體 義 則習 自己 是 流 苟 也。 有 遏 務 亦 覇

義

未

也

作

其

竊

名

以

終身,

自

知

於

變詐之巧,無所

用

其

羞惡之心,

其功

強高

豈 心? 爲 得 故 事 不 者着一「假」字, 斗 義襲」之害 猶 愿 犯 實 「非之無舉 似 者之所 而 筲之人何足算也」;其究 愿 其初 賊也 甚大 手段, 生意, 見 下此 是「 顯 義 而 皆 也。 德 明 襲 鄉 ___ 哉 起 不 不 足 害其 則 其自 愿 可 而 於 而 爲 同 爲 自 而 爲 但 刺 純 如是 己。 以 忧 害。 故 鄉 非 德 小 欺 則 比 之 爲 念利己 人堯舜之道」也 假 聖 孔 愿之假屬 性 其 處皆 以 之 至 名 無刺」,「無 人 子 何有 也, 品 而 流 欺 義 硜 一於 耳 深惡 贵 無 行之體 豈 詐 能 襲 硜 鄉 第 争 易 忌 不 小人 壞 掩 愿 自 覇 者 毫 之 知 陰 尤 至於 攘 憚 藏,使人 則 心 者 所 情 而 濟 者也。 鄉 下 若 義 錐 術,不 揠 又 之假 往 皆 則 愿之學 哉 襲 亂 儀、 動 刀, 加 其 利 而 硜 天下, 鄉 隱 遮 本 以 所 害 不 若 物 不 硜 鄉 飾 晦 德 之 至 稱 陽 口 如 覇 愿

驩

虞

之

效;

至於自

以

爲

是

,則亦不

自

知

其

非

直

有

矣。

然

覇

者

猶

能

屈

己下

賢

以

身

任

忌

浮

言

彌

縫

甚

密,

惟恐

其

忤

俗

而

招

尤

也

天

下

之

重

而

毁譽

不

能

動

其

心。

鄉

愿

則

澼

如

聖

賢

任

道

當

世

所

譏

前

鄉

愿

則

過

孔

子

而

不

人,

於狂

狷

則皆有

以

瓿之,此

也。

其

口

流

合污

能

使衆皆悦之,

亦

畧

有

孔

門

所

不

道

也

下下

此

則

鄉

愿

矣

鄉

愿

之爲

是

何

等謹

厚

,

但

其

忠信

廉

潔

非

其

德

性

中

義

所

爲

皆在見

聞

處

文

著

似

是

而

非

者

禍蒼生,其罪可勝誅哉?

牧皮 者有 爲 者 進 知 能 特 資 不 伯牛、仲弓者是也 下之大本,幾於 夫已能「上 次 書

|
|
| 於 真 高 耻 人 掩 以 兢 蓋 者 中 品品 馬 兢 工 邁 聖人之志, 孔 子 欲人 有 是 夫疏 業 惟 淡淡 甚 子 任道之心,故 游、子夏、原憲 所 也。 業 高 贵 以 達」、「 聖罔 於世 任 不 客,小 耳 也。 任 傳 中 爲。 其次 亞於「中 ·,若充· 情 念作 情 行 人 嘐 道 夫「 縱 節 之士 嘐然 聖,如 之責 貫」,成德在 有 則 胸 肆 念 容 狂 其 中」者堯舜 孔 爲「狷」 所 次超 行 次 是也。 」,只 而 則 有 子思之, 必 也。 不爲 不 顔 即 不 不 則 稱 八爲 淵 然, 可 」,「狷」者 如 作 恤 矜,故謂 爲 古 「中行 而 琴張 人言 必 此 聖 其 狂 人,蓋 閔 無所粘帶, 中, 後 以 謂 得 與 矣。 念 子 0 7、曾哲 來 可 者 能立 者 其 頭 而 騫、 之「行 以 其天 其 相 哉? 可 思 心 有 冉 傳 天 其

容,即 合必 愿 害 如 謂 心,其質 天 拘 却 義襲」只是 者哉 是 自 其 老 其 是 之「愿人」。 下 於 不入孔子之門,指議 而 實、 義 之感 繩 露 有 要人道 心之生意 求 不 是 不自 墨 其 知 襲 至 狷」之於 直不 自 要好 於「中 中一之 有 僞,故 者 則 而 鄉 欺 好 不不 取 安 得同 愿 爲 所「正」、「助」,不 殊不 箇執 其謙 者 矣。 病 「義襲」。 i,以 避 自 則雖大儒 可 爲 痛 人譏 於 欺 謂 德 不 義 知 若鄉 而 着 厚、謹 全是一「掩」,故 執 復 易 即 亦 雖 皆 其 便 義 評 狂 覺 是 日 未 將 獨 遏 愿 襲 陸 亦 義之本 狷 作 耳,此 慤 能 只 知 天 就 則 象 之短 也 有 僞 盡 是 處 亦 命 合 隱 閉 能 蹈 Ш 也 出 皆 隨 未 德 流 忍 藏 謂 體 義 虚 而 世 必 本 凡 行 義 但 直 多謂 以 然 朱 心 已 巾 皆善, 心 之體 品 襲」之 浮 點 不 自 所 子之 以 矣 所 沉, 也。 而 取 未 鄉 僞 應 故 學

一八

然」,異於狂者之「不掩」矣。

狂士

窮,狂士之思,其憂世之意深矣。 克念作聖耳。 也, 士。 有 於「狂」、「狷」哉 簡」,而欲裁之使之居 聖人之志 但以其志 魯之狂 大 以 成 大, 也,故 士 大而畧於細微 孔 在 ? 小 子 父母之邦, 以 孔 周 但 子 成 流 進 敬也, 在 小, 四 道 陳 方 莫 聖 至 如 素 居敬 故 獨 人 所 謂 之 於 思 狂 教 然後 陳 狂 魯 教 育 而 何 以 能 爲 者 道 狂 其

皆可 子思 者 每 夫常有忽畧時耳。故謂「狂」 掩 之, 事 學,是爲學當 孟子願學孔子 必稱古人,雖 亦以 者 則 其 因 志 志 有希聖之志也。 在 而言必稱堯舜, 大言大,不 行 希 或 聖 有 也。 所 爲 若 不 拘 「簡」 所 掩, 小 故 以 節 謂 狂 爲 而 其 孔

係累, 子」,亦孔 盡 喪而 敕之士」,「 者之學有 之志則可,苟無 亦欲 遺 道者 能擺 謂原 肆爲 狂 謂 狂 狂 矣。 見耳 也 流 則 廢禮 歌 哉 示 過 矣。 脱 壤 蕩 肆 則空談 姑 況「狂」 ? 足 世 ,今之狂 也 母 而 子「不 開 依據 季武子死,曾哲倚門而歌二事, 然則 至其 情,無 放 法者之誕説 以 死 前 故學爲 效季 其自新,勿先繩 於禮 語此, 而歌,子桑户不衣冠而 遍天 況於「蕩」乎? 則易於「蕩」,是又不 諸 也 欲 孫寧固」之意焉 此 也蕩」,蓋已 所係累,其 良 家 裁 法 志 下, 「狂」者, 此 所 之外 不 「效伯高 在一、「 而 也,而 蓋莊、列 載 得 徒 而先王之 子桑户 也 以 陷 人品 縛 0 真 豊 不 簡」,正惟 分别 不 爲 孔 可 有 拘 孔 不 世之論者 得, 但 死,琴張 甚 子 天 也。 禮 求 拘 檢 門之所謂 「蕩」之 高 謂 下 若 猶 法 爲 禮 爲 欲 非 處, 輕 聖 引 廢 法 爲 心 以 棄 無 蓋 臨 爲 知 或 其

必道 也,故 孔子 墨者 所 所 耻 戰國之世,士 同道 自卑」 吾 孟 親 若 子 賢 之學必引 其氣象亦 一吾道 登天 性 不 ,聖人之徒 ,「乃所願則學孔子」,又曰 則是大言欺 有求爲聖人之志,惟恐不 既聖,不 能,我學不 程 乎? 直以 人恐道 善,而以 「爲」也。 逮,則言有 子曰「 不 聖人自任。 自 可 孟 而 聖 一風衰 謂「人皆可爲堯舜」,其言 不 自知其 有 幾 而 子 自高 尊, 人之道 厭 也」,非引 苟非 已矣。 不 言伯 及 人,其 不 靡,語及聖人則不敢 而 同 也,蓋 而 輕出者矣。 教不 聖, 其人,而 處。 夷、伊 2 然非真有求爲 必 必 「有爲 心 若 欲 降 故 倦 以「一」爲要焉 豈不怍哉? 而 如 謂 如 而 歉 也一, 尹、 孔子 自 者 概 聖 此 自卑」,●「賢 及焉,況 然若不 高 「能言 柳下 以 至其遇 亦若是」, 人恐人不 非 言 則 乎 聖道之 ? 「聖則 不可 聖 距 惠 降 亦 當 楊 而

> 宗 希 露,然不從實 卑者耶? 見其言之爲大,必亦親炙聖 冉希聖之志也。 高 言」矣,自 狂」者嘐嘐大言,每 高 妙者 而進於「中行」者矣,雖 爲「狂」 斯語」,其學務 語 炫 之, 若孟子才 可 其 地必必 則 也 能 一未 亦 但 無 可 顔 事 可 高 演,故 以 耻 與 必 人德,學者 冉 則 焉。 稱 言 英 惟 必 德 人 古 而 於爲 氣 由 而 日 孔門弟子惟 與之言, 「狂」者之 八,此固 習於 高 不 免 明 徒 禮 於 而 夫

王覇之辨

其 而 言 爲 天下 則 王、「 ·君 覇 而 覇」本天子、方伯 言則 蓋 王、覇之本 日 「王」,自 之 其 名 爲諸 别 也。 侯 **^** 長

❶ 「道」、《二程外書》卷三作「言」。

②「學」、《二程外書》卷三作「言」。

四

詐 以 覇 否 威 子 不 古 雖 王 所 蓋 此 時 記 分,惟 知 道 力 爲 亦 其 意。 經 爲 行 心 以 行 而 其 惟 者 必 德 其 天 己 生 王 覇」爲諸 至 服 事 下之君 矣。 王道 一之言 道 在 歸 行 惟 弟 事 術 義 爲 在人之心 古 所 仁,誠 孟 近 也。 **>** 斁,是 復 必 而 加 謂 孔 感之誠 僞 乎 子 也 則 侯 王 以 知 覇者所行 門 及 則 覇 獨 業 也 矣。 人 有 而 五. 則 所 其 亦 人心必散, 以 、皆懷德,其 ; 孝 日 雖 服 所行 覇 王 羞 衰 僞 世 覇 以 心 司 興 近 諸 功業 道 與 稱 耳 儒 力假 也 術 而 馬 乎 侯 矣。 亦 否 者 0 雖 固 已矣。 之 故 公王 主 必 爲 Ŧi. 三代 奉 霸道 仁,僞 皆 爲 誠 而 孟 有 覇 王 故 而 服 諸 以「王」 人之心 雖 爲 子特本其 覇之説 兄 時 慕 道 王業 迭 爲 侯之長, 王覇 天 論王 則 也。 故故 之盛,而 其 興, 時, 思,是亦 人 子 此 (名者, 日隳 皆 不 之所 皆畏 服 王 爲 誠 亦 必 戰 者 與 則 本 天 有 或 ൬

> 覇 不可 術 免 於 心 之 駁 微 似 同 也 亦豈 亦畧聞孔門之遺論, 而 日 此 斷 語 與 以 爲 矣。 湯、 「假」之一字, 知王覇之真 文之爲方 荀 卿 謂 哉 伯 粹 見 而 其 其 而 而 他 王 不 王 業 所 足 駁 言 興 以 者 不 服 而

子 之罪 也 不 必 其 列 甘 得 敵 受 出」也,若以 時 得 爲 專 夏 耳 藉 征 成 王 國 若 湯、文 室 臺 伐 0 外 不 五. 一、美 權 衰 也, 孟 相 覇, 、受私 微 子曰:「 使 王 里之囚 征 天 乾 一之爲 則 也。 其 吏伐 蔑 行 賄 綱 此 征 天子 者 ,而終不蹈挾威 方伯,以 一不義 國 不 欲 者 所 振 則 而 沮 正 禮 又 專 必 也, 樂 欲 請 有天子之 不 不肯 征 征 行 於 在 敵 伐 天 伐 或 自 義 子 亦 震 天 緣 下 則 命 故 而

周室衰微,諸侯放恣,至於莊、僖,亂

0

行,亦 愈於 救 世 九 能 益 此 合諸 者 之大功也。 正 滋 一方伯 生民 矣,臣 亂 孔 其 侯, 所 門 此 子 所 所 不 莫 孔 匡天 弑 得 能 不 行 子 但 君父, 道 已 者 討 所 無 下 文武 也。 耳。 以 ·, 而 王 齊 不得 夷 命 之法 然所 使其 桓 民 狄 專 受 公 侵 己 仗 請 征 獨 其 中國 雖 而 者 命,勢必 賜 起 而 其 取 大義。 一、天子 而 以力 專 此 桓、 振 也 亦 文 猶 所 服 扶 不

也

歟

子 以 禍 天 君 天 不 王 下 爲 子 爲 免 側 焉 者 之悪 逆 爲 而 遇 奸 挾 而 則 亂 專 翼 王 天 臣 王者 己。 子 而 室 横 相 也 所 敷? 以 不 之, 流 制 苟 亦 以 **\$** 離 制 無 必 得 爲 諸 顛 此 人而 以 忠 舉 侯,此 嫌 沛 趙 君 勤 號令天 之時, 世 鞅 不制 愛國 王 之「以 覇 靖 其 亦 者 於 下 之 難 要 必 之 之義 地 實 歸 而 也 事 啚 正 德 於 生 所 也 或 非 則 民 雖 若 以 蒙 天 所 亦 富 除 奉

君子小人之辨

謂 事。 則 志 則愛人,小人學 小 也 成 夫 同 大 有以君子 「君子之德風 和 謂之小人。 天下, 德,則 人 則居小位,故君子、小 古者用人,位必 節之善,僅 君子、小 然小人之心 君德 同、 與 而 驕泰之屬 乘 天 謂之「君子之澤」、「小人之澤」。 也 則與 ,而居 君子之器, 地 故 人之 萬 ,小人之德 道則易使」 故 君子遂 足 惟知 謂 小人之位 物 有 以 辨 之君子。 稱德,君 同 如晝夜之相反矣。 大 自 自 與 體, 人 守 有 利 則 Ŧ. 之事,有 公私 其 私 者,然其澤與君 也 人 不可 草」,「君子學道 而 覇 身 常 子 其 能 其身而 之别 者 大 以 世之衰也 則居大位 在 以「澤」 通 畧 位 凡氓, 小人 天 則 言,所 相 下之 民 而 不 口 之 德 唐 能 能

名,其後則以「誠」、「偽」分心術矣。 以之列於凡氓且不可,況可居君子之位以之列於凡氓且不可,況可居君子之位不返,則逆天理,併其所謂「民德」而亡之,不返,則逆天理,併其所謂「民德」而亡之,

說理會編卷之十三終

氏

兼愛」,於濟人上做

到

無

欲

此

豈易及

楊氏「爲我」,於保

身上

做

到

無欲

;

説理會編卷之十四

吴袁洪愈訂正

異端

楊 墨 子 莫附論伯夷、柳下惠

並 身之義 父,則似仁 墨氏「兼愛」,似亦 偏 而不悖者也 楊、墨之學,其發端皆 則 然獨 爲 而 私 善 非 見 而 耳 ,其斯以爲中正之道乎。 無 利 也 君 楊 物之仁,然二本 聖人之學,則仁 氏 則 似 「爲 本仁義,但 義而 我」,似 非義 而 亦 倚 也。 守 無 於

其 則不 者哉 外皆秦、越, 有 、學皆本於「誠明」,而 於父哉 於「爲我 知有一 ? 物累,斯 伯夷之清,柳下 但 ? 其 本之義,四海之内皆兄弟, 此由 何有於君哉? 學 已矣。 則不知 只 不 就 以禮教節情 惠之和,是氣質之偏 有 全 私 内 不 同 見 外合一,卒能 以 體 上 禮 成 之仁,一身之 一於「兼愛」, 就 法 故 爲教, 耳。 使其 何 故 心

「時中」之道哉? 伯夷之清,柳下惠之和,是氣質之偏,其 以成己成物者也,故同謂之仁。若墨氏 化以成己成物者也,故同謂之仁。若墨氏 之「兼愛」、楊氏之「爲我」,則學術之偏,其 為各有所宗。「兼愛」爲慈悲之宗,「爲我」 爲清浄之宗,惟成就其私見而已,至能變 爲清净之宗,惟成就其私見而已,至能變

聖 而 人 厚 八中道 則 程 漸 子有言: 『師 ,師只是過 至於兼愛,不及則便至於爲我, 於厚,商只是不及,然 也過 一,商 也 不及。』於

本自 其 差必 如 過 不 楊、 至 同,程子之言似 墨 及 於此。」 亦 古 未 出 於儒 至 一竊謂 於 無 者,●其 師、 未精察。 商與楊、墨,宗旨 末遂 孟子推之 至楊 蓋 師、 商

非 之本,不可謂其 而 過 夫 心 疏 術之有差,即其所差,已 於 前 厚,喜於 氣質之未變。 末 「有爲」耳。 至 一於 此 楊、 也 商之不 墨則 是 且師 無 父、無君 本 ·及,非 之過, 原

失於薄,

怠

於用力耳。

其流

亦

豈

遽

同

乎

?

有 也 雖 次脱然 疑。 害仁義 ,楊、墨、子莫則於世 者不 無 孟子 不掛 君 同 之本 以 氏 似 而 之「爲 糸 仁,但 楊、墨、子莫爲「 不顧。 體 義 頭、孟 襲」者有所「正」、「 則 執 我」似義, 子莫則 爲「賊道」耳。 子特以 一情 之偏 無 不「兼愛」、不 雖 所粘 但 執一」, 其學術 執 至 帶 義之偏 無 蓋 助 與「 之偏 父 墨 而 者 胸

> 其 柳 於 其 與於聖人之列 有以立 義,各因 至 是 無 於 德 無 下 所經 ·惠,德: 偏, 偏以爲終身之學 習 權 性然也。 天下之大本, 熟 也。 綸 其質之所近以 非 但 裁 執 性 所 念 其 制 亦 謂 兹 其 也歟 蓋 所謂 有清 大 清 在 不 其 本 ? 問 静 兹 學 和 之 而 執 自 其 術 術 而 之偏 造乎 流 孰 哉 然之「中 原 不 中 行 知 ? 從 非 爲 無滯 其 矣。 其 有 一偏 此 極 執 爲 而 其 •, 能 害,則: 若伯 上 着 孰 所 何嘗 擴 則 而 文 充 其 倚 非 中 心

子 違,但 德 先 亦是 闢之。 之法 其 秋 心 口 時 謄 包 談先王之法, 口舌 藏 墨之説,雖 世 雖 點僞 以制 大 亂 心,足 在 繩 然 孔 趨 2 士 子 以 尺 鄉 大 時 欺 步 愿 夫 皆 世 猶 最 故故 知 孔 敢 亂

⁰ 固」、《近 思録》卷十三作

王」,原誤作「生」,據文義改。

尚 則覺二氏 之,遂成「無父」、「無君」之俗 未 盛行,至于戰國 孟子於此安得而不辯哉? 爲能 擺 脱 塵 ,先王之法蕩廢無 網,故 則 聞 者 又 欣 别 然 生 存 趨

老附論儒釋道、修養術

佛

往,其 所動 之言 所 然楊 當戰國 而 大 同,古今之爲吾道害者,惟此二教 未見而 賢 佛 不 者,必其 朱之教 士大夫之趨其教者,皆所親 、老之書説 程子言「佛 書不盡傳, 歸 時,「楊朱、墨翟之言盈天下,天下 遂謂 楊 則 與 言 其害之未甚哉? 歸 老 得微妙 亦 而 墨」,蓋 氏 老之害甚於 後 甚 同 世 深 ,足以動賢 、墨翟之教 不及見 妙 無賢 也。 士大夫 楊、 耳,豈 但 見故 士大 墨 其 與 而已。 事 佛氏 不 可 也。 此 因 己

佛氏之教與墨翟同,其法主於普度衆

於 爲 别。非成物不可以爲成己,非成己不可 氏之教與楊朱同,其法主於遺棄事物,然常利 能遠嗜欲,不動於心,然不過成 生,然常忽於所厚,非聖人「一本」之學也。 己,則不至於自私,用己以處物,則不至 已,謂之「合内外之道」不可也 成物,此「合内外之道」也。 一身,非聖人「無我」之學也。 然就其 極其所造,俱 故用 物 私 一於無 以 見 以 脩 而

孔子之無棄物矣。 但 愛身自善,故於天下之紛争必能 善推恩矣。老子,道家之至聖也,其教主於 物,故於天下之墊溺必能拯 下皆當厚之人而薄於庇親 一必天下皆難化之人而果於忘世,則不及 釋迦,佛家之至聖也,其教 ,而佛、老之學所以爲異端之害也歟 此堯、孔之聖所以 救之。 則 不及 主於捨 違 帝 但 避之。 得時 堯之 視 身

❶ 「修養術」,三字原無,據本書目録補

偏 清 氏 世 於 生 通 法 也 有 暴 濟 守 害 變宜 客 其 者習於「無父」,而 ,未見其 静全身。 衰 用 度 不 歟 周,人 可得 可 形 爲 要之,其 處,以之保衰 佛 論 失, 也 神 心 民, 氏 世之治 後 而 捨 方嫉賢 必 爲害也 以之居 則爲老氏 此 其學術 然佛 遂 制 身 初釋 不 二氏 各專 也 普 亂 肯 氏之學 施 志 危 迦 有 則 年 所 適 流禍 以 生 邦 其 者 以卒 可 然 不 以 教, 與 不 於 慈 可也。 色相 習 也 而 論 時 斂 可 亦 遠矣。 悲 夷 於「 别 歸 ,以之避 不 族 藏 宜 得 有 化俗。 狄 立 能隨 於 之善 相 而 用 爲 無君 老氏 老氏 法門, 偏 合 事 行 處 人皆尚 1,雖 時 惡 也,則 之學 亂 老子 愛 必 而 以 從道 其 偏 之 世 身 徒 以 生 則 所 亦 獨 以 口

此 雖 豈父道 佛氏之教失於縱 至 親 哉 遭 其 殺 老 戮 氏 則 之教 ,故惡人肆 但 失 E 於 劫 忍, 暴 故 而 加 善 知

> 被 無 待 患 争 其 而 傳 而 不 流 已 知 之失 救 此 豈 而 雖 始 君 天 下 甚 道 墊 也 哉 於 危 氏 則 害 但 日

之心 學耳。 所 爲,專於自守 濟之量 大,其爲失心體之正 加 着 行 則泊然任 時止 至於 誠明之學 謂 周 佛 遍 而 寂 氏 廣 而 滅盡 止 所 其 濶 른 無 全在 見 所 與 比 安耳 一也 此 而 萬 之 幾動 毫失 老 由 老氏 物 氏 不 同 處 佛 E 則 知 知謹 爲 處 但 氏 聖 體 大 比 能 老 清 而 故 誠 而 佛 氏 時 明 静 其 必 行 之 氏 無 無 雖

净, 世 無 兼 之 佛 則 色、 愛」 根 知 佛氏言空 無 欲 見 則 開 所着 難 香、 也。 佛 以一 以 知見, 也 味、 言 中 兼 爲 不 是 愛」爲安,而 觸、 無 然 着 出 示 眼、耳、 世尊 法,是六 於 世 佛 「兼 終 知 爲 脱 見 鼻、舌、 四 所 不 根、 悟 大 成 矣 得 佛 因 六 就 濟 身、 知 緣 度 塵 者 意 衆 於 俱

此一見,是亦自私自利而已。

則爲 喜? 矣。 吾何 不喜者 羞惡 當喜之神藏 精 同,恭 哀 乾不息,正 當哀、當喜之道。 精 哀 而 而 處 處 者 '惟一「空寂」使無 喜之矣,其所當喜 哀 由 如 與 發 爲 同 佛 其必 敬與 當哀 7,知慧 亦不復求之心;遇 是 、吾儒 矣。 者,從其心而哀之矣,其所當 而 而 氏 遇當 常感常寂 中 不哀? 以 、吾儒 有蔽乎? 時 於中,是爲喜怒哀 吾儒 節 異。 求 與 或 哀 之 未發之中 吾儒 之恭敬 有 自然哀,遇當喜自然喜, 惕然常存此 和 則 佛 是當喜也, 吾何爲 與吾 不 必 氏 之是非 於是治其己私以 哀者矣,當喜 此吾儒學問 精察之,是當 慈 加 擾焉,聽 同,羞愧 儒同 也。 悲 不喜者 喜 與 同 而喜者 吾 若佛 樂未 心 其 其自 亦 ,則當哀、 獨 與 儒 所 之功 氏 其 吾 發之中 時 之 感 哀 然 從 而 復 哀 則 所 惻 或 儒 而 也, 其 遇 乾 求 未 求 不 有 而 隱 未

> 是 意 謂之外,此 不 之 動 而 即 告子「外 至 於 應 義」之學也。 事 而 學 問 以 求 異 中 處 只 遂

者哉? 正。 聖人之心主 宗,但其用不 氏之心主於忘世, 氏 之心主於出 一「止」也。 以忘世爲用,聖人 黄久菴 體 用 世,則 謂 竊謂「止」處已自 於經 ·同耳。 源, 儒、釋、道 以 豈有 則以忘世之道爲「止 世 出世之道爲「止」。 以 佛 則以 經 氏 用 三三教 世 以 不 經 爲 出 同 不 皆以 同 用 世 世 而 蓋 其 爲 之 體 用, 正 道 體 佛 爲 老 氏 日

也。 詳 脩 見《攝 養 術 以 生 閉 正 論 寶 爲 要功, 非 正 學

許行之學

許行之學出於墨翟。觀「賢者與民並

説理會編

之學 及 世之教也。 無 耕 而 則愛,秦人之弟則 能 從之,所 僞 而 出 不 」之説 食 於楊 掛 饔 飧 造必 絲 許行 朱, 則 而 頭 皆 觀 治 甚 至其, 能 墨氏 不 超 性無 使陳 愛」之説 與 脱 一尚 成 夫「 善 就則 良之徒 告子「 無 同」之教。 市 價 不善」,「 非 則皆楊 不 棄 許 不 貢 行之可 動 其 吾 師 心 氏 告 或 遺 弟 學 中

告子之學

觀 此 蠢 也 生 杞柳」之問 理 即 無 孟 戕 告子之學不 所 子》 賊 用 無 若 杞 中 心 善 桮 柳 , 所 無 謂 而 棬 載 不 爲 性 則 必 知 四 善 抑 中 待 所 條 義 本 遏 於 之本旨 終,然 之問, 無 者 本 戕 皆 仁 性 賊 六不 其 義 亦 人 杞 而 所 畧 學亦 但 柳 不 能 矯 可 知 蚩 而 生矣。 揉 見 漸 後 性 蚩 也 矣。 蠢 成 本

知良 不見性 以 離 之見,故曰「仁,内也」,「義,外 爲 旨 耳。 之問 善」之本旨矣。 善惡皆謂之生,隨其自 故又有「生之謂 此 此 仁之精别 本 也 下, 也 生理之不雜於氣者乃 於舊見,乃以犬、牛與 則 孟 心, 有慈愛之 心之生者 0 此 知 子 則謂 告子因 又「性 爲主宰 孟 蓋 性 所 因 子告之以「人無 不 謂 以 處 長 性之爲 可 有 善 可 心,遇 悟生 而 爲仁 矣。 離 即「一本萬 惡 以 性」之問 孟 禍 始 根 皆 爲 子恐 此又「有 生不 善本 本 應 矣。 善可 親 性 義 矣,於是 幡 動 所 而 其 Ė 可 人 出 但 之 即 有, 認 而 分 者爲 有 殊」之道 然自 以 爲 自 而 猶 説 發 别詰之,則 氣 性善,有性 不 不 性 無 然 爲 但 有 V 用 也 也。 爲 善,水無 知 氣 不善」之本 性之自 由 分 而 有 而言 生,終不 定之則, 告子 别 本 人 告 湍 所 内 無 蓋 所 子 始 不 能 爲 恭 示 則 有 罪

求勝 見已 以 夷之之憮然,豈其 問 子以「嗜炙」爲説,宜 子 觀 强 動 亦 有 漸深, 爲問,至再三,則知「仁」爲在内,其所 未精 理 其心,本 是 不自足,觀其初問時以「仁」、「義」,皆 知 則又不知告子矣。 爲 欲 此 耳。 煩 外 理 而毫釐之間亦易點化矣。 耶? 義 無「正」、「助」之病、特於「義 夫告子心體 反 而 疑 不 若朱子 有 孟 爲 得 其 子之 也 於 盡 謂 自 悟 已無 言 其 ,而終不能 然之樂, 屢 實告子 所累,其學 義」 變其説 爲 及孟 已能 而 以 猶 如

求氣 謂 勿 求,心亦可以不求乎? 求 也 「可」,「勿求心」曰「不可」, 者 理自明矣。 於氣」,但欲澄然無 告子「不得於言勿求於 持 義襲」之謂 志」正所以「集義」,故氣可以不 理由 也,求心者,「持志」之 内 生,所謂「仁内」也 孟子斷其「勿求氣」 事,從心所欲 而 心,不 養氣不外「持 . 得 於 耳 心

> 然外義 故 者 則 心 非 他,即 有 不 精 心 之裁斷 於物 矩 處 亦 也 不能不 - 踰矣。

之非 其以 内者 孟子以「外」爲「義」者,故孟子力辯 外」而 ,何其終不悟哉? 「外」爲「義」而爲之也。 「外」,其言反覆開明,告子本用 孟子目告子爲「義外」,謂其 不爲 也。 象山目朱子爲「 蓋告 義 以 子亦 「集義 外, 「義」爲 心於 謂

楊慈湖之學

然此 工夫 之類,皆 着 不 者, 乃「即 得 楊慈 以 如《大易》「洗心」、《大學》「正 毫 湖 爲 心見性」之宗也,與《壇 之 氣 非孔子之言。 學 力,故凡聖 謂 心 本 無 經、賢傳 意、必、 所見甚超 固 有及於 經》何 心 脱, 我

蓋曹溪以佛氏之言言聖,慈湖以聖

夫言也。 能去之。故孔子謂「行」爲「力行」,是以 可遏耳,非工夫惡能拔去病根邪? 免有意、必、固、我之累,必須用力克治乃 善,心果無蔽,順其自然,何待脩爲? 氣質不齊,不能皆無不善。 而忽於下學,其害教也大矣。夫人性本 人之言言佛,同歸於「自然」而已,非「精 」、「執中」之宗旨也,將使人妄意高遠, 但工夫只自仁體擴充,使其勢不 己私牽擾,不 但

説 理會編卷之十四終

説理會編卷之十五

吴袁洪愈訂正

後世占ト非古

之卜, 官法 用, 姓 但 且. 如 迷 所 治之,亦不知 謂 蠻夷、氐、羌雖 於吉凶之故,雖父兄 而 先 或以金 儒 其 非 1 以《易》爲卜、筮 神 若 筮者,主於 後世之論 以 石,或以草 知 畏 來 無 事 也 君 利 開 ,所畏者 -木,國 臣之序,亦 而 臨之, 害 而作 況 物 也 於 成 ,未爲非 不同 師保 惟 務 百 聖 在 以 姓 人 有 俗,然 鬼神。 誨之, 决疑 前 乎 以 百 民

公之输 京。」晉獻 飛 易 後 姬 父筮秦伯伐晉,遇蠱 世 繇 則其言豈 粗 占 凶 1 以 故 公,遇歸妹之睽,則 去之餘,獲其 其昌, 辭 迹 立 世不知《易》之爲教 神 聖 ,身安用利 筮之師 可謂 耳。 爲 車説其輹,火焚其旂。 明 人 鳴 如陳懿氏 斷 其 因 鏘 並 公卜 不贅乎? 知蓍、龜 先 例 其 德 以言告之,則 鏘。 薰 于 師 雄 明 ,此聖人 德既 則不 立驪姬,則 正 狐。 有 而 1 有嬀 蕕 卿。 言「蓍 妻敬 通 矣。 過 + 神 日 之 史蘇 ,則曰:「千乘三去,三 春 之後,將 以 :「爲雷爲火,爲嬴 明 所 欲 八世之後,莫之與 外易 年尚 仲, 以 秋 ト 則 開 以 無 固 1 筮 以 日 機 人 爲 則曰:「 不 晉伯 筮 後 猶有臭。」卜徒 理 是 :「專之渝, 八心? 不利行 統 聽 易 神道設教 育 推 而 1 易 信 觸 于 説著 姬 測 先 而 趨吉 姜。 嫁 鳳 龜 執 筮别有 利 使 師 秦 亦 凰 害 其 齋 而 也 穆 攘 是 象 避 敗 敗 于 五

哉 ? 也; 矣。 他意。 觀 見 中 《易林》、京房《火珠 易理 則皆本於《易》矣。 其死於高粱之墟。」如 也。 宗 變,辭在 亦有此理,不以 「貞」、 」、「蒙」、「驛」、「克」者,是以 周公、孔子復申爻傳, 貫,何 雖 斷 丘 年 「克」,於筮 及文王 筮, 於 夫伏 乃復别繫之辭,則《易》外又添一説 也 其 利 歸 「悔」者,是 於 足 逋 其 害 羲作《易》, 蓋後 妹 繋解 1 以 中,豈 時 睽 逃 則 開 或 則 正 正 孤 歸 其説 日一 雖 林》之類耳。 測 日 自 易 以 心 其 筮 此 寇 「貞」、 知, 以 爲 雨一、 一體 哉 理 有 爲 法僅 或 類者甚 張 發 繇 ? 然 畫 非 之外 四 而 之 明 瑣碎 存,而 聖一 無 棄 占 悔 伏 弧 其在《洪 則 霽」、「 也, 其 别 多 羲 或謂 如 古 一心,亦 煩 当皆 Ŧi. 有 之 漢 姪 1 後 而 難 雨 意 氣 世 其 因 焦 明 範 之 占 無 象 無 理 年 從 而

> 考,意其 定天下之吉凶、成 立説也。 詳見《揲 必不 不 然 著遺. 若 則 後 ト、筮 世 法 天 辯 下之 一於易 亦 亹 理之外各 小 亹 術 哉? 耳 何 以 「貞」、 足 私 以 見

以 以 然亦 画, 建陰 卦 易 驛」、「克」者,以 龜 外 墨界其上、下、左、右,定爲六位 「定墨」,蓋 與 起 相 ,如筮以 卦, 庶 陽 豈 此 易以 驛」、「克」而 卦之例 「蝕」同 足 别 天 而《 以 有 雖 1 雜 地 後儒 見龜 龜法哉?《祭義》 洪 之情, 取 「貞」、「悔」 統 既 則 其下 範 拂 尚 氣 不 得 之爲 所 拭 》言ト 占, 可 占也 己。 記 立 體平正 而 古 詳 未可 易 以 故蓍、龜 去之,有似 耳。 别卦之二體 雖 「雨」、「霽」、「蒙」、 惟 則 耳。 爲 日 易,易 以氣占 必 古者 「雨」、「霽」、 易之吉 其爲 兆 有 常 、欲使 分明, 於蝕 卜龜 曰「聖人 並言之, 抱 而 聖經 也, 凶定 亦 中 但 以 南

之以 坼之巨細 定墨」 金 至 我 之神物 「定墨」之法不 瀍水東,亦 1 食」,卜 縢 一公無 無 去 · 或 於 音「問 觀 若 乃ト 霽」、「 一者,凡 私 墨 龜 其所坼。 裂 乃 乃後 私 也 其 洛 澗 器器 如《 而坼、 卜三龜 則 惟 旁 而 水 蒙」、「驛」、「克」之兆不 故 1 能 者。 世 非 洛 龜 吉 洛 東 之巨 能 以 傳 破 岐 若從 殺 虚 亦 食。」河 龍 則言「食」 墨 紹 蓍、 而 細 苟 瀍 龜 贅 心 細 畫 天之明。 未 所 出 未 麻米 鑽 水 乎? 以 墨 龜之意。 曲 亦 離 龜 謂 灼 得 西 待命 而 朔 禮 則謂 鳳 不 之名 以 「吉」則 坼大,謂之「兆 黎 || ト不 也 惟 謂 待 大 求 術 我 者 水 洛 之「璺坼」。 抵 墨 吉 也。 卜、筮者 也 吉 1 注家 不 食 矣, 四 一鑽 兆 而 兆 河 . 過 吉 夫蓍、 再 係 乃 而 謂 則 以 朔 我 也 於 況 亦 畫 史 鑽 V 不 黎

至

龜

水

故

坼 之德 以 爲 氏 必 者,契之鋭 其 灼 難 華 德 觀 或 世 之 猶 道 以 氣 得 洽 以 死 作《卜論》蓋 1 龜 龜 者能 有 家之説 妻 俱 火 者必以 ,必皆殺之,將 遺 于人心, 浩 然後 説 君 而 敬 子 1 守 晦。 鑽 学言 蓋 其 起 也 龜 仲、 及 孫 知 視 有 頭 法 於 燋 在 龜 天 況 兆 寧 晉獻 惡 也。 庸 何 贵 大夫之家 何 火 已 春 骸 道 經孔子序《易》, 焉。 無與於《易》矣。 王 ト不 忍 如 時 盡 秋時 炷 有 故 故 而 遺 但 公卜 其 殺 廢 於 何 疑 使 我 以 中 王 乎? 至 重 焌 以 於 契」者,鑿 如《 坼 世 大寶 此褻 而 立 者得 亦 靈之 契 待 此 也 哉? 當 左傳》所 ? 燒 或居 驪 後 矣 而 龜 然 極 荆 之以 龜 姬 物 1 聖人好 稍 乎? 則 察,未 否 之辭 聖學 揚 吹熾 盛 乎 也 況 然諸 熏 則 ? 龜 爲 灰 稱 鑽 載 龜 失 耳,豈 大 骸 聞 皆 陳 龜 侯 竊 世 唐 傳 觀 龜 其 懿 蒸 所

之詭 兆或 氏 爲 +; 以 其 就 百 占 測 而 遂 王 易》哉 . 所 千 庚」之説, 意 亦 使 有 命 既 不 於 異 又乘之以 干, 龜 掌 果 謂 可 傳 不 1 獻 能 ~聖人 百。 + 名 想 作 占 得《 復 「頌」耳。 師 公之繇 前 如 也。 兆 民 興 墨 掌 知 周禮 而 甲、 後 則掌 也 周 間 亦全 占 開 頌 龜 神 世 + 蓋 故 禮 或 坼,是皆 Ŧ 龜 龜 皆 而 然其 》之「頌」, 事 於太 所 龜 鑽 遂 無 致 有二百,其書雖 龜 成 用 己。 亦 傳《 丙、 有 相 小 如 墨 意 策 於 死 遂 1, 十二月之兆,又乘 仍 龜 見 六 龜 T 義 傳 戰 不 觀 鑽 墨 以 自 所未 鄙 經》 親、六畜之屬, 其所 出 也,皆 之屬, 或 漢 灼 氏 爲 爲 亦 則《 猥 之士 時 尚 死 掌 古 龜 不 得 掌經兆之 周 皆本 猶 出 龜 爇 法 術 2者《周 不 何 過 則 有 於 之法 燋 不傳 耳。 易 足 如 衰 此 吹 得 之 白 以 大 其 陳 誠 《周 世 也 横 之 語 體 説 懿 則 推 而 法

> 之本意 觀 足 待「定墨 流 易》大相戾,故著其説以 其 之 耳 開 所 其 灼 肣 亦 識 之坼 加 豊 身節之 抑 觀 果 又 也 坼 爲 下 則 而 坼 彊 矣。 墨 不 哉? 折 固 復言 俟 其 内 口 兆 知者講求 外 以 廢 史之「定墨」矣。 視首 之 後 也 橋 前 世 之 垂 龜 「定墨 云 俛 則固 仰 與

筮,既 也 定, 謀及 執 見聖人之 愈 金 洛 龜 其 同,鬼神其依」; 誥 縢 而謀 乃 筮 若 《大禹謨》: 私 》所 龜 **>** 心,謀 謂 則 協 謀於心、又謀於 見 又愈同 者 言 從, 謂 **一**ト 心 而 至 以 乃 我 非 1 不 及 虚 舜命禹 聽 1 决 卿 不習言」,是不 立 則 無 $\stackrel{\cdot}{\equiv}$ 疑 《洪範》曰 河 \equiv 命 士 何待 物, 不不 龜 人 朔 於 謀 卿 以 曰 黎 天者矣。 不 疑 於 及 士 水 「朕 相 習古」 敢 何 庶 1 一、庶 小,我乃 「汝則有 參考 志 以 ١, 再 人,志 筮 先定,詢 1 也 謀及 哉? 謀 舜 其 則 也 自 將 又 既 所 1 先 如 謂 私 有 此

ト 枯 於卜,故曰「大 長 逆」之説,蓍、龜 筮 有 又 故 再 以三三 水 洛 而 株 耳。 筮 沈瀍 Ħ. 專 曰「卜、筮 東 1 異 不若 相 職 洪範》亦有 其 , 以 筮短 禮 水 此 故惟 一爲節 爲 命 以 此 覆 筮 **>** 西 則卜 占, 統 Ĭ 贵 辭 驗 襲 龜 龜 筮 ト 不 耳 再 惟 洛 可 有 則 1, 互. 長 1 亦豈謂 事 澗 相 洛 之吉 三之瀆 也 靈 固 禮之所 與 「龜從,筮從」,或「龜從 _, 相 筮不 水東、瀍 則 襲」者,蓋 在 食。 性 則 並 ト襲,筮 推 其 舜 否 一, 故 小事筮」,而《左傳 用 易 决, 必 過 法 我 哉 1 有也 矣。 者並 期於 則 尤以龜 不 ? 又 禹 水 以 故各立 不 1 與 相 以 西 而 蓍、 但古 蓋 占, 、 筮襲, 謂 嫌 瀍 得 通 之外,又 卜人、筮人 禮先筮 即 龜 爲長 焉 於 吉 ト、筮皆 水 以從 官 者大事 哉? 並 相 東 事 則 而 稱 若 龜 1 而 蓍 以 而 分 不 亦 1 也 後 各 因 筮 瀍 其 爲 爲 决 口 心 條

> 或謂 禮家 之大小 行 龜、 深 精 易 可 易 蓍 而 德 而 一 哉 ? 盡 業 筮 神耳。 爲 後 蓍 本 但 數 有 信 遂 伏 1、 枯 無 筮協從」,則唐虞之前 師 亦 龜 則 數 羲 著 因 稿 高 龜 要之龜 之術 遂分 異 主 觀 聖人 亦 始造 爲 亦 下 之物哉 於象,蓍 傳。 於 筮之法 兩 殊 事 輕 近 二體, 不 龜 用 焉。 法 理之所 重 而 生,龜 意 ? 1, 淺,推 短 在 丽 必 不 故「大· 贵 其 主 龜 前 神農 夫 不 當 知 惟 或 一於數; 所 ぎ 筮 亦 知 起 測 時 以 然 推 不 始 蓍、 事 之説 法 於 各 龜 二法蓋 1 耳 龜 極 出 下、小 以 在 何 窮 有 師 龜 所 象 亦 蓍筮 後 時 蓋 其 而 血 之 之德 則 占 係 皆有之。 觀 術, 龜 氣 自 術 事 皆 窮 於 難、 之 俗 有 雖 遠 本 贵 筮 於 而 靈 傳 蓍 於 而

曉 龜 之文,註 龜 周 策 禮 傳 以 爲 龜 **>** 日 攘 》、《禮記 卻不 「天下和 祥 0 平,王 月令》 此禮 道 俱 誠 有 不 而 口

統 長 龜 丈 千 其 歲 叢 乃 滿 生 尺 滿 百 寸, 莖 下 故 有 神 取 龜 寸 守

莖以 即 可 寶 上,長 滿六尺 天 生 神 即 物 可 用 永 世 ; 龜 常 得 靈 長 苟 七 有 1 不

祥 道 微 必能 地 常 呵 愛 寶 何 待 蓍 於 生既 攘 卻 微 哉 龜 ? 亦 意者世 遠 去, 衰 取

耳 者 因 是 不 能 殺 至《 中古 牲 龜 取 策 法度, 血 傳 以 削言 釁之,將 則蓍、 用 粱 龜 多 卵 以 有 被 假 不 龜 靈 靈者矣。 而 於 灼 血 亦亦 氣

此 意 則 也 棄 去 其 之, 曰「夏、殷,欲卜者乃 以 爲 龜 藏 則 不 靈 蓍 取 久 蓍、 則 龜, 不

神 之,則待 是當 蓍、 時 龜 未 何 有 以 釁 如是之輕哉 也 然 而 1 已 皆 又 日 棄 古 去

神 •• 出 者 於 <u>二</u>十 江 水中 枚 輸 9 太 廬 1 江 官 郡 常 歲 則 龜 時 生 又 非 龜 難 長

得之物· 尺二寸 能十言十 也 當」, 其 説 而 亦 自 不 相 能 牴 自 牾 解 矣。 於 刀 又曰 鋒 免 : 剥 龜

刺之患」。

又曰:「

庚辛日可

以殺

龜及

鑽

又加 龜 被之,何益乎? 鑽 剥 0 信 刺 「若已ト不 之 則 不 以 數灼 之義 誠, 鑿 龜 開 可 也 則 其 龜 以 燒 中, 不 此足 數 是 玉 靈 下 灼 皆 則 以 宜 靈, 體 祓 也 所 矣, 知其法之非 之以 揚 灼 而 乃 以 皆 其 欲 死 卵 灰 死 其 龜 假 龜 外 以 之 又 矣 血 古 甲 懲 日 甲 也 氣 後 : 又 而 而 即

卜,孔 以 知 梅 虎 自 大 在 日 1 ·, 或 言 所 精 相 1 然 望 ١, 協 末世 誠 感 季札 成子 往 以 氣 或 但 而 而 子 灼骨 往 以 ト、 已 觸 聞聲、 以 所 以 游 有 碁 耳 樂 以 禮 筮多用 靈 1 ١, 精 1 開 驗, ١, 故 求 夏 其 誠 , 或 物 雖 趙 籖 其 此 他 以 則 成 小 以 不 孟 擲錢、 其 應 威 能 術,或 問 紫 務者,主於天理, 法 以 故 也 儀 先 筊, 姑 蓍、 詩 何 如 1 知 聽鏡 1, 以 1 哉 多 龜 誠 沈 鶏卜, ? 因 或 襄 而 尹 相字、 則 無 以 仲 推 神 氏 陸 明 他 4 歸 測 龜 以 或 也 則 蒙 觀 蹄 亦 惟 政 以 父 而

平所 孝,與 則 大 爲 即 1 正之問,則依 固 法 勢導之以 1 是易矣。 謂 易理, 無 人弟言依 筮 1 傳, 賤 筮者 與專言禍 業,而 而 善。 昔嚴 統 龜 於 ,蓋皆後世之術也 亦 君 筮 可 順 聖人既没,易學失真,雖 不 一爲言。 平 福者不同矣。 ,與人臣言依 盡合古矣。 惠 衆 筮 與 人。 於 人子 成 有 都),然其 於忠, 要之,君 言 邪 市 依 恶 於 各 非 以

讖緯術數之學

於此 誰 往 數 慮 而 ? 未 之 假 可 等處 學 人言 起 人之聰明以 以 則 知 亦 機 鬼神 禍 未 來 能 緘 嘗强 先 福 未 即 莫 事 有 露 感 發竅 知 求 奇 而 之 可 其 驗 知 前 以 者 然 者, 不 知 亦 知 也。 由 ,聖人之所 無 應 如 亦 乎 由 讖 因 邵子 皆實 我, 知 幾 緯 也。 之 日 而 更 理 知者 動 由 顯 乎 著 思 即 術

> 未 知 然可求之理,此聖人所以不語 雨 惠 來者 幾 迪 則固 此 人雖 亦聰 0 聖 至 X 誠 以 明 所 之 逆 之偶 爲 前 不 区 神,然亦不能 知 知 而 發 也。 也 己。 竅 若 然 知 一、已 則 今 其 也 能 日 悉 是 所 知過 晴 中 起 用 非 便 明 乃 近 日

易緯

説 行 以 讖 耳。 爲 緯之學也。 九宫之法, 《周易緯》述陰 孔 子 以 前 其書出 讖緯 作, 陽、 之亂易道 則 西 僞 漢 日 哀 作之人自文 辰、 平之 數 自 讖 此 世**,** 及 始。 太 其 蓋 或

- 「吉」,原誤作「言」,據《尚書・大禹謨》:
- ❷ 「西」,原誤作「東」,今據文義改。

焦延壽易林

義矣。 與詩應,亦胡 狐」之類,蓋附 父筮秦伯之伐晉,所謂「千乘三去,獲其 繫辭,是即《左氏》載 生,所謂「同 王後天卦序之意也, 子《易學啓蒙 耳」,非易道之必然也。 焦 但每卦各自爲詩,不用文王、周、孔 延壽《易林》以一 復于父,敬如君 爲 卦變圖》 桂所謂 一家之言。 可 卜楚丘 謂知「貞」、「悔」之 蓋 卦變六十四 偶然 本 於此 筮 雖所 如 所 成 讖 ; ,此即 占驗畧 季之 辭 2 卦, 之適 雄 將 文 徒

京房火珠林

《火珠林》也。以三錢擲之而求卦,其法以《京房易傳》以八宫卦爲序,世所傳

便就 矣。 物 瑣 處,❸便算將去。 也,而非《 售於世。 聖人之糟粕以 雖 圖象辨 尅、陰陽盛 曰:「京房輩 斷例,比 納甲分六位, 無 邪 閲 那 有 擇 僻之書無不借《易》以爲説,蓋 房之術以 不 疑 相 日 於焦《易 見底 麗 固 辰 房之所以用之之驗者 易》也。 衰 於陰陽者,故淺 算布五 有説矣。 説 斷吉凶 以 爲 候 時 數,捉 風 六 且如今日一箇人來相見, 精深,所以 節 **>** 雖 斯言 辰 雨、寒温,各有效驗,則 算得這 行,尋察 何則? 加 ,蓋以己意凑合而 西己 他 密, 六 盡之矣。 那 親 箇是好 而 眩惑斯 陋之術 影 地脉,以至猥 天下之小術 以以 益 裡 遠 世 才發 又朱子 廼 皆 天 於《易》 應、 不是 其 下之 得假 而 見 術 取 成 生

1286

^{○ 「}公」、均據《左傳·閔公二年》改。○ 「同復于父」二句、「復」原誤作「腹」、「君」原誤作① 「卜楚丘」下、據《左傳·閔公二年》當有「之父」二字。

^{) 「}裡」、《朱子語類》卷六十七作「象」。

莫知 便算 術數之學只從動處起,故謂之推測。 好 人,用 不 不由 . 得 得 極精密。 乎我 此 即 邵 更由乎 康 他 節 只 是 思 誰」之意 動 慮 便算 未 起,鬼 也。 得, 神 凡 静

揚子雲太玄

初無所 《易》六十四卦。每首 樣,借以 家,如「中」之畫爲「|||」、「應」之畫爲「|||」、 九 八十一,爲八十一首。 《易》中只 一家。 失」之畫 、二、四都被聖人 州 揚子雲《太玄》:一玄生三方, 九州生二十七部,二十七部生八 以三起數,三三爲九,而窮於九九 取 識 ,特不過以四畫分之,有八十 爲「二」之數是也。 于象、于義 有陰陽 八 十一首之名耳。 説 奇 耦 了,❷却杜撰,就 而係之方、州、部、 四象。」「揚子 首各有 朱子 名,以擬 三方生 謂

> 妄作矣。 不 截。」又曰 上 成箇 起 數,謂 物 事 0 之天、地、人 「看 只此數言,可 了《易》後 事 去 事 以見《玄》之 看那《玄》, 要 作

常法和所傳靈碁經

盛此經授之法和。 傳,至晉太康中,始有 以 謂 爲重陰,以上、中、下分天、地、人三位,猶 三、四之數,一爲陽,二爲陰,三爲重陽,四 上、中、下各刻四碁; 爲 其先張子房受於黄石公,而東方 晉襄 兆 城道 者 也 人常 自淮 其法以十二春刻一 法 和 南八公以後,秘 衣黄皮老翁以 擲計其所得一 所傳《 一靈碁 朔 經 竹 而 得 面 之 或

②「二」下,原衍「三」字,據《朱子語類》卷一百三十七
●「中」、「應」、「失」三首之畫,原皆誤,今據《太玄經》改。

删

101

説理會編

魏之季 歟 俚 乎 桂 傳 爲 自《太玄》以 何 碁 寶 或有 在《 雖 止 易 ? ? 經 來,信 貨 亦 承 以 虚 南史》已 術 偶 天 、珠璣、金盌、玉盃」之繇 陰 位 中 一》之類 顔 非 翼 故晁氏 Ĭ. 蓋蓋 註 大 陽位 爻 晉、 傳 卷, 矣。 或 下 何 行 擬《 而 唐 漫 而 之 家 宋 載 無 下 時 次 其即 《宋 曰 : 成 李 無 《太玄》 而 所 註 以 不 靈 經 推 卦 遠 作,而 無 論 亦 前 中 洞 驗 斷 東方 也 叙 可或 字, 唐志 述, 林 無 有 藝文志》五 吉 而 客 而 。」今觀 歷 **>**,</br> 取 道 依託 發 が朔撰 X, 凡一 從 有 識 或 叙 而 焉, 耳。 者文字,其 **>** 有 南 尤 獨 洞 而 諸 東 百 淺 東方氏以 ,晉顔 上、 來 若李遠 下 極 其 卦 不 家 方 觀 則 哂 及 行 1 繇 遺 立 中 而 朔 元 者也。 此經自 此 **元** + 筮 辭,皆 類 别 幼 我 無 而 儒 之 經 之書 明、宋 之 有 名 五 必 良 中 占 無 包》、 爲重 胡 叙 財、 卦。 下 鄙 書 靈 然 晉

非以其無關於大道而不足録邪?

郭璞洞林

更 其 加 斷 密 郭 例 耳。 於於 璞《 洞 桂 皆 林》 體 非《易》 上 》亦《火 隨 》之正 意 珠林》、 取 理 象,比《 也 之遺 火 法 珠 世 但

關子明所傳洞極真經

爲資 生 南 數,以北 明 東 ,而極 之式, 几 方三爲資之式,而 之所傳次 之式,而 爲 洞 生之式,中 方一 有 東 極 \equiv 方 真經》, 也。 爲生之式, 畫矣。 極 八 有 爲 其 央 莫 育之弎, 爲 畫 極 Ŧi. 每 知 極 矣。 有 爲 作者 西 也 極 育之式, 南 又 南 畫 又 演 一爲 以 方 矣。 起 元 而 九 西 於 魏 爲 育之式 爲 洛 方 西 又 弱 九 以以 資 七 北 書之 朗 爲 東

漢魏 立名而爲之傳。 云。 内篇》演洛書之數至於九九八十一 九二十七而 易》,亦杜 一十七象,而又多用奇字,蓋本於《太玄》 雖 以 其 後,好奇之士所作 序 撰者也。 極終,亦 論 本 觀其以二、二、二爲象,凡 河 猶 置 近 爲 世 ,自以己 説, 一蔡氏 然 無 意畫 也 皇 與於 極 卦 蓋

衛元嵩元包

音義 者,奚足道哉 本 譎 於《易》, 衛元嵩所作 怪 一, 所 謂 而 自 以 《元包》,祖 爲 艱 之 深 傳。 之辭 京房 其文字奇詭 文淺近之説 八宫 佳

司馬温公潛虚

司馬温公《潛虚》,以河圖生數五,成

廢矣。 作《潛 《虚》則以一、二、三、四、五、六、七、八、九、 《玄》之以方、州、部、家分四位,皆假説之 《潛虚》之爲臆見可 至此八書,有聖人作 謂温公喜《太玄》,全無見 變、其占皆以 七音爲「變」,猶《玄》之每首九贊也。 十定名,而以宫、商、角、徵、羽、變宫、變徵 分於九,成於八十一,故爲八十一首。 名耳,無所係於義也。 率、侯、卿、大夫、士、庶人,分十體, 《太玄》,揚子雲作《太玄》以準《易》,温公 五,合五 虚》以 十五 擬《玄》。 意 凄,初 而各立一名。 以 例 其以王、公、岳 無 而 《玄》之數起於三, 推 自 同 處。 文, 矣。 然 觀 法 蓋 則必 象。 自《易緯》 此 温 公最 一言則 在 朱子 亦猶

二〇五

邵康節皇極經世附梅花數(

以 之物,則 貞,於時 者,天地之大限也,故 變耳。 四,自 殊」之理,而 也 天 一,自三十二而六十四,然不 倍,則分老、少而 飛、草、木,足以盡萬物之感應;元、 向 加一 天 康 ,足以盡 四 明道 動 地之體 節 中 謂 而八,自 則 皇 日、月、星、辰、水、火、土、石,足 倍」者,陰 静之間也。 謂 爲春、夏、秋、冬。 所 極 造 其 謂 天地之變化,性、情、形、 用,暑、寒、晝、夜、雨、 經 化 「萬 八 加 世》之數 而十六,自十六 爲 殊」者,亦 陽 一倍法」,一言 於德則爲元、亨、利、 所 自 也,陰陽之上又 四 謂 象」矣。 起 而 於 以此 不過 過 一,自 一者, 一」,故 本 以蔽 觀天下 陰 而 四 太 陽 風、 加 之 之 萬 而 極

> 平不陂 哉? 昃,月盈 陂 變危 類,事 不 者,雖聖人 推 讖 隨 秋 運 始,皇、帝、王、霸、《易》、《 艱貞」則吉,「于食有 ·可爲 》,足 而 緯、 時 測之,來 以貫之,其 世、 不求 爲安, 而 事 無 術 已, 無 而 以 歲、 皆 數 則 知 「艱貞」之福 遂棄之哉? 亦 盡 則聖 物 食」,此 也 之 殊 分 往不復」,此氣數之常也,然 月、 聖 何能 推 能 途 亦 爲 賢 同 前 可 四 測 日 氣 : 哉? 歸 知 得 之事業。 固 致力邪? 數 氣 因其 辰, 亦 而 自 所 數之常也,然 也。 何 福」,不謂 在《易 惟 知 有 足 限 思 機緘,隨 故曰:「吾 也。 即 道 以 何 書》、《詩》、《 豐 所 以 · · 定 若反亂爲治 慮? 盡 泰》之「無 》之「日 然聖人 因之禮 至聲、 而 立忍謂 其 天 其消 時 不 有 地 豈 而 之必 口 之道 中 其 知 一假 音之 損 長 削 時 乎 於 春 而 益 終 而

者 字立 分合 憂,宜 能 欲 以 術 照 窺 處 多所疑 不 因 有 文自 ·必知 貫 康 事 ,亦有 其 也 日 節 如 通之妙哉? 説 中 之微 張子 惑 也 觀 爲 以 牽 此 求 强 不 者矣。 房,亦 觀 則 家 知 倚 謂 而朱子之論 其 知 引經 湊 其 則 論 康 不可 處 時 徒 況無 節 萬 之必 故 引義 有推 物 之所言、蓋 謂 康 蔡 之變化, 康 消 不 測 節之静 别 季 節 雜 而 之 爲 通 不) 勞,而 亦曰 謂 象數之 聖人 蓋 謹 説 虚 其 亦 : 日 用 安 有 學 而 中

之,盡 意此 其 加 非 知 人之禍 即 怪 如臨 邵 之,安 倍 出 是 事 康 外 法 蜀 節 終時,諸公在廳 説話 只 福 Ш 用 精《易》之數 推 是 人董 數 測 脩 他 心 推 短 五. 在 虚 所 ? 算得 經 房 而 以 以 明 中 之能先知, 上議 其 故故 事 盡 來 不知,故 物 聞 皆 無 聽 後 之 得 驗 得 事 成 也 程 也 而 敗、 待 髪 恐 子 又 以 謂 喧 差 始 竊

> 自 傳 而 後 焦、京以下言《易》者,惟 베 知 明 道 耳 謂 此 其 於 康 儒 節 術 之 未 數 見 康節 所 得 程 爲 切要耳 也 所 歟? 以 不 肯 然

古 聲 軋 大 後 必 地 前 類 所 是 四 歟 其 尚 者 而 類是也。 之屬於天者也 未 推 象 識 是 聲 ? 也 未 康 未全 有 測 生 節 成 也 ,某音某字必 然 則固 亦 焉。 ,至沈約 字,其字尚未成言,以其 以 有 而 有有音而無字者,鳥、獸、蟲、 有 也。 然無物之先未嘗有聲,形氣 有 聲、音分四象,平、 因 平、上、去、人,開、發、收、 可 當 其形 ,開、發、收、閉,音之屬於 前 則聲、音之成其 人 而 始 知 生而 無字者,風、 爲 爲 氣 者 X 四 而 静 也 而 有 始始 非 之韻 此 聲、音之學, 謂 限節矣, 發於聲 上、去、人, 在 雨、雷、 某聲某音 鄭譯 有生 氣未 故 閉 其 相 魚

^{)「}心」,原誤作「以」,據《二程遺書》卷十八五

耳,而 約 諧 相 也 爲 七 推 則 測 音 康 欲 清 節聲、 所 求 以 濁 道 不 盡 於此 輕 及焉。 音之説 聲、音之變,而 以 重 喉、 則 可 室礙 然亦 舌、 以 蓋 默 本 矣。 但 識 於 可 唇 數 此 非 以 言 牙 爲 於於 自 干 語 有此 微, 支 可 相 互 則 傳 調

端 息 之後, 於丑 清 而 人窈冥,無 年十二月推 地 半,氣 即即 而 其 闢 ,人生於寅,至戌 會,每會 漸 通 康 是 是爲 於 節 乎 開 斂 丑 機 以 火 夜 可 藏 混 少 則 升則 矣。 之知 之而 一元十二萬九千 聞見,然 之 開 沌 濁 萬 陰 氣 但 水 天 即 凡 知 1 陽 漸 地 其 天 降 天 寂 百 也 其 降 而 初 然 地 然 年 升降、 開 水 人消 間 如 -, 天開 分之時 潛 也 天 中 於 之 伏 人 地 物 渣 子 六 渣 夫 往 而 向 於 盡 滓先 人 百 ,水、火 滓 晦 來 己。 之時 形, 年 已皆 消 未 此 宴息, 是 嘗 至 物 以 分 地 也 於 止 淪 盡 闢

世

傳

康

節

有

^

梅

花

數》,

謂

觀

梅

之

計 其在 銷 其 物 地 勢將 至 海 依 沙, 水 水 水 其 以 中 生 前 形 得 土 渣 鑠 沙之中,有 中 物 土已 滓 始 成 以 漸 成 高 生 不 之所先 自 走、 泥 一生意 乎 盡 生 之 出 則 生 生 而 有歸 得 沙 功 之物, 出 ? 一之遺 下 下 有 飛之類生焉 物 一,得 未 則 天 遲 之功。 此 水之後乎? 化、然 出 無 蓋 掘 者爲原,上者爲 氣 有 地 實 分 速、先後、未必 蜕 水時, 雖 得 自 則 爲 龜 豊 氣 數耳。 也。 先,故 螺、 、龍 元、會 天 爲 必 미 有 泥 以 地之大分言之, 先,故 則 ,所謂 有 盈 蝆 或 沙 先後 已終,尚 殼者 泥 有 虚 今人於 其 以 漸 要之,天地之大, 螺 菱 消 沙 神 爲 積 其 言哉 限 息 Ш 以 蝆。 最 未 蓋 殼 高 於一 波 依 生於寅」 ,然後有 靈 混 即 有 最 而 濤 形 Ш 龜 凡 未 沌 開 堅。 陰 時, 湧 此 從 闢 陽 融 而 推 者 前 植 皆 化 初 旧 後 相 土 蝆 依

日

而

於

觀

梅」之説

畧

不

及

焉

則

此

家

1

筮

之書,

尤諄

諄

發

明

^

皇

極

經

世

來

儒

亦

未

有

言

其

學

如

觀

梅

者,

故

胡

通

萬

物

之情

類非

小

數

自

宋

以

桂《翼

傳

.

外篇》作於元皇慶間

歷

叙

爻定 據 未 林 林 數 一》之遺 有 而 體 改 以 此 小 輪,悉 也 、用之位 亦 法 變 五. 其 所 行 觀 依 不 説 家 一,以 同 梅 掛 者 推 者, 二之以 象 也。 所問之象數分於先天、 測 配 掛 之 夫 時 則 後 ~ 物之名,專 從 天 洞 術 上 1 林 因 以 掛 乃 起 郭 氏 主 Ŧi. 動 火 動 則 珠 洞

所候之中末 五行之生尅 驗 盛 於 衰 互 體 爲 斷焉。 、變體 前 蓋自 吉 之。 外 信 元 傳 而 易》之體 乎 微微 末 别 明 非 道 雖 時 人所爲 有 康 妙 不 節 異 不 變 未嘗 明 肯學者 傳 用 通 前 言 舊 乎 與 妄 ? 其 成 也 兼 假

以

語

故當

時

亦

鮮

知

卦、

立

爻之所

自

卒

無

所

明

意

言

象

數

之

藴

而

知

邵

伯

温

有

H

先

君

之

:

也。

贵

於

加加

倍

法

之

康

節

以

爲

重者

歟

然

則

觀

梅

二之書

其

術,

然

亦即

其

欲

傳

明

蔡 九 峯 洪 範 皇 極

今觀

康

節

所

精

止是

加加

倍法」,

乃

從

陰

會稽

出

鍾之類

耳

,於《易》中

奇

偶

之

交,

剛

爲

術

而

斷

例

則

亦

猶

^

洞

林》

晉

陵

得

後

天

X

則

以

柔之應,凡至理之

所

在

者,

固

未之及

也

陽

消

長

之幾

論

進

退、存亡之道,遠

窮

天

地

學,但 六 所 爲 極 蓋 + 未 象 本《太玄》、 備 九 潛虚》稍 洛 其 峯 也 書 列 周 蔡 爲 殊 氏 + 數 不 近 歲 洞 沈 知 自 之 極 故 洪 數名 象 *\ \!\ 然 運, 撰 範 乃數之定體 耳 此 潛 皇 比 書 而 虚 極 於《 原 將 變 其 以 而 以 至六千 太玄》、 意 作 補 即 以 以 起 五 明 河 **^** 啚 洞 百 數

理 會 編

贵 哉? 而 原,而沈 名,皆不知 有加矣。 故洛書即 洞極》二十七象,司 體天地之撰者至於《易》而 岡川 季通言《易》亦 沈 通 柔 遂以洛書專言數邪 似亦贅言矣。沈之先君子季 立 趨 復别 本」者 時」 揚氏之《太玄》八十一首,關氏 以 而 明 者 爲此 作者也」,乃復自謂洛書數之 河圖,而 也 也 未 ; 書,是將 知 數乃象之流 數在 馬氏之《潛虚》五 洛書 河 象中, 圖之外豈 本 有 止 止發明 加於《易》也 矣,不 本非 行, 通 别 即 河 十五 可 嘗 有 所 置 謂

諸 卦 氣 不 同 之

之,非 分卦直日之法」以文王卦序乾、坤、屯、蒙 掛 氣 自 自然法象一定而不 焦 直 延 日 壽 之説,其所分 以 後, 京房、 可易者 揚 綴 雄、 大 抵隨 也。 司 馬 意 延 光 爲

蓋 平 六十卦 數,與費氏一爻直一日之説不同。 也。 各以 法」大抵 有六週,而 卦直一日,六十日而 夏至,震 坤直乙丑 依《易》書本序,以一卦直一日,乾直甲子, 之日,四時各專主之氣,各卦主時,其占法 四正卦則直二分、二至之日,坎直冬至,離 六十卦,一爻主一日,六十卦爲三百六十 起,至既、未濟,除 一分、二至 焦則舉 餘四 庵何所據 項平 其 日 而 本 卦震、離、坎、兑是二至、二分用 春分,兑秋分,不在 觀 庵 成 ,至未濟直癸亥,盡六十日。 盡 無 於《易林》,其震、離、坎、兑之直 卦 其 則 數,而約 而 三百六十五 以 氣 善惡,此費直《易林序》之説 謂 爲 異 不係 焦氏 此 也,但每 震、離、坎、兑四 説邪? 於三百六十日,京則 於周 盡六十卦,則一歲 卦法自乾至未 日 天之運矣,不 卦直六十七分, 六十卦輪直之 四分 京 房「卦 日 之 一 事外, 夫以 濟並 知 當 事 而

終也 天也 餘 然京 正 離、坎、兑四 起 比 之餘也。 之半,正 五. 有五」爲名,除元、餘、齊三名無變外,其 四 六十 卦 中 焦 三百六十四日,少歲日一 半,八 十二名皆有 掛 止 至司馬光《潛虚 所 孚 爲 則以餘之一名足之,故其 則 而 應 天 均配 四 密 以六十卦 , 加 雄 自復、 節節 過 日半,少 耳 合四分 踦、贏二費,贏爲半日, 踦 則 其 0 日不復次,歲之餘也。」則與雄 候 正 於 以六十 與 京 度,日之餘也。 一卦直二分、二至也,故其四 中。 屯 首共七百二 京 所 七 西己 以 歲日四分日之三,而六 日之三之數,亦甚 不 用 變,共三百六十四變, 三百六十五日四分日 圖》則以「天地之數五 至蹇、頤 四卦 同。 桂 其數之不足以 皆 雄 用《 配之,不除震 每 十九贊,爲三 與與 日又四分日 太 解日 朔 首九贊,爲 焦 不 「餘 不同 牽 爲 合周 卦序 半

> 曆 皆大約言之,不可以爲曆法盡於 九峰《洪範皇極圖》起於「一」,「一」 周 以 節三百六十之數,亦猶《焦易》之以 111 乘,以盡六十四 十爻而直三百六十日之例,是未可 限,則亦言其大約 九千六百爲終, 1一 爲自然。 世》以伏羲先 九二九二亦以 天 謂 也,又何以必其終不差邪? 謂 之運則 季 康節曆不會差」,而 贏 通 同 然元、會、 的 可,以 用 天 牽 不 卦 卦, 「八十 强 得 爲 耳,未嘗 重六 耳 歲之日 運、世、歲、月、日、 也。 而 曆法如 + 一元之歲 惟 蓋 蔡 象周 邵 四 以 以 季 此 紀 掛 康 掛 三百 則 閏 通 以 此 節 氣 此 以 不 所 餘 歲之運 爲 也。 之説 而終於 曆 三百 + 可 以 用 世 圖 家 語 依 辰 極 爲 萬 所 造 明 康 相 伊

)「千」,原誤作「十」,今據文意改

諸家各因象數揲蓍不同之法

揚、馬 以 口 然於易 度」之法,司馬氏 用「三十六策、虚三、分二、掛三、 法,自京以後,多以 二、掛 策,虚一、分二、掛一 從卜肆之便耳。 揲 法 道 、分二、掛 、揲十、七變」之法,蔡氏 京、郭 之外未免 [牽强 爲 邵 則用「七十 甚,蔡法 一、揲 以 錢 其 有所 代 卦 以蓍起數者 、揲三、八變」之法 蓍 四、十 起 加,其術 於 占 Ħ. 理 一策,虚 後 皆 有 頗 人務徑 揲 三、 用 則 順 揚 終 用 自然, 五. 有 五. 氏 五五 几 之 則 截

天文

古者曆象,日、月、星、辰,所重在於敬

以 春 偶 盡 次 理 言,凡占休咎, 此,因 宋、鄭之星,鶉 預 或以其人。 祲 訛 垣,下分 之有名,或以其形,或 釐 務,求合天 授 有神人 紀。 雜 起。 ,反爲術家之所晦矣。《春秋》昭十七年 秋時,始以 於占驗也,故 百工, 則 易 人 出 淫 順 時 . 時 其説有 合遂謂 無 循至戰 其 邪 列宿 庶 自 倫 作, 常 績 君 考, 温 星本 咸 所 而 辰 時 不 火 非 天 凉、 類 國 臣 非苟 熙」之言, 不言 事 有 常 爲 爲 細 可通者 以 無 主 寒、 變 游談之士 愆 是先 周 商 名,名 故 星 德 定 應 無 事 分,而 沈 暑 星, 也 名。 天體 以 虚 罔 窮, 應 則 而 得 其位, 文 王敬授 可 參 因象立,上别三 率以 而 敢 生 是以 其 殊 紀 亦 分野 以 而 爲 事 育 不 附 正 非 不 己。 見其所重 晉 應 日 或 誠 私 違 聖 而 爲 星 知 之説因 人 智推 星, 纏 以其 具存 後 、時 惑 名 人脩 名 氣有 至 觀 作 世之 之實 星 龍 於星 所 初 求 焉 成 之 能 之 允 政 爲 無 氛

哉? 哉? 後,乃 以 可。 孛 星 好 後星名庶子,則 也 庶將分争也。 Z 耳 必 一,其 ,其 雨 星 言 指應於星矣 曰:「然則《洪範》言『星有 加 知此 説非歟?」曰 前 爲咎徵明矣。 贵 故以「心」名天子明堂 其 也, 而 星爲 心 可 偶合者耳,豈 註 則凡天象之變,但當求占於氣 其 以 家以 月風 太子,後星爲 説 箕、 夫彗孛之流, 氛祲之大 可,而 者 爲 畢 雨 : 以 好風者箕星 而 「星之有 以 以爲占必 王室分争 專屬 時, 星 定 庶子,象 爲 則 一,前星 爲 加「心」之 爲 天 好 一,好 好 在是 風 從 子 風 在 風 名 雨 一、好雨 星 明 雨 Ŧi. 天 上,則不 太子 星有 之占 一所好 者畢 年之 子 堂 應

日 食

日光爲月所掩則食。古者日不常食,

疑 亦 理 夫 馳 其 可 以 四 恐日 於助 矣。 馳 焉 時 + 以 陽 皆 猶 助 氣 庶 陰 不常 ^ 與月相 陽, 年 盛 人 所 周官》救月 矣。 之 而 走」是 以 故 食 間 月 助陽也、《書》言 救 也 射則陽氣反爲所奪耳, 不 日 也 能 必 日 亦伐 此 掩 伐 食即 食 故 可 鼓,而 者 鼓 以 也 爲大變,惟 业三十 者, 見 又人 觀 古人變調 「瞽奏鼓, 非 春 爲 人 秋 月也 走 伐 可 則 且 鼓

元凱 此 高 者 年九 祖 古人曆法所以但貴於隨時考驗 如《春秋》莊十 以 月 三年 日 長 皆 食 月、十月,二十四年七月、八月,漢 雖 十月、十一月,漢文帝三年十月、 曆推之,皆不入食 頻 有 月 頻 常度,然 食,固 八 年、僖十五 不 有 可 不 限 以 人 常 年二 食 至襄二 歟。 理 限 推 食, 而 杜 食

歲 差

之薄 舒 隋 十三 以 本朝洪武中,刻 六年,千 曆 餘 而 》距 劉 Ŧi. 簡畧,不言 東, 日 歲 年、元 蝕, 十年差一 年差一度。 焯復定 竊 洪武十七 道 曆 日 歲 意歲 數 年 氣 常 家 四 差 機 許 分 之法」 内 相 以 差 内 之一 偶 所差 衡、 傳 轉 度,宋何 七 年甲 漏 或因 經數 清甲 息 以 而 術 十五 王 起 博 而 ,自晉虞喜始立差法, 爲 縮 恂、郭 其差甚微,故 益 於天 天 子 士 十人,初 辰 不足,故 有常 天漸 年, 精 地 |承 積 元 V 之震 密 統 閲 天復定以 度 守 唐 度 差而 而 據 百 百 四 敬 無定 可 天 差 四 摇 行 元《授時 分 復 推 度 竟不 年,推 十 西, 不知 定 復定 之 或 法 者 常常 百百 年, 以 歲 大 平 也 齊, 其 以 日 辛 運 演 至 漸 而 約 於 定 所 仍 E 何 差 而 有

> 曆家 之曆 皆卒 以 屢 起 算 與天合, 耳 以 伊伊 屢 然 爲 差哉? 之 如 ĴΠ 用 周 變 謂 而 不 衰 也 不 其 得 以 强 此 不 一蓋以 後 不 求 古 差 然 Ħ .曆 其 蔡 此 精 則 有 所 耳 季 其 以 不 也 通 敷 人 隨 行 深 食 ? 有 時 信 常 占 限 故雖 用 候,脩 而 何 食者 康 至 於 節 政 而

納 音附 月 忌

音 脩 其 求 隔 皆 甲、飛宫之 中 養家 泄 難 等號 鄒 八相 記 天 衍 無 六十甲 生 機 以 「納甲之法」,則借月之盈虧 而 意 則 附 之 後 義 類 漢 瑞 益 妙 子 歟。 0 婁景 談 桂堂以 之, 術,豈 納 天 其 以 音之法 以 乃 必 之術 便 爲一大衍 至 非 前 假 讀 誇 金 所 異 也 二不 耳。 加 未 大之辭 術 有 海 以 除 知 沈 日 中, 欺 數 何 家 蓋 存 乎? 所 火 以 後 中 起 加 明 爲 覆 以 如 以 納 爐 遁 推 爲

説 子, 立 通 而 候 其傳 解 者 數 以 理 之概 亦 如如 甚 亦 却 非 多 此 不 衛 口 自 視《易》也 義 出 道 而 通 然法 焉 夫 於聖人,不 可 9 而 以「月忌」爲河 盡 象 然 ^ 信 火 祇 皆 哉 珠 況術家之説 臆説 倚 ? 林 可 象 謂 **>** 後 耳 立 以 易易 人乃 圖之中宫 意 配 欲强 中 理 自 渾 不 所 爲 天 爲 甲 有 口

擇日

衍 其 事 則 民 各以 實 用 擇 時 順 未 柔 時 H 擇 嘗 者 其 日 而 益 私 日」起於 有 則 行 初 意 紛 所 擇 干 紛 抵 有 爲 拘忌 日 . 時 不 當 取 法 而 至於鄒 曆 相合矣。 於 亦 順 也。 行 象日、月、星、辰 無 月 簡 故 者 拂 其後 蓋 外 陰 則 衍 故各伸 事 陽 事 擇 談 諸 有 之 月 用 家 當 天 正 剛 而 自 其 順 敬 而 行 日 説 爲 時 動 己, 者 授 求 有 内

即 之 避往 顧 彼 嘗 贵 天 負 多用洛書 决,非聖 來,行兵 有 亦 口 决 脩 因 事 以 避甲子 欲 此 事 係 氣 猶 時 亡亡者; 分 盡 人事之效也,「人和 假 圖 乎。 各 是 於 運 蓋 豫 不 主客 而 此 書 有 則 時 之自 時 (拜將 如 人教 則 異吉 ,有不避 以 飛 所 此 日 禁忌,百 地 天之所助 有避 口 . 哉 ? 定吉 徒 以 然耳 此 ,有避歲星,有 人擇 利 宫之法」,逆順 干 ; X 惑人, 明 豊 支、 會 四廢 也 地 凶 道 甲子者 大 故 年 通 日 而 利 孤 禹「 在是 順 有不 之意。 其 乃 吉 不亦遠 併 不 若拘 不 虚 時 爲 得 M 理 叙 其 如 則 矣。 者 術 則 以 疇 於諸 旺 事 避 有 人和 不 乎? 古, 定 地利」亦 家之所侮 互 且 由 相 」之本旨 謂 四 避 猶 避 故 太 用陰陽 吉 其 家之説,則 盡 廢者,皆 往亡,有 將 成星 自 乙 事 有 M 而 廢 漢 孟子言 事 盛 所 者 不 遁 不 所 一晉以 則 和 也 足 勝 能 甲 不

説理會編

决勝負 得 寺 之可 故 九敗 事變之有不測,不敢以 日 者,何所指耶? 用 ·, 俾 沈 之宜,而豈 吉,又重之以 以定其期,是用備 此 孤 經七書》未嘗 而 乘 顔 術 ,雖兵家 精 虚 況 也。」斯言得之矣。 者耳。使泥 其慮,而 旺 而 : 天 附 「古者將 相 時 惑人之術哉? 亦豈 言「天 1, 成書自神 乎? 戒 意必 及於此, 則 肯 其誠, 日、時 有 時 物 猶 事 爲 謂 人謀 註 於 於 恐 此 陰 其 則 家 古之擇 非 而 有 風 戎祀,必先 誤 陽、 决 則 説 似 亦 所 行 司,習儀 雨 人之法 耳 者 所謂「天時 古 以 以定 風 之 兵,則十 矣。 者 雨 時 日者,既 有不時, 此皆實 行 吉 日 晦 於 哉 擇 兵 区 禮 必 冥 時 ?

風水

堪輿家以「氣遇水則止,乘風則散」

正 理也。 焉,不 心,近 也,天之吉氣 氣 德,又不勝其 女構精之初,所 明晦、慘 磽、疏密之異宜,不 之著也」,非 發於天之謂 則復聚。 所發,游 地 其 也; 形散 陰 也、 理者 氣發揚 純 爲野土」, 謂 世 疏 《禮記》 於太 也,人之吉德也 皆日 舒之異候,又不 故藏 歸 郭 也、 士 盡 大 于上, 璞 鍾 乎? 也 瘠也,地之凶氣 雜 虚 「風 夫多 於地, 爲 於人之謂乎? 日 揉 形之所散,藏 感 非藏 誣 水 晦 爲 又曰 矣。 虚 則 死 爲 .勝 也 世之言 昭 則 發於天,鍾於人,此 互有 必 於 所惑 、慘也,天之 其 明 密也、 「此百物之精也 必); 歸 地之謂 風 雜 勝 感,感則 邪 土 焄 水 也。 其 揉 以 也 於大地 肥 正 嵩、 也 然地 矣。 之説 雜 「骨肉 乎? 也,地之吉 疵 夫 純 揉 悽愴」, 有 必 也 X 明也、舒 疵之異 矣。 則有 氣 天 至 本 生,生 氣 則 斃 又 聚 地 理 於 也。 神 非 常 男 有 肥 日 于 成 利

也

天且不

得

而

知,

而

地

又

安

能

爲

之

主

所

起,不惟

人不得而

知,雖

天亦

不得

而

知

遭,貧、富、窮、

通之異受,

出

自然,不

知

此

短,其

變

不

窮,

是以

强

弱、

壽、夭之

殊

凶

或

以

凶

而

遇吉,或吉多

而

凶

少,或

IXI

多

൬

吉

少

其

界限之錯入,分數之交

加,

彼

長

M

承

則

所

會者乖

戾之氣,

謂

之

五

性之偏,

所

由

生

矣

地

以

区

一發,天

以

区

應,

而

愚、

不

肖

所

由

生矣。

其

間

或

以

吉

而

遇

則

所

會

者

中

和

之

氣

謂

之五

行

之

秀

而

聖

X

德

也

地

以

吉

天

以古

應,

以

吉

承

乎? 拂乾 靈 因 使 而 往 坤 秀 然 東 而 以 應。 寓 人 之正 也 異 地 人 靈 劑 專 哉 可 木 然則 乎? 生物 白 先 ? 鍾 里 ,豈祖 於 大 之功 若 内 葬 山 化 夫 外 經》 渾 宗 粟芽於春」,此人所 Ш 而 風 淪 有 之朽骨各私其 遂]1] 權 言 各 氣 不 不 「銅 有 相 同 在 天, 豈 ·; 此 通 分疆 Щ 貫 西 則 崩 水 地 不

方

之 之 多 擇 遠 耳 求 也 Ш 豩 世 風 實 絶 뻬 水 損 彻 一,今以 燥 於遠 畜 則 風 己, 都 水 本 益 亦 高 京 水者 鷄 生 ,居之則 有 崇 而 祖 增 夫 是豈 、父皆火 可 以 壅 皆 相 豚 先 宗 致 卑 有 其 必 死 遂 爲 則 腫 富 爲 得 陰 積 以 財 美 骨 爲 欲 因 風 以 陽 之 貴 風 德 生 不 改 生 定 矣。 而 得 風 而 水 爲 疾 化 育, 觀 水 也 民 煩 啚 生 蔭 水 五. 蓋 所 常 計, 燥之疾; 其 風 人之居耳。 而 邑之 以之 百 生 贵 無 而 乃 致 栽 由 理 水 後 家 年尸 墳 所 富 人 松 此 歸 富 也 而 富 致 栽 誉 貴 墓 以 功 貴 植 孰 則 不 貴 棺 一,每 富 利 果 哉 瀍 栢 道 於 而 太 不 觀 天 知 貴 相 不 蓏 澗 生 卑 風 得 以 爲 之 宋 道 寒 夫 所 者 朽之地 仍 聳 民 則 之? 風 則 水 所 京 遠 楚 古 食 地 以 哉 多濕 望 不 以 丘 丞 蓋 富 則 太 口 成 之 高 亦 相 偶 貴 孫 野 乎 非 則 而 景 居 彌 有 祭 仲 然 者 則 由 不 風 V

哉 焉。 依, 神 神,則 無 棄 以 者,皆神 升 又 蔭 灌 其 感 資 使 於墓 魄 葬 水 故 始 但 無 則 可 其 親 此 矣。 土 降 銀 地 且. 形 制 謂 百 何 反 至 蔭 親 而 求 耳 葬 若 之 雖 年 終 爲 以 能 上下 墓祭 也 不 理 膚 神 駐 理 事 所 速 云 定 是 知 葬 也, 不 之禮 朽 錫 朽 以 禮 苟 主 則 福 攸 死 故 菲 忧 死 之 歸 壞 可 亦 分, 乎 有 惟 古 而 在 古, 而 欲 也 理 於 之 而 起 ? 大 之 其 求 洞 誠 於 欲 世 蓋 故 速 大 形 葬 此 於 後 敬 察 神 神 倚 而 聖 朽 化 凡 葬 其 乃 纍 者 心 墓以 於 欲 出出 神 人言 使 棺 不 子 所 也 輕 則 梩 皆 乎 而 明 上 Ŧī. 亦 可 孫 七 貴 立 在 之 主 於 加 爲 者之 百 之 無 之所 以 者神 知 荷 掩 而 於 主 或 厚 福 年 故 所 況 延 死 口 重 都 葬 耳 槨 不 近 者 往 以 長 也 者 則 以 物 墓, 稱 地 朽 固 能 主 不 且 死 而 謂 獲 其 亦 而 易 依 知 何 依 之 不 魂 則 歸 福 不

使

果

此

術

爲

不

可

廢

則

以

其

説

明

邪

説

之

害

人

豊

不

甚

於

洪

水

猛

獸之災

乎

夫

爲

其

所

惑

不

足

惜

也

賢

人君

子

亦惑之。

其

所

惑

不

足

惜

也,

士

大夫亦惑之;

兄

弟之禍

而

剪

以

爲

仇

則

天

理

泯

滅

盡

有

念之利

心

而

極

於

無

所

不至。

省

至屢

掘

父母之屍

而

遷

以

徼

福

陰

遺

是

謀

墓

地

構訟

連

年

-,家業

先

傾

亦

不

自

爲

衙

笏

可

以

出文官,

旗

鼓

可

以

顯

武

將

於

士

所

愚,

假

非

古之新

物,

象

無

情

之

舊

Щ

以

旁枝

此

何

心

哉

?

心

惟

溺

於

所

好

遂

爲

術

某

地

當

興

某

地當絕,某

地

利

長

枝

某

地

利

則

如

司

馬

温

公所

謂

免於

Ŧi.

患

足

矣

而

必

謂

根

則皆

爲

利

耳

何

則

欲

求

體

魄之安,

?

於此

心,尚

未

失

葬

埋之初

意

也。

然

究

其

安,則子

孫

不

靖

此

理

固

誠

有之,使

果

者

必

日

葬

地

不

吉

則

體

魄

不

安;

體

魄

兆

域

有

常

處

曷

嘗

擇

地

哉

今之

擇

葬

地

説 惑 術 文 此 但 其 其 鬼 求 所 神 福 以 情 之 害 狀 心 道 原 也 不 則 如 加 借 此 尊 自 而 祖 欺 敬 以 宗 禍 似 又 福 亦

甚 風 水 之 説 若 以 教 尊 祖 敬 宗,

禄命

明、或 以 推 得 推 大 此 蓋 形 知 初 言必 也 之,則 至於 生、神 常其 歟 爲 相 所 而 陰陽之氣 未發,此時 人 無 壽 知 能 定之數 列 强 夭、貴 是 也。 子 限 李 一、或 陰 發 流 未 互 有「 理 也。 虚 陽 生 爲 弱 昔 哉 默 則 中 尚 賤 之用,則 進 力 勝 此 萬 人 運 胎 夫「 有 屬 以 退 命 謂 負, 爲 利 於 象 元 有 混 然終屬 勢 禄 「禄 氣 不 雖 9 歲 始 可 故 沌 不 有 王 人事 數 利, 八月、 憑, 具, 不 生 得 同 命 盛 充 之 一之數 直 矣。 其 以 之 百 衰 有 而 而 可 可 日 氣 人 有精 不 形 數 得 以 定 術 起 辰 然 禄 測天, 失 者 時 因 氣 而 勝 而 支 於 其 自 於 命 或 之中, 之 未 推 有 曆 有 干 亦 不 香、 起 全, 測 豈. 生之 衰 者 生 非 有 皆 可 矣。 也。 或 神 所 彼 口 旺 而 口 極

聖 事 避 之無 能 肆 於 常 但言脩身、 所 知 游 獲」之學亦 以 或 才所云者。 有 坑卒不皆 限 其 功 也 天 生 之善惡 中 而 處常吉矣。 心 所 亦 哉 名 命 一禍福 益 無 高 不 所處 而 無 所 也。 當其 自 於 遠 及, 立 如 善 求 不爲,當其 之惑 也 常 若 立 犯 而 之何 此 命 大有害矣。 況 天命 人 者 猶 命 限 不 凶 衰 在 天 自惡 人所 遇之,當其盛 乎? 罕言 滋 矣。 在 刑 於 時 也 地 則 非 氣 氣 己。 則 之 天命 功 不 貴 盡 所 之, 然則 數之 衰 數 夫氣 身退 遇 性 變 必 利 人 遭 時 聖 而 難 之, 者 求 而 在 不 之 亦 盛 吉 則人 必 數 而 況 人 我 也 不 置 皆當六 異 盡 X 當 時 衰 不 盛 免 所 能 於 預 怒 之 其 則 也 於「先 求之則 其 베 可 於 衰 壽 謂 期 知 幾 盛 而 道 何 術 易 亦亦 刑 夭、 合 知命者 蓋 故 無 時 行 亦 者 雖 聖賢 理之 難 所 貧 徒 則 在 如 而 多 必 富 之 其 後 足 志 顯 吕 有 口

此 景 氣 亦 哉 濂 説 相 而 混 須 作《禄命辯》議 談 終 命 爲 ,但七政之外以 不 + 者 兼 能 一曜,則 推 廢 五 論 邪 星纒度,若 誠 極 説 有所 歲、孛、羅 精 入人之深 當 不 而世人 通 論 者 七 計 焉 政 有 迷於 如 餘 宋 理

相術

杜牧、 本矣。 矣。 高 以 以 精 陰 形 福 其 體哉? 德 術 人能 所 韓愈、 其容俯 相析」比 孔門 改 惑 脩 相 亦 將 聽 德 皮日 者,故 每 自荀況作《 有委 仰」之占,所 之「 則 奇 言」、「觀 休論 有 中, 禄 相 於定 形 命」尤有 但 當 容 相 人深信、 先 非 皆 忽 命 眸子」之法,「 論 相 變,如裴 以 原 而 於心, 》以後 其心,烏 實 怠 觀人者 喜談 理 於 可 脩 曹植 晉 庶 稽 蓋 執 幾 德 在 其 玉 知 如 故

> 相思過半矣。 此,此豈外於心哉? 學者以此自考,則

於

占夢

也。 其 夢」,即占夢所掌之「六夢」也。 而 官以掌占「六夢」之吉凶 武王夢、卜相參之證 古之卜者參之以夢,故 先見」,與「見 訊 三夢」之法。《太誓》曰 正夢」,乃無感 咸 偶 言 之占夢」者是也,但太 夢者 則 大 噩、思、寤、喜、懼 物 也 有 一、人精 觸 所 其 而 倚 乎 占 言 即 神 而 蓍、龜 亦 所 自至,即 則 太 如 也 窹 有 1 五 是推之 太 動動 所謂 所 夢 「朕夢 而 1 而 , ~ ン,自其 感 乎 미 太卜之「致夢」 · 掌 又 ト所掌 Œ 即即 占 觭 四 協朕 而 專設占夢之 「三兆」必 月》 者 體 夢 占夢所謂 太 本 己。 即 ·有此 詩 ١, 也 之「三 義同 若 所 所 幾 此 兼 之

天 地 陽、 日 月、 星 辰 之 生 尅 亦 小 誠 數

《左傳》昭 在權 陽、日月、星 子 之夢高 而 耳,豈不滋惑哉? 晉文公之夢伏楚子,争勝之感 心之感也;牧人之夢魚旟 而言 後 臣, 知吉凶 唐,情慾之感也。 夢 雖出於望治之誠,而春秋之世 三十一年十二月辛亥朔,❶趙 雖吉 一哉? 辰 之數,其大致可 而 若孔子之夢 遇 夫高宗之夢 則 凶,此 占者奚待於他 無心之感 即天 也; 周公,自 知已,豈 良 丽 楚 地、 襄 也 有

其所以不 願於外 言也。 之擾擾 謂 莊 夫夢 蓋聖人 謂其時聖猶 子自言「甚矣,吾衰」,則志不 公,不願乎外 萌 「從心而不踰矩,老而安死,然後 子曰「古之真人其寢不夢」,此忘世者之 于 本 四 、之夢 文中子因曰 神幾 耳 乎? 不夢也。 方 以 未至 猶其 且 可 贈 也,則皆莊生之遺 以 兩楹 豈聖德至此 惡 、畫之有思也,但不若 ,而於矩尚不 觀 夢」 「至人無夢」; 德 之夢 跳雖聖 則 在 衰 其 人亦 世 方至,而 在於周公,此 能 臨 之惑 張横 無踰 意 不能 不 耳。 道 則將 世人 始 夢 渠 邪 無 也 ? 周 孔 亦

説 理 編 卷 之十 五 级

古

合

乎天命矣,豈有

他

術

推

測

哉

故

祥、有不

祥,而

占有

應、

有

不

應,君子

至

一誠、先

知之道

而

己。

若占夢以「

冬聘王夢,獻吉于王,❸王

拜受之,及舍。

夢

出

一於無

心,而孔子之自占

知

其

將

則

郢,而又知其

弗克乎?

至

於兩楹之奠,

則

賓主對待

論生尅,占其六年

此月

吴當

子夢童子倮以歌,而史墨以

日

月、2星

辰

之

若

陰

政

孔

求

王

簡

吉」下、《周禮・春官・宗伯下》有「夢」字。

墨」,原誤 原誤 作「魚」,據 作「二」,

説理會編卷之十六

吴袁洪愈訂正

文中子之學

諸

其 啓之也,亦 觀 孟 龄、 杜 又文辭簡約 居 時攀 軻之 求 志 文中子 如晦、魏徵、杜淹 **徒**,程 龍附 ,若將終身 ,豈過許 可謂 將以 鳳,翼 王 子 通教授 有用之學矣。 稱 哉 ,所著《中 反朴還淳。 其 成三百載 爲 河 陳 隱德 但 汾,以 當當 叔達諸公,唐貞 説 其弱 君子,先師 之基業 阮逸稱 其門人 》皆非空言 道自任 冠時 其 皆 分房玄 爲 稱 通

其 房、 有 孔子也。 監察御· 房玄龄、 辜,於是無忌與淹有隙,而 亦 家不足怪矣。 獲罪。 而 傳。 唐通 亦不可以 本 志 非 》,房、魏諸公傳 由 與撰 不 杜數公爲其徒, 魏諸公信道不篤,不能如七十子之服 不 經 焉。 通 用。 録》謂 夫通 羈 濟 門 馬,然皆 時杜淹爲御史大夫,密奏凝直 史,彈侯君集,事連長孫無忌,由 杜 人,則 後 挾 無忌掌撰《隋書》列 或 爲終身難改之過,惟以通弟凝 之穢 如 其 策 疑 晦 有 而 以 當 責房、魏不能揚 歐 行未必有 唐 輩 穢 避 招 干 時 陽 中畧 行,爲史臣 亦未有救正 尤 無 隋 魏徵 劉 皮 永叔、宋景文脩《 文,失 速 忌之權 禹 日 没謗,實 實 不及通姓名, 錫 雖總領史 之,然或少年事 休、 亦 於 王氏兄弟 謂 司 傳,其削 所 在 不 者,亦 師之道、蓋 不能執 空圖 其門 削 待 此 事 故不立 其招 矣。 . 皆 因 可 皆 叔 通 言 以 唐 見 達 世 抑 非 爲

言 邪? 非 出 不識 煬帝 生 相 亦不知其言之信 前之人哉 合者,今亦 朗、李德林、薛 泛交之語 三年轉懷州 一、二歲耳,然曰「歲餘」,而 無 不 軋 不 繼 忌所撰 從 子烏能白於後 縊殺,其子收出 本 識本生者也。 蓋傳聞 今觀《 雖門 夫 父孺,以父不得死於隋,不 於 生。 德 耳 ? 人亦 脩 中 其 故 各 云耳 者, 刺史後歲餘, 然考之唐史,言收 李德林之卒, 説 而 爲 有 道 爲 有 謗 苟 門 ,豈謂其面 衡 説 否也。 所 亂辭 意者《德林》、《道 世 非 自 與, 人信 三事稽其 與 焉。 繼從父孺,長 邪 大 避 諸 自 以 言 形 《薛道 公問 矣。 古 其 則此 疑 以 迹 「有之。 傳 問 日 人之信《中 不 考其行 年次,似 難 惟 載 而不能 時 道 衡 明言其年, 之 聞 百七 晁 於 通 · 肯 仕 於孺 傳》以件 衡 辭 禮 開 約 氏 子 衡》 權 使 年 則 於 以 有 亦 則 也, 傳 罶 惡 歸 歸 非

周濂溪之學

則因 之説 《誌》言《太極圖易説 本」。 説 非 皆爲先生所 清逸《墓誌》謂 非 陳摶、种 止 》、《易通 其至者也。此言 又加圈 有《太 亦以《 義 爲种放之學者,②此特其學之一師 周子《 竊謂《 則 放、●穆脩,而 甚 太極 極 於 太 》,乃斷 易説》 著,而 精 圖 陰 極 先生所著 也。 圖 圖》 陽之中, \forall 而 於《易 然 即《太極 爲未 卷 未爲 朱内 爲《易説》 以《太 不謂 外 胡 盡 説》則 亦 有 非 翰 有《太極圖》、《易 五 之《 善矣,特以 頗 卷 是。 圖 極 謂 峯 支 圖 説》 太 也 亦 此 卷 日 朱子 離 圖 以 極 復 也, 世 是 爲 圖 之傳自 而 有 據潘 一無傳 先生 周 蓋 出 説 周 大 耳 子 潘 子 有

[「]种」,原誤作「冲」,據文義改。

證 易 以 論 師 太太 也 也 見 傳 ,斯其 不 意 極圖》詳見第 然則周子豈 欲 至矣」一言觀之,則又《易說》之 顯 於 圖 言 其 蓋 非 有 一復别 一卷「理氣」條 ''**,** 而 光 作 有一《易説 **^** 易 以 説 結 下。 語 於 》乎 大 其 哉

《庸》、《語》、《孟》並行可也。《通書》之言得聖人之異,可謂能入室

程明道之學

第 謂 三卷 内 外 明 合一矣。 道之學近 「謹獨」條下。 於 有「論《定性 貫」, 觀《 書》之説 定 性 書 口

程伊川之學

伊川之學執持不失其正,但於文義上

夏之 講 雖 明 求 道 流 ·, 未 亦不 可 此 盡 能强其合一 精 謂 進 德 不 性 用 也。 久之當 事 也 自 此 孔 門 達 游、

總論伊川康節

焉。 悦 偏 無 蓋 111 着 以「鄉愿」看 時 而 IF. 於迹 伊 ,自外觀之,人品甚高, 有 中也。 仍執「兼愛」,是皆豫 ,然當其爲我 以子莫爲 所 今觀「子 川之拘轍迹, 先 事 不 ,循守繩 師 至 似矣。 嘗 而 蓋 作 執 謂 其 ·莫 應之,無 鄉 「爲 伊 所 墨 執 時 中一]1] 執之「中」是心體澄 我」、「兼愛」之中 仍執 中」,若 而 康節之混 鄉 似 非 謹 愿 所 子 隨 有 「爲我」,當 經 厚 莫, 所 閉 時 依 非 綸 脩 待 以 藏 聖 此 裁 世 康 飾 處 而 塵 解 節 制 人,人人皆 中 擬 一、各有 不能 點 是 也 似 其 也 似 議 僞 執 鄉 兼 無 以 似 取 愛 所 又

三六

則 因 獨 其 以 知 見 所 焉 不 處 似 不 以 能 求 無 其 欺 所 則 似 康 而 節 二子之學術 有 所 不 似 亦

邵康節之學

於 於經 見 怪,聖人豈爲之哉? 只做 未 未嘗有遺棄 之學,有天德 豪 第十 敢 窮天下之變以 也 以 僭 濟、及遊 康 五 但明 爲 便 節 卷。 必 宜 雄 道 事 然 事 才大畧,玩 一四方 而 物 耳。 稱之爲「 語 此 爲《 時 王道,其要常在「謹 而 却 蓋當其少 觀物》, 恐康節 歸隱百源 是 餘論《皇 内聖外王」之學, 莊 心高明, 不 列 則 時,慨然有 · 及此 遺 ,便順自然 近 極 真天 風 於索隱 經 也。 世 挺 獨 至 志 則

事 康 節 天下 天 津 將 橋 治, 聞 杜 地 鵑 氣自 北 知 天下 而 南 自 天下 此

> 矣。 則其 所以 也; 此 不 其 至巳 也。 南 方之午,以 將 離 氣常聚, 亂 爲 杜鵑,南 地 收 亂之成也, 歲 于 蓋 而 地 相 常常 藏 、陽,故 陽 極 陰 氣 也 萬萬 ,專務變更」,則似以 根 燠 陽之大分也。 聚 次 自 於北方之子,以 可 方之鳥也。 物之所以 則 而降於北,至亥 其 南 陽之極也其 知, 隨 静而 氣常散,散 而 人 而天下將亂之幾 北 事 多寒; __ 所 生長 此 天津 感 洛陽, 體 從 陰 也。 則 次 但謂 不 而 橋 意推説矣。 實 之極 動 離 而 聞杜鵑聲, 北 極,萬物 理 陰根於 而 升 于陰,故 示 方之地 上 也其用 於南 在 見 燠。 年 此 之 得 南

司馬温公之學

篤 安危爲已任,人皆信之,不但 志 力 司 行 馬 温 言不妄發。 公自 少 勤 學, 其 在 於 田 相 書 位 父野老、 無 不 以天 下 婦 而

不察 其 餘 居 天 論 論《潛虚》見第十五卷。 女子知其賢,雖遼、夏之人亦必問公起 為,此 説 民之變化 其 不本 誠 孔子所 意足以感 中 也。 和 ,可以爲社稷臣 行之而不著焉 以 動人而 爲「知德者鮮」歟? 能然 而未 習矣 乎? 可 而 以 但

張横渠之學

道之事 《中庸》稱舜大孝意 所以爲 龜山言「知其理一,所以爲仁,知其分殊, 仁、孝合一之理,所謂 、智,仁、智合德,所謂「行之者一也」,是 一誠 張横渠作《 一,而 亦知要之言也。 丁,以 義」, 以 著事天之實,則若泛舉耳。 李延平揭 「謹 西銘》,以事親言 獨」爲要。 同。但《中庸》工夫本 出「知」字,欲人着 理一而分殊」也,與 然理只是仁、義、 **一**西 銘》旁引盡 事 天, 明

> 着 分殊」。 一上加 力者,蓋亦以工夫言耳。 理一」,而其散於萬 一「知」字哉? 道從德出 其 體本明 事 其欲於「知」字上 ,則達道 7,奚必 也 於「理 是

浮 蓋 與 也。 覺有心之名。」上二句以「出於天者」言也 爲萬物,萬物不 水。」又曰:「太虚不能無氣,氣 爾。」此即 交之客感爾。」此即其所謂 無形,氣之本體,其聚其散,變化之客 下二句以「具於人者」言也。 有道之名,合虚與氣有性之名,合性與 沉、升降、動 本《中庸》已發之「和」而言。 「氣」自爲 「至静 又曰:「氣聚 《正蒙》言:「由太虚有天之名,由 其所謂「天」與「道」者也。 無感,性之淵源; 屈 伸 (静相感之性」,蓋本「率性 能不散 也。 散於 又曰「太和 而 太 爲 虚 太虚。」是 猶 性」與「心」者 有識有知,物 又曰:「太 不能 又曰「中涵 冰 所謂道」, 凝 不聚 釋於 氣 形 虚 又

神, 也。 絪 虚 粕。 乎 亦 太 則 其 順 知 太極 性 天 緼, 甚 虚 神 之始 則 道 其 者,言其 中,性 合 精 又以 妙 即 必性與 處 而 不 從 不足謂 來 散 日 應 其 言 反 妙 即 離 微 殊 也 ~,但以 所 鬼 爲 清 起知於《易》者乾乎」, 坤 在 至 乎陰、陽, 幾 始」者指「 是 天 而 神爲 謂 至清之氣耳。 神 爲 道 著 虚 微 之太 理 道 口 曰 濁, 而 太虚 中, 而 也 易 象 合 清 二氣之良能。 氣 是 以 散 簡 和一, 濁 爲 通 虚 一而後 故曰「效 爲 而 天 猶 爲清 幾 生 則 氣 必 其 爲「虚」, 地 萬 亦 絪 有 礙 假 則 而 究 清 不 物 法 緼 謂 一,與 清 氣 古 又曰「不 言 礙 通 也 雜 象 相 之 法 則 以 以 則 乎 廣 爲 盪 而 即 有靈, 則 成形 無 朱子 氣 於簡 此 陰 誠 形 大 神化 而 不 天 所 勝 礙, 化 · 如野 其 堅 可 其 德 質, 負 爲 者 又 則 之 無 固 自 之 而 以 説 消 道 馬 太 爲 礙 故 然 良 口 坤 屈

> 也; 無 説 智咸 生於「無」,釋氏以「大地 有」可 ,諸子之陋」,則 似亦 也, 具 無聲 也 於 無 則 ,謂之「無」可 無 害。 不 者之爲 ·若以 臭」者,「 蓋「有物」「有 亦 「健」名天 直 调 無」也, 矣。 截 也,雖 Ш 耳 河 則」者 而 爲 老 而 如 謂 氏 「見病」之 此 以 則 義 有有 言 「有

後 甚 然億説 記之,此 雖 罕 勇 未 見 合 往 横 正蒙》之書出於思索,一 亦多, 渠所 一,而 其 其 推測 比。 以 見 勇於爲義,亦子路之亞 不可 之知 禮爲 甚 但其 精密,其擔 以 教 立言不若孟 不可 爲 亦甚 雖 合一之學也。 其 一切實, 所言 當聖 有 每 子 自 所 有 見 之 孟 焉 得 子 道 其 則 主 以 學 亦

却 從 説 動 子 「人之所以 厚 説 聽 驢 自 然 鳴 異 非 於 與 本 自 禽 體 家 熠 之 者幾 意 真 思 樂 希」,於「 也 般 只

腦

而

簡

易

易

知

然

亦

輕

視

也

焉 犬之性猶牛之性,牛之性猶人之性」矣。 此 見 與 得 任 分 氣自 明, 然之樂 則 反 大 身 不 而 同也。 誠 樂 莫 否 則 大

總論張横渠邵康節司馬温公

暗 夫、君實爲稍 無 堯 夫 不 室,雖謂之不 雜者焉,若較 明 司 道嘗言:「不雜者三人: 馬 君實。」夫三子持己 醇耳。 雜 可也。 其優 劣 但其 則子厚 所 盡 張 見 誠 子 比 則 不 厚、 之堯 不 能 欺 邵

程明道李愿中體貼體認天理之辨

之而 字却 在 多言,但默 見 是 明 得 自 道 親 嘗 家 切 言 體 坐澄 也。 貼 吾學 出 小 李愿中言「學問之道 來」。 雖 體 有 認天理,若見一毫 所受,『天理』 體 貼 者 身 不 有

> 認」者,省察之意,不 私欲之發 亦 退 聽 矣」, 可 則 便 自 以 用 爲 功 義 襲 而 言 也 體

朱晦庵之學附論陸象山

焉。 可 庵 從 本如 文字也。 學,類非無用之空言,自 氣 短,然效先覺之所爲,以明善復初, 張子之外莫之能過也。 學 讀書」、「講學」爲 善 見其心誠於爲道,而 本 魄 開 體 之,不以所見之不 故浙東之政,象山稱之, 此,由此 晦 上擴 明其 其 庵 至其立心制行之誠 所 之志欲 心也。 充 論 日 可可 述 新 繼 皆 亦臻精妙。 第一義,爲 以直超上 往聖, 孔門中人 明明 無所 合而 德 雖 秦漢 開 二、「新 其 私 達,然 來學, 遂相 則皆 荆門之治,晦 以 陸象 但陸 論 以 也。 下之教 「致 來周、程 民 非毁,此 學者當 [無可 亦 象 Ш 是 則固 二之實 知 一之所 山 不 何 議 等 廢 則 以

助, 先 慎 求 非 獨 其 陸 佛 象 之要 誠 氏 山 意 「無所 之所 從 功 尊 也, 住 德 在 性 而生其心」之比也。 故 而 上 已矣,豈 其 道問學,此《中庸》 謹 禮 之嚴 미 妄 議 無 哉 所 正

陽明致良知之學附論湛甘泉

者也。 之明 而 其發端之善,則 無遺,但恐學者從 節次? 主於「隨處 各 知」之説近於「虚 助。 混 立 命,其 是 先 一家, 非 師 殊不知 | 致 | 則 其言簡易直截 之本 與 本體 體 先 甘 師 認 良 復 心 泉 虚 有何 則主於「致良 其 天 乎? 知即本 翁 而 「自然」上説「知」,不本 本體 理」。 同志 無 () 體認 主,將 天 着 中間 心之明,自然 而 友 議者 ? 理 天 徹上 也。 即 理」之説 不 身體力行 知」,甘泉 有多少工 或 一徹下, 良 以 二公之 謂 知 生爲性, 也,天 致 近 而 則 夫 於 良 動

> 恕」, 謂之「助」? 主,若其人品優劣,則君子固有定論 雕,此下學未見頭 不免於「助」耳。 則如《論語》之言「一 省察之,以 隨 處 乃隨 體 認 事精察之功 認 天理」 但 其 是處 云 此特言二公之見各有 腦 則 之 隨 所 貫」,可以 如《 也, 事 處 謂 論 也 但 則 體 語》之言「忠、 着於聲色, 未 認」也 若「致良 直超上達; 免物 物 惡 知 所 則 刻

陽明之學由王司輿發端

鄉 信於時,惟 學者守成説 轅,字司 類莊、列,詩 朱子註 人熏其德者皆樂親之。 子 少 輿, 説多 師 陽 偪 Ш 黄 不敢 不 明 陰 唐人,讀書不牽章句,嘗 雤 得 先 人,勵志 子。 有 經 師 非 意 與之爲友。 黄 議朱子者 轝 力行,隱 少學爲 成化、 子 姓 故故 王, 弘 居 古文,絶 獨破 治 獨 間, 見 文 H

契矣。」

「使王司輿在,則於吾言必相之,嘱曰:「使王司輿在,則於吾言必相之,不動,語人曰「伯安自此可勝大事矣」,命,見黄轝子,黄轝子欲試其所得,每撼激説,蓋有所本云。及陽明先師領南贛之製矣。」

說理會編卷之十六終

四庫全書總目提要

説理會編十五卷浙江巡撫採進本

作。 猶《録》之次及於致知、存養、克治 著 首及道體論也;繼之以實踐、賢才者, 守仁於濂洛,而此書則倣《近思録》 書。凡疑難之説悉辨明之,其意 姚江之傳,而同門之士傳布師 下、恐其爲説既長、或乖典則、故輯 一,其先之以性理、聖功者,猶《録》之 録。 《近思録》分類十四,此分類十 明季本撰。 本爲王守仁門人,自序 本有《易學四 説 謂 同 蓋 遍 親 擬 此 而 天 聞

是、朱之言以證良知之説,則猶守仁程、朱之言以證良知之説,則猶守仁之辨别異論,總論聖賢也。其間巧借之辨别異論,總論聖賢也。其間巧借之辨別異論,總論聖賢也。其間巧借以,推之於政治者,猶《録》之有治道、

《儒藏》精華編惠蒙善助,共襄斯文, 謹列如左,用伸謝忱。

本焕 法 師

智海企業集團董事長 馮建新先生

NE·TIGER 時裝有限公司董事長

張志峰先生

張貞書女士

付 剛先生

文 哲先生

壹佰萬元

壹佰萬元 壹佰萬元

壹佰萬元

拾萬元

伍拾萬元

北京大學《儒藏》編纂與研究中心

本册責任編委 甘祥湖本册審稿人 丁如明 馬

婧 孫通海

Document generated by Anna's Archive around 2023-2024 as part of the DuXiu collection (https://annas-blog.org/duxiu-exclusive.html).

Images have been losslessly embedded. Information about the original file can be found in PDF attachments. Some stats (more in the PDF attachments):

```
"filename": "MTQyNzA3MDMuemlw",
"filename_decoded": "14270703.zip",
"filesize": 237407247,
"md5": "89ebb869ef13a68b31c43419ed933856",
"header_md5": "22df513deaccbcffe36c0383e88c1ad9",
"sha1": "10a0ca20675c4f57f656cb30248c9a004ba7570d",
"sha256": "3539b6b24534860a57d83ca2035559c56d1598a893bbc3ff18f7bac05ffd7ad7",
"crc32": 851662060,
"zip_password": "",
"uncompressed_size": 262260084,
"pdg_dir_name": "",
"pdg_main_pages_found": 582,
"pdg_main_pages_max": 1318,
"total_pages": 591,
"total_pixels": 3508144000,
"pdf_generation_missing_pages": false
```